

**SUMMA
QUAESTIONUM
REGULARIUM SEU DE
CASIBUS
CONSCIENTIAE AD...**

Juan Bautista : de Lezana,
Giovanni Battista Coccini





f1

8
II
I

441

1

Bibliothèque J. Panzalone
Scholar & Harvard



S V M M A
Q V E S T I O N V M R E G V L A R I V M .
seu 441
D E C A S I B V S C O N S C I E N T I A E .

*Ad Personas Regulares utriusq; sexus
spectantibus.*

vbi

*Multa Præsertim iuxta noua Decreta
Summorum Pontificum et S. Congregationum.*

Ad Cms. et R. Dnm.

D. CARDINALEM PIVM
EPISCOPVM PORTVENSEM.

per

P. MAGISTRVM F. IOANNEM BAPTISTAM
*de Læna Hispanum, Saxonie Prouincialē
et Sociū Generalē Carmelitarum*



ROMÆ

Typis Hæredum Gulielmi Facciotti

M. D C. XXXIII.

SAPTICIVM

PERIVS

13 2.5.15



EMINENTISSIMO PRINCIPI,
 ET REVERENDISSIMO DOMINO
 D. CAROLO EMMANVELI PIO
 S. R. E. CARD. AMPLISSIMO,
 ET EPISCOPO PORTVENSI.



Fr. Ioannes Baptista de Lezana Carmelita.



V A M (Emin.^{me} Princeps) sibi
 auspicata lucem, in lucem pro-
 dit mea hæc Quæstionum Re-
 gularium Summa, rata se, aut
 nullam perpeffuram eclipsim
 Tuæ benignitatis, vel semel ir-
 radiatam fulgoribus, aut quam-
 plurium quæstionum inuolucris digestam cogeriem,
 notam adulterinæ euitaturam, tuto Aquilæ Tuæ (quæ
 falli haud nouit) experimento. Nulli verò potiori iu-
 re, quàm Tibi fuisse inscribendam, qui non videat, vel
 si Linceus sit, in medio Sole iudicabitur cæcutire. Tua
 enim singularis illa humanitas, & beneficiorum mu-
 nifica manus, qua non totum modò Carmeliticum
 nostrum cætum, sed me etiam inter Sacræ Congre-
 gationis de Indice Consultores Theologos, Tuo co-
 optatum auspicio, benignè fouisti, qualecunque hoc
 tributariæ deuotionis monumentum expostulabat.
 Principum namque beneficentia, & si parem merce-

✱ 2 dem



dem (quod Regium est) non expectet, officiosam tamen grati animi Theſeram, non dedignatur. Accedunt egregiæ illæ Tuæ animi dotes, clarissimi generis splendore clariores, prærogatiuæ virtutum omnigenæ litteraturæ notitia præclaræ, cæteræq. veræ, ac generosæ Pietatis Tuæ noræ, quas mihi aliquando ad tanti Principis oracula assumpto licuit experiri. Accedunt incomparabilis illa prudentia, constans doctrina, & mira Ecclesiasticarum notitia rerum, quibus dum Purpuratorum Patrum Confessibus, quasi Luminare maius præes, *Pietas ad omnia utilis*, iuxta Paulinum dictum, iure nouo prædicatur. Quæ omnia ad Te non modò me excitatum concitare, sed impellere potuissent reluctantem, vt simul munificentissimo Patrono deuincti animi redderem argumentum, & plurimum operi à sapientissimo Principe, nanciscerer authoramenti. Minus dignū fateor munus eo Cardinali, cui familiaris à Iuuenili æuo Senatoria Purpura fuit. Excipias tamen exoro, qua soles benignitate, & qua consueuisti Pietate foueas, dum ex corde voueo, & Deum enixè deprecor, vt valeas, & Elianos potiùs, quàm Nestoreos viuas annos.

NOs Fr. Theodorus Stratius Magister, ac humilis Generalis totius Ordinis Carmelitarum, Auctoritate nostrarum serie Tibi dilecto nobis in Christo Adm. Reuer. Patri Magistro Ioanni Baptista de Lezana nostræ Prouinciæ Castellæ Nouæ professo Sacerdoti, Prouinciali Saxoniz, & Socio nostro, licentiam, & facultatem concedimus, vt seruatim seruandis, typis mandare possis librum, cui Titulus est, Summa Quæstionum Regularium, seu de Casibus Conscientiæ, ad Regulares vtriusque sexus spectantibus; recognitum, & approbatum à Viris doctis nostræ Religionis, quibus id commisimus. In quorum Fidem, &c. Dat. Romæ die 6. Martij 1633.

Fr. Theodorus Stratius Generalis totius Ordinis Carmelitarum.

Locus ✕ Sigilli.

Fr. Ioannes Baptista Cerutus Secret. Ordinis.

EX Commissione Reuerendiss. Patris Theodori Stratij Prioris Generalis totius Ordinis nostri Carmelitarum perlegi opus cui titulus est, Summa Quæstionum Regularium, à Reu. Adm. Patre Magistro Ioanne Baptista de Lezana Prouinciæ Castellæ Nouæ eiusdem Ordinis, & Prouinciali Saxoniz, compositum, in quo tantum abest, vt aliquid Orthodoxæ Fidei, & Sanctis Moribus repugnans offenderim, vt potius omnia, tum Sacris Canonibus, & Summorum Pontificum Decretis, tum Sanctorum Patrum, & Eruditorum Theologorum doctrinæ coherencia repperim. Et quoniam, quæ ad moralem Theologiam pertinent, & in pluribus diuerforum authorum Voluminibus leguntur dispersa, in hoc vno summa eruditione, breuitate, & dilucidatione reperiuntur collecta, ita vt hoc vnum pro omnibus computari merito possit, dignissimum censeo, vt ad communem vtilitatem, maioremq. commoditatem tam fructuosi laboris opus in lucem prodeat, typisque manderetur. In quorum fidem mea manu subscripsi. Dat. Romæ in Conuentu nostro Transpontinæ die 15. Ianuarij 1633.

Ego Fr. Dominicus Campanella Ordinis Carmelitarum Magister, & Lector publicus Methaph. in Gymnasio Romano.

Ex

EX Commissione Reuerendissimi Patris nostri Generalis perlegi Volumen hoc, cui Titulus est, *Quæstiones Regulares, siue Summa de Casibus Conscientiæ ad Religiosos pertinentibus*, Auctore R.Ad.P.Magistro Ioanne Baptista Lezana nostræ Sac. Religionis Alumno, ac Saxoniz Prouinciali. Et in eo nihil inueni, quod Fidei, aut bonis moribus repugnet: imò iudico esse opus, & doctrinæ subtilitate, & styli nitore, & rerum copia valde insigne, & Religiosis omnibus summo opere vtile, quod & typis excudi, & immortalitati debeat commendari. Dat. Romæ die 2. Martij 1633.

Fr. Ioseph Pandulphus Prouincialis Tuscia, & Regens Sanctæ Mariæ Transpontinæ de Vrbe.

Imprimatur,
Si videbitur Reuerendiss. P. Magistro Sacri Palatij Apostolici.

A. Tornilius Vicegerens.

DE mandato Reuerendissimi Patris Fr. Nicolai Riccardij Sacri Palatij Apostolici Magistri, legi hanc Summam *Quæstionum Regularium, siue Casuum Conscientiæ ad Regulares spectantium*, quam Adm. Reu. Pat. Mag. Fr. Ioannes Baptista de Lezana, illustrissimi Ordinis Beatæ Mariæ de Monte Carmelo alumnus, Saxoniz Prouincialis, & Reuerendissimi Patris Prioris Generalis eiusdem Sodalitij Socius, in lucem edere intendit. Nihil in ea offendi, quod offendant, aut à vera doctrina, & probis moribus dissonet; plura, quæ ad formandam vitam veri religiosi iuuare possint; & plurima, quæ authoris doctrinam, & pietatem ostendant; qui cum Hispanos, & Italos opere, & sermone docuerit, vniuersos his scriptis informabit, & instruct. Romæ die 2. Aprilis 1633.

Fr. Thomas de Herrera Heremita Augustinianus.

Imprimatur.
Fr. Nicolaus Riccardius Sacri Palatij Apostolici Magister, Ordinis Prædicatorum.

INDEX

INDEX CAPITVLORVM 5

QVÆ IN HOC VOLVMBINE

CONTINENTVR.



Cap. I.	D E obligationibus Regularium ratione status perfectionis,quem Profitentur .	
	pag.	I
Cap. II.	<u>De obligationibus Regularium ratione Professionis trium Votorum Religionis in communi.</u>	6
Cap. III.	De Regularium immunitatibus,& Priuilegijs in communi .	17
Cap. IV.	De obligationibus Religioſorum ratione Voti obedientiæ emiſſi in Professione .	30
Cap. V.	De obligationibus Religioſorum propter Votum Caſtitaſis .	40
Cap. VI.	<u>De obligationibus Religioſorum ratione Voti Paupertatis .</u>	45
Cap. VII.	<u>De obligationibus Religioſorum ratione Regulæ ſui Ordinis .</u>	75
Cap. VIII.	De obligationibus Religioſorum ratione Conſtitutionum, ſeu Statutorum Religionis.	86
Cap. IX.	De obligationibus Religioſorum, quæ habentur in Iure, vel Concilijs .	98
Cap. X.	<u>De obligationibus Regularium ad Conſtitutiones, & Decreta Summorum Pontificum, & S. Congregationum .</u>	116
Cap. XI.	<u>De his, in quibus tenentur obedire Religioſi Dominis Episcopis, & Principibus ſecularibus .</u>	138
Cap. XII.	De Religioſis quoad obligationem recitandi Diuinum Officium .	149
	De	

Cap. XIII.	De obligationibus Regularium, quo ad habitum Religiosum portandum.	167
Cap. XIV.	De obligationibus Regularium, quo ad Sacros Ordines suscipiendos.	17
Cap. XV.	De obligationibus Religiosorum, quo ad electiones faciendas.	179
Cap. XVI.	De obligationibus Regularium ad manendum in Monasteriorum clausura.	194
Cap. XVII.	De obligationibus Regularium, si fiant Cardinales, Episcopi, Abbates, &c.	207
Cap. XVIII.	De obligationibus Prælatorum Regularium, facultatibus, & Privilegijs ipsorum.	216
Cap. XIX.	De Confessoribus Regularibus, eorumq. facultatibus, & obligationibus.	269
Cap. XX.	De Concionatoribus Regularibus, eorumq. obligationibus.	293
Cap. XXI.	De obligationibus Sacerdotum Regularium.	302
Cap. XXII.	De Regularibus transeuntibus ex vna Religione ad aliam.	318
Cap. XXIII.	De obligationibus Religiosorum ab ordine eiektorum.	329
Cap. XXIV.	De Novitijs, eorumq. obligationibus, & Privilegijs.	337
Cap. XXV.	De Monialibus, earumq. obligationibus, & Privilegijs.	358
Cap. XXVI.	De Abbatissis, seu Priorissis Monialium.	384
Cap. XXVII.	De Iudice Regulari, seu modo Procedendi judicialiter in Causis Regularibus.	390



S V M M A
Q V A E S T I O N V M
R E G V L A R I V M ,

S E V

DE CASIBVS CONSCIENTIÆ
ad personas Religiosas vtriusque
sexus spectantibus.



DE OBLIGATIONIBVS REGVLARIVM
ratione status perfectionis, quem profitentur.

C A P. I.



LX triplici statu in Ecclesiâ reperto; quo-
rum primus est coniugatorum, qui vi-
tam communem, & adimpletionem so-
lùm præceptorum communium exigit:
& secundus Religiosorum, qui ad per-
fectionem tendere, consiliaq. Euangeli-
ca sectari profitentur: & tertius Epi-
scoporum, seu Prælatorum, qui perfe-
ctionem consummatam, & in factum esse
debent habere; certum est omnes per-
sonas Regulares cuiuscumque sexus sint, in secundo statu esse,
sub eoque militare. S. Thom. 2. 2. q. 183. & 186. Hic autem status
bene sic definitur, *status hominum ad perfectionem Christianam
per paupertatis, castitatis, & obedientia vota tendentium*. Bellarm:
to. 2. l. 3. de Monach. cap. 2.

Adumbratus est in lege Moyfi, & in lege naturæ. Plat. de
bono stat. Relig. l. 2. cap. 19. Perfectus, & consummatus à tempore

A

Chri.

Christi, & Apostolorum, qui fuerunt veri, & perfecti Religiosi. Vasquez 1.2. *dispt.* 165. *cap.* 5. Et amplexatus à Sanctissimis nostris Patribus Elia, & Eliseo, filijsq. Prophetarum successoribus eorum, D. Hieronym. *in epist. ad Paulin.* D. Idid. 1.2. *de offic.* *cap.* 16. Sixt. IV. Gregor. XIII. & alij Pontifices.

3 Hinc omnis persona Religiosa quæcumque illa sit, tenetur ex vi suæ professionis, tendere, progredi, & niti ad perfectionem. Ratio est; quia hæc est obligatio sui status, & in quo differt à laicis: vnde statui laicorum solum dicitur à Christo *Serua mandata*; statui verò Religiosorum, qui insinuat in illis verbis: *Si vis perfectus esse*, vlteriùs dicitur: *Vade, & vende omnia, &c. & sequere me*, per quod denotantur Consilia, ac per consequens perfectionis sequela. Suarez *lib.* 1. *de obligat. Religiosor.* *cap.* 4.

4 Non tamen tenetur Religiosus ex vi suæ professionis esse, perfectus in facto esse: Ratio est: quia status Religionis non est status perfectionis iam acquisitæ, qualis est status Episcoporum, sed est status perfectionis acquirendæ. Ideò enim vocatur Religio schola perfectionis. Quemadmodum ergo studentes in schola non tenentur esse docti, & sapientes, sed tendere, & conari ad doctrinam, & sapientiam acquirendam, ita etiam Religiosus non tenetur esse perfectus, sed tendere ad perfectionem. S. Thom. 2.2. q. 184. *ar.* 5. & 186. *ar.* 2. Abulens. *in cap.* 19. *Matthæi.*

5 Nec etiam tenetur Religiosus niti, aut tendere ad perfectionem per omnia opera consiliorum, aut supererogationis, sed per illa tantum, quæ sunt secundum Regulam, & Observantias sui Ordinis. Ratio est, quia non se obligavit ad aliam perfectionem nisi eam, quæ medijs institutis suæ Religionis comparari potest: neque Ecclesia obligat illum ad aliam. Solum ergo obligatur ad eam perfectionem, quæ media observantia suæ Regulæ, & Constitutionum adquiri potest. S. Thom. 2.2. q. 186. *ar.* 2. Sanchez 1.6. *in Decalogum cap.* 5. *nu.* 2.

6 Nec præterea tenetur Religiosus sibi persuadere se facere, profectum quotidie in perfectione. Quia hoc pugnat cum humilitatis exercitio, per quod iudicare debet oppositum. Hieronym. Gratian. *de Discipl. Regul.* *cap.* 9. *§.* 1.

7 Perfectio Christiana, quam profitentur Religiosi, & ad quam procurandam tenentur, consistit principaliter in actibus charitatis erga Deum, & proximos; minus principaliter in actibus aliarum virtutum. Ratio est; quia perfectio hominis in hac vita est illud bonum, quod est ipsi optimum; exercitium autem charitatis principaliter, & exercitiū aliarum virtutum minus principaliter est optimum homini, cum nihil illi melius. S. Thom.

2.2.q.184.ar.1.Hinc finis Religiosi status est vnio per charitatem cum Deo , & proximis . Indicatur hoc Act.5. vbi de Apostolis , qui erant veri Religiosi , & eorum discipulis dicitur : *Multitudinis credentium erat cor vnum, & anima vna.* Hieronym. Gratian. in *Discipl. Regular. cap.4.*

8 Hæc obligatio procurandi perfectionem , seu tendendi ad illam , in Religiosis est sub mortali peccato . Ratio est ; quia est de re grauissima , quam voverunt ; & in qua consistit substantia status Religiosi . Cordub. in *Reg. D. Francisc. cap.1.* Rodriguez 3.to. *Quest. Regul. q.48.ar.1.* Ista veritas (secundum Nauarr. in *cap. quia portio 12.q.1.nu.10.*) est terribilis multis Religiosis , qui neque actu , seu actualiter , nec virtute , seu virtualiter habent animum se in dies magis perficiendi in charitate ; neque curant plusquam boni clerici seculares , vel laici , ad eam tendere . Sanchez *lib.6.in Decalog. cap.5.nu.10.*

9 Num verò huiusmodi obligatio tendendi ad perfectionem in Religiosis sit distincta ab obligatione seruandi vota , & obseruantias Regulares , vel sit eadem cum illa ? Probabilius est esse eandem , & imbibitam in illa , sicut obligatio obediendi Deo , placendi Deo , & constituendi in ipso nostrum vltimum finem , non est obligatio distincta ab obligatione seruandi mandata Dei , sed in illa includitur . Ratio est , tum quia vt diximus *nu.5.* non tenetur Religiosus ad aliam perfectionem comparandam , nisi ad eam , quæ medijs institutis suæ Religionis haberi potest . Tum etiam , quia aliàs quoties Religiosus transgredetur votum aliquod peccaret duplici peccato , altero contra votum , altero contra perfectionem , quam tenetur procurare . Sanchez *lib.6.in Decalog. cap.5.nu.5.*

10 Peccat tamen Religiosus mortaliter contra hoc præceptum procurandi perfectionem . Primò , quando contemnit ea , quibus venit ad perfectionem . Quia hoc est contra votum professionis , quo Religiosus promissit vitam Regularem . S. Thom. 2.2. q.186. ar.2. & 9. Caietan. *ibid.* Secundò , quando transgreditur Regulam (etiam si ad venialem solam , vel ad nullam culpam obligaret) eo fine , vt impediatur perfectionem . Quia hoc etiam est directe contra id , quod promissit . Valentia 1.2. *disp. 7. quest.5. puncto 6. vers. primus casus est.* Vasquez 1.2. *disp. 158. cap.6.nu.57.* Tertiò , quando firmiter statuit apud se , nullo modo curare de perfectione sui status . Propter eandem rationem . Quartò ad idem , quando in animum inducit non progredi ad vitam perfectionem , ita vt apud se statuat , & dicat : Nolo ad perfectionem tendere . Quia in hoc deficit à fine suæ professionis . Bartholomæus

à S. Fausto de *Vit. propriet. cap. 1. nu. 10.* Tandem quinto, quando eius prauo exemplo alios induceret ad deprauatam vitam, vel relaxationem Regulæ. Quia tunc graue nocumentum Religioni, quam professus est, inferret. Sanchez *lib. 6. in Decalog. cap. 4. nu. 18.*

11 Addunt etiam alij peccare Religiosos, si intendāt nunquam proficere in perfectione, seu non facere alia bona, neque alio modo meliora, quam Regula, vel Constitutiones præcipiunt. Quia hoc est ponere obicem gratiæ Spiritus sancti. Cordub. in *Regul. B. Franc. cap. 1. q. 3.* Tho. de Iesu in *Epilog. Regul. Carmelit. §. ex bis ergo.*

12 Tunc censetur Religiosus contemnere perfectionem sui status, ac per consequens peccare mortaliter contra hoc præceptum, quando transgreditur leges suæ Religionis ex animo, aut voluntate non se subiiciendi illis; aut Superioribus præcipientibus. Ratio est, quia contemptus est actus formalis inobedientiæ, includens duo, scilicet transgressionem præcepti, & intentionem nolendi se subicere præcepto, aut præcipienti, tanquam causam transgressionis. Lessius de *Iustit. & iur. cap. 41. dub. 9. nu. 76.* Vasquez 1. 2. *disp. 158. cap. 4.* Vide dicenda *cap. 8. nu. 17.*

13 Transgredi verò Regulam, & Ordinationes Religionis ex prauo usu, aut consuetudine in rebus paruis, aut levis materiæ non est peccatum mortale contra hoc præceptum. Ratio est, quia actus isti quantumuis replicati ob paruitatem materiæ solam possunt esse peccata venialia. Azor. *lib. 4. Instit. moral. cap. 9. q. 11.* Quando autem per accidens possit hæc consuetudo esse peccatum mortale dicimus *cap. 8. nu. 18.*

14 Non tenetur Religiosus ex vi huius obligationis, seu præcepti, domitas, seu superatas habere omnes suas inordinatas passiones; sed sufficit, ut ad eas vincendas, quantum potuerit conetur. Hoc declaratur exemplo à S. Thoma adducto de duobus militibus, quibus Dux præcipit, ut fortiter pugnent, ac dimicent, quorum vnus ita hoc adimplet, ut inimicum vincat, & occidat: alter verò, etsi fortiter dimicet, & pugnet, inimicum tamen non occidit, aut vincit. Vterque enim suæ obligationi satisfacit. Sic ergo in nostro proposito. Ludouic. Mirand. in *Man. Prælator. to. 1. q. 5. ar. 5.*

15 Peccata Religiosi absolutè loquendo debent censeri grauiora, cæteris paribus, peccatis secularium. Primò, quia Religiosus cum sit specialiter dicatus Deo tenetur habere maiorem aduertentiam ad non peccandum, & placendum Deo. Secundò ratione aliqualis ingratitude ob maiora beneficia recepta.

Caict.

Caiet. 2. 2. q. 187. ar. 4. Suarez 4. to. de Relig. cap. 11. Per accidens tamen erunt aliquando leuiora. Quia si talia peccata sunt venialia, multitudine bonorum operum, in quibus Religiosus versatur veluti obruuntur. Si verò fuerint mortalia, facilius ob pristinam consuetudinem bonorum operum, & bonum exemplum aliorum retractari solent. S. Tho. 2. 2. q. 186. artic. 10. Valentia 2. 2. disp. 10. q. 4. punct. 6.

16 Aliqui dicunt, eo ipso quòd Religiosi ex vi sui status, & professionis deputantur ad aliquos actus, v. g. chorum, vel spiritualia ministeria; vel opera corporalia, si sint conuersi; teneri ex iustitia illa non ommittere, ita vt si omittant peccent mortaliter. Eo quòd inter Religionem, & Religiosum interuenit pactum quoddam, vt scilicet Religio ministret omnia ad vitam necessaria, Religiosus verò munus suum exerceat. Quemadmodum ergo Prælatus, si non tribuat vitæ necessaria Religioso, peccabit contra iustitiam, sic & Religiosus si non efficiat ea, quæ sui muneris sunt. Hoc verò ad minus erit verum, quando Prælatus præcipiat Religioso aliquid rigorosè, & exigendo ius suum. Suarez 4. to. de Relig. tract. 8. lib. 1. cap. vlt. nu. vltimo.

17 Præter obligationem communem omnium Religiosorum, tendendi ad perfectionem, Mendicantes specialiter tenentur ex præcepto charitatis saluti proximorum subuenire; scilicet confessionibus, prædicationibus, lectionibus, &c. Ratio est, tum quia finis prædicatorum est salus animarum. Tum quia sunt coadiutores Episcoporum, quorum proprium est hoc munus. Vt habetur in Conc. Meld. cap. 3. Rotomag. apud Burchard. lib. 1. cap. 88. & in Clement. dudum §. ceterum de sepulturis. & in Extrauag. sup. Cathedra §. finale eodem tit. iuncto cap. inter cetera de offic. ord. Bannez 2. 2. q. 33. art. 3. dub. 3. Thomas de Iesu sup. cap. non dicatis par. 5. cap. 1.

18 De specialibus autem obligationibus Religiosorum ad perfectionem querendam in specialibus materijs, seu medijs ad illam acquirendam, agimus sigillatim in sequentibus capitulis.

De obligationibus Regularium ratione professionis
trium votorum Religionis in communi.

C A P. I I.



D substantiam, & essentiam veri, & proprii Religiosi, quatuor conditiones requiruntur. Prima est, profiteri obedientiam, paupertatem, & castitatem. Innoc. III. in c. cum ad Monast. Secunda, ut hæc tria voto aliquo firmentur. S. Thom. 2. 2. q. ult. Tertia, ut tale votum emittatur in

Religione aliqua per Sedem Apostolicam (saltem his temporibus) approbata. Nauarrus comm. 1. de Regularib. nu. 18. Vnde Professio facta in Religione reprobata solum habebit vim voti simplicis. Quia ad hoc solum potest obligare. Sanchez lib. 5. in Decal. cap. 4. nu. 86. Vide dicenda infra num. 28. Quarta, ut promittens hæc vota constituatur sub iurisdictione, & potestate alterius. Vazquez 1. 2. disp. 165. cap. 4. Vnde Religiosus ex vi trium votorum, quæ in professione emittit, non est tam suus, & sui iuris, quam Religionis, sub cuius potestate, & iurisdictione constituitur. Rursus, nuntium prorsus sæculo remittit, ei moritur, & ad vitam Spiritualem se omnino transferens, Dei obsequio se mancipat. Sanchez lib. 5. de præcep. Decal. cap. 1. nu. 16.

2. Etiam vota, quæ emittunt milites S. Iacobi, & S. Ioannis, &c. constituunt illos veros Religiosos. Ratio est, quia promittunt obedientiam, & paupertatem accomodata instituto ipsorum: & castitatem, vel simpliciter, ut milites S. Ioannis; vel secundum, quid, scilicet coniugalem, ut milites S. Iacobi, &c. Sunt ergo veri Religiosi; siquidem profitentur statum non vitæ ordinariæ, & communis, sed altioris. Nauarr. consil. 11. de Regul. Suarez to. 4. de Relig. tract. 9. lib. 1. cap. 4. Dicuntur tamen habere, saltem aliqui illorum, priuilegium Pontificium, ut non comprehendantur sub iure aliquo Religiosorum, quantum ad odia, & rigores. Quaranta in Summ. Bull. verb. Monast.

3. Non solum vota solemnia, qualia sunt in omnibus Religionibus transacto anno nouitiatus; sed etiam vota simplicia, quæ emittunt Patres Societatis Iesu post biennium approbationis constituunt verè Religiosum vouentem. Ita definitum est à Gregorio XIII. Extrauaganti Ascendente Domino. Vnde de hoc non licet dubitare. Ratio etiam est, nam illis conueniunt quatuor con-

conditiones assignatae supra nu. 1. Neque obstat, quod talia vota non sint perpetua ex parte acceptantis, cum sic vouentes à societate expelli possint. Sufficit enim quod ex parte vouentium sint perpetua. Vazquez 1. 2. disput. 165. nu. 19. & alibi. Sanchez de precept. Decalog. lib. 3. cap. 1. nu. 6. & sequent.

4 Etiam conuersi, oblato, seu donati Religionum, qui veram professionem trium votorum sub Regula approbata emittunt, sunt verè Religiosi. Quia id sufficit ad statum Religiosum. Graffius 1. par. Decis. lib. 3. cap. 3. à nu. 85. Hinc tales sunt etiam personæ Ecclesiasticæ, & gaudent priuilegio canonis, & fori. Silueft. verb. Ecclesia 1. q. 5. Miranda in man. to. 1. q. 29. art. 3. Vide dicenda cap. 3. nu. 18.

5 Non solum professio expressa (illa scilicet, quæ fit verbo, vel scripto vouentis tria vota) sed etiam tacita (illa scilicet, quæ fit portando habitum proprium, vel exercendo propria professionem) constituit verum Religiosum, seruatis conditionibus à Concil. Trid. sess. 25. cap. 15. designatis. Ratio est, quia antiquitus vtraque erat valida, & per Concilium non est sublata professio tacita. Nauarr. comm. 4. de Regul. Miranda in Man. tom. 1. q. 24. art. 12.

6 Quamuis obligatio orta ex votis solemnibus emissis in professione Religiosorum sit perpetua, potest nihilominus Summus Pontifex ex suprema potestate, quam habet, in illis dispensare. Tum quia id sæpius fecisse testantur historici; tum à simili de matrimonio rato, in quo etiam potest idem Pontifex dispensare: tum etiam, quia in tali dispensatione nihil fieret contra ius naturale, aut diuinum. Caiet. 2. 2. q. 88. art. 11. & in quodlibet. Michael Medin. de Sacror. Homin. contin. lib. 4. contr. 7. cap. 9. Vt hoc licitè fiat, desideratur publicæ utilitatis causa, & vrgentiissima. Sanchez. lib. 5. de precept. Decalog. cap. 2. nu. 3. Vbi etiam in sequentibus, an sit integrum Pontifici dispensare cum Professo, vt matrimonium ineat ad tempus, ad habendum prolem.

7 Post Concilium Trident. quinquenij tempus determinatum est Religiosis ad reclamandum, seu allegandum non esse professos; quo tempore elapso, nullatenus id possunt facere. Concil. Trid. sess. 25. cap. 19. Bonacina in tract. de clausur. q. 2. punct. 19. præsertim diff. 4. Hoc tamen intellige, nisi allegauerint legitimas causas, ob quas non potuerint intra prædictum tempus reclamare. Quia ita piè interpretanda est mens Concilij. Ita probabiliter Nauarrus comm. 4. de Regular. à nu. 71. Intelligitur etiam quoad forum exterius: nam quoad interius forum, si professio fuit nulla propter metum, vel consensum coactum, nulla

erit per se obligatio. Cum nec Summus Pontifex possit efficere, ut consensus coactus, durante coactione, sit liber, & spontaneus, qualis requiritur ad professionem. Nauarrus *ut sup. nu. 71. & 72. Miranda in man. to. 1. q. 30. art. 1.* Hoc tamen decreto non obstante, poterunt Prælati Religionum, etiam transacto quinquennio, eicere Religiosum, quem nouerint habuisse in professione defectum alicuius conditionis irritantis illam. Quia Concilium solum videtur determinare illud quinquennium pro reclamatione Professorum. Laurentius de Peirinis *to. 1. de Subdito q. 1. de obedientia cap. 25. §. 4.* Ipse autem Religiosus inualidè professus, dum eicompus non vacat ad reclamandum, quia est transactum quinquennium, tenetur ad ratificandum professionem, saltem, quando sua culpa inualidè professus est. Ratio est, quia cum à Religione habeatur ut professus verus, ipse ut talis se gerere debet erga ipsam, ne illam decipiat. Rodriguez *2. p. Summ. cap. 92. nu. 5.* Bonacina *ut supra diff. 1. à nu. 2.* Ad quam ratificationem licet requiratur nouus consensus ex parte professi, cum prior fuerit inualidus, probabile tamen est, non requiri nouum consensum Religionis, cum iam illa ex parte sua verum consensum præstiterit. Sanchez *lib. 7. de matrim. disput. 37. nu. 6.* Bonacina *ut supra à nu. 3.*

8 Ut reclusio professi audiatur, oportet, quod fiat cum habitu. Ita statuit Concil. Trident. *sess. 25. cap. 19.* Hoc tamen intellige, in foro exteriori, non in interiori, si causa subsit aliter faciendi. Quia ita piè interpretanda est mens Concilij. Nauarr. *in cap. statum. comm. 4. de Regular. nu. 77.* Bonacina *de clausura q. 2. punct. 10. diff. 3.*

9 Cum aliquis fecit professionem inualidam ob defectum ætatis, anni approbationis, vel aliam causam, non censetur ratificare illam, etiam si portet habitum proprium professorum, aut faciat actus solum ad professos pertinentes, nisi hoc faciat sciens, volens, & prudens, & cum animo ratificandi dictam professionem. Ratio est, quia ista omnia non inducunt professionem, etiam tacitam nisi fiant isto modo. Nauarr. *in cap. statum. nu. 71. & lib. 1. Consil. de bis quæ vi consil. 6.* Miranda *in Manuali to. 1. q. 30. art. 3.*

10 In quacunque Religione tam virorum, quam Mulierum professio non fiat ante decimum sextum annum expletum: nec qui minori tempore, quam per annum post susceptum habitum in probatione steterit ad professionem admittatur. Professio autem antea facta sit nulla, nullamque inducat obligationem ad alicuius Regula, vel Religionis, vel Ordinis observationem, vel alios quoscumque esse-

effectus. Ita Concil. Trident. *sess.* 25. *cap.* 15. Hoc decretum non comprehendit Ordines Militares. Quia ita dicitur declarasse Sacram Congregationem Cardinalium. Azor *lib.* 13. *Instit. moral.* *cap.* 4. *q.* 2. Tantum ergo comprehendit alios Religiosos; etiam illos, qui in Societate Iesu post biennium profitentur. Sanchez *lib.* 5. *de precept. Decal.* *cap.* 4. *nu.* 7. Aetas pro nouitiatu requisita etiam includit diem illum superadditum in anno bifextili. Quia anni computandi sunt secundum ritum Ecclesiae. Bonacina *de clausura* *q.* 2. *punct.* 10. *diff.* 2. *§.* 3. Computanda etiam est aetas professionis à die natiuitatis extra vterum. Quia communis usus ita habet. Sanchez *lib.* 4. *in Decalog.* *cap.* 35. *nu.* 4. Bonacina *ut supra*. Professio facta ante legitimam aetatem, vel non completo nouitiatu, neque per modum voti simplicis valet, ut colligitur ex verbis Tridentini adductis, & constabit ex dicendis *nu.* 28.

11. Nouitiatus non continuatus per annum integrum non est sufficiens ad professionem, si sit interpolatus per notabile tempus. Propter doctrinam Concilij. Graffius *Decis.* *p.* 1. *lib.* 3. *cap.* 5. *nu.* 14. Quidam tamen dicunt propter priuilegium Iulij II. Minoribus concessum sufficere annum interpolatum. Quod non audeo affirmare. Rodriguez *to.* 3. *q.* 15. *art.* 8. Miranda *to.* 1. *q.* 22. *art.* 4. In casu tamen, quod Nouitius cum licentia Praelati, & cum habitu, aliqua de causa rationabili, extra Monasterium, per aliquod tempus commoretur, non propter hoc discontinuatur annus probationis. Ratio est, quia eo ipso, quod manet cum licentia, & habitu Religionis, est sub obedientia illius; ac per consequens tale tempus reputatur pro Nouitiatu. Nauarr. *lib.* 3. *Consil. de Regular.* *cons.* 42. dicens Congregationem Cardinalium idem censuisse. Vide dicenda *cap.* 24. *nu.* 22. Semper tamen requiritur, quod Nouitius portet habitum Religionis, tum propter auctoritatem Concilij adductam, tum quia aliàs non rectè expiriretur austeritatem Monachalem, quae precipue consistit in habitu Religioso. Situeſt. *verb. Relig.* 5. *q.* 5. Bonacina *de clausur.* *q.* 2. *punct.* 10. *diff.* 2. *§.* 2.

12. Professio facta in Religione reddit omnino in capacem Religiosum ad contrahendum postea matrimonium. Ita habetur in Concil. Trid. *sess.* 24. *can.* 9. & alijs Concilijs. Sanchez *l.* 7. *de Matrimon.* *disp.* 26. *nu.* 1. Idem dicendum est de professione, quam emittunt Patres Societatis peracto biennio. Quia ita habetur in proprio motu Greg. XIII. qui incipit: *Ascendente Domino*. Valentia *to.* 4. *disp.* 10. *q.* 5. *puncto* 3. Quin etiam professus, qui contrahit Matrimonium excommunicatur 27. *q.* 1. specialiter *cap.*

cap. impudicas. cap. si quis sacrum, ca. monacho. Et punitur à Sacra Inquisitionis tribunali. Simanc. *de Catholic. instit. tit. 40. de matrim.* Toletus *in summ. lib. 7. cap. 4.* Et est irregularis iuxta dicenda *infra cap. 5. nu. 2.*

13 Qui facit professionem in aliquà Religione, parentibus in extrema necessitate constitutis, eiusque auxilio, & ope indigentibus, peccat mortaliter: imò etiam si necessitas non extrema, sed tantùm gravis sit, dummodò possit filius illis subvenire in seculo. Ratio est, quia præcepta præponi debent consilijs; subvenire autem parentibus in prædictis casibus est præceptum naturale: esse verò Religiosum solum est consilium. Grassi *p. 1. Decis. lib. 3. cap. 5. nu. 37.* Si verò ex huiusmodi servitio, & obsequio parentibus exhibendo, sequatur filio notabile dispendium salutis spiritualis, potest providendo animæ suæ intrare Religionem, & in ipsa profiteri. Quia bonum spirituale filij debet præferri bono corporali, aut temporali parentum. S. Thom. 2. 2. q. 101. *art. 4.* Caiet. *ibidem.* Idem dicendum est de Patre habente filios in necessitate constitutos. Propter eandem rationem. S. Thom. 2. 2. q. 189. *art. 6.* In casibus autem, in quibus Pater, aut Filius non possunt intrare Religionem, aut profiteri in illa, sed peccant ita facientes, possunt ad minus, facta professione, egredi à Religione (servatis tamen servandis) ut succurrant prædictis necessitatibus: imò forsan tenentur. Hoc enim petit ius naturæ, & vinculum obligationis, quod est inter Patrem, & Filios. Toletus *in Sum. lib. 5. cap. 1. nu. 6.* Vide dicenda *cap. 24. de Novitijs num. 40.*

14 Non tamen possunt reclamare professi, eo quòd habeant, vel etiam habuerint tempore professionis parentes, aut filios in extrema necessitate constitutos. Ratio est, quia licet talis professio fuerit illicita, ut vidimus supra nu. 13, tamen fuit valida. Nauarr. *lib. 3. consil. de Reg. cons. 3.* Tenentur tamen illis succurrere modo congruo, & non contrario suæ Regulæ. Quia hoc est præceptum naturale. Cordub. *sup. cap. 2. Reg. D. Francisci q. 62. art. 2.* Vide dicta supra nu. 13.

15 Professio facta ob malum finem, qui non sit contra substantiam Religionis valida est. Ratio est, quia nullus malus finis, qui non sit contrarius substantiæ Religionis potest illi derogare. Silvester *verbo Religio 3. q. 6.* Professio etiam facta ab excommunicato valida est. Ratio est, quia per excommunicationem non tollitur facultas faciendi contractus cum Deo, qualis professio. Vincent. Filiucius *p. 3. tract. 12. cap. 8.* Professio etiam Religionis per Simoniam facta est valida. Ratio est, quia licet potue-

potuerit ab Ecclesia irritari, non tamen irritata est. Suarez 1. to. de Relig. lib. 4. de Simon. cap. 57. Professionem tamen emittens Simoniacè expellendus est ab eo Conuentu, in quo illam emisit. Suar. *ut supra*. Vide dicenda cap. 24. nu. 29. 30. & 31. 16 Religiosus professus licet quoad possessionem propriæ voluntatis, & bonorum temporalium dicatur mortuus seculo, vt diximus nu. 1. non tamen quo ad nobilitatem. Ratio est quia, cum nobilitas sit quoddam ius sanguinis, & sequatur naturam non potest deperdi per professionem. Guilel. Bened. cap. Raynuitius. Rebus. de Nominationibus q. 12. nu. 31.

17 Per professionem in Religione approbata vacant quæcunque beneficia ante habita. Ex cap. Beneficium, de Regularibus in 6. Sanchez lib. 7. in Decalogum cap. 29. nu. 2. Non tamen redduntur Religiosi incapaces ad obtinenda beneficia secularia etiam curata ex vi professionis. Cum ex natura rei non sint impossibilia obligatio votorum, & obtentio beneficiorum. Lessius lib. 2. de Iustitia cap. 41. dub. 12. De facto tamen nullus Regularis potest suscipere beneficium curatum sine licentia Papæ. Tum quia ita consuetudine obtentum est, tum quia ita videtur declarasse Sacram Congregationem Cardinalium. Sanchez lib. 7. in Decalogum cap. 29. nu. 71. Idem etiam dico de beneficijs simplicibus. Grasis 2. p. Decis. lib. 3. cap. 20. nu. 12. Idem quoque dico de Pensionibus. Istæ enim solum à Papa conceduntur. Sor. lib. 9. de Iust. & Iure q. 7. art. 2. Casu etiam dato quòd Regularis præsentatus esset Episcopo ad Ecclesiam aliquam parrochiam à suo Superiori, posset ab eodem, etiam sine consensu Episcopi, remoueri. Quia etiam sic præsentatus non liberatur à iugo obedientiæ. Nauarrus comm. 2. de Regularib. nu. 65. Vide dicenda cap. 24. nu. 37.

18 Debita contracta à Professo ex licentia superiorum debent solui à Monasterio. Illa enim sunt quasi debita ipsius Monasterij. Idem dico si talia debita sunt, vel fuerunt vtilia Monasterio, saltem quoad illam partem. Propter eandem rationem Sanchez lib. 7. in Decalog. cap. 31. nu. 9. Debita verò orta ex delicto Religiosi Professi, etiam si Prælatus sit, non debent solui à Monasterio, nisi quatenus ex illo delicto aliquid vtilitatis ipsi obuenerit, vel in illud consenserit. Quia alias nullo pacto spectat illud delictum, aut damnum ex illo secutum ad Monasterium. Nauarr. comm. 62. de Regular. Molina to. 1. de iust. diffut. 140. Hinc tenetur Monasterium soluere expensas necessarias factas à Monacho Professo, qui de licentia Superiorum est extra Monasterium in aliquo negotio, vel itinere, verbi gratias medi-

medicinas, quas expendit pro infirmitate, &c. Ratio est, quia eo ipso, quod Religio dat illi Monacho licentiam existendi extra Monasterium videtur ea omnia concedere, sine quibus vivere non potest. Nauarr. *comm. 2. nu. 65.* Molina *ut sup.* Pro debitis contractis à Religiosis Apostatis, seu fugitiuis vide *cap. 16. num. 19.*

19 Bona Religiosi, qui propter fraudem, dolum, & cupiditatem Prælati Religionis ad ipsa inhiantis, emisit professionem, non pertinent ad Religionem, sed ad hæredes. Ratio est, quia, ita deciditur in *cap. fin. 20. q. 3.* qui textus est vniuersaliter ab Ecclesia admissus, vt constat ex communi sententia DD. illum explicantium. Nauarr. *comm. 2. nu. 31. de Regular.* Azor *to. 1. Instit. mor. lib. 12. cap. 20.* Imò nulla exigitur iudicis sententia, ne Monasterium succedat in talia bona. Couarrub. *4. decret. 2. par. cap. 28. §. 1. nu. 9.* Sanchez *lib. 7. in Decalog. cap. 34. nu. ult.* Desideratur tamen ad hoc quòd decisi textus locus habeat, primò vt dolum, seu fraus sit causa professionis, ita vt ea non esset, fraude, & dolo cessante; secundò vt decipiens ductus fuerit cupiditate obtinendi bona professi. Sanchez *ut supra num. 3. & 4.*

20 Professio illius, qui e mentito sexu in aliquo Monasterio proficitur, vt si vir in Monasterio Monialium, aut fœmina in Monasterio virorum profiterentur, est omnino inualida. Ratio est, quia ad valorem professionis requiritur non solum consensus profitentis, sed etiam admittentis professionem; at verò in hoc casu, etiam si detur fuisse consensum profitentis (cum tamen semper fictum illum habuisse credendum sit) adminus tamen deficit consensus ex parte admittentis, cum nullus Prælati talem Professionem admittere possit, nec Ecclesia ad id concedat auctoritatem. Nauarr. *lib. 1. consil. in 1. edit. tit. de etat. & qualitat. conf. 8. nu. 1. in 2. lib. 3. de Regular. conf. 47. nu. 1.* Henriquez *lib. 14. de Regular. cap. 8. nu. 6.* Hermaphroditi autem professio, si in eo præualeat sexus virilis, valida erit in Monasterio virorum, si præualeat sexus fœmineus in Monasterio Monialium. Ratio est, quia hic indicatur vir, aut fœmina iuxta sexum prædominantem. Si verò vterque sexus sit æqualis, & aptus ad coitum in neutro Monasterio potest etiam valide profiteri. Quia tunc respectu fœminarum erit vir, & respectu virorum fœmina. Henriquez *ut sup.* Sanchez *lib. 3. de præcep. Decalog. cap. 4. nu. 41.* Qui bene animaduertit, etiam in casu quòd hermaphroditus haberet sexum prævalentem, v. g. viri, non esse admittendum inter illos, quia afferret maximum periculum incontinentiæ Religiosis,

giosis , sed expellendum esse . Rodriguez 2. 10. Sum. cap. 6.

21 Professio serui sine licentia Domini sui est inualida . Quia non est sui iuris . Cum ea tamen valida est . Quia nullo iure interdicitur , imò id supponitur . cap. si quis incognitus 17. q. 2. Sanchez lib. 5. in Decalog. cap. 4. nu. 42. Si seruus ingrediatur Religionem , & à Domino , id sciente , intra triennium non repetatur , non potest transacto triennio ab ipso repeti . *Dicto cap. si quis incognitus* . Et ratio legis est , quia censetur Dominus tacite consensisse . D. Antoninus 3. p. tit. 16. cap. 3. §. 4. Vnde professio ipsius valida erit transacto illo triennio , licet non antea . Eo quòd transacto triennio , & non antea cessauit ius , quod habebat Dominus ad reclamandum , & repetendum seruum . Sanchez *ut sup. nu. 44. & 49.* Vide dicenda cap. 24. nu. 20.

22 Professio illius , qui prae morbo , aut senectute impotens est ad seruanda Regulæ præcepta , valida est . Tum quia potest seruare tria Vota , quæ sunt essentialia Religionis ; tum quia erunt multa in Regula , quæ ab isto abs dubiè seruari poterunt . Rodriguez 2. 10. Sum. cap. 6. nu. 13.

23 Defectus , seu morbus corporalis non repugnans substantiæ Religionis , ut si quis lepram , vel aliam infirmitatem , etiam interrogatus , occultaret , non facit Professionem irritam . Ratio est , quia talis defectus , & occultatio illius non tollant aliquid de essentialibus Religionis . Nauarr. lib. 3. *Consil. tit. de Regul. consil. 25. vel 48.* Nec ob id delictum potest expelli . Cum enim expulsio sit res grauissima maiorem exigit causam . Rodriguez 3. 10. *Quæst. Regul. q. 17. art. 9.* Secus verò quando illi protestatum fuit tempore professionis , quòd si talem defectum haberet , professio nulla esset . Quia tunc deficit consensus Religionis ad professionem requisitus , ac per consequens illa est nulla . Iuxta dicenda cap. 24. nu. 26.

24 Dementia , quæ non in vna , vel altera materia , sed omnino mente priuat , Professionem irritam reddit . Quia impedit liberam voluntatem ad illam necessariam . Siluest. *verb. Religio 5. q. 2.* Bonacina in *tract. de clausur. q. 2. punct. 10. diff. 2. §. 1.* Si autem post factam professionem , vel per naturam , artem , aut miraculum ad sanam mentem redeat , conciusque professionis à se emissa non contradicat , non statim reuiuiscit eius professio , sed tenebitur portare habitum , & habere nouitiatum , & postea profiteri . Quia cum talis professio irrita fuerit , necessarium erit facere de nouo ea , quæ ad ipsius valorem sunt requisita . Azor. lib. 12. *Instit. mor. cap. 2. q. 5.* Vide dicenda cap. 24. nu. 13.

25 Reddatur Professio nulla si non sit facta in manus Prælati , vel alte-

alterius habentis potestatem admittendi Religiosos ad Ordinem. Sicut enim Professio includit traditionem potentis se tradere Religioni, ita etiam debet esse aliquis, qui habeat potestatem acceptandi. Sanchez *lib. 1. de precept. Decal. cap. 4. nu. 62.* Quamvis autem, quoad illos, ad quos spectat hæc authoritas, attendendum sit ad iura propria Religionis (idem *num. 64.*) de iure, tamen communi non sufficit consensus Prælati, sed etiam maioris partis Conventus. Tum quia sic habet consuetudo plurimum Religionum; tum quia res est ex granioribus Monasterij, & ita ad totum illud spectare videtur. Sa *in Summ. verb. Religio nu. 65.* Rodriguez *to. 3. q. 17. art. 7.* Vide dicenda *cap. 18. nu. 66.* Professio etiam facta in manus Episcopi inualida est. Cum ille non sit Prælati Regularium exemptorum. Rosella *verb. Nouit. nu. 21.* Azor *lib. 12. Instit. mor. cap. 5. q. 4.* Professio verò acceptata à Laico habente commissionem à legitimo Prælato valida erit. Sicut potest beneficium nomine alieno acceptare, & esse Procurator in causa Spiritualī. Rodriguez *to. 3. art. 17. nu. 12.* Quando Professio est inualida solum ex defectu potestatis in admittente, satis est, ut habens talem potestatem eam ratam habeat, non mutata Professio voluntate. Ratio est, quia rati habitio retrahitur, & comparatur mandato. *Regul. ratiabit. de regul. iur. in 6.* Nauarr. *lib. 3. Consil. de Regul. conf. 6. vel 40.* Azor *lib. 12. Instit. mor. cap. 5. q. 7.* Incipiet autem valere illa professio à die rati habitationis. Quia sine illa non erat valida. Sanchez *lib. 5. in Decal. cap. 4. nu. 80.*

26 Professio facta sub conditione de futuro (quæ validè apponitur) licet obligationem suspendat; adueniente conditione statim absque nouo alio consensu est valida. Ratio est, quia iam ille consensus conditionatus transit in absolutum, ergo dum modo non sit retractatus sufficiet ad professionem. Sanchez *lib. 5. in Decal. cap. 4. nu. 83.* Professio autem facta sub conditione contraria eius substantiæ, ut si quis profiteatur sub conditione habendi proprium, vel non seruandi castitatem, sine dubio est irrita. Ratio est à simili de Matrimonio, & Voto simplici, si fiant cum conditione contraria substantiæ illorum. Azor *lib. 12. Instit. moral. cap. 5. q. 2. & lib. 11. cap. 15. q. 9.* Rodriguez *3. to. q. 17. art. 6.* Vnde si quis dum emittit professionem intendat sibi retinere dominium alicuius rei, ita ut non sit paratus reddere illam, quando Superior voluerit, inualidè proficitur. Quia de ratione professionis est abdicatio domini, aut vsus independentis à Superiore. Lessius *2. de Iust. cap. 41. dub. 8.* Si verò profiteretur quis sub hac conditione reseruandi sibi aliqua quoad vsum,

vsum, & dependenter à voluntate Superioris, valeret talis Professio, saltem quantum est ex natura professionis; cum illa conditio non derogat eius substantiæ. Ita tenent iidem authores, & Nauarr. *Comm. 2. de Reg. nu. 16.* Idem dico de eo, qui proficeretur sub conditione manendi in propria domo. Propter eandem rationem. Nauarr. *ut sup.* Sa in *Summ. verb. Religio. nu. 6.* Vide dicenda *cap. 6. nu. 29.*

27 Professio facta fictè, id est, sine intentione profitendi, quoad Deum non est valida, quia non est vera, sed ficta promissio, sicut homo pictus non est verus homo. Quoad Ecclesiam, verò, & forum exterius valida est, quia Ecclesia non iudicat nisi de externis, signa autem externa huius professionis, vt supponimus, eam esse veram indicabant. Professio autem facta animo promittendi, sed non se obligandi, quoad Deum & homines valida est. Quia ex natura promissionis sequitur naturaliter obligatio, sicut illuminatio ex Sole. Secus verò si talis professio non fuit cum animo promittendi, quia eo ipso destruxit se ipsam, cum enim de ratione essentiali professionis sit promissio, si promissio nõ est, nec professio erit, ac per cõsequens valida nõ erit, saltem quoad Deum. Professio verò facta animo non adimplendi, quoad vtrumque forum obligat. Ratio est, quia cum professio sit essentialiter promissio, quæ intrinsecè includit rationem obligationis, non potest impediri per extrinsecam voluntatem, non adimplendi promissum. Azor *to. 1. Instit. moral. lib. 12. cap. 3. dub. 7.* & in simili de contractu Sponsalicio. Cornexo *to. 2. in 3. p. tract. 6. de Matrim. disp. 2. dub. 3.*

28 Quando Professio est inualida ob defectum ætatis legitimæ, aut anni novitiatus nondum expleti, non obligat, neque vt Votum simplex ad Vota promissa. Ratio, quia Conc. Trident. loquens de illa *sess. 25. cap. 13.* inquit, *nullam inducat obligationem ad alicuius Regula, vel Religionis, vel Ordinis obseruationem, vel alios quoscunque effectus.* Caietan. *2. 2. q. 88. art. 9.* Sotus *7. de Iust. q. 3. art. 2.* Idem dico de eo, qui sic profitens inualidè, expressè voluerit solum obligari ad illa Vota in Religione. Quia eo ipso declarauit se nolle obligari ad illa, vt Vota simplicia. Sanchez *lib. 5. in Decal. cap. 4. nu. 105.* In casibus autem, quòd Professio sit nulla ex defectu acceptantis illam; propter seruitutem eius, qui proficitur; propter sexum ementitum; vel similes causas, talis Professio habet vim Voti simplicis, & vt talis obligat. Ratio sumitur ex regula tradita *cap. unico de desponsat. impuber. in 6.* nempe, quando actus non valet eo modo, quo fit, valet eo modo, quo valere potest: ac proinde cum talis

Pro-

Professio non valeat ut Professio, ad minus tamen valebit, ut simplex promissio, & Votum. Nauarr. *lib. 3. Consil. tit. de Regular. consil. 18. vel 19.* Azor *lib. 12. Instit. mor. cap. 1. q. 3.*

29 Professio facta per Procuratorem valida est. Nulli enim excipitur ex his actibus, qui per Procuratorem fieri possunt. Idem dico de Professione facta ab absente. Propter eandem rationem. Siluest. *verb. Relig. 3. q. 15.* Miranda *tom. 1. Man. Pralat. q. 24. art. 1.* Idem etiam dico de Professione facta nutibus, aut scripto sine verbis. Propter similem rationem. Vnde infertur mutum posse validè profiteri. Sanchez *lib. 5. in Decalog. cap. 3. nu. 2.*

30 Professio etiam illius, qui fecit Votum ingrediendi Religionem strictiorem, & ingressus in laxiorem professus est in illa, valida est. Ratio est, quia Votum illud simplex Religionis strictioris commutatum fuit per solemnem professionem iuxta dicenda *cap. 3. nu. 7.* Grassi *1. p. Decis. lib. 3. cap. 5. num. 31.* Suarez *2. to. de Relig. lib. 4. de Voto cap. 16.*

31 Professio etiam facta à coniugatis etiam post consummatum Matrimonium, si fiat cum consensu utriusque coniugis, valida est. *Ex cap. qui uxorem 33. q. 5.* Et ratio est, quia cum uterque possit cedere iuri suo, si cedat vnus, alter manet liber. Henríquez *lib. 11. cap. 8.* Bonacina *q. 3. de matrim. punct. 4. propos. 3.* Imò quando vnus coniux potest facere perpetuum diuortium propria autoritate, potest etiam ingredi Religionem, & validè profiteri, inuito altero coniuge. Quia sicut in tali casu potest perpetuo abstinere à consortio illius, ita liber manet ad dicendum se Deo per professionem. Rebell. *lib. 3. q. 4.* Bonacin. *ut sup. nu. 10.* Altero autem coniuge nesciente, vel consentiente per dolum, aut per metum, non potest alter profiteri validè. Dicitur enim in his casibus consensus necessarius alterius comparatis. Bonacin. *ut sup. nu. 9.* Cornexo *to. 2. in 3. p. tract. 6. de matrim. disp. 6. dub. 2.* Vide dicenda *cap. 3. nu. 3.*

32 Religiosi facti Cardinales, Episcopi, aut Abbates manent etiam post assumptionem cum eadem obligatione trium Votorum Professionis, iuxta dicenda *cap. 17. nu. 2.* Eiecti etiam, & expulsi à Religionibus manent etiam cum eadem obligatione Votorum Religionis sicut antea, iuxta dicenda *cap. 23. num. 11.* Qualiter ad eadem Vota obligentur, vel non, Nouitij, dicitur *cap. 24.* Qualiter etiam Moniales *cap. 25. nu. 1. & sequentib.*

De Regularium immunitatibus, & Priuilegijs in
communi.

C A P. I I I.



INTER multas Religiosæ professionis prærogatiuas illa videtur primum locum tenere, quòd per illam, professus, omnium peccatorum suorum antea commissorum condonationem, quoad omnem penam temporalem pro illis in Purgatorio debitam, obtineat. Ita enim habet fere communis Sanctorum Patrum, antiquorum Monachorum, & Scholasticorum, quasi per traditionem, consensus. S. Thom. 2. 2. q. ult. art. 3. Thom. Vuald. de Sacramental. tit. 9. cap. 80. nu. 8. & 9. Non tamen per eam remittuntur peccata quoad culpam. Cum nec sit Sacramentum, nec actus contritionis, aut charitatis. Sanchez lib. 5. in Decalog. cap. 5. nu. 3. Nec reuiuiscit, si fuit facta in mortali peccato, per subsequentem iustificationem. Quia hoc solum competit Sacramentis. Caiet. 2. 2. q. ult. art. 3. Huiusmodi autem condonatio non est per modum indulgentiæ plenariæ. Quia etsi in effectu illi assimiletur, non est ex applicatione meritorum Christi ab eius dispensatore Summo Pontifice facta, sed ex vi, & merito ipsius professionis; eo quòd per illam proficiens renuntiet mundo, & se cum suis omnibus perpetuò dedicet Deo. Nauarr. De Indulgent. notab. 20. nu. 17. Platus De bono stat. Relig. lib. 1. cap. 13. Similiter hæc condonatio, non quoties professio renouatur, sed sola prima vice obtinetur. Tabiena verb. Nouitius in fine. Sanchez ut sup. nu. 5. Addens nu. 7. hanc prærogatiuam etiam competere professioni factæ in Societate Iesu biennio Nouitiatus transacto.

2 Deinde per professionem in Religione approbata tollitur irregularitas, quæ est ex defectu natalium; ita ut, qui in seculo erat irregularis, quia illegitimus, factus professus habilis sit ad Ordines suscipiendos. Suar. 5. to. in 3. p. disp. 41. sect. 1. Nauar. Com. 2. de Regul. nu. 60. Cornexo to. 2. in 3. p. disp. 15. de Irregul. dub. 2. Extendit hoc in ordine ad vsum Ordinum susceptorum, ante professionem Sanchez lib. 5. de Præcep. Decal. cap. 5. nu. 10. Non tamen hæc irregularitas tollitur quantum ad dignitates Ecclesiasticas, & Præfecturas, seu Prælatias. Ita habetur in cap. 1. de Fil. Presb. Sotus in 4. disp. 25. q. 1. art. 3. Nauarr. in cap. Non

B

dica.

dicatis num. 60. Quicquid immerito dicat Rodrig. *tom. 1. quæst. Regul. q. 13. art. 5.* Nec etiam competit hoc Privilegium ingressui Religionis per Nouitiatum. Quia textus *c. 1. de Fil. Presbyt.* perit ad hoc illegitimos fieri Monachos, per ingressum autem in Religionem, qui est per Nouitiatum non fit homo verus Monachus, aut Religiosus. Suar. *to. 5. in 3. p. disp. 50. sect. 5. à nu. 12.* Graffis *1. p. Decis. lib. 4. cap. 27. num. 54.* Extenditur tamen hoc Privilegium etiam ad professionem quæ fit in Societate Iesu per Vota simplicia. Quia per illa Proficiens fit verus Religiosus. Sanch. *lib. 5. in Decal. cap. 5. nu. 13.*

3 Similiter per professionem Votorum solemnium non solum dissoluntur Sponsalia de futuro, eò quòd fortius vinculum sit professio quàm contractus Sponsalitiis. Sot. *7. de Iust. & Iur. q. 5. art. 3.* Sed etiam dissolvitur Matrimonium ratum præcedens. Sylu. *Verb. Religio 2. q. 9. & Verb. Matrimonium 8. q. 12.* Per professionem autem Votorum simplicium Societatis non dissolvitur. Vasq. *12. disp. 165. cap. 10.* Nec etiam dissolvitur Matrimonium quomodocumque cõsummatum per quancunque professionem. Quia nullo iure hoc constat, imò oppositum habetur *27. q. 2. can. si quis coniugatus.* Rebellus *lib. 1. sect. 2. num. 17.* Reginald. *lib. 3. nu. 39.* Probabiliter tamen quidam putant, quòd sponsa cognita per vim, aut metum intra bimestre possit ingredi Religionem, & validè profiteri. Par enim est, ut non pariatur damnum ob alterius culpam, & iniuriam sibi illatam. Reginald. *lib. 3. nu. 39.* Bonac. *de Matrimonio q. 3. punct. 4. propos. 1.* Vir tamen per vim cognoscens uxorem non potest, illa renitente, Religionem ingredi. Quia per voluntariam consummationem Matrimonij ammittit ius ingrediendi Religionem. Cornexo *2. to. in 3. par. tract. de Matrimon. disput. 6. dub. 2.* Probabile etiam est Matrimonium quantumvis consummatum infidelium dissolui per Votum solemnæ Religionis. Cum strictius vinculum sit Matrimonium ratum fidelium, quàm consummatum infidelium, si ergo illud dissolvitur per Vota solemnia, etiam istud dissolvetur. Sotus *in 4. d. 39. q. unica art. 4.* Cornexo *ut supra dub. 3.* Vide dicta *cap. 2. nu. 31.*

4 Præterea per Professionem in Religione approbata expiatur macula quo ad actus temporales, ita ut ineptus ad testificandum ob perjurium, vel furtum cõmissum, fiat per Professionem aptus ad testimonium ferendum. Quia ita intelligi potest *auth. de Monac. in princ.* Sanch. *lib. 5. in Decal. cap. 5. nu. 27.* Hoc etiam extendens ad simplicia Vota in Societate Iesu, post biennium, Nouitiatum.

5 Tollitur etiam per Professionem crimen Ingratitudinis Filij profitentis erga Patrem, ob quam exheredari poterat. Quare ob illam exheredari nequibit, etsi in testamento Patris ante Professionem facto exheredatus sit. Quia ita deciditur in *cap. fin. 19. q. 3. Molina to. 1. de iust. disp. 176. dub. vlt. Rodr. to. 1. q. 13. art. 3.* Idemque probabiliter tribuit Votis simplicibus Societatis post biennium Sanch. *lib. 5. in Decal. cap. 5. nu. 34.*

6 Per Professionem etiam Filius Familiars à Patria potestate liberatur. Eò quòd omnino transit in Abbatis potestatem, ac proinde Patria potestas in ipsum cessat. Silu. *verbo Patria potestas nu. 1. Nauarr. Com. 3. de Regul. nu. 41.* Hoc etiam Priuilegium extendit ad professos Societatis post biennium Sanch. *lib. 5. in Decal. cap. 5. nu. 31.*

7 Per Professionem etiam Votorum Religionis omnia Vota in Seculo facta commutantur in illam. Ita habetur *cap. Script. de Voto. D. Tho. 2. 2. q. 88. art. 12. ad primum.* Ad hoc autem non requiritur aliqua intentio in Proficiente commutandi talia Vota. Eò quòd ex natura professionis id oriatur: quia est mors vitæ præteritæ. Caiet. & Aragon. 2. 2. q. 88. art. 12. Similiter extinguuntur tam vota realia, quàm personalia. Propter eandem rationem, Petrus de Ledesma 2. to. tract. 10. cap. vlt. Extinguuntur etiam Iuramenta de rebus pijs ad Deum solum facta. Quia hæc se habent quasi Vota quædam. Suar. 2. to. de Relig. lib. 6. de Voto c. 14. nu. 12. Si autem iuramentum esset homini præstitum, & ab eo acceptatum non posset in Religionis Professione commutari. Quia est ius acquisitum tertio. Sanchez *lib. 5. in Decal. cap. 5. nu. 45.* vbi multa de hoc Priuilegio. Vide dicta supra *cap. præced. nu. 30.*

8 Gaudent etiam Religiosi, præsertim Professi, Priuilegio fori, ita vt, etiam in debitis ciuilibus conueniri nequeant coram iudice sæculari, sed coram suo Prælato. Quia ipse solus est verus ipsorum iudex. Nauarr. *comm. 2. de Regul. sup. cap. non dicatis.* Rodriguez *to. 1. q. 63. art. 13.* Coram Iudicibus Conseruatoribus bene possunt conueniri. Ita colligitur ex Bulla Greg. XV. adducenda infra *nu. 11.* Vbi ait: *Coram ipsis Conseruatoribus Regulares, ac persone suprascripta, conueniri quidem, aut trahi debeant.* Imò, & Religiosi extra Monasterium degentes possunt conueniri in causis ciuilibus mercedum, & miserabilium personarum coram locorum Ordinarijs, tanquam in hoc ab ipsa Sede Apostolica delegatis. Conc. Trid. *sess. 7. cap. 14.* Nauarr. *comm. 2. de Regul. nu. 63.* At verò Religiosi intra claustra degentes nullatenus possunt, aut debent conueniri coram Ordinarijs, etiam in causis ciuilibus, aut in prima instantia, aut propter *cap. Volentes de*

privileg. in 6. aut etiam propter Conc. Trid. *sess. 24. cap. 20.* Ita declaravit S. Congregatio Cardinalium interpretum Concilij, & Pau. V. in Bulla *Religiosorum* ann. 1607. edita ad instantiam Procuratoris Generalis Carmelitarum 3. tom. Bullarij inter Bullas Pau. V. *nu. 34. aliàs 23.* In illa autem præcipitur Ordinarijs in virtute S. Obedientiæ, ne Fratres nostros contra prædictam declarationem perturbare, vel inquietare audeant. Vnde à S. Congregatione Ann. 1586. sic declaratur. *Ordinarij in cognitionibus causarum Fratrum Mendicantium, tam civilium, quàm criminalium minimè sese ingerant, pariter nec in vísitatione eorundem Fratrum, vel Ecclesiarum suarum, nisi quatenus eis per Conc. Trident. decreta conceditur. Quaranta in Summ. Bullar. verb. confessor.* Vide dicenda *cap. 11. à nu. 2.* & pro Novitijs *cap. 24. nu. 4.*

9 In favorem etiam status Religiosi, seu Clericalis habetur in Iure, quòd Laici Clericum (etiam intellige Religiosum) accusare non possunt, nisi suam, suorumve iniuriam prosequantur. *cap. 2. & 3. cap. Laicus 2. q. 7.* Secus in criminibus publicis læsæ maiestatis diuinæ, vel humanæ, in Simonia, in Sacrilegio, in dilapidatione bonorum Ecclesiasticorum. Alderete *lib. 1. de Relig. discipl. cap. 4. à nu. 7.* Nec Laicus aduersus Religiosum testis idoneus est in criminalibus, licet non omnino reiiciendus maximè in civilibus. *cap. veniens. c. de cetero de testib. cap. Laicos 2. q. 7. Rodrig. to. 2. q. 10. art. 5. Alderete lib. 2. de Relig. discipl. cap. 3. nu. 14.*

10 Qui inferūt iniuriam Ordinibus Prædicatorum, & Minorum (idem dicito de alijs Ordinibus propter communicationem privilegiorum) in quinque casibus assignandis, sunt excommunicati. Primus, libellos famosos, cantilenas, vel richmos edendo, vel retinendo, vel publicando in infamiam Ordinis. Secundus, dicendo, & defendendo, quòd Ordo illorum non sit in statu perfectionis, & quòd non liceat eis de eleemosynis vivere, prædicare, confessiones audire de licentia Papæ, aliorum Ordinum consensu minime requisito (id tamen non excludit approbationem à Conc. Trid. requisitam) Tertius, exercendo violentiam in locis illorum, impediēdo ne possint in suis Ecclesijs celebrare, recipere eleemosynas, vel prædicare. Quartus est, eos eiiciendo ab Universitate Parisiensi. Quintus, retinendo apostatas Ordinis Prædicatorum. D. Anton. 3. *par. tit. 24. cap. 70.* Vincentius Filiucius *to. 1. tract. 15. cap. 3.*

11 Habent facultatem Religiosi, præsertim Mendicantes eligendi sibi Iudices Conservatores pro suis causis. Quod constat ex multis Privilegijs, de quibus Casarubius *verb. Conservator. Ordin.* Sed illa sunt his temporibus valde restricta, & limitata.

Pri-

Primò enim S. Congregat. Concilij iussu Gregor. XII. declarauit, quòd *Regulares omnes in ciuitatibus Italia existentes sibi Conseruatores eligerent, coram quibus conuenirentur, ac semel electos, non nisi in Capitulis Prouincialibus mutarent. Eorumque nomina intra mensem à die electionis Episcopis Locorum Ordinarijs indicarent. Alioquin coram ipsis Ordinarijs conueniri possent.* Quarant. in *Summ. Bull. verb. privileg. Regular.* Postea Clem. VIII. in Bulla edita Ann. 1592. (habetur 3. to. Bullarij Laertij fol. 3.) reuocauit omnes, & quascumque Iudicum Conseruatorum deputaciones, quæ nõ habuerint qualitates requisitas à Bonifac. VIII. in Constit. quæ incipit: *Statutum*, & quæ non fuissent factæ in Concilijs Prouincialibus, aut Diæcesanis. Maximè tamen modò seruanda est Gregorij XV. Constitutio de Conseruatoribus edita Ann. 1621. quæ incipit: *Santissimus in Christo Pater* 4. to. Bullarij inter Bullas huius Pontificis nu. 9. In ea verò in primis reuocat, ac nullas, & inualidas decreuit omnes, & quascunque Iudicum Conseruatorum electiones quomodocunque hætenus factas. Deinde statuit, & decreuit vt in posterum *Iudices Conseruatores huiusmodi, siue principales, siue subrogati, eligi, nominari aut deputari non possint, nisi non solum habeant qualitates requisitas, & descriptas in Constitutione similis recordationis Bonifacij. Papa Octauij, etiam Prædecessoris sui, quæ incipit: Statutum, ita ut vel Dignitate Ecclesiastica præditi, vel personatum obtinentes, vel Ecclesiarum Cathedralium Canonici existant, sed etiam in Concilijs Prouincialibus, aut Diæcesanis iuxta decretum Concilij, prædicti Iudices electi, seu designati sint.* Quòdque deinceps litteræ Conseruatoriæ per Sedem Apostolicam concedenda, superscriptis tantum dirigantur, & si quæ litteræ aliter expediantur, illæ, ac deputaciones huiusmodi, omniaque exinde sequenda nullius sint roboris, vel momenti. Deinde; designatis pœnis pro illis, qui contra præscriptam formam Conseruatores elegerint, aut illis vti aui fuerint præcipit, *Vt Regulares, ac persona huiusmodi in Italia infra duos, extra Italiam verò infra sex menses à die publicationis in Vrbe præsentis Constitutionis inchoandos, debeant sibi eligere, seu assumere Conseruatores iuxta formam superius propositam, eiusque electionis, seu assumptionis documentum infra tempus huiusmodi penes actâ Curia Ordinariorum exhibere, & dimittere teneantur, alioquin eo termino elapso, quamdiu Conseruatores secundum formam præsentis Constitutionis non elegerint, coram eisdem Ordinarijs conueniantur, quodque Conseruatores huiusmodi semel legitime deputati, nisi ex legitima causa à Sede Apostolica, aut locorum Ordinarijs, prout iisdem Regularibus, & alijs prædictis libererit,*



approbanda, durante quinquennio à die deputationis, amoueri, aut mutari nullatenus possint, aut valeant. Præterea lic statuit Sanctitas sua; ut coram ipsis Conseruatoribus Regulares, ac personæ suprascriptæ conueniri quidem, aut trahi debeant, sed alios conuenire, aut trahere non possint: itaut memorati Conseruatores in causis, in quibus Regulares, & alij Actores fuerint, nullam prorsus Iurisdictionem habeant, sed in ijs tantum, in quibus Rei extiterint, neque extra Ciuitates, seu Dioceses, in quibus fuerint deputati, contra quoscumque procedere præsumant. Si qua verò inter Iudices Conseruatores huiusmodi, & locorum Ordinarios controuersia super competentia Iurisdictionis orta fuerit, nequaquam in causa procedatur, donec per Arbitros in forma Iuris electos super Iurisdictionis, competentia fuerit iudicatum. Quòd si qui Conseruatores siue in hac parte, siue aliàs quomodolibet suos limites exceßerint per annum ab officio Conseruatoris huiusmodi suspensi sint, & pars quæ hoc fieri procurauerit sententiam excommunicationis incurral, iuxta formam alterius Constitutionis eiusdem Bonifacii Prædecessoris, quæ incipit: Hac Constitutione, quam Sanctitas sua in his omnibus, quæ præsentì Constitutioni non aduersantur, innouauit. & innouat. Per hoc tamen non intendit Sanctitas sua prohibere, quominus Regulares, & alij supradicti in casibus à Iure permissis petant Iudicem non suspectum à Principibus, seu Magistratibus Sæcularibus, dum tamen hæc tria copulatiuè concurrant videlicet, ut Regulares, & alij prædicti sint Actores nõ autem Rei, utquæ agant contra Laicum, non autem contra Ecclesiasticum, vel aliàs à Iurisdictione Sæculari exemptum, atque ut causa, in qua Iudex deputatur, fuerit prophana, non autem Ecclesiastica, & in ea iuxta Sacrorum Canonum dispositionem Laicus, ut præfertur eligendus, Iudex competens existat. Vide Bullam cum multis ipsam concernentibus apud Peirinis to. 2. priuileg. Minim. in Const. 5. Gregor. XV. aduertendo ulterius à S. Congregatione, & Sanctiss. D. N. Urbano VIII. ut patet ex Bulla inter Constitutiones ipsius 4. to. Bull. num. 78. declaratum fuisse, hanc Gregorij Constitutionem non afficere Religionem Hierosolymitanam, nisi quoad Iudices Conseruatores. Pro Iudicibus etiam Conseruatoribus vide Eralmum Chokier in speciali tractatu de hac re. Quia verò in prædicta Constitutione statuitur, Vt coram Conseruatoribus Regulares conueniri quidem, aut trahi debeant, sed alios conuenire, aut trahere non possint, itaut memorati Conseruatores in causis, in quibus Regulares, & alij Actores fuerint nullam prorsus Iurisdictionem habeant, sed in ijs tantum, in quibus Rei extiterint. Ideò dubitatum fuit, an per hæc verba sublata sit facultas, quam habent Conseruato-

uatores defendēdi Regulares, & alios à manifestis Iniurijs, & violentijs, quæ illis de facto inferuntur, dum à suis possessionibus deijciuntur, & proprijs bonis vti, ac frui impediuntur. *Sacra Congregatio Cardinalium Concilij Tridentini interpretum censuit, eiusmodi verbis minimè sublatam fuisse facultatem, quam habent Conseruatores defendendi Regulares à manifestis iniurijs, ac violentijs, dummodò obseruent formam præscriptam Constitutionibus Innocentij IV. & Bonifacij VIII. relatis in cap. 1. & fin. de offic. deleg. in sexto.*

12 Canonica portio Parochialis (quæ debetur de omnibus, quæ obveniunt ratione funeris, seu in die funeris, & de omnibus Legatis factis Ecclesiæ, ad quam quis eligit sepulturam. (Silu. verbo *Can. Port. nu. 7. q. 9.*) Non debetur solui à Regularibus propter multa priuilegia de quibus Casarubius in *Comp. verb. Can. Portio*. Maxime ex priuilegio Nicolai V. & Sixti IV. Carmelitans concessio. Casarubius *ut sup.* Miranda in *Man. 2. tom. q. 48. art. 6.* Referens etiam decisionem Rotæ circa hanc causam. Nec huiusmodi Priuilegia abrogata sunt per Conc. Trid. nisi solum quoad ea Monasteria, quæ ante annos quadraginta portionem Canonicam solita erant persolvere. Conc. Trid. *sess. 25. cap. 3.* Miranda *ut sup. art. 7.* Imò Conuentus, qui tenentur soluere Canonicam portionem solum debent illam soluere de illis, quæ allata sunt cum corpore Defuncti. Ita habetur expressè in motu proprio Pij Quinti Anno 1567. edito, qui incipit, *Et si Mendicantium*. Qui non est reuocatus per Gregorium XIII. in Bulla, quæ incipit, *In tanta negotiorum mole*. Quamuis enim in ea reuocauerit Pontifex iste, & ad terminos Iuris communis reduxerit omnia quæcumque concesserat suus prædecessor prædictus Pius Quintus contra formam Concil. Trid. non tamen reuocauit explicationes, & declarationes ab eodem factas circa dictum Conc. qualis est ista. Miranda *ut sup. art. 8.* Peirinis *to. 2. priuileg. Minim. in Const. 7. Pij V. nu. 3.* Addunt alij prædictam Constitutionem Gregorij XIII. non fuisse sufficienter promulgatam, nec in praxi rescriptam. Henriquez *lib. 7. de Indulg. cap. 24. nu. 8.* Thomas à Iesu *de procur. omnium gent. salute lib. 12. cap. 8.*

13 Specialiter à solutione quartæ funeralium excepit Carmelitarum Conuentus à quadraginta annis ædificatos Paulus Quintus in Bulla, quæ incipit. *Decet Romanum* Anno 1605. edita per hæc verba. *Volumus, mandamus, decernimus, & declaramus, omnia, & singula huius Ordinis B. Marie de Monte Carmelo Monasteria, seu Domos in quibuscumque Mundi partibus à quadraginta Annis ædificata, illorumq; Conuentus, & Fratres, nullo modo, nul-*

laue ratione teneri ad solutionem dictæ Quarta Funeralium, & ob non solutionem huiusmodi aliquas sententias, Censuras, & pœnas incurrere posse. Extat etiam alia declaratio S. Congregationis Conc. Trid. videlicet Cōgregatio Concilij censuit non comprehendī Monasteria edificata à quadraginta Annis, citra, aut que in dies edificantur, vel in futurum edificabuntur, præsupposito quod huiusmodi Monasteria sint eius Religionis; cui à Sede Apostolica indultum sit, ut Quartam Funeralem non debeant soluere Episcopo. Rodriguez to. 1. quæst. Regul. art. 39. q. 2. Aliam etiam declarationem Sacræ Congregationis ad instantiam, & fauorem Conuentus Sancti Ludouici de Neapoli Ordinis Minimorum refert Quaranta in Summ. Bull. ver. Priuilegia Regularium. Vide Augustinum Barbosam de Officio Parochi cap. 35. à nu. 4.

14 A solutione etiam gabellarum, & quarumcunque contributionum, onereque hospitandi milites, exempti sunt Ordines Mendicantium à Pio V. in Bulla Ann. 1566. edita, quæ incipit: *Dum ad vberes*. Nec hoc priuilegium derogatum est à Gregorio XIII. in Bulla edita Ann. 1573. de qua supra nu. 12. Vbi derogat priuilegia à Pio V. Regularibus concessa; quia non numeratur istud. Quaranta in Summ. Bull. ver. priuileg. Regul. Flau. Cherub. in 2. to. Compend. Bull. sup. prædict. Bull. Pij V.

15 A solutione quoque Decimarum sunt exempti Religiosi. Tum ex iure communi in cap. quæst. & in cap. decimas 16. quæst. 1. Tum ex multis priuilegijs, de quibus Casarubius in Compend. verb. decima, & Miranda in Manual. 2. to. q. 49. art. 12. & 13. Quoad hoc tamen attendenda est consuetudo patriæ, & Religiosum. Vide Bullam Sixti IV. *Dum attenta* pro Carmelit. Specul. Ord. fol. 85.

16 Percutienti quemcunque Religiosum est excommunicatus excommunicatione Papæ reservata ca. si quis. 27. q. 4. Per Religiosum autem, seu Monachum intelligitur quicumque Regularis, etiam Conuersus. cap. non dub. de senten. excommunication. Imò Nouitius, quia in fauorabilibus Monachus reputatur. Tolet. in Summ. lib. 1. cap. 32. Nec solum iniicientes manus in Religiosos sunt excommunicati, sed etiam mandantes, ratificantes, consentientes, & potentes obuiare. Tolet. ut sup. Bonacina de Censur. disp. 2. q. 4.

17 Gaudent Religiones priuilegio Communicationis, quo communicant, & participant aliarum Religionum priuilegia, ac si illis fuissent concessa, ut videre licet in particularibus ipsarum Religionum Compendijs. Miranda in Man. 2. tom. q. 46. Specialiter Carmelitæ habemus priuilegium hoc Communicationis-

tionis à Leone 10. in Bulla, quæ incipit : *Dudum per nos*, vbi omnia priuilegia concessa, & concedenda Mendicantibus nobis concedit . Laert. Cherub. in Bullar. 10. 1. fol. 524. Deinde ex Clement. VII. in Bulla, quæ incipit : *Ex Clementi*, Ann. 1530. Vbi etiam omnia priuilegia concessa, & concedenda quibuscunque Ordinibus, concedit Carmelitis, & inter ea maximum illud, quòd scilicet : *Gloriosissima Dei Genitrix, semperq; Virgo Maria, Confratrum, seu Religiosorum, ac Sororum animas post earum transitum suis intercessionibus continuis, pijs suffragijs, & speciali protectione adiuuabit*. Laertius Cherub. 10. 1. Bull. fol. 599. De alijs autem Religionibus Mendicantibus hoc ipsum probat Miranda in Man. 10. 2. q. 46. art. 5. affirmans, idem etiam intelligi debere de priuilegijs concedendis alijs Religionibus pro tempore futuris. Ita quòd ex vi priuilegij Communicationis, quod habemus ex Leo. X. & Clem. VII. possimus etiam vti priuilegijs concessis Societati Iesu, Theatinis, & Clericis ministrantibus infirmis, etiam si istæ Religiones aliquo tempore post istos Pontifices fuerint institutæ . In communicatione rursus priuilegiorum non tam vsus, quam ius vtendi debet attendi; ita vt Religiones habentes priuilegium Communicationis possint vti priuilegio concessio alteri Religioni, quo ipsa, propter aliquam causam non vtitur . Siluester verb. priuilegium q. 21. Deinde priuilegia Religionum non tolluntur per non vsum, aut per vsum contrarium, nisi per spatium quadraginta annorum, vt patet ex Innoc. III. in cap. accedentib. de priuilegijs, vel per sexaginta, ex priuilegio Eug. IV. concessio Monachis Benedictinis Vallisoleti, (si illud non fuit viuæ vocis oraculum, alias nihil valebit, iuxta dicenda num. 21.) vbi habetur, quòd *Contra priuilegia dictæ Congregationis non incurrat prescriptio, nisi post lapsum sexaginta annorum*. Miranda in Man. 2. 10. q. 42. art. 4. qui etiam ibidem q. 46. art. 8. adiungit, neque etiam in prædicto tempore amitti, si non casus euenierit vtendi huiusmodi priuilegio : neque quando quispiam ex aliquo legitimo impedimento, sua culpa non causato, eodem vti non potuit, aut interuenit ignorantia eiusdem . Laurentius Peirinis 10. 1. priuileg. Minim. in Const. 15. Iulij 11. nu. 1. Ammitti autem prædicta priuilegia, saltem in foro conscientia, ex eo quòd Religiosi non viuunt regulariter, aliqui volunt . Miranda 2. 10. q. 43. art. 3.

18 Conuersi etiam, Donati, seu Oblati Religionum, qui veram professionem trium votorum emittunt, gaudent omnibus priuilegijs aliorum Regularium respectiue . Ratio est, tum quia sunt verè Religiosi, tum ex concessione Sixti IV. Carmelitis facta, vt ha-

habetur in *Compend. priuilegior. verb. Oblati fratrum*. Quod idem concessit idem Sixtus IV. Augustinianis. Miranda in *Man. to. 1. q. 29. art. 6.*

19 Quamuis multæ, variæque Indulgentiæ concessæ sint à Summis Pontificibus vtriusque sexus Regularibus, eas tamen reuocauit, & cassauit Paul. V. in Bulla edita Ann. 1605. quæ incipit: *Romanus Pontifex*. & est 3. to. Bullar. 21. inter Bullas huius Pontificis, aliàs 16. ubi tantum quædam ibi scriptas ipsis concedit. Addit insuper idem Pontifex. *Volumus autem, ut omnes supra dictæ Indulgentiæ, & gratia Religiosis Regularibus cuiusvis Ordinis tam Monastici, quàm Mendicantis dumtaxat, ut præfertur concessæ, tian omnibus Monialibus cuiusvis Regule approbata, & intra claustra cum tribus votis solemnibus viuentibus, & perpetuam clausuram seruantibus, tam Ordinarijs locorum, quàm etiam Regularibus cuiuscunque Ordinis, Regule, & Instituti subiectis suffragentur*. Est verò aduertendum, quòd quamuis per hanc Constitutionem reuocentur omnes aliæ Indulgentiæ Regularibus concessæ præter assignatas, non tamen reuocantur Indulgentiæ concessæ Ecclesijs Regularium pro Sæcularibus. Ita enim declaratum fuit à S. Congregatione, ut refert Laurentius de Peirinis to. 1. de subdito q. 4. §. ult. Pium etiam, & probabile est, nec esse reuocatas Indulgentias concessas Regularibus defunctis, aut etiam in articulo mortis constitutis. Nam ea, quæ speciali digna sunt nota, non censentur esse sublata, nisi expressè nominentur, ut colligitur ex l. item apud Labeon. §. ait Prator ff. de iniuriis. In hac verò Constitutione non fit mentio harum Indulgentiarum. Sicque decet credere de Summorum Pontificum pietate. Peirinis to. 2. priusleg. Minim. in Const. 8. Pau. V. num. 10. Nec etiam videntur derogatæ Indulgentiæ concessæ Regularibus ipsis pro defunctis. Propter eandem rationem, & quia sic dicitur declarasse eandem Paulum V. Peregrinus 1. par. sui Compend. verb. *Indulgentia nu. 9.* Peirinis ut supra nu. 5. & in Const. 4. Clem. VIII. nu. 2. Lege ipsum Peirinis super prædictam Const. 8. Pau. V. à num. 1.

20 In fauorem etiam Religiosorum Carmelitarum Clem. VIII. in Bulla edita Ann. 1593. quæ incipit, *Exponi nobis*, præcepit Dominis Archiepiscopis, & Episcopis, ut prædictis fratribus oleum pro ministranda extrema vnctione petentibus, promptè, ac liberaliter exhiberi faciant, ac quoscumque suffraganeos, ut id faciant moneant. 3. to. Bullar. 57. Clem. VIII.

21 Quamuis multa, variaque priuilegia Regularibus concessa sint per viuz vocis Oracula, illaque eandem vim habeant, ac aliæ
Con-

Constitutiones Papales (Laurentius Peirinis *to. 1. priuileg. Minim. in Const. 17. Iulij 11. §. 1.*) imò reuocatis alijs priuilegijs non reuocentur hæc viuz vocis Oracula, nisi aliud expressè specificetur (Henriquez *lib. 7. de Indulgent. cap. 24. nu. 8.*) nihilominus Gregor. XV. per suam Constitutionem, quæ incipit *Romanus Pontifex, to. 4. Bullarij inter Bullas huius Pontificis nu. 27.* reuocauit omnia, exceptis illis, quæ propria manu S. R. E. Cardinalium firmata essent, & de quibus *idem S. R. E. Cardinales testimonium in scriptis præbuerunt*. Postea verò SS. D. N. Urbanus motu proprio Ann. 1631. die 20. Decembris edito, omnia prædicta viuz vocis Oracula per ipsum, aut alios Summos Pōtiffes dara, etiam si à Cardinalibus firmata sint, quibuscunque Religiosis tam in particulari, quàm in vniuersali, cassauit, abrogauit, & annullauit, præcipiens sub excommunicatione, & alijs pœnis ipso facto incurrendis, Superioribus Generalibus, vt infra tres menses omnes, & singulos Prouinciales de prædicto motu proprio certiores facerent, & ipsis Prouincialibus, vt illum in Conuentibus suarum Prouinciarum publicare facerent sub eisdem pœnis. Circa quam SS. D. N. Constitutionem animaduertendum est, per illam non videri cassari, & aboleri viuz vocis Oracula, quibus Sanctitas sua, aut alij Summi Pontifices, priuilegia Religionibus cōcessa, aut decreta Summorum Pontificum, aut etiam Sacrorum Canonum, & Concilij Tridentini, aut aliorum Conciliorum, explicant, aut declarant in concernentibus ad Religiosos ipsos, dummodò prædicta viuz vocis Oracula non contineant aliquam gratiam, priuilegium, aut indultum. Solùm enim reuocantur, & cassantur, *Omnia, & singula priuilegia, facultates, licentia, & gratia quacunque viua vocis Oraculo concessa*, vt in eisdem litteris habetur. Alia ergo viuz vocis Oracula, quæ priuilegia, facultates, licentiæ, & gratiæ non sunt, sed meræ declarationes, aut explicationes, non sunt abrogata à Sanctissimo. (Peirinis, *to. 2. priuileg. Minim. in Const. 8. Paul. V. num. 1.*) Deinde aduertendum, quòd quamuis per Constitutionem Gregorij XV. adductam non reuocentur concessiones factæ per viuz vocis Oracula, quæ sunt sortita suum effectum, ante prædictam Constitutionem, vt in illa habetur, & declarauit S. Congregatio Regularium die 2. April. 1625. (Peirinis *to. 2. priuileg. Minim. in Const. 3. Gregor. XV.*) per Constitutionem tamen SS. D. N. Urbani, cum nihil tale dicatur, videntur reuocari, saltem quatenus respiciunt effectum pro futuro tempore. Vnde si aliquis Religiosus habuit gratiam, v. g. à Pontifice, solo viuz vocis Oraculo, quòd esset Magister, Præsentatus, aut quid simile, à tem-

pore huius Constitutionis SS. D. N. neutiquam potest vti tali concessione. Licet contrarium etiam probabiliter dici possit, cum id non exprimatur in constitutione SS. D. N. Urbani; si enim Sanctitas sua vellet in hoc coarctare constitutionem Gregorij debebat illud declarare. Sicque video aliquos sentire.

21 Possunt Religiosi, Mendicantes præsertim, dare habitum suæ Religionis personis Secularibus vtriusq. sexus, vocatis Tertiarijs, seu Tertij Ordinis. Primò enim quoad fratres, Minores id constat ex pluribus priuilegijs relatis à Casarubio in *Comp. priuileg. Mendican. verb. Tertiarij*. Et quoad fratres S. Dominici id constat ex priuilegio Sixti Quarti inferius adducendo pro fratribus Carmelitanis. Imò referente S. Antonino 3. *par. Histor. tit. 23. cap. 14. §. 2. B.* Dominicus etiam instituit tertium Ordinem, seu Tertiarios fratres, seu Sorores de penitentia. Lege Baptistam Confessum in *collect. lit. apos. & Relig. mend. nu. 8. in Sixto Quarto*. De Augustinianis etiam, id quoque patet ex priuilegio Pauli II. relato ab eodem Baptista Confessio in *prædicto Paulo II. nu. 1. & in Sixto IV. num. 2.* Quoad Carmelitas autem constat primò ex Nicolao V. in Bulla relata ab eodem Baptista Confessio *nu. 1.* Secundò, & maximè ex Sixto Quarto in Bulla *Dum attenta*, quæ est mare magnum Religionis, Romæ apud S. Petrum Anno 1476. 4. Cal. Decembris, per hæc verba. *Statuentes præterea Apostolica auctoritate, & præsentium tenore concedentes, volumus, & ordinamus, quòd de cætero perpetuis futuris temporibus tam Magistro Generali, quàm cuilibet dicti Ordinis Officiali, ac Prioribus dicti Ordinis secundum morem, & instituta eiusdem Ordinis, in quibuscunque Prouincijs constitutis tam præsentibus, quàm futuris sit licitum, ac permissum, quascunque mulieres, & vtriusq. sexus personas, si aliàs sint idoneæ, & aliud Canonicum, non obstat, quæ habitum regularem prædicti Ordinis ad instar mantellatarum, seu Pinzocerarum, aut fratrum de penitentia tertij Ordinis ordinum fratrum Minorum, & Prædicatorum, necnon Heremitarum S. Augustini habere voluerint, & gestare, tam Virgines, ac matronas, quàm viduas, ac mantellatas, seu Pinzoceras, & vtriusq. sexus personas dicti Ordinis Carmelitarum recipere, & admittere; ac earum singulis habitum regularem, ac regulam eiusdem Ordinis Carmelitarum ad instar huiusmodi mantellatarum, seu Pinzocerarum vtriusq. sexus Ordinum, & vtriusq. sexus personarum Ordinum fratrum Minorum, & Prædicatorum, necnon Heremitarum S. Augustini præfatorum, prout secundum Deum salutis animarum earundem personarum salubrius visum fuerit expedire, etiam exhibere; quæ sic recepta, & in posterum recipiendæ auctoritate præfata*

fata gaudeant, & gaudere possint, & debeant tam exemptionis priuilegijs, quàm omnibus immunitatibus, libertatibus, Indulgentijs, & alijs priuilegijs quibuscumq; prefato Ordini Beata Dei Genitricis Maria de monte Carmeli, eiusq; fratribus, ac personis per Sedem Apostolicam iam concessis, & quæ in posterum concedentur, quatenus huiusmodi exemptionis priuilegium, immunitates, libertates, indulgentia, ac quæcumque alia priuilegia ipsis Prioribus, & fratribus Ordinis de monte Carmeli competunt, vel competere possunt, seu poterunt, & Priores, & fratres, ac loca ipsa esse capacia. Eorundem, Constitutionibus Apostolicis, ac statutis, & consuetudinibus, tam uersis, quàm aliorum ordinum quorumcumque, & alijs contrarijs non obstantibus quibuscumq; Vide Bullam in speculo Ordinis fol. 88. Religiosi quoque Minimi S. Francisci de Paula habent etiam suos Tertiarios ex multis priuilegijs Summorum Pontificum, quæ refert Laurentius de Peirinis tom. 1. priuil. Minim. Huiusmodi autem Tertiarios Religionum; quantumuis priuilegia Religionum illis concessa sint, ut patet ex authoribus relatis, obseruentque regulam sui ordinis iuxta eorum statum, nihilominus regulariter personas religiosas, non esse dicendos, constat ex eo, quia regulariter non promittunt tria vota essentialia Religionis, neque solemnia, neque simplicia, sed duo tantum, scilicet Castitatis, & Obedientiæ. Rodriguez 3. tom. quæst. regul. q. 72. art. 3. Licet illi, qui prædicta tria vota sub regimine Prælatorum promiserint ueri Religiosi appellari possint. Rodriguez ibid. art. 1. & 2. Castarubius in compend. verb. Tertiarij fratres num. 7. & 24. Possunt tamen huiusmodi Tertiarij Religionum Fratres, aut Sorores tertij Ordinis nuncupari. Primò quia sic vocantur aliqui ipsorum à Summis Pontificibus in Priuilegijs relatis. Secundò specialiter de Carmelitis ex Priuilegio Sixti Quarti adducto, ubi dicitur, posse Prælatos Carmelitarum concedere habitum, & Regulam sui Ordinis ad instar Mantellatarum, seu Pinzocherarum, aut Fratrum de Pœnitentia tertij Ordinis Fratrum Minorum, & Prædicatorum, &c. Cum ergo prædictarum Religionum, Tertiarij, Fratres, & Sorores tertij Ordinis nuncupentur, idem dici debet de Tertiarijs Carmelitarum, Heremitarum S. Augustini, & Minimorum, particula enim illa, ad instar, habet hanc vim, ut constat ex Suarez lib. 8. de legib. cap. 15. nu. 2. Vbi inquit, quòd Priuilegium ad instar significat propriam, & adequatam similitudinem, ut mensura ad mensuratum, & concedit omnem fauorem, & gratiam formaliter contentam in suo exemplari, & in eodem sensu, in quo in suo exemplari continetur, & cum eadem extensione. Tertiò etiam id apparet ex etimologia nominis, tales enim personæ

sonæ, idè Tertiariæ, vel Tertiarij dicuntur, vel quia est triplex genus personarum, quæ regulam illius Religionis profitentur, scilicet Fratrum Religioforum, Sororum Monialium, & Laicorum Secularium, ut inquit gloss. in *Clem. 3. de Sent. excomm.* Vel quia Tertiarij isti sunt quasi quoddam tertium genus hominum quasi tertium, & medium inter Religiosos, & Laicos Seculares, quia etsi simpliciter Seculares sint nihilominus aliqua, quæ pertinent ad Religiosos observant, videlicet Regulam cum observantia duorum votorum. Et sanè cum omnes prædicti Tertiarij ab omnibus nuncupentur, & sint Tertiarij Ordinis, non est cur illis negetur posse vocari tertij Ordinis: hæc enim correlatiua videntur. Vide decretum S. Congregationis super huiusmodi Tertiarijs Ann. 1616. editum apud Erasum à Chokier. *de iurisdic. Ord. in exempt. p. 1. q. 17.*

23 De Privilegijs specialibus Regularium, quoad Officium Divinum persolvendum agimus. *cap. 12.* De privil. etiam Prælatorum Regularium *cap. 18.* Confessariorum *cap. 19.* Concionatorum *cap. 20.* Sacerdotum *cap. 21.* Novitiorum *cap. 24.* & Monialium *cap. 25.*

De obligationibus Religioforum ratione Voti Obedientiæ emissi in Professione.

C A P. I V.



OBEDIENTIÆ Votum non solum est essentialiter Religioni iuxta dicta *cap. 2. nu. 1.* sed etiam est præcipuum inter tria substantialia Vota Religionis. Eò quòd per illud offertur Deo propria voluntas, quæ potior est, quàm corpus, quòd offertur per Castitatem, & exteriora bona, quæ per Votum Paupertatis Deo offeruntur. Præsertim, quia Votum Obedientiæ continet sub se Vota Castitatis, & Paupertatis. D. Tho. 2. 2. q. 186. art. 8. & *quest. 104. art. 3.*

2 Obligatio Voti Obedientiæ solum extenditur ad res licitas, & honestas; ita vt cum certò constet, rem, quæ præcipitur esse illicitam, & malam, aut contra Regulam, aut Præceptum Superioris altioris, nullo pacto teneatur Religiosus obedire quantumvis ad Obediendum astringatur pœnis, & Censuris. Ratio est, non solum quia nulla lex humana obligare potest ad peccatum; sed etiam quia Religiosus solum tenetur obedire in his, quæ

quæ sunt materia Voti, materia autem Voti non est, nec potest esse res illicita, & inhonesta . D. Thom. *quodlib.* 10. *art.* 10. & 2.2. *q.* 104. *art.* 5. Lessius 2. *de Iust.* *cap.* 41. *dub.* 9. *nu.* 76.

3 Hinc si Prælarus præcipiat res. solum concernentes vtilitati temporali sui, aut suorum, & non vtilitati Spirituali, vt si præciperet subito, vt ageret aliqua negotia alicuius sui confanguinei, aut amici, non tenetur subditus obedire, cum hæc non sint secundum Regulam. Hieronym. Grat. in *Discipl. Regul.* p. 2. *cap.* 1. §. 4.

4 Nec etiam tenetur Religiosus obedire Prælato præcipienti vana, & impertinentia, vel quæ explicite, siue implicite non pertinent ad Regulam. Ratio est, quia obligatio Obedientiæ in Religiosis solum confurgit ex Voto Obedientiæ, quod emiserunt, hoc autem Votum solum est secundum Regulam illius Ordinis: & ita quicquid est vanum, & impertinens nulloque pacto ad Regulam spectans non cadit sub obligatione. D. Thom. *quodlib.* 10. *art.* 10. Sanch. *lib.* 6. in *Decalogum cap.* 2. *nu.* 15.

5 Nec etiam est obligatus Religiosus obedire Superiori præcipienti actus mere internos, verbigratia Fidei, Spei, Charitatis, &c. Ratio est, quia non potest Superior creatus, aut potestas humana præcipere, aut prohibere actus mere internos, cum Ecclesia non iudicet de illis, aut cogat ad illos. Quando tamen actus internus est modus necessarius externi, qui præcipitur, tunc actus internus cadit sub eodem præcepto, quo externus, & obligatur Religiosus ad illum. Vt si Superior præcipiat Religioso, quod recitet Officium Diuinum, aut dicat Missam pro aliquo, tunc enim tenetur habere actus interiores attentionis, & intentionis, quia sunt modi necessarij actuum externorum, qui præcipiuntur. D. Thom. 2. 2. *q.* 104. *art.* 5. Angelus in *Summ. verb. Obedientia num.* 1.

6 Nec obligatur Religiosus ex Voto Obedientiæ ad Obedientiam Formalem, illam scilicet, per quam subditus exequitur præcepta Superiorum, quatenus præcepta sunt. Ratio est, quia, non vult Religiosus Obedientiam sub motiuo Obedientiæ, sed solum Obedientiam materiale, idest executionem rei, quæ præcipitur. Ergo per illam sufficienter satisfacit suo Voto, sicut generaliter Fideles, hoc etiam modo satisfaciunt alijs præceptis humanis. Suarez 4. *to. de Relig. lib.* 4. *cap.* 14. Lessius *de Iust. & Iur. lib.* 2. *cap.* 46. *dub.* 6. *nu.* 12.

7 Nec tenetur ex vi Voti Obedientiæ Religiosus exequi id, quod scit suum Superiorem velle, vt faciat, nisi hæc voluntas aliquo præcepto manifestetur. Ratio est, quia non obligatur, nisi

nisi ad Obediendum præceptis sui Superioris, voluntas autem Superioris, nisi sit intimata, non habet rationem præcepti. Vafq. 1.2. *diff.* 155. *ad fin.* Tolet. *in Summ. tract. de Sept. pec. mort. cap.* 15. *num.* 10. Obedire autem voluntati Superiorum, etiam non intimatæ, est perfectissima Obedientia. Eò quòd sic faciens, non solum facit id ad, quòd tenetur, sed, & id, ad quòd non tenetur, & quòd tantum cadit sub Consilio. D. Gregor. *lib.* 35. *mor. cap.* 13. D. Thom. *in 2. diff.* 44. *q.* 2. *art.* 3.

8 Hinc etiam non tenetur Religiosus ad ea, quæ Prælatus proponit solum sub consilio. Ratio est; quia ea quæ sunt sub consilio, ut ex ipso nomine patet, ad nihil obligant; sicut Vota Obedientiæ, Paupertatis, & Castitatis, quia Secularibus sunt solum proposita ut consilia, ad nihil obligant illos. Valent. 2.2. *diff.* 7. *q.* 3. *punct.* Lessius *de Iust. lib.* 2. *cap.* 46. *dub.* 4. *nu.* 23. Observare tamen ea, quæ sub consilio solum à Prælati proponuntur, erit magna perfectio Obedientiæ, quam aliqui Superobedientiam appellant. Sanch. *lib.* 6. *in Decal. cap.* 1. *nu.* 2.

9 Obligatur ergo solum Religiosus ex vi Voti Obedientiæ, ad Obediendum præceptis suorum Superiorum, quomodocumque intimatis, siue ore tenus, siue scripto, siue alio modo. Ratio est, quia Obiectum Obedientiæ solum est præceptum Superioris. D. Thom. 2.2. *q.* 186. *art.* 9. Azor. *to.* 1. *Inst. Mor. lib.* 12. *cap.* 13. *q.* 1. Non tamen tenetur Religiosus ad Obediendum Superiori, nisi in ijs, quæ concernunt Regulam Religionis. Ratio est, quia Votum Obedientiæ Religiosorum, solum est secundum regulam Ordinis. Silu. *verb. Relig.* 6. *nu.* 6. Sanch. *lib.* 6. *in Decal. cap.* 2. *num.* 15.

10 Non tamen tenetur solum Religiosus obedire Prælato in illis, quæ expressè continentur in Regula, sed in illis etiam, quæ continentur implicite; qualia sunt illa, quæ necessaria sunt ad Regulæ Observantiam. Ratio est, quia ad hæc omnia se obligavit Religiosus eo ipso, quo fecit professionem secundum regulam. Vafq. 1.2. *diff.* 154. *cap.* 4. Less. *lib.* 2. *de Iust. & Iur. cap.* 41. *dub.* 9.

11 Hinc si Prælatus præcipiat subito ieiunare aliqua die, quæ non tenetur ex Regula, vel aliam Corporis afflictionem subire, vel in pœnam delicti commissi, vel in cautelam ne in aliud incidat, tunc tenetur Religiosus obedire. Ratio est, quia hoc totum pertinet, & est necessarium ad Regulæ observantiam. Vafq. 1.2. *diff.* 154. *cap.* 4. Angl. *in Flor.* 2. *p.* 1. *de Voto art.* 2.

12 Tenetur etiam Subditus obedire Prælato præcipienti præcepta communia omnibus Christianis, vel etiam omnibus Ecclesia-

clesiasticis, aut Religiosis, vt audire Sacrum diebus Festis, dicere Officium Diuinum, &c. Ratio est, quia quamuis ista non contineantur in Regula, sunt tamen quasi praeambula quaedam ad illam necessaria. Caiet. 2. 2. q. 186. *art. 5.* id colligens ex D. Tho. ibidem.

13 Ea, quae sunt omnino supra Regulam, vt sunt verbi gratia, nimis macerare Corpus, magnae austeritates, subire Martirium, imò, & facere mortificationes aliquas extraordinarias, vel solum pro libito Superiorum, non possunt praecipì à Prælato Regularium, nec ad ea tenetur Religiosus. Ratio est, quia vt dixi Votum Obedientiae solum obligat ad ea, quae Regulam concernunt, siue explicitè, siue implicitè. S. Thom. 2. 2. q. 104. *art. 5. ad 3. Gers. lect. 4. de Vit. Spir. alf. 62. litt. R.* Imò nec Generalis cum toto Capitulo Generali possunt noua aliqua statuta Regulam non concernentia praecipere. Vasquez 1. 2. *disp. 154. c. 4. nu. 25.* Miranda in *Man. to. 1. q. 26. art. 10.* Si tamen in Regula dicatur obediendum esse Superioribus, etiam si supra Regulam aliquid praecipiant (prout in Regula Minorum *cap. 10. & in Constit. Societ. Ies. par. 3. cap. 1. §. 23. & par. 6. cap. 1. §. 1.* videtur haberi) tunc Subditus tenetur obedire. Eò quòd in tali casu id, quod praecipitur, est conforme Regulæ. Less. 2. *de Iust. cap. 41. dub. 9. num. 77.*

14 Si Prælati imponat aliquam poenitentiam subito propter suspicionem delicti, quod reuera non commisit, non tenetur subire talem poenam, Eò quòd innocens, non debet puniri. In publico autem ratione scandali aliorum tenetur obedire. Nauarr. in *Summ. cap. 23.* Vasquez 1. 2. *disp. 174. cap. ult.*

15 Similiter quando Regula non praecipit obedire Superioribus, etiam supra ipsam, Religiosi illam profitentes non tenentur ex vi Voti Obedientiae obedire Superioribus praecipientibus ire ad remotissimas partes, videlicet Indiarum, ad conuertendos infideles ad fidem. Non solum quia id est expositum multis periculis corporis, & animæ, sed etiam, quia hoc nullo modo concernit Regulam, quam sunt professi. Ludovic. Lopez 1. *par. Instruct. cap. 56. colum. 1.* Rodriguez 2. *to. Summ. cap. 9. nu. 5. & to. 3. quest. Regul. q. 19. art. 7.* Excipiuntur ab hoc Religiosi Societatis, quia speciali voto ad hoc se alligant. Iidem Authores.

16 Tenetur Religiosus obedire Prælato iubenti, vt eat ad commorandum in aliquo loco aeris intemperie laboranti. Quia hoc est conforme Regulæ, & necessarium pro conseruatione locorum Regularium. Excipe casum, quando subditus certò sciret Prælatum hoc illi praecipere solum ex odio, & mala voluntate erga ip-

sum. Quia tunc Prælatus abutitur sua potestate. Laurentius de Peirinis *to. 1. q. 1. de Obedientia cap. 11.*

17 Tenetur etiam Religiosus obedire Prælato præcipienti, ut accipiat munus Prælati, seu aliquod officium intra Religionem. Ratio est, quia hoc est conforme Regule, & potest esse conveniens Religioni. Imò etiam si dubitet de sua sufficientia. D. Anton. *3. par. tit. 16. cap. 1. §. 7. & tit. 17. cap. 16. Palud. in 4. distin. 19. q. 1. art. 1.* Si verò Religiosus habeat impedimentum aliquod, quod nec ipse, nec Prælatus præcipiens accipere officium possit amovere, ut si habeat aliquam incapacitatem, vel irregularitatem soli Papæ reservatam, non tenetur obedire. Eò quòd nemo obligari potest ad illicitum. S. Thom. *2. 2. q. 185. art. 2. ad 2.* Sot. *10. de Iust. q. 2. art. 2.* Secus est quando dubitat an sit dignus. Quia in dubijs obediendum est. Sanchez *lib. 6. in Decalog. cap. 3. nu. 11.*

18 Non tamen potest Prælatus Religionis Papa inferior præcipere suo Subdito, ut accipiat Episcopatum, (idem dico de quocumque alio officio extra Ordinem), neque iste tenetur obedire, licet laudabiliter satis Sancti aliqui viri suis Superioribus in hoc etiam obediētes fuerint, prout de B. Thoma de Villanova, & Illust. Bartholomæo de Martyribus, utroque ex gravissima Augustinienſi familia, dicitur, ille etenim Archiepiscopatum Valentinum, & iste Bracharenſe, iubentibus Superioribus, acceperunt. Ratio est, quia fieri Episcopum non pertinet directe, aut indirecte ad observantiam Regule, quam professus est Religiosus, cum potius eximat ab illa; neque ordinatur per se ad bonum Religionis, sed tantum ad bonum Ecclesiæ, solum ergo a Papa, ad quem pertinet cura Ecclesiæ, potest cogi Religiosus ad hoc munus subeundum. Valent. *2. 2. disp. 10. q. 3. punct. 3.* Sauch. *lib. 6. in Decal. cap. 2. nu. 49.*

19 Tempore Pestis, vel alterius mali Contagiosi, ex quo imminet periculum mortis tenetur Religiosus obedire Prælato suo præcipienti, ut ministret infirmis Religiosis illius Religionis. Non tamen tenetur obedire illi si præcipiat ministrare extraneis, nisi in casu, quo deessent Parochi, qui illis ministrarent Sacramenta, vel Parochi, qui essent, non sufficerent ad id præstandum. Ratio primæ partis est, quia præstare Religiosos sibi inuicem mutua hæc ministeria ad conservationem Religionis spectantia concernit Regulam, quam professi sunt, & ita tenentur ad ea, etiam cum periculo vitæ, sicut tenentur milites præliari, vel esse in tali loco, cum eodem periculo. Ratio secundæ partis est, quia Religiosum servire extraneis peste infectis, cum periculo vitæ, non est secundum Regulam, sed supra illam. Ratio etiam tertiæ

tertia partis est, quia Religiosi, præsertim Mendicantes, & alij quorum institutum est salutem proximorum incumbere, sunt coadiutores Episcoporum, & Parochorum in salute proximorum procuranda, & ob id Fidelium Eleemosynis sustentantur. *Rodrig. 3. to. q. 31. art. 3. & 4. Sanch. lib. 6. in Decal. cap. 2. d. nu. 54. Vide dicta cap. 1. nu. 17.*

20 Idem dico de tempore hæresis, scilicet posse Prælatum præcipere Religiosis, ut assistant alicui loco ad prædicandum, disputandum, & defendendum Ecclesiam contra Hæreticos, etiam cum periculo vitæ. Ratio est eadem, quia hoc non excedit Regulam, quam professi sunt, sed potius concernit illam, cum ex illa sint coadiutores Episcoporum, & Parochorum. *S. Thom. opusc. 18. cap. 14. Rodr. ut supra.*

21 Duobus Prælati contraria præcipientibus non licet obedire minori neglecto maiori. Quia potestas minoris subordinata est maiori, & ita illi subiecta, & minus obligans. *Lancel. in Gnome Vit. Rel. lib. 2. sect. 1. art. 3. resol. 6.* Si tamen contingeret (quod raro eveniet) quod duo Prælati æqualis omnino auctoritatis aliquid Religioso præciperent, tunc parendum vel ei, qui præcipit in ordine ad nobiliorem finem, vel ei qui primò præcipit, vel si cætera sint paria, cui magis placuerit. *Laurentius de Peirinis to. 1. q. 1. de Obedientia cap. 7.*

22 Religiosi hospites, seu Peregrini in aliqua Prouincia, vel Conuentu non obligantur specialibus præceptis eius Prouinciæ, vel Conuentus. Ratio est, quia illa præcepta tantum sunt posita pro subditis. Attendendum tamen est in hoc, tum ad Constitutiones Religionis, tum ad consuetudinem, & ne inde oriatur scandalum. *Suar. to. 4. de Relig. tract. 8. lib. 2. cap. 8. num. 21.* Oppositum affirmans de legibus: ita ut ad illas etiam obligetur Religiosi Hospites, & Peregrini. *Idem nu. 23.* Hoc tamen præcipue intelligo in foro exteriori. Eò quod si hospites, & forenses non se conformant habitatoribus, oritur turbatio, & scandalum. *Rodriguez to. 1. quest. q. 68. art. 4. Miranda 2. to. Manual. q. 29. ar. 6.* Qui etiam bene addunt, etiam in foro interiori obligari, quando est scandalum, & non subest rationabilis causa illos excusandi.

23 Non tenentur Religiosi interrogati, etiam sub iuramento, ad manifestandum eum, quem deliquisse norunt, neque ipsi delinquentes tenentur se prodere, etiam ad quodcunque præceptum suorum Superiorum, quando adeò est occulta persona, ut nulla infamia laboret, iuxta dicenda *cap. 27. num. 11. & 12.* Ratio est, quia iudex, seu Prælatus non potest de tali persona delincente, quando est occulta, iuridice interrogare. Ergo neque subditi ma-

nifestare. Caictan. 22. q. 33. art. 7. Suarez 4. to. de Relig. lib. 10. cap. 11. num. 7. & cap. 12. à num. 1. Secus verò, quando præcedit aliqua infamia. Quia tunc iuridicè interrogantur. Sotus 5. de Iust. q. 6. art. 1. concl. 1. Azor. 10. 3. lib. 13. cap. 25. dub. 3. Vide dicenda cap. 27. nu. vii sup.

24 Non solum tenetur Religiosus Prælato suo obedire in rebus, quas certò cognoscit esse licitas, & honestas, sed etiam, quando dubitat, an res, quæ illi præcipitur, sit licita, nec ne: dummodò non sciat euidenter esse malam, & illicitam. Ratio sumitur, tum ex doctrina Diui Augustini lib. 22. contra Faustum c. 74. & 75. scilicet, quòd etiam Regi iniquo indicenti bellum obediendum est à subditis, dum non constat bellum esse iniustum: ex quo sequitur, idem dicendum esse de Obedientia Religiosi erga suum Prælatum. Tum etiam, quia quoties Subditus potest habere iudicium prudentiale, quòd res, quæ illi præcipitur sit licita, & honesta, tenetur obedire: in casu autem præsentis potest habere hoc iudicium, etiam si habeat dubium speculatiuum, an res, quæ illi præcipitur, sit licita, vel non; eò quòd, cum Prælatum habeat possessionem suæ iurisdictionis, & in dubijs melior sit conditio possidentis, poterit iudicare Subditus Prælatum licitè præcipere; ac per consequens ipsi tenere obedire. Nauar. c. Si quis alit n. 114. de Penit. dist. 7. & in Sum. cap. 23. Bannez 2. 2. q. 40. art. 1. dub. 6. Male ergo Scioli quidam Religiosi, qui, vix Theologia, vel Casibus Conscientiæ à limine salutatis, arundine mathematica, quid Superiores ijs, vel illis præscribendis authoritatis habeant cura scandalo pusillorum factiosè metiuntur. Cùm, teste Diuo Gregorio in primo Reg. lib. 2. cap. 4. Vera Obedientia, nec Præpositorum intentionem discutit, nec præcepta discernit, quia omne vitæ suæ iudicium maiori subdidit. Nescit enim iudicare quisquis perfectè didicerit obedire.

25 Idem dico in casu, quo Subditus dubitat rem præceptam excedere Regulam, & limites potestatis Superioris, aut Prælatum non esse legitimè electum, aut confirmatum, esto sit in pacifica possessione. Propter eandem rationem. Sanch. lib. 6. in Decal. cap. 3. nu. 4. 29. & 30.

26 Item quando Religiosus iudicat probabiliter, vt malum id, quod Superior præcipit, dum enim hoc non constat ei euidenter tenetur obedire. Tum propter eandem rationem. Tum quia, esset confusio, & destructio Communitatis, si pretextu Opinionis probabilis nollet, quis Superiori obedire. Tum etiam, quia alias cogendi essent Superiores ad non præcipiendum nisi ex certa, & euidenti notitia honestatis rei, quæ præcipitur, quod est supra humanam

humanam facultatem. Cordub. lib. 3. *quæst. q. 9.* Valentia 2. 2. *disp. 7. q. 3. punct. 2.*

27 Similiter quando Prælatus præcipit aliquid contra, aut supra Regulam, si tamen constet euidenter, aut etiam probabiliter, imò etiã si res sit speculatiuè dubia, & quòd possit in illo dispensare, tenetur Religiosus obedire. Ratio est, quia in his casibus tenetur credere, quòd præcipiendo illam rem dispensat in Regula, ac per consequens, quòd potest dispensare, quòd debeat ipsi se conformare. Angel. v. *Relig. nu. 29.* Silu. v. *Relig. 6. q. 6.* Idem dicendum est quando dubitat Religiosus, an Prælatus ex iusta causa dispense. Propter eandem rationem. Nauarr. in *Sum. hisp. cap. 23.* Less. 1. *de Iust. cap. 41. d. 9. nu. 77.*

28 Etiam cum Religiosus valetudine, aut aliquo impedimento probabili, dubius est, an teneatur, verbi gratia ieiunare, abstinere à carnibus, dicere Officium Diuinum, &c. tenetur obedire Prælato præcipienti ne ieiunet, aut quòd carnibus vescatur, aut quòd officium non persoluat. Propter eandem rationem. Sot. *de Secr. memb. 3. q. 2. concl. 1.* Salas 1. 2. *q. 214 tract. 8. disp. unica sect. 17. nu. 155.*

29 Imò generaliter loquendo, quòd subditi debeant, & possint stare determinationibus suorum Superiorum in dubijs, & scrupulis ipsorum subditorum conscientiam tangentibus, cum consilio aliquorum Patrum, si res magni ponderis fuerit, concessit Leo Decimus Franciscanis, & per consequens omnibus alijs, qui per communicationem ipsorum priuilegijs vtuntur. Cordub. in *Regula D. Franc. cap. 10. q. 2. punct. 3.* Miranda in *Manuali 10. 1. q. 26. art. 5.* Quæ concessio, licet quia viux vocis Oraculo facta fuit, his temporibus nihil valeat quatenus nouam gratiam concedit; quatenus tamen explicatiua est iuris, quod habent Prælati supra subditos, vt veri ipsorum Pastores, & Doctores, deseruit ad intentum. Vide dicenda *cap. 18. nu. 56.*

30 Cum verò est dubium Religiosi circa factum in irregularitate, vt si dubitet an commiserit homicidium, tunc iussus à Superiore non potente in illa irregularitate dispensare, vt celebret, non tenetur obedire. Quia dubius de homicidio iudicandus est irregularis. *Ex cap. significasti, & ex cap. ad audientiam de homicid.* Vasquez 1. 2. *disp. 66. cap. ult. nu. 50.* Sairus in *elau. Reg. lib. 1. cap. 13. num. 38.* Cum verò dubium non est multum vrgens, si communicato cum prudenti Superiore, dixerit, illud non esse sufficiens fundamentum ad dubitandum, deponendum est, & standum iudicio Superioris. Vasquez *vt sup.* Sanchez lib. 6. in *Deal. cap. 3. nu. 22.*

31 Ex vi Voti Obedientiæ, quod Religiosi emittunt, tenentur obedire in his, quæ concernunt Regulam non solum Prælati Religionis, sed etiam specialiter Summo Pontifici, non solum quatenus est Caput Ecclesiæ, quo titulo omnes etiam sæculares illi obedire debent, sed specialiter, etiam ratione Voti Obedientiæ emissi in professione. Ratio est, quia Summus Pontifex est supremus omnium Religionum Generalis, cum omnis potestas iurisdictionis Generalis, & aliorum Prælatorum Religionis ab illo deriuetur: atque ita per Obedientiæ Votum illi subduntur Religiosi, & tenentur obedire. S. Thom. 2. 2. q. 186. art. 5. ad 3. Bañez 2. 2. q. 11. art. 10. dub. 6. ad finem. Idem dico de S. Congregat. Cardinalium super Regulares, quia illa specialiter instituta fuit à Sixto V. & alijs Pontificibus pro regimine Regularium. Thom. de Iesu traçt. 3. de visitat. Reg. cap. 17. num. 7.

32 Hinc si Pontifex, & Prælati Religionum contraria præciperent, obediendum est, etiam ex vi Voti Obedientiæ, Pontifici. Cum omnis iurisdicctio Prælatorum Religionis sit in illo principalius, & ab illo deriuetur. S. Thom. in 2. dist. 44. in expos. liter. Sanchez lib. 6. in Decal. cap. 1. nu. 10.

33 Hinc etiam quando Religiosus sit Generalis suæ Religionis, quamvis eximatur ab Obedientia inferiorum Prælatorum manet Votum Obedientiæ illius quoad Papam. Cum non eximatur ab ipsius Obedientia, nec dispensetur cum illo in Voto emissio. Aragon 2. 2. q. 88. art. 11. Valentia 2. 2. dist. 10. q. 3. punct. 8. Hinc quoque si Pontifex præcipiat aliquid, quod sit simpliciter supra Regulam, ita ut illam nullo modo concernat, non tenetur Religiosus obedire. Quia debitum speciale, quod habent Religiosi obediendi Pontifici ultra alios Christianos est solum ratione Voti Regulæ, quod emiserunt, ac proinde non poterunt obligari supra illam. Lessius 2. de Iust. cap. 41. dub. 9. num. 77. Sanchez lib. 6. in Decalog. cap. 2. num. 22. Hinc præterea potest Pontifex eximere quemcumque Religiosum ab Obedientia inferiorum Prælatorum, & sibi reservare. Quia hoc est uti iure supremi Prælati Religionum quod habet. Quamvis non possit licite hoc facere sine causa. Quia hoc esset potius in destructionem, quam in ædificationem. Suarez 4. 10. de Relig. traçt. 8. lib. 3. cap. 11. num. 7. & 8.

34 Non est cõtra Votum Obedientiæ, quod Religiosus grauatus à Prælato, causa querelæ recurrat ad Superiorem Prælatum, ut si est grauatus à Priore, quod recurrat ad Prouincialem, & à Prouinciali ad Generalem. Ratio est, quia potestas minoris Prælati est subordinata maiori, & illi subiecta, ac per consequens ab illo

illo discutienda . Nauarr. lib. 2. *Consil. in 1. edit. tit. de sent. & re iudicat. consil. 2. num. 8. in 2. tit. de appellat. consil. 5. num. 8.* Sairus lib. 12. *clau. reg. cap. 17. num. 38.* An autem liceat appellatio à Iudice Regulari, vel illum recusare, dicimus *cap. 9. à nu. 4.*

35 Si Prælatus præcipiat Religioso, vt celebret Missam pro Petro, v.g. & ipse celebret pro Francisco, licet sine dubio peccet sic faciendo, cum in re licita, & honesta, & conformi Regulæ transgrediatur præceptû Superioris, nihilominus Missa illa proderit Francisco, non Petro. Ratio est, quia Sacerdos in administratione Sacramentorum, & applicatione sacrificiorum operatur, vt minister Christi, & vt habens solum ab ipso potestatem, ergo solum illi subijcitur, non alij Superiori quoad has actiones. Suarez *to. 3. in 3. par. disp. 79. sect. 9.* Ledesma *1. par. Summ. de Eucharist. c. 18. conclus. 18.*

36 Non est contra Votum Obedientiæ, quòd aliquando subditi suos Prælatos corrigant, possunt enim id, & quandoque debent facere. Nam illud Matthæi 18. & Lucæ 17. *Si peccauerit in te Frater tuus corripe illum,* omnes comprehendit; tam subditos, quam Prælatos. Valencia *to. 3. disp. 3. q. 10. punct. 4.* Rodrig. *to. 2. quest. regul. q. 8. art. 2.* Quando tamen Prælatus est corrigendus propter aliquos defectus, corrigi debet à personis grauib, & autoritatis, & leniter, humiliter, & reuerenter. Probat id D. Thom. 2. 2. *q. 33. art. 4.* ex illo Pauli 1. *ad Thimoth. 5. Senioremem ne increpaueris, sed obsecra vt patrem.* Valencia; & Rodrig. citati.

37 Præcepta Superiorum Regularium, etiam si adiunctas habeant censuras, ligant inferiores, quamuis existant extra eorum Monasteria, & Prouincias. Ratio est, quia Prælati Religiosorum non habent territoria diuisa sicut Episcopi, sed eorum iurisdic-tio est in ordine ad personas subditas secundum se, & vbiunque sunt, cum ratione Voti Obedientiæ se illis absolute subiecerint, ergo vbiunque fuerint possunt illis præcepta imponere. Siluest. *verb. excommunicatio 2. nu. 15.* vbi refert quosdam dicentes, totum mundum esse territorium Prælatorum Regularium. Cornexo *to. 2. in 3. par. S. Tho. tract. 5. de censur. disp. 6. dub. 2.*

38 Non teneatur subditus obedire suo Superiori excommunicato publico, seu non tollerato, quia tunc caret iurisdic-tione circa subditos. Imò neque potest licite Superiori sic excommunicato obedire: quia hoc esset recognoscere in illo potestatem iurisdic-tionis, quam non habet, & communicare cum illo, quod non licet. Cornexo 2. *to. in 3. par. disput. 10. de excommunic. S. 5. dub. 1.* Vide Suarez *to. 5. de censur. disput. 15. sect. 7.*

39 De Obedientia debita à Religiosis Regulæ suorum Ordini

num dicimus *cap. 7.* & de obedientia ad Constitutiones, seu Statuta *cap. 8.* & de obedientia ad decreta Conciliorum, Summorum Pontificum, & Sacrarum Congregationum *cap. 9. & 10.* Insuper, in quibus teneantur obedire Dominis Episcopis, & Praelatis Ecclesiarum, aut etiam Principibus secularibus *cap. 11.* Deinde de Obedientia Regularium ad Episcopatum, vel alias dignitates assumptos *cap. 17.* Et de obedientia, quam Religiosi eiecti à suis Ordinibus observare debent, *cap. 23.* De Novitiis *cap. 24.* Et de Monialibus, *cap. 25.*

De obligationibus Religiosorum propter Votum Castitatis.

C A P. V.

QVI Castitatem in Religionibus voverunt, non solum peccant contrahendo Matrimonium, sed & Matrimonium ipsum est irritum, & invalidum, etiam si consummatum sit. Ita habetur in Conc. Vien. *Clem. unica de Consang.* Trident. *sess. 24. Can. 9.* & alijs Concilijs. Sanch. *lib. 7. de Matrim. disput. 26. Cornexo to. 2. in 3. par. disput. 7. de Matrim. dub. 9.* Num autem Matrimonium celebratum post professionem sit irritum iure naturali, an solum iure Ecclesiastico alijs relinquimus. Less. *de Iust. & Iur. lib. 4. cap. 41. nu. 68.* Vide dicta supra *cap. 2. nu. 12.* & Cornexo ut supra, ubi etiam de excommunicatione ipso facto, quam incurrunt Religiosi, si scienter contrahant matrimonium, ex *Clem. unica de Consang. & Affinit.*

2 Religiosi professi aliquam, siue Virginem, siue Viduam in Matrimonium ducētes sunt irregulares irregulitate bigamiae similitudinariae. Ex *cap. Monacho 27. q. 1.* Ius enim interpretatur istos contraxisse duo Matrimonia, alterum spirituale cum Christo, & alterum carnale, licet invalidum, cum femina. Sanchez *lib. 7. de Matrim. disp. 85. num. 5. & 6.* Cornexo *to. 2. in 3. p. disput. 10. de irregularit. dub. 2.*

3 Per Castitatem promissam tenetur Religiosus abstinere ab omni actu venereo, siue interno, siue externo, qualiscumque ille sit, ut à turpibus cogitationibus, delectationibus morosis, consensu, actibus externis, &c. Ratio est, quia Votum Castitatis est nova obligatio, quam sibi Religiosus imponit supra obligationem Iuris naturalis, & divini. Ius autem naturale, & divinum pro-

prohibet hæc omnia extra coniugium . Suarez *to. 1. de Relig. lib. 3. cap. 3.*

4 Hinc fit , quod omnis actus venereus , qui in secularibus extra coniugium est peccatum contra Castitatem , fit in Religioso sacrilegium . Eò quòd ratione voti emissi talis actus opponitur virtuti Religionis . Lessius *2. de Iustit. cap. 41. dub. 9. num. 78.* Hæc autem malitia sacrilegij est mortalis in illis actibus , in quibus malitia libidinis est in secularibus mortalis ; venialis verò , in quibus illa est venialis . Ratio est , quia circumstantia voti Castitatis non immutat obligationem iuris naturalis , sed solum addit circumstantiam sacrilegij , quæ circumstantia sequitur naturam actus , cui adiungitur . Lessius *ut supra . Sanchez lib. 5. in Decalog. cap. 6. nu. 9.*

5 Contingere tamen poterit , quòd actus venereus , qui in secularibus solum est venialis , v. g. verbum inhonestum , gestus impudicus , vsus vestis lasciuæ , &c. fit mortalis in Religioso ratione scandali . Ratio est , quia cum talia vident in Religioso seculares graue scandalum concipiunt . Eò præsertim , quòd Religiosus debet esse , & apparere omnimodè ab huiusmodi alienus . Imò credo tale peccatum mortale scandali esse contra votum Castitatis promissæ à Religioso (cum peccatum scandali reducatur ad eandem speciem , ad quam pertinet peccatum illud , ad quòd inducit) ac perinde in casu , quo violatio Castitatis fit casus reservatus Religioso , maneat quoque reservata hæc culpa . Quid , quid dicat Sanchez *lib. 5. in Decalog. cap. 6. nu. 11.*

6 Castitas Religiosa non solum excludit commixtionem verecandam , aut aliam actionem exterius consummatam ; sed etiam aspectum , locutionem , tactus , literarum , vel munusculorum missionem , frequentem accessum , aut locutionem cum fœminis , &c. Ratio est , quia sicut ista in secularibus sunt contra Castitatem , vel continentiam , ita in Religiosis sunt contra votum . Lancelottus *in gnom. vit. Relig. lib. 2. sect. 2. art. 1. resolut. 2.*

7 Probabile est Religiosorum militarè , v. g. S. Jacobi , &c. peccare contra Castitatem , quando debitam militiam omittit ex affectu ad rem vxoriam . Ratio est , quia licet votum Castitatis istorum militum nõ obliget illos , nisi ad Castitatem coniugalem , ac per consequens possint habere vxores ; obligat tamen illos etiam ad dimittendam vxorem , quando id necessarium est , vt bello inter sint : si ergo id non faciunt , peccant contra votum Castitatis promissum . Suarez *4. to. de Relig. tractat. 9. lib. 1. cap. 4. num. 19.*

8 Religiosus Sacerdos , seu in sacris Constitutus peccans contra

tra Castitatem tenetur secundum aliquos manifestare in confessione circumstantiam voti Castitatis Religiosæ, & voti Castitatis annexi Sacerdotio, aut Ordini sacro. Videntur enim ibi esse duæ malitiæ speciei diuersæ, altera contra Castitatem Religiosam, & altera contra Castitatem debitam Sacerdotio, aut Ordini Sacro. Petrus de Ledesma *cap. 19. de pœnit.* Alij verò probabilissimè docent oppositum, & dicunt sufficere, quòd dicat, se contra Castitatis Votum deliquisse. Eò quòd duplex illa malitia non est speciei diuersa, sed contra eandem virtutem: nec diuersitas præceptorum facit malitias diuersæ speciei. Sanchez *lib. 7. de Matrimonio disput. 27. à num. 22.* Bonacina *quest. 4. de Matrimon. punct. ult. num. 28.* In casu autem, quòd Confessarius cognoscat pœnitentem esse Religiosum, Sacerdotem, aut Diaconum, nec tenetur dicere circumstantiam aliquam voti Religiosi, aut Ordinis Sacri. Eò quod Confessarius sciens pœnitentem esse Religiosum, Sacerdotem, vel Diaconum, &c. sufficienter, etiam scit peccata ipsius carnalia habere oppositionem cum Voto solemnī Castitatis, & esse sacrilegia. Bonacin. *ut sup. nu. 31.*

9 Religiosus, qui ultra votum solemnē Castitatis, fecit etiam votum simplex Castitatis, & peccat contra illam, licet secundum aliquos teneatur confiteri utramque circumstantiam: eò quòd obligatio seruandi Castitatem ex Voto solemnī sit maior, & diuersa, quàm illa, quæ nascitur ex Voto simplici. (Aragon. 2.2. q. 88. art. 7.) Alij tamen docent oppositū: Eò quòd utrūque Votum est eiusdem speciei, solum accidentaliter diuersum, ac per consequens in tali peccato solum est vna malitia sacrilegij, quæ sufficienter explicatur, dicendo se violasse votum Castitatis. Sanchez *lib. 7. de Matrimon. disp. 27.*

10 Peccatum Religiosi contra Castitatem, seu *lapsus carnis voluntarius opere consummatus*, reſeruari potest à Superioribus Regularium. Ità Clem. VIII. Ann. 1593. in decreto de reſeruacione casuum, vbi inter eos, quos permittit posse reſeruari, ponitur iste nono loco. Quarant. *in Summ. Bullar. verb. casus reſeruatur.* Per lapsum autem carnis voluntarium opere consummatum, intelligitur non solum fornicatio, adulterium, incestus, &c. sed etiam, quæcunque voluntaria pollutio, aut mollicies. Eò quòd etiam est lapsus carnis in sua specie opere consummatus, licet aliàs in ordine ad alium actum, videlicet copulam, consummatus non sit. Suarez 4. to. de Religion. tract. 8. lib. 2. cap. 18. nu. 12.

11 Religiosus (quod absit) peccatum Sodomiz committens, non solum peccat contra Castitatem, vt constat; sed etiam ultra pœnas dispositas in Conc. Lateran. sub Alex. III. relato *in cap. clerici*

rici de excess. pralat. incurrit in pœnas taxatas à Pio V. in Constitutione, quæ incipit: *Horrendum illud* Ann. 1568. edita in 2. tom. *Bullar. nu. 72.* vbi hæc habentur. *Omnes, & quoscunque Presbiteros, & alios Clericos Seculares, & Regulares, cuiuscunque gradus, & dignitatis, tam dirum nefas exercentes, omni privilegio clericali, omnique officio, dignitate, & beneficio Ecclesiastico præsentis canonis auctoritate priuamus.* Ita quod per iudicem Ecclesiasticum degradati, potestati statim seculari tradantur, qui de eis illud idem capias supplicium, quod in laicos hoc in exitio deuolutos, legitimis reperitur sanctionibus constitutum. Extenditur præsentis Constitutionis dispositio, ad eum, qui faminam præpostera libidine cognouerit. Quia hic etiam est verè Sodomita. Prosp. August. in *addit. ad Quarant. in Summ. Bull. ver. Sodomia.* Et ad illum, qui crimen bestialitatis perpetrauerit. Propterea quod videtur esse eadem ratio. Rodriguez in *Summ. par. 1. cap. 209.* Limitatur tamen ab aliquibus vt non procedat huius Constitutionis dispositio in eo qui copulam Sodomiticam non consummat intra vas contra naturam semen effundendo. Quia per hoc solum consummatur actus Sodomiticus. Nauarr. in *Man. cap. 27. nu. 250.* Prosper. Aug. in *addit. ad Quarant. vt sup.* In odium tamen tanti criminis existimo sufficere copulam, seu coniunctionem contra naturam cum alio habere, etiam sine effusione seminis. Quia tunc sufficientissimè intelligitur consummatus actus iste abominabilis. Rodriguez tom. 1. *quæst. Regul. quæst. 30. art. 19.* Confentio tamen prædictis authoribus, quatenus dicunt non sufficere ad incurrendas pœnas prædictæ Constitutionis habere cum alio pollutionem. Vide dicenda *cap. 10. nu. 8.*

12. Difficilius est decidere, an incurrendas illas sufficiat, quod quis, vel per vnā vicem tantum hoc crimen perpetrauerit. Multi, & probabiliter, dicunt, quod non. Eò quod non sine causa Pontifex posuit illam particulam *exercentes*, quæ denotat actum per aliquas vices continuatum. Nauarr. *vt sup.* Prosp. Aug. *etiam vt sup.* Quamuis autem per vnā vicem solum non incurrantur pœnæ huius Constitutionis, incurruntur tamen aliæ taxatæ ab eodem Pontifice in alia Constitutione Ann. 1566. edita, quæ incipit: *Cum primum*, vbi dicit. *Si quis crimen nefandum contra naturam, propter quod ira Dei in filios diffidentia venit, perpetrauerit, curia seculari puniendus tradatur, & si clericus fuerit, omnibus Ordinibus degradatus simili pœna subijciatur.* Rodriguez tom. 1. *quæst. 30. art. 19.*

13. De Religioso autem solum attentante hoc scelus perpetrare, & de facto non perpetrante ob resistantiam, vel impedimentum,

tum, quidam volunt incurrere pœnas supradictas; alij verò negant. Ego verò existimo, quoad forum conscientiae non incurrere illas, quia leges pœnales, maximè cum graues pœnas infligunt, non debent ampliari vltra id quod sonant: in his autem legibus solum est sermo de ijs, quia & Sodomiticum committunt, non de ijs, qui solum committere attentant. Quoad forum verò exterius secus dicendum videtur, maximè si vltus patriæ ita ferat. Quia in delictis atrocissimis punitur affectus, & conatus, etiam si effectus non sequatur. Rodriguez, & Prosper Augustinus *ut suprà citati*.

14 Propter Castitatem à Religiosis viris conseruandam prohibitum est illis ab Ecclesia, præsertim Pio V. & Gregorio XIII. admittere intra sua monasteria fœminas cuiuscunque qualitatis, & conditionis sint. De quo late *cap. 10. à num. 9.* Similiter propter eandem Castitatem à Religiosis fœminis, seu Monialibus obseruandam præcipitur etiam illis non admittere intra sua Monasteria quascunque personas, siue viros, siue fœminas, aut egredi è suis Monasterijs, paucissimis casibus exceptis. De quo *cap. 25. à nu. 16.*

15 Ob maiorem etiam honestatem, & Religiosum decorem, conseruandum à viris Religiosis præcipiuntur hæc illis à Clem. VIII. in decret. *pro reformat. Regular.* Innouatis à S. Congregatione iussu SS. D. N. Urbani VIII. *Habeat Superior Clauem ita fabricatam, ut cum sibi videbitur cellas omnes referare possit, & propterea nullus cellam, etiam noctu ita claudat, quin semper à Superiore aperiri possit.* Item. *In medio dormitorij totam noctem lampas coluceat.* Itemque. *Sigillatim suo quisque lecto cubet, neque vllibi duo eodem lecto dormire possint, qui omnes ad certam formam redigendi erunt.* Quæ quidem decreta vt pote concernentia Regulam, & votum Castitatis Religiosorum, absdubiè obligant illos ad mortale, vel veniale iuxta materiæ grauitatem, & alias circumstantias temporis, loci, &c.

16 Religiosi, qui in peccatum carnis lapsi sunt, varias pœnas incurrunt, iuxta diuersa statuta Religionum, & pro nostra vide *3. par. Constitut. cap. 7.* De iure autem communi loquendo Religiosi fornicarij pœnam quidam volunt esse depositionem, quod multo magis est verum si fornicatio fuit sacrilega, quæ vocatur adulterium spirituale, scilicet cum Moniali. Nauarrus *de pœnit. diss. 5. nu. 121.* Alderete *lib. 2. de Religios. disciplin. cap. 15. §. 1.* Imo qui Virginem Deo sacram cognouit, iure ciuili vltimo supplicio traditur, iure autem Pontificio deponitur, atque in carcerem tur. Alderete *ut suprà §. 4.* Similiter, qui stuprum commiserunt, iure ciuili

ciuili capite plectuntur, si per vim stuprarunt: iure autem Canonico perpetuò deponuntur. Alderete *ut supra* §. 2. Adulteri etiam perpetuò sunt deponendi, & in Monasterium detrudendi. Rodriguez *to. 2. q. 28. art. 3.* Incestuosi etiam iure ciuili vltimo supplicio puniebantur olim, hodie verò variè puniuntur, sed iure Canonico perpetuò deponuntur. Rodriguez *tom. 2. q. 26. art. 1.* Alderete *ut supra* §. 4. illi verò, qui Sacramento pœnitentiæ abutentes aliqua in confessione, vel circa illam, aut in loco ad confessiones deputato contra Castitatem perpetrari audent, à S. Inquisitione puniuntur, iuxta dicenda *cap. 19. num. 33.*

De obligationibus Religiosorum ratione Voti Paupertatis.

C A P. V I.



SANCTÆ, & Religiosæ Paupertatis excellentia ex eo conspicitur, quòd eam Saluator noster inter Beatitudines potius, quàm inter virtutes numerauerit, Mathæi 5. dicens: *Beati Pauperes spiritu, quoniam ipsorum est Regnum Cælorum.* Quasi ostendere volens, per ipsam quandam fœlicitatis gradum homines in hac vita consequi posse. & Math. 19. ostendere volens adolescenti viam perfectionis dixit: *Si vis perfectus esse vade, & vende omnia quæ habes, &c.* Sane ostendens primum perfectionis Religiosæ fundamentum Paupertatem esse. Cuius exacta cognitio maximè necessaria est Religiosorum conscientijs; alijs laxiùs, alijs strictiùs de ipsa sentientibus, ex quo non mediocres scrupuli oriri solent, multaque peccata. Ideò ergo in hoc puncto accuratiùs plura nobis dicenda erunt.

Paupertas Religiosa est vltronea, & voluntaria rerum temporalium abdicatio, per quam Religiosus ipsorum proprietate priuatur. Ratio est, quia opponitur proprietati, quæ est facultas possidendi, & vtendi aliqua re ad libitum. S. Tho. 2. 2. q. 186. art. 3. Azor. *to. 1. Instit. mor. lib. 12.* Vnde Paupertas Religiosa priuat primò dominio cuiuscumque rei temporalis. Est enim dominium ius perfectè disponendi de re corporali: per paupertatem autem tollitur hoc ius perfectè disponendi. Priuat secundò vusufructu, quod est ius vtendi, & fruendi aliena re, salua illius substantia. Nam per paupertatem etiam priuatur Religiosus hoc iure, nisi dependenter à voluntate Superioris. Priuat ter-

tio

tiò vsu iuris, qui est ius vtendi aliena re. Propter eandem rationem. Non tamen pruat vsu facti. Quia iste non opponitur Paupertati, cum constet etiam seruos, qui nihil omnino habent proprii, habere hunc vsum respectu. v. g. vestium, & ciborum, quæ illis à Dominis suis conceduntur. Azor. *vt supra*. Lessius *2. de Iust. & Iure cap. 6. & 41.*

3 Ex quo inferitur Religiosum non solum non posse habere dominium, vsum fructum, aut vsum alicuius rei, prout important quid iuris, sed etiam neque possessionem, administrationem, aut peculium, prout etiam quid iuris important. Ratio est, quia ista omnia hoc modo sumpta denotant facultatem vtendi aliqua re ex propria voluntate, & independenter à voluntate alterius. Quod repugnat Voto Paupertatis. Quæadmodum enim per Votum Obedientiæ Religiosus omnes suas actiones voluntati Superioris subiecit, ita per Votum Paupertatis omnem temporalium rerum vsum voluntati Superioris submisit. Nauarr. *com. 2. de Regular. Sanchez lib. 7. in Decalog. cap. 18. num. 25.* Solum possunt dici Religiosi habere vsum facti, id est, vsum rerum necessariorum dependenter à voluntate Superiorum. Quia hic vsus non pugnat cum Paupertate. Nauarr. *vt supra*. Rodriguez *tom. 3. quest. Regul. q. 19. art. 4.*

4 Possunt tamen Religiosi dici habere dominium, seu proprietatem iurium, aut bonorum spiritualium, seu interiorum animi. Eò quòd per Votum Paupertatis non renunciant prædictis bonis, aut iuribus spiritualibus, sed solum bonis temporalibus. S. Tho. *2. 2. q. 186. art. 7. ad 4.* Lessius *de Iust. lib. 2. cap. 4.* Imò etiam quarundam rerum, quæ non sunt pretio æstimabiles, v. g. paucarum reliquiarum, Agnus Dei, &c. Quia per Votum Paupertatis solum abdicarunt à se dominium rerum pecunia, aut pretio æstimabilium. Ita colligo ex S. Tho. *vt sup.* Hinc si habeant, vel accipiant iura aliqua Ecclesiastica, v. g. facultatem excommunicandi, absolvendi, dispensandi, &c. sine licentia non erunt proprietarij. Propter eandem rationem. Nauarr. *com. 2. nu. 2. de Regular. Sanchez lib. 7. in Decalog. cap. 19. nu. 58.* Secus dico de iure moderandi cathedras in vniuersitatibus. Quia hoc est pecunia æstimabile, & habet annexam pecuniam. Sanchez *ibidem*. Qui hoc etiam extendit ad gradus Doctoratus, & Magisterij.

5 Possunt etiam dici Religiosi habere dominium bonorum temporalium in communi. Ratio est, quia hoc non repugnat Voto Paupertatis, quod solum dicit abdicationem dominij priuati bonorum temporalium. Et ita Conc. Trident. *sess. 25. de Regularib. cap. 3.* sic habet. *Concedit S. Synodus omnibus Monasterijs,*

Herijs, & Domibus tam virorum, quam mulierum, & Mendicantium; exceptis Domibus Fratrum S. Francisci Capuccinorum, & eorum, qui Minorum de Observantia vocantur, etiam quibus, aut ex Constitutionibus suis erat prohibitum, aut ex privilegio Apostolico non erat concessum, ut deinceps bona immobilia eis possidere liceat, &c. Prædicti autem Minores de Observantia, nec in particulari, nec in communi dici possunt habere dominium bonorum, quæ possident. Quia ita determinarunt Nicolaus III. *cap. exijt de verb. significat. in 6. & Clem. V. clem. 1. §. proinde cum vir Sanctus.* Quare dominium earum rerum, quas isti Patres possident, pertinet ad Summum Pontificem, vel Sedem Apostolicam, maxime post Bullam quandam Martini V. & Pauli III. Rodriguez 2. *tomo quest. Regul. q. 125. art. 6.* Vel saltem dominium pecuniarum, quæ illis dantur pertinet ad dantem illas, dominium verò aliarum rerum, quas possident, ad Summum Pontificem. Quia hoc videtur determinatum à Pontifice prædicto *cap. exijt §. ceterum, cum in eadem.* Sotus 4. *de Iust. q. 1. art. 1.* Rebellus *de Iust. p. 1. lib. 1. q. 7. §. 4.* Domus etiam professæ Societatis Iesu nequeunt habere, nec in particulari, nec in communi redditus aliquos, aut bona stabilia, vel possessionem, præter eam, quæ illis ad habitationem, vel usum fuerit necessaria. Ita habetur in Bulla Iulij III. & in *Constit. Societ. par. 6. cap. 2. §. 5.* Non obstante etiam, quòd Religiosi Mendicantes in communi bona quamvis immobilia possident, possunt tamen dici Mendicantes. Ita declaravit Pius Quintus in Bulla, quæ incipit, *Romanus Pontifex* Anno 1567. edita, & est in secundo tomo Bullarij Laertij nu. 44.

6 Non solum tenentur Religiosi ad non habendum proprium ex vi Voti Paupertatis, quod emiserunt; sed etiam ex vi præcepti Ecclesiastici, illis, hoc prohibentis. Patet hoc *ex cap. Non dicatis 12. q. 1. & ex cap. Cum ad Monasterium de statu Monac.* ubi sic habetur. *Prohibemus in virtute Sanctæ Obedientia, ne quis Regularis proprium aliquo modo possideat, sed si quis aliquid habeat proprii totum in continenti resignet.* Idem habetur in *c. Monach. de statu Monac. & in c. Super quodā.* Insuper, in Conc. Trid. *sess. 35. c. 2.* sic habetur. *Nemini Regularium tam Virorum, quam Mulierum liceat bona immobilia, vel mobilia cuiuscunque qualitatis fuerint, etiam quovis modo ab eis acquisita tanquam propria, aut etiam nomine Conventus possidere, vel tenere, sed statim ea Superiori tradantur, Conventuique incorporentur.* Sunt etiam alia Decreta Pontificum circa hoc, de quibus infra.

7 Nec solum tenentur Religiosi quomodolibet nō habere proprium, aut servare Paupertatem, sed etiam specialiter vivendo vici.

vita communi in victu, vestitu, leſtitijs, & alijs, diſpenſatis, & diſtributis à Superiore, inſpectis ætatibus, & neceſſitatibus ſingulorum. Ratio eſt, quia licet ſine tali vita communi poſſit obſervari ſimpliciter Votum Paupertatis, cum ſubſtantialiter in eo conſiſtat, vt non habeatur dominium alicuius rei temporalis, aut vſus ipſius ſine licẽtia Superioris. Nauarrus *comment. 3. de Regularibus num. 25.* Thomas de Ieſu *ſuper cap. non dicatis 4. par. cap. 3.* nihilominus tamen Eccleſia à Spiritu ſancto edocta videns, quòd ſine prædicta vita communi difficile obſervari poſſit Paupertas religioſa, ideo omnibus Religioſis iſtum ſpecialeſ modum Paupertatis, qui in vita communi conſiſtit obſervandum præſcripſit. Primò in Conc. Trid. in loco ſupra adducto, vbi poſtquam dixit. *Nemini Regularium, tam virorum, quàm mulierum liceat bona immobilia, vel mobilia cuiuſcumque qualitatis fuerint, etiam quomodo ab eis adquiſita, tanquam propria, aut etiam nomine Conuentus poſſidere, vel tenere; ſed ſtatim ea Superiori tradantur. Conuentuique in corporentur: Subiungit immediatè. Nec deinceps liceat Superioribus bona ſtabilia alicui Regularium concedere, etiam ad uſumfruſtum, vel uſum, admiſtrationem, vel commendam. Admiſtratio autem bonorum Monafteriorum, ſeu Conuentuum, ad ſolos officiales eorundem, ad nutum Superiorum amouibiles, pertineat. Mobilium verò uſum ita Superiores permittant, vt eorum ſupellex ſtatui Paupertatis, quam profeſſi ſunt, conueniat. Nihilque ſuperflui in ea ſit; nihil etiam, quod ſit neceſſarium, eis denegetur. Quod decretum iuxta hoc intentum intellexit Concil. Mediol. parte tertia. t. de Comm. Vit. uſu. Loquens de Monialibus ſic inquit. In omnibus Monafterijs, quoad cibum, potum, ſomnum, veſtitum, ceteraſque res attinet, omnes communiter viuant, vt à Sancto Concil. Trident. decretum eſt. Et Concil. Camerac. t. de Monach. cap. 9. & 10. dicens: Cum Sacroſancta Synodus Tridentina præceperit ea, qua ad communem vitam, victum, & veſtitum pertinet fideliter obſervari: mandat hæc Synodus omnibus Religioſis, vt diligentiffimè Paupertatis Votum, tamquam ineffabilis cuiuſdam, & dulciſſima quætiſ cauſam euſtodiant: neque proprietatis vitio violent. Caveant igitur ne quid ſibi ita retineant, vel retinere deſiderent, vt communitati nolint eſſe commune, neque ad peculiareſ uſus eo utantur ſine Superioris conſenſu. Thom. de Ieſu vt ſup. cap. 2.*

8 Secundò ex Clem. VIII. in decretis pro Reformat. Regul. quæ habentur inter Bullas huius Pontificis in 3. tom. Bullar. num. 60. & nuper approbata, & innouata ſunt à Sacra Congreg. Concil. authoritate S. D. N. Papæ Urbani Octau. in Decr. de Apoſt. & Eie-

Eiectionis per hæc verba . Quod Tridentini Concil. Decreta de Paupertatis Voto custodiendo fidelius obseruentur, præcipitur, ut nullus ex Fratribus, etiam si Superior sit, bona immobilia, vel mobilia, aut pecuniam, prouentus, census, elemosynas, siue ex concionibus, siue ex lectionibus, aut pro Missis tam in propria Ecclesia, quam ubicumque celebrandis, aliorum ipsorum iusto labore, & causa, & quocumque nomine acquisita, etiam si subsidia consanguineorum, aut piorum largitiones, legata, aut donationes fuerint, tanquam propria, aut etiam nomine Conuentus possidere possit : sed ea omnia statim Superiori tradantur, & Conuentui incorporentur, atque cum cæteris illius bonis, redditibus, pecunijs, ac prouentibus confundantur, quod communis inde victus, & vestitus omnibus suppeditari possit . Neque Superioribus quicumque illi sint, ullo pacto liceat, eisdem Fratribus, aut eorum alicui bona stabilia, etiam ad usumfructum, vel usum, administrationem, aut commendam, etiam depositi, aut custodia nomine concedere . Eorum verò, quæ ad necessitatem concessa erunt, nullus quicquam possideat, ut proprium, neque ut proprio utatur . Qui in præmissorum aliquo deliquerit, pœnas nedum à Concilio Tridentino præscriptas, sed alias quoque multò grauiores, Superiorum arbitrio imponendas, incurrat . Nulla quæcumque Superiorum dispensatio, nulla licentia, quantum ad bona immobilia, vel mobilia, fratres excusare possit, quominus culpe, & pœna ab eiusdem Concilij Decretis impositæ, & ipso facto incurrenda, obnoxij sint, etiamsi Superiores asseuerent huiusmodi dispensationes, aut licentias concedere posse, quibus in ea re fidem minimè adhiberi volumus . Fratrum vestitus, & suppellex cellarum, ex communi pecunia comparetur, & omninò uniformis sit Fratrum, & quorumcumque Superiorum, statuiq; Paupertatis, quam professi sunt, conueniant : ita ut nihil superflui admittatur, nihil etiam, quod sit necessarium, alicui denegetur . Quæcumque Fratrum vestes, siue laneæ, siue lineæ, omniq; alia suppellex in aliquem commodum Conuentus locum deferantur, ibique ab uno, vel duobus Fratribus huic muneri deputatis diligenter custodiantur, ut inde Superioris arbitrio, prout unicuique opus fuerit, subministrari opportunè possint .

9 Neque audiendi sunt aliqui dicentes mentem Concilij, Summorum Pontificum, & SS. Congregationum, eam solummodò esse, quòd Religiosi nihil habeant inamouibile, & independens à voluntate Superiorum, non verò quòd non possint habere quæcumque bona siue mobilia, siue immobilia, amouibiliter tamen, & dependenter à voluntate Superiorum . Hæc enim doctrina non solum est contra praxim Monasteriorum, & Regularium,

reformatæ viuientium, sed nec stat vilo modo cum verbis Concilij, Pontificum, & S. Congregationum, quin potius inuenta videtur ad illudendum ipsa, & illaqueandas animas Regularium. Intenrum enim Ecclesiæ, nisi cæci esse velimus, in his, & alijs testimonijs, non solum est quod Religiosi nihil habeant independenter à voluntate Prælatorum, (hoc enim intrinsecum est, & essenziale naturæ Voti Paupertatis, neque erat necessarium illud præcipere,) sed, vt dicitur in prædictis Decretis, quod omnia quæ Religiosi quomodocumque adquisierint *statim ea Superiori tradantur, Conuentuique incorporentur*, ac cum alijs ipsius bonis *confundantur*, ita vt administratio illorum tam in recipiendo, quam in retinendo, seu expendendo *ad solos Officiales* Monasteriorum, non ad ipsos Religiosos priuatim, pertineat, vt inde *communis victus, & vestitus omnibus suppeditari possit*, non obstante quacunque licentia, seu dispensatione Superiorum. Vide dicenda inferius à n. 21. Vbi etiam dicitur, an in aliquo casu, quando scilicet Monasteria de necessarijs non prouident Religiosis, liceat oppositum, non obstantibus Decretis adductis.

10. Vt verò vita hæc communis exactius obseruetur, in *Monasterijs, & Domibus tam virorum, quam mulierum, bona immobilia possidentibus, vel non possidentibus, is tantum numerus constituitur, ac in posterum conseruetur, qui, vel ex redditibus proprijs monasteriorum, vel ex consuetis elemosynis commodè possit sustentari*. Ita ad Verbum in Conc. Trid. sess. 25. de Regular. cap. 3. Quod idem de Monialibus statutum fuerat in c. unico §. *sanè de statu Regular.* in 6. Et in Constitutione Pij V. Ann. 1566. quæ incipit: *Circa pastoralis officij*. Idem quoque tam de Monasterijs virorum, quam mulierum determinatum fuit in Conc. Arelateni 4. cap. 8. & in Mogunt. cap. 19. Et à Clem. VIII. in decretis adductis supra numero præcedenti, approbatis, & innouatis à S. Congregatione Concilij iussu SS. D. N. Urbani VIII. per hæc verba. *In vno quoque Conuentu Fratrum is tantum deinceps constituitur, & in posterum retineatur numerus, qui ex redditibus illius proprijs, vel ex communibus consuetis, vel etiam singulorum elemosynis, alijsve quibuscunque obuentioibus, in commune, vt præfertur, conferendis, commodè possit sustentari*. Idem etiam præcipitur à Paul. V. in Bulla *Sanctissimus in Christo* Ann. 1605. Vbi etiam præcipit Superioribus Religionum sub pœnis grauissimis, vt habita ratione introituum, & expensarum per decem Annos, cuicumque Conuentui prædictus certus numerus Fratrum, qui commodè possit sustentari tantummodò præfigatur, & infra Annum omnia hæc in authenticam formam redacta ad S. Congregationem Reformam-

formationis mitterent . Tandem S. Congregatio Concilij in decretis de celebrat. Missarum nu. 7. Idem præcipit observandum, autoritate SS. D. N. Papæ Urbani VIII. Ratio verò huius tam Sanctæ legis ea est, ne ob multitudinem Religiosorum, qui commodè in vno Monasterio, sustentari non possint, cogantur, vel vitam communem relinquere, vel à Monasterijs abesse, vel plura stipendia Missarum, quàm illa, quibus satisfacere possunt, recipere, vel tandem cum sæcularibus implicari, nimium rebus temporalibus adquirendis addicti. Vnde hoc præceptum sine dubio obligat ad mortale, vt pote de re grauissima, valdeque necessaria statui Religioso . Sanchez lib. 7. in Decalog. cap. 23. per totum . Thom. de Iesu in cap. non dicatis par. 4. cap. 6. Addit verò Sanchez num. 6. posse excusari Prælatos plures admittentes, si iusta causa subfit . Quod non concederem, nisi valde rationabilis talis causa esset .

11 Religiosus dicens aliquid esse suum, v. g. mea vestis, meus liber, secundum aliquos peccat mortaliter, secundum alios non . Veritas est, quòd si id dicat intendens se habere dominium illius rei, vel vsum independentem à Superiore, & mentitur, quia dicit falsum, & peccat peccato proprietatis, quod opponitur Paupertati . Grassi 2. par. decis. lib. 1. cap. 19. num. 8. Si autem solum velie dicere illam rem esse suam quoad vsum dependentem à voluntate Prælati, nullo modo peccat, neque contra veritatem, neque contra Paupertatem . Nauarr. comm. 2. num. 1. de Regular.

12 Peccat etiam Religiosus peccato proprietatis, tenens, retinens, aut possidens quamcumque rem sine licentia sui Superioris, etiam si talis res, sit ex illis, quæ vsu consumuntur. Ratio est, quia per Votum Paupertatis astringitur ad non exercendum actum aliquem proprietatis . Est autem præcipuus actus proprietatis tenere, possidere, aut retinere aliquid sine licentia Superioris. Maior. in 4. dist. 38. q. 9. Azor. 10. 1. in 1stis. lib. 12. c. 12.

13 Similiter nec possunt habere, etiam de licetia suorum Superiorum, Religiosi, aliquid superfluum, aut non necessarium naturæ, aut personæ, aut statui . Ratio est, tum quia secundum tutiorem sententiam Theologorum non possunt sæculares habere superflua, quanto minus Religiosi Paupertatem professi . Tum, etiam, quia Votum Paupertatis solum permittit ea, sine quibus vita transigi non potest . Siluest. verb. Religio 6. quest. 7. Valent. 10. 3. disput. 10. q. 4. Tum præcipue, quia Prælati non possunt talem licentiam concedere, & lethali ter peccant concedendo . Cum enim non sint Domini, sed dispensatores debent prudenter suam potestatem exercere . Vfus autem superfluus non po-

test esse secundum prudentiam. Nauarr. *comm. 2. de Regularib. nu. 21.* Thomas de Iesu *super cap. non dicatis par. 4. cap. 7.* Imò credo peccare peccato proprietatis tam Religiosos habentes superflua, etiam cum licentia Superiorum, quam Superiores talem licentiam concedentes. Quia ex vi Voti Paupertatis sicut astringuntur Religiosi ad non habendum nisi necessaria secundum decentiam status, sic etiam Prælati ad non dispensandum nisi eodem modo. Nauarr. & Thom. de Iesu *ut supra.* Bartholomæus à S. Fausto *in opusc. de vitio proprietat.* Prælato autem dicenti se posse concedere licentiam Religioso ad habendum superflua, non est credendum. Ita declarauit S. Cōgregatio Eminentiss. Cardin. Quarant. *in Summ. Bull. verb. cas. reservat. fol. 157.* Bartholomæus à S. Fausto *ut sup.* Si autem non constat de excessu, & superfluitate standum est iudicio Prælatorum. Quia in dubijs stare debent subditi sententiæ suorum Prælatorum. Iidem Authores *ut supra.* Habere tamen Religiosum picturas sumptuosas, tapetes mundanos, specula inaurata, raritates Indicas, horologia, statuas, & alia monilia huiusmodi sine dubio est graue peccatum. Cum moraliter loquendo non possint non esse superflua ista. Lancillottus *in gnom. Vita Relig. lib. 2. sect. 3. art. 5.* Idem dici debet si Religiosus haberet res non convenientes statui Religioso, ut puta arma, vestes pretiosas, aut curiosas, & alia huiusmodi. Propter similem rationem. Hieronym. Gratian. *Discipl. Regul. par. 2. capite 8. §. 3.*

14 Ut vero hæc, & alia inferiùs dicenda magis elucescant placuit declarationes Eminentiss. Cardinalium S. Congreg. afferre, quæ sunt sequentes. *Queritur primò, An ex dispensatione inferiorum à Summo Pontifice liceat Regularibus possidere, vel tenere agros, annuos redditus, aliaque bona, immobilia videlicet, & mobilia superflua, non obstante decreto Concilij sess. 25. de Regular. c. 2. Secundo, An propter talem dispensationem, seu scientiam Superiorum, possidentes, vel tenentes immobilia, vel mobilia superflua à culpa, vel à pœna excusentur? Tertiò, An Superioribus asseuerantibus huiusmodi se licentias posse concedere fides adhibenda sit. Quartò, An Superiorum arbitrio, & præsinitioni stare debeant Regulares quoad mobilia superfluitatem, & convenientiam? Quintò, An Superiore quantumvis requisito necessaria suis Regularibus negante, vel subtrahente, liceat ipsis clam, vel inuito eo, illa sibi comparare, seu retinere? Sextò, Et quatenus liceat, an ibidem liceat, cum necessaria ideo negantur, vel subtrahuntur, quia Monasterij facultates non suppetunt? Septimò, An dicti Superiores regulares dictum Capit. 2. declarare, & interpretare possint. Ad primum Congrega-*

gregatio Concilij respondit non licere. *Ad secundum non excusari neque à culpa, neque à pœna ipso facto incurrenda. Ad tertium minime adhibendam. Ad quartum nisi de excessu arbitrij constiterit, utique stare debere, habita videlicet ratione Personæ, officij, & regulæ, statusque paupertatis, quam professi sunt, &c. qualitatum. Ad quintum non licere.* Hoc verò solùm intelligo de rebus non simpliciter necessarijs, pro quibus Vide dicenda num. 31. *Ad sextum licere, si præcisa necessitas sit ad indiuidui sustentationem, ceterum communem penuriam ab omnibus percipiendam, usque adeo, ut si quid priuatum alicui delatum, vel ab ipso partum fuerit, id omne ad Superiorem rectè deferri oporteat, qui ex eo primùm succurrat eius necessitati cuius intuitu illud obuenerit, si peculiari aliqua necessitate ultra communem prematur, reliquum Conuentui incorporetur, & in communem cedat utilitatem. Ad septimum non possit.* Vide Quarantam verb. *Casus reservati* pag. 156. & Bartholomæum à S. Fausto de *Voto Paupert.* q. 198.

15 Nec potest Religiosus habere, aut prælatus ipsi permittere res pretiosas, v. g. vasa aurea, aut argentea, gemmas, annulos, vestes sericas, pretiosas picturas, scriptorioria curiosa, & alia huiusmodi. Primò ex *Clement. 5. de statu Monachor.* vbi illis interdicitur omnis cultus, & ornatus pretiosus. Secundò ex Concilio Trident. *sess. 25. cap. 2.* illis verbis *Mobilium verò usus ita Superiores permittant, ut eorum suppellex statui Paupertatis, quam professi sunt conueniat.* Tertiò ex decretis Clem. VIII. & Sanctiffi. D. N. Urbani VIII. adductis illis verbis. *Fratrum vestitus, & suppellex cellarum ex communi pecunia comparetur, & omnino uniformis sit Fratrum, & quorumcunque Superiorum, statuique Paupertatis, quam professi sunt conueniat, ita ut nihil superflui admitatur, nihil etiam quod sit necessarium alicui denegetur.* Quartò ratione ex *Voto Paupertatis* petita, cum illud solùm petat necessaria secundum naturam, personam, & decentiam status, ac perinde excludat omnia ista pretiosa, omnino superflua. Nauarr. *Comm. 4. de Regular. num. 27.* Rodriguez to. 3. q. 29. ar. 11. Nec audiri possunt qui dicunt se illa possidere cum licentia Prælatorum. Cum enim hoc non solùm sit prohibitum iure positiuo ut constat, sed etiam iure naturali, scilicet natura Voti Paupertatis, nullus prælatus potest concedere talem licentiam, nec talis concessio esset dispensatio, sed dissipatio. Turrecremat. *cap. non dicatis num. 4.* Aluarus Pelagius *lib. 2. de planct. Eccles. cap. 64.*

16 In taxatione autem, seu dispensatione rerum necessariarum Religiosis attendenda est in primis necessitas naturæ, quæ est communis omnibus; deinde necessitas personæ, quæ est parti-

cularis in singulis, ut si est senex, vel iuuenis; sanus, vel infirmus, doctus, vel indoctus, delicata, vel debilis complexionis, &c. Similiter usus approbatus inter prudentes, & timoratos Religiosis: ac tandem omnes circumstantiæ temporis, loci, officij, &c. Ratio est, quia si ad hæc omnia non attendatur non potest esse prudens dispensatio. Cordub. in *Regul. B. Francisc. cap. 6. quæst. 1.* Thomas de Iesu in *cap. non dicatis par. 4. cap. 7.*

17 Religiosus etiam habens de licentia Superioris, qui fuit sui Conuentus, aliquid, & illud celans, & occultans præfenti Prælato ne videat, & auferat illud, est proprietarius. Ratio est, quia retinet aliquid contra voluntatem Superioris præfentis sui Monasterij, qui hic, & nunc est Superior verus ipsius. D. Antonin. 3. p. tit. 16. cap. 11. Graffis par. 1. Decis. lib. 3. cap. 5. num. 48. Imo generaliter loquendo Religiosus occultas à suo Superiori aliquid, quod possidet, vel non manifestans, quando Prælatus id interrogat, vel visitat cameram, vel præcipit ut fiat inuentarium rerum, quas possidet; peccat peccato proprietatis contra Paupertatem. Ratio est, quia sic faciens vult retinere aliquid contra voluntatem sui Superiori, quod est esse proprietarium. Cordub. in *Reg. D. Francisc. cap. 7. q. 4.* Mendoza in *quodlib. quæst. 8. con. 4.* Imò etiam, propter eandem rationem, tenetur esse paratus ad dimittendum quicquid possidet, si id Superior præcipiat. Lessi. 2. de *Iust. cap. 4. dub. 5. num. 25. & cap. 41. dub. 9.* Nauarra 3. de *resist. cap. 1. par. 3. dub. 1.*

18 Habere peculium, siue redditus aliquos annuos, seu rem aliquam immobilem, dummodo hæc sint amabilia, & à voluntate Superioris dependentia, non est prohibitum Religiosis, neque ex natura Voti Paupertatis, nec ex vi iuris communis. Ratio primæ partis est, quia Votum Paupertatis solum excludit possidere, aut vti aliqua re independentem à voluntate Superioris. Ratio secundæ est, quia licet *cap. Ioannes de Regul. & cap. Monachi de stat. Monac. & cap. sum ad Monast.* prohibeatur Religiosis habere aliquod peculium, hoc tamen intelligitur, tum de peculio concessio sine rationabili causa, tum de peculio irreuocabili, & independenti à voluntate Superioris. Cuius signum est quòd dicitur *cap. Monac.* permittitur Monachis peculium habere pro administratione iniuncta, & *cap. fin. Qui Clerici vel vouentes* approbatur professio Religionis sub conditione permanendi in propria domo cum omni sua substantia, quoad usum illius. Nauarr. *Com. 2. num. 14. & Com. 3. num. 27. de Regul. Azor. tom. 1. Instit. Moral. lib. 12. cap. 9. q. 2.* Cordub. in *Sum. q. 54. Op. 2.*

19 Nihilominus attento nouo iure Conc. Trid. & Summorum

Fon-

Pontificum, non licet Religiosis habere annuos redditus, peculium, seu aliquam rem immobilem, etiam à voluntate Superioris dependenter, aut reuocabilem. Ratio est primò, quia sine dubio hæc fuit mens Concilij Trident. *sess. 25. cap. 2.* illis verbis. *Nemini Regularium liceat bona immobilia, vel mobilia cuiuscunque qualitatis fuerint, etiam quouis modo adquisita, tanquam propria, aut etiam nomine Conuentus possidere, vel tenere; sed statim ea Superiori tradantur, & Conuentui incorporentur.* Vbi pondero primò illud *etiam nomine Conuentus*, quo denotatur, nec Conuentum ipsum, aut Superiorem posse talem licentiam concedere. Secundò illud *statim ea Superiori tradantur, & Conuentui incorporentur.* Quid enim est incorporari, nisi confundi, aut misceri cum alijs bonis communitatis Conuentus, sine vllò discrimine peculij? Tertio, quia intentum Concilij sine dubio fuit extirpare abusus, qui erant in aliquibus Religiosis ante ipsum Concilium, sed hic abusus non tantum consiscebatur, in hoc quòd Religiosi haberent peculium, aut annuos redditus independentes à voluntate Prælati, (quia hoc semper est, & fuit euidenter peccatum proprietatis) ergo præcipue in hoc, quòd haberent peculium, vel annuos redditus, etiam dependenter à voluntate Prælati. Vnde quartò id colligitur ex his, quæ subdit Concilium. *Nec deinceps liceat Superioribus bona stabilia alicui Regulari concedere, etiam ad usumfructum, usum, administrationem, vel commendam.* Quasi diceret, si ante Concilium hoc licebat, modò non liceat. Ac tandem quintò ita intelligunt Concilium, & obseruari ab omnibus Regularibus præcipiunt Summi Pontifices Clem. VIII. & Sanctissimus D. N. Urbanus VIII. in decretis adductis supra num. 8. Vnde clarè constat mentem Ecclesiæ esse tollere à Religiosis omne peculium, annuos redditus, & omnia bona immobilia. Molina 2. to. de Iust. disp. 276. Lessius 2. de Iust. cap. 4. dub. 5.

20 Hanc verò esse mentem Concilij Tridentini constat clarè ex declarationibus Sacræ Congregationis supra num. 14. adductis. Quibus adiungo alias ad idem intentum. Primò enim, cum Domina Aldonza de Toledo, viro mortuo, facta fuisset Monialis, si bique reseruasset ducentos aureos annuos, interrogata Sacra Congregatione Cardinalium, an securè id posset facere? Respondit, esse contra Concilium illam Dominam annuos redditus apud se retinere, sed potius dandos esse Abbatisse, quæ illius necessitatibus prouideret. Thom. de Iesu in cap. non dicatis par. 4. cap. 5. Deinde adiungo alias ex Quaranta in Summ. Bull. verb. casus reseruat. pag. 157. per hæc verba. *In aliquibus Monasterijs Monialis*

lium reperiuntur nonnulla Moniales, qua census, & annuos quosdam redditus, & prouentus, seu fructus percipiunt sub diuersis contractuum speciebus. Nam aliqua in ipsarum persona emerunt certos redditus à personis laicis. Aliqua ab alijs Monialibus. Aliqua ab ipsis Monasterijs. Alia vero dederunt pecuniam Monasterio, ut ex earum pecunijs fieret emptio nomine Monasterij ad rationem septem, vel octo pro centenario, & Abbatissa dabant dictis Monialibus illos redditus, quos ex dictis emptionibus exigebant singulis annis. Aliqua Monasterijs, seu eorum Superioribus certas pecuniarum summas manualiter pro Monasterij indigentis dederunt, pacto adiecto, vel etiam tacita conuentione adbibita, ut Monasterium, seu Abbatissa certos redditus ad rationem tot pro centenario, eorum vita durante, concedat. Queritur, an huiusmodi casibus liceat Monialibus dictos redditus, fructus, & prouentus percipere absque incurso proprietatis, vel potius tanquam proprietaria incurrant in pœnas per Conc. Trid. sess. 25. cap. 2. de Regularib. in proprietarios insitetas, etiam si de licentia Abbatissæ, & Abbatissæ nutu, vel Conuentus, seu Monasterij nomine percipiant. Congregatio Concilij censuit: In nullo supradictorum casuum licere Monialibus dictos fructus, seu redditus percipere, & si perceperint incidere in pœnas propositas decreto dicti capituli. sess. 25. de Regul. neque ab huiusmodi pœnis excusari ob licentiam Abbatissæ, qua eam, dicti Concilij decreto, in supradictis casibus concedere quidem prohibetur, sed debet pro suo munere ex Monasterij redditibus, vel elemosynis, Monialiū necessitatibus in dies subuenire. Quarantaviii sup.

21 His tamen non obstantibus. In illis Monasterijs, in quibus, vel ob nimiam paupertatem, qua premuntur, vel ob malitiam, incuriam, aut negligentiam Superiorum, non potest obseruari vita communis, dando singulis, & omnibus Religiosis ea, quæ sunt simpliciter ipsis necessaria secundum decentiam status; vel de facto non dantur, potest permitti Religiosis aliquod peculium, etiam rei stabilis, annuus redditus, vel census, &c. in ordine tantum ad vsus simpliciter necessarios, & amobiliter à voluntate Superiorum, si aliter commodè viuere non possint. Ducor ad id primò, quia cum habere ista modo prædicto non sit contra naturam Voti Paupertatis, aut iuris communis, ut vidimus num. 18. sed solum contra præcepta Ecclesiastica Concilij Tridentini, & Summorum Pontificum, ut vidimus num. 19. præcepta autem Ecclesiastica non obligent cum morali impossibilitate, qualis censetur esse in casibus propositis, videtur tunc non obligare prædicta præcepta. Ducor secundò, & est confirmatio præcedentis. Nam eatenus Concilium Tridentinum, & Summi Pontifices

fices post ipsum prohibuere Religiosis prædicta omnia, quatenus, vel supponebant Monasteria, vel Superiores ipsorum, concedere singulis Religiosis omnia necessaria, vel præcipiebant illis ut ita facerent, ut constat ex mente, & verbis ipsorum decretorum. Ergo in casibus à nobis propositis, in quibus, vel Monasteria non possunt ita de necessarijs providere, vel de facto non provident, cessat hæc lex Ecclesiastica. Ducor etiam ad id tertio, quo etiam declarantur præcedentia. Nam in prædictis Monasterijs, tam ipsa, quam eorum Superiores, tenentur concedere Religiosis ea, quæ necessaria sunt ad vitam, & decentiam status. Pono ergo aliquem Religiosum ad hoc indigere viginti scutis. Teneretur ergo Monasterium, aut Superior ipfius totidem illi concedere. Si ergo hoc, vel ob Paupertatem Monasterij fieri non potest, vel ob malitiam, aut negligentiam Superiorum de facto non fit, si aliàs Religiosus non possit alio modo prædictæ suæ necessitati succurrere, nisi mediante aliquo peculio, aut re stabili, censu scilicet, aut annuo redditu, &c. poterit illi permitti peculium, aut res stabilis prædictorum viginti scutorum. Cum non sit quid maius hoc peculium viginti scutorum, quam ipsa viginti scuta, & totum hoc pendeat à voluntate Superioris, & propter subleuandum necessitatem Religiosi, cui alio modo subueniri non potest in prædictis Monasterijs, ut suppono. Hæc vero dixerim non ut abusus ansam præbeam, sed ut timoratis conscientijs Religiosorum, qui in prædictis Monasterijs aliter viuere non possunt, satisfaciam. Valentia 2.2. disp. 1. q. 4. puncto 3. Vega 2. tom. Summ. cap. 32. cas. 19. Rodriguez 1. to. Sum. in 2. edit. cap. 90. nu. 9. conclus. 4.

22 Similiter in prædictis Conuentibus, in quibus non providetur Religiosis de necessarijs simpliciter ad vitam, & decentiam status, licita est aliquarum Religionum consuetudo, in quibus de bonis Monasteriorum certi annui redditus, aut certa portio pecuniarum, taxantur Religiosis. dum modò aliter sustentari non possint, & hoc sit ad vsus solum necessarios, & dependenter à voluntate Superiorum. Propter rationes adductas supra num. 21. Præsertim, quia hoc non est aliud, quam Superiorem applicare de bonis Monasterij necessaria Religiosis, quod sine dubio est licitum. Nauarr. comm. 3. num. 26. & 27. & 32. de Regular. Sanchez lib. 7. in Decalog. cap. 22. num. 14. Idem dico de administratione alicuius boni stabilis, vel possessionis Monasterij, in prædictis casibus, & cum prædictis conditionibus. Propter easdem rationes. Grassi 1. p. decis. lib. 3. cap. 5. à num. 53.

23 Idem etiam dico, loquendo de prædictis Conuentibus, & ca-

fibis, & cum eisdem conditionibus, de depositis pecuniarum, quæ solent esse in aliquibus Monasterijs, ex his, quæ Religiosi adquirent, aut Monasteria ipsis concedunt, ex quibus extrahuntur expendenda pro singulorum necessitatibus. Propter similem rationem. Ita Respondit Azor à quadam Religione de hoc interrogatus *ann. 1593. die 10. Maij.* In talibus autem Monasterijs, ubi à Superioribus assignantur Depositarii, ad hoc quòd apud illos reponant Religiosi suas pecunias, si id non faciant, sed apud se retineant, peccant peccato proprietatis. Quia possident illas contra voluntatem sui Superioris, & contra decreta Summorum Pontificum afferenda infra *num. 23.* Quæ omnia constant ex decreto S. Congregationis Apostolicæ visitationis iussu SS. D. N. Urbani VIII. *die 13. Iulij Ann. 1627.* pro Franciscanis Conuentualibus Monasterij SS. Apostolorum Romæ per hæc verba. *Pecunie verò, aliaque res quacunque Fratrum intra viginti quatuor horas tradantur Superiori in commune Conuentus Aerarium, reponenda triplicique clauē custodienda, quarum una penes Guardianum pro tempore existentem, duæ vero alie penes duos alios Fratres singulo quoque anno per Conuentum eligendos conferuntur, ex quibus subministrato exhibitori, quantum Religiosæ eius necessitates (status, valetudinis, laborumque ratione habita) expostulare videbuntur: reliquum penes Aerarium remaneat, & arbitrio duarum ex tribus partibus Capituli, seu Congregationis Prouincialis singulis annis faciendæ erogetur.* Quo decreto videntur approbari prædicta deposita, positis tamen conditionibus à nobis adductis.

24 Similiter dico, loquendo de prædictis Conuentibus, & casibus, & cum eisdem conditionibus assignatis, non esse contra paupertatem, sed licitum, quòd ea, quæ Religiosi proprio labore, industria, aut donatione acquirunt, concedantur ipsis ad vsus necessarios, & honestos. Propter easdem rationes assignatas. Valentia *to. 3. disp. 10. q. 4. punct. 3.* Grassi *p. 1. lib. 3. cap. 5. num. 55.*

25 Semper tamen, etiam in prædictis Monasterijs, & casibus assignatis, seruari debet, quoad fieri possit, quòd pecuniæ, ex prædicto peculio, bono stabili, vel censu, provenientes, vel quas Monasterium ipsis Religiosis concessit, vel quas ipsi suo labore, aut industria adquisuerunt, vel ab alijs acceperunt, non possideantur, colligantur, aut expendantur ab ipsis Religiosis, sed à publicis Officialibus Monasterij ab ipso ad id munus designatis. Primò, quia id maximè videtur intendere Concil. Trid. *sess. 25. cap. 2.* dicens: *Administratio autem bonorum Monasteriorum, seu Conuentuum ad solos Officiales eorundem ad nutum Superiorum amouibiles pertineat.* Secundò, quia id expressè prohibent Clement.

ment. VIII. & SS. D. N. Urban. VIII. in decretis adductis supra nam. 8. illis verbis. Nullus ex Superioribus locorum, administrationem bonorum, aut aliarum rerum, dispensationemq; pecuniarum, & reddituum sui Conuentus, etiam nomine Conuentus, per se ipsum habere, siue exercere possit; sed vniuersum id unus tribus Fratribus eiusdem Conuentus, à Generali ita demandetur, ut onus rerum, & bonorum, reddituumq; colligendorum, ac exigendorum curam habeat; alter tanquam depositarius, pecunias, ac cetera ab illo collecta, & exacta fideliter afferuet: alius de pecunijs, & rebus à Depositario acceptis Priori, & Fratribus, ac Conuentus vniuerso de necessarijs, mandante tamen ipso Priore, non secundum proprium affectum, sed iuxta charitatis regulam veluti bonus dispensator prouideat, officiorum huiusmodi confusione penitus interdicta. Caterum hi tres tam impensi, quàm accepti singulis mensibus Superiori locali, adhibitis etiam duobus, vel tribus fratribus eiusdem Conuentus probatoribus, rerumq; usu peritis, rationem reddant. Deinde ipsi met rursus, presentibus Priore, & peritis prædictis, Generali cum aduenerit: denique ipse Generalis, in quolibet proximo Capitulo Generali saltem coram tribus Iudicibus; ab ipso Capitulo ad hoc constitutis, illorum omnium, vniuersamq; suæ administrationis tam publicæ, quàm priuata rationem reddere teneatur, cuius etiam exemplum autenticum ex actis Capituli describatur, ad hoc ut ad omne mandatum nostrum, vel Sedis Apostolicæ Romam transmitti possit. Quod etiam antea ordinatum fuerat à Pio V. in motu proprio, Ad extirpandos Ann. 1568. edito pro Minoribus Conuentualibus S. Francisci. Tertiò, quia alias non saluaretur illa confusio, & incorporatio bonorum Religiosorum cum bonis Monasteriorum, quam Concilium, & prædicti Summi Pontifices intendunt. Præsertim, quia si huiusmodi bona pendeant hoc modo quoad administrationem solum ab Officialibus Monasterij, non solum tollitur occasio proprietatis Religiosis; sed etiam censentur esse in potestate Superioris, & ex eius voluntate administrari, quod maxime etiam Concilium, & Pontifices intendunt. Sorbus in compend. priuileg. mendic. verb. paupertas ad finem. Nauarra lib. 3. de resist. cap. 1. par. 1. in noua edit. dub. 1. num. 161. Lessius 2. de Iustis. cap. 4. dub. 5. num. 31.

26 Numquam tamen potest Superior concedere Monacho aliquam rem, quæcunque illa sit, ad vsum irreuocabilem. Ratio est, quia hoc est esse directè proprietarium, cum de essentia paupertatis sit nihil habere nisi dependenter à voluntate Superioris. Ludouic. Lopez 1. par. Instruct. cap. 154. Cordub. in Summ. q. 54. notab. 2. Qui etiam bene addunt nec Summum Pontificem posse hanc

hanc licentiam Religioso concedere, nisi cum ipso dispenſet in Voto Paupertatis. Propter eandem rationem. Sanchez *lib. 7. in Decalog. cap. 17. num. 29.* Veleſtiam niſi fortè Pontifex auferat Superioritatem omnium aliorum Prælatorum Religionis, & veſit peculium illud Religioſo conſeſſum ſolùm eſſe reuocabile ab ipſo. Cordub. *in Summ. q. 54. Nauarrus conſ. 47. de Regul. nu. 1. & 3.* Vnde Religioſus, qui accepit aliqua à Pontifice, tenetur manifeſtare ſuo Superiori. Quia ſemper eſt credendum Pontificem velle ſeruari iura Ordinis. Niſi conſtet ipſum concedere, illa ſolùm dependent a ſe, tanquam à Superiore Religionis: quia tunc non poteſt dici Religioſum poſſidere aliquid contra voluntatem ſui Superioris, cum illud poſſideat voluntate Papæ, qui eſt ſupræmuſ Superior Religionum. Vide dicenda *num. 41. & 42.* & Auguſtinum Barboſam *de Canon. & dignitat. cap. 1. nu. 24.* Si autem Superior conſeſſit aliquid Religioſo promittens ſe non reuocaturum, ſi reuocat, tenet reuocatio, eò quòd vritur iure ſuo, peccabit tamen contra promiſſionem, quia non ſtat promiſiſ. Silueſt. *verb. Abbas q. 4. num. 7. Nauarr. lib. 3. Conſil. in 1. edit. tit. de Regular. conſ. 20. & in 2. tit. de Stat. Monach. conſ. 14. 27.* Peccat etiam ſemper Religioſus contra Votum Paupertatis, ſi Superiori volenti ea, quæ illi conſeſſa ſunt, auferre, reſiſtat, aut ſi non ſit paratuſ ad eiꝯ nutum ſe illis abdicare. Ratio eſt, quia tunc eſt manifeſta proprietas, cum veſit aliquid tenere, aut poſſidere contra voluntatem ſui Superioris. Nauarra *lib. 3. de reſtit. cap. 1. par. 3. in noua edit. dub. 1. num. 160. & 161. Leſius 2. de iuſt. cap. 4. dub. 5. num. 31. & 32.*

28. Similiter eſt proprietariuſ ille Religioſus, qui cellam, quam propriiſ expenſis, vel parentum, aut conſanguineorum conſtru- xit, non vult dare alij, cui illam concedit Superior, vel non eſt paratuſ illam relinquere ad nutum Superioris. Propter eandem rationem. Craſſiſ *lib. 2. deciſ. lib. 3. cap. 19. num. 27.*

29. Poteſt Religioſus, ſaltem ex licentia Pontificiſ, facere profeſſionem ſub hac conditione, quòd poſſit habere aliquid peculium, ſolùm quoad uſum facti. Ratio eſt, quia hoc non repugnat eſſentiæ paupertatis, vt vidimus ſupra *num. 18.* cuiꝯ ſignuſ eſt, quòd *in cap. fin. qui clerici, vel vouentes,* approbatur ſimiliſ profeſſio. Sanchez *lib. 7. in Decalog. cap. 22. nu. 24. Nauarr. comm. 2. num. 16. de Regularib.* referens ſe ita conſuluſſe, & permiſiſſe. Pium V. cuidam nobili fœminæ. Similiter Nouitiuſ profeſſionem factuſ, qui erat uſuſfructuariuſ per vitam aliquorum redituꝯ, vel multa bona reliquit Monafterio, poteſt illud obligare, vt ſibi ſoluat quotanniſ aliquam pecuniam, vel illum uſuſfructuꝯ pro ſuiſ

suis necessitatibus, cum conditionibus tamen assignatis supra à num. 21. & pro Conuentibus, de quibus ibidem loquimur. Propter eandem rationem. Laurentius de Peirinis to. 1. de subditò q. 2. de paupertate cap. 2. §. 1. Vide dicta cap. 2. num. 26. 30. Ex vi Voti Paupertatis obligantur Religiosi ad nō recipiēdū aliquid à quocumque sine licentia Superiorum, ita vt sine tali licentia aliquid accipientes peccent peccato proprietatis. Ratio est, quia accipere aliquid independenter à voluntate Superioris est actus proprietatis. Vnde ita est illis prohibitum ab Ecclesia in cap. Cum ad Monasterium de stat. Monac. illis verbis. *Si cuiquam aliquid fuerit specialiter designatum, non presumat illud accipere, sed Abbati, vel Priori assignetur.* Mendoza in quodlib. q. 8. conc. 9. Rodrig. to. 3. q. 29. art. 10. Extenditur hoc etiam respectu domesticorum, aut aliorum Religiosorum eiusdem Ordinis. Propter eandem rationem Less. 2. de Iustit. & Iur. cap. 41. dub. 9. num. 79. Azor. to. 1. Inst. mor. lib. 12. cap. 12. q. 7. Extenditur etiam ad Religiosum recipientem aliquid ab aliquo, quod apud se non retinet, sed deponit apud alium, & utitur eo ad suum libitum. Quia totum hoc est actus proprietatis, si non fiat de licentia Superioris. Sanch. lib. 7. in Decalogum cap. 19. num. 48. Extenditur ad res quoque comestibiles. Quia cum illæ sint quoque pretio æstimabiles, accipere illas, sicut & retinere, sine licentia Superiorum, est actus proprietatis. Idem Sanchez vsup. nu. 53. 31. Quando tamen Superiores, vel Monasteria non dant Religiosis ea, quæ sunt necessaria simpliciter ad vitam, quia vel non possunt, vel nolunt, possunt ipsi Religiosi accipere taliter sibi necessaria, si sibi cōcedantur, ita ab alijs Religiosis sui Ordinis, quam etiam ab extraneis, etiam sine licentia suorum Superiorum, & ipsi inuitis. Ratio est, quia in tali casu Superiores iniuste negarent talem facultatem, cum non possint cogere subditos, vt careant necessarijs simpliciter ad vitam, nec ipsi ad hoc se obligauerint per professionem. Possunt ergo vti iure suo, sibi taliter concessa, accipiendo, imò, & postulando. Rodrig. 2. to. Sum. cap. 31. num. 6. Valent. 2. 2. disp. 10. q. 4. Imò etiam quando Conuentus commodè providere potest de simpliciter necessarijs, & Prælati malitiosè nolunt ea concedere, nō solum peccant grauiter tales Prælati, quia præbent causam peculij, (Siluester Verb. Religio 6. q. 7.) sed etiam tunc licitum est Religiosis vsurpare sibi simpliciter necessaria ad vitam, etiam inuitis Superioribus. Propter eandem rationem, qua supra. Nauarra lib. 3. de Reftit. cap. 1. par. 3. dub. 3. Sairus in Clau. reg. lib. 9. cap. 16. Animaduertant tamen Religiosi, ne sub prætextu necessariorum simpliciter ad vitam,

+

minus

minus necessaria etiam exquirantur: ex Voto enim Paupertatis carere debent rebus aliquo modo necessarijs. Vnde usurpans sibi à Monasterio res non simpliciter necessarias, peccat contra Paupertatem, quia utitur re sine vlla licentia, etiam præsumpta, sui Superioris, & etiam peccato furti, quia usurpat vsum rei, rationabiliter invito vero domino ipsius. Petrus Nauarra *lib. 3. de res. sit. cap. 1. num. 195.* Molina *disput. 176. & 140.* Vide dicta de declaratione S. Congregat. circa hoc supra *num. 14. ad 5. dubitationem.*

32 Si Religiosus seculari volenti illi dare aliquas pecunias dicat, quod eas ponat in depositum apud alium, vt illis utatur de licentia sui Superioris, & dominium illarum maneat apud secularem, non erit proprietarius. Ratio est, quia in tali casu non acquirit dominium, aut proprietatem talium pecuniarum, nec etiam vsum Iuris, sed solum vsum facti ex licentia Superioris, quod non repugnat Voto Paupertatis. Dñ. Bonavent. in *Exposit. Regul. Min. cap. 4. & in questionibus q. 15.* Sanch. *lib. 7. in Decal. sup. 19. num. 50.* Vide infra *num. 48.*

33 Similiter Religiosus, qui furatur aliquid, & illud tradit Monasterio, vt utatur illo cum licentia Superioris, licet committat peccatum furti, sed non proprietatis. Cum talis rei non acquirat sibi dominium, aut vsum sine licentia Prælati. Nauarrus *lib. 3. Consil. in prima edit. 1. de Regul. consil. 75. num. 40. & in 2. 1. de statu Monac. consil. 3. num. 40.* Sanchez *lib. 7. in Decal. cap. 19. num. 55.*

34 Si Religioso relinquatur aliquod legatum ea conditione, vt ad ipsum tantum, non autem ad Conuentum pertineat, credendum est testatorem solum velle vsum illius rei pertinere solum, ad Religiosum, & non ad Monasterium. Ratio est, quia voluntas testatoris semper est seruanda omni meliori modo, quo fieri possit, cum autem voluntas relinquens hoc legatum non possit seruari quantum ad hoc, quod Monachus acquirat dominium, aut proprietatem illius, quia hoc est contra Votum Paupertatis, solum erit seruanda modo dicto. Molina *tom. 1. de iust. disput. 140. colum. 9.* Azor. *tom. 1. lib. 12. cap. 10. q. 3.* Si autem testator expressè ponat hanc conditionem, vt scilicet dominium, & proprietatem talis legati solum pertineat ad Monachum, valebit legatum, & talis conditio habetur pro non adiecta. Ratio est, quia conditiones turpes adiectæ legatis non vitiant, sed viriantur, ac proinde habentur pro non adiectis, hæc autem conditio est turpis, & sacrilega vt pote contra Votum Paupertatis. Sanch. *lib. 7. in Decalog. cap. 17. num. 12. cum alijs.* Si vero Testator ultra procedat

cedat, & dicat se yelle, quòd illud legatum pertineat solum, & quoad dominium, & proprietatem ad Monachum: & non ad Monasterium, & quòd si secus fiat, pertineat ad alium extraneum, tunc tale legatum est validum pro Conuentu & illa conditio habetur pro non adiecta. Ratio est, quia adiectio pœnæ actui interdictio est ipso iure nulla *leg. unica in fin. C. de his quæ pœna nomine relinquuntur*, hic autem apponitur pœna actui malo, & per consequens interdictio, quale est quod Religiosus habeat proprium. Ergo est nulla talis adiectio pœnæ, & habenda pro non adiecta. Silu. v. Religio. 6. q. 7. dic. 3. Corduba in Sum. q. 154. Sanch. vt sup. num. 17.

35 Religiosus, qui ex eo quod alteri ad vsum concessum est, clam sibi aliquid assumit, v. g. librum, vestem, imaginem, &c. peccat peccato proprietatis. Ratio est, quia sine consensu Superioris assumit sibi aliquid alteri destinatum. Azor. 10. 1. Instit. lib. 12. cap. 12. Llamas 3. p. Summ. cap. 9. Si tamen constaret aliquem Religiosum habere aliquid superfluum, & contra voluntatem sui Superioris, & alius indigeret tali re, nec aliter subuenire posset suæ necessitati: si illam ab illo acciperet, non peccaret contra paupertatem. Ratio est, quia in tali casu debet præsumi voluntas Superioris, quòd talis res superflua vni, applicetur alteri indigenti. Attendendum tamen est, ne inde sequantur scandala, notæ, suspensiones, querelæ, & alia huiusmodi, quæ euenire solent.

36 Similiter Religiosus recipiens aliquid, quod Superior præcepit, aut nō vult recipi nisi ab alio Religioso, vt qui recipit Missarum stipendia, quæ Prælatus non vult recipi nisi à Sacrista, vel Procuratore, peccat peccato proprietatis, etiamsi dicat tales Missas. Id quòd recipit aliquid contra sui Superioris beneplacitum. Hieronym. Gratian. in Discipl. Regul. 2. par. cap. 8. §. 3. Vide dicenda cap. 21. num. 4.

37 Religiosus acceptans donationem, aut legatum absque licentia sui Superioris peccat. Ratio est, quia vel acceptat sibi, vel Monasterio; si sibi, est proprietarius; si Monasterio, si ad hoc non habet consensum saltem implicitum, usurpat auctoritatem illius. Sanchez lib. 7. in Decalog. cap. 31. num. 34. Talis tamen acceptatio, si est in fauorẽ Monasterij tenet, quia semper præsumitur voluntas Monasterij, & Ecclesiæ, in illis, quæ cedunt in ipsius utilitatem. Nauarr. Comm. 2. num. 32. de Regular. Azor. 10. 1. Instit. mor. lib. 12. cap. 12. q. 2.

38 Religiosa recipiens aliquid ab aliquo ob inhonestum finem, (& idem dico de Religioso aliquid eodem modo à famina recipiente) non solum peccat contra Castitatem ob periculum transgre-

grediendi hoc Votum, sed etiam contra Paupertatem. Eò quòd recipit aliquid contra voluntatem, & licentiam legitimam sui Superioris, quæ non potest esse in prædicto casu. Hieronymus Gratian. *de Discipl. Regul.* 2. p. cap. 8. §. 3.

39 Religiosus accipiens sine licentia sui Superioris aliquid à seculari, vt illud det pauperi alicui à seculari determinato, illique dans non peccat contra Paupertatem. Ratio est, quia in hoc casu se habet instar ministri, seu famuli non habentis dominium, aut administrationem, aut vsum iuris talis rei. Sanchez *lib. 7. in Decalog. cap. 30. num. 2.* Addit ipse à num. 3. nec etiam peccare contra Paupertatem, quando secularis dans talem eleemosynam non designat pauperem, cui dari debet, sed hoc remittit arbitrio Religiosi. Sed probabilius est, in hoc casu peccare Religiosum contra Paupertatem. Quia in eo habet se sicut administrator talis eleemosynæ, siquidem potest illam dare cui voluerit, quando, & quantum voluerit, quod est habere administrationem talis rei. Hoc autem est prohibitum Religiosis ex vi Voti Paupertatis, maximè sine licentia Superioris. Lessius 2. *de Iustit. cap. 41. dub. 9. num. 78.* Si autem in hoc casu eleemosynam, quam accepit applicandam pauperibus, sibi, aut suo Monasterio, verè indigentibus, applicaret, non peccaret sic faciendò. Cum intentio dantis eleemosynam solum fuerit, vt supponimus, vt veris pauperibus applicaretur. Nauarr. *lib. 3. Consil. tit. de Mendic. cons. unico num. unico.* Rodriguez *in Summ. tit. 1. cap. 202. in 2. edit.*

40 Regula generalis est, quòd *Quidquid Monachus acquirit Monasterio acquirit*, vt habetur argumento *l. placet de acquir. hered. & cap. in presentia de probation.* Cum enim non sit capax dominij, nec etiam vsus, nisi dependenter à Monasterij voluntate, illi acquirit totum. Nauarr. *Comm. 1. de Regul. num. 23.* Si verò Monasterium non est capax dominij, vt si est Minorum de obseruantia, tunc dominium acquiritur Papæ, detentio verò, & vsus facti ad Monasterium. Thom. de Iesu *sup. cap. non dicatis par. 2. cap. 5.* Extenditur ad ea, quæ Religiosus proprio labore, & industria acquirit. Propter eandem rationem. Nauarrus *cap. non dicatis num. 40.* De iniuste vero acquisitis distinguendum est, aut enim iniuste aliqua adquisiuit, quæ non solum acquirere non potuit, sed nec possidere, vt si per furtum, aut vsuram aliquid comparauit, & hæc, nec sibi, nec Conuentui acquirit. Eò quòd illa tenetur restituere veris dominis. Aut verò iniuste adquisiuit aliqua, quæ iuste retinere posset, vt si (quod absit) Religiosa per fornicationem aliquid comparauerit, & hæc acquirit Monasterio-

rio. Eò quòd quāvis iniuste cōparata, nō tñ tenetur ad restitutio-
nem. Sotus 4. *de iust. q. 7. art. 1.* Thomas de Iesu *ut sup. §. mihi verò.*

41 Etiam quando Religiosus ex legitima sui Superioris, aut
etiam Papæ, licentia, viuit extra Monasteriū, acquirit ipsi, & Reli-
gioni. Cum adhuc maneat verus Religiosus, & per consequens
sit eadem ratio de illis ac de alijs. Molina *to. 1. de Iustit. disp. 140.*
Sanchez *lib. 7. in Decal. c. 32. n. 60.* Qui etiam bene addunt bona ta-
lis Religiosi è vitā decedentis pertinere etiam ad Religionem.

Propter eandem rationem. Hodie tamen, si talis Religiosus extra
Monasterium decedat, bona illius post mortem pertinent ad Cam-
eram Apostolicam, nisi habuerit facultatem testandi, & testatus
fuerit. Propter mortū proprium Greg. XIII. *Officij nostri.* Azor. *to. 2.*
Instit. mor. tit. 8. c. 31. q. 15. Sanch. *li. 7. in Decal. c. 32. n. 61.* Vide d. n. 26.

42 Similiter Religiosus habēs pensionē Ecclesiasticā ex Pon-
tificis indulto acquirit Monasterio, cū per talem pensionem non
extrahatur à iurisdictione Religionis. Emanu. Sā *in Summ. verb.*
Religio n. 17. Cui autem adquirāt Religiosi facti Episcopi, Cardi-
nales, Abbates, vel Prælati aliarum Religionū dicimus c. 17. n. 12.
Cui etiam adquirant Apostata, & fugitiui dicimus c. 16. n. 20. Cui
verò Eicēti dicimus c. 23. n. 13.

43 Licitū est Religiosis sine præiudicio Voti Paupertatis men-
dicare, seu ex elemosynis medicatis viuere: Ita definitur in Cōc.
Constant. *sess. 8.* & in Bulla Mart. V. & à Leo. X. contra errores Lu-
theri. Et ratio est, tum exemplo Apostolorū, tum quia ipsa men-
dicatio est actus humilitatis, & paupertati Religiosæ conformis.
Th. Vuald. *li. 4. Doctrin. fidei c. 3. c. 4.* Castro *cōtra bares. verb. men-
dicitas.* Vnde Innoc. IV. dāntibus elemosynas Carmelitis decem
dies Indulgētiæ concessit. Alij etiam Pontifices similia fecerunt.
Speculum Ord. Carm. f. 64. Vide etiam magnum priuilegium Sixti
IV. pro Carmelitis, de quo Rodrig. *to. 2. quæst. Reg. q. 57. art. 7.* Pet
accidens tamen potest esse malum, & prohibitū Religiosis men-
dicare. Primò si id faciant, vt otiosā, & inutilem transigant vitā,
a&ibus Religiosis non insistendo. Eo enim fine dantur elemo-
synæ Religiosis à secularibus, vt religiosā vitā gerant, & bo-
norum operum ipsorum participes fiant. Quo fine defraudantur
si prædicto modo viuāt. D. Th. 2. 2. q. 187. ar. 4. Caiet. *ibid.* Ledesma
2. p. 4. q. 15. ar. 8. Vnde in tali casu peccant Religiosi elemosynas
accipiendo. Quia debēt illas accipere animo gratificandi per sua
bona opera, quod non faciunt. Valentia 2. 2. *disp. 10. q. 5. punct. 3.*
Sanch. *li. 7. in decal. c. 24. n. 8.* Non tamen tenentur ad restitutionē.
Eo quòd non peccant contra iustitiam, cum nullū pactum ineant
cum dāntibus illas elemosynas. Valent. *ut sup. Angles in florib. 1. p.*

E

tract.

trañt. de elemos. q. 9. de mēdicat. diff. 5. Secundo etiā peccabunt per accidens Religiosi viuendo ex mēdicatē. si id faciant animo aggregandi opes, vel vt laure viuāt, vel talibus elemosynis non indigeant. Pro quo vide dicta à nobis in *lib. de refor. Reg. c. 16. & 17. 44.* Pro hac etiā doctrina extat declaratio S. Congreg. Concilij, qua decernitur, *Fratres Ord. Mendicantium nequaquam posse ab Episcopis prohiberi, quo minus per se ipsos in Diocesibus ubi habent Conuentus, elemosynas quarant, sed tantum si extra loca, ubi Monasteria existāt, queritare voluerint, teneri suorum Superiorum licentiam Ordinario ostendere.* Vide Laurentium de Peirinis *to. 1. de priuileg. Minim. in const. 4. Sixti IV. §. 8. à n. 40.*

45. Possunt Religiosi succedere vt hæredes in bonis temporalibus, quæ ad illos iure spectant, vel ipsis legantur. Tum quia hoc non repugnat voto paupertatis, cum non sibi, sed Monasterio adquirant; tum quia ita cōcessit Prædicatoribus, & Minoribus Clem. IV. in Bulla quæ incipit *Obiitum diuini numinis.* Tum quia ita colligitur ex *l. si. §. hoc etiā C. de episc. & cleris. & ex l. regia 2. tit. 3. p. 6. Molina to. 1. de iust. disp. 140. Sanch. lib. 7. in Decal. c. 26.* Excipiuntur tamen ab hac regula fratres Minores de Obseruatiā, & Capuccini. Quia nulla ratione sunt capaces successionis hæreditariæ, sicut neque in particulari, neque in comuni possunt habere aliquod dominium, vt habetur in *cl. exiuit §. cū enim de verb. significat. Corduba in Regul. D. Francisci c. 6. q. 11. punct. 1. Rodrig. to. 2. q. 78. ar. 2.* Nec possunt capere hereditatem vt eam vendant. Quia in dicta *cl. exiuit* dicitur nullatenus esse capaces hæreditatis. Rodrig. *vt sup.* Potest tamen ipsis aliquid legari. Quia hoc est expresse definitum in *cl. exiit §. ad hæc quia fratribus de verb. signific. in 6. Rodrig. to. 2. q. 125. ar. 6. Sanch. lib. 7. in Decal. c. 26. à n. 9.* vbi multa in sequentibus. Aliæ quoque Religiones habent peculiaria iura circa hæreditates, de quibus Th. de Iesu *sup. c. non dicatis p. 3. à c. 7.*

46. Peccant Religiosi cōtra paupertatem peccato proprietatis expēdētes aliquid, etiā ex his quæ habēt ad vsū, sine licētiā suorum Superiorū. Hoc enim modo disponere de rebus temporalibus est actus proprietatis. Valen. 2. 2. *dispu. 10. q. 4. pun. 3.* Mendoza *quodlib. 8. con. 3.* Idem dico si permutet, mutuēt, aut accōmodent, aut alio modo cōtrahāt de illis sine prædicta licētiā. Propter eandem rationē. Lefs. 2. 2. *dispu. 41. dub. 9. n. 79. Sanch. lib. 7. in Decal. c. 19. n. 65.* Idem etiā dico, si bona sibi à Superiore deputata ad certos vsus, in alios expēdāt sine prædicta licētiā. Propter eandē etiam rationem. Nauar. *lib. 3. de Resit. c. 1. n. 183. Rodrig. 3. to. q. 29. ar. 6.* Peccāt similiter cōtra paupertatē nō adhibētes diligētiā, quam homines solent cōmuniter adhibere, in cōseruandis rebus sibi ad vsū

sum permissis. Quia nō cōseruare illas modo dictū est quāsi expendere, & consumere contra volūtatem sui Superioris. Less. 2. de Iust. c. 41. dub. 9. n. 79. Sanch. l. 7. in Decal. c. 19. n. 115.

47 Si tñ Religiosus alicui seculari volenti sibi dare aliquā rem, v. g. pecuniā, dicat, obsecro vt des tali cōsāguineo meo, etiā si id faciat sine licētia Prælati nō peccāt cōtra Paupertatē. Ratio est, quia in isto casu nihil donat, aut expēdit, sed solū rogāt secularē, vt donet id quōd sibi dare volebāt. Sāch. l. 6. de Matr. disp. 4. n. 7. & lib. 7. in Decal. c. 19. n. 74. & 75. Qui benē etiā addit, posse tunc peccare cōtra charitatē illū Religiosum, si absq; iusta causa non acceptauit, quod sibi dabāt secularis, siquidē priuauit Monasterium illa re, aut pecuniā, quā ad ipsū pertinebat si acceperasset.

48 Similiter si Religiosus perat ab amico, vt ponat in deposito apud aliquē aliquas pecunias, vt ex illis subuenire possit suis necessitatibus, si id intēdat facere de licētia sui Prælati nō est propriarius. Cū nō adquirat dominiū, aut vsū taliū pecuniarū sine licētia Superiorū. D. Bonauent. in Regul. c. 4. prope finē. Cordub. in Reg. D. Franc. q. 8. & 9. Addit etiā idē D. Bonau. id verū esse, etiam si ille, qui pecuniā deponit, intēdat se statim priuare dominio illius, & trāsferre in Religiosū. Quia quandiu ille nō acceptat dominium, manet semper penes dantem pecuniā: Thom. de Iesu sup. cap. non dicatis par. 3. cap. 5. Vide dicta num. 32.

49 Multi volunt Religiosos dātes, aut recipiētes literas sine licētia Superiorū peccare cōtra Paupertatē. Hoc verō intelligo, quādo literæ, quæ dātur, vel accipiūtur, sunt pretio æstimabiles, vt si esēt, auratæ, vel miniatæ, &c. vel quādo sūt cōtra vtilitatē Monasterij, vel alicuius Religiosi, aut expenditur aliquid in illis dādis, vel recipiēdis, tunc enim sūt materia proprietatis. In alijs verō casibus solū erit peccatū cōtra obedientiam, si id fiat cōtra præceptū Superiorū. Nau. l. 3. cōsil. de stat. monac. Cōs. 3. & cōm. 2. de Regul. Peirinis 10. 1. de subdito q. 2. de paupertate cap. 2. §. 10.

50 Religiosi etiā ludentes pro pecunia, vel re pretio æstimabili peccant cōtra Votū Paupertatis. Quia expēdūt res, quas habent ad vsū, & exponunt iacturæ illicitæ, quod est actus proprietatis. Sanch. l. 7. in decal. c. 19. n. 76. Ludētes aut gratia honestæ recreationis moderatā aliquā quātitatē de licētia sui Prælati nō peccāt cōtra Paupertatē. Quia tunc ludus est actus honestus, & ille vsus pecuniæ licitus. Maior in 4. d. 18. q. 13. in sol. ad 2. Ledesma 2. p. 4. q. 15. ar. 5. Secus esset, si talis ludus esset prohibitus, vel à iure, vel à Regula, Cōstitutionibus, aut Superioribus Religionum, aut esset scādalous, &c. Quia tūc nec parūā, nec magnā quātitatē liceret ludere, etiā de licētia Prælati. Cū nō posset illā cōcedere. Salon 2. 2. tract. de Dom. q. 5. ar. 6. dub. penult. Molina to. 2. de Iust. disp. 320.

51 Hinc ludens cū Religioso, & lucrās vltra eam quātitatē, quā Religiosus potuit ludere, & Prælatus cōcedere licētiā, tenetur ad restitutionē illius excessus. Ratio est, quia cū Religiosus nō possit perdere illā quātitatē, nec etiā ludēs corā illo poterit illā lucrari, ac perinde si accipiat, tenebitur ad restitutionē. Petr. Ledesma 2. p. Sum. tract. 31. c. 1. post 10. cōcl. Alcozeri si. de ludo c. 39. Similiter ē cōtra, si Religiosus ludēs vltra eam quātitatē, quā pōt ludere, & perdere ex licētia sui Prælati, vel quia nō habet talē licētiā, vel quia ludus est illi prohibitus, & cōtingat tunc lucrari, non pōt id accipere, & si accipit tenetur ad restitutionē. Ratio est (quidquid alij dicāt) quia ludus est quidam quasi cōtractus cōditionalis, in qua vnusquisque exponit suā pecuniā periculo perdēdi, & lucrādi. Qui ergo nō pōt perdere, nō pōt lucrari, sicut qui nō pōt lucrari nō pōt perdere. Ac per cōsequēs cū Religiosus nō possit vltra illā quātitatē perdere, nec poterit vltra illā lucrari. Salon 2. 2. post q. 61. q. 5. de dominio ar. 6. dub. penul. Valen. 2. 2. disp. 5. q. 6. pun. 5. Limitatur tū probabiliter hęc sententia, quōd in casu, quo Religiosus ludit cū illo, qui scit cū nō posse ludere, aut nō posse perdere vltra illā quātitē, si iste perdat vltra illam, posse Religiosū lucrari illā, nec teneri ad restitutionē. Nam eo ipso, quōd habēs talē scientiā ludit cū Religioso, cēsetur cedere iuri suo, ita vt possit perdere, & nō lucrari, cū sciēti, & volēti nulla fiat iniuria. Angles in flor. 2. p. q. de ludi restit. ar. vn. dub. 1. Sair. in clau. reg. l. 11. c. 12. n. 9.

52 Nec etiā possūt Religiosi aliquid dare, seu donare alicui, siue de bonis Monasterij, siue de his, quę habēt ad vsū, aut quomodo libet adquisierunt, sine licētia Superioris. Quia dare aliquid hoc modo est actus proprietatis, & dominij. Cordub. in Reg. D. Frac. c. 6. Mend. in quodl. q. 8. con. 3. Pro quo etiā extat Const. Clem. VIII. an. 1594. edita, in qua sub grauissimis pēnis huiusmodi largitionē, seu missionē munerū Religiosis interdicit (in 3. to. bull. Laertij inter Const. Clem. V III. n. 28.) Bonaci. de largit. mun. disp. 3. Neque etiā per modū eleemosynę possunt aliquid dare sine prādicta licētia. Propter eandē rationē. S. Th. 2. 2. q. 32. art. 8. D. Antonin. 3. p. tit. 16. c. 1. §. 11. not. 4. Quādo tū pauper est in extrema necessitate pōt Religiosus, etiā sine licētia Superioris, illi subuenire; Quia in tali necessitate oīa sunt cōmunia. Angles in flor. 1. p. trac. de Eleemos. q. 4. Rodr. to. 2. q. 57. ar. 2. Similiter quādo Religiosus est cū licētia sui Superioris absens à Monasterio pōt ex his, quę sibi sunt donata, facere aliquas moderatas eleemosynas. Quia ad hoc præsūmitur licētia tacita sui Superioris. Med. Cod. de Penit. tract. de eleemos. q. de quib. bon. fit eleemos. Ledes. 2. to. sum. trac. 4. c. 3. con. 31. Idem etiam dico probabiliter quādo Religiosus etiam in Monasterio existens aliquid sibi subtrahit de his, quę sibi à Monasterio

ad

ad sustentationem tribuuntur , posse scilicet de illis elemosynas facere . Propter eandem rationem . Valentia 3. 2. *disp. 102. quest. 4. punct. 3.* Sanchez *lib. 7. in Decalog. cap. 19. num. 100. & 101.* Monasteria autem , & Superiores nomine ipsorum possunt , & tenentur facere elemosynas de superfluis . Ratio est , quia obligantur præcepto communi dandi elemosynam sicut alij . Mol. 10. 2. *de Iust. disp. 276.*

53 Hinc fit, quòd recipientes à Religioso aliquid, ad quod non habebat facultatem, tenentur ad restitutionem . Eò quòd accipiunt aliquid ab eo, qui donare non potest. Nauarrus *lib. 3. Conf. in 1. edit. 1. de Regul. conf. 75. num. 33. Less. 2. de Iustit. cap. 41. num. 73. dub. 8.* Vnde in prædicta Constitut. Clem. VIII. contra recipientes aliquid à Religiosis dicitur . *Ipsò factò absque aliqua monitione, Iudicis decreto, sententia, aut declaratione ad illius restitutionem omnino in utroque foro teneantur, aded ut restitutione ipsa realiter non facta, neque etiam in foro conscientia absolui possint.* Bonacina *de largit. mun. disp. 3. punct. 4.* Si tamen daretur casus, quòd Religiosus expenderet aliqua, quæ nullo modo pertinerent ad Monasterium, vt si de licentia Papæ haberet administrationem aliorum bonorum independentem ab alio, tunc accipiens non teneretur ad restitutionem rei acceptæ faciendam Monasterio . Quia res illa non pertinebat ad Monasterium . Molina 10. 2. *de Iustit. disp. 520.* Similiter si aliquis secularis Religioso alicui daret aliquam pecuniam solum sub conditione, vt ex illa luderet, aut fornicaretur, accipiens, nulli tenetur restituere . Cum illa pecunia solum pertineat ad secularem, & ille illam concesserit voluntariè . Abul. *in cap. 6. Matt. q. 37.* Sanchez *lib. 7. in Decal. 19. num. 35.*

54 Inter ipsos quoque Religiosos, ne praua ambitione impulsì, pro consequendis in sua Religione gradibus, & dignitatibus alteri alterius gratiam, aut benevolentiam aucupetur, quæcumque largitio, aut donatio munerum nisi rerum minimarum de licentia expressa, & in scriptis Superiorum, est penitus interdicta . Ita Clem. VIII. in Constit. Religiosæ Cõgregationes An. 1594. edita de qua supra n. 52. D. Bonau. *in speculo Discip. to. 2. cap. 4.* Imò hæc largitio munerum inter ipsos Religiosos est peccatum proprietatis, si fiat sine licentia Superiorum . Quia sine illa est vsus rei temporalis contra voluntatem Superiorum, Papæ præsertim, qui est supremus Prælati Religionum . Hieronym. Gratian. *Discipl. Regul. 2. p. cap. 8. §. 3.*

55 Licentia autem Superioris, quæ requiritur, & regulariter sufficit ad hoc, quòd Religiosus possit tenere, vel possidere, ac-

cupere, dare, vel expendere, sufficit, quòd sit tacita, vel prudenter præsumpta, quando scilicet prudenter creditur Superiorem ita velle. Ratio est, tum quia taciti, & expressi eadem est virtus, *leg. cum quid ff. de reb. cred. & cap. 2. de rescriptis*. Tum, quia id, quod fit cum licentia implicita, & prudenter præsumpta Superioris dicitur fieri cum eius consensu. D. Thom. 2. 2. *quest. 32. art. 8. ad primum*. Corduba in *Sum. quest. 109*. Quando tamen fuerit præceptum Superioris de non accipiendo, retinendo, vel dando sine licentia expressa, tunc non sufficit implicita, aut præsumpta. Quia Superior declarauit non aliter consentire. Ludouic. Lopez 1. par. *Instruct. consc. versu penult. cap. 156*. Rodriguez in *Sum. 2. 1. cap. 31. num. 7*. Vnde quia in prædicta Constitut. Clem. VIII. prohibetur largitio munerum, aut quæcumque donatio Religiosis, ex quocunque prætextu, aut causa, nisi in *Generali Capitulo, aut alia Generali Congregatione, re mature discussa, vnanimi consensu omnium, Superiorumque permisso, causa approbata fuerit*, ita obseruari debet, quoad fieri possit. Præsertim cum prædicta Constitutio Clem. VIII. videatur innouata à S. Congregatione Concilij, quæ in decretis de *Apostatis, & electis* ipsius Sanctiss. D. N. Urbani VIII. editis sic habet. *Curent Superiores, vt Constitutio interdicens largitiones munerum, & prescribens hospitalitatis formam ab omnibus in quolibet Cõuentu inuiolabiliter obseruetur*. Et ita nihil videtur obflare, quòd illa Constitutio in partibus Hispaniarum recepta non sit, vt testatur Sanchez *lib. 7. in Decalog. cap. 19. num. 42. 100. & 105*. Et in Italia abiecit in desuetudinem, vt testatur etiam Laurentius de Peirinis *tom. 1. de subdito q. 2. de paupert. cap. 2. §. 6*.

56 Consuetudo etiam aliquid retinendi, accipiendi, dandi, vel expendendi sine licentia Superiorum, quando est recepta, & viget, consentientibus ipsis, excusat Religiosum, saltem regulariter. Quia talis consuetudo habet vim licentiæ. Sanchez *lib. 7. in Decalog. cap. 19. num. 7*. Secus si talis consuetudo introducta est, aut viget, contra voluntatem Superiorum. Propter oppositam rationem. Graffis 2. par. *Decis. lib. 3. cap. 9. à num. 4*. Dixi etiam, saltem regulariter, quia quoad largitiones munerum, seu donationes attendenda est Constitutio Clem. VIII. adducta. Taciturnitas verò Superioris videntis Religiosum aliquid possidere, accipere, expendere, &c. sine licentia, & non contradicentis, non excusat Religiosum, nisi quando ex alijs signis constat illam esse virtualem approbationem. Ratio est, quia huiusmodi taciturnitas sæpe nascitur ex pusillanimitate Superioris, vel ex proterua subditi, ergo non semper arguit licentiam implicitam, nisi

quando

quando ex alijs signis id constat. *Grassis ut sup. cap. 19. num. 31. Sanchez num. 12.* Similiter non excusat Religiosum credere, quod Prælatus conceder licentiam, si ab ipso petatur, quando scit ipsum velle ut petatur. Quia tunc non censetur habere licentiam, aut consensum Prælati. *Nauarr. Comm. 2. de Regular. num. 20. Mendoza q. 8. post 7. conclus.* Quando tamen Religiosus procedit sub operati habitationis, seu approbationis à Prælato, excusatur. Quia tunc operatur ex licentia saltem virtuali. *S. Tho. in 4. dist. 13. q. 2. ar. 5. q. 4. Tolétus in Summ. de pecc. mort. cap. 28.*
 36 Licentia ista requisita ad hoc, quod Religiosus possideat, accipiat, det, aut expendat, &c. aliquid, debet esse voluntaria, & non coacta, vel precibus importunis, vel fauoribus, metu, aut dolo. Ratio est, quia aliàs talis licentia, potius esset violentia, nec Religiosus per eam operaretur secundum voluntatem sui Superioris, sed suam. *Nauarr. Comm. 2. num. 21. corol. 7. Sanchez lib. 7. in Decalog. cap. 19. à num. 16.* Idem dico, quando Prælatus dat istam licentiam subdito; eò quod timeat ipsum, quia est furrosus, rixosus, contentiosus, &c. excitabit rumores in Conuentu si non illi conceditur. Propter eandam rationem. *Cordub. in Summ. q. 54. Lessius 2. de iust. cap. 4. dub. 5.* Similiter debet esse legitima ista licentia, vnde, si sit ad prauos, inhonestos, aut inutiles vsus non est valida. Cum Superior nequeat illam concedere. *Nauarr. lib. 3. consil. in 1. edit. tit. de Regular. consil. 73. num. 33. Molina. tom. 2. de iust. disp. 276.* Vnde neque etiam Monasterium potest concedere talem licentiam ad prædictos prauos vsus. Eò quod quamuis Monasterium sit dominus suorum bonorum, hoc tamen est in ordine ad bonum status Religiosi. *Mendoza quodlib. 8. art. 6. Lessius 2. de iust. cap. 18. dub. 17.*

37 Quamuis aliqui putent in materia proprietatis non posse dari materiam leuem, propter quam solùm peccetur venialiter (*Vinald. in Candelab. sacram. 3. p. cap. 14. num. 68. Paltrellus sup. priuileg. Minum. tit. de propriet. abdic.*) tamen probabilissima sententia est, posse crimen proprietatis, quantum uis ex seò genere mortale, reddi veniale ex materiæ paruitate, ita ut si Religiosus aliquid leue possideat, accipiat, expendat, &c. sine licentia sui Superioris solùm venialiter peccet. Ratio est, quia peccatum proprietatis solùm habet malitiam quasi furti, contra iniustitiam, quatenus importat vsum rei alienæ inuito à domino, & malitiam sacrilegij, seu contra Religionem, quatenus est contra Votum. Vtroque autem modo est capax materiæ leuis, ut patet in furto vnius quattrini, & in transgressione Voti dicendi semel *Aue Maria*. Ergo etiam in peccato proprietatis, potest esse

materia levis, ratione cuius solum sit peccatum veniale. Cordub. in Sum. q. 109. Mendoza quod lib. 8. conclus. ult. Vnde illa materia, quæ infurto est levis, etiã in peccato proprietatis erit levis. Propter similem rationem. Corduba ut sup. Rebellus tract. de Iust. p. 1. lib. 3. quest. 15. sect. 3. num. 22. In furto autem communiter, & regulariter loquendo, & seclusis circumstantijs personarum temporis, loci, &c. duo Iulij, aut Reales Hispani, putantur gravis materia, & minùs prædictis duobus Iulijs, seu Realibus, materia levis. Mendoza 118. Rebellus supra citati. Addunt, aliqui, eam materiam, quæ in furto est dubium, an sit materia sufficiens ad peccatum mortale, esse sufficientem ad peccatum mortale proprietatis. Thom. de Iesu sup. cap. non dicatis par. 3. cap. 6.

58 Hinc Religiosi successivè minima retinentes, accipientes, seu expedientes, &c. sine licentia Superiorum, peccant mortaliter contra Votum Paupertatis, quando pervenitur ad gravem, seu notabilem quantitatem. Ratio est ex similitudine furti. Sanchez lib. 7. in Decalog. cap. 21. num. 30. Limitatur hoc, ut non intelligatur de rebus, minimis comestibilibus, aut potabilibus. Quia in his non est credendum Prælatos prudentes fore inuitos. Rebell. de Iust. par. 1. lib. 3. q. 15. sect. 3. num. 22. Grassi 1. par. decis. lib. 3. cap. 5. num. 51. Limitatur etiã, ut hoc solum sit verum, quando illi actus expendendi, retinendi, &c. sunt aliquo modo uniti, vel ratione temporis, vel loci, si enim sunt omninò disparati, credo non committi peccatum mortale, etiã quando pervenitur ad magnam, seu gravem quantitatem, ad modum, quo multi Theologi loquuntur de furtis parvis. Nauarrus in Summ. cap. 17. num. 139. vel 140. & lib. 3. consil. in 1. edit. tit. de Regular. cons. 75. num. 27. in 2. tit. de stat. Monach. cons. 3. nu. 27. Lessius 2. de Iust. cap. 2. dub. 8.

59 Pœnæ communes proprietariorum, ultra illas, quæ habentur in propria Regula, aut Constitutionibus, sunt. Prima, quòd Religiosus tempore mortis habens proprium non potest sepeliri in loco Sacro cap. Monachi de stat. Monach. sed debet in sterquilino sepeliri cum pecunia (saltem parte ipsius) per eum possessa, cap. cum ad Monasterium eodem tit. Insuper, si in loco sacro sepultus est, est extrahendus, si sine magno scandalo fieri possit. cap. super quoda. eod. tit. In his tamen adverti debet, quòd debet esse certitudo, & non solum dubium, quòd Religiosus mortuus sit proprietarius, certitudo inquam moralis, quæ ex eius acta, vita desumi potest. Laurentius de Peirinis tom. 1. de subdit. q. 2. de paupertate cap. 2. §. 9. Barbosa de offic. Parochi cap. 26. num. 47.

Secund-

Secunda est, ex Conc. Trid. *sess. 25. cap. 2.* quòd si quis deprehensus, vel conuictus fuerit de hoc peccato *is biennio actiua, & passiva voce priuatus sit.* Aliqui tertio dicunt Religiosum proprietarium esse ipso facto à iure excommunicatum . Sed talis excommunicatio non reperitur expressa, nisi solum in quibusdam Concilij Prouincialibus Colonienfibus . Thom. de Iesu *sup. cap. non dicatis p. 2. cap. 2.* Ex *cap. etiam Monachi de Statu Monachor.* Monachus habens peculium à communione altaris iubetur remoueri . Bartholom. à S. Fausto *de Voto Paupert. q. 198.* Ac tandem ex *cap. cum ad Monasterium* de Monasterio est expellendus, licet *cap. fin. de Regular.* talis expulsio correctæ sit, & iubeatur talem monachum deputandum Monasterij ergastulo, quò pœnitentiam agat. Sanchez. *lib. 7. in Decal. c. 20. n. 12.* Sed notandum huiusmodi assignatas pœnas non incurri nisi solum ab illis, qui retinent, vel possident aliqua contra voluntatem Superiorum . Et si enim etiam dantes aliquid sine licentia peccent contra Paupertatem, imò incurrant pœnas Constitutionis Clem. VIII. adductæ supra *num. 32. & 35.* pœnæ autem modo assignatæ præcipue sunt impositæ pro prædictis retinentibus. Sanchez *7. in Decalog. cap. 20. num. 11. & 13.* Peirinis *to. 1. de subdito q. 2. de paupert. cap. 2. §. 9.* Potest præterea peccatum proprietatis, si sit mortale, reservari à Superioribus . Ex decreto Clem. VIII. *de reservat. casuum.* Graffis *2. p. decis. lib. 3. cap. 19. num. 5.* Sanchez *lib. 7. in Decalog. c. 20. à num. 11.* Pro quo etiam vide Quarantam in *Summ. verb. cas. reservat. Coriolanum de casibus reservatis 2. par.*


60. Si quæras tandem an Religiosi nõ obseruantes Vitam Communem, de qua egimus à *num. 7.* sint proprietarij, & incurrant prædictas pœnas ? Dico primò . In illis Conuentibus, in quibus talis Vitæ Communis obseruantia viget, si aliqui Religiosi eam non obseruent, sunt proprietarij, & proprietariorum pœnis plectendi . Ratio est, tum ex dictis in Superioribus ex Decretis Summorum Pontificum, & Conciliorum, tum quia, cum prædicti Religiosi teneant, & possideant aliqua peculia, seu portiones, singularitatemque sequantur contra intentionem Regulæ, quàm professi sunt, & voluntatem suorum Superiorum, præsertim Summorum Pontificum, qui supræmi Superiores Religionum sunt, absdubiò erunt proprietarij, & talium pœnis plectendi . Quod confirmatur ex Concil. Trident. *sess. 25. de Regularib. cap. 1.* ubi præcipit omnibus Regularibus tam viris, quàm mulieribus, vt *Cõmunem Vitam, victum, & vestitum fideliter obseruent.* Qui ergo hæc non obseruant, contra voluntatem Ecclesiæ, & Superiorum agunt, & si aliqua possident, vel retinent, contra Superiorum voluntatem

tem

tem id faciunt, ac perinde proprietarij, & proprietariorum pœnis puniendi sunt. Bartholomæus à S. Fausto *de Voto Paupertat. q. 195.* Dico tamen secundò. In alijs Conuentibus, in quibus prædicta Communis Vita non viget, vel propter impotentiam, aut nequitiam Superiorum, qui nequeunt, aut nolunt dare singulis Religiosis necessaria ad vitam, licet prædicti Vitam Communem non obseruantes in periculo magno suæ salutis, & transgressionis ferè quotidianæ Voti Paupertatis versentur, excusari tamen possunt à peccato proprietatis, si alio modo commodè viuere non possint, positis tamen conditionibus, & propter rationes assignatas supra à num. 21. & sequentibus. Vide Bartholomæum à Sancto Fausto *de Voto Paupertat. q. 196. & 197.* Addendum tamen est, & valde notandum, Religiosos sic viuentes, quia commodè aliter viuere non possunt, aut Vitam Communem obseruare in prædictis Conuentibus, paratos esse debere ad recipiendum reformationem, & introductionem Vitæ Communis, si à Prælatis de nouo instituatur, seu restauretur, nec posse vllò modo tali reformationi, & institutioni Vitæ Communis resistere sub grauissimo peccato mortali. Ratio est, quia cum prædicta Vita Communis obliget omnes Religiosos sub peccato mortali, nec ab illius obseruantia excusari possint, nisi quia Prælati Monasteriorum non prouidēt illis de necessarijs ad vitam, abs dubiè cum constaret prædictis necessitatibus sufficienter prouidendum fore, nulla supererit ratio excusationis. Et hæc est communis sententia Theologorum, specialiter Siluest. *verb. Religio 6. q. 7. Valentia 2. 2. disput. 10. q. 4. p. 2. Lessij lib. 2. cap. 4. dub. 5. Nauarri Comment. 3. de Regularib. num. 36. Rodriguez 2. par. Summ. cap. 31. Bartholomæi à Sancto Fausto de Voto Paupert. quæst. 195. & 196.* Quorum plures præsertim loquuntur de obligatione Prælatorum ad prædictam Vitam Communem in omnibus Conuentibus introducendam, prout & nos dicimus *cap. 18. num. 14.* Vide etiam dicenda *cap. 7. num. 19.*

De obligationibus Religiosorum ratione Regulae
sui Ordinis.

C A P. VII.



RE G V L A Religionum est quasi exemplar, & mensura eorum, quæ ex vi votorum tenentur exequi Religiosi, ita vt, sicut non tenentur obedire nisi in his, quæ aliquo modo Regulam professam concernunt, vt diximus *cap. 4. num. 9.* sic è contra, omnia, quæ ex vi votorum facere tenentur debent esse in Regula contenta. Dicitur enim Regula, vt inquit Isidorus *6. Etimol. cap. 16.* eò quòd ducit, nec aliquando aliorsum trahit, vel quòd regat, vel quòd normam rectè viuendi præbeat, vel quòd distortum, prauumque corrigat. Suarez *4. to. de Relig. lib. 1. cap. 1. §. 1.*

2 Quicumque Religiosus astrictus est suam regulam obseruare. Eò quòd omnes profitentur Regulam, & promittunt obedientiam secundum Regulam: quemadmodum Carmelitæ, qui expressè dicunt in professione sua, promittere *Obedientiam, Castitatem, & Paupertatem secundum Regulam prædicti Ordinis.* Vnde Regula imponit aliquam necessitatem operandi, siue ad culpam, siue ad pœnam, quia hoc est de ratione legis, & per quod differt à consilio. Suar. *4. to. de Relig. lib. 1. cap. 2. nu. 2.*

3 Præter quatuor in Ecclesia approbatas Regulas, scilicet Sanctorum Basilij, Augustini, Benedicti, & Francisci, est etiam quinta alia Regula à Diuo Alberto Ierosolymitano Patriarcha Anno 1171. Carmelitis tradita, approbataque, & confirmata ab Honorio III. Gregor. IX. Innoc. IV. Alexand. IV. Urbano IV. Nicolao IV. & Bonifacio VIII. Correeta, & mitigata ab Eugenio IV. Insuper ante illos approbata etiam, & confirmata ab Innoc. III. & Alexandro III. & implicitè à Concilio Lateranensi *cap. 13.* & Lugdunensi, vt refertur in *cap. unico de Religiosis domibus in 6.* Thomas de Iesu in *exposit. sup. Regul. p. 2. dub. 3.* Ioannes Pintus de Victoria in *Hierar. Carmelit. tract. 2. cap. 13.* Eius autem scopus est, tum vita contemplatiua, tum actiua, quæ ad proximorum salutem, & ipsorum conuersionem attendit. Thom. Vualdens. *de Sacramental. tit. 9. cap. 84. num. 7.* Thom. de Iesu *vt sup. à dub. 4.*

4 Tenentur etiam Religiosi ad obseruantiam Regulae non solum, quia professi sunt secundum ipsam viuere, sed etiam, quia
Pon-

Pontifices approbantes illam, præcipiunt etiam, vel explicitè, vel saltem implicitè illius obseruantiam. Hoc patet in Regula Carmelitarum ab Alberto tradita, quam declarantes, & mitigantes nomine Innocentij IV. Hugo Cardinalis Sancti. Sabinae, & Guillelmus Anteradenſis Episcopus sic dicunt. *Qua fungimur auctoritate mandamus, quatenus Regulam à nobis correctam, declaratam, & mitigatam, prout expedire vidimus, deuotè recipientes, eam firmiter obseruetis.*

5 Non verò tenentur Carmelitæ ad obseruantiam Regulæ Alberti, prout ab ipso tradita est, sed prout mitigata fuit ab Eugenio. IV. vt supra num. 3. visum est. Ratio est, quia ipse Eugenius hoc exposuit dicens: *Decernentes eos, & eorum singulos circa præmissa ad arctiorem obseruantiam, qua supra præmittitur, occasione professionis in dicto Ordine emisse, vel in posterum emittenda, minimè teneantur.* Conditiones autem illæ à Pontifice assignatæ, (scilicet quòd concessio non valeat ijs, qui ex confidentia ipsius illicita perpetraverint, & quòd teneantur Religiosi per vnum annum, vna die septimanæ cuiuslibet ieiunare, vel simile, pium efficere) non sunt positæ pro gratia mitigationis Regulæ potienda, sed pro obtinenda Indulgentia Plenaria remissionis in articulo mortis, quam ipsdem Religiosis ibidem concessit. Ita enim inferitur ex contextu Bullæ, & ex alia simili ab eodem Pontifice Patribus Benedictinis Vallisoletani Monasterij concessa. Ioannes Pintus de Victoria in *Hierarch. Carmelit. tract. 2. cap. 16.*

6 Non tenentur Religiosi obseruare omnia, quæ continentur in Regula sub culpa mortali, sed aliqua sub mortali, alia sub veniali, alia etiam neque sub veniali. Ratio est, quia eo modo obligantur Religiosi obseruare ea, quæ continentur in Regula, secundum quòd ipsa Regula præscribit: Regula autem quædam præscribit vt obligatoria ad mortale, alia solum ad veniale, alia ad nullam culpam. D. Tho. 2. 2. q. 186. art. 9. Vasquez 1. 2. *disp. 162. cap. 4. num. 16.* De ijs autem modò dicemus.

7 Et in primis, ea, quæ sunt in Regula, & spectant ad obseruantiam Votorum essentialium Religionis, videlicet, castè, & sine proprio viuere, &c. sine dubio obligant ad mortale, quantum est ex genere suo, nisi forte ratione paruitatis materiæ solum obligent ad veniale. Ratio est, quia hoc modo obligant ipsa Vota. S. Thom. & Caietan. 2. 2. *quest. 186. art. 9.* Sanchez lib. 6. in *Decalog. cap. 4. num. 8.*

8 Ea autem, quæ sunt in Regula, & solum ab illa præscribuntur, vt opera supererogationis, & de cõsilio, qualia sũt abnegare se in omni-

omnibus, habere Deum præsentem, exercitia humilitatis, mortificationis, &c. non obligant ad culpam neque mortalem, neque veniale. Ratio est, quia ista opera non proponuntur ut præcepta, sed solum pertinent ad maiorem charitatem Religiosorum exercenda, non ergo obligant ad culpam; cum illa tantum sit in transgressionibus præceptorum. S. Thom. & Caiet. *ut sup.* Sanchez *ut sup.* nu. 10.

9 Quando Regula præscribit aliqua, quæ aliàs sunt sub præcepto, v. g. diligere Deum, aut proximum, dicere horas Canonicas, &c. illa obligant ad mortale, vel veniale secundum quod aliàs obligarent. Ratio est, quia Regulariter loquendo non proponuntur hæc in Regula tanquam nova præcepta, sed solum cum intentione reducendi in memoriam ea, quæ aliàs præcepta sunt à Deo, vel Ecclesia, & illa commendandi. Caietan. *ut supra.* Valentia 2. 2. *disput.* 10. *quest.* 4. *punct.* 3. Dato autem, quod in Regula ponerentur cum intentione inducendi novam obligationem, seu præceptum, (quod ex circumstantiis attendendum est) transgressio talium includit duas malitias, alteram ex proprio obiecto, alteram ex circumstantia Voti, quod frangitur transgrediendo Regulam ex Voto promissam. Ratio est, quia licet diversitas præceptorum non faciat diversitatem specificam in peccatis, (cum constet non committere duplex peccatum eum, qui frangit ieiunium die, quo est duplex præceptum ieiunandi, alterum ratione Quadragesimæ, alterum ratione Temporum, vel Vigiliæ) tamen quando peccatum habet oppositionem ad diversas virtutes est in illo duplex malitia. In proposito autem transgressio Regulæ habet oppositionem ad virtutem Religionis ultra eam, quam habet ad illam, cui opponitur obiectum talis peccati. Valentia 2. 2. *disput.* 10. *quest.* 4. *punct.* 3. Sanchez *lib.* 6. in *Decalog.* cap. 4. n. 7. Hæc autem nova malitia ex circumstantia contra Religionem, sequitur naturam malitiæ ex obiecto, ita ut sit mortalis, vel venialis sicut illa fuerit. *Authores ut supra.*

10 Loquendo de observantiis Religionis à Regula præscriptis, quæ non proponuntur ut mera consilia, neque sunt directe de Votis promissis, aut de rebus aliàs præceptis, sed sunt observantia quædam externæ ordinatæ ad observantiam Votorum essentialium, v. g. ieiunia, silentia, abstinencia à carnibus, uti talibus vestibus, sequela chori, & alia huiusmodi; si Regulæ Institutor mentem suam explicaverit, quod noluerit quoad illa Religiosos ad culpam obligare (prout dicitur in Regula Patrum Prædicatorum, *Nolumus obligare ad culpam*, & in Regula Minimorum, ut refert Passarellus in *privileg. Minim.* cap. 23. & in Regula Patrum Societatis, *ut habetur. 6. p. Constit. cap.* 25.) tunc talis Regula non obli-

obligat ad culpam quoad ista. Quia cum in potestate instituentis Regulam fuerit obligare, vel non obligare ad culpam, si ipse declarauit non habuisse intentionem obligandi, absque dubio non obligabit. Sanchez *lib. 6. in Decalog. cap. 4. num. 11. & sequentibus.*

11. Quando tamen Institutor Regulæ non explicuit suam mentem circa obligationem, vel non obligationem ad culpam, attendenda est communis acceptio, existimatio, & sensus Religionis, cui Regula fuit tradita. Si enim communis sensus, & existimatio Religiosorum fuit illam Regulam obligare ad mortale, ad mortale obligabit, & si ad veniale ad veniale, & si ad solam pœnam, & non ad culpam, ad nullam culpam obligabit. Eò quòd communis acceptatio, & consuetudo est optima legum interpres, vt habetur *cap. cum dilectus de consuetud. l. si de interpretat. ff. de legibus.* Nec lex aliter obliget, quàm, prout communiter ab omnibus accipitur. Nauarr. *in Summ. cap. 21.* Valentia *2. 2. disput. 10. quest. 4. punct. 5.* Addens vix posse tradi aliam vniuersalem regulam quoad hoc, nisi istam.

12. Si autem nec Regulæ Institutor, nec communis consensus, acceptatio, seu consuetudo Religionis declarauit modum obligationis Regulæ, prout contingere poterit in nouis Religionibus, institutis, aut instituendis, tunc si materia, aut res quæ præcipitur, vel prohibetur, non est grauis, sed exigua, aut levis, non poterit obligare ad culpam mortalem. Cum enim peccatum mortale sit grauis offensæ Dei, cadere non potest nisi supra materiam grauem, & sola illa est capax talis malitiæ, etiam si legislator intenderet oppositum. Castro *lib. 1. de lege pœnal. cap. 5. docum. 2.* Medina *1. 2. quest. 96. art. 4. in prima regula.* Quæ verò materia sit grauis, licet difficile assignetur, & prudentis arbitrio sæpius relinquatur, dicendum est illam esse grauem, quæ, vel ratione sui, vel ratione circumstantiarum boni cõmunis multum conducit ad finem à legislatore intentum; e contra verò eam esse leuem, quæ nec ratione sui, nec ratione talium circumstantiarum ad prædictum finem multum conducit. Suarez *5. to. in 3. p. disp. 4. sect. 6. num. 11. & 12. & disput. 18. sect. 3. à num. 16.* Vasquez *1. 2. disput. 158. cap. 6. num. 59.* Addendum verò est, quòd etiam dato, quòd res quæ præcipitur sit materia grauis, & capax peccati mortalis, si tamen legislator declaret solum velle obligare ad veniale, tunc transgressio solum venialis erit. Ratio est, quia probabilissimum est, etiam posita grauitate materiæ, posse in lege positua esse tantum transgressionem venialem; eò quòd tota obligatio legis posituæ pender ex voluntate legislatoris; si ergo de illa constet, transgressio talis legis solum erit venialis. Suarez

de

de legibus lib. 3. cap. 27. & 4. 10. de Religion. lib. 1. cap. 2. Sanchez lib. 1. de Matrim. disp. 9. nu. 6.

13 Similiter in eisdem casibus, quando nec Regula ipsa, nec consuetudo, aut consensus Religionis declarauit modum obligationis ipsius Regulae, si res, quae in illa continetur, non exprimitur per verba praecepti, ut sunt, *mandamus, praecipimus, prohibemus, inhibemus*, nec praecepto aequipollentia, ut sunt *statuimus, ordinamus, decernimus*, sed per alia communia, v. g. *volumus, monemus, hortamur*, tunc est probabilissimum ad nullam culpam obligare. Ratio est, quia cum illa verba communia sint praeceptis, & consilijs, dubia sunt, & obscura, an scilicet obligent, vel non, ad culpam, in obscuris autem, & dubijs amplectendum est id, quod est minimum, ut habetur *regul. in obscuris de reg. iuris in 6.* quod maxime debet procedere in Institutoribus Regularum, qui cum summopere curent utilitati spirituali Religiosorum prospicere, illis autem saepius sit nociua multiplicatio praeceptorum ad culpam obligantium, credendum est, similibus verbis nolle obligare ad culpam. Vasquez 1. 2. disp. 158. cap. 3. Sanchez lib. 6. in Decalog. cap. 4. num. 42.

14 Ex his autem patet, quanta sit obligatio specialiter Regulae Carmelitarum, quoad illas obseruationes, quae conducunt ad seruanda Vota Religionis, dicendum enim est, quod quamuis secundum se obligare videretur ad peccatum mortale, eo quod saepius videtur verbis imperatiui modi, qualia sunt illa in confirmatione Innoc. IV. *Qua fungimur auctoritate mandamus, quatenus Regulam à nobis correctam, declaratam, & mitigatam, prout expedire vidimus deuote recipientes, eam firmiter obseruetis, & in fine Regulae. Hac breuiter scripsimus vobis Religioni vestrae formulam statuentes, secundum quam in posterum viuere debeat.* Verba autem imperatiui supposita grauitate materiae arguant obligationem sub mortali, iuxta dicta supra num. 13. Nihilominus, quia in Religione nostra nunquam fuit Regula cum tanta obligatione recepta, aut acceptata, ut inter pios, & doctos communiter circumferretur, dicendum est non obligare ad culpam mortalem, etiam, quoad istas obseruationes, quae deseruiunt ad Vota essentialia commodius seruanda, ieiunia videlicet, abstinentiam à carnibus, silentia, &c. obligare tamen ad minus ad culpam venialem. Tum propter dicta, tum quia est conforme doctrinae S. Thomae 2. 2. quae 186. art. 9. & quodlib. 1. art. 20. Tum etiam, quia iste videtur esse communis consensus Religionis. Thom. de Iesu sup. Regul. par. 2. tit. de obligat. nostrae Regulae. Ioannes Pintus de Victoria de Hierarchi. Carmelit. tractat. 2. cap. 23. Vnde bene Suarez

4. *to. de Relig. tract. 8. lib. 1. cap. 3. num. 8.* de Regula Carmelitarum loquens, dicit: *Consilia, & exhortationes per se nullam aliam obligationem inducunt, præter eam, quam ex natura rei, vel ex Evangelio habent res, de quibus fiunt. Statuta verò videntur inducere obligationem saltem sub veniali culpa, ubi aliud non explicatur. Quamvis multum in hoc valeat consuetudo, & communis sensus Religionis.* Cui doctrinæ congruit ea, quam adduximus supra num. 11. & in præsentì.

15 Transgressio verò præceptorum Regulæ, quamvis ad lethale crimen non pertingat, intra limites tamen venialis offensæ, graue peccatum est. Ratio est, quia talis offensa est circa illa, quæ maximè pertinent ad Religiosum, & quæ illi sunt maximè propria. Thomas de Iesu, & Ioan. Pintus de Viç. *ut sup.*

16 Quando Regula Religionis alicuius fuerit deformata, seu relaxata quoad substantialia Religionis, scilicet tria Vota Obedientiæ, Paupertatis, & Castitatis, tenentur Religiosi professores ipsius illam seruare non sic relaxatam, aut deformatam, sed in suo pristino rigore, quoad obseruantiam dictorum Votorum. Ratio est, quia quamvis Religiosi illam Regulam profitentes non habuerint intentionem expressam se obligandi nisi ad illam prout sic relaxatam, & deformatam, quia tamen habuerunt intentionem expressam profitendi statum Religiosum, & status Religiosus essentialiter includat obseruantiam trium Votorum, ideo virtualiter, & implicite habuerunt intentionem se obligandi ad illam Regulam integram, & perfectam quoad tria Vota, sicut suscipiens Ordinem Sacrum quantumvis non intendat ad Castitatem se obligare, manet tamen ad illam obligatus ex vi talis status, eò quòd illi est Votum Castitatis annexum. Maior. *in 4. distinct. 38. quæst. 20.* Nauarr. *in Summ. cap. 12. num. 50.* qui bene propterea addit peccare eum, qui filios, vel filias offert Monasterijs ubi nimia cum libertate, aut licentia viuunt, & promissa secundum Regulam non obseruantur, intellige quoad substantialia Votorum. Nauarr. *ut sup. num. 51.*

17 Quando verò Regula Religionis est deformata, seu relaxata, non quoad Vota substantialia Religionis, sed quoad alias obseruantias Regulares, præsertim si talis relaxatio legitima consuetudine introducta sit, Religiosi, qui illam sunt professi non peccant obseruando illam sic relaxatam. Ratio est, quia nullo modo se obligant ex vi professionis nisi ad Regulam, prout erat in vsu, & prout de facto obseruabatur, neque ex vi status Religiosi, quem sunt professi aliud exigitur, cum solum obseruantia trium Votorum ad illud sufficiat. Corduba *in Reg. Diui*

Fran-

Francis. cap. 2. quæst. 16. p. 3. Azor. lib. 13. Inß. cap. 11. quæst. 16. 18 Similiter, qui professi sūt in Religione cuius Regula relaxata est (saltem per legitimam consuetudinem) quoad modos, vel circumstantias trium votorum essentialium, non tenentur ad illam obseruandam in primo sui rigore, sed sufficit, si illam sic relaxatam obseruent. Propter rationem adductam. Præsertim, quia voti obligatio non excedit vouentis intentionem, Religiosi autem isti, ut supponitur, non habuerunt intentionem vouendi nisi Regulam prout cōmuniter in illa Religione obseruabatur. Sanchez *lib. 6. in Decal. cap. 2. num. 26. in fine.*

19 Si tamen Summus Pontifex, vel alij Superiores Religionum Regulam sic collapsam, & relaxatā reformare vellent, & ad suum pristinum rigorem reducere, Religiosi illam professi tenentur non resistere tali reformationi. Quia eo ipso quòd sunt membra illius Religionis, & professi sunt illam Regulam, tenentur, etiam cum proprio dispendio, bonum, & conseruationem ipsius procurare. Euidens autem est, bonum, & conseruationem Regulæ, & Religionis ex reformatione pendere, cum propter relaxationem, quotidie Religiones extinguantur. Præsertim secundò, quia, qui vouit Regulam, vouit etiā cōsequenter, & implicite ea, quæ concernunt regulam, reformatio autem Regulæ maximè illam concernit, cū experientia compertū sit, quòd Regula, & Religio, quæ non reformatur, quotidie ad ruinam, & maiorem relaxationem tendat. Vnde meritò Sūmi Pontifices conseruationi Religionum attendentes, eas sapissimè ad pristinum decorem Decretis Pontificijs, & præceptis reducere conantur, quod non facerent, si Religiosi prædictæ reformationi resistere possent. Imò secundum aliquos ob prædictum finem possunt obligare Religiosos ad profitendum, & obseruandum clausuram, sicut Bonifacius VIII. Fœminas Religiosas ad illam obligauit. Hinc etiam Pius V. Ann. 1567. Fratres Minores Conuentuales in Hispania cōmorantes, ut transirent ad aliquem Ord. Mendicantium coëgit. Multò ergo magis poterunt Religiosi ad recipiendam reformationem propriæ Regulæ, & Religionis obligari. Vasq. *1. 2. disp. 154. c. 4. Sanchez lib. 6. in Decalog. cap. 2. num. 35. Vide dicta cap. 6. num. 60.*

20 In tali tamen casu, Religiosi, qui ita sunt delicati viribus, ut non possint Regulam reformatam, & restitutam sustinere, non tenentur obseruare reformationem Regulæ. Ratio est, quia censendi non sunt se obligasse explicitè, aut implicite ad Regulam reformatam, propter impotentiam. Nauarr. *lib. 3. Consil. tit. de Regular. in 1. edit. consil. 9. in 2. 43. & Sanchez lib. 6. in Decalog. capit. 2. num. 38. & 39.*

21 Possunt Religiosi ex vi Regulæ suæ Religionis obligari ad Confessionem Venialium. Ratio est, quia seculares possunt hoc vouere, & aliàs potest hoc concernere Regulam. Emmanuel Sâ in *Summ. verb. Confessio num.* 12. Nulla tamen Regula est ad id obligans, saltem quoad omnia venialia. Viualdus de *Confessio. n.* 51.

22 Religiosum facere aliqua opera supererogationis supra Regulam sui Ordinis non est contra ipsam Regulam, nec peccatum, etiamsi fiat sine licentiâ Prælati. Ratio est, quia eo ipso, quòd Regula, aut Prælatus non prohibent talia opera, cum aliàs sint bona, censeri debent conformia statui Religioso. Maximè quando Regula consulit fieri talia opera, aut ea permittit, sicut in Regula Carmelitarum in cuius Epilogo sic dicitur: *Si quis autem supererogauerit, ipse Dominus cum redierit reddet ei.* Thom. de Iesu *sup. Regul. in Epilog. dub.* 2. Addens benè, consultius, & magis meritorium esse facere hæc opera de consensu Prælati. D. Benedictus in *sua Regul. cap.* 49. D. Basil. *Serm.* 5. *exercitat.*

23 Regula præcipiens Religiosis laborare, qualis est Regula Alberti Carmelitanis tradita, quæ *cap.* 15. sic habet: *Faciendum est vobis aliquid operis, ut semper vos Diabolus occupatos inueniat, ne ex otiositate vestra aliquem intrandi aditum ad animas vestras valeat inuenire*, sufficienter impletur laboribus, & exercitijs spiritalibus, ut sunt audire Confessiones, Prædicare, Legere, Scribere, Docere, &c. Ratio est, tum quia hæc agere est verè laborare, tum quia, ut docet S. August. *sup. Psalm.* 118. *Non est otiosus, qui verbo Dei studet, nec plurius est æstimandus, qui extra operatur, quàm qui in studio cognoscenda veritatis exercetur.* Thomas Viualdensis *lib.* 4. *Doctrin. Fidei cap.* 22. Miranda in *Man. Prælat. to.* 1. *quæst.* 11. *art.* 5. Laborare autem manibus non est vlllo modo iure communi, aut etiam naturali, & diuino præceptum Religiosis, cum nullus textus, nullaque ratio id conuincat. S. Thom. 2. 2. *quæst.* 187. *art.* 3. & 4. Laborare autem aliquo genere exercitij, siue Spiritualis, siue Corporalis, ita ut choro designati Spiritualibus exercitijs incumbant, Laici verò, & Conuersi Corporalibus, adeò est necessarium Religiosis, ut aliqui putent peccare mortaliter Religiosos id omittentes. Quod adminus est verissimum respectu illius Religiosi, qui nullo exercitio occupari vellet, sed vitam otiosam duceret. Nam iste peccaret primò contra iustitiam Religionis, per professionem enim fecit quasi quendam contraactum cum Religione, ut ipsa eius necessitatibus succurreret, ipse verò in aliquo exercitio illi deseruiret. Secundò contra gratitudinem, cum regulariter Religiosi viuunt ex elec-

mosy.

eleemosynis secularium , quæ eo fine illis conceduntur , vt bonis operibus vacantes , ipsos illorum participes efficiunt , quo fine defraudantur , si viuant otiosè . Vide dicta supra *capit. 1. numero 16. & cap. 6. num. 43.* Sanctus Thomas 2. 2. *quæst. 187. artic. 4.* Thomas de Iesu *sup. Regul. Carmel. par. 4. de labor. manuum dub. 5.*

24 Quamuis de Oratione mentali habenda à Religiosis , iuxta præscriptum suæ Regulæ , & Constitutionum , non sit aliquod diuinum præceptum illos obligans , cum nullibi reperiat expresse . Nauarrus in *Enchirid. cap. 20. num. 67.* Est tamen hoc exercitium Orationis mentalis moraliter loquendo , simpliciter necessarium Religiosis , ad consequendum finem intentum per Religiosum statum . Hoc latè probauimus in nostro libro *de Reformatione Regularium cap. 3. & 4.* Vnde Caietanus 2. 2. *quæst. 82. artic. 3.* dixit : *Non posse vocari Religiosum , qui saltem semel in die ad butusmodi exercitium se non transfert .*

25 Silentium Regulare , quod per Regulas Religiosorum obseruari præcipitur , vltra obligationem Regulæ , videtur etiam maiorem aliam inducere . Eò quòd in *c. cum ad Monaster. de Stat. Monach.* Videatur præcipi Religiosis , illis verbis . *In Oratorio , Refectorio , & Dormitorio continuum semper silentium obseruetur .* Hieronym. Gratian. 2. *par. discipl. Regul. cap. 10. §. 3.*

26 Quamuis præceptum Ecclesiasticum ieiunij non obliget ante vigesimum primum annum , secundum communem sententiam , quia vsque ad illud tempus indigent adulescentes cibo ad nutritionem , & augmentum . (Toletus in *Summ. lib. 6. cap. 4.*) Ieiunia tamen Regulæ , & Constitutionum obligant professos iuuenes , etiam ante illam ætatem . Ratio est , quia ipsi se ad hoc voluntariè obligarunt per professionem Voti Obedientiæ , & Regulæ . Azor. *lib. 7. Instit. Mor. cap. 27. quæst. 3.* Sanchez *lib. 4. de præcept. Decalog. capit. 11. nu. 56.* Vnde meritò reprehenditur Medina *lib. 1. Summ. cap. 14.* oppositum affirmans . Vide Petrum de Ledesma 2. 10. *Summ. tract. 27. cap. 2. post §. conc. dub. 2.* Vnde ieiunare diebus præceptis ab Ecclesia tenebunt prædicti professi , non ratione Ecclesiastici præcepti , sed ratione Regulæ , vel Constitutionis , & iuxta modum obligationis , quem Regula , & Constitutiones præscribunt .

27 Similiter quamuis iure communi in casu , quo Natiuitas Domini inciderit in feriam sextam , (& idem est , si inciderit in Sabbathum , propter consuetudinem Ecclesiæ) licitum sit comedere carnes : qui tamen ex Regula , vel Constitutionibus sunt adstricti , quales sunt Religiosi , non possunt in prædicta feria 6. aut

etiam Sabbatho carnes comedere. Ratio est, quia in *cap. fin. de Obseru. ieiun.* dicitur: *Quòd illi, qui nec Voto, nec Regulari obseruantia sunt adstricti, in sexta feria, si Festum Natiuitatis Domini die ipso venire contigerit, carnibus, propter festi excellentiam vesci possunt.* Vbi in communi præcepto non comedendi carnes feria sexta dispensantur omnes pro illa die, exceptis illis, qui Voto, vel Regulari obseruantia sunt adstricti. Sanchez *lib. 4. in Decal. cap. 11. nu. 59.* An autem Religiosi prædictis diebus carnes comedentes peccent contra ius commune; an verò solùm contra Regulam, aut Cõstitutiones? Aliqui tenent priorem partem. (Medina *lib. 1. Summ. cap. 14. §. 10.*) Eò quòd intentum Ecclesiæ videatur esse dispensare in præcepto communi de non edendo carnibus feria sexta, pro die in quam inciderit Natale Domini, solùm cum illis, qui non sunt obligati ex Voto, aut Regulari obseruantia, ac proinde istos ex vi iuris communis teneri, ad non comedendum carnes, etiam illa die. Alij verò tenent posteriorem partem, dicentes cum omnibus fidelibus, etiam Voto, & Regulari obseruantia adstrictis dispensari in illo capite, relicta solùm pro istis, Voti, vel obseruantia Regularis obligatione. Quia id videtur indicare verbum illud, *propter Festi excellentiam.* Sanchez *ut supra num. 64.* sequens alios. Prior sententia conformior videtur textui, posterior verò intentioni Pontificis, & vtraque probabilis. Quod diximus de feria 6. & Sabbatho, dic suo modo de feria 4. pro Carmelitis. Pro quibus aduertendum, quòd quamuis, qui prædictis diebus carnes comederint, Regulam, & Cõstitutiones nostras transgrediantur, non ex eo tamen perdent priuilegium Bullæ vulgò Sabbathinæ, vt enim patet ex Bullis Sumorum Pontificum, & decreto S. Cõgregationis Inquisitionis, ad lucrandum prædictũ priuilegium non est necessarium à carnibus abstinere feria 4. & Sabbatho, in quibus festũ Natalis Dñi occurrerit.

28 Circa obseruationem Regulæ, aliorumque Votorum Religionis hæc præcipit S. Concil. Trid. *sess. 25. de reform. cap. 1. Vt omnes Regulares, tam viri, quàm mulieres ad Regula, quàm professi sunt præscriptum vitam instituant, & componant, atque in primis, qua ad sua professionis perfectionem, vt Obedientia, Paupertas, Castitas, ac si qua alia sunt alicuius Regula, & Ordinis peculiaria Vota, & præcepta ad eorum respectiue essentiam, necnon ad Communem Vitam, Victum, & Vestitum obseruanda pertinentia, fideliter obseruent. Omnisque cura, & diligentia à Superioribus adhibeatur, tam in Capitulis Generalibus, & Prouincialibus, quàm in eorum visitationibus, qua suis temporibus facere non pratermittant, vt ab illis non recedatur, eum*

compertum sit ab eis non posse ea, quæ ad substantiam Regularis vite pertinent relaxari. Si enim illa, quæ basis sunt, & fundamenta totius Regularis discipline exacte non fuerint conseruata, totum corruat edificium necesse est. Ex quibus primò habetur obligari Religiosos ad obseruantiam sue Regule; etiam ex vi præcepti huius. Non credo tamen propter illud intendisse Concilium dare maiorem vim obligandi Regule, quam ipsa habet, ita vt, si illa non obligabat nisi ad pœnam; obliget ad culpam ratione huius præcepti, aut si obligabat ad veniale, obliget ad mortale. Habetur secundo Vitam Communem Religiosorum in victu, vestitu, &c. maxime esse intentam à Concilio, iuxta dicta supra cap. præcedenti num. 60. Qualiter autem, & quomodo Regularis obseruantia à Patribus commendetur, habetur ex nostro opere de Reformat. Regularium cap. 5, & 6.

29 Dispensare possunt in Regule obseruantijs Prælati Religiosum, iuxta dicenda cap. 18. num. 54. Ad hoc tamen requiritur iusta causa. Cum potestas Prælatorum sit illis data in adificationem, non in destructionem 2. Corinth. 10. D. D. Thomas 2. 2. q. 88. art. 12. ad 2. Cause autem istæ, licet variè assignentur, communius tamen occurrere solent. Prima ex parte temporis, quando nimirum propter tempus videtur conueniens Regule rigorem mitigare. Hac enim ratione in ieiunio feriæ 6. post Pascha dispensatur in nostris Constitutionibus par. 1. cap. 4. §. 1. Secunda ex parte personæ, vt si Religiosus sit infirmus, debilis, senex, &c. Tertia ad euitandum scandalum, murmurationem, vel iram grauis personæ, vt si Princeps, vel Prælatus inuitarent ad prandium Religiosum aliquem, & ipsi solum apponeret carnes dic, quo secundum Regulam non potest illas comedere. De his tamen, & alijs. Sileuit. verb. dispensatio q. 1. num. 3. Angelus num. 2. Imò quando adest causa rationalis dispensandi tenetur Prælatus dispensare, maxime si Religiosus id petat. Quia potestas Prælatorum præcipue attendere debet ad bonum subditorum, & finem charitatis. Sæ verb. dispensatio num. 1. Miranda to. 2. Man. quest. 30. art. 6. Si autem Religiosus habeat sufficientem, & certam causam, vt dispensetur, & non adest Prælatus, qui id faciat, multi dicunt posse tunc secum per Episcopiam dispensare. Rodriguez to. 1. q. 16. ar. 5. Laurentius de Peirinis to. 1. q. 1. de Obed. cap. 8. Addens, si manifesta necessitas, vel vtilitas adsit, & Prælatus ex odio, aut malitia nolit dispensare, ipso iure dispensatum esse. Henriquez lib. 6. de Pœnit. cap. 13. num. 4.

30 Quando Prælatus præcipit aliquid cõtra Regulam, seu contra aliquod statutum Religionis, causa rationali subsistente,

censetur dispensare in Regula, si potest, & subditus tenetur obedire. Ratio est, quia praecepta Superiorum obligant in quantum possunt, cum autem Praelatus non possit precipere quidquam contra Regulam, nisi in ea dispensando ex causa rationabili, ideo credendus est sic facere, & obediendus a subdito. Caieran. 2. 2. q. 104. art. 5. ad 3. Praelatum autem posse in observantijs Regulae dispensare dicimus *cap. 6. num. relatis.*

31. De obligatione ad Regulam, quam habent Religiosi ad Episcopatum, Cardinalatum, vel Abbatiam aliquam extra Ordinem assumpti, dicimus *cap. 17. num. 8.* De Electis dicimus *cap. 23. n. 17.* De Novitijs *cap. 24. num. 2.* De Monialibus autem *cap. 25. num. 1.*

De obligationibus Religiosorum ratione Constitutionum, seu statutorum Religionis.

C A P. VIII.

CONSTITUTIONES, seu Ordinationes in Religione comparantur cum Regula, sicut in naturalibus, perfectiones, seu formae accidentales, cum forma substantiali, seu anima, quae est perfectio substantialis compositi. Unde licet non possit dari vera Religio sine Regula, quia est quasi anima Religionis, & ab ipsa Religiosi Regulares dicuntur, sicut Canonici a canone, ut constat ex *Rubric. de Regularib.* tamen potest dari vera Religio sine Constitutionibus, aut ordinationibus a Regula distinctis, qualis est Religio Carthusiensium, Minorum, & Societatis Iesu. Suarez 4. 10. de Relig. lib. 1. cap. 1. nu. 6.

2. Differunt praecipue Constitutiones, & Regula, quia Regula, ut in plurimum est ab aliquo antiquo Patriarcha constituta, a Summis Pontificibus approbata, & in Religione perpetua. Constitutiones vero non ita, sed a Praelatis, aut Capitulis Religionum ordinatae sunt, & multae sine Pontificia autoritate, aut approbatione, & pro temporum varietate mutari possunt, & de facto saepius mutantur. Suarez *ubi sup. num. 5.*

3. Possunt in Religionibus condi, seu institui Leges, aut Constitutiones obligantes Religiosos in conscientia ad earum observantiam. Sumitur haec veritas ex illo ad *Rom. 13. Omnis anima potestatibus sublimioribus subdita sit.* Ad *Hebraeos 13. Obedite praepositis vestris, & subiacete illis.* Et ratio est, quia in Religionibus est potestas regendi, & gubernandi Religiosos, ad illam re-

ro spectat facultas hæc condendi Leges, seu Constitutiones. Vasquez 1.2. *disp.* 153. *cap.* 1. Hæc verò potestas condendi Leges, aut Constitutiones regulariter solum spectat ad Generalem cum Capitulo Generali pro tota Religione, vel ad Prouincialem cum Capitulo Prouinciali pro tota Prouincia. Ratio est, quia licet quilibet Superior, siue Generalis, siue Prouincialis, siue etiam localis possit imponere præcepta, aut mandata, quæ solum pro tempore determinato sui Officij durent (nisi aliud in specialibus Ordinationibus Religionum habeatur) Statuta tamen, seu Constitutiones non possunt edi in Religionibus nisi ab eo, quod representat totam communiatem, qualis est Generalis cum Capitulo Generali, vel Prouincialis cum Capitulo Prouinciali, tum quia condere Leges spectat ad Communiatem, vt docet S. Tho. 1.2. *quæst.* 90. *art.* 1. tum quia ita regulariter est illis concessum à Summis Pontificibus, & in praxi apud ipsas Religiones versatur. Vasquez 1.2. *disp.* 153. *cap.* 1. Sanchez *lib.* 6. in *Dea* q. 2. *cap.* 2. *nu.* 17. Dixi autem *regulariter*, quia existente consuetudine, vel praxi Religionis, vel aliquo priuilegio, tunc poterit Generalis, aut alius Superior condere aliquas Leges, vel Statuta; præsertim cum habeant authoritatem quasi Episcopalem. Et in hoc sensu intelligendi sunt aliqui authores, qui hoc videntur concedere. Suarez *lib.* 4. *de legibus cap.* 5. Bonacina *tract. de legib. disp.* 1. *q.* 1. *p.* 3. Similiter quantum est ex natura rei, & iure communi, possunt Leges pro tota Religione cõdere Diffinitores in Capitulo Generali, etiam ante electionem Generalis. Tum quia Religionem totam representant, tum quia semper est cum illis aliquis, siue Præses, siue Vicarius Generalis, qui simul cum Diffinitoribus representent etiam totam Religionem. Suarez *to.* 4. *de Relig. trac.* 3. *lib.* 2. *cap.* 8. *num.* 9. Vide dicenda *cap.* 18. *nu.* 90.

4 Huiusmodi autem Cõstitutiones, seu Statuta Religionum, ad hoc quòd obligent in conscientia, debent esse de rebus concernentibus explicitè, vel implicitè Regulam; explicitè quidem, si illa etiam habeantur in Regula; implicitè verò, si sint necessaria ad Regulam obseruandam. Ratio est, quia vt diximus *cap.* 4. *nu.* 9. Religiosi non tenentur ex vi Voti Obedientie nisi ad ea, quæ aliquo modo ex prædictis concernunt Regulam, sub qua viuere professi sunt. D. Thom. *quodlib.* 10. *art.* 10. Cordub. in *exposit.* *Regul.* D. Francisc. *cap.* 10. *q.* 12.

5 Hinc etiam ad hoc quòd obligent in conscientiam istæ Leges, aut Constitutiones Religiosæ, non debent continere peculiare asperitates, magnas corporis afflictiones, vigilias, aut diurnas orationes, quæ non concernunt Regulam explicitè, aut implici-

et sed omnino sunt supra illam, iuxta dicta *cap. 4. num. 13*. Propter eandem rationem, scilicet, quia cum Religiosi solum, voverint obedientiam secundum Regulam, non possunt ad maiora obligari, etiam à Capitulo Generali Ordinis. Vasquez *1. 2. disp. 154. cap. 4. num. 25*. Sanchez *lib. 6. in Decalog. cap. 2. num. 18*. Nec etiam Summus Pontifex ex vi Voti Obedientiae, quod ipsi Regulares emittunt possit tales Leges condere, tradunt Cordub. *in exposit. Regula D. Francis. cap. 15. quæst. 2. dicto 6*. Lessius *lib. 2. de Iustit. cap. 41. dub. 9. num. 77*. Poterunt tamen non solum Summus Pontifex, sed etiam Prælati Religionum cum Capitulis, condere Leges continentes austeriorem vitam omnino supra Regulam, obligantes in posterum professuros. Cum enim isti nondum emiserint professionem, non possunt conquæri quod obligentur ad ea, quæ non promiserunt, sicut conquæri possent ante istas novas Leges professi. Sanchez *supra num. 20. & 23*. Similiter possunt fieri Leges, aut Constitutiones obligantes Religiosos ad opera mortificationis, seu austeritates ob publicam necessitatem, v. g. bellum, pestem, famem, hæresim, &c. Ratio est, quia hæc non sunt censenda omnino supra Regulam, sed aliquo modo concernentia ipsam, ut potè conducentia ad utilitatem publicam. Cordub. *in Regul. D. Francis. cap. 10. q. 2. Lessius 2. de Iustit. cap. 41. dub. 9. num. 77*. Obligatio observandi Constitutiones Religionum, aliquando est ad mortalem culpam, aliquando ad venialem, aliquando ad nullum peccatum, sed ad meram pœnam ab ipsis Constitutionibus taxatam, iuxta dicta *cap. præcedenti à num. 6*. Quando enim Auctor Constitutionum declaravit se nolle ad culpam obligare, sed ad pœnas, qualiter in Constitutionibus Carmelitarum exprimitur, *cap. 1. cum dicitur: Constitutiones nostri Ordinis neminem ex se intendunt obligare ad culpam, sed ad pœnas*, tunc certum est solum ad pœnas obligare. Quando verò nihil tale declaratum est, attendi debet ad communem sensum, & acceptationem Religionis, ex hoc enim capite præsertim desumitur quantitas obligationis. Si verò de hoc non constet; si materia, quæ præcipitur non est gravis, sed levis, certum est obligationem non posse esse sub mortali culpa enim mortalis, necessario petit gravem materiam. Similiter si verba, quibus ponitur lex non sint præceptiva, qualia sunt, *Præcipimus, Mandamus, Statuimus, &c.* Sed alia communia præceptis, & consilijs, ut *Volumus, Monemus, &c.* tunc est probabilissimum non obligare ad culpam, præsertim mortalem. Solum ergo possunt esse obligatoria ad culpam

pam mortalem ea, quæ per verba præceptiua statuuntur, & circa grauem materiam. Leuis enim materia solum poterit inducere leuem culpam, videlicet venialem: Vide dicta *cap. præcedenti à num. 6.* Thomas de Iesu *de Regul. Carmelit. p. 2. dub. 8. p. 1.*
 9. Quando ea, quæ habentur in Constitutionibus, vel Statutis Religionum, sunt de rebus alijs præceptis iure naturali, diuino, aut positiuo, transgressio illorum est qualis fuerit transgressio talium præceptorum. Similiter quando fuerint res directe spectantes ad tria Vota, transgressio illarum est mortalis, nisi per accidens ratione paruitatis materiæ, vel inaduertentiæ, solum sic venialis. Quando fuerint res, quæ solum sub consilio proponuntur, ad nihil culpam obligabunt. Quorum ratio sumitur ex dictis *cap. præcedenti à num. 7.*

10. Etiam quando Constitutiones Religionum obligant solum ad pœnam, possunt dici obligare saltem indirectè ad aliquam culpam. Ratio est, quia adhuc tales Constitutiones obligant in conscientia ad patiendum pœnam impositam, & dant ius Superiori ad puniendum transgressionem illarum tali pœna, ergo si Religiosus resistat passioni talis pœnæ, peccabit iuxta grauitatem materiæ, & circumstantiarum; ac per consequens tales Constitutiones ad aliquam culpam obligant, saltem indirectè. Confirmatur, quia alijs prædictæ Constitutiones non differrent à mero Consilio, nec essent vera præcepta. Suarez 4. *to. de Relig. tract. 3. lib. 1. cap. 2. num. 6.*

11. Quotiescunque tamen, siue in Regula, siue in Constitutionibus, siue in alijs Ordinationibus, aut præceptis Superiorum, præcipitur, aut prohibetur aliquid in virtute S. Obedientiæ, vel in virtute Spiritus sancti, vel in virtute Voti, aut iuramenti facti, transgressio erit peccatum mortale. Vfus enim obtinuit, vt talia, vel similia verba obligationem sub mortali indicent. Azor. *tom. 1. Instit. mor. lib. 5. cap. 6. quæst. 5.* Aragon. 2. 2. *quæst. 62. art. 3.* Idem dico, si dicatur sub interminatione gehennæ. Quia ea comminatio solum debet correspondere culpæ mortali. Castro *lib. 1. de lege pan. cap. 5. docum. 4.* Sanch. *lib. 6. in Decalog. cap. 4. nu. 43.* Idem, si dicatur sub pœna maledictionis æternæ, aut indignationis Dei. Propter eandem rationem. Vasq. 1. 2. *disp. 158. cap. 5.* & Sanch. *ut sup.* Idem; ob eandem rationem, si dicatur sub pœna maledictionis Dei. Tolet. *in fin. Summ. cap. 19. num. 6.* Idem, sub obestratione diuini ludicij. Propter similem rationem. Nauarr. *in Summ. cap. 23. num. 51. vel 53.* Valent. 1. 2. *disp. 7. q. 5. par. 6. & 2. 2. disput. 10. quæst. 4. part. 5.* Non sic credo de verbo strictè, aut arctè mandamus, neque de verbo sub præcepto. Quia
 hzc

hæc omnia indifferentia sunt ad peccatum mortale, vel veniale. Est autem prudenter sanè inter Patres Discalceatos nostri Ordinis statutum, Constitutiones, ac Superiorum præcepta, & mandata ad peccatum mortale non obligare, nisi per contemptum, aut nisi per Prælatum quidpiam præcipiatur in scriptis, in virtute Spiritus sancti, & S. Obedientiæ.

12 Si tamen Prælatus, vel aliqua Constitutio, seu Statutum Religionis præciperet rem parvi momenti, & circa materiã leuem, seu exiguam, prædictis modis, scilicet *in virtute Sanctæ Obedientiæ, in virtute Spiritus sancti*; transgressio non erit mortalis, sed tantum venialis. Ratio est, quia materia levis, seu exigua inobedienciæ, aut transgressionis Voti, non est capax obligationis sub mortali, etiam si Prælatus hoc intenderet. Castro *lib. 1. de leg. pœn. cap. 5. docum. 2. Sanchez lib. 1. in Decalog. cap. 4. num. 4.* Debet tamen certò, & indubitanter constare esse leuem materiam eam, quæ hoc modo præcipitur, vel prohibetur, ut iudicemus Constitutionem, vel Præceptum, quod aliàs ex tenore verborum ad mortale obligabat, solum obligare ad veniale. Ratio est, quia in dubio semper est credendum Superiorem, aut Legislatorem rectè, & ordinatè præcipere. Suarez *3. tom. in 3. par. disp. 4. sect. 6. num. 11. Aragon. 2. 2. q. 62. ar. 3.*

13 Similiter quoties in Constitutionibus, aut Statutis Religionum (idem dico de quocumque alio mandato) præcipitur aliquid sub pœna excommunicationis maioris latæ sententiæ, transgressio illius est mortalis. Ratio est, quia tam gravis pœna solum imponi potest pro culpa mortali. Vnde hoc etiam extenditur, si id quod præcipitur, aut prohibetur sit sub pœna excommunicationis ferendæ. Propter eandem rationem. Salon. 2. 2. q. 77. art. 1. Henrriq. *lib. 13. de Excommunicat. cap. 17. num. 2.* Quod intellige, nisi euidenter constet esse leuem materiam eam, quæ præcipitur, aut prohibetur, propter quam præsumatur talem excommunicationem ferendam exigere admonitionem. Henrriquez *ut supra. Sanchez lib. 6. in Decalog. cap. 4. num. 52.* Casu autem dato, quod pro re leui imponeretur maior excommunicatio, illa esset non solum iniusta, sed etiam inualida. Quia non solum esset contra Sacros Canones, sed & supra potestatem Prælati, ita ut dici posset continere errorem intolerabilem. Cornexo *tom. 2. in 3. par. tract. 5. de Excommunicat. disput. 3. dub. 3.*

14 Si tamen poneretur (quod non est admittendum) Constitutio, seu Præceptum sub pœna excommunicationis minoris, non inde inferretur transgressionem illius esse mortalem, sed posse esse venialem. Quia hæc levis pœna potest solo peccato veniali incur-

incurri, vnde quòd transgressio illius sit mortalis, vel venialis aliunde pensandum est, videlicet ex parte materiæ. Vasquez 1. 2. *disp.* 158. *num.* 40.

15 Item quoties in Constitutionibus, vel Statutis Religionum præcipitur, aut ordinatur aliquid sub pœna Suspensionis, Interdicti, vel Irregularitatis, transgressio illius est mortalis. Ratio est, quia istæ pœnæ sunt grauissimæ, atque ita nequeunt imponi nisi propter culpam mortalem. Suarez *tom.* 5. *in* 3. *par. disput.* 4. *sect.* 4. *num.* 7. Vasquez 1. 2. *disput.* 158. *cap.* 5. Excipe, quando Suspendio, vel Interdictum essent alicuius rei levis, scilicet alicuius actus particularis, & ad breue tempus. Quia tunc non arguerent transgressionem mortalem. Suarez *ut supra*. Pœnæ autem degradationis, priuationis Ecclesiasticæ Sepulturæ, & similes, sine dubio arguunt transgressionem mortalem. Quia etiam sunt grauissimæ pœnæ. Castro *de leg. pan. cap.* 5. *docum.* 4. Medina *C. de Ieiun. q. de necess. seru. ieiun.*

16 Similiter si in aliqua Constitutione, vel Statuto Religioso statueretur pro aliqua culpa pœna mortis, mutilationis alicuius membri, carceris perpetui, triremium, & grauis infamiæ, credendum est transgressionem illius culpæ esse mortalem. Eò quòd pœnæ tam atroces non possint poni nisi propter culpam mortalem. De pœna mortis, & mutilationis membri. Siluester *verb. præceptum quest.* 3. *in fine*. Sotus 1. *de Iustit. & Iure quest.* 6. *art.* 5. De pœna perpetui carceris. Cordub. *in Regul. D. Francis. cap.* 10. *quest.* 3. *punct.* 1. Azor. *tom.* 1. *Institut. moral.* 1. 5. *cap.* 6. *quest.* 5. De pœna triremium Salon 2. 2. *quest.* 77. *art.* 1. *controu.* 7. Sanchez *lib.* 6. *in Decalog. cap.* 4. *num.* 64. De pœna grauis infamiæ Castro *lib.* 1. *de lege pœnali cap.* 5. *docum.* 4. & Azor. *loco citato*.

17 Similiter quoties Religiosus transgreditur aliquam Constitutionem, seu Statutum suæ Religionis, etiam aliàs non obligatam ad culpam, ex cõtemptu, peccat mortaliter. Ratio est, quia cõtèptus est actus formalis inobedientiæ directè oppositus Voto Obedientiæ, quo in professione se astrinxit subiiciendo se voluntati Superiorum. S. Th. 2. 2. *q.* 186. *ar.* 9. Caiet. *ibid.* Constitit aut huiusmodi cõtemptus, non in eo, quòd quis ex malitia, praua consuetudine, indignatione, aut alia causa, transgrediatur præcepta, aut legem, sed in hoc, quòd quis violet legem, aut præceptum, quia non vult subiici ipsi, aut Superiori præcipienti, ita vt habeat duos actus, alterum quo vult non subiici legi, aut Superiori, alterum, qui ex illo oritur, scilicet transgredi tale præceptum, vel legem. S. Thomas *ut supra ad* 3. Caietanus *ibi, & in Summ. verb. cõtemptus*. Imò ad hoc quòd cõtemptus sit peccatum

catum mortale; non sufficit quòd sit contemptus secundum quid, id est, quòd Religiosus nolit subijci Superiori, aut præcepto, hic, & nunc; sed requiritur quòd sit contemptus simpliciter, id est, quòd nolit simpliciter subijci præcepto, aut Superiori. Caietan. *ut sup. vers. aduerte hic*. Val. *ut infra*. Si quis tñ transgrediretur Constitutionem, aut Legem Religionis, non ex contemptu talis Legis, aut Constitutionis, sed ex contemptu executionis illius, quia scilicet reputat illam rem parui momenti, non semper peccaret mortaliter. Quia hoc non est velle non subijci legi Superioris, sed æstimare illam minus, quàm decet. Valentia 2. 2. *disput. 10. q. 4. puncto 5*. Sanchez *lib. 1. in Decalog. cap. 15. num. 10*. Vide *cap. 11. num. 12*.

18 Praua autem consuetudo, seu usus non seruandi Constitutiones, aut Statuta Religionis, quæ non obligant ad culpam, vel solum ad venialem, non facit ex se, quòd transgressio illorum sit peccatum mortale. Ratio est, quia actus replicati sunt eiusdem speciei, ac proinde eiusdem malitiæ, si ergo prima transgressio Constitutionis Religiosæ fuit tantum peccatum veniale, etiam si millies replicetur, non fiet mortalis. S. Thomas 2. 2. *q. 186. ar. 9*. Caietanus *ibidem*. Potest tamen huiusmodi praua consuetudo, seu usus transgrediendi Constitutiones fieri mortalis, primò ratione periculi, cui se exponit sic transgrediens, contemnèdi illas. Azor. *lib. 4. Instit. moral. cap. 9. quæst. 11*. Secundò, quia sic operans est valde perniciosus Religioni, suo prauo exemplo alios ad relaxationem inducens. Sanchez *lib. 6. in Decalog. cap. 4. nu. 18*. Vide *cap. 1. num. 13*.

19 Constitutiones, & Statuta Religionum non obligant quando sunt impeditiua operum Charitatis: vt si sit Statutum in aliqua Religione de non intrando in cellam alterius Religiosi, & contingat aliquem infirmari, potest Religiosus in illam intrare. Ratio est, quia nec aliæ Leges Ecclesiasticæ obligant in istis casibus. Rodriguez *to. 1. quæst. 9. 67. art. 3*. Nec etiam obligant cum metu, aut probabili periculo vitæ. Quia nulla lex humana hoc pacto obligare potest. Vnde licet Carchusiani satis laudabiliter à carnibus abstineant, etiam cum periculo vitæ; postponentes bonum particulare vitæ bono communi Religionis in perpetua abstinentia à carnibus consistente. (Sanchez *libro 6. in Decalogus capit. 15. numero 39*.) Quod intelligo in casu quo est alius cibus, quo uti possint, nam si non est alius cibus, inhumatum est; & contra ius naturale, ita facere. Suarez 4. *tom. de Relig. tract. 9. lib. 2. cap. 4*. In nullo tamen casu tenetur à carnibus abstinere cum periculo vitæ. Quia nulla lex, aut etiam votum Religionis potest

test obligare contra præceptum naturale conseruandi vitam, cuius homo non est dominus, sed solus Deus. *Victoria in Relect. de temperantia à num.8.* Secus dicerem si esset scandalum, quia tunc lege naturali, & diuina teneretur illud vitare. *Bonacina de le- gibus disp. 2. q. 8. punct. 2. nu. 16.*

20 In casibus, in quibus obseruantia Constitutionis, seu Statuti Religionis ita deficit à ratione, vt repugnet bono communi dispositio ipsius, non obligat. Ratio est, quia tunc concurrunt duo contraria, scilicet lex naturalis, & lex positiua, ac per consequens standum est legi naturali, quæ est strictior. *Caiet. 2. 2. q. 12. art. 1. Rodriguez t. 1. quest. Regul. q. 67. art. 4.* Non verò deficit Lex, aut Constitutio, quando ratio ipsius in particulari casu, & persona deficit. Eò quòd Lex, seu Constitutio respicit bonum commune. *Rodriguez vt supra, referens Sotum.*

21 Omnes Superiores Religionum, etiam ipse Generalis, re- nentur Legibus, & Constitutionibus suorum Ordinum, quoad vim directiuam. Eò quòd sint membra Religionis, præsertim, cum Lex, siue Constitutio, non ab ipsis solum, sed à Capitulis habuerit suam vim. *D. Thom. 1. 2. q. 96. art. 5. Sotus l. 1. de Iust. q. 6. art. 7.* Imò aliquo modo dici possunt obligari ad illas, etiam quoad vim coactiuam, quatenus finito officio suo, vel tempore Capitulum possunt ob earum transgressionem puniri. *Rodriguez 1. 1. q. 68. art. 3. Miranda in Man. Prælat. q. 29. art. 4.*

22 Constitutiones, seu Statuta Religionum confirmata auctoritate Papæ non possunt mutari ab ipsis Religionibus, seu Capitulis ipsarum. Eò quòd Inferior non potest tollere facta à Superiore. *Nauarrus l. 1. Consil. tit. de const. cons. 8.* Hoc tamen intellige, quando prædicta confirmatio Papalis fuit facta in bonum Religionis, seu per modum decreti, mandati, aut ordinationis: quando enim facta fuit in fauorem statuentium tales leges, tunc confirmatio Papæ habet vim cuiusdam priuilegij, & ita liberè ab illo possunt recedere priuilegiati. Ita probabiliter *Rodriguez 1. 1. quest. 10. art. 4. Miranda 2. 1. Man. q. 29. art. 8.*

23 Quauis de iure communi non possint Superiores Religionum dispensare vniuersaliter in Legibus, Constitutionibus, aut Statutis ipsarum, nisi quando illis talis facultas conceditur expressè, vel interpretatiuè; eò quòd inferiores non possunt in Legibus latis à suis Superioribus dispensare, Constitutiones autem Religionum factæ sint à tota Religione, vel Prouincia, quæ sunt Superiores Generali, & Prouinciali (*Siluester verb. dispensatio q. 4. & 9. cum sequentibus. Nauarr. in Man. prælat. 9. num. 15.*) In aliquibus casibus tamen id possunt, scilicet in casibus leui-

bus,

bus, in quibus recurrere ad Superiores, vel Capitulum esset intolerabile, & in casibus, qui frequenter accidunt, in quibus etiam durum, & asperum videtur tantum tempus spectare. Ratio huius est, quia in his casibus præsumitur licentia interpretatiua concedi à iure, & maioribus Superioribus, idque consuetudine, quæ est optima Legum interpretis, obseruatur. Medina 1.2.q.97. art.4. concl.3. Miranda in 2.tom. Man. q.30.art.11. Vide c.18.nu.54.

24. Consuetudo legitimè præscripta, & debitis circumstantiis vestita, v.g. quod sit rationabilis, vniuersalis, & cum notitia Superioris, habet vim legis, seu Constitutionis, & potest tollere legem contrariam, aut Constitutionem, seu Statutum, quod erat prius in Religione. Ratio est, quia consuetudo hoc modo censetur quasi quædam Lex, aut Constitutio Religionis. Rodriguez 1.tom. quest. Regul. q.69.art.1. Miranda 2.tom. Man. q.28. per totam. Præscribit autem huiusmodi consuetudo si est contra legem, quadraginta annis. Nauarr. in man. cap.21. nu.13. Si autem est præter legem, decem annis. Rodriguez tom.1. quest. 69.art.1. Sa in summ. verb. consuet. nu.3.

25. Constitutio, seu Ordinatio Religionis permittens in ea Magistros, aut Doctores, tolerari potest, dummodo, qui accipit tales gradus sit idoneus, aliàs, qui scit non esse idoneum, & petit illos, peccat mortaliter, sicut qui scienter admittit. Silvester verb. Doctor. q.4. Sa in summ. verb. docere nu.2. Auertendum etiam est Decretum Clem. VIII. & SS. D. N. Urbani circa huiusmodi graduatos, videlicet. *Nullus nisi actu legat, vel prædicet, aliquo sui gradus priuilegio gaudeat.* Vide alia circa illos cap.20.nu.20. & 24. Animaduerti tamen debet *actu legere*, dici etiam Lectores, quando tempore vacationum student vt legant. Laurentius de Peirinis tom.1. priuileg. Minim. in Constit. 2. Iulij 2.8.5.nu.21.

26. De mandato Clem. VIII. in decretis pro reformatione Regularium innouatis à S. Congregat. iussu SS. D. N. Urbani præcipitur Generalibus, ac omnibus alijs quibuscunque Superioribus, ad quos hoc spectat, vt curent, ac efficiant, prædicta omnia decreta inter aliàs eorumdem Ordinum Constitutiones perpetuo valituras redigi. An autem inde inferatur hæc Decreta non inducere aliam obligationem ad sui obseruantiam, quam Constitutiones Religionum? Mihi videtur verior pars negatiua. Ac proinde quòd de obligatione horum Decretorum loquendum sit iuxta generales regulas, quæ de iure communi sunt ad cognoscendam obligationem aliarum Legum Pontificalium, de quibus nos egimus supra, & cap.7. à num.7.

27. Ad hoc quod Leges, seu Constitutiones Religionum obligent

gent subditos requiritur aliqualis promulgatio ipsarum. Hoc enim necessariò requiritur pro cuiuscunque Legis obligatione. Licet autem promulgatio in singulis Monasterijs, seu Domibus Religionis optima sit, non videtur tamen necessaria, sed sufficiet quòd in Capitulo Generali, vel Prouinciali respectiue, fiat. Sicut generaliter Lex Pontificia sufficienter promulgatur Romæ, Episcopalis in Cathedrali Ecclesia, Regia in Curia Regis. Suarez 4. tom. de Relig. tract. 8. lib. 2. cap. 8. nu. 15. & 16.

28 Immunitates, & libertates concessæ Religiosis in Constitutionibus (imo & Regula) Ordinum, possunt à Prælati ipsorum, aliquibus coarctari, ex iusta causa, nisi talis coarctatio sit expressè prohibita prædictis Superiõribus. Ratio est, quia eo ipso quòd non est illis prohibita, censetur concessa; eò præsertim quia ad bonum regimen Religionis spectat ita facere, saltẽ in aliquibus casibus. Corduba in Regul. D. Franc. c. 10. q. 2. punct. 6. Sanchez lib. 6. in Decalog. cap. 3. nu. 9. Idem etiam dicendum est de Prælato inferiori respectu licentiæ, & immunitatis Religiosis à Superioribus Prælati concessarum. Laurentius Peirinis tom. 1. q. 1. de obed. cap. 8. in fine.

29 Licitæ est, & honesta Constitutio præcipiens Religiosis studia literarum. Vt latè probauimus in tractatu de Reformat. Regular. cap. 11. Laurentius de Peirinis tom. 1. de Subdito q. 1. de Obedient. cap. 30. Religiosi etiam ad studia deputati notabiliter negligentes in studendo, sæpe peccant mortaliter. Tum quia occupant aliorum locum. Tum quia abutuntur commoditate illis ad studendum à Religione concessa, videnturque scientias contemnere. Nauarrus in summ. cap. cap. 25. nu. 59. Peirinis et supra.

30 Licitæ quoque est Constitutio prohibens ne litteræ missæ ad Superiores aperiuntur, vel detineantur à subditis. Vnde inter casus reservabiles à Superioribus designauit Clemens VIII. *malitosum impedimentum, aut retardationem, aut aperiitionem, litterarum à Superioribus ad inferiores, & ab inferioribus ad Superiores missarum.* Ratio est, quia per hoc impeditur maximè bonum regimen Religionis, & fraterna charitas inter Religiosos. Pro explicatione autem huius casus reservabilis, quando scilicet in eo quis peccet, consule Quarantam in Compend. Bullar. verb. casus reservat. num. 12. & Coriolanum in tract. de cas. reseru. par. 2. casu 11. Deinde qui aperit litteras obferatas, vel alienas scripturas animo nocendi, vel cum graui detrimento aliorum, peccat mortaliter. Quia in re graui offẽdit proximum. Rodriguez to. 2. quest. Regul. quest. 36. articul. 2. Non tamen peccat mortaliter qui i

qui aperit litteras, ex quibus sibi vel alteri timet periculum, alicuius damni notabilis iniuste inferendi. Quia in tali casu præceptum naturale de evitando damno iniuste inferendo, præponitur præcepto de observando secreto. Navarr. in Summ. cap. 18. nu. 53. Laurent. de Peirinis tom. 1. de Subdit. quæst. 2. de pauper. cap. 2. §. 13.

31 Scribere litteras ad Prælatum sine nomine, continentibus delicta occulta contra aliquem, est ex suo genere mortale peccatum. Quia est reuelare crimen occultum fratris, quod mortale est. Nisi forsan hoc fieret ex charitate, non ex odio, aut malevolentia: ultionem, & punitionem non querens, sed solum correctionem, & emendationem; & celatur nomen scribentis; quia si forte perveniat ad notitiam illius contra quem scribitur, reddetur illi inimicus. Laurent. de Peirinis tom. 1. de Subdito q. 2. de pauper. cap. 2. §. 12. Non possunt tamen Prælati ex huiusmodi litteris, ad inquisitionem procedere delictorum, quæ continent. Probatur ex cap. Inquisitione de accusat. §. 3. ubi id habetur. Rodriguez tom. 2. quæst. Regul. q. 6. art. 10. Vide dicenda c. 7. n. 4.

32 De obligatione observandi Ceremonialia, seu Ordinalia, Religionum phylosophandum est eodem modo, ac de alijs Legibus, Statutis, ac Constitutionibus Ordinum. Ac proinde dicendum, transgressionem eorum, quæ in illis præcipiuntur, esse peccatum mortale, vel veniale, iuxta quantitatem materiæ, & alias circumstantias, iuxta dicta in hoc capite, & præcedenti. Ex parte tamen materiæ, scilicet eorum, quæ in illis præcipiuntur, est sine dubio maior obligatio ea observandi, quam alia, quæ per alias Constitutiones ordinantur, ac per consequens transgressio magis peccaminosa; nam quæ in prædictis Ceremonialibus præcipiuntur immediatius, & proximius concernant cultum Dei, in quo vix potest aliquid minimum reperiri. Specialiter verò de Ceremoniali Carmelitarum illud occurrit monendum; quod quamvis in illo dicatur, *Sub obedientia præcepto vobis omnibus; & singulis, præsertim verò Superioribus, ad quos ista spectant; iniungimus, ut quibuslibet alijs minus congruis Ceremoniarum, & Ritusum observationibus relictis, in omnibus, quoad melius fuerit poterit, hunc nostrum Ordinaris, & Ceremoniali conformemini; illudque ad unguem sequamini*: nihilominus, non obstante huiusmodi præcepto Obedientiæ, non erit peccatum mortale, unam, aut aliam, aut etiam aliquas, saltem paucas, Ceremonias non observare, si non sit contemptus, aut voluntas non se conformandi prædicto Ceremoniali, aut notabilis, & magna negligentia in

nun-

nunquam studendo, addiscendo, aut legendo illud. Sic enim interpretatur hoc præceptum communis vsus Religionis, & Reuerendissimi Generales Ordinis à me super hoc interrogati, ita responderunt. Sempër tamen erit veniale peccatum, nisi adsit negligentia, obliuio, aut ignorantia inculpabilis.

33. Pœnæ priuationis officiorum, dignitatum, graduum, & administrationum, &c. seu inhabilitatis, ad illa: seu alia, quæ apponi solent in Constitutionibus, & Statutis Religionum, etiam si ponantur sub verbis, *ipso facto, ipso iure, eo ipso*, aut similibus, non incurruntur in foro interiori conscientiæ, nisi præmissa declaratione Superioris, quæ adminus constet Religiosum perpetrasse illud crimen, propter quod imponuntur tales pœnæ, iuxta dicenda *cap. 10. num. 30.* Eò quòd ita videtur esse praxis Ecclesiæ, saltem quoad plures doctos, & timoratos. Quando autem adduntur vterius illæ particulæ *absque vlla declaratione, absque vlla sententia, ante declarationem, vel sententiam, &c.* aut similia, tunc obligatur reus ad tales pœnas etiam in foro interiori, & conscientiæ soluendas, iuxta dicenda etiam eodem *cap. 10. num. 31.* Licet aliqui non improbabiler dicant contrarium, vt ibidem notabimus. Consuetudo tamen, & vsus, seu acceptio Religionum maximè attendenda est, seu declaratio illius, qui Constitutiones, seu Statuta fecit. In nostris autem Constitutionibus *part. 3. cap. 1.* sic dicitur: *Item cum in Constitutionibus Nostris frequenter ponatur pœna depositionis ab officio Prælatorum, & aliorum Officiorum ipso facto*, propter multa pericula, quæ possent inde contingere, declaramus, quòd intelligitur ipso facto, postquam in Capitulo, vel Visitatione fuerint conuicti, & confessi coram Superiore: Idem habetur *cap. 8. §. 10.*

34. De obligationes quam habent Religiosi assumpti ex Ordinibus ad Dignitates, ad observandum Constitutiones, & Statuta Religionum dicimus *capite 17. num. 8.* De Prælati, etiam Generalibus *capite 18. num. 10.* De Electis *capite 23. numero 17.* De Nonicijs *capite 24. numero 2.* De Monialibus *capite 25. num. 1.*

De obligationibus Religiosorum, quæ habentur
in Iure, vel Concilijs,

C A P I T U L U M IX.

IN primis *cap. 2. Ne Clerici, vel Monachi in 6.* excommunicantur Religiosi professi habitum suæ Religionis in Scholis, vel alibi temerè dimittentes. De quo latius agimus *cap. 13. à numero 2.* Solum est advertendum huiusmodi excommunicationem nulli esse reservatam.

2. Secundò excommunicantur eodem genere excommunicationis nulli reservata, professi accedentes ad quævis studia, nisi à suo Prælato cum consilio Conventus, vel maioris partis illius, licentia primitus obtenta. Ita habetur dicto *cap. 2. Ne Clerici.* Unde ad hanc excommunicationem incurrendam non requiritur, quòd Religiosus habitum deponat, sed etiam si cum habitu vadat, illam incurrit. Eò quòd textus non petit hanc conditionem dimissionis habitus. Sanchez *lib. 6. in Decalogi cap. 8. num. 72.* Nec requiritur, quòd studia sinebalids prohibita, sed etiam si sint permissa, adhuc incurretur talis excommunicatio. Quia, textus expressè dicit ad quævis studia. Silvester *v. Excommunicat. 9.* Non incurritur tamen hæc excommunicatio si Religiosus vadat etiam sine licentia ad alium Conventum propter studia, quæ sunt intra suæ Religionis Claustrum. Quia intentum huius Legis, solum videtur fuisse prohibere studia extra Claustra Religionis. Caiet. *in Summ. v. Excommunicat. cap. 61.* Bonacina *in tract. de Clausura quaest. 2. punct. 6. §. 5.* Nec etiam incurritur si vadat ad studia extra Claustra Religionis, mansurus tamen in Conventu illius Civitatis, vel Oppidi, ubi sunt talia studia. Eò quòd textus, solum videatur prohibere, ne Religiosus studeat manens extra Claustra sui Monasterij. Suarez *5. tom. in 3. part. disput. 23. sect. 4.* Bonacina *ut supra §. 5.* Licentia autem, quæ ex hoc Capite requiritur, pensanda est secundum consuetudinem Religionum. Si enim fuerit talis consuetudo, quòd solum concedatur à Generali, vel Provinciali, non sufficiet licentia immediati Prælati. Suarez *ut supra num. 37.* In quo casu non videtur necessarius consensus Monasterij, quia textus solum videtur loqui, quando licentia conceditur à Prælato immediato, non autem quando à Generali, vel Provinciali conceditur. Silvester

v. Ex-

v. Excommunic. 9. casu 25. num. 55. *quæst.* 2. Sanchez lib. 6. in Decalog. cap. 8. num. 87.

3 Deinde Religiosi de Claustris exeûtes ad audiendam medicinam, vel Leges, nisi intra duorum mensium spatium redierint, sunt excommunicati, & reuerſi ad Conuentum, in Choro, Mensa, Capitulo, &c. debent esse vltimi. Ita habetur in *cap. fin. ne Clerici, vel Monachi*. Bonacina in *tract. de Clausura quæst.* 2. *punct.* 7. Nulli verò est referuata hæc excommunicatio. Nec comprehendit Religiosos intra Claustra audientes istas scientias, vel foris; manentes tamen intra Claustra. Nec comprehendit docentes illas, nec habentes priuatim in cellis Lectores Legum, nec eos, qui student Legibus, in quantum conducunt ad intelligentiam Canonum. Toletus in *Summ. lib.* 1. *cap.* 37. Extenditur hæc excommunicatio ad Doctores, siue Magistros, qui Religiosos, habitu suo dimisso, Leges, vel Physicam audientes, scienter docere, aut in Scholis suis præsumpserint retinere. *cap.* 2. *ne Clerici, vel Monachi in.* 6. Caietan. in *Summ. verb. excommunic.* c. 61. Sanchez lib. 6. in Decalog. *cap.* 8. num. 89. Bonacina *punct.* 8.

4 Præterea, Religiosis omnibus maximè interdictum est à correctione suorum Superiorum appellare ad Iudices extraneos. Primò quidem Iure Communi *cap. ad nostram de appellationibus, & cap. reprehensibilis, eodem tit. in fine ibid. Ne Religiosi cum pro aliquo excessu fuerint corrigendi, contra Regularem Prælati sui, & Capituli disciplinam, appellare præsumant.* Secundò propter multa priuilegia Religionibus concessa, specialiter Bonifac. VIII. pro Franciscanis, Sixti IV. pro Carmelitis, & Augustinianis, & Julij II. pro Fratribus, & Sororibus Ordinis Prædicatorum, vt refert Casarubius in *Compend. Priuileg. Mendicant. verb. appellare.* Vbi etiam habetur Greg. XIII. in quodam motu proprio Anno 1575. Interdixisse Franciscanis de Obseruantia, sub pœna excommunicationis Summo Pontifici referuata, & alijs pœnis, appellationem ad Tribunalia Secularia; concessisse tamen eis appellationem ad Generalem, vel Protectorem, vel Pontificem. Sac. quoque Congregationem Cardinalium edidisse Decretum, Ann. 1587. vt appellatio hoc ordine interponatur: à Guardiano ad Prouincialem, à Prouinciali ad Generalem, à Generali ad Protectorem, & ab hoc ad Cardinalium Congregationem, referturque hanc appellationem esse permissam à Sixto V. Extat etiam Bulla Clem. VIII. quæ est 10. in 3. tom. Bullarj edita Ann. 1604. Vbi appellatio prohibetur Carmelitibus sub excommunicationis Lata Sententia pœna, à qua, non nisi à nobis, seu Romano Pontifici pro tempore existente, præterquam in mortis articulo absolui possint,

possint, nec non priuationis perpetuam Officiorum per eos obtentorum, ac inhabilitatis ad illa, & alia quaecumque dicti Ordinis Officia exercenda, ac vocis, tam actiue, quam passiuæ, eo ipso absque alia declaratione incurran. pœnis. Subiungit etiam Pontifex: Districte inibemus, ne ad ipsa Tribunalia Secularia, quouis pretextu, aut quasito colore appellare, vel ad illa confugere, aut ea propterea quouo modo adire audeant, vel presumant. Sed si se à Prælati grauari pretendunt, ad Priorem Generalem ipsius Ordinis, seu illius Protectorem, aut Viceprotectorem in Romana Curia, vel ad nos, siue Romanum Pontificem pro tempore existentem, Supremum in Ecclesia Dei Iudicem, sicut antiquitus semper facere consueuerant, recursum habeant, unde illis breui manu iussu ministrabitur. Volentes, & ita Declarantes, quod nedum dicti Ordinis Regulares persona contra facientes, verum etiam consultores, easdem pœnas eo ipso omnino incurrant. Decernentes irritum, & inane quidquid secus super his à quouam, quauis auctoritate, scienter, vel ignoranter contigerit attentari. Vide Bullam tertio tom. Bullarj pag. 159. Similem prohibitionem habent Augustiniani ab eodem Clement. VIII. in Bulla Quoniam nostr. Ann. 1694. edita, & Seruitæ in alia Bulla eiusdem tituli Ann. 1593.

5. Circa quæ aliqua animaduertenda sunt. Primum est, hæc Iura, & Decreta Pontificum congruentissima ratione pro Religiosis edita fuisse, vt ab eis abominabilis ille appellandi à suis Prælati vsus omnino exularet. Est enim appellatio à correctione Regulari, seu sententia Superiorum ad tribunalia secularia, inuentum Diabolicum, honorem Religionis inhonestans, & pacem, & tranquillitatem Religiosorum perturbans, signumque maxima relaxationis, cum regulariter loquendo, solum apud aliquos ambitiosos, superbos, & deformatos locum habeat. Sotus de Iustit. & Iure lib. 5. quæst. 6. artic. 3. Aragon. 2. 2. quæst. 69. art. 3.

6. Secundum est, Religiosis non solum esse prohibitam appellationem ad Iudices non competentes, vt ad laicos, aut Seculares Magistratus, vel Iudices, hoc enim desè patet iniquissimum esse, & omni pœna, & supplicio dignum, sed etiam aliquando ad Iudicem competentem, scilicet Sedem Apostolicam, Dominos Nuncios, Legatos, &c. Ratio est, quia licet Sedes Apostolica, aut Apostolica Tribunalia, sint Supremi Iudices Ecclesiæ, tamen ipsi Summi Pontifices Ecclesiæ capita, attendentes maximum detrimentum Religiosæ disciplinæ ex prædicta appellatione oriri, Iuri suo cedentes, prohibent Religiosis præ-

prædictam appellationem, propter bonum Religionum. Cuius signum est, quod Cisterriensibus interdicta est appellatio, etiam ad Sedem Apostolicam sub pœna excommunicationis. Idemque, privilegium dicitur concessum Canonicis Regularibus, & Minoribus à Julio II. Suarez *4. tom. de Religion. tract. 8. lib. 2. capit. 11. num. 2. 13. & 16.* Sanchez *lib. 6. in Decalog. capit. 8. num. 108. & 109.* Nota autem quod S. Congregatio Regularium Iure Computari debet inter Tribunalia Religionis. Thomas de Iesu *de vifit. Regul. tract. 3. cap. 17. num. 7.*

7 Tertium est, quòd in raro, & graui casu, in quo euidentè constaret Religioso fieri notabilem iniuriam, in fama, honore, & reputatione à suis Superioribus, licita illi esset appellatio ad Summum Pontificem, vel S. Congregationem. Ratio est, quia hoc videtur permiffum à Summis Pontificibus, vt conforme Iuri Naturali, non solum in aliquibus Decretis ex adductis, sed à Iure in *cap. de Priore de appellation. cap. licet de Offic. Ordinar. & capit. sup. quæst. versic. nos autem de Officio Legat. Nauarrus Comm. 3. de Regular. num. 51. & lib. 2. Consil. in 1. edit. tit. de Sentent. & re Iudicata, consil. unico num. 6. & tit. de appellat. consil. 4. num. 1. Azor. lib. 12. Inffit. Mor. cap. 11. quæst. 8.* In tali autem casu appellatio executionem sententiæ regulariter suspendit, vt colligitur ex *cap. venientes de Iure Iurand. & cap. Pastoralis §. preterea de Offic. Iudic. deleg. Nauarrus lib. 2. Consil. de appellat. consil. 6. n. 1.* Neceffe est etiã in appellatione causã grauaminis exprimere. Quia solummodò admittitur appellatio cum modus exciditur. Sanchez *tom. 2. de præcep. Decalog. lib. 6. capit. 8. num. 105.* Thomas de Iesu *de Vifit. Regul. tract. 3. cap. 17. nu. 8.* Vnde si talis causa non assignatur, vel causa assignata friuola, vel iniusta visa, fuerit ipsi Iudici, & alijs ad hoc consiliarijs adhibendis, nihil de illa curare debet Iudex, quia talis appellatio non suspendit executionem sententiæ. Alderete *lib. 2. de Discipl. Relig. cap. 28. n. 28.* In alijs autem casibus non est toleranda appellatio Religiosorum, etiam si illis aliqua iniuria fiat: cum recta, & bona æstimatio Religionis anteponi debeat, etiam secundum Ius naturale, bono priuato alicuius, sicut eodem Iure Naturali dicente, manus recipit idum, aut vulnus, ad seruandam incolumitatem corporis, vel capitis. Rodriguez *tom. 1. quæst. Regul. quæst. 29. art. 3.* Laurentius Peirinis *tom. 1. quæst. 1. de Obed. cap. 20.*

8 Idem etiam suo modo dicendum est, & propter eandem rationem, de facultate recusandi Prælatos Regulares, illam scilicet, esse omninò illicitam, & abominabilem Religiosis, nisi in casu rarissimo, quo licita esset appellatio, Videlicet quando euidenter

constaret, Prælatus Regularem omninò iniquè se gerere contra bonam famam, & opinionem alicuius Religiosi in materia graui. Sanchez *lib. 6. in Decalog. cap. 8. num. ultim.* Qualiter autem se gerere debeant tam recusans, quàm recusatus. Vide Laurentium de Peirinis *tom. 1. quæst. 1. de Obedient. cap. 19. §. 1.*

9 Nullus etiam Religiosus potest esse executor testamenti, seu testamentarius, siue ad causas prophanas, siue ad pias, absque obtentâ sui Superioris licentia. Quia ita habetur *in cap. 2. de testamentis in 6. illis verbis: Religiosus executor ab aliquo in sua ultima voluntate deputatus, non potest, cum velle, vel nolle non habeat, butusmodi officium suscipere, vel exequi, nisi à Superiore suo petita super hoc licentia, & obtentâ.* Sufficiet autem tacita licentia, cum textus non dicat expressam esse necessariam. Siluest. *verb. testament. 2. quæst. 2. dist. 3.* Sanchez *lib. 6. in Decalog. cap. 11. nu. 11.* Eamque potest quilibet Superior, etiam immediatus, concedere. Cum circa hoc nihil dicatur in prædicto capite. Molina *tom. 1. de Iustit. disput. 247.* Nisi fortè in Religionibus hoc esset determinatum, vt solùm id ad Prælatos Superiores spectaret. Sanchez *lib. 6. in Decalog. cap. 11. num. 16.* Fratres autem Minores de Obseruantia nequeunt esse executores testamentorum, adhuc obtentâ suorum Superiorum licentia. Quia ita habetur *in Clem. exiuit §. proinde cum vir Sanctus, versic. verum etiam de verbor. significat.* Rodriguez *3. tom. quæst. Regul. quæst. 70. artie. 2.* Religiosi verò executores testamentorum tenentur reddere rationem, Episcopo. Ex Concil. Trident. *sess. 22. cap. 8.* Alfonso Villagut *in Spec. V isitator. fol. 32. num. 9.*

10 Religiosi nequeunt sibi eligere sepulturas, nisi à proprijs Monasterijs adeò forsitàn sint remoti, quòd ad ea, cum moriuntur, non possint commodè portari. Ratio est, quia ita deciditur *in cap. fin. de Sepult. in 6.* Siluest. *verb. Sepulch. quæst. 6.* Nauarrus *Comm. 2. num. 43. de Regular.* Augustinus Barbosa *de Officio, & Potest. Parochi cap. 26. num. 30.* vbi etiam alia ad intentum. Prælati autem concedunt id posse facere, forsan, quia in suis Monasterijs habent authoritatem, Tabiena *verb. Sepultura quæst. 4. num. 5.* Rodriguez *tom. 3. quæst. Regul. quæst. 60. art. 1.*

11 Religiosi etiam non possunt comparere in iudicio, siue tanquam Actores ad agendum, siue tanquam Rei ad se defendendum sine licentia sui Superioris. Ratio est, quia in hoc æquantur in Iure Religiosi cum seruis, aut filijsfamilias, & quasi pro mortuis habentur, vt tradunt Doctores communiter *cap. cum dilect. de rescript. & autentica causa, quæ fit cum Monacho C. de Episcopis, & Cleric.* Nauarrus *Comm. 2. de Regular. nu. 64.* & Sanchez *lib. 6.*

in

in Decalog. cap. 12. Vnde neque pro iniuria sibi illata, siue in persona, honore, aut bonis possunt in Iudicio comparere, sed hoc competit Prælato. Siluest. verb. Relig. 3. quæst. 4. Nauarr. Comm. 2. de Regular. num. 29. & 64. Quando tamen Monachus est extra Monasterium, videlicet in Studio, aut alibi, cum licentia sui Superioris, aut quando Superior est ita absens, vt commodè absque periculo in mora non possit habere eius responsum, tunc agere potest in Iudicio, ratione licentiæ præsumptæ in istis casibus. Nauarr. Comm. 2. de Regular. num. 65. Azor. lib. 12. Institut. Moral. cap. 11. quæst. 9. Similiter si agere velit contra Prælatos, vt in Religione teneatur, vel vt ab ea repulsus admittatur, vel ne ei, quæ de Iure Ordinis debentur, denegentur, tunc poterit sine licentia ipsius litem agere, seruatis tamen alijs seruandis. Quia in hoc casu ipsa Religio, vel Ius naturale dat talem licentiam. Sanchez lib. 6. in Decalog. cap. 12. num. 16.

12 Nec potest Religiosus munus Aduocati, vel Procuratoris in causa aliqua tenere, nisi propter vtilitatem Monasterij, & iubente Prælato. Quia ita habetur in cap. Monachi et 2. 16. quæst. 1. illis verbis: Nullus Monachorum forensis negotij susceptor, vel executor existat, nisi quod Monasterij poscit vtilitas. Abbate sibi nibilominus imperante. Siluester verb. Aduocat. quæst. 6. Sairus Clau. Reg. lib. 12. cap. 22. num. 3.

13 Nec etiam potest exercere munus Tabellionis. Ratio est, quia ita habetur in cap. sicut ne Clerici, vel Monachi, & ex cap. vt inquisitionis §. verum quia versicul. ad conscribendas de barettis. in 6. Vbi tanquam quid speciale conceditur fauore Fidei, vt Monachus, qui in seculo erat Tabellio, possit etiam in Religione id munus exercere. Potest tamen Monachus, qui in seculo erat Tabellio complere, etiam post professionem, & signare instrumenta, quæ in seculo solum fecerat. Quia hoc non est tam exercere de nouo Officium Tabellionis, quam supplere defectus factos in alio tempore. Nauarrus Comm. 2. de Regular. num. 42. Rodriguez to. 3. quæst. Regul. quæst. 8. art. ultim. Possunt etiam Religiosi exercere munus Notariorum in quibuscunque causis Sanctæ Fidei, & Inquisitionis. Ita decreuit Pius IV. in Bulla, quæ incipit Pastoralis Officij Ann. 1561. Affertur etiam alia Iulij III. similis concedentis Generali Ordinis Prædicatorum. Flau. Cherub. in Compend. huius Bullæ. Vide dicenda cap. 18. num. 95.

14 Nec etiam potest Religiosus esse Iudex, etiam Arbitrarius, in aliqua causa, nisi concurrente duplici conditione, scilicet licentia Superioris, & vtilitate Monasterij. Ratio est, quia ita deciditur in cap. Monachi et 2. 16. quæst. 1. & cap. de presentium 16.

quæst. 1. & cap. 2. de postuland. Ita communiter Summistæ *verb. arbit.*, & Sanchez *lib. 6. in Decalog. cap. 13. à num. 55.* ubi multa de hoc. Possent tamen Prælati Religionum eligi in Iudices Conservatores aliarum Religionum. Propter Privilegia illis concessa, de quibus Rodriguez *tom. 1. quæst. Reg. quæst. 65. art. 3.* An autem modò post decreta Summorum Pontificum, præfertim Gregorij XV. hoc ita sit tenendum, constat ex dictis *cap. 1. n. 11.* Possunt similiter Religiosi esse Assessores. Eò quòd Assessor non est Iudex, sed Consultor, aut Instructor Iudicis, quod nullibi est illis prohibitum. Sanchez *lib. 6. in Decalog. cap. 13. num. 85.* Possunt etiam Religiosi, saltem ex vi Iuris Communis, esse Vicarij Episcoporum, duabus illis conditionibus subsistentibus, scilicet licentia Superioris, & utilitate Conventus. Cum enim munus Vicarius sit Officium pertinens ad Iudicia, erit prohibitum Religiosis, nisi subsint illæ duæ conditiones. Azor. *to. 2. Instit. Moral. lib. 3. c. 43. quæst. 10.* Rodriguez *tom. 3. quæst. Reg. quæst. 76. articul. ultimo.* Contrarium verò tenet Peirinis *tom. 1. Privileg. Minor. in 4. Confit. Sixti IV. §. 10. nu. 48.* Ab ijs tamen muneribus Arbitri, Assessoris, & Vicarij Episcoporum arcent multi Frânciscanos propter Clementinam *Exiui.* Arcentur etiam illi, quibus propter speciales Constitutiones sui Ordinis est hoc prohibitum. Sanch. *lib. 6. in Decalog. cap. 13. à num. 66.*

15. Religiosi non possunt vlllo modo exercere artem Chirurgiæ cum incisione, vel adustione. Ratio est, quia ita habetur *ex cap. Tua nos de homicidio.* Ita Summistæ *v. Medicus, vel Medicina.* Extenditur, ut neque causa pietatis id liceat. Propter eandem rationem. Armilla *in Summ. v. Irregularitas num. 47.* Nauarr. *in Summ. cap. 25. num. 110.* Vnde oppositum facientes sunt Irregulares, si inde sequatur mors, quantumcumque diligentiam adhibeant, ne sequatur. Quia dant operam rei sibi prohibitæ. Cornexo *tom. 2. in 3. par. tract. 5. de Irregul. disputat. 3. dub. 2.* An autem possint Religiosi artem istam absque vlla incisione, & adustione exercere, res est dubia. Sed probabilius est, non posse. Eò quòd quamvis nullus textus expressè id prohibeat, tamen implicite prohibetur in toto titulo *Ne Clerici, vel Monachi,* ubi sæpius habetur, Religiosos non posse exercere negotia Secularia, & eorum statum dedecentia, munus autem Chirurgiæ indecens pro illis videtur. Nauarr. *in Summ. cap. 25. num. 110.* Sanchez *lib. 6. in Decalog. cap. 14. num. 18.* Qui addit, in Societate Iesu esse privilegium à Gregorio XIII. concessum, ut Religiosi Medicinæ periti, possint mederi quibuscumque infirmis, quando Medici Seculares commodè haberi non possunt, dummodo id fiat ex Superioris

perioris licentia, & citra aduſionem, & conbutionem per ipſos faciendam Addit etiam Cornexo *ut ſupra*, quod ſi Clericus (idem eſt de Religioſo) curet citra incifionem, vel aduſionem, & omni diligentia adhibita infirmus moriatur, non erit Irregularis, quia, etſi curare hoc modo ſit prohibitum, non tamen eſt prohibitum ratione periculi homicidij, ſed ratione indecentiæ.

16 Non eſt in Iure prohibitum Religioſis eſſe teſtes, cum nullus textus id prohibeat, potius eſſe illis permiſſum colligitur ex *cap. nuper de teſtibus*, & *authent. de Monach. §. cogitandum collat. 1.* Et ita videtur dicendum poſſe eſſe teſtes, tam iudiciales, quàm cuiuſcunque inſtrumenti. Silueſter *verb. teſtament. 1. queſt. 3. diſt. 1.* Molina *tom. 1. de Iuſtit. diſput. 127. §. utrum autem.* Quod etiam extenditur ad teſtamentum, in quo aliquid relinquitur Monafterio Religioſi, qui eſt teſtis. Quando enim aliquid non eſt ſpeciale ſingulorum commodum, ſed Vniuerſitatis, vel Collegij, poteſt quilibet ex illa Vniuerſitate, vel Collegio teſtificari. Sanchez *lib. 6. in Decalog. cap. 13. num. 102.* Ad hoc tamen, ut Religioſus ſit teſtis alicuius cauſæ Iudicialis, requiritur licentia Superioris. Quia cum Iudex ſecularis non ſit Superior Religioſi teſtificantis, non poteſt ab illo exigere teſtimonium, niſi Religioſus ſe illi ſubijciat, ad quod eſt neceſſaria licentia proprij Præla- ti. Angelus *verb. teſtis num. 3.* Sanchez *num. 103.* Si tamen teſtificetur ſine tali licentia, teſtimonium valebit. Cum nullibi ſit irritatum, & potius interpretanda ſit res, ut valeat, quàm ut pe- creat. Silueſter. *verb. teſtis q. 1. diſt. 1.* Molina *tom. 1. de Iuſt. diſp. 127.*

17 Interdicitur etiam Religioſis ſuſcipere tutelam alicuius perſonæ. Ratio eſt, quia ita habetur *cap. ſin. d. 86. & authent. de Sanctiſſimis Episcop. §. Deo autem amabilis collat. 9. & l. Regia 14. tit. 16. p. 6.* Ita tradunt Angelus, Silueſter, & Tabiena in *Summ. verb. tutela.* Addentes, etiam ex licentia ſuorum Superiorum non poſſe hoc munus exercere. Eò quod illi in prohibitione Iuris ne- queant diſpenſare. Hoc tamen intellige de tutela teſtamentaria, id eſt, data in teſtamento, & de tutela dativa, quæ ſcili- cet ſolet deſignari à Iudice. De tutela namque legitima, illa ſcili- cet, quæ Lege deſertur conſanguineis ſucceſſuris ab inteſtato, poſſe ſuſcipi à Religioſis de licentia Prælatorum, videri haberi in *predicto cap. ſin. d. 86.* Azor. *tom. 1. Inſtitut. Moral. lib. 12. cap. 11.* Tutelas quodque miſerabilium perſonarum poſſe admitti à Religioſis, concedit Graſſis *1. par. deciſ. lib. 3. cap. 5. num. 112.*

18 Nec poſſunt Religioſi eſſe Fideiuſſores, niſi de licentia Præla- ti, & maioris partis Capituli. Ratio eſt, quia ita habetur expreſ- ſe *cap. penult. de ſiduciaſſ. & l. Regia 2. tit. 12. p. 3.* Exigitur quo- que

que utilitas Monasterij *cap. 1. de postulat.* Siluester, Angelus, & Tabiena in *Summ. verb. fideiussor.* Lessius 2. de *Iustit. capit. 28. dub. 2. num. 20.* Vnde si Religiosus fideiubeat, non solum peccat, sed fideiussio est irrita, & nulla. Cum non habeat aliquid proprium, quod alteri possit obligare, quod est necessarium ad fideiussionem. Molina 1. tom. de *Iustit. disput. 346.* Azor. tom. 1. *Institut. Moral. lib. 12. cap. 11. quest. 2.*

19 Nec etiam possunt Religiosi Professi testari, & testamentum ab ipsis factum est omnino irritum, & nullum, *ex authent. ingressi C. de Sacrosanct. Eccles. & cap. quia ingredientib. 19. quest. 3. & c. 2. de testament.* Et ratio est, quia testari supponit habere proprium, aut dominium, quod repugnat Religioso Professo. Nauarrus *Comm. 2. de Regular. num. 22.* Sanchez *lib. 7. in Decalog. cap. 8. d. num. 1.* Possunt tamen facere aliquam schedulam, qua rogent Prælatum, ut det alicui ea, quæ ipsi habent ad usum. Cum hoc non sit facere testamentum, aut codicillum, nec sit alicubi prohibitorum, aut deroget Voto Paupertatis. Nauarrus in *Summ. lat. cap. 27. & Comm. 2. de Regular. num. 22.* Grassis 1. par. *Decis. lib. 3. cap. 5. num. 58.* Possunt etiam testari ex licentia Pontificis. Quia cum sit Summus Prælatus Religionum potest Religiosis concedere facultatem disponendi de quibuslibet bonis, & potest etiam dispensare in Lege positiva prohibente ne Religiosi testentur. Grassis 1. par. *Decis. lib. 3. cap. 5. num. 57. & 59.* Lessius 2. de *Iustit. cap. 41. dub. 8. num. 73.*

20 Prohibitum est etiam Religiosis, sicut, & Clericis, venari, aut interesse venationibus. *d. 6. s. ultim.* Credo autem hanc prohibitionem venandi non esse sub mortali, cessante scandalo, & alijs pravis circumstantijs extrinsecis, quando solum sit venatio honestæ recreationis gratia. Nauarr. *Comm. 4. de Regular. num. 26.* Suarez tom. 4. de *Relig. tract. 8. lib. 1. cap. 11. num. 1.*

21 Lineis uti est etiam prohibitum Religiosis in *capit. cum ad Monasterium de statu Monachor.* Proprius enim Religiosorum habitus, etiam internus, laudis esse debet. Sed hoc tantum est veniale regulariter loquendo, imò nullum peccatum, si communis usus Religionis oppositum habeat, multò magis, si est aliqua infirmitas corporalis. Siluester *verb. Relig. 7.* Grassis 1. par. *Decis. lib. 3. cap. 5. num. 69. & 70.* Fratres autem Minores lineis camiceis videntes, peccare mortaliter, tenet Petrus Marchant in *exposit. Reg. D. Franc. cap. 2. quest. 5.* Eò quod in prædicta Regula hoc illis prohibeatur.

22 Licet aliqui teneant Religiosos, præsertim Benedictinos, teneri semel in mense sua peccata confiteri, propter *Clement. ne*

in

in agro, (Caietanus tom. 1. Opuscul. tract. 5. quæst. 1.) Nihilominus probabilius est, vel non esse talem obligationem ad culpam, vel solum esse venialem. Quia Clementina illa nihil aliud postulare videtur. Henriquez lib. 1. de Sacram. Pœnit. cap. 4. nu. 10. Sotus in 4. dist. 18. quæst. 1. art. 3.

23 Religiosi non habentes aliquam administrationem, vel beneficium, qui Decimas Ecclesiæ debitas usurpare præsumunt, nisi post requisitionem desistant à præmissis infra mensem, & damnificatis Ecclesijs emendam infra duos menses faciant, sunt excommunicati. *Clement. Relig. de Decimis, & Primit. Tolet. in Sum. lib. 1. cap. 40. à num. 5. Miranda in Manuali Prælat. tom. 3. quæst. 35. art. 18.*

24 Balnea ingredi prohibitum est etiam Religiosis. *cap. Omnis qui. 24. quæst. 1.* Ex necessitate tamen id licet. Grassi 1. par. Decis. lib. 3. cap. 5. num. 115.

25 Religiosi, qui aliquos ad vouendum, seu alias promittendum, inducunt, ut sepulturas apud eorum Ecclesias eligant, vel iam electas non mutant, incurrunt sententiam excommunicationis ipso facto Sedi Apostolicæ reservatam. *Clement. cupientes de pœnis. Miranda 2. tom. quæst. 35. art. 18.* Simpliciter tamen inducentes ad hoc, non comprehenduntur, nec etiam qui prædicto modo inducunt alios ad sepulturam in alia Ecclesia. *Tolet. in Sum. lib. 1. cap. 37.*

26 Religiosi, qui aliqua in sermonibus suis, vel alibi, proferre præsumunt, ut audientes à Decimarum Ecclesijs debitarum solutione retrahant, incidunt in Excommunicationem ipso facto. Si verò scienter postposuerint conscientiam facere, de soluendis Decimis Ecclesijs debitis, ab officio prædicationis randiū manent ipso facti suspensi, donec conscientibus ipsis conscientiam fecerint. Et si prædicta diligentia non facta, prædicare præsumpserint, incidunt in excommunicationem ipso facto. *Clement. cupientes de pœnis. Nauarr. in Man. cap. 27. nu. 145. & 146. Miranda in Man. tom. 2. quæst. 35. art. 18.*

27 Monachi intra Septa Monasterij sine licentia Abbatum suorum arma tenentes, excommunicationis sententiam ipso facto incurrunt. *Clement. ne in agro §. Præsidi de stat. Monac. Miranda in man. tom. 2. quæst. 35. art. 18.* Vnde, ista excommunicatione non afficiuntur habentes arma extra septum Monasterij, nec Monachi venientes ad Monasterium cum armis, non animo ea tenendi. *Tolet. in sum. in lib. 1. cap. 36. à nu. 6.* Contra Regulares etiam tenentes arma prohibita in statu Mediolanensi, extat decretum S. Congreg. Regular. quo id illis prohibetur sub pœna excommuni-

municationis, & alijs, ipſo facto incurrendis. Naldus *in prin. ſua Summ.* Peirinis *tom. 2. Priu. Minim. in Conſſ. 4. Clem. 8. num. 9.* Vide Auguſt. Barboſ. *de Offic. Paroſci cap. 6. à nu. 51*

28 Non eſt de iure communi aliqua obligatio impoſita Religioſis benedicendi menſam ante, vel poſt prandium, aut cœnam. Ratio eſt, quia *in capite non licet diſt. 44.* quod adduci ſolet, non eſt aliquod verbum includens præceptum. Suar. *2. 10. de Relig. lib. 3. de Orat. voc. cap. 7.* Peccare tamen ſaltem venialiter, qui hoc non faciunt, tenet Nauarrus *in Man. cap. 25. nu. 110.*

29 Sunt excommunicati à iure, excommunicatione tamen non reſeruata, Religioſi, qui Interdicti tempore in Cœmenterio ſepeliunt cadauera defunctorum extra caſus à iure conſeſſos, aut publicos excommunicatos, aut nominatim interdictos, aut maniſeſtos uſurarios. *Clem. 1. de Sepultur. Toletus in ſumm. lib. 1. cap. 40.* Tenentur etiam Religioſi quæcunque Interdicta generalia, tam authoritate Sedis Apoſtolicæ, quam Ordinariorum poſita obſeruare, ſub pœna excommunicationis. *Clem. 1. de ſent. excomm. Tolet. in Summ. lib. 1. cap. 40.* Imò etiam in Concilio Trid. *ſeſſ. 25. cap. 12.* ſic habetur. *Cenſura, & Interdicta, ne dum à Sede Apoſtolica emanata, ſed etiam ab Ordinarijs promulgata, mandante Episcopis à Regularibus in eorum Eccleſijs publicentur, atque ſeruentur.* Propter quod decretum dicunt aliqui derogata eſſe omnia priuilegia, quæ antiquitus Religioſi habebant circa ſuſpentionem Interdictorum. Nauarrus *in man. cap. 27. num. 189.* Alij verò volunt, tantùm ea priuilegia reuocari à Concilio, quibus omnino liberabantur Religioſi ab obſeruantia Interdictorum, non autem, quibus in Feſtis Sanctorum Religionis concedebatur ſuſpenſio à prædictis Interdictis. Rodriguez *2. 10. quaſt. Regul. quaſt. 112. art. 2.* Mirand. *in Man. tom. 2. quaſt. 37. art. 12.* Quæ autem ſint huiusmodi priuilegia, vide in Caſarubio *in Compend. priuileg. Mendic. verb. Interdictum.* Tenentur autem Regulares obſeruare dicta Interdicta, ſiue valeant, ſiue non, quando ea obſeruat Cathedralis, Matrix, aut Parrochialis Eccleſia. Ex Nauarro *in cap. cum contingat, & Rodriguez tom. 2. quaſt. 108. art. 4.* Vide dicenda *cap. 21. nu. 19.*

30 Sunt etiam etiam excommunicati Religioſi, qui Beguinas fouent in earum ſtatu, ſeu, vt aſſumant earum habitum, dant conſilium, auxilium, fauorem, directè, vel indirectè. *De Religioſ. Domib. Tolet. in ſumm. lib. 1. cap. 40.*

31 Non licet Religioſis baptizare, niſi in caſu neceſſitatis, & de licentia Paroſci. *cap. placuit el. 2. 16. quaſt. 1.* Hoc enim eſt proprium officium Ordinarij. Nec etiam poſſunt eſſe Patrini, aut leua-

lenare aliquem de fonte. *cap. non liceat de consecrat. dist. 4.* Nauar-
 rus de stat. *Monach. lib. 3. conf. 5.* Grassi 1. par. *decis. lib. 3. cap. 5.*
 nu. 136. Præterea Religiosi, qui Clericis, aut laicis, Sacramen-
 tum Extremæ Vnctionis, vel Eucharistiæ ministrant, vel Matri-
 monia solemnizant, non habita prius Parochialis Presbiteri li-
 centia speciali, cōtrahunt excommunicationem Papalem. *Clem.*
Relig. in princip. de priuileg. Silvester verb. excommunicatio. Tole-
tus in summ. lib. 1. cap. 37. Specialiter etiam Concil. Trid. *sess. 24.*
de Matrimon. cap. 1. Parochus etiam Regularis, qui alterius Paro-
 chix sponso, sine illorum Parochi licentia Matrimonio coniunge-
 re, aut benedicere ausus fuerit, ipso iure tandiu suspensus maneat,
 quandiu ab Ordinario eius Parochi, qui Matrimonio interesse de-
 bebatur, seu à quo benedictio suscipienda erat, absoluitur. Rodriguez
 2. tom. *quest. 63. art. 11.* Barbosa de *Offic. Parochi cap. 22. à num. 32.*
 Aliqui tamen Religiosi in Indiarum partibus existentes, possunt
 exercere officium Parochi, Matrimonia celebrando, & Sacramen-
 ta Ecclesiastica ministrando. Ex Pio V. in Bulla edita ann. 1567.
 quæ incipit: *Exponi nobis nuper. 2. tom. Bullar. nu. 34.* Vide di-
 cenda *cap. 21. nu. 8. 9. & 10.*

32 Religiosi euntes ultra mare sine licentia Superiorum sunt
 excommunicati excommunicatione Papæ reservata. *Extravag.*
ad Iosifum de Regul. Vincentius Filicinus tom. 1. quest. Moral.
tract. 15. cap. 8. Est autem ibi sermo de Religiosis transferentibus
 se ad partes transmarinas, in quibus pauci fideles reperiuntur,
 unde non comprehendit hæc excommunicatio transferentes se
 ad partes transmarinas, in quibus multitudo fidelium existit. Bo-
 nacina de *Clausura quest. 2. punct. 4. §. 4.* Vide dicenda *cap. 18.*
num. 99.

33 Monachi etiam, aut Canonici Regulares, administrationem
 aliquam non habentes, non possunt ad Curias Principum acce-
 dere, absque speciali Prælatorum suorum licentia. Imò, si ve-
 damnum aliquod Prælatis suæ Religionis, aut Monasterio infe-
 rant, se conferunt, excommunicationis sententiam ipso facto
 incurrunt. *Clement. ne in agro de stat. Monach. Tolerus in summ.*
lib. 1. cap. 40. à nu. 7. Miranda 2. tom. *quest. 35. art. 18.* Qui autem
 accedunt ad prædictas Curias bono animo, & ibi existentes ma-
 lum concipiunt nocendi suis Prælatis, secundum aliquos incur-
 runt prædictam excommunicationem. Suarez de *Censuris dis-*
put. 22. sect. 5. nu. 6. Probabile etiam est contrarium. Bonacina
 in *tract. de Clausura quest. 2. punct. 5. §. 4.* Qui bene etiam, hanc
 excommunicationem non incurri, si Religiosus accedat animo
 nocendi privato Religioso, aut etiam Religioso alterius Ordinis
 quan-

quantumvis Prælato, nec etiam incurri nisi solum à Monachis, & Canonicis Regularibus, non verò à cæteris Religiosis, cum textus solum de illis, non de istis loquatur.

34 Prohibitum est Religiosis Mendicantibus sub pœna excommunicationis, acquirere noua loca ad habitandum, vel antiqua alienare, seu mutare, absque speciali Summi Pontificis licentia, à Bonifac. VIII. in cap. cum ex eo, de excessib. pralat. & Clem. 5. in cap. cupientes de pœnis. Propter priuilegium tamen Iulij II. concessum Fratribus Minoribus, & Minimis, licitum est ædificare, Monasteria sine Summi Pontificis licentia. Miranda in *Mat. to. 1. quæst. 33. art. 1.* Extant quoque varia priuilegia circa hoc, de quibus prædictus Miranda *tom. 1. Man. quæst. 33. art. 2. & 4.* Paulus etiam V. in Bulla, *Ad Ecclesie militantis* ann. 1605. edita concessit nostris Patribus Carmelitanis Discalceatis, vt possent vbique de sola Ordinarij licentia construere Monasteria, & Patribus Capuccinis in Bulla, *Ad uberes* ann. 1606. edita, concessit, vt in Regnis Hispaniarum possent recipere noua Monasteria seruata forma Sacrorum Canonum, & Concilij Tridentini. Insuper in alia Bulla ann. 1608. edita, quæ incipit *Ministerio* concessit Monachis B. Mariæ Fulienfis Ordinis Cisterciensis, vt possent vbique de sola Ordinariorum licentia, noua Monasteria construere. Hæc tamen omnia, & alia Priuilegia reuocata sunt à SS. D. N. Urbano VIII. in litteris in forma Breuis ann. 1624. 4. *tom. Bullar. inter Constitut. huius Pontificis nu. 25.* Vbi omnes licentiæ, & facultates concessæ Regularibus erigendi Monasteria, & loca Regularia abrogantur, & annullantur, simulque præcipitur, in huiusmodi locis Regularibus erigendis, seruari debere Decreta Sacrorum Canonũ, & Concilij Tridentini, & Constitutionis Clem. VIII. eiusdemque Clem. VIII. & Gregorij XV. Decreta, in virtute sanctæ obedientiæ, ac sub priuationis vocis actiue, & passiue, nec non officiorum quorumcunque, ac inhabilitatis ad illa, & alia in futurum obtinere. nec non etiam excommunicationis ipso facto incurrendis pœnis. vide Laurentium de Peirinis *tom. 1. de Priuil. Minim. in Constitut. Pyrrbi §. 9. & tom. 2. in Constitut. 6. Gregorij XV.*

35 Quare in erigendis, seu constituendis Monasterijs, aut locis Regularibus in posterum seruandum in primis est Decretum Conc. Trid. *sess. 25. de Regul. cap. 3.* scilicet quòd noua loca non recipiantur sine Episcopi, in cuius Diœcesi erigenda sunt, licentia prius obtenta. Deinde, id, quod præcipit Clem. VIII. in Constitutione, Quæ incipit, *Quoniam ad institutam* ann. 1603. 3. *tom. Ordinarij inter Bullas huius Pontificis nu. 99.* videlicet: *Locorum Ordinarios*

arios non posse licentiam ad novos Conuentus cuiusque Mendicantium Ordinis in Ciuitatibus, & locis eorum ordinaria Iurisdictioni subiectis, erigendos impertiri, nisi vocatis, & auditis aliorum in eisdem Ciuitatibus, & locis existentium Conuentuum Prioribus, seu Procuratoribus, & alijs interesse habentibus, & causa seruatis seruandis cognita consiterit, in eisdem Ciuitatibus, & locis novos huiusmodi erigendos Conuentus, sine aliorum detrimento commodè sustentari posse. Similiter debet obseruari Decretum S. Congregationis sub Gregorio XV. quo cauetur, ne aliqua Monasteria de nouo erigantur, nisi in eis saltem duodecim Fratres, aut Monachi, seu Religiosi inhabitare, ac ex redditibus, & consuetis elemosynis sustentari valeant, ac Priores, seu Procuratores aliorum Monasteriorum, Conuentuum, seu Domorum aliarum Religionum, vel Congregationum, aut Societatum, seu Institutorum huiusmodi non solum in prædictis, sed etiam in alijs per quatuor milia passuum circumuicinis locis, ad id vocati, & auditi fuerint, ac tali erectioni consenserint, vel alijs Ordinarijs locorū consiterit Religiosos Monasterijs, Conuentus, seu Domus Regularis sic erigendi, seu erigenda absq̃ detrimento Religiosorū in Monasterijs, seu domibus antea in Ciuitatibus seu locis huiusmodi erectis degentium, ibi in numero duodecim comòde, & congruè manutineri, & ali posse. Si verò noui Conuentus, Domus Congregatio, vel societas huiusmodi instituenda erunt, nulliq̃ alij Regulares inibi reperiantur, Ordinarij locorum nibilominus diligenter inquirant, an locorum incolæ, & habitatores, quorum, & consensum requirant, ac adhibeant, huiusmodi duodecim Religiosos in Conuentibus, ut præmittitur, instituendis, commodè alere, & manuteneri valeant. Laurent. de Peirinis tom. 2. de priuil. Minim. circa Constit. 6. Greg. XV. Addens ex Rodrig. to. 2. quæst. Regul. q. 49. artic. 9. quòd non dicitur acquiri nouus Conuentus quando fit mutatio in eadem Ciuitate, vel oppido, de vno ad alium locum. Quia tunc nullum præiudicium fit alijs Religiosis (nisi forte per accidens ratione maioris propinquitatis ad illorum Monasteria.)

36 Deserere etiam Monasteria semel accepta, sine licentia Summi Pontificis fieri non potest ex cap. vnico de Religiosis domibus, & in cap. cum ex eo de excessibus Pralat. lib. 6. & est lata excommunicatio contra oppositum facientes. Siluest. verb. Casus q. 1. cas. 8. Ecclesia etiam, siue Monasterium semel Deo dicatum, non potest fieri habitaculum seculare, seu conuerti in vsus prophanos, nisi forsan in casu alicuius magnæ necessitatis, & de consensu Episcopi Diœcesani. Ita ferè in cap. quæ semel 19. quæst. 3. & est regula Iuris cap. quod semel dicatum de regulis Iuris lib. 6. Miranda in Man. tom. 1. quæst. 34. art. 1. vbi etiam aliqua pro hoc

pun-

puncto refert priuilegia. Quæ autem bona Monasterijs quod deferitur, & qualiter transferri possint ad aliud Monasterium, tractant Rodriguez *tom. 2. quæst. Regul. quæst. 49. ab art. 4.* Laurentius de Peirinis *tom. priuileg. Minim. in Constit. 2. Iulij II. §. 27. à num. 77.* ubi etiam varia Religionum priuilegia afferuntur.

37 Similiter tam dantes, quàm accipientes ex pacto pecunias, iocalia, epulas, &c. pro ingressu Monasterij, nisi id sponte deur, sunt excommunicati *in extrauag. sanè de Simonia.* Toletus *in Summa lib. 1. cap. 37.* Qualiter etiam non possit aliquid accipi à Parentibus, propinquis, vel Curatoribus Nouitiorum tempore Nouitatus, præcipit Conc. Trid. *sess. 25. cap. 16.* Vide dicenda *§. 24. à num. 32.*

38 Debent Religiosi vinum cum aqua temperatum bibere, ita ut si vinum purum bibant (intellige cum periculo ebrietatis) peccent mortaliter. *ex Concil. Generali Lateranensi sub Innoc. VIII. & cap. à crapula de vit. & honest. cleric.* Ubi etiam prohibentur Religiosi in conuiujs alios ad bibendum incitare. Armilla *verb. ebrietas num. 7.* Laurentius Peirinis *tom. 2. priuileg. Minim. in Constit. 6. Pau. V. num. 5.* Pluries etiam quàm ter bibere prohibentur *cap. quando.* Nauarrus *in Man. cap. 25. num. 110.* Licet dicat hoc non esse peccatum mortale. Imò nec erit veniale, si vera necessitas oppositum petat. Prohibentur etiam ingredi tabernam *cap. nullus,* & conuiuari, nisi certis sub conditionibus *cap. conuiuia.* Vnde horum transgressio erit ad minus veniale peccatum. Nauarrus *ut supra.* Ebriosi autem puniuntur subtractione à communione per triginta dierum spatium, vel supplicio corporali, *ex cap. fin. dist. 35. & ex cap. à crapula ut supra* pœna suspensionis ab officio, & beneficio, si à Superiore commoniti non abstinerint. Alderete *lib. 2. de Relig. discipl. cap. 15. à num. 39.* Vide Augustinum Barbosa *de Offic. & Potestat. Parochi capit. 6. à num. 11.*

39 Religiosis, sicut & Clericis, prohibita est mercatura, seu negotiatio merè lucratiua, videlicet, qua aliquid emitur, ut immutatum carius vendatur, sub pœna excommunicationis, suspensionis, ac depositionis, *ex cap. secund. extra ne Cler. vel Monach. & cap. consequens 88. distinct. cap. penult. 91. dist. & cap. sed nec extra ne Cler. vel Monach.* Ioannes de Medina *de resistit. quæst. 30.* Molina *de contract. tract. 2. disput. 342.* Addens, huiusmodi pœnas non esse latæ sententiæ, sed ferendæ. Monasterijs autem Regularium licitum erit aliquam apothecam habere, pro vtilitate ipsorum, in qua per seculares vendantur, & emanant aliqua, quæ ipsis necessaria sunt, ut, si Monasteria habeant aliquod pharmaco-

po.

polium in quo medicamenta pro ipsis necessaria referuantur, & ne corrumpantur, venduntur, & emuntur per aliquem secularem ibi assistentem. Ratio est, quia finis, propter quem prohibita est lucratiua negotiatio Clericis, seu Religiosis, est, ne retrahantur à rebus spiritualibus, aut ne implicentur peccatis negotiantium, aut ne attendant ad lucrum temporale. Hæc verò omnia cessant in præsentem, cum talis emptio, & venditio non fiat per ipsos, sed per seculares, nec attendatur ad temporale lucrum, sed solum ad hoc, quòd res sibi necessariæ tempore infirmitatis melius conferuentur. Ioannes de Medina *ut supra*, nec dissentit Molina *etiam ut supra nu. 10.* & Nauarrus in *Man. cap. 25. n. 110. §. clericus verò.* Priuatis autem Religiosis nullomodo licet, nec per se, nec per alios, huiusmodi negotiationem, aut mercatorem exercere. Tum quia in prædictis capitibus est hoc illis prohibitum. Tum propter magnam indecentiam, & pericula peccandi, præsertim contra Paupertatem Religiosam, quæ in hoc reperiuntur. Vnde sic facientes etiam peccant contra Paupertatem, & sunt proprietarij, quia vtuntur pecunijs modo sibi prohibito, & sine licentia suorum Superiorum, cum non possint illam ad hoc concedere. Fas tamen est etiam Religiosis, emere necessaria ad proprium, suorumque vsum, quod solet appellari negotiatio æconomica. Cum hoc nullo iure sit prohibitum, imò Iure naturali confessum pro conseruatione. Secus verò dicendum de negotiatione politica, qua emuntur necessaria exercitui, ciuitati, &c. hæc enim Religiosis est prohibita, *cap. Episcopus 88. d. c. 1. & sequentia 21. q. 3. & colligitur ex illo Pau. II. ad Timoth. 2. Nemo militans Deo implicat se negotijs secularibus.* Medina, & Molina *ut sup.* Vide August. Barb. de *Officio Parochi cap. 6. à n. 37. 40.* Quamuis Ludus honestus recreandi animi gratia non sit Religiosis prohibitus. Cum relaxare animos, & dare se festiuæ incunditati moderatè, vt non semper intendatur Regularis disciplina, sed aliquando remittatur, ad virtutem pertineat, quam Eutrapeliam S. Thomas vocat 22. *quest. 16. art. 2. Sotus lib. 4. de Iust. quest. 5. art. 2.* Tamen alearum, seu taxillorum ludus prohibitus est Religiosis in Concil. Illiberitano *cap. 19.* Constantinopolit. 6. *cap. 50. & cap. clerici 15. de vit. & honest. cleric.* Vbi etiam prohibentur huiusmodi Ludis interesse. Et in Concilio Tridentino *sess. 22. de reformat. cap. 1.* Nauarrus in *Man. cap. 19. vel 20. Grassis 2. parte lib. 3. cap. 8.* Quod maximè procedit de Ludo chartatarum. Nauarrus *ut supra.* Alderete de *discipl. Relig. lib. 2. cap. 16. nu. 21.* Quod etiam extendit ad Ludi spectatores, Rodriguez 2. *quest. 37. art. 7.* Vide dicta *cap. 6. nu. 50. & 51.*

41 Debent Monasteria Regularium habere carcerem, tum ad reorum custodiam, ne ex Religione fugiant, tum in pœnam delictorum, siue ad tempus, siue etiam perpetuò, iuxta ipsorum qualitatem. Ita habetur ex Iuris dispositione *cap. Abbates 18. quæst. 2. gloss. & DD. in cap. si clericos de sint. excom. lib. 6.* Alderete *lib. 1. de Relig. discipl. cap. 10. num. 1. & 2.* Vide etiam dicenda *cap. 24. num. 3.*

42 Clericus, seu Religiosus falsus testis, perpetuò deponitur, & in arctum Monasterium recluditur, *cap. si Episcopus 50. d. Rodriguez tom. 2. quæst. 31. art. 1.* Periurium etiam est crimen depositione dignum. *cap. Presbiter 81. d. cap. cum non ab homine de iudic. Alderete lib. 2. de Relig. discipl. cap. 24. nu. 3.*

43 Clericus fur (idem dico de Religioso fure) perpetuò deponitur. *cap. cum non ab homine de iudic. cap. Presbiter 81. d. & postquam fuerit depositus, in arctum Monasterium erit detrudendus, attentata tamen quantitate, & qualitate furti.* Alderete *lib. 2. de Relig. discipl. cap. 16. nu. 8. & 9.* Volunt aliqui furem à Religione exterminandum, & eiiciendum, quod durum videtur aliquibus. Rodriguez *tom. 2. quæst. 38. art. 1.* Sed quidquid sit de Iure antiquo, Iure tamen nouo S. Congregat. sub SS. D. N. Urbano, nullus eiicitur nisi propter incorrigitatem. De quo *in cap. 23. nu. 3.*

44 Similiter homicida perpetua depositione punitur, & in Monasterium detrusione, *cap. miror 50. cap. Presbiter 81. cap. cum non ab homine de iudic. cap. si eus dignum 1. S. clericos de homicidio.* Similiter, qui venenum propinant, etsi homicidium sequutum non fuerit, nihilominus non minori pœna quam homicidæ puniendi. Vide Alderete *lib. 2. de Relig. discipl. c. 25. per totum.*

45 Ex Concilio Lateranensi, & Leone X. prohibitum est Religiosis die Sabbathi maioris hebdomadæ pulsare in suis Ecclesijs campanas, antequam campana Cathedralis, vel Matricis Ecclesiæ pulsauerit. Vide Bullam *in tom. 1. Bullar. Laertij Cherub. tom. p. 130.* Idem etiam probat Gauantus *in Comm. in Rubr. Mis. sal. p. 4. tit. 10.* in alijs autem diebus non possunt Ordinarij impedire Fratres pulsare campanas ad Matutinum, horas, & Missam, antequam pulsetur campana maioris Ecclesiæ. Ex decreto Sacre Congregat. apud Quarantam *in Summ. Bullar. verb. Confessor. pag. 235.* Augustin. Barbof. *de offic. Paroichi cap. 11. nu. 21.*

46 Deinde, ex Concilio Trident. *sess. 25. cap. 12.* Dies etiam festi, quos in Diocesi sua seruandos Episcopus præceperit, ab exemptis omnibus, etiam Regularibus, obseruentur. Quod qualiter sit intelligendum declarauit S. Congregatio Concilij, dicens: Hoc Decretum ita esse intelligendum, vt Regularium ritus illis diebus festis

festis semper permaneat, quoad Missas celebrandas, & cetera diuina Officia tam publicè, quam priuatè ab ipsis Regularibus in eorum Ecclesijs persoluenda. Nec circa hoc ab Episcopis quoquo modo quidquam in contrarium eisdem Regularibus præcipi posse. Quod si de factò præceperint, Regulares neutiquam, ipsis Episcopis obedire teneri. Verùm, quoad Cõciones, & Lectiõnes, quas iidem Regulares ad populum habuerint, debere se conformare Euangelijs, & Epistolis, quibus Clerus secularis vtitur illis diebus festis. Quaranta in *Summ. Bull. verb. priuileg. Regular.* Flau. Cherub. in *Compend. Bullar. 2. tom. in Bulla 41. Pij V.*

47 Item ex eodem Concil. Trident. sess. 25. cap. 13. *Exempti autem omnes, tam clerici seculares, quam Regulares quicumque, etiam Monachis ad publicas processiones vocati, accedere compellantur, ijs tantum exceptis, qui in strictiori clausura perpetuò viuunt.* An autem possint cogi ab Episcopis per censuras, dicemus cap. 11. nu. 14. Sacra etiam Congr. Concilij declarauit. *Regulares Monasterij ultra medium miliare à ciuitate distantis non posse ab Episcopo compelli accedere ad processiones.* Flauius Cherub. in *compend. Bull. 2. tom. in Bulla 41. Pij V.* Vocari autem debent non per edictum publicum, sed personaliter per Clericos. Peirinis tom. 1. *priuileg. Minim. in Constit. 2. Sixti. IV. §. 11. nu. 57.* Declarauit autem S. Congregatio Concilij processiones publicas, ad quas compelli possunt ab Ordinario Regulares, esse; *Vt putà in festo Corporis Christi, in Litanijs, & Iubileis publicis faciendis in plebibus, in quibus ipsi habent Monasteria, dummodò processiones sint eius generis, quod in Bulla SS. D. N. Pij V. Mendicantibus concessa, quæ incipit, Etsi Mendicantium, publicata 17. Kal. Iunij ann. 1567. comprehendantur: & dummodò Regulares non sint ex illis Conuentibus, Collegia nuncupatis, quæ in eadem Bulla excipiuntur.* Peirinis tom. 2. *Priuileg. Minim. in Const. 7. Pij V. §. 29.* Nota tamen nostros Patres Discalceatos non esse compellendos, vt ad publicas processiones accedant. Ex Clem. VIII. in *Bulla Religiosorum*, ann. 1596. & in *Bulla Romanum Pontificem*, ann. 1603. & ex Paul. V. in *Bulla Decet Romanum*, ann. 1610. Regulares etiam, qui ex priuilegio eis concessò possunt non ire ad processiones prædictas, non possunt ad id cogi, etiam si sapius gratis accessissent, Cum ex hoc nullum ius adquiratur contra illos. Quaranta in *Summ. Bullar. verb. precedentia.*

48 Item ex eodem Concil. Trid. sess. 5. cap. 1. *In Monasterijs quaque Monachorum ubi commodè fieri queat, lectio Sacra Scriptura similiter habeatur; quæ in re si Abbates negligentes fuerint, Episcopi locorum, in hoc ut Sedis Apostolica Delegatos, ad id, opportu-*

nis remedijs compellant. In Conuentibus verò aliorum Regularium in quibus studia commodè vigere possunt, Sacra Scriptura Lectio similiter habeatur; qua lectio à Capitulis Generalibus, vel Prouincialibus assignetur dignioribus magistris. Dicunt autem satisfieri huic Decreto, si habeatur Lectio Theologiæ Scholasticæ, vel Moralibus, Rodriguez tom. 2. quæst. 130. art. 2. Peirinis tom. 1. priuileg. Minim. in Const. 2. Iulij II. §. 5. nu. 16.

49 Vide dicenda infra cap. 11. à num. 7. circa ea, in quibus ex Decretis Conciliorum subiecti sunt Regulares Dominis Episcopis. Item circa pœnas, quæ transgressoribus horum Decretorum imponuntur, vide dicenda cap. sequenti à num. 29.

De obligationibus Regularium ad Constitutiones,
& Decreta Summorum Pontificum, &
S. Congregationum.

C A P. X.

I N primis alienare bona Monasteriorum, seu circa hoc pacta facere, interdictum est Regularibus à Paulo II. in Extrauag. Ambitiosa sub pœna excommunicationis per hæc verba. *Omnium rerum, & bonorum Ecclesiasticorum alienationem, omneque pactum, per quod ipsorum*

Dominium, concessionem, hypothecam, locationem, & conductionem, ultra triennium, nec non infradationem, vel contractum emphyteuticum, præterquam in casibus iure permixtis, ac de rebus & bonis in emphyteusim ab antiquo concedi solitis, & tunc cum Ecclesiarum euidenti utilitate, ac de fructibus, & bonis, quæ seruando seruari non possunt, pro instantis temporis exigentia, hac perpetuo valitura Constitutione fieri prohibemus. Prædecessorum nostrorum constitutionibus, prohibitionibus, & decretis alijs super hoc editis, quæ tenore presentium innovamus, in suo nihilominus robore permanfuris. Postea verò excommunicationis sententiam contra eum, qui alienat, & qui alienatas res receperit, fulminat. Prælatus verò alienantem, si Pontificali, vel Abbatiali præfulgeat dignitate ab ingressu Ecclesiæ interdicat; alios verò Prælatos inferiores suis officijs, & dignitatibus ipso facto, absque vlla declaratione, priuatos esse denunciat. Contractusque huiusmodi, quod nullius valoris sint, declarat. Vide Bullam tom. 1. Bullar. Laertij Cherubini

pag. 329. Miranda in *Man. Pralat. tom. 2. q. 35. art. 18.* Postea verò Paul. IV. in Bulla quæ incipit, *Iniunctum nobis*, alienationem, & locationem quorumcunque bonorum Ecclesiasticorum in damnum Ecclesiarum, vel non seruatis iuris solemnitatibus, aut alijs nulliter factas, rescindit, & annullat. Vide Bullam *tom. 1. Bullar. Laertij pag. 720.*

2 Quia tamen post hæc sunt varia priuilegia Religionibus concessa, de quibus Rodriguez *tom. 1. quæst. Regular. quæst. 27.* quale est illud Gregor. XIII. Fratribus, & Monialibus Carmelitarum, concessum ann. 1576. in Bulla, quæ incipit, *Ex incumbenti*, quòd scilicet possent vendere, & alienare quæcunque bona, etiam stabilia, dummodò hoc sit in commodum, & vtilitatem ipsorum Monasteriorum, & ex consensu duarum ex tribus partibus, Fratrum, vel Monialium Monasterij, accedente etiam consensu, vel ratihabitione Generalis, &c. (vide Bullam in 2. tom. Bullarj Laertij pag. 401.) idè S. Congregatio Concilij in Decreto iussu SS. D. N. PP. Vrbanus edito ann. 1624. die 7. Septemb. abrogatis omnibus indultis, & priuilegijs quomodolibet Religionibus concessis, omnibus Superioribus Regularium; *Omnium rerum, & bonorum immobilium, ac pretiosorum mobilium alienationem, omneque pactum, per quod ipsorum dominium transfertur, censu perpetuo, seu vitalitio, hypotecam, locationem, & conductionem, ultra triennium, concessionem in feudum, vel emphyteusim, præterquam in casibus à iure permissis, fieri perpetuò prohibet, atque interdicat, absque ipsius Congregationis Concilij expressa licentia, in scriptis, & gratis concedenda, sub pœna priuationis omnium Officiorum, quæ tunc obtinebunt, vocisque actiue, & passiuæ, ac perpetuæ inhabilitatis ad illa in posterum obtinenda, quam ipso facto absque alia declaratione incurrant; sublata etiam Generali, & Protectori illam moderandi, aut relaxandi facultate; pœnis nihilominus Apostolicarum; Constit. & præsertim fel. rec. Pauli II. quæ incipit, Ambitiosa in suo robore permansuris. Alienationes verò, & pacta, census, hypotecas, locationes, conductiones, & concessionem quascumque, contra huiusmodi prohibitionem faciendas, Sanctitatis suæ auctoritate, ipso iure nullas, atque irritas decernit. Bonacina de alienat. bonor. Ecclesiast. disp. 2. quæst. unica punct. 1. Ex quibus vltimis verbis habetur, contractus factos alienationis sine prædictis conditionibus, & solemnitatibus, esse irritos absque vlla sententia, & declaratione, cum irritatio non sit pœna, sed natura ipsorum posita lege. Vnde, qui hoc modo accepit bona alienata à Monasterio non potest illa in conscientia retinere, nec etiam fructus illorum, sed, si sit in mora restituendi teneri ad*

damna Monasterij. Molina *tom. 2. de Iust. à disp. 466.* Suarez 4. *tom. de Relig. tract. 8. lib. 2. cap. 27. nu. 20. & 21.* Addens, neque Monasterium posse cedere iuri suo, & bene ut credo, quia hoc est intentum Ecclesiæ propter indemnitate bonorum Ecclesiasticorum.

3 Post quæ, cum compertum esset Regulares, qui eo Decreto prohibebantur census imponere super bonis ad eorum Monasteria pertinentibus, loco censuum huiusmodi, pecunias ad cultum, vel mutuo accipere cum solutione lucri cessantis, damni emergentis: S. D. N. approbante decrevit, ac declaravit S. Congregatio, *Huiusmodi contractum esse contra mentem Decreti, ut supra editi, ideoque non licere Regularibus pecunias, ut proponitur, accipere, ac si acceperint, in ipsius Decreti pœnas ipso facto incidere.* Laurentius de Peirinis *tom. 2. priuileg. Minim. in Constitut. 8. Urbani V III.* Idem etiam SS. D. N. Urbanus in *Constitut. Humana salutis ann. 1625.* prohibet bona Iurisdictionalia in feudum, vel emphyteusim concedere, aut ultra triennium locare. Vide 4. *tom. Bullar. inter Bullas Urbani nu. 51.*

4 Circa quæ aliqua animaduertenda sunt. Primò per bona prætiosa mobilia hic prohibita alienari, intelligi vasa aurea, argentea, vestes prætiosas, gemmas, &c. Quarant. in *Summ. Bull. verb. alienatio.* Idem cenfeo de copiosa bibliotheca librorum, grege onium, vel caprarum, multitudine arborum ferentium, vel non ferentium fructuum. Quia hæc omnia quoad æstimationem, comparantur immobilibus. Suarez 4. *tom. de Relig. tract. 8. lib. 2. cap. 27. nu. 18.* Secundò, quòd venditio, seu alienatio arborum cæsarum ex aliquo prædio, eò quòd essent inutiles, aut nocivæ, non comprehenduntur sub isto Decreto. Cum arbores cæsar sint bona mobilia, & non prætiosa. Nauar. *lib. 3. Consil. de reb. Eccles. non alien. cor. f. 6. & 7.* Rodriguez *tom. 1. quest. Regul. quest. 27. art. 4.* Tertiò, huiusmodi Decretum S. Congregationis obligare, etiamsi alienatio bonorum Monasterij sit aliquando utilis. Cum enim per illud abrogentur omnia priuilegia concessa Religionibus, inter quæ hoc vnum erat, quòd in casu utilitatis Monasterij, possent ipsius bona alienari, ut patet ex priuilegio Gregorij XIII. Carmelitæ concessio, ut vidimus *num. 1.* (vide alia priuilegia quoad hoc concessa Patribus nostris Discalceatis à Paulo V.) censendum est, mentem Sacræ Congregationis esse, sine ipsius licentia non posse fieri alienationes adhuc in hoc casu, sed ad illam pertinere iudicare de tali utilitate. Vnde alienationem esse necessariam, vel utilem Ecclesiæ, aut Monasterio, solum est causa iusta ad impetrandum licentiam à Sede Apostolica, vel S. Con-

S. Congregatione. Quartò sub bonis immobilibus comprehenduntur tam res corporeas fixas & stabiles, quàm actiones & iura, vel redditus longi temporis, seu ius diuturnum ad illud, putà decem annorum. Item iura seu debita rerum immobilium, iam adquisita Monasterio, & ab illo acceptata. Suarez 4. tom. de Religion. tract. 8. lib. 2. cap. 27. nu. 16. & 17. Quintò, quòd casus iure permitti, in quibus licita est alienatio sine vlla Sedis Apostolicæ licentia, posita tamen necessitate, vel euidenti vtilitate Ecclesiæ, sunt. Primus, quando res alienanda est modici valoris, iuxta cap. terrulas 12. quæst. 2. Bonacina tract. de reſtit. disput. 3. quæst. 8. puncto 4. num. 7. Vide, & Gauant. in Manual. Episcop. verb. alienatio. Secundus est, consuetudo legitimè præscripta contra tra Extrauag. Ambitiose, & idem dico de Decreto S. Congregat. allato. Azor lib. 2. cap. 9. quæst. 1. Tertius est, necessitas tam vrgens, vt non possit expectari licentia Papæ, vt si essent cito redimendi captiui à pyratibus detenti, aut pauperes in graui, & repentina necessitate pascendi. Molina disp. 468. Quartus, quando bona sunt relicta Religioni incapaci bonorum in communi. Sanchez in Decal. lib. 7. cap. 26. nu. 30. & cap. 27. nu. 17. Quintus, quando sunt relicta cum tali onere, vt alienari debeant certo tempore, aut casu, aut restitui ex obligatione iustitiæ. Sextus, si bona solita sunt infeudari, aut in Emphyteusim concedi. Rodriguez tom. 1. quæst. 27. art. 13. Molina disp. 468. Septimò idem videtur dicendum in casu vnionis Ecclesiæ loco Regulari. Ex Clement. si vna de reb. Eccles. non alienan. Sextò nota, quòd ea, quæ alienari non possunt, neque etiam possunt pignori, propter eandem rationem. Molina tom. 2. de contract. disp. 466. nu. 1. Septimò, quoad locationem, quòd quando prædia alternis tantum annis fructum ferunt, possunt locari in sexennium, & sic respectiue, nam annus in locatione non taxatur ex simplici decursu temporis, sed ex fructu. Nauarr. tom. 2. Comm. de alien. nu. 21. 22. Azor. par. 2. lib. 9. cap. 2. quæst. 2. Non possunt autem fieri locationes ad sex, vel nouem annos, cum conditione, vt tot sint locationes quot triennia. Quia hoc est in fraudem legis. Filiuccius tract. 44. cap. 3. num. 9. Pro alijs autem dubijs circa hoc punctum lege Rodriguez tom. 1. quæst. Regul. quæst. 27. & Quarantam in Summ. Bullar. verb. alienatio (animaduertendo tamen hos authores non vidisse Decretum Sacræ Congregationis adductum) Peirinis tom. 1. priuil. Min. in Const. 9. Iulij II. §. 1. Bonacina de alien. bonor. Eccles. disput. 2. quæst. vnic. punct. 2. Gauantum vt supra.

5 Bona adquisita à Religiosis ex illicita negotiatione, aut alijs contra sacros Canones post mortem illorum, aut quibus,

illos, etiam eis viuentibus, priuari, & destitui contigerit, spectant, tanquam spolia, ad Cameram Apostolicam. ita decernit Pius IV. in Bulla quæ incipit, *decens esse*. 2. tom. Bullar. pag. 29. Ab hac tamen regula excepit idem Pontifex Fratres Milites Hospitalis S. Ioannis in Bulla, quæ incipit, *Romani interest* ibidem p. 42. Quæ autem dicantur bona ex illicita negotiatione, aut contra sacros Canones adquisita, tractat Nauarrus in *Comment. de spolijs*, & Suarez 4. tom. de Relig. tract. 8. lib. 3. cap. 2. nu. 22. vbi hæc recenset, *Omnis mercatura, negotiatio, militare, exercere officium forense, & similia*. Vnde bona adquisita à Religioso contra suam Regulam, vel Constitutiones, non pertinent ad Cameram, cum non comprehendantur in prædicta Bulla. Suarez *ut supra* num. 25. Nec etiam, quæ adquisiuit frater Laicus, vel Conuersus, quia Pontifex solum loquitur de Clericis. Idem nu. 24. Intelligiturq. Bulla de illis etiam bonis, quæ ex illicita negotiatione, & contra Sacros Canones adquiruntur à Religiosis, etiam non Apostatis, sed viuentibus in Monasterijs, aut sub obedientia suorum Prælatorum, cum Pontifex indistinctè loquatur. Idem num. 30. Vbi etiam videtur dicere requiri ad huiusmodi restitutionem faciendam Cameræ, quod ipsa petat. In hoc tamen attendenda est consuetudo. Cui autem cedant bona acquisita ab Apostatis, dicitur infra cap. 16. num. 21.

6 Pius V. in Bulla, quæ incipit: *Cum primum* ann. 1566. edita 2. tom. Bullar. inter Bullas huius Pontificis nu. 5. præcipit in virtute sanctæ obedientiæ Religiosis, siue Claustralibus, siue Regularibus, vt in Ecclesijs suis depurent aliquem, qui pauperes mendicantes, seu eleemosynas petentes per Ecclesias tempore Missarum, Prædicationum, aliorumq. diuinorum Officiorum, foras eijciant. Peirinis tom. 1. priuil. Minim. in Constit. 4. Iulij 11. §. 1. Barbosa de offic. Parochi cap. 13. nu. 37.

7 Idem Pius V. in Bulla, quæ incipit, *De salute gregis* ann. 1567. edita, & habetur 2. tom. Bullar. Laert. Cherubini Bulla 48. præcipit omnibus Clericis tam Regularibus, quàm secularibus, beneficia Ecclesiastica obtinentibus, vel in sacris Ordinibus constitutis, sub excommunicationis pœna, ne agitationibus taurorum, aliarumq. ferarum bestiarum intersint. Licet autem huius Constitutionis pœnæ, & censuræ in Regnis Hispaniarum, quoad laicos, & Fratres Milites quarumcunque Militiarum, reuocata sint à Gregor. XIII. quoad Religiosos tamen in suo vigore permanent. Eò vel maximè, quod Clem. VIII. ann. 1596. id expressè declarauit, tollendo & remouendo illas, quoad omnes in illa expressos (*Monachis, & Fratribus Mendicantibus, cæterisque cuius-*

iuscumque Ordinis, & in Instituti Regularibus exceptis) Rodriguez 3. tom. *quæst. Regul. quæst. 68. art. 2.* Prosper de August. in *additionibus ad Quarantam in Summ. Bull. vers. torneamenta.* Obligat autem hæc Constitutio, etiam in casu, quo Religiosus posset interesse simili spectaculo sine aliquo scandalo, aut nota. Quando enim lex est de se iusta & honesta, etiam secluso scandalo, obligat ad sui adimpletionem. Rodriguez tom. 3. *quæst. Regul. q. 68. art. 2.* Flau. Cherub. in *comp. Bullarum to. 2.* Compræhendit etiam hæc Constitutio Religiosos in sacris Ordinibus non existentes. Ratio est, quia licet à Pio V. sint exclusi, tamen à Clem. VIII. (ut patet ex verbis adductis) videntur compræhendi. Rodriguez *quæst. 68. art. 2.* Cum autem huiusmodi excommunicatio non sit ipso facto incurrenda, sed comminatoria, non incurritur ipso facto à Religiosis huiusmodi agitationibus assistentibus, peccant tamen mortaliter, cum excommunicatio maior etiam ferenda, necessario illud supponat. Eò præsertim, quod non solum seculares scandalum ex eo capiant, sed & ipsa taurorum agitatio pluribus videatur barbara, & gentilis consuetudo, iure optimo à pia, & Catholica Hispania releganda, quæ scilicet, & fructuosius milliaria hominum, & equorum, qui in istis congressibus occiduntur, in Fidei dilatacionem contra infideles exponeret.

Hinc collige solutionem dubij, an assistere Comædis (idem dico de alijs Spectaculis Scenicis, Ludricis, & Hystrionicis) Religiosos, sit peccatum mortale? Sub distinctione enim loquendum est. Nam vel talia Spectacula, res lasciuas, turpes, aut impudicas continent, aut non. Si primum, vix excusari possunt à mortali Religiosi similibus spectaculis assistentes. Tum ratione scandali, quod sæpius interuenit; tum ratione periculi lapsus, quod sæpius etiam continget; tum, quia etiam ijs cessantibus, ratione Voti Castitatis tenentur huiusmodi obscæna fugere, & detestari. Vnde Ecclesiasticis prohibitum est similibus nugis interesse de *Consecrat. d. 5. cap. non oportet 2. & cap. Clerici 2. de vit. & honest. Cleric.* Optinè etiam in Constitutionibus Religionum id etiam est veritum, ut in nostris *par. 3. cap. 6. nu. 8.* Rodriguez tom. 3. *quæst. Regular. q. 68. art. 6.* Casu tamen, quo cessaret scandalum, nec esset periculum lapsus, nec prohibitio specialis Religionis ad mortale obligans, si Religiosus prædictis Spectaculis assisteret, non ex affectu, aut delectatione ad res lasciuas, & venereas, quæ ibi aguntur, sed ob solam vanam curiositatem, excusaretur à peccato mortali. Sanchez *lib. 9. de Matrim. Disp. 46. nu. 41.* Bonacina de *Matrim. quæst. 4. punct. 9. nu. 21. & 22.* Quando verò talia Spectacula non sunt de rebus turpibus, aut inhonestis, sed continent

Historias diuinas, aut humanas, aut etiam fabulas, & figmenta Poëtarum, tunc est indifferens ex natura sua illis assistere, atque adeò sine peccato possunt illis Religiosi interesse, seculis circumstantiis scandali, periculi lapsus, prohibitionis, &c. S. Thomas 2.2. *quæst.* 168. *art.* 3. *ad* 3. Vide à nobis dicta de *Reformat.* *Regul.* *cap.* 9. *nu.* 12.

8. Regulares, qui (quod absit) nefandum crimen exercent, omni priuilegio clericali, omnique officio, dignitate, & beneficio Ecclesiastico priuantur, & per Iudicem Ecclesiasticum degradati potestati seculari traduntur. Ita Pius V. in Bulla, quæ incipit, *Horrendum illud*, anno 1568. edita in 2. *tom. Bullar.* *nu.* 72. Num autem, qui vna, vel alia vice in hoc peccatum incidit, his pœnis subiaceat? Quidam aiunt, quidam negant. Vtrumque probabile. Et pars negatiua satis probatur ex illo verbo *exercentes*, quod Pontifex ponit in Bulla, importat enim multiplicationem actuum. Nauarrus in *Man. cap.* 27. *nu.* 249. Licet alij dicant oppositum, & hoc declarasse ipsummet Pium V. Flavius Cherubin. in 2. *tom. Bullar. sup. istam Bullam*. Prædictæ etiam Constitutionis dispositio extenditur ad eum, qui feminam præpostera venere cognouerit, vel bestialitatis peccatum commiserit. Propter similem rationem. Prosper de Augustino in *addition. ad Quarant. in Summ. Bullar. verb. Sodomia*. Vide alia à nobis dicta supra *cap.* 5. *nu.* 11, 12, & 13.

9. Prohibitum est viris Religiosis admittere intra eorum clausuram, seu permittere in eorum Monasteria feminas cuiuscunque status, & conditionis existant. Primò, ex Motu proprio Pij Quinti, edito anno 1570. qui incipit, *Regularium personarum*. Secundò ex alia Constitutione Gregorij XIII. quæ incipit, *Vbi gratia*. Quamuis enim in illis solum videatur prohibitum ingredi feminas Monasteria virorum, aut Religiosos illas admittere, virtute, & prætextu aliquorum indultorum, seu facultatum, tamen etiam extenditur ad eos, qui permittunt illas quomodolibet intrare, etiam sine prætextu, aut virtute alicuius facultatis, seu indulti. Tum quia Pius Quintus hanc esse suam mentem declarauit in alia Constitutione, quæ incipit, *Decet Romanum Pontificem* anno 1570. quam refert Còsecius in *priuilegijs Ordinis Mend. fol. mibi* 147. vbi. explicans suum priorem Motum proprium declarat, mentem suam, & intentionem esse, & fuisse, quòd dicta littera non solum comprehenderent mulieres habentes, & prætendentes facultatem, & indulta ingrediendi Monasteria, sed etiam omnes, & quascunque Mulieres alias tam in genere, quam in specie. Tum quia ipse Gregorius Decimus tertius explicuit isto modo

modo suam mentem, ut refert Villaguta *tract. de Vfuris quest. 3. nu. ult.* Tum etiam, quia ita praxi receptum est in Penitentiaria Rom. (quod pro lege haberi debet, maxime cum agatur de interpretatione Sanctionis Apostolicæ) Navar. in *Sum. dat. cap. 27. num. 105. ex com. 61. Azor. tom. 1. In sit. mor. lib. 13. cap. 8.* Vnde Suárez 4. tom. de *Rel. tract. 8. lib. 1. cap. 7. nu. 9.* propter hanc Constitutionem Pij Quinti retractat, quod alibi dixerat, scilicet in priori Constitutione eiusdem Pij Quinti solum prohiberi ingressum feminarum in Monasteria virorum prætextu facultatum obtentorum.

10. Possunt tamen permitti intrare in Monasteria Religiosorum puella parvula, non obstante prædicta prohibitione Pontificum: Eo quod finis illorum est, ne deur Religiosis occasio impudicitia, quod cessat in parvulis puellis. Rodriguez in *exposit. Mot. propri. Pij Quinti num. 12. Sanchez lib. 6. in Decal. cap. 17. nu. 4.* Idem dico de Imperatricibus, aut Reginis, saltem quando intrant Monasteria non occultè, sed magno comitatu, & ex bono fine. Cum enim Pontifices non fecerint in prædictis Bullis mentionem de illis, credendum est noluisse ipsas comprehendere. Rodriguez tom. 1. *quest. 48. art. 1. Sanchez lib. 6. in Decal. cap. 17. nu. 5.* Qui etiam extendit hoc ad filias Imperatricum, & Reginarum. Quia nomine Reginarum censet comprehendendi. Fundatrices autem Monasteriorum, quantumvis nobiles sint, & excellentes comprehenduntur sub ista prohibitione. Quia hoc creditur fuisse intentum Pij V. in suo Motu proprio. Ideo enim in eo expressit Ducissas, & similes, quia hæc solent esse fundatrices. Rodriguez in *exposit. huius Mot. prop. num. 3.* Similiter causa medendi Monacho gravi morbo laboranti, intrare potest femina in Monasterium, si infirmitas solum per ipsam curari possit, nec Religiosus possit extrahi foras. Quia lex humana non est accipienda in tam gravi necessitate. Rodriguez tom. 1. *quest. Regul. q. 46. art. 7. Sanchez lib. 6. in Decalog. cap. 17. nu. 30.*

11. Nomine Monasterij, in quod feminis ingressus interdicitur, solum intelliguntur ea, quæ sunt intra septa Monasterij. Quia ea propriè sunt Monasterium, vel partes illius. Navarrus lib. 1. *Consil. in 1. edit. tit. de Regular. conf. 16. in 2. lib. 5. tit. de verb. signific. conf. 5.* Hinc prædia, domus, horti, seu vineæ Religiosorum ab illorum Monasterijs separata non comprehenduntur prædicta prohibitione. Rodriguez in *expos. huius Mot. prop. num. 1.* Secus verò horti, vel viridaria, quæ in ipsis Monasterijs esse solent, etiam si habeant ianuam, per quam, absque claustrorum ingressu, in illa intrari possit. Quia ista reuera sunt partes Monasterij,

sterij, & communiter sic habetur in praxi. Sanchez *lib. 6. in Decalog. cap. 17. nu. 15*. Idem dico de Sacrificijs Ecclesiæ immediate contigujs. Propter eandem rationem. Licet in hoc, si scandalum, & perturbatio Religiosorum absit, sitque contrarium vsu receptum propter audiendas confessiones, possit tolerari. Rodriguez *in expof. prædicti Mot. prop. nu. 14*. Sanchez *lib. 6. in Decalog. cap. 17. nu. 17*. Addunt alij, quod Sacrificiæ, ad quas non est aditus per claustra Monasterij, sed per Ecclesiam non sint subiectæ clausuræ. Bonavina *de clausur. quæst. 3. punct. 1*. Monasteria verò nondum fabricata, sed fabricari incepta, ubi non est communitas Religiosorum, sed tantum aliquis, vel aliqui pro fabrica, non comprehenduntur sub prædicta prohibitione. Quia illa verè non sunt Monasteria. Sorbus *in priuileg. mendic. verb. ingress. Monial. num. 11*. Pro quo extat declaratio Cardinal. quam refert Quærantæa *in Summ. Bullar. verb. Monast.* affirmans, idem dici debere de domibus, seu Infirmedijs in ciuitate positjs, cum nec Ecclesiam, nec Conuentum habeant. Secus de Prioratibus, quos habent aliquæ Religionis Monachales, quia sunt verè Monasteria, & habent clausuram. Sanchez *lib. 6. in Præcepta Decalog. lib. 17. num. 21*.

13 Præterea licitus est ingressus foeminarum in claustra Religiosorum (illorum scilicet, qui habent communicationem generalem priuilegiorum aliarum Religionum quarumcunque.) Quando in eis Missæ, & aliæ Diuina Officia celebrantur, ac cum Processiones fiunt, & quando Christi fidelium cadauera ibi sepeliuntur, ac etiam pro eis suffragia fiunt. Similiter quando diuinum verbum in claustris Monasteriorum, & Regularium locorū huiusmodi proponitur, vel per aliam quamcunque causam tantus concursus populi fuerit, quod commodè ingredi non possint, & egredi per portam Ecclesiæ, perpetuò concedimus, vt dictæ mulieres vna cum alijs secularibus personis possint ingredi, & egredi per portam claustris Monasteriorum, & locorum Regularium huiusmodi, dummodò recto tramite accedant ad portam, qua exitur è Monasterio, sitque volumus pariter, & indulgemus. Ita ad verbum Pius V. in dicta Constitutione. *Decret Romanum Pontificem*. Quæ licet fuerit data intuitu, & fauore Congregationis Montis Virginis, postea ab alijs Religionibus acceptata est, ob communicationem priuilegiorum, vt credo. Rodriguez etiam infra citandus refert similia declarasse Pium V. viuz vocis oraculo. Sed quia, vt diximus *cap. 3. nu. 21*. Viuz vocis oracula omnia his temporibus abrogata sunt, saltem quatenus continent nouam concessionem, ideo solum videtur ob communicationem priui-

privilegiorum cum dicta Congregatione Montis Virginis, prædicta ab alijs Religionibus acceptata esse. Circa quæ animaduer-
tendum est primò, non posse Prælatos prædictarum Religionum
instituere Processiones, vel Officia Divina extraordinaria ad
eum finem, ut mulieres ingrediantur eorum claustra. Quia hoc
est contra intentum Pontificum. Secundò non posse ingredi præ-
dictas mulieres, quando sunt celebrata iam, aut postea cele-
branda prædicta. Officia, nisi in hoc sit parua mora temporis.
Quia ista concessio solum procedit de tempore, quo celebrantur.
Tertiò, quòd etiam possunt ingredi prædictæ feminae, quando
intra aliquod Sacellum illius claustrì ob alicuius potentis deu-
otionem celebratur Missa. Quia tunc celebratur Diuinum Offi-
cium. In his tamen laudabilis vsus retinendus erit, & abusus vi-
randus. Rodriguez tom. 1. quæst. 48. art. 3. & in expos. Mot. propr.
Pij V. Sanchez lib. 6. in Decalog. cap. 17. nu. 22. Quartò adiungunt
aliqui licere hunc ingressum, quando in claustro datur habitus
alicui Nouitio; sed non credo hoc licere, cum non comprehen-
datur hic casus in assignatis à Pio V. Laurentius de Peirinis to. 1.
privileg. Minim. in Const. 6. Iulij 11. nu. 14. Nec dare habitum
Nouitio sit diuinum Officium. Bonacina de Clausur. quæst. 5. pun-
cto 4. nu. 10. Qui aliter docet dum datur professio.

13 Pœnæ autem, quas incurunt Religiosi admittentes fœmi-
nas in sua Monasteria, sunt, priuationis Officiorum, quæ in præsen-
ti obtinent, & inhabilitatis in posterum ad illa, & alia omnia, &
Suspensionis à Diuinis ipso facto, sine alia declaratione incurrendis
pœnis. Ita Pius V. in suo Motu proprio. Præterea Gregor. XIII.
addit priuationem dignitatum, & beneficiorum, & inhabilita-
tis ad illa, & excommunicationem Pontifici reseruatam. Rodri-
guez tom. 1. quæst. Regular. quæst. 48. art. 1. Sanchez lib. 6. in Decal.
cap. 17. à num. 33. Quomodo autem istæ pœnæ, & aliæ similes in-
telligi debeant, & quis possit in illis dispensare dicemus in hoc
capite à num. 29.

14 Sixtus V. in Bulla Cum de omnibus ann. 1587. edita prohibet,
ne quis Regularis ex una Prouincia ad aliam Prouinciã sui Or-
dinis transiendo etiam in itinere, intra aliquod Monasterium,
domum, vel locum alterius Prouinciæ ad habitandum, vel tanquam
hospes recipi, aut ad modicum tempus diuertere possit, nisi à Superi-
ori eius loci, ubi residet, expressam licentiam discendens in scriptis
obtentam, seu litteras obedientiæ, vel commendatitias, secum dese-
rat, atque exhibeat, vel nisi ita cognitus sit ijs, ad quos diuerterit,
ut de eius persona nullus omninò dubitationis, aut suspicionis locum
relinquatur. Præcipit etiam ne recipiantur tales Fratres sub
grauif.

grauissimis pœnis ibi assignatis . Postea verò in alia Bulla eiusdem Pontificis ann. 1588. edita , quæ incipit , *Ad Romanum Pontificem* , sic prædicta declarat : *Dum interdicimus , ne quis Regularis alterius Prouinciæ , intra aliquod Monasterium , Domum , vel locum alienæ Prouinciæ , etiam tanquam hospes , & ad modicum tempus recipi possit , nisi à Superiore loci , ubi residebat , & à quo discessit licentiam expressam in scriptis exhibuerit , vel nisi satis cognitus sit , id obseruari volumus non solum in Religiosis itinerantibus de vna in aliam Prouinciã , sed in ijs quoque , qui proficiuntur de vno in aliud eiusdem Prouinciæ Monasterium , tam sui , quam alterius Ordinis . Quod si dicerent se ad Apostolicam Sedem confugere ob grauamina à suis Superioribus sibi illata , & idè ab ipsis Superioribus licentiam , & litteras obtinere non potuisse , non propter villo modo recipi valeant , nisi fide dignorum testimonio de petita ab eis licentia , & per suos Superiores denegata confiterit .* Laurentius de Peirinis tom. 1. priuileg. Minimor. in Constit. 13. Leon. X. S. 1. Quaranta in Summ. Bullarj verb. *Monasteria* .

15 Deindè Religiosi Romam venientes sine licentia legitima , aut sine litteris suorum Superiorum , ex Sixto V. in Bulla citata , *Ad Romanum Pontificem* , non sunt recipiendi , sed remittendi ad Congregationem Eminentiss. Cardinal. vel Dominos Protectores , vt ipsis auditis , quid agendum sit , statuatur . Ex decreto autem S. Congregat. an. 1587. debent remitti ad suos Superiores seueriori pœna plectendi . Quaranta in Summ. Bullar. verbo *Monasteria* .

16 Circa illos autem hæc præcipit Clem. VIII. in Decretis pro reformatione Regularium approbatis à S. Congregatione SS. D. N. Urbani VIII. iussu . *Nullos Fratres Romam venire Superiores permittant , nisi prius à Generali , vel Protectore dumtaxat , licentiam in scriptis impetrauerint . Si quis autem sine huiusmodi facultate Romam venire præsumpserit , voce actiua , & passiva biennio priuatus existat , subiturum etiam alias arbitratu Superiorum investigandas pœnas . Quæ item omnia aduersus eos , qui supra dictos admiserint , & receperint , sine vlla exceptione locum habiant .* Postea extenditur facultas concedendi hanc licentiam , etiam Prouinciali , ex causa communi totius Prouinciæ dumtaxat , & declaratur prædictam pœnam priuationis vocis actiuz , & passiuæ Sanctitati suæ reueruatam esse .

17 Prohibitum etiam est Religiosis recurrere ad personas extra suam Religionem , pro consequendis honoribus , dignitatibus , aut gratijs in ipsa . Primò enim id prohibuit Fratribus Prædicatoribus S. Dominici sub pœna inhabilitatis ad illa , & similia ,

vel

vel maiora consequenda Gregor. XIII. in Bulla *Cum nihil magis*, & habetur 2. tom. Bullar. nu. 62. Ampliavit hoc Clemens VIII. in alia Bulla *Religiosos viros* ann. 1592. edita, confirmando Decretum Capituli Generalis eiusdem Ordinis, & hoc ipsum præcipiendū in virtute sanctæ obedientiæ. Deinde idem Clem. VIII. in alia Bulla, *Quoniam nemo* ann. 1593. Idem prohibet Carmelitæ per hæc verba. Omnes, & singulos Fratres dicti Ordinis cuiuscunque status, gradus, conditionis, & præminencia, qualitatis, & dignitatis existentes, qui de cætero ad Prælaturas, gradus, honores, dignitates, administrationes, functiones, & alia officia dicti Ordinis assequenda intenti, ad Principum, & Prælatorum, atque aliarum quarumcunque personarum tam secularium, quàm Ecclesiasticarum de gremio dicti Ordinis non existentium, etiam Cardinalatus honore, & quacunque seculari dignitate, & excellentia, etiam Imperiali, Regali, & Ducali fulgentium fauores recurrerint, vel etiam pactis, sollicitationibus, alijsq; vijs, directè vel indirectè, palam vel occultè ad Prælaturas, gradus, honores, dignitates, administrationes, functiones, & alia officia prædicta obtinenda aspirauerint, vel alijs minimè legitimis, & honestis rationibus ea obtinere quasiuerint, aut etiam spontè oblati, & minimè conquestis vsi fuerint, illorumq; complices, & fautores ad quascunque Prælaturas, dignitates, & officia, gradusq; honores, administrationes, & munera in ipso ordine obtinenda perpetuò inhabiles declaramus, ac obtentis per eos Prælaturis, gradibus, honoribus, dignitatibus, & administrationibus, functionibus, & officijs huiusmodi eò ipso priuamus, ac priuatos voce tam actiua, quàm passiva carere decernimus, & declaramus. Iure autem optimo huiusmodi intercessionem prohibet Religiosis, quia per illas maximum damnum Obseruantie Religiosæ accedit sapius. Vnde illas quoque prohibet idem Clem. VIII. Camaldulensibus in alia Bulla ann. 1596. edita; quæ incipit, *Ambitosam*, & Hieronymianis in alia, quæ etiam incipit, *Ambitosam* ann. 1600. edita, & Cruciferis in alia, quæ incipit, *Quoniam nemo* ann. 1604. & Augustinianis in Bulla eodem titulo, & anno edita. Et Paulus V. Canonicis Regularibus S. Saluatoris in Bulla edita ann. 1607. *Quoniam nemo*, & Augustinianis in Bulla *Admonemur* ann. 1608. & Celestinis in Bulla *Quoniam nemo* an. 1616. Et Fratribus Minoribus de Obseruantia an. 1619. in Bulla *Admonemur*, 4. tom. Bullar. inter Bullas Pauli V. nu. 16. & Minoribus Conuentualibus simili modo num. 18. Specialiter etiam idem Paulus V. in Bulla *Admonemur* ann. 1608. edita, præcipit Fratribus Ordinis Prædicatorū in virtute sanctæ obedientiæ, & sub excommunicatione latæ sententiæ Papæ reservatæ,

ne

ne ad fauores extra Religionem recurrant pro se, vel alijs ad effectum consequendi officium Generalis, vel alijs minus legitimis vijs, & modis illud obtinere quærant. Insuper idem Pau. V. in Bulla *Admonemur*, prohibet idem Minimis S. Francisci de Paula 4. tom. Bullar. inter Bullas Pau. V. num. 19. Tandem idem Pau. V. in Bulla ann. 1613. edita, quæ incipit, *Aliàs per nos*, prohibet recursum ad fauores extra Religionem Monachis Cisterciensibus Congregationis Italiae in virtute sanctæ obedientiæ, & sub excommunicationis latæ sententiæ pœna. Vide dicenda cap. 15. nu. 27. & cap. 18. nu. 81.

18 Sacra Congregatio Romæ 12. Ianuarij 1604. statuit, & declarauit. Quibusuis Regularibus quorumcunque Ordinum, & Congregationum, tam Mendicantium, quam non Mendicantium, nullo modo licere, etiam specialis alicuius consuetudinis prætextu, Parochiam cum Cruce processionaliter, aut aliàs ad efferenda, & leuanda defunctorum funera intrare, vel illa leuare, & efferre, nisi vocato, & expectato proprio defuncti Parocho, eoque ibidem præsentē, si tamen ipse aliter fieri non consentiat, & permittat, vel nisi requisitus venire expressè omnino recuset. Quaranta in Summ. Bullarj verb. priuileg. Regul.

19 Regulares debent Crucem ferre in Processionibus cum velo, seu panno. Deferri debet tabernaculum SS. Eucharistiæ non Sacerdotum humeris, sed manibus tantum celebrantis. Quod probat Gauantus in Comm. in Rubric. Missal. tom. 1. par. 4. tit. 10. & 12.

20 Præterea Clem. VIII. in Decretis pro reformatione Regularium, quæ habentur inter Bullas huius Pontificis 3. tom. Bullar. nu. 60. & postea confirmata sunt à S. Congregatione Concilij, iussu SS. D. N. Urbani in Decreto de Regularibus Apostatis, & eiectis ann. 1624. sic habetur, inter alia Decreta, quæ nos (parisim suo loco in hoc opere collocamus). Nullus omnino prætextu cuiuscunque priuilegij, vel superioritatis, etiam Generalatus, à seruitio Chori censeatur immunis, nisi pro tempore, quo quis in proprij Officij munere actu fuerit occupatus. Cum Lectoribus autem, & Prædicatoribus, Superiores, ijs tantum diebus, quibus eos legere, aut prædicare contigerit, dispensare possint; Idem quoque præstare valeant cum agrotis, & studiorum causa legitime impeditis. In eos verò, qui negligentes, aut inobedientes fuerint, salutari pœnitentia Superiores animaduertant ad præscriptum Regula, & Constitutionum, alimenti etiam, si opus fuerit, subtractione. Agroti in hoc Decreto intelliguntur, tam temporanei, quam perpetui, & Religiosi valde senes. l. Prator ff. de vacat. & ex. mu. & ex l. semper ff.

de iure imm. Similiter per eos, qui studiorum causa sunt impediti, intelligi debent, qui imprimendis libris pro bono Ecclesiæ, vel Religionis occupantur. Laurentius Peirinis tom. 2. priuileg. Minim. Const. 10. Urb. VII. nu. 3. & 4. Item, Lectio sacra Scriptura, vel casuum Conscientiæ, bis in hebdomada, præscriptis diebus, in singulis Monasterijs, & Conuentibus habeatur, adquam Fratres omnes conuincant, eaque absoluta, mutua collatione circa explicatam doctrinam sese uisiter exerceant. Vide dicta cap. præcedenti nu. 48. Item, Cella, seu adicula, qua extra dormitorium separatim sunt, ad officinas, aut alias ad communem usum, & commoditatem Conuentus redigantur. Item, Sigillatim suo quisque lecto cubet, neque ullibi duo eodem lecto dormire possint, qui omnes ad certam formam redigendi erunt. Vide dicta c. 5. n. 15. Item, In priuatis cellis nulli camini permittantur, sed omnes obscurantur statim, cardinibus etiam è parietibus cõuulsis, ut res illa non ad tẽpus facta, sed perpetuo duratura videatur, cellis tamen Generalis, aut alterius Superioris, ac Prædicatoribus exceptis. Item, Conuentus finestra omnes, qua in uias publicas, aut in uicinas laicorum ades, prospiciunt, muro ita obscurantur, ut omnino ijs prospectus impediatur. Item, Valetudinarium in singulis Conuentibus certo, ac salubriori loco constituitur, quod pro loci situ, ac Fratrum numero, quoad fieri poterit, commodissimum esse possit, in quo Fratres omnes, cum agrotabunt, curentur, nec inde, nisi recuperata sanitate, abire permittantur. Qui uirò infirmorum cura præpositi sunt, omni fidelitate, ac charitate operam suam præstabunt, ac curabunt, ne quid agrotii omnino desit, quod ad sanitatem recuperandam pertineat. Item, Curent Superiores, ut Constitutio interdicens largitiones munerum, & præferens hospitalitatis formam, ab omnibus in quolibet Conuentu inuiolabiliter obseruetur. Circa hanc Constitutionem vide dicta cap. 6. nu. 52. 53. 54. & 55. Item, Eligantur in Capitulo Generali, ac Prouinciali aliquot graues, & periti ex Fratribus cuiuslibet Prouinciæ, saltem tres, qui admittendos ad prædicationem uerbi Dei, vel ad audiendas confessiones, etiam ipsorum Fratrum, ac Lectores publicos diligenter simul examinent, priusquam probentur, & ad huiusmodi ministeria admittantur. Horum etiam cura sit, examinare, & probare, tam quoad doctrinam, quàm quoad mores, promouendos ad quoscunque Ordines, in quo seruetur Decretum, Congregationis Interpretum sacri Concilij Tridentini, hac de causa nuper editum, & promulgatum. Hoc Decretum puto esse illud, quod nos afferimus cap. 14. d. num. 12. Item, Illud porro Superiores omnes in Domino admonemus, ut memores sint rationis, quam in nouissimo die reddituri sunt, pro grege sibi commisso, ac propterea

omni studio inuigilent, ut quæ in eorundem Ordinum Regulis, & Constitutionibus, de Oratione mentali, silentio, ieiunijs, Capitulo culparum, alijsque spiritualibus exercitijs, prudenter, ac pie sancita sunt, ea omnia, & singula ad unguem obseruentur, intelligentiq; super his, veluti fundamentis, omnium Religionum ædificia construenda, & amplianda esse, quæ ut faciliorem exitum sortiantur, & fructus uberior in animis Fratrum producant, valde opportunum erit, si in quolibet Conuentu, singulis hebdomadis habeatur Sermo de Religiosa disciplina, Regularique obseruantia. Consonant ea, quæ adduximus ex Concil. Tridentino supra cap. 7. num. 28. Item, Quod verò omnia ordinatè peragantur, appendatur tabella in loco conspicuo vniuscuiusque Conuentus, in qua distinctè adnotetur, quid singulis horis cuiusque diei quilibet Frater præstare debeat, ut certo quoque signo præmonitus, maiore animi præparatione suo muneri satisfacere possit. Quæ Ordinis Constitutiones his Decretis non aduersantur, inuiolatè custodienda erunt.

21 De mandato etiam eiusdem Clem. VIII. ann. 1601. die 17. Aprilis factum fuit edictum à S. Congregat. Regularium, quo præcipiebatur Regularibus sub pœna privationis officiorum, ne retinerent bannitos, & decoctores, seu fallitos. Pro quo etiam, extant quædam litteræ Cardinalis de Florentia ad Vicarium, Archiepiscopatus Genuensis, & ad Nuncium Neapolitanum. Scortia in *Seleſtior. Bull. theorem.* 357. Laurentius de Peirinis tom. 2. priuileg. Minim. in *Constit.* 4. Clem. VIII. à num. 5. Addens quòd si quis Regularis reciperet, aut retineret in suo Conuentu bannitum aliquem propter homicidium sine dolo commissum, seu non fascinosum, non incurreret prædictas pœnas, quæ solum contra receptatores fascinosorum impositæ sunt. Caute tamen in hoc procedendum.

22 Qui Missas celebrant in gradu Sacerdotij non constituti, aut Confessiones audiunt fingendo se Sacerdotes, non solum sunt irregulares ex cap. 1. & 2. de Clerico inordinato ministrante (Cornexo 2. tom. in 3. par. de irregular. disp. 7. dub. 2.) sed etiam ex Clem. VIII. in Bulla, Et si aliàs ann. 1601. edita, & inter Bullas huius Pontificis nu. 81. à Iudicibus S. Inquisitionis, vel locorum Ordinarijs à foro Ecclesiastico abijciuntur, & ab Ordinibus Ecclesiasticis, si quos habuerint, ritè degradati, Curia seculari traduntur, per Iudices seculares debitis pœnis pleiendi. Post quæ Sanctissimus D. N. Urbanus in Bulla Apostolicus officium ann. 1627. edita, habetur 4. tom. Bullar. inter Bullas ipsius nu. 79. Statuit, & decreuit, Ut qui in posterum ad sacri Præbyteratus Ordinem non promouetur, Missam celebrare, aut Sacramentalem Confessionem audire præ-

presumpserit, ætate minoris annis viginti quinque non excusetur, quominus eidem Clementis Constitutioni subijciatur, dummodò vigesimum suæ ætatis annum compleuerit.

23 Pius V. in Bulla *Cum nil magis* ann. 1570. edita, & est inter Bullas huius Pontificis num. 111. voluit tondentes monetas, siue aureas, siue argenteas vltimi supplicij pœna puniendos esse, tam in Vrbe, quam in toto Statu Ecclesiastico. Postea verò SS. D. N. Urbanus VIII. in Bulla *In summa* ann. 1627. edita, inter Constitutiones ipsius 4. tom. Bullar. nu. 75. extendit hoc ad quasque personas Ecclesiasticas, etiam Regulares, in tota Italia existentes, *quæ aureas, vel argenteas monetas tondere, fabricare, colorare, vel alijs adulterare, seu etiam quomodolibet adulteratas scienter erogare, aut exponere presumpserint.* Volens, vt culpabiles in præmissis reperi, præuia degradatione, Curia seculari puniendi tradantur. Pecunias verò adulteratas scienter detinentibus, seu de loco ad locum transferentibus, aut materiam, instrumenta, siue opem ad præmissa præstantibus, pœnam triremium per decennium imposuit. Et cognitionem causarum huiusmodi in Provincijs Sedi Apostolicæ subiectis ad Sanctæ Romanæ Ecclesiæ Cardinales ibidem Legatos. In alijs verò Prouincijs Italici ad Ordinarijs locorum spectare voluit. *Gauantur in Manual. Episcoporum. verb. Monetarij.*

24 Deinde pro Doctoribus, seu Scriptoribus, extat Decretum Pauli V. in generali Congregat. S. Inquisitionis, quo præcipiebatur Nuntijs Apostolicis, vt notificarent Superioribus Religionum, & Ordinarijs locorum, ne sinerent imprimi *in materia de Auxilijs, etiam sub pretextu commentandi S. Thomam, aut alio modo;* hinc consulta prius S. Inquisitione Romana. Quod Decretum SS. D. N. Urbanus confirmavit ann. 1625. præcipiens omnibus, *vt in posterum non audeant imprimere, vel quoquo modo in lucem edere, libros, tractatus vel compositiones ex professo, vel incidenter, aut pretextu commentandi D. Thomam, vel quemlibet alium Doctorem, aut alia quavis occasione, pretextu, vel modo, de materia Auxiliorum diuinorum tractantes, sine expressa, & speciali licentia à Sanctitate sua in Congregatione Sancti Officij obtinenda, donec aliud in hac materia à dicta Sancta Sede Apostolica fuerit ordinatū.* Vt autem huiusmodi Decretum inuiolabiliter obseruetur eadem Sanctitas sua voluit, & declarauit, *contrauenientes, pœnas priuationis dignitatum, & officiorum suorum, vocis actiua, & passiva, facultatis concionandi, publicè legendi, docendi, & interpretandi ipso facto, absque alia declaratione incurrere, & nihilominus alijs etiam pœnis Sanctitatis suæ, & successorum suorum Romanorum*

Pontificum arbitrio infligendis, subiacere. Libros porro, quos in futurum contra præsentis Decreti tenorem edi contigerit, absque alia declaratione tanquam expressè prohibitos haberi voluit; & Impressores, præter amissionem librorum, pecuniarijs, alijsq. corporalibus pœnis, iuxta criminis gravitatem, teneri mandavit, contrarijs quibuscunque non obstantibus. Laurent. de Peirinis tom. 1. *privileg. Minim. in Constit. 2. Julij 11. §. 3. num. 20.* Circa quod Decretum illud animaduertendum occurrit, quòd quamvis per ipsum prohibeatur imprimi libros tractantes, siue ex professo, siue incidenter *de materia Auxiliorum divinarum*; non tamen videtur prohiberi libros tractantes de aliquo puncto, difficultate, seu quæstione de Auxilijs: aliud enim est materia de Auxilijs, aliud verò punctus aliquis, seu difficultas prædictæ materiæ. Quod rationi, & intentioni Summi Pontificis congruere videtur; aliàs necesse esset, materias alias Theologicas, quæ cum materia de Auxilijs connexionem habent, non nisi imperfectè, truncatè, & defectuosè imprimi. Maximòq. hoc verum erit, si prædictus punctus modestè, sinceritè, & sine æmulatione aliqua, ut decet, tractetur.

25 Decreta S. Congregationis Concilij *de celebratione. Missarum* iussu SS. D. N. Urbani VIII. edita, quæ afferimus *cap. 21. nu. 5.* debent legi sexto quoque Mense, id est, feria secunda post primam Dominic. Advent. & feria sexta post Octavam Corporis Christi, in publica mensa, in omnibus Monasterijs, Conventibus, aut Domibus Regularibus, sub pœna privationis officij, vocisq. actiuz, & passiuæ ipso facto incurrenda Superioribus localibus in hoc negligentibus. Ita enim præcipitur in eisdem Decretis. Similiter Decreta S. Congregat. eiusdem SS. iussu edita *de Apostatis, & eiectionis*, quæ nos afferimus *cap. 16. num. 16. cap. 23. nu. 3.* debent etiam legi in prædictis Monasterijs; saltem bis in annum Decretis Clem. VIII. *pro reformatione Regularium*, quæ nos sparsim in hoc opere inferimus. Sic enim præcipitur in eisdem Decretis sub pœna privationis officiorum, & vocis actiuz, & passiuæ, ac perpetuæ inhabilitatis ad illa in posterum obtrigenda transgressoribus infligenda. Vide etiam obligationem quoad aliud Decretum S. Inquisitionis singulis annis promulgandum. *cap. 18. num. 110.*

26 Item SS. D. N. Urbanus VIII. in Bulla edita ann. 1626, ad instantiam Philippi IV. Hispaniarum Catholici Monarchæ, & habetur 4. tom. *Bullar.* inter Constitutiones Urbani nu. 57. cassavit, reuocavit, & abrogavit omnia, & quæcunque privilegia, siue exemptiones, non solum à Superioribus, sed etiam à Sede Apo-

Stoli-

stolica concessa, quibuscunque Religiosis in Regnis Hispaniarum commorantibus, per quæ ab eorum Prelatorum obedientia eximuntur, ex Monasterijs, & Regularibus domibus ad eorum libitum, & cum socijs sibi bene visis, & iam destinatis, etiam Superiorum suorum non petita licentia, egrediantur, absque eo quoddam ydem Superiores tam huiusmodi egressum, quàm secularium personarum quibusvis horis ad illorum Cellas accessum, atque ingressum impedire possint. Præterea de uno ad aliud Monasterium, seu Regularem domum, etiam ipsis Superioribus inuitis, transeunt, nec Choro, & alijs spiritualibus exercitijs, minuscque refectorio cum alijs interfunt. Hæc autem Bulla intimata est à sua Catholica Maiestate, Prouincialibus Religionum per litteras ad illos missas, quarum copiam apud me habeo.

27 Idem præterea Sanctiss. D. N. Urbanus in Bulla *Inscrutabilis* ann. 1611. 4. tom. Bull. n. 113. confirmans, & innouans Constitutionem Sixti V. contra Astrologos Iudiciarios, decernit, quascunque personas, etiam Regulares, quæ de statu Reipublicæ Christianæ, vel Sedis Apostolicæ, siue de vita, aut morte Romani Pontificis pro tempore existentis, eiusque usque ad tertium gradum inclusiue consanguineorum, Mathematicos, Ariolos, Aruspices, Vaticinatoresque nuncupatos, vel alios Astrologiam Iudiciariam exercentes, seu alias quomodolibet profitentes, de cætero confu- luerint, siue desuper eorum iudicia, pronostica, prædictiones, seu præcognitiones, etiam sibi oblatas receperint, illiusque quomodolibet vñ fuerint, vel illas penes se scienter retinuerint, aut alicui ostenderint, necnon iisdem Mathematicis, Ariolis, &c. incur- rere excommunicationem lætæ sententiæ, & pœnas lætæ Maie- statis, & ultimi supplicij, ac priuationis beneficiorum, dignita- tum, ac officiorum, ac inhabilitatis perpetuæ ad illa, & quod præuia degradatione Curie seculari tradantur puniendæ, cog- nitionemque causarum huiusmodi in Vrbe, & illius districtu ad Vi- carium Generalem, & Urbis Governatorem, & Auditorem Ge- neralem Cameræ, extra Urbem verò ad Cardinales, Legatos, & Prolegatos; in alijs verò partibus (Superioribus Religioforum penitus exclusis) ad Ordinarios locorum, vbilibet verò locorum etiam ad hæreticæ prauitatis Inquisitores, spectare voluit. Vide Gauantum in *Manual. Episcop. verb. Astrologia*. Vnde transgres- sores huiusmodi Constitutionis denunciari debent Iudicibus in ea designatis, etiam si vnus tantum id sciat, si tales sint pertina- ces (Toletus in *Summa lib. 4. cap. 5.*) alioquin, si spes emendæ credatur, prius erunt fraterna correptione admonendi. Cum enim præceptum correptionis fraternæ, quando adest spes pro-

babilis lucrandi Fratrem, sit Iuris diuini, non est cur non obliget in hoc casu, cum etiam in casu hæresis à multis dicatur obligare, non obstantibus Ediçtis Inquisitorum, quibus præcipitur denunciatio, statim quòd habetur notitia delicti. Bannez 2.2. *quest. 33. art. 8. dub. 2. ad 7.* Peirinis tom. 2. *privileg. Minim. in Const. 4. Greg. XV. à num. 26.*

28 Pro Decreto S. Inquisitionis contra Regulares ab eadem condemnatos, vide *cap. 15. nu. 39.* Pro Decreto etiam S. Congregat. circa ea, quæ Regulares possunt facere in suis Ecclesijs, vide *cap. 12. num. 41.* & alia dicenda in eodem capite à num. 33. *usque ad finem Capituli.*

29 Circa penas autem, quæ in huiusmodi Decretis, Bullis, seu Constitutionibus Summorum Pontificum, aut S. Congregationis apponi solent contra transgressores, dicendum est primò. Pœnæ excommunicationis, suspensionis, interdicti, & irregularitatis impositæ ipso facto, vt si dicantur *ipso facto, ipso iure*, aut *eo ipso* incurrendæ, non solum obligant in foro exteriori, sed in interiori conscientia, ita vt antè omnem Iudicis sententiam, teneatur transgressor Legum ad illas obligantium illas subire. Ratio est, tum quia hæc est communis praxis totius Ecclesiæ, tum quia ita videtur supponi à Concilio Trident. *sess. 24. cap. 6.* dum in eo concedit facultatem absoluedi ab istis, quando sunt occulta, abs dubiè supponens, incurrì, etiam si non sint deducta ad forum exterius. Sotus 1. *de Iust. quest. 3. art. 6.* Quando autem huiusmodi pœnæ non ponuntur infligendæ ipso facto, vt si in Legge dicatur solum *sub pœna excommunicationis, sub pœna suspensionis, interdicti, &c.* vel si dicatur *excommunicabitur, suspendetur, excommunicetur, suspendatur, &c.* non incurruntur donec per Iudicem, sit lata talis sententia, vel declaratio. Quia ita etiam communis praxis fert. Alfonso à Castro *lib. 2. de Lege pœnali cap. 1.*

30 Pœnæ etiam illæ, quæ in huiusmodi Decretis, Bullis, aut Constitutionibus Summorum Pontificum, aut S. Congregationis adiungi solent, pro transgressoribus, videlicet, *Priuationis vocis actiua, & passiva, priuationis officiorum, dignitatum, administrationum, honorum, &c.* insuper, *inhabilitatis ad prædicta, vel alia quauis obtinenda, ipsa facto, vel ipso iure, &c.* infligendæ, non obligant in conscientia ante sententiàm Iudicis, adminis. declaratoriam transgressionis talis Legis. Ratio est, tum quia ita in praxi recipitur apud viros doctos, & timoratos, vt non se credant obligatos esse ad tales pœnas subeundas nisi præmissa prædicta Iudicis sententia. Tum quia hoc est conforme naturæ Legis humanæ, quæ debet esse facilis, & accommodata fragilitati hu-

manæ.

manz : videtur autem nimis rigidum, & durum, quòd huiusmodi pœnz incurrantur ante Iudicis declarationem. Sotus 1. de Iust. quæst. 6. art. 6. ad 4. Molina tom. 1. de Iust. disp. 69.

31 Quando tamen non solum ponuntur istæ pœnz sub illis terminis ipso facto, ipso iure, aut eò ipso, &c. incurrendæ, sed adduntur ulterius istæ dictiones, seu verba, absque vlla declaratione, ante omnem declarationem, absque vllò Superioris Decreto, aut ministerio, aut sententia, &c. vel similia, incurruntur tales pœnz, & obligant etiam in conscientia, & foro interiori ante quamcumque declarationem. Ratio est, quia nihil aliud videntur intendere Pontifices, & Latores harum Legum dum his terminis vtuntur, nisi quòd nulla expectetur sententia ad hoc, quòd illæ pœnz incurrantur in utroque foro, sed in hoc sint similes Censuris, & irregularitatibus, aliis superflue adderent illas particulas, absque vlla declaratione, absque vlla sententia, ante vllam sententiam, &c. Suarez lib. 5. de Leg. cap. 8. Vasquez 1. 2. disput. 170. Quia tamen aliqui Theologi oppositum sentiunt dicentes, per illas particulas, absque declaratione, absque sententia, vel ante declarationem, aut sententiam, &c. solum denotari, non requiri ad hoc quòd tales pœnz incurrantur etiam in conscientia, sententiam, aut declarationem talis pœnz, sed ante illam incurri, non verò denotari non requiri sententiam, aut declarationem delicti, aut criminis commissi, quia hanc dicunt semper esse necessariam: idè hoc non videtur improbabile, tum quia hoc modo temperatur rigor istarum Legum, scilicet, quòd reus non teneatur exequi in se pœnam sui delicti, tum quia ita consuli vidi etiam à Pœnitentiarijs Ecclesiæ Sancti Petri, quos circa hoc consului. Sanchez lib. 6. in Decal. cap. 15. nu. 65. Sossa in exposit. Mot. prop. Clementis Octavi de Largis. mun. nu. 102. Peirinis tom. 1. priuileg. Minim. in Constit. 6. Iulij Secundi nu. 19. Addiderim tamen maximè hoc esse verum loquendo de pœnis, non quidem purè priuatiuis, in quibus exequendis non exigitur aliqua actio hominis, vt sunt inhabilitas, &c. sed de alijs, in quibus talis actio exigitur. Bonacina de legibus disput. 1. quæst. 1. punct. 7. §. 2. nu. 9. & de contractib. disp. 3. quæst. 8. punct. ult.

32 Quamuis multi credant nomine officiorum, graduum, dignitatum, & administrationum, de quibus statuuntur priuationes, vel ad quæ inhabilitantur transgressores horum Decretorum, seu Constitutionum, solum intelligi dignitates, officia, & administrationes habentia coniunctam Superioritatem, vt esse Generalem, Prouincialem, aut Priorem, non verò alia non habentia, aalem Superioritatem, vt esse Concionatorem, Confessorem,

Lectorem, &c. Eò quòd cum Sixtus Quintus in quadam Constitutione contra Regulares illegitimè natos, eos dignitatibus, gradibus, & officijs priuauerit, postea in alia, priorem explicans, per illa solùm intellexerit, & intelligi declarauerit ea munera, quæ habent coniunctam prædictam Superioritatem, non verò alia, quæ illam non habent. Sanchez *lib. 6. in Decal. cap. 15. nu. 66.* Rodriguez *in exposit. Mot. prop. Pij Quinti circa ingressum Fœminarum in Monasteria virorum num. 21.* Mihi tamen non placet hæc sententia, eò quòd sine fundamento sufficienti restringit amplissima verba. Nam quòd dicitur de Sixto Quinto, manifestè ipse declarat se solùm loqui quantum ad Constitutionem illam à se editam, non quoad aliàs à se, vel ab alijs editas, vel edendas. Sic enim dicit: *Declaramus hac in re, de qua nunc agitur, appellatio- ne dignitatum, honorum, &c.* expendo enim particulam illam, *hac in re, de qua nunc agitur*, quo denotat, se non loqui in alijs casibus aliarum Constitutionum, seu Bullarum Pontificalium. Immeritò ergo propter fundamentum adductum prædictam opinionem sustinent authores adducti. Quare dicendum est, per officia, dignitates, gradus, honores, administrationes, &c. de quibus in Bullis, & Decretis Pontificum, & S. Congregationis fit sermo, intelligi debere ea omnia, quibus propriè, & secundum communem vsum, & æstimationem, talia vocabula accommodantur. Verba enim Legis secundum communem vsum, & significationem usurpari debent.

33 Quando in huiusmodi Bullis, & Decretis, aut alijs litteris Apostolicis, in quibus aliquid prohibetur, vel præcipitur, apponitur verbum præsumptionis, vt si dicatur de transgressoribus *si præsumperint, præsumant, præsumunt, &c.* vel similia, non comprehenduntur talibus Legibus, aut Censuris, vel pœnis per illas impositis, nisi illi, qui ipsas transgrediuntur ex dolo, malitia, vel præsumptione, non verò illi, qui etiam ex ignorantia culpabili illas transgrediuntur. Ratio est, quia verbum *præsumptionis* significat temeritatem, vel malitiam excludentem omnem ignorantiam. Caiet. *in Sum. verb. Excommun. cap. 81.* Nauar. *in Man. cap. 27. nu. 24. & in cap. statuimus nu. 62.* Quando tamen non apponuntur talia verba, sed solùm communia, videlicet fecerint, perpetraverint, non obedierint, &c. vel similia, comprehenduntur etiam ignorantes ignorantia affectata, crassa, vel supina, non tamen illi, qui solùm habent ignorantiam probabilem, vel inuincibilem. Ratio primæ partis est, quia ignorantia affectata, crassa, vel supina æquiualeat malitiæ, & dolo, vnde non poterit excusare, neque à Censuris, neque à pœnis per legem impositis.

Ratio

Ratio verò secundæ partis est, quia talis ignorantia facit actum inuoluntarium, ac perconsequens excusat transgressorem. Silvester *verb. Excommun. 7. nu. 87.* Miranda *in tract. de Sac. mon. quæst. 2. art. 12.* Cornexo *2. to. in 3. par. tract. 5. de Cens. disput. ult. dub. ultimo.*

34 A Censuris excommunicationis, suspensionis, vel interdicti, quæ in huiusmodi litteris Pontificijs ponuntur, si non sint Papæ reservatæ, possunt absolnere iure communi Prælati Religionum. Quia eò ipso quòd huiusmodi censura nollì reservantur, conceditur proprio Ordinario absolutio illarum. Suarez *tom. 4. de Relig. tract. 8. lib. 2. cap. 20.* Imò etiam si tales Censuræ sint Papæ reservatæ possunt aliqui Prælati Religionum ab illis absolnere suos subditos propter priuilegia adducenda *cap. 18. nu. 36.* cum conditionibus tamen ibidem assignandis. Inter quas illa præcipua est, quòd in prædictis litteris Apostolicis non fiat, talis reservatio Papæ cum abrogatione priuilegiorum Religionum, tunc enim inutilia erunt talia priuilegia ad talem effectum.

35 In pœnis etiam priuationum, & inhabilitatum, quæ in prædictis litteris Apostolicis apponi solent, similiter, si non sint reservatæ Summo Pontifici, possunt dispensare Prælati Religionum cum suis subditis, si delicta non sint maiora adulterio, & peracta pœnitentia. Propter rationem adductam, scilicet, quòd eò ipso, quòd tales pœnæ non sunt Papæ reservatæ censentur concedi Ordinario, seu Episcopo, cui iure communi competit dispensare, in pœnis latis ob adulterium, & alia crimina minus grauias, dum non expresse reservantur, peracta tamen pœnitentia, vt declarauit Alexander Tertius *in cap. At si Clerici §. de Adulterijs.* Vnde videtur posse Prælatos Religionum in huiusmodi pœnis non reservatis dispensare cum suis subditis, dummodò delicta non sint maiora adulterio, & peracta pœnitentia. Henriquez *lib. 14. de Irreg. cap. 19. nu. 2.* Miranda *in Man. tom. 2. quæst. 9. art. 3. & quæst. 31. art. 11.* Si autem tales pœnæ sint Papæ reservatæ, licet in illis non possint Prælati Religionum iure communi dispensare, cum suis subditis, nec etiam ex vi præcisè Decreti Concil. Trid. *sess. 24. de reformat. cap. 6.* vbi dicitur, *liceat Episcopis in irregularitatibus omnibus, & suspensionibus ex delicto occulto prouenientibus, &c. dispensare,* eò quòd prædictum Decretum solùm intelligitur de Episcopis, quia sic declaratum est à Sacra Congregat. Cardinalium dicente: In hoc Decreto non comprehenduntur inferiores habentes iurisdictionem ordinariam, & quasi Episcopalem, sed tantùm Episcopi priuatiuè quoad omnes alios. Suarez *4. tom. de Relig. tract. 8. lib. 2. cap. 12. num. 8.* Nihilominus possunt

possunt aliqui Prælati Religionum cum suis subditis in prædictis pœnis dispensare, propter priuilegia adducenda *Cap. 18. num. 46.* cum conditionibus ibidem assignandis. Maximè id videtur fieri posse ex priuilegio Gregor. XIV. concessio Clericis ministrantibus infirmis, quod adducimus in eodem *cap. 18. nu. 35.* dum dicitur: *Necnon cum eis, si opus fuerit, etiam cum reuoluntatione, & absterfione inhabilitatis, & infamia macula dispensare.* Quod etiam fertur concessisse Pium V. Abbatibus, & Prælati Cassinensibus. Laurentius Peirinis *tom. 1. priuileg. Minim. in Const. 6. Iulij II. num. 24.* Vide dicenda *cap. 18. ut suprà.*

36 An verò etiam in foro externo possint Prælati Regulares cum suis subditis in istis pœnis dispensare? Quidam affirmant cum Rodriguez *tom. 1. quæst. 24. art. 17.* Cruz *lib. 1. de stat. Relig. cap. 6. dub. 15. con. 6.* Alij verò (quod tutius est) negant. Cum nulum pro hac parte solidum fundamentum, aut priuilegium afferatur. Peirinis *ut suprà* post alios *num. 25.*

De his, in quibus tenentur obedire Religiosi Dominis
Episcopis, & Principibus secularibus.

C A P. X I.

RELIGIOSI non exempti, quales sunt aliquæ Moniales Episcopis subiectæ, tenentur ipsis obedire ex voto Obedientiæ. Ratio est, quia Episcopi sunt verè Prælati ipsarum, illisque emittunt votum Obedientiæ: Sanchez *lib. 6. in Decal. cap. 1. num. 11.* Imò prædictæ Moniales Episcopis subiectæ, tenentur potius ipsis, quàm suis Abbatissis, aut Priorissis obedire. Eò quòd duobus Prælati contraria præcipientibus standum est Superiori, seu maiori Prælato. Sanchez *lib. 6. in Decal. cap. 1. nu. 11.*

2 Religiosi autem exempti (quales communiter sunt ferè omnes Religiosi propter multa Pontificum priuilegia, ut constat ex *cap. quam sit necessarium 18. quæst. 2.* de quo Nauarrus in *cap. non dicatis nu. 63.* & in *cap. nulla 18. quæst. 2. num. 40.*) non tenentur ex vi Voti Obedientiæ obedire Episcopis, aut eorum Vicariis. Ratio est, quia solum promittunt Obedientiam Prælati Regularibus. D. Thom. 2. *dist. 44. in fine in exposit. littera ad 3.* Siluester *verb. Obedientia quæst. 8. & 10. dicto. 2.* Vnde si Episcopi velint aliquo modo, vel de facto tentent procedere in Iudicio, vel

extrà

extra contra Regulares, aut contra res Monasterij in quavis causa civili, vel spiritali, (præter inferius assignandas) processus, sententiæ, & inde secuta sunt nulla & irrita. Cum enim non sint Prælati Regularium exemptorum nullam habent iurisdictionem supra illos. Rodriguez *tom. 2. quæst. Regul. quæst. 63. art. 6.*

3 Non obstant tamen privilegio exemptionis, tenentur Regulares reuereri, & honorare Dom. Episcopos. Quia exemptus à iurisdictione non est exemptus à iure reuerentiali, ut docet Roman. *singular. 486.* Vnde cum venerint ad eorum Ecclesias ad celebrandum, reuerenter recipiendi sunt, possuntque in Regulariū Ecclesijs uti baldachino, & contradicentes, Censuris, & pœnis cōgere. Ex Decr. S. Congreg. apud Quarantam in *Summ. Bullar. verb. priuileg. Regular. & Peirinis tom. 1. priuileg. Minim. in Constit. 26. Leon. X. num. 45.* Exercere etiam possunt Pontificalia in locis exemptis. Erasmus Cokier in *tract. de Iuridict. Ordin. in exempt. par. 5. quæst. 21.* Vide etiam Bartholomæum Gauantum *tom. 1. Thesaur. S. Rit. par. 2. tit. 3. §. in eorum residentijs.*

4 Secluso etiam privilegio exemptionis, & stando in iure divino, & ex vi voti Obedientiæ, quod Religiosi emittunt, non tenentur obedire Episcopis, sed suis Prælati, quoad obseruantias Regulares, bene tamen quoad disciplinam Ecclesiasticam. Ratio est, quia etiam secluso tali privilegio exemptionis, cum votum Religiosorum non sit de obediendo Episcopis, sed proprijs Prælati, solum poterunt illis esse subiecti, sicut alij Clerici seculares, ac per consequens, non quoad obseruantias Regulares, sed solum quoad disciplinam Ecclesiasticam, sicut prædicti Clerici. Sanchez *lib. 6. in Decalog. cap. 1. num. 12.* contra Petrum de Ledesma *2. tom. Summ. tract. 10. cap. 7. not. 2.*

5 Huic Privilegio Exemptionis non possunt renunciare Religiosi saltem particulares. Eò quòd illud datum est in honorem, status Religiosi, & consequenter nocerèt iuri Religionis, qui illud renunciare tentaret. Præsertim cum Papa in Bullis exemptionum Regularium non solum dicat suscipere eos sub eius, & Sedis Apostolicæ protectione, sed dicat *immediatè nobis subiectimus*, quo denotatur, Pontificem se constituere immediatum Superiorem Iudicem Ordinarium, & quasi Episcopum Regularium. Rodriguez *tom. 2. q. 63. art. 10.* Laurentius Peirinis *tom. 1. de priuileg. Minim. in Constit. Sixti V. §. 7.*

6 Nihilominus Religiosi, etiam exempti, & non subditi Episcopis, possunt ab illis dispensari in irregularitatibus, & absolui à Censuris Episcopis specialiter, & priuatiuè reseruatis. Vnde, possunt ab illis absolui, & dispensari in irregularitatibus, & suspens.

spensionibus ex delicto occulto prouenientibus, iuxta Decretum Concilij Trid. *sess. 24. cap. 6.* quod solis Episcopis competere diximus *cap. preced. nu. 35.* Ratio est, quia licet Religiosi sint exempti ab Episcopis quoad iurisdictionem ordinariam; quoad actus tamen proprios Episcoporum, & in quibus non subduntur iurisdictioni suorum Prælatorum, quales sunt huiusmodi absolutiones, & dispensationes, possunt esse illis subiecti. Suarez 4. *tom. de Relig. tract. 8. lib. 2. cap. 12. nu. 12.* Sanchez *lib. 4. in Decalog. cap. 39. nu. 32.* Cornexo *tom. 2. in 3. par. de Irregularit. disp. 3. dub. 5.* Imò ad hunc effectum non requiritur licentia, vel voluntas Prælati, tum quia Religiosus utitur iure suo, & in re conducente ad salutem animæ suæ. Licet quando huiusmodi dispensationes, vel absolutiones possunt obtineri à proprio Prælato ratione alicuius priuilegij, vel aliunde, non debent, & forsan non possunt, peti ab Episcopis. Quia hoc videtur cedere aliquo modo in dedecus Religionis. Præsertim, quia est probabile, quòd eò ipso quod Prælatus exemptus habet potestatem dispensandi, habet etiam ius, ut nullus se intromittat circa suum subditum. Suarez 4. *tom. de Relig. tract. 8. lib. 2. cap. 12. nu. 13. & 15. & cap. 23. nu. 3. & 4.* Vbi etiam extendit hoc ad casum necessitatis, in quo Religiosus non potest adire Prælatum suum.

7 Non obstante etiam priuilegio exemptionis Regularium, ab Episcopis, possunt ipsi Episcopi Parrochiales Ecclesias ad eòdem Fratres ratione locorum suorum legitimè spectantes, quoad ea, quæ ad Parrochianorum curam, & Sacramentorum conseruationem, administrationemquè pertinent (sine tamen visitatorum insolito grauamine vel impensa) visitare, & illarum curam gerentes, & circa illam delinquentes, si Religiosi fuerint, iuxta ipsius Ordinis Regularia instituta intra septa Regularis loci punire. Ita in Concilio Lateranensi in Bulla Leon. X. quæ habetur in Bullar. *tom. 1. fol. 509.* Qualiter autem hoc sit faciendum explicat Concilium Trident. *sess. 7. de reformatione cap. 7.* dicens, *Beneficia Ecclesiastica curata, quæ Cathedralibus, Collegiatis, seu alijs Ecclesijs, vel Monasterijs, beneficijs, seu Collegijs, aut pijs locis quibuscunque perpetuò unita, & annexa reperiuntur, ab Ordinarijs locorum annis singulis visitentur.* Ne autem in hoc sit aliquis excessus, extat declaratio Sacræ Congregationis Concilij an. 1602. edita, ubi dicitur: Episcopos, aut alios locorum Ordinarios vigore cuiusvis Decreti eiusdem Concilij nullam habere facultatem quouis tempore in Monasterijs, Domibus, & Ecclesijs Regularium exemptorum, quibus non imminet cura animarum, personarum secularium, visitandi Sacristiam, paramenta, vasa sacra,

sacra, altaria, et cetera huiusmodi: aut etiã tabernaculũ, seu pyxidẽ, in qua Sanctissimum Eucharistiæ Sacramentum asseruatur. Flavius Cherub. in *Compend. Bullar. circa Bullam 41. Pij V. Laurentius Peirinis tom. 1. prius. Minim. circa Constitut. 2. Sixti IV. §. 10.* referens etiam declarationem Cardinalium ad Archiepiscopum Genuensem. Præterea, cum propter Constitutionem Gregor. XV. de exemptorum privilegijs, &c. dubitatum fuerit, an liceat Episcopis visitare altaria Regularium Ecclesiarum, quibus cura animarum personarum secularium non incumbit, aut loca, ubi in eisdem Ecclesijs asseruatur SS. Eucharistiæ Sacramentum, vel ubi audiuntur confessiones personarum secularium. S. Congregatio respondit: *Episcopis non licere in omni eiusdem Constitutionis.* Vide 4. tom. Bullar. post Const. 18. Gregor. XV. & Ganantum in *Man. Episcop. verb. Regularium Iura sub Episcop. num. 54.*

8. Ex eodem Concilio Tridentino *sess. 6. de reformatione cap. 3.* sic habetur. *Nemo Regularis extra Monasterium degens, etiam sui ordinis privilegijs pretextus, tutus censeatur, quo minus si deliquerit, ab Ordinario loci tanquam super hoc à Sede Apostolica delegato secundum Canonicas sanctiones, visitari, puniri, & corrigi valeat.* Rodríguez 2. tom. *quæst. Regni quæst. 63. art. 11. Quaranta in Summ. Bullar. verb. exemptio.* Inferunt aliqui hoc Decretum intelligi solum de Regular. degentibus extra Monasterium, absque licentia Prælati, nam qui extra Monasterium degit cum licentia sui Prælati, dicitur esse in Monasterio. Laurentius de Peirinis *tom. 1. prius. Minim. in Constitut. 2. Sixti V. §. 11, num. 22.* Quid verò dicendum sit de Religioso intra Clausura Monasterij degente, sed extra illa notorie delinquirente, ex eodem Concilio Tridentino, & Clem. VIII. agemus infra *cap. 16. nu. 26. & 27.* Vide infra *num. 10. 97.* Idem etiam Concilium *sess. 25. cap. 11.* præcipit, quòd in Monasterijs seu Domibus virorum, seu mulierum, quibus imminet animarum cura personarum secularium, præter eas, quæ sunt de illorum Monasteriorum, seu locorum familia, personæ tam Regulares, quàm seculares huiusmodi curam exercentes, subsint immediate in ijs, quæ ad dictam curam, & Sacramentorum administrationem pertinent, Iurisdictioni, Visitationi, & Correctioni Episcopi, in cuius Diœcesi sunt sita. Nec ibi aliqui etiam ad nutum amovibiles deputentur, nisi de eiusdem consensu, ac prævio examine, per eum, aut eius Vicarium faciendo, excepto Monasterio Cluniacensi cum suis limitibus, & exceptis etiam ijs Monasterijs, seu locis, in quibus Abbates, Generales, aut Capita Ordinum sedem ordinariam principalem habent, atque alijs Monasterijs, seu Domibus, in quibus Abbates, aut alij Regularium Superiorio.

riores, iurisdictionem Episcopalem, & temporalem in Parochos, & Parochianos exercent, salvo tamen eorum Episcoporum iure, qui maiorem in prædicta loca, vel personas iurisdictionem exercent. Augustinus Barbosa de offit. Parochi cap. 2. num. 152. Vide etiam Henricus lib. 7. de indulgent cap. 15. num. 11. Circa quod Decretum Concilij S. Congregatio declaravit, quod *In Monasterio, in quo Generalis alicuius Religionis Regularium sedem ordinariam principalem habeat, licet persona seculares sint in eodem Monasterio curam animarum exercentes, quantum ad ipsam curam, & Sacramentorum administrationem spectat, nulli visitationi, seu Iurisdictioni Episcopi Ordinarij Diocesis, in qua ipsum Monasterium situm est, subiecta sint.* Laurent. de Peirinis cit. supra num. 30.

10 Præterea ex eodem Concilio Trident. sess. 7. cap. 14. sic habetur. *In exemptorum causis Constitutio Innocentij Quarti, quæ incipit, Volentes, in generali Concilio Lugdunensi edita, servetur; quam eadem Sacrosancta Synodus innouandam censuit, & innouat. Ad-dendo insuper, quod in Civilibus causis mercedum, & miserabilium personarum, Clerici seculares, aut Regulares extra Monasterium degentes quomodo libet exempti, etiam si certum Iudicem à Sede Apostolica delegatum in paribus habeant, in alijs vero, si ipsum Iudicem non habuerint, coram locorum Ordinarijs, tamquam ad hoc ab ipsa Sede Apostolica delegatis cõueniri, & iure medio ad soluendum debitum cogi, & compelli possint, priuilegijs, exemptionibus, Conseruatorum deputationibus, & eorum inhibitionibus aduersus præmissa nequaquam valituris.* Pro quo aduertendum est primò, non dici extra Monasterium degere Religiosum, qui causa Prædicationis, vel Confessionis, vel Eleemosynæ, vel alicuius rei, ad tempus, & non permanentèr, extra Monasterium moratur. Laurent. de Peirinis tom. 1. priuileg. Minim in Constit. 2. Sixti IV. §. 11. nu. 19. Similiter, miserabiles personæ, de quibus in hoc capite Concilium loquitur, sunt, Viduæ, Pupilli, Orphani, Senes, Decrepiti, diuturno morbo fatigati, Puellæ pauperes nobiles, Peregriini, Aduenæ, Cruci, Mutilati membris, atque similes. Rodriguez tom. 1. quæst. Regul. quæst. 65. art. 3. Regulares autem intra Claustra degentes per hoc Decretum Concilij in nullo casu possunt conueniri coram Ordinarijs. Ratio est, nam licet caput volentes (in quo Statuitur quod Ordinarius loci possit procedere contra exemptos ratione delicti, vel contractus extra loca exempta factorum, vel rei sitæ extra illa) innouatum sit in hoc Decreto: tamen Paulus V. in Bulla, quæ habetur tom. 3. Bullar. num. 34. inter Bullas huius Pontificis, approbat Decretum S. Congregationis, in quo ad instantiam Procuratoris Generalis nostri Ordinis ab eadem S. Congre-

gre-

gregatione declaratur : *Neque Constitutione in generali Concilio edita. qua incipit. Volentes, neque Decreto Concilij Tridētinij sess. 14. cap. 7. comprehendi Regulares; ideoque eos, iuxta eorum privilegia, coram suis Superioribus, vel Conseruatoribus esse conueniendos. Ga- uantus in Manual. Episcopor. verb. lura Regular. sub Episcop. num. 55.* Cui etiam consonat declaratio alia S. Congregat. ann. 1573. in hęc verba. *Dubitatum fuit, an Regulares possint ciuilitur coram Episcopo à creditoribus suis conueniri. Et fuit responsum, quod possint conueniri, si non sint sub Regulari obseruantia; at si sint sub Regulari obseruantia, non possunt conueniri coram Episcopo, quia habent proprium Superiorem, & nihil habent cum eis commune Episcopi propter exemptionem. Nauarrus comm. 2. de Regular. n. 63. Rodriguez tom. 2. quæst. Regul. quæst. 2. art. 8. Peirinis tom. 1. Priuileg. Minim. in Constit. 2. Sixti IV. §. 11. num. 30.*

11. Item ex eodem etiam Concilio sess. 5. cap. 1. *Si Abbates negligentes fuerint* (scilicet in habendo lectionem S. Scripturæ in Monasterijs, vbi commodè fieri queat) *Episcopi locorum, in hoc, vt Sedis Apostolica delegati eos ad id opportunis remedijs compellant. Quarantain Summ. Bull. verb. exemptio.* Sunt autem ista remedia opportuna Excommunicatio, vt habet Rodriguez tom. 2. q. 130. art. 2. *Vide supra cap. 9. num. 48.*

12. Præterea ex eodem Concil. sess. 25. de reformat. cap. 18. conceditur Episcopis, vt per Censuras possint procedere contra Regulares dantes, vel accipientes pro ingressu Nouitij aliquid per hęc verba. *Quin potius præcipit Sancta Synodus sub Anathematis pœna dantibus, & recipiētibus, ne hoc vllō modo fiat; & vt abeuntibus ante professionem omnia restituantur, quæ sua erant, quod vt rectè fiat, Episcopus etiam per Censuras Ecclesiasticas, si opus fuerit, compellat.* Rodriguez tom. 2. quæst. Regul. quæst. 63. art. 11. De subiectione Regularium ad Ordinarios, quando sunt extra Claustra Monasteriorum, dicemus cap. 16. præsertim num. 17. & 26. De subiectione Confessorum, & Cōcionatorum ad Episcopos dicemus cap. 19. & 20. Insuper de subiectione Monialium dicemus cap. 25. De subiectione quoque Religiosorum ad Episcopos, quoad dies festos celebrandos, & ad publicas processiones accedendum, diximus supra cap. 9. num. 46. & 47. Vbi etiam num. 29. de obligatione publicandi, & seruandi Censuras positas ab Episcopis.

13. Tenentur præterea Religiosi obedire Constitutionibus Synodalibus concernentibus actiones communes totius populi, & obseruantiz Regulari non derogantibus, vt de ieiunijs seruandis, celebrandis alijsque festis, & alijs huiusmodi; non quidem obediētiæ, cum Religiosi (loquor de exemptis) subditi non sint

sint Episcopis, sed debito, & iure naturali, quo sicut partes, & membra illius populi, tenentur se toti corpori conformare. Vasquez 1.2. *disput.* 167. *num.* 33. Sanchez *lib.* 4. in *Decalog.* *cap.* 15. *num.* 21. Qui bene, & propter eandem rationem, dicit teneri Regulares obsequere vota, & promissiones facta à populis, vel ciuitatibus, seu Episcopalibus, solum concernentibus reformationem Clericorum, non tenentur Regulares, cum nulla ratione illos comprehendant. Laurentius de Peirinis *tom.* 1. *privileg. Minim. in Constit.* 2. *Iulij* 11. *nu.* 67.

14 In prædictis autem casibus, in quibus Religiosi etiam exempti subduntur Episcopis à Concilio Tridentino, probabile est non posse compelli ad obediendum illis per Censuras Excommunicationis, &c. nisi forte hoc illis concedatur ab ipso Concilio. Ratio est primò, quia quoties Concilium voluit dare hanc auctoritatem Episcopis procedendi per Censuras contra Religiosos exemptos, id explicuit, ut in *sess.* 25. *cap.* 16. contra dantes, aut recipientes aliquid pro ingressu Nouitiorum, &c. 5. eiusdem *sess.* 10. pro restituenda, & conservanda clausura Sanctionum, & *sess.* 22. in *Decreto de observandis, & vitandis in celebratione Missæ*. Ergo signum est in alijs locis, & casibus, in quibus non explicuit talem auctoritatem concedi Episcopis supra Religiosos exemptos, noluisse illam habere. Sanchez *lib.* 7. de *Matrimon.* *disput.* 33. *num.* 22. & *lib.* 6. in *Decalog.* *cap.* 1. *num.* 14. Secundò propter multa privilegia, quæ ad id habent Mendicantes, præsertim Carmelitæ, ut infra dicetur à Sixto IV. & Societas Iesu à Pau. III. ann. 1549. ut videre est in *Comp. privileg.* *nu.* 23. & 24. Specialiter locorum Ordinarios, seu Prælatos non posse sententias excommunicationis, suspensionis, aut interdicti in Religiosos promulgare, concessit Martinus Quintus Fratribus Minoribus, quod idem habetur sub nomine Eugenij Quarti. Refertur etiam de hoc Indultum Sixti Quarti eisdem Fratribus Minoribus concessum. Eiusdem tamen Sixti Quarti extat copiosissima Concessio Fratribus Carmelitanis. Quod nullus Ordinarius, seu Legatus, quamcunque Superioritatem super prædictos Fratres sibi vindicare præsumat. Neque aliquis absque speciali commissione Sedis Apostolicæ faciente mentionem de verbo ad verbum de huiusmodi Indulto, valeat pronunciare, siue promulgare aliquas sententias Excommunicationis, seu alias Censuras super eisdem. Corduba *lib.* 3. *questionum quest.* 43. Rodriguez *to.* 2. *questionum Reg. quest.* 59. *art.* 5. Vide Bullam in *Specul. Ordinis* fol. 87.

15. Vnde non potest Episcopus declarare excommunicatum Regularem transgressorem alicuius legis, propter quam imposita est excommunicatio, siue à iure, siue ab homine, nisi hoc sit illi specialiter concessum. Ratio sumitur ex exemptione Regularium, & priuilegijs adductis. Quod etiam extenditur ad casum, in quo Regularis publicè perpetrasset crimine, propter quod imposita esset talis excommunicatio. Nauarrus *lib. 5. cons. de sent. excommunic. consil. 2. num. 2.* Citatio etiam facta Regulari ab Episcopo, vt compareat, quando id non est illi concessum, est ipso iure nulla, cum sit à Iudice non competente; comparere tamen decet, & allegare priuilegium exemptionis, & sic declinare. Henricus *lib. 7. de Indulgent. cap. 25.* Peirinis *tom. 1. de priuileg. Minim. in Consil. 2. Sixti IV. §. 10.*

16. Quàmuis etiam Religiosi immunes, & exempti sint à secularium Iudicum iurisdictione, ita vt de ipsis, aut eorum bonis, aut rebus, non liceat Iudicibus secularibus iudicare. *cap. diligenter de foro compet. c. nisi Clerici de Iudicij, c. 1. cum sequentib. 15. q. 1. & in Authent. statuimus de Episcop. & Clericis.* Nihilominus non sunt exempti à legibus ciuilibus, quæ non sunt contra libertatem Ecclesiasticam, sed ad bonam Reipublicæ administrationem sunt institutæ. Ratio est, quia Religiosi, sicut etiam aliæ personæ Ecclesiasticæ, sunt ciues, & membra Reipublicæ secularis, & subiaccēt capiti, scilicet Magistratui, vel Principi seculari, ergo tenentur legibus illius. Victoria *de potest. Ecclesiast. quest. 2. tit. vtrum Eccles. sint exemp. propof. 4.* Molina *tom. 1. de Iust. disp. 31. conclus. 6.* Illæ autem Leges Ciuiles dicuntur Ecclesiasticæ libertati contrariæ, quæ Ecclesiasticis tollunt ea, quæ iure diuino, Canonico, aut Imperiali maiori illis sunt concessa, vt si trahantur ad secularem Iudicem, vel si Leges illæ tantum pro Religiosis essent latæ, vt si feratur lex ne Monialis, aut Religiosus succedat in hereditatem iure sibi debitam, &c. Sotus *1. de Iust. q. 6. art. 7.* Subdantur autem Religiosi Legibus Ciuilibus solum quoad vim directiuam. Cum non possint cogi à seculari Iudice, sicut nec trahi ad ipsum. Rodriguez *1. tom. questionum Regul. quest. 66. art. 2. conclus. ult.* Vnde magis hæc obligatio videtur oriri ex iure naturali, quàm ex positiuo. Vide dicenda *num. sequenti.*

17. Similiter, licet Religiosi non subdantur pœnis taxatis per Leges Ciuiles, eò quòd, si tales pœnæ sunt latæ sententiæ, non possunt ligare illos, cum latæ non sint à Iudice competenti, sed à Iudice seculari, si verò sint ferendæ, non ab ipso Iudice seculari, sed à Regulari imponendæ sunt. (Vasquez *1. 2. quest. 96. art. 1. disp. 167. fin.* Rodriguez *1. tom. quest. Regul. quest. 66. art. 2.*

art. 2. §. 8. regul.) subduntur tamen Legibus Civilibus irritantibus contractus, & testamenta, nisi tali solemnitate, & modo fiant. Eò quòd hæ irritationes non sunt pœnæ, sed dispositiones Legum ad consulendum communi bono Reipublicæ. Vasquez 1. 2. q. 96. *art. 1. disput. 167. fin. Sanchez lib. 7. in Decalog. capit. 3. num. 20.* Deinde stare debent Religiosi Legibus taxantibus pretia rerum. Cum enim sint membra Reipublicæ, sicut alij ciues, stare debent eisdem communibus Legibus non contrarijs perfectioni statuti. Ac proinde subiacent Legi Civili prohibenti venationem certo tempore, aut extrahere triticum, vel granum extra Regnum, vel Prouinciam tempore penuriæ: Legique præcipienti occisionem locustarum, & aliorum animalium, quæ demoliantur messes, & vineas, & alijs similibus. Rodriguez *tom. 1. questionum Regul. quæst. 6. artic. 14. & quæst. 66. artic. 2.* Nunquam tamen Religiosi transgressores Legum, seu Constitutionum Civilium deferendi sunt ad Iudices seculares, sed ad suos Prælatos, qui pro grauitate transgressionis, & scandali inde sequiti, illos punire debet. Aliiter enim procedendo, contra Decreta in Bulla Cœnæ Domini fieret. Rodriguez *tom. 1. questionum Regul. quæst. 66. artic. 2. §. Na-na regula.*

18. Quamuis aliqui putent nomine Ordinariorum, à quorum Iurisdictione exēpti sunt Religiosi, intelligi etiam Legatos de Latere (Henriquez *lib. 7. cap. 25. num. 5.*) verius tamen est, Regulares non esse exemptos à Iurisdictione Legati à Latere; Nam esto, quòd aliqua Priuilegia Religionum Legatos etiam de Latere comprehēdant, per litteras tamen Legationis, vt credo; derogantur. Harum litterarum tenori attendendum est. Laurent. de Peirinis *tom. 1. priuileg. Minim. circa Constitutionem secundam Sixti Quarti §. 7.*

19. Clerici non exempti delinquentes in Monasterio Regularium, secundum aliquos, non subiiciuntur pœnis ab Episcopo impositis. Namper exemptionem loci Monasteria Regularium sunt quasi extra Diocesim existentia. Azor. *tom. 1. Institut. Moral. lib. 3. cap. 25. quæst. 4.* Laurent. de Peirinis *ut supra.* Sed tu vide Erasmus Cokier in tract. de Iurisdic. Ordin. in exemp. qu. 109. & 110.

20. Non possunt cogi Religiosi ab Episcopis ad assistendum synodis Diocesanis, exceptis Regularibus, qui curam animarum in Ecclesijs tenent. Ratio primæ partis est, quia Concilium Trident. *sess. 24. cap. 2.* expressè excipit eos ab hoc onere, qui Capitulis Generalibus subduntur. Ratio secundæ, quia prædicti sub sunt correctioni, & visitationi Episcopi, vt constat ex eodem

Conc.

Cone. Trid. sess. 25. cap. 11. ergo debent etiam cum illo assistere, synodis, ut informant, & informantur de necessarijs circa regimen animarum. Azor. tom. 2. Institut. Moral. lib. 3. capit. 47. quæst. 3. Peirinis tom. 1. privileg. Minim. in Constitut. 2. Iulij II. §. 25. num. 64.

21 Suspendio generaliter lata in Clericos, nisi ex verbis, aut alijs circumstantijs ad seculares tantum limitetur, comprehendit etiam Regulares, si lata sit ab habente potestatem super illos. Ratio est, quia etiam Regulares sunt verè Clerici, & Ecclesiastici. Suarez tomo 5. in 3. parte disputat. 28. section. 2. numero 8. & 9. Cornexo tomo 2. in 3. parte tractat. 5. de suspens. disput. 3. dubio 1. Insuper communitas Religiosorum, ut talis, bene potest suspendi, non autem excommunicari. Ratio est, quia excommunicatio est censura personalis, cum afficiat animam privando illam interioribus bonis, suspensio verò non est talis, cum solum priuet ministerijs per se pertinentibus ad bonum commune. Suarez ut supra sectione 3. numero 1. Cornexo etiam, ut supra. Vide dicta num. 14. & 15. & dicenda in sequenti num.

22 Potest Episcopus coniugem invalidè profectum, puta si sine consensu alterius coniugis professionem emisit ex Monasterio extrahere, & cogere ne detineatur. Ratio est, quia hoc non tam est agere contra privilegiatos, quàm exercere proprium munus, quod est Matrimonij iura observari facere. Si tamen Religiosi illius Monasterij habeant privilegium, quod non possint ab Ordinarijs excommunicari, suspendi, &c. iuxta dicta supra numero 14. & 15. non potest Episcopus contra illos per Censuras procedere. Sanchez libro 7. de Matrimon. disputat. 33. numero 21. & 23. Erasmus Chokier in tractat. de Iurisdictione. Ordin. in Exempt. parte 2. quæstione 45. numero 122. Potest tamen contra illos alijs poenis Canonice agere, ut puta depositione, collocazione in arctus Monasterium, quod idem dicendum cenfeo de alijs casibus, in quibus Episcopus procedit contra Regulares, & non per Censuras, de quibus in hoc capite. Sanchez ut supra. Henrriquez de Indulgent. libro 7. capit. 25. numero 7.

23 Indulgentiæ, quas Episcopi concedunt profectis Religiosis exemptis. Quia cum exemptio sit inducta in fauorem Religiosorum non debet illis aliquod incommodum, aut læsionem afferre, quod secus esset, si Indulgentias Episcopales lucrari non possent. Nauarrus tractat. de Indulgent. notab. 31. numero 12. versiculo addo 7. Bellarminus tractat. de Indulgent. lib. 1. cap. 11. quæst. 3. versic. quare cum.

24 Regulares non possunt compelli ad testimonium ferendam in causis Civilibus, nisi quando veritas aliter haberi non potest. Ita enim habetur in *cap. cum super*, & *cap. dilectorum de test. cog.* Quo etiam casu possunt compelli à suis Superioribus Regularibus ad testificandum coram Iudice Laico, vel Ecclesiastico; interest enim multum Reipublicæ, ut veritas pateat. Rodriguez *tom. 2. quest. 10. art. 2.* Laurentius de Peirinis *tom. 1. privileg. Minim. in Constitut. 2. Iulij Secundi numero 147.* Qui bene habent, quòd in causa sanguinis non possunt Regulares compelli ad testimonium ferendum; etiam quando veritas aliter haberi non potest, quod intellige in causa sanguinis ad condemnandum, non pro liberatione. Regulares autem esse idoneos testes, tam in causis Civilibus, quàm Criminalibus sui Monasterij probat Rodriguez *tomo 2. questione 11. articulo 1.* Peregrinus *prima pars Compend. privileg. sui Ordinis tit. testimonium libro 1. cap. 25.* Possunt emptores gabellarum exigere à Regularibus Iuramentum, quod res, v. g. triticum, vinum, &c. quæ per Duanam transiunt nomine dictorum Regularium sint ipsorum, & ad ipsorum usus deputatæ; & teneantur dicti Regulares ad menzam dictorum exigentium Iuramentum iurare, non vitendo aliquam equivocationem. Ratio est, quia licet absolute non possint Iudices, maxime seculares, compellere ad Iurandum Regulares, supposito tamen quòd velint isti res illas, quas dicunt esse ad usum proprium, sine solutione gabellæ relaxari, æquitas Iustitiæ postulat, ut possint ad iurandum compelli. Silvester *verb. Iuramentum 3. quest. 2. & verb. mendacium question. 6.* Sanchez *lib. 3. in Decalog. cap. 6. num. 35.* Pro hoc autem puncto, & præcedenti, vide Bonacinam *de Præceptis Decalogi dist. 4. punct. 9. & 1. per totum*, ubi tractat, qualiter interdiciatur Sacerdotibus, & Prelatis iurare in Iudicio, & in quibus casibus. Pro dictis etiam in toto hoc capite vide Gauantum in *Manuali Episcoporum. verb. Regularium Iura sub Episcopis per totum.*

De Religiosis quoad Obligationem recitandi
Diuinum Officium.

C A P. X I I.



OFFICIUM Diuinum dicitur series horarum
Canonicarum ab Ecclesiasticis ex præscripto
Ecclesię certis temporibus recitandum, ex an-
tiquissima Apostolorum, & Patrum traditione,
ipsiusque Ecclesię sanctę Institutione. Thomas
Vualdenſis de Sacramentalib. tom. 3. tit. de Horis
Canonic. à cap. 20.

2 Ad illud ſoluendum tenentur omnes Religioſi in Sacris Ordī-
nibus conſtituti. Ex cap. presbyt. de celebrat. Miſſ. & ex cap. do-
lentes etiam de celebrat. Miſſ. Et ex antiquiſſima conſuetudine. D.
Thomas quodlib. 6. art. 8. Sotus lib. 10. de Iuſt. q. 5. art. 3.

3 Tenentur etiam ad Officium Diuinum Religioſi profeſſi Cho-
ro deſtinati, etiam ſi in ſacris Ordinibus conſtituti non ſint. Ra-
tio eſt, quia licet ad id non obligentur ratione profeſſionis, cum
tantū Vota Religionis fuerint profeſſi, non autem recitare
Officium Diuinum; neque etiam ex præcepto aliquo Eccleſię,
cum non extet textus de tali præcepto; nihilominus antiqua, &
laudabilis Religionum conſuetudo ad id illos obligauit. Ioann.
Medina C. de orat. q. 7. Caietan. in Summ. verb. hora §. 1. Vnde ſi in
aliqua Religione talis conſuetudo non ſit, qualis dicitur eſſe in
Societate Ieſu, non erit talis obligatio. Graſſus 1. par. Deciſion.
lib. 3. cap. 5. num. 89. Prædicti verò Choro deſtinati, ſi ad Conuer-
ſos fuerint deiecti, non amplius tenebūtur ad Diuinum Officium.
Quia ceſſat fundamētum talis obligationis. Laurentius de Peiri-
nis. tomo 1. de Subdito quaſt. 1. de Obedien. cap. 24. §. 3.

4 Profeſſi autem, qui non ſunt choro deſtinati, v. g. Laici, ſeu
Conuerſi Religionum, non tenentur ad Officium Diuinum. Cum
nec ex vi profeſſionis Religioſę, nec ex præcepto aliquo Eccle-
ſiaſticæ, aut conſuetudine ad id obligentur. Rodríguez in Summ.
cap. 140. Addens, quòd etiam ſi caſu dato, aliquis ex iſtis Ordī-
nem ſacrum ſine licentia ſui Superioris ſuſciperet, non teneretur
dicere Officium Diuinum, ſed laborare tantū domeſticis operi-
bus Religionis. Tenentur tamen Conuerſi, ſeu Laici Religio-
num ad dicendas certas orationes *Pater noſter*, & *Aue Maria*,
iuxta Inſtitutum Regulę, vel Conſtitutionum, licet hæc obliga-
tio Regulariter ſaltem non ſit ſub mortali. Sotus 10. de Iuſt.

K 3 quaſt. 5.

quæst. 5. art. 3. Dixi *Regulariter*, quia Conuersi Ordinis Minorum tenentur sub mortali ad prædicta, ratione suæ Regulæ. Petrus Marchant in *expos. Reg. S. Francis. cap. 3. text. 2. tit. 2. q. 1.*

5 Nouitij autem Religionum (intellige nisi alijs sint in Sacris constituti) non tenentur ad Officium Diuinum, seu Horas Canonicas. Ratio est, tum quia reuera non sunt Religiosi, nec in onerosis sub hac voce comprehenduntur, tum quia nulla est lex, vel consuetudo ad id illos obligans. Suarez 2. *tomo de Relig. lib. 4. de horis cap. 17.*

6 Religiosi verò, qui ad Officium Diuinum tenentur, etiam si sint excommunicati, Suspensi, Interdicti, Depositi, aut Degradati ad idem Officium manent obligati. Ratio est, quia tales priuantur honoribus, non oneribus, recitatio verò Officij onus est, non honor. Nauarrus in *Summ. cap. 7. num. 17.* Cornexo 2. *tomo in 3. par. tract. 5. de Excomm. disput. 10. dub. 1.* Addens cum alijs, excommunicatum recitantem Officium non posse dicere, *Dominus vobiscum*, quia hoc verbum denotat ipsum dicere Officium non vt priuatâ personam. Vnde nec cum socio potest dicere Officium, quia hoc est cum alio in Diuinis communicare, quod est prohibitum illi. Cornexo *vt supra* post alios.

7 Religiosi expulsi, si sint in Sacris constituti, tenentur ad Officium recitandum ratione Ordinis Sacri, & præcepti Ecclesiastici adducti *supra num. 2.* Si verò non sint in Sacris constituti, etiam si alijs essent Choro destinati, non tenentur ad illud. Ratio est, quia quòd Professi non Ordinati teneantur ad Diuinum Officium solum est ex consuetudine, non est tamen talis consuetudo circa eiectos, præsertim, cum iam non sint amplius astricti Choro, aut Religioni. Sotus 7. *de Iustit. quæst. 2. artic. 1.* Suarez 4. *to. de Relig. tract. 8. lib. 3. cap. 6. num. 12.* Idem dico de Religiosis ad triremes damnatis, (licet Doctores aliqui omnino illos excusent ab onere dicendi Horas Canonicas) illi enim si in Sacris sunt constituti ad Officium tenentur, si illud commodè dicere possunt, sin verò non sint in Sacris, non tenentur. Propter rationem traditam. Bonacina *de horis Canonicis disput. 1. quæstione 2. punct. 2. numero 3.* De transeuntibus ad aliam Religionem, vide dicenda *cap. 22. nu. 19.* Monachus etiam habens facultatem viuendi perpetuò extra Monasterium, vel vxorem ducendi, si in Sacris Ordinibus constitutus non sit, immunis est ab onere dicendi Diuinum Officium. Quia, etsi talis verè Religiosus sit, Regularis tamen non est, vnde non obligatur cōsuetudine Religionis. Sanchez *de Matrim. lib. 8. disput. 8. num. 11.* Bonacina *vt supra nu. 4.* Qui bene secus dicit dicendum, cum Religiosus viuat extra

Con-

Conuentum solum per aliquod tempus.

8 Tenentur etiam ad Officium Moniales, non quidem ex aliquo præcepto Ecclesiastico, cum tale non extet, sed ex consuetudine, vt docet communis sententia. Nauarrus *de Orat. cap. 7. num. 2. & 5. argum. cap. 1. de Celebrat. Miss. & cap. final. 29. Azor. 1. p. lib. 10. cap. 6. quæst. 1.*

9 Tenentur præterea omnes Ecclesiæ Regulares psallere quotidie in Choro Horas Canonicas. Ita habetur *Clem. 1. de Regularib.* Licet autem hoc præceptum obliget vnamquamque Religionem magis, vel minus iuxta modum sui Instituti, probabilissimum tamen est obligationem hanc esse sub mortali. Quia ita est communiter receptum. Suarez *2. tomo de Relig. lib. 4. de Horis canon. cap. 10.* Cadit autem hæc obligatio præsertim in Prælatos Conuentuum, Monasteriorum; seu Ecclesiarum Regularium, vt curent, quod eius subditi satisfaciant huic muneri. Quia quoties obligatio aliqua cadit in corpus aliquod missicum, talis corporis capiti, seu Prælato incumbit curare, vt adimpleatur. Suarez *2. tomo de Relig. lib. 4. de Hor. Canon. cap. 10. & 4. tomo tractat. 8. lib. 1. cap. 11. num. 3.*

10 Quamuis omittens aliquam ex Horis Canonicis, aut partem notabilem Officij Diuini peccet mortaliter, vt tradunt communiter Doctores, eo quod transgrediatur præceptum in re grauius omittens tamen vno die septem Horas Canonicas, aut sex, non peccat totidem peccata mortalia, sed vnum tantum. Eo quod tantum transgrediatur vnum præceptum, seu vnam obligationem, scilicet integrè dicendi Officium Diuinum. Nauarrus *de Orat. cap. 7. num. 6.* Qui autem Officium, vel partem notabilem Officij vnus diei non recitauit, non tenetur illud altera die recitare. Quia Officium est onus diei, & ita transit cum die, sicut ieiunium, &c. Siluester *verb. Hora §. 17.*

11 Attentio, seu deuotio est necessaria recitantibus Horas Canonicas, seu Officium Diuinum. Ex Innoc. Tertio *in cap. Dolentes de Celebrat. Miss.* per hæc verba: *Districte precipimus in virtute Sanctæ Obedientiæ, vt Diuinum Officium, nocturnum pariter, ac diurnum, quantum eis Deus dederit, studiosè celebrent, pariter, & deuotè.* Sotus *10. de Iust. quæst. 5. art. 5. cõne. 6.* Imò hoc præceptum attentionis, seu deuotionis est obligans sub peccato mortali, nisi ex leuitate materiz, quando scilicet est defectus attentionis ad pauca verba, vel paucos versus, solum sit veniale. Suarez *tomo 2. de Relig. lib. 4. de Horis Canon. cap. 26.* Sufficiens autem adimpletur hoc præceptum attentionis ad Officium Diuinum ab eo, qui in initio Horæ Canonicæ proponit, & desi-

derat ad illam attendere, talemque voluntatem, & intentionem in progressu Orationis, ex proposito, & consilio non interrumpit. Quia ita interpretavit hoc præceptum maior pars virorum timoratz conscientiz. S. Thomas 2. 2. *quæst.* 33. *art.* 13. Sotus 10. *de Institut.* *quæst.* 5. *artic.* 5. Tunc autem censetur quis retrahere hanc voluntatem, quando advertens se non attendere ad Orationem, sed ad alia, non curat de hoc. Idem est implicite retrahere voluntatem, quam primò habuit. Suarez *tomo 2. de Relig. lib. 4. de Horis cap. 26.* Addens bene ex Caiet. in *Summ.* Oportere, quòd advertat se diverti ab Oratione. Quod est præ oculis habendum scrupulosus.

12 Dicere Horas Canonicas cum aliqua mutatione: aut corruptione, vel deglutiendo, aut sincopando verba, syllabas, aut versus, non solum est peccaminosum contra *Dolentes de celebr. Miss.* sed etiam erit peccatum mortale, quando ex tali modo dicendi Officium sequitur non dici integrè quoad partem notabilem. Quia hoc est idem, ac omittere partem notabilem Officii, quod est peccatum mortale. Nauarr. *cap. 10. de Orat. nu. 9.* Suarez *tomo 2. de Relig. lib. 4. de Hor. Can. cap. 13.*

13 Pro scrupulosis verò, qui non ex malitia, sed ob aliam causam committunt aliquos defectus in pronunciando, seu proferendo Officium Divinum, refertur Concessio Leonis Decimi Fratribus Minoribus, quòd scilicet, dicendo Horas Canonicas, & alia Officia Divina in Choro, vel extra, satisfaciant præcepto Capituli *Dolentes de Celebratione Miss.* de dicendo studiosè pariter, & devotè, ac etiam Regulæ suæ, etiam si propter aliquam fatigationem, vel aliam causam dicant sedendo, aut deambulando, vel non integrè verba proferendo, prout scripta sunt, propter negligentiam, aut impericiam, aut malam pronuntiationem naturalem, propter defectum linguæ; seu aliàs qualitercumque imperfectè dicant, aut cum animi distractione, ac sensuum vagatione, dum tamen non ex malitia hæc faciant. Et similiter concessit, quòd, qui cum talibus malè pronuntiantibus, vel alios supradictos defectus facientibus, dicunt Officium Divinum, non teneantur reiterare ab alijs imperfectè dicta, aut ab eis, non integrè audita, propter distantiam localem, vel strepitum, vel aliam causam, sed satisfaciant præcepto Ecclesiæ, aut Regulæ suæ, qualitercumque audiendo, quæ alij debent dicere, præsertim in Choro. Compend. privileg. Mendic. *verb. Offic. Divin. num. 8.* Rodriguez *tomo 1. questionum Regul. quæst. 42. articul. 2.* Hæc verò concessio (præterquam, ut dixi, solum pro scrupulosis, & timoratis intelligitur, non pro illis, qui ex malitia, id est voluntariè, malè,

& in-

& in deuotè recitant, ipsos enim non iuuat, vt ex intento, & verbis ipsius colligitur. (Miranda in *Manu. Pralat.* tomo 1. *quæst.* 37. *artic.* 12.) Vtteriùs his temporibus nullius momenti est, quia videtur esse viuz vocis oraculum, vt colligitur ex prædicto Compend. vbi annotatur o. paruo, quod est signum oraculi viuz vocis. Omnia etenim viuz vocis oracula, vt diximus supra *cap. 3. nu.* 21. sunt iam reuocata. Vnde quatenus concedit aliquid supra ius commune nihil valet. Quid vero secundùm ius commune sentiendum sit, ex dictis, & dicendis constabit.

14. Recitare Officium Diuinum, vel partem eius notabilem, exercendo aliquam actionem impediticiam attentionis debite, est peccatum mortale, vt si quis dum recitat, studeat, pingat, scribat, &c. Ratio est, quia hoc est idem, ac voluntariè non habere debitam attentionem. Si autem talis actio non impedit simpliciter attentionem debitam, vt est vestiri, deambulare, &c. tunc solum erit peccatum veniale. Quia est aliqua irreuerentia ita loqui cum Deo, & quia impeditur perfecta attentio. Suarez 2. *tomo de Relig. lib.* 4. *de Hor. Canon. cap.* 26. *num.* 21. Aliquando autem, nec erit hoc peccatum veniale, quando scilicet est necessitas ita faciendi, & sunt prædictæ actiones cum magna attentione ad Officium Diuinum. Rodriguez *tomo 1. quæstionum Regul. quæst.* 42. *art.* 2. Hinc recitans Officium Diuinum potest simul satisfacere præcepto audiendi Missam, saltem secundùm aliquos. Eò quòd ista duo ordinantur ad eundem finem, scilicet ad vacandum Deo. Tolet. *lib.* 2. *Summa cap.* 13. Similiter, qui peragit ea, quæ conducunt ad celebrationem Officij, vt sunt pulsare organa, thurificare altare, ponere, aut tollere libros pro cantu, &c. Propter eandem rationem. Rodriguez in *Summa cap.* 143. *num.* 2. Intellege tamen, dum modò hæc facientes etiam recitent Officium, quàm attentè potuerint.

15. Omnes Horæ Canonice, siue quæ publicè, siue quæ priuatè recitantur, dici debent debitis, & statutis temporibus, scilicet, à solis occasu vsquè ad ortum, Matutinum; Prima post ortum solis; Tertia, Sexta, & Nona ante prandium, seu Meridiem; Vesperæ post Meridiem (secus quadragesima, in qua ante prandium dici debent) & Completorium prope noctem. Ita colligitur ex *Clem. 1. de celebrat. Miss. & ex cap. 1. decretal. eodem tit. adiuncta consuetudine Ecclesiæ. Sorus lib.* 10. *de Iustit. & iure quæst.* 5. *artic.* 3. Nauarr. *de Grat. & Hor. Canonice. cap.* 3. *num.* 45. Vnde Horas publicas, quæ in Choro dicuntur, sine magna causa non dicere temporibus statutis, credo esse graue peccatum, propter Ecclesiæ consuetudinem. Secus quando priuatim dicuntur, si enim

si enim nulla causa subest, erit tantum veniale, causa tamen aliqua subsistente, nullum peccatum. Quia ita etiam consuetudine apud timoratos habetur. Sotus 10. *de Iustit. quæst. 5. articulo 3.* Nauarr. *de Orat. & Hor. Canon. cap. 3. numero 73.* Potest etiam dici Matutinum sequentis diei non solum post occasum solis, sed etiam ante illum, dictis Vesperis, & Completoriis quinque horis post meridiem, siue in hyeme, siue in æstate. Quia ita etiam consuetudine receptum est apud multos, etiam Romæ. Suarez 2. *tomo de Relig. lib. 4. cap. 27.* Pro quo etiam referuntur aliquæ concessionēs factæ Regularibus, quibus si certæ sint, & non sint viuz vocis oracula, quæ iam sunt annullata, vt dixi *num 13.* tollitur omnis scrupulus. Rodriguez *tomo 1. quæstionum Regul. q. 42. articulo. 18.*

16 Possunt extra Chorum separatim dici Matutinum, & Laudes: Cum de hoc nulla sit prohibitio iure communi. Nauarrus *cap. 33. numer. 64.* Quando autem separantur dicenda est Oratio Flessi, Pater noster, & Ave Maria in fine Matutini. Eò quòd tunc fit Matutinum diuersa Hora à Laudibus, & ita debet finiri sicut aliæ Horæ Canonice. Nauarrus, & alij. Causa etiam rationabili subsistente possunt per aliquod tempus separari. Noturni Matutinales. Propterea quòd antiquitus ita fiebat, & de hoc nulla est prohibitio. Suarez 2. *tomo de Relig. lib. 4. de Hor. Canon. cap. 6. num. 10.* Alias autem Horas Canonicas interrompere notabiliter, sine rationabili causa non licet. Eò quòd unitas vnius cuiusque Horæ Canonice spectat ad ritum recitandi illam, ab Ecclesia præscriptum. Hæc verò culpa quandoque erit venialis, quandoque mortalis, quod petendum est, tum ex temporis interruptione, tum ex causa, & sine illius. Suarez 2. *tomo de Relig. lib. 4. de Hor. Canon. cap. 24. à num. 9.* Qui autem interruptit Officium, causa aliqua rationabili subsistente, non est necesse reperat recitata, aut quòd incipiat à principio Horæ Canonice. Aragon. 2. 2. *quæst. 83. articulo. 12.* Rodriguez *in Summa cap. 141. num. 3.*

17 Inuertere ordinem dicendarum Horarum, vt si dicatur Prima ante Matutinum, vel Vesperæ ante Nonam, quando fit propter rationabilem causam nullum est peccatum: sine illa tamen, vel propter incuriam, aut negligentiam solum erit veniale. Quia ita fere communiter interpretatur hoc præceptum Ecclesiæ. Sotus 10. *de Iustit. & Iure quæst. 5. artic. 3.* Nauarrus *de Orat. & Hor. Canon. cap. 3. numer. 63.* Grauius autem peccatum, etsi veniale, videtur, dicere Matutinum sequentis diei ante perfolutum Officium diei præsentis, iusta aliqua causa non interuenien-

ueniente. Suarez 2. *tomo de Relig. lib. 4. cap. 24. num. 3.*

18 Quilibet Religiosus tenetur dicere Horas Canonicas iuxta Breuiarium pro suo Ordine approbatum. Ita sumitur *ex cap. de ijs, & cap. placuit dist. 12.* Caietanus *verb. Hora §. 2.* Hæc obligatio est sub mortali. Propter pœnas graues, quæ in dictis Iuribus ponuntur. Sotus 10. *de Iustit. & Iure quæst. 5. articul. 4.* Vnde Religiosus Carmelita, aut alius, proprium Breuiarium habens, non potest vti Breuiario Romano. Ratio sumitur ex Pio V. qui in Bulla quadam *Quod à nobis* Ann. 1568. edita, præcipiens ab omnibus recitandum esse Officium Diuinum per Breuiarium Romanum ab ipso approbatum, & correctum, eximit ab hac obligatione eos, qui vel ex institutione, vel ex consuetudine excedente ducentos annos alijs Breuarijs vti fuerint. Suarez 2. *tomo de Relig. lib. 4. de Hor. Canonic. cap. 23. nu. 9.* Neque obstat quòd ibidem Pontifex dicat *Eisdem, si fortè hoc nostrum* (intellige Breuiarium (quod modò promulgatum est, magis placet, dummodò Episcopuss & vniuersum Capitulum in eo consentiant, vt id in Choro dicere, & psallere possint permittimus. Ex quo inferunt aliqui auctores posse Religiosum, qui non tenetur vti Breuiario Romano, vti illo extra Chorum, etiam sine consensu Superioris, & Capituli, propter istam concessionem Pij V. Nauarrus *lib. 3. Consil. tit. de Celebrat. Miss. consil. 15.* Rodriguez *tomo 1. quæstionum Regul. quæst. 42. artel. 13.* In hoc tamen attendenda sunt consuetudo, & particularia iura Religionum speciali Breuiario vtiendum. Lege pro Carmelitis Bullam Gregor. XIII. in principio Breuarij ipsorum positam.

19 De Religiosis autè assumptis ad dignitates extra Ordinem, puta Cardinalatû, Episcopatum, Abbatiam, Parochiam, & c. an teneantur dicere Officium Diuinum iuxta ritum suæ Religionis, an verò Ecclesiæ, quibus præficiuntur, dicimus *cap. 17. num. 11.*
20 Mutare qualitatē Officij, vel Ordinem Breuarij, recitando scilicet de Sancto, eo die, quo debet celebrari de feria, aliqui volunt non esse peccatum mortale, saltem si per duas, aut tres vices hoc fiat. Rodriguez *tomo 1. quæst. 42. art. 8.* Miranda *tomo 1. quæst. 37. art. 13.* Verius tamen est talem immutationem facere, esse peccatum mortale in suo genere, nisi magna aliqua necessitas urgeat id faciendi, quia sic faciens contrariatur intentioni Ecclesiæ, quæ non vult aliter recitare Officium Diuinum, nisi iuxta Ordinem in Breuarijs approbatis dispositum. Suarez *tomo 2. de Relig. lib. 4. de Hor. Canonic. cap. 23. à num. 11.* Toletus in *Summa lib. 2. cap. 13.* Idem dicit de mutatione ritus in Officio dicendo, vt si celebretur duplici ritu Festum, quod non est nisi semidu-

miduplex, aut simplex. Pontifices enim, qui præcipiunt vti aliquo Breuiario non solum præcipiunt substantiam Festorum, sed etiam modum, & formam, quibus celebranda sunt. Gauantus in *Comm. in Rubric. Missali*. Augustin. Barbosa *de Offic. & Potest. Parochi cap. 10. num. 13.*

21 Religiosi vtentes Breuiario Romano non tenentur dicere, extra Chorum Officium paruum B. Virginis, bene tamen in Choro in illis Ecclesijs, in quibus erat consuetudo illud dicendi. Ita Pius V. in Bulla adducta supra num. 18. Vbi etiam illud recitantes Indulgentias concedit. Rodriguez 1. *tomo questionum Regul. quest. 42. artic. 14.* Extendit hoc de obligatione recitandi prædictum Officium ad Dominicas, & Festa semiduplic. si ad sit talis consuetudo, Gauantus in *Comm. in Rubr. Brev. tom. 2. sect. 9. cap. 1.* Vbi, & alia ad hoc. Religiosi autem non vtentes Breuiario Romano, (quales sunt nostri Carmelitæ,) tenentur ad id Officium B. Virginis, tam in Choro, quam extra, si in eorum Religionibus sit præceptum, aut consuetudo illud dicendi. Suarez 2. *tomo de Relig. lib. 4. de Hor. Canon. cap. 13. & 25.* Thomas de Iesu in *Expos. Regul. Carm. 3. par. cap. 7. dub. 4. §. 1.*

22 Ad Psalmos etiam Pœnitentiales, Graduales, & Officium Defunctorum, quæ dicuntur aliquot diebus Aduentus, & Quadragesimæ, non tenentur Religiosi vtentes Breuiario Romano. Quia ab hac obligatione illos exemit Pius V. in Bulla supra adducta, tam in Choro, quam extra, Indulgentias nihilominus recitantes illa concedens. Aragon. 2. 2. *quest. 3. art. 12. pag. 856.* Rodriguez 1. *tomo questionum Regul. quest. 42. art. 14.* Religiosi autem non vtentes Breuiario Romano, sed alio particulari, prout sunt Carmelitæ, tenentur ad supradicta recitanda, si ad sit præceptum, vel consuetudo in Religionibus ipsorum illa dicendi. Suarez 2. *tomo de Relig. lib. 4. de Hor. Canon. cap. 13. & 25.*

23 Tenentur etiam Religiosi tam vtentes, quam non vtentes Breuiario Romano ad dicendum Anniversarium Defunctorum, die 2. Nouembris, scilicet Vesperas cum Matutinis, & Laudibus. Quia hoc Anniversarium est pars Officij, eo die præscripti, ita vt beneficiatus, qui illud non recitaret, teneretur ad restitutionem fructus ad ratam. Suarez *de Hor. Canon. lib. 4. c. 25. num. 8. & 9.* Gauantus in *Comment. in Rubric. Breuiarij sect. 7. cap. 13.* Vbi etiam, Matutinum Defunctorum in prædicto die, recitandum esse manè, & non pridè. Barbosa *de Offic. Parochi cap. 10. num. 29.* Tenentur etiam ad Litanias cum Precibus in die S. Marci, & tribus diebus ante Ascensionem Domini, si non assistant Processionibus. Ratio est, quia ita præcipitur generaliter in Bre-

Bre-

Breuarijs, & iste est vsus Ecclesiæ. Suarez 2. *tomo de Relig. lib. 4. de Hor. Can. cap. 25.* Bonacina *de Horis Canonicis. disp. 1. quæst. 1. punct. 1. num. 13.*

24 Ad dicendum Ternaria Defunctorum, quæ ter in anno in Religionibus dici solent, videntur solum obligari Religiosos ex Ceremoniali, Constitutionibus, aut Consuetudine, & ita ex illis pensanda erit quanta sit hæc obligatio.

25 Excusantur à Diuino Officio persoluendo, primò infirmi, quos notabiliter offendit, vel aggrauat recitatio. Palud. *in 4. dist. 15. art. 2.* Nauarr. *cap. 25. num. 110.* Deinde vrgenter occupati circa negotium publicum, quod notabiliter impediretur Officii recitatione, ita vt non posset fieri conuenienter si diceretur Officium Diuinum, v. g. Prædicatio, &c. Siluester *ver. Horæ §. 18.* Et idem dico de vrgenter occupatis circa negotium, etiam priuatum, magni ponderis, vel etiam multum occupatis circa curam infirmorum. Quia in his omnibus casibus, vel similibus non est credendum obligare Ecclesiam ad Officium Diuinum cum tanto dispendio boni communis, vel particularis, proprii, vel alieni, si vtrique obligationi satisfieri non potest. Toletus *lib. 2. Summæ cap. 14.* Carentia autem Breuarij excusat Religiosum ab Officio Diuino, quando sine sui culpa, fuit illi perditum, vel ablatum, v. g. in itinere, mari, &c. Quia tunc moraliter est illi impossibile recitare. Quando autem voluntariè, vel per negligentiam culpabilem amisit Breuiarium, non excusatur. Quia tunc non recitatio erit illi voluntaria in sua causa. Suarez 2. *tomo de Relig. lib. 4. de Hor. Can. cap. 27.*

26 Quotiescunque autem Religiosus excusatur ab Officio Diuino recitando, excusatur etiam ab audiendo illud ab alio, qui illud recitet. Ratio est, quia præceptum impositum Ecclesiasticis non est de audiendo, sed de recitando Officio vocaliter, seu de illo pronunciando. Paludan. *in 4. dist. 15. quæst. 5. artic. 5.* Rodriguez *tomo 1. quæstionum Regul. quæst. 42. artic. 10.* Possunt tamen Religiosi etiam excusati à recitando Officio obligari ad illud audiendum, vt præcipitur in Constitutionibus Carmelit. *p. 1. cap. 20. §. 1.* Hæc tamen obligatio solum erit quanta fuerit Constitutionum Religionis.

27 Qui propter aliquam causam, infirmitatem scilicet, magnam occupationem, &c. excusantur à dicendo toto Officio Diuino, non tamen excusantur à dicendis illa, vel illis Horis Canonicis, quas commodè dicere possunt. Sicut qui debet centum, & non potest soluere nisi decem, tenetur decem soluere, & sicut, qui non potest ieiunare totam quadragesimam tenetur ieiunare illis

illis diebus, quibus potest. Suarez 2. *tomo de Relig. lib. 4. de Hor. Canon. cap. 27.* Qui tamen ab Officio Diuino sunt excusati, nullo iure tenentur ad dicendum aliquas Orationes, aut faciendum aliquod pium opus loco illius.

28 Cum Religiosis infirmis poterant Prælati Regulares in recitando Officio Diuino dispensare. Primò ex priuilegio concessò à Leone Decimo, scilicet, *quòd, siue propter febrem, aut dolorem intensum, vel aliam infirmitatem Fratres fuerint grauati, satisfaciant dicendo pro Horis Canonicis preces, hymnos, Pater noster, Ave Maria, vel alia iudicio Prælati, seu Præsidentis loci, aut Conuentus assignanda, & hoc quando Medicus corporalis (si commodè haberi potest) dixerit, infirmo esse sue saluti noxiuum recitare.* Sed quia hæc concessio fuit facta viuz vocis oraculo, vt refert Compend. priuileg. Mendicant. *verb. Offic. Diuin. 1. num. 10.* ideo his temporibus vacat. Poterant etiam secundò id facere, ex ampliori priuilegio Eugenij Quarti Monachis Benedictinis Hispaniarum, vt scilicet, quilibet pro tempore Abbas, Prior, siue Prælatus quorumlibet Monasteriorum præfatorum, liberè possint dispensare cum omnibus, & singulis præsentibus, & futuris Monachis quorumcunque Monasteriorum huiusmodi, qui si sine tædio non possunt dicere Horas Canonicas, quòd tempore infirmitatis, vel postquàm conualuerint, loco horarum, ac Officiorum, ad quæ aliàs tenebantur, dicant aliquid certum ad arbitrium ipsorum Superiorum; & non teneantur ad illud Officium Canonicum. Ac cum Prelatis ipsis simili modo quilibet Presbyter Monachus per quemvis eorum eligendus, etiam dispensare possit. Sed etiam hæc Concessio fuit viuz vocis oraculum, vt refertur in ipso Compend. priuileg. Mendic. *verb. infirmi Fratres nu. 8.* & sic nihil valet. Idem dico de alia concessione Martini V. facta Hieronymianis, propter eandem rationem. Nihilominus quarto pro infirmis, vel circa infirmorum curationem occupatis, ita vt non supersit eis congruum tempus ad Diuini Officij recitationem, concessit Pau. III. Congregationi Clericorum Regularium S. Pauli Decollati, *Vt infirmitate, aut circa infirmos occupatione huiusmodi durante, certum Psalmorum, per ipsum Superiorem eis assignandorum numerum, non minus septem, aut sex cum diuisione, & orationem Dominicam septies, ac symbolum Apostolorum bis; grauiter autem agrotantibus, Orationem Dominicam semel, salutationem Angelicam septies in die recitando, septem Horis Canonicis, & toti Diuino Officio satisfecisse censantur.* *tomo 1. Bullarj pag. 618.* Quo priuilegio vti possunt Regulares, qui habuerint communicationem priuilegiorum cum prædictis Patribus.

Sine

Sine hoc tamen, aut alijs priuilegijs, infirmi, quos notabiliter offendit, vel aggrauat recitatio, excusantur ab illa, vt diximus supra *num. 25.* Illi autem, quos non ita notabiliter, offendit, & aggrauat, si rationalis causa dispensandi subsit, possunt, stando in iure communi, & secluso priuilegio, dispensari à sui Prælatis, sicut & Clerici possunt dispensari ab Episcopis, cum Prælati Regulares habeant authoritatem quasi Episcopalem. Episcopi autem dispensant cum suis subditis in præceptis Ecclesiasticis, nisi quādo specialiter ex lege, vel consuetudine talis dispensatio reseruatur Papæ. Vide dicenda *cap. 18. num. 55.* Rodriguez *tomo 1. quæst. 42. artic. 5.* Sorbus *in addit. ad Compend. priuileg. Mendicant. verb. Offic. Diuin. 3.*

29 Quando, verò res est dubia, an ægrotudo Monachi excuset illum ad Officio recitando, consulendus est Medicus, & illius iudicio standum. Nauarr. *in Man. cap. 25. num. 100. et de Orat. cap. 11. num. 3.* Si verò Medicus manet dubius, tunc requiritur, & sufficit iudicium Prælati. Azor. *lib. 10. capit. 13.* Graffis *lib. 2. cap. 53. num. 2.* Fugiendi tamen sunt Medici parum timorati, & qui magna facilitate huiusmodi dispensationes solent concedere. Rodriguez *tomo 1. quæstionum Reg. quæst. 42. artic. 7.* Miranda *tomo 1. quæst. 37. art. 16.*

30 Pro occupatis autem extat primò priuilegiū Leonis Decimi concessum Fratris Minoribus, & per consequens gaudentibus ipsorum priuilegijs, vt scilicet, possint Officia Ferialia, quæ sunt prolixiora, anticipare, diebus quibus sunt otiosi, & Officia Festiua, quæ sunt breuiora, reseruare in illos dies, quibus credunt se fore occupatos Concionibus, & Confessionibus; modò id non faciant in fraudem, sed ad meliùs studendum, prædicandum, & Confessiones audiendum. Nauarr. *de Orat. cap. 19. n. 88.* Rodrig. *tomo 1. quæst. 42. artic. 5.* Nullus tamen eorum dicit, an hoc priuilegium sit viuz vocis oraculum; an non, si autem tale fuerit nihil valet iam, propter sæpius dicta de reuocatione istorum oraculorum à SS. D. N. Urbano. Secundò extat, hoc priuilegium Iulij II. Canonicis Regularibus sancti Saluatoris. Volumus, quòd, qui ex præfatis Canonicis, adeò Monasteriorum, suorum Officijs occupati, vt in Choro interesse, & Officiū Diuinum, vix sine labore, & tædio dicere, ac ipsa eis ratione officiorum huiusmodi incumbētia Charitatis opera implere nequeant, & qui ad Diuinum Officiū huiusmodi dicendum, adeo vel non docti, vel minus experti pro tempore existunt, dummodo in Saceris non sint Ordinibus constituti, licet professionem emisserint, tamen ad persoluendum totum Diuinum Officiū integrum, mini-

minimè teneantur, sed eorum Prælati, habita suorum supposito-
rum consideratione, ultra Officium B. M. Virginis ad quod ob-
ligati remaneant, iuxta dispensationem eis creditam, fœcorum
animabus expedire videbitur, aliquid dicendum iniungant, quod
cum animi alacritate valeant adimplere. Vide Bullam tom. 1. Bull.
Laertij Cherub. fol. 452. vbi etiam fol. 464. affertur simile priui-
legium Leonis X. pro Camaldulensibus.

31 Extat etiam priuilegium eiusdem Leon. X. concessum Fra-
tribus Minoribus, quòd scilicet, *ne mutuo se impediatur in officio
Diuino, aut alijs sint fastidiosi, quòd illa, qua in Ordinario iubentur
dici secretè sub silentio, non teneantur proferre vocaliter, sed sa-
tisfaciant dicendo mentaliter, aut legendo inter se librum.* Nauarrus
de Orat. cap. 19. num. 88. Rodriguez tomo 1. quaestionum Regul. q. 42.
art. 4. Quia tamen hoc priuilegium fuit viux vocis oraculum, hoc
omniaque talia oracula reuocata sunt à SS. D. N. Urbano, vt di-
ximus cap. 3. num. 21. ideo non possunt Religiosi vci tali priuile-
gio. Iure autem communi, sufficit dicere Officium Diuinum se-
cretò, dummodo formentur verba intra labia, & dentes, ibique
distinctè proferantur, etiam si non audiantur. Peirinis to. 1. pri-
uileg. Minim. in Const. 28. Leon. X. num. 4. Quod saltem est verum
quando officium priuatè dicitur.

32 Pro Religiosis etiam occupatis in Prædicationibus, aut ope-
ribus pietatis, vtputà Confessionibus audiendis, aut S. Theolo-
giæ, ac Canonum studijs, aut infirmis, vel infirmis seruientibus
extat Priuilegium Clem. VII. concessum Clericis Regularibus
Theatinis, quòd scilicet, Superiores illorum possint dispensare,
*Super recitatione Diuinorum Officiorum, ad hoc quòd ipsi occupati,
vel impediti, certum Psalmorum per ipsos Superiores eis assignando-
rum numerum, non minùs septem, aut sex, cum diuisione, ac Oratio-
nem Dominicam septies, symbolum Apostolum bis; grauius autem
agrotantes Orationem Dominicam semel, & salutationem Angelicam
septies in die recitâdo, septem horis Canoniceis, & toti Diuino Officio
satisfecisse censentur.* Vide Bullam tom. 1. Bullar. pag. 606. Vi-
de etiam Laurentium Peirinis tom. 1. priuileg. Minim. in Const. 28.
Leon. 10. num. 9.

33 Ad tollendos abusus in Officio Diuino recitando introdu-
ctos S. Congregatio Rituum, hæc decreuit die 8. Aprilis 1628.
ex mandato SS. D. N. Urbani: Primò. *Non potuisse, nec posse loco-
rum Ordinarios, tam Seculares, quam Regulares, addere Calendarijs
etiam proprijs, Sanctorum Officia, nisi ea dumtaxat, qua Bre-
uiarij Romani Rubricis, vel Sacre Rituum Congregationis, seu Se-
dis Apostolicæ licentia conceduntur.* Lege Gauantum Comment. in
Rubric.

Rubric. Breuiarij tom. 2. sect. 1. cap. 5. tit. 2. num. 9. & 10. Barboſam de Offic. & Poſeſt. Parochi cap. 10. num. 13. Inſuper vetuit, & prohibuit celebrari per totam Ciuitatem, vel Diœceſim, etiam de cuiuſque Ordinarij auctoritate, Miſſam, vel Feſtum cum Officio de Sâcto, eo quod in loco adſit Eccleſia Parochialis, vel Regularis, aut ali-qua Reliquia, ſed tantum in ipſius Sancti Eccleſia Titulari, ſeu ubi aſſeruatur inſignis Reliquia, & non alibi. Inſignes autem Reliquias declarauit eſſe Corpus, Caput, Brachium, Crus, aut illam partem Corporis, in qua paſſus eſt Martyr, modò ſit integra, & non parua, & legitime ab Ordinarijs approbata. Conſonat huic declarationi Ceremoniale Ordinis noſtri lib. 2. Rubric. 57. num. 5. Lege Gauantum vt ſupra ſect. 3. cap. 3. nu. 5. Item reiecit, dampnauit, & reprobauit eadem S. Congregatio Miſſas, quæ circumferuntur à Sacra Congregatione non approbatas, Sancti Gregorij pro Viuis, & Defunctis, XV. Auxiliatorum, & de Patre aeterno, & quæſcunque alias, exceptis ijs, quæ ſunt permiſſæ Regularibus tantum, veluti Roſarij, Sanctæ Mariæ de Garmelo, & alias, ſicut etiam Officia ab eadem non approbata. Quæ omnia decreuit, & obſeruari mandauit ſub pœnis contentis in Bullis Pij. V. initio Breuiarij, & Miſſalis poſitis, quod ſcilicet, non ſatiſſaciant muneri recitandi Diuini Officij; Quod verò ad vtentes ſupradictis Miſſis, ſub alijs pœnis contentis in Indice Librorum prohibitorum ex Decreto Sacri Concilij Tridentini edito. Et, ne præmiſſorum ignorantia vlllo vnquam tempore poſſit ab aliquo prætendi, neque obliuio poſſit irrepere, eadem S. Congregatio voluit, & mandauit, prout de facto video in Eccleſijs Vrbs obſeruari, Decreta huiusmodi affigi in Sacriſtijs omnium Eccleſiarum, tam Regularium, quàm Secularium, etiam Patriarchalium, Metropolitanarum, Cathedralium, Collegiatarum, & allarum quarumcunque in- eiſque perpetuò affixa aſſeruari. Vide dicenda cap. 21. num. 21. & 22. & Auguſtinum Barboſam de Offic. & Poſeſt. Parochi c. 10. n. 12. 17. & ſequentibus.

34 Item Gregorius XIII. in quodam Breui, quod incipit, *Paſſionalis Officij* ann. 1573. edito, aduertens, quod in Eccleſijs Hiſpaniæ conſeſſum erat, vt poſſent celebrare Officia propria Sancto- rum illius Prouinciæ, illiq. ſine plures numero, ideo declara- uit. Vnamquamque Hiſpaniæ Eccleſiam, eorum tantum Sancto- rum, qui in Breuiario non ſunt deſcripti, Officia propria celebra- re poſſe, qui vel illius Diœceſis ſunt naturales, vel eius Eccleſiæ, ſeu Diœceſis ſunt Patroni, vel eorum Corpora, ſeu notabiles re- liquiæ in ea Eccleſia, ſeu Diœceſi requieſcunt. De alijs verò San- ctis, etiam ſi ſint naturales, vel Patroni alterius Diœceſis, etiam

si illorum corpora, vel notabiles reliquię in aliqua Ecclesia alterius Diœcesis requiescant, non celebretur Officium proprium, sed seruetur ordo Breuiarii Romani. Et, quo die celebrabitur Festiuitas Patroni vnius Diœcesis, Religiones omnes teneantur eodem die in suis Ecclesijs intra limites illius Diœcesis existentibus eandem Festiuitatem celebrare, & in hoc cum Ecclesia Matrice se conforment. Quaranta *verb. Diuin. Officium.*

35 Item concessit, quòd quælibet Ecclesia, & Monasterium Hispaniæ habens reliquias insignes, puta caput, brachium, vel crus alicuius Sancti etiam alienigenæ non existentis in Breuiario, vel de quo in dicto Breuiario fit tantum commemoratio, possit illius Festiuitatem celebrare, & Officium duplex facere; & de alio Sancto eodem die occurrenti, si fuerit simplex, fiat commemoratio, si verò fuerit duplex, vel semiduplex, transferatur in primam diem simili festo non impeditam. Quaranta *in Summ. Bullar. vt supr. Vide ibi.*

36 Aduerte etiam quòd Clerici Seculares, Regularesue in Ciuitate, vel Diœcesi commorantes non tenentur recitare Officia propria Sanctorum illius Diœcesis, vel quæ de consuetudine in eadem Ecclesia recitantur in choro. Gauantus *in Comment. in Rubric. tomo 2. section. 1. cap. 5. tit. 3.* Nec obstat Gregor. XIII. num. 34. relatus; quia ibi loquitur de Patrono, & pro Ecclesijs Hispaniarum.

37 De Sancto cuius reliquia insignis habetur, & approbata, fieri potest officium duplex. Iuxta dicta *supra num. 35.* Gauantus *in Thesaur. 1. tomo par. 1. tit. 11.* De sancto verò, cuius reliquia non insignis habetur, si concedatur Officium, debet esse semiduplex, ad differentiam insignis reliquię. Barbosa *de Offic. Parochi cap. 10. num. 20.* Item de Sancto Canonizato non potest fieri Officium extra propriam Ecclesiam sine nouo decreto. Gauantus *in Thesaur. tomo 2. sect. 2. cap. 2. num. 30.* Barbosa *vt supr. num. 21.* Festum Patroni loci celebrari potest (imò, & debet) sed sine octaua, à Regularibus. Idem Gauantus. *2. tomo Thesaur. sect. 1. cap. 5. tit. 2. & in Man. Episcop. verb. Regular. iura sub Episcopis num. 28.* Titulus altaris, seu Capellæ celebrandus est sub ritu in Calendario descripto, si autem ibi non nominatur, ad illud altare celebrari poterunt Missę festiuarum cum Gloria in excelsis, sed Officium nullatenus fiat sine licentia Maiorum. Gauantus *ibidem sect. 3. cap. 12. num. 15.* August. Barbosa *de Offic. & Potest. Parochi cap. 10. d. num. 17.*

38 Quoties cadauera ad Ecclesias Fratrum Mendicantium deferuntur, officia mortuorum, ac reliqua munera, quæ in huiusmodi

modi Monasterijs fieri solent, non à Canonicis, neque Clero; sed ab eisdem fratribus obiri, ac peragi debent. Ita declarauit Sacra. Congregat. vt refert Peregrin. 2. par. *ius Compend. tit. sepultura in scholio §. 3.* Laurentius Peirin. to. 1. *privileg. Minim. in Constitut. 2. Iulij II. §. 21. nu. 57.*

39 Circa cultum Sanctorum, qui ab Ecclesia Canonizati, aut Beatificati non sunt, an maduerfione dignum est S.D.N. Urbanus decreuiffe in generali Congregatione Sanctæ, & vniuersalis Inquisitionis die 2. Octobris anno 1625. Vt habetur 4. *tomo Bullar. inter Constitutiones Urbani num. 37. Ne quorumvis hominum cum Sanctitatis seu martyrij fama quantacunque illa sit, defunctorum Imagines, cum laureolis, aut radijs, seu splendoribus factæ, & quodcunq. aliud venerationem, & cultum præferens, & indicans in Oratorijs, aut locis publicis, seu priuatis, vel Ecclesijs tam Secularibus, quàm Regularibus cuiuscunque Religionis, Ordinis, Instituti, Congregationis, aut Societatis, apponantur, antequam ab Apostolica sede Canonizentur, aut Beati declarentur; & si quæ appositæ sunt, amoueantur, prout eas statim amoueri mandauit.* Ac pariter imprimi de cætero inhiuit libros eorundem hominum, qui Sanctitatis, siue martyrij fama, vel opinione, vt præfertur, celebres è vita migrauerint, gesta, miracula, vel reuelationes, seu quæcunque beneficia, tamquam eorum intercessionibus à Deo accepta, continentes, sine recognitione, atque approbatione Ordinarij, qui in ijs recognoscendis Theologos, aliosq. pios, ac doctos viros in consiliũ adhibeat, & ne deinde fraus, aut error, aut aliquid nouũ, ac inordinatum in re tam graui committatur, negotium instructum ad Sedem Apostolicam transmittat, eiusq. responsum expectet. Reuelationes verò, & miracula, aliaq. beneficia supradicta, quæ in libris horum hominum vitam, & gesta continentibus, hætenus sine recognitione, atque approbatione huiusmodi impressa sunt, nullo modo approbata censeri vult, mandatq. sua Sanctitas. Ad horum hominum sepulchra vetuit etiam, ac inhiuit tabellas, atque Imagines ex cera, aut argëto, seu ex alia quacunque materia tam pictas, quàm scultas, atque exculptas appendi, seu affigi, & lampades, siue alia quæcunque lumina accendi, sine recognitione ab Ordinario, omnino prout supra, faciendæ; Sediq. Apostolicæ referendæ, ac approbandæ. Declarans, quòd per supra scripta præiudicari in aliquo non vult, neque intendit ijs, qui aut per communem Ecclesiæ consensum, vel immemorabilem temporis cursum, aut per Patrum, virorumque Sanctorum scripta, vel longissimi temporis scientia, ac tolerantia Sedis Apostolicæ, vel Ordinarij coluntur. Postea verò præcipiens Ordinarijs, & hæreticæ

prauitatis Inquisitoribus, ut vigilent ne aliqua contra prædicta fiant, his pœnis afficit delinquentes. *Transgressores verò si Regulares fuerint, priuationis suorum officiorum, ac vocis actiua, & passiva, nec non, & Suspensionis à diuinis, si verò Clerici seculares, priuationis pariter suorum officiorum, Suspensionis à diuinis, & ab administratione Sacramentorum, executioneque suorum Ordinum respectiui, alijsque arbitrio prædictorum Ordinariorum, seu Inquisitorum pro modo culpa infligendis pœnis plectendo. Qui autem libros imprefferint, aut Imagines pinxerint, sculpsierint, seu quouomodo affinxerint, vel formauerint, caterique artifices circa præmissa qualitercunque delinquentes, prædicta omnia amittant, & insuper pecuniarijs, alijsque etiam corporalibus pœnis, iuxta arbitrii officiantur. Postmodum verò idem S. D. N. à quibusdam reuocari in dubium accepit, an tabellas, & imagines, quas in posterum offerri contingerit, recipere, & antea oblatas cōseruare liceret? Pro quo Sâctitas sua declarauit, quod sicut nunquam prohibuit, nec sua intentionis fuit prohibere oblationē, receptionemq; tabellarum, & Imaginum huiusmodi: ita, ut nulli deinceps hesitationi locus relinquatur, statuit in presentiarum, & decreuit, ut quoties ad aliquam Ecclesiam, aut Oratorium, locumve alium publicum Secularem, seu Regularem, tabellas, & Imagines, aliudve simile quispiam detulerit, ac intercessionem hominum inter Sanctos, vel Beatos non adscriptorum, quamuis cum martyrij, vel sanctitatis fama demortuorum, optata se impetrauisse dixerit, liceat Ecclesiasticis personis Ecclesiarum, locorumve prædictorum cura Præpositis, tabellas, & Imagines, siue pictas, siue ex quauis materia factas, atque alia quæcunque collate gratia fidem facientia, simul cum deferentis, aliorumq. qui consensu fuerint attestationibus recipere, atque approbantibus Ordinarijs, ad quos referre, statim omnia teneantur, in secreto aliquo seorsum ab Ecclesia loca custodire, ibidemque iam amota collocare, & asseruare, ut si quando Dominus talium virorū meritis Beatificationis, seu Canonizationis honore in terris decorare voluerit, extent huiusmodi Sanctitatis qualiscunque probationes Apostolicæ Sedis Iudicio tunc examinanda. Peririnis tomo 1. priuil. Minim. in Conf. 3. Leo. X.*

40 Circa quæ primò aduertendum est, licere Sanctos non Canonizatos, neque Beatificatos, qui scilicet cum opinione sanctitatis e viuis decesserunt priuatim colere, dum modò id non fiat aliquo modo ex prohibitis in hoc decreto. Cum hoc nullo inrè sit interdictum, quin à cōtrario videatur colligi ex cap. 2. de Reliq. & Vener. Sanct. quatenus ibi prohibetur publicus cultus. Bellarm. tomo 2. controu. 4. lib. 3. cap. 10. Sanchez lib. 2. in Decalog.

cap. 43. nu. 3. Secundò licere eos priuatim inuocare. Propter eandem rationem. *Azor. par. 2. lib. 5. cap. 6. quæst. 8.* Tertiò non licere eis solemnes, aut publicas preces offerre, & multo minus templa, & altaria erigere, aut Sacra in eorum honorem dicere. Ex dicto *capit. 2. de Reliq. & Venerat. Sanctior. Laurentius de Peirinis tomo 1. priuileg. Minimer. in Constitut. 3. Leon. X. vi su-
pra.*

41 Pro ijs autem, quæ Regulares possunt facere in suis Ecclesijs, extant sequentes declarationes Sac. Congregat. Cardinalium Concilij missæ ad Eminentissimum Cardinalem Ludouisium Archiepiscopum Bononiensem, & Principem 2. Iulij ann. 1620. Cum enim à Sac. Congregatione quæsitum fuisset per Curatos illius Ciuitatis, Primò, an Regulares possent annunciare dies festos, & ieiunia in suis Ecclesijs ad altare in celebratione Missæ? Secundò, an possent recipere ea, quæ offeruntur, & dare pacem populo ad Missam? Tertiò, an possent portare pluuiale, aut stolam, per Parochiam extra Ecclesiam, aut Claustrum? Quartò, an quando vocantur ad sepulturam mortuorum debeant accedere ad domum vbi est corpus defuncti, an verò ad Ecclesiam Parochialem, vbi Clerus congregari consuevit, aut expectare in via? Quintò, an possent celebrare primam Missam in eorum Ecclesijs ante Missam Curati? Sextò, an possent infra Missam publicare ordinationes D. Cardinal. Archiepiscopi, Matrimonio, & alia quæ occurrunt? Septimò, an possent prædicare in eorum Ecclesijs tempore Aduentus, Quadragesimæ, & infra annum, quando prædicatur in Ecclesia parochiali? Octauò, an possent extra eorum Ecclesias, aut Claustra, portare pluuiale, aut stolam, quando faciunt processiones sui Ordinis? Nonò, an possent in eorum Ecclesijs recipere mulieres ad purificationem post partum? Decimò, an cum fratres aliqui extra Monasterium moriuntur, & à Curatis Sacramenta receperunt, possent ab eorum Superioribus ad suas Ecclesias deferri, Parochis inconsultis? Vndecimò, an quâdo moritur aliquis Superior Religiosorum, vel Magister, aut Cathedra-ricus, possent corpus illius portare per Ciuitatem per plateas, & alias Parochias cum musica, & ritibus extraordinarijs, aut illi imponere pluuiale, sine interuentu Parochi? Duodecimò, an Religiosi possint ad celebrandum in suis Ecclesijs Presbyteros extraneos non habentes licentiam à sua Illustriss. Dominat. vel eius Vicario, si hoc prohibitum sit ab eodem Illustrissimo. Tertiodecimò, an possent recipere, triticum, vvas, ligna, & similia, antequam Parochus receperit suas primitias? Quartodecimò, an possent in Hebdomada sancta benedicere.

re domos in Diœcesi existentes, cum hoc sit munus Parochi, ut habetur in nouo rituali Romano? Sacra Congregatio Cardinalium Concilij Interpretum ad singula capita proposita in hunc modum respondit. Ad primum. *Regulares non prohiberi dies festos, & ieiunia in suis Ecclesiis annuntiare.* An verò ad id faciendū cogi possint ab Episcopo tractat Barbosa *de Offic. Parochi cap. 16. num. 26.* Ad secundum. *Respondit posse, dummodò à perambulationibus per Ecclesiam, ac similibus eleemosynarum extorsionibus abstineant.* Ad tertium. *Non posse.* Ad quartum. *Debere ad parochialem Ecclesiam accedere, ubi Clerus congregari consuevit.* Pro quo vide Barbosam ibidem *cap. 26. n. 63. & sequentib.* Ad quintum. *Prohiberi non posse, quominus Missa in Ecclesiis Regularium celebretur ante Missam parochialis Ecclesia.* Vide dicenda *cap. 21. num. 17.* Ad sextum. *Non posse publicare Matrimonia.* Ad septimum. *Posse, petita tamen benedictione ab Illustrissimo Archiepiscopo.* Ad octauum. *Non licere Regularibus huiusmodi processiones facere extra Ecclesias, & ambitum illarum.* Pro quo etiam vide alia apud eundem Barbosam *de Offic. & Potestate Parochi cap. 12. à num. 13.* Ad nonum. *Regulares non prohiberi in eorum Ecclesiis mulieres post partum ad purificationem admittere.* Ad decimum. *Regulares extra claustra decedentes posse ad eorum Ecclesias deferri, etiam Parochis inconsultis.* Barbosa *ut supra n. 68. cap. 26.* Ad vndecimum. *Non posse.* Ad duodecimum. *Non licere Regularibus in suis Ecclesiis ad celebrandum admittere Presbyteros seculares contra prohibitionem Illustrissimi Archiepiscopi.* Ad tertiumdecimum. *Non esse id prohibitum Regularibus.* Ad quartumdecimum. *Non posse.* Vide circa hoc eundem Augustinum Barbosam *ut supra nu. 12. capit. 12.* Vide etiam Laurentium de Peirinis *tomo 2. priuileg. Minor. in Constitution. 7. Py V. §. 10.*

De obligationibus Regularium, quoad habitum Religiosum portandum.

C A P. XIII.

QUAMVIS iuxta commune dictum, quod etiam approbat Concilium Trident. *sess. 14. cap. 6.* habitus non faciat Monachum; nihilominus, quia est signum Religionis, quam Religiosi profitentur, ideo aliter sunt singuli ad portandum habitum Religiosum semper, & in omni occasione;

ita ut contrarium facientes peccent quandoque mortaliter, quandoque venialiter, nisi in casibus inferius assignandis. *Cap. 2. ne Clerici, vel Monachi in 6. ca. Vidua 20. quest. 1. & ca. Simonialis d. 23.*

1 Hinc Religiosi omnes temerè habitum suæ Religionis dimittentes sunt excommunicati excommunicatione maiori nulli reservata, in *cap. 2. ne Clerici, vel Monachi in 6.* Comprehenditque hæc excommunicatio non solum Religiosos illarum Religionum, quæ tempore huius legis erant, sed etiam quoscunque alios futuros. Lex enim generalis, & perpetua afficit non solum natos, sed & in posterum nascituros. Bonacina *de Clausura q. 2. punct. 2. §. 23.* Dicuntur autem temerè habitum dimittere, qui sine iusta, aut honesta causa illum dimittunt. Vnde si quis Religiosus transiturus per loca Hæreticorum, aut Turcarum, aut aliorum hostium Religiosi habitus, habitum dimitteret, non incurreret hanc excommunicationem. Eò quòd tunc esset iusta causa illum dimittendi. Suarez *5. tomo in 3. par. disput. 23. sect. 4.* Nec etiam illam incurreret, qui ex ignorantia huius canonis habitum dimitteret, Quia dictio illa *temerè*, idem significat, quòd scienter, iuxta dicta *cap. 10. n. 33.* Suarez *10. 5. in 3. p. disput. 4. sect. 10. num. 3.* Sanchez *lib. 9. de Matrimon. disp. 32. num. 38.* Nec etiam incurreret illam, qui est captivus inter Turcas, si Turcæ non permittant portare habitum. Quia tunc est causa rationabilis dimittendi illum. Hieronym. Gratian. in *discipl. Regul. cap. 3. §. 1.*

3 Incurritur tamen hæc excommunicatio, etiam si is, qui dimittit habitum, non hoc faciat animo apostatandi. Eò quòd talis conditio non assignatur in dicto *cap. 2. ne Clerici*, nec includatur in dimissione habitus, cum possit esse aliquis apostata cum habitu, si recedat à Religione animo deferendi illam in per-

petuum, & non apostata dimittendo illum, si relinquat illum non animo dicto. Palud. in 4. *distinct.* 18. *quest.* 3. *artic.* 3. *num.* 41. Nauarrus *lib.* 5. *consil.* *tit. de apostat. conf. vnic.*

4 Incurritur etiam hæc excommunicatio, etiam si hæc habitus dimissio solum sit per aliquod tempus. Eò quòd decisio textus in dicto *cap. 2. ne Clerici* loquitur absolute. Caietan. in *Summa verb. excommunicat. cap. 61.* Sanchez *lib. 6. in Decalog. cap. 8. num.* 48. Si autem sit per tam breue tempus, vt moraliter loquendo, secundum prudentium æstimationem, potius spoliatio, quàm dimissio habitus dicatur, non incurritur. Cum textus solum loquatur de missione habitus, & cum sit lex pœnalis non sit extendenda ultra verborum proprietatem. Bñez 2. 2. *q.* 12. *art.* 1. *dub.* 2. Azor. *lib.* 12. *Institut. Moral. cap.* 13. *quest.* 5. *casu* 16. Quod intellige, etiam si fiat animo faciendi paruo illo tempore aliquam rem minus licitam, aut etiam illicitam, seu turpem. Propter eandem rationem. Nauarrus in *Summa cap.* 26. *nu.* 131. Azor. *tomo* 1. *Instit. Moral. lib.* 12. *cap.* 13. *quest.* 5. *casu* 16. Extenditur etiam ad illum, qui breui illo tempore dimitteret habitum causa diuagandi, aut eundi ad quemcunque locum. Sanchez *lib.* 6. in *Decalog. cap.* 8. *nu.* 56.

5 Incurritur etiam hæc excommunicatio, etiam si habitus dimissio fiat intra Monasterium. Quia textus dicti *capitis* 2. non petit Monachi euagationem extra Cœnobium, sed solam habitus dimissionem, maximè præbentem occasionem ad vagandum, qualis est ista. Siluester *verb. excommunic. 9. capit.* 25. *num.* 55. Sairus de *Censuris lib.* 3. *cap.* 33. *num.* 19. Hinc dimittere Religiosum suum habitum, etiam in Monasterio, & indui veste fœminea propter ludum laruarum, vel aliquam comœdiam faciendam, quidam dicunt esse peccatum mortale. Si tamen fiat ob honestam recreationem, eutropeliam, vel alium honestum finem, debitque pensatis circumstantijs, quantum est ex se, & sua natura non erit peccatum, saltem mortale; licet semper sit periculosum propter infirmitatem, & corruptionem naturæ. Grassis 1. *parte Decis. lib.* 3. *cap.* 5. *num.* 77.

6 Incurreret etiam hanc excommunicationem Religiosus, qui habitum suæ Religionis dimittit, & alterius Religionis induit. Ratio est, quia iste talis verè comprehenditur in illo canone c. 2. *ne Clerici* cum verè habitum suæ Religionis dimittat. Bñez 2. 2. *disput.* 1. *quest.* 12. *art.* 1. Sairus de *Censuris lib.* 3. *cap.* 38. Quando tamen dimissio proprii habitus, & assumptio habitus alterius Religionis sit propter rationabilem causam, vt scilicet, quia debet esse in illa Religione talis Religiosus per aliquod tempus, vel

vel in ea prædicare, docere, &c. vel ob aliam iustam, & honestam causam, credo quòd tunc non incurret hanc excommunicationem. Eò quòd in prædictis casibus non est temeraria, sed rationabilis, & honesta talis dimissio habitus, textus autem loquitur de temeraria dimissione. Bañez 2. 2. *disput.* 1. *quest.* 12. *art.* 1. *dub.* 2. & ex parte Azor. *to.* 1. *lib.* 12. *Institut. Moral.* *cap.* 17. *quest.* 14. Si verò assumptio habitus alterius Religionis sit transseundo ad illam illicitè, & contra iura, quamvis multi probabiliter dicant iucurri tunc hanc excommunicationem, vt Nauarrus in *Summa* *cap.* 27. & Suarez 5. *tomo* in 3. *par.* *dispu.* 23. *sect.* 4. Probabilius tamen est contrarium. Eò quòd textus in *illo* *cap.* 2. *ne Clerici* eam habitus dimissionem excommunicationi subijcit, quæ attentis circumstantiis est periculosa ad vagandum, & vt credo ad mala perpetrandum; hæc autem non est ita. Aragon. 2. 2. *quest.* 12. *art.* 1. Lessius 2. *de Iust. & Iure* *cap.* 41. *dub.* 13.

7 Etiam in lecto, aut dormiens tenetur Religiosus habitum suæ Religionis portare, & peccat illum dimittendo. Quia ita videtur præcipi ab Ecclesia in *ca. vidua* 20. *quest.* 1. Vbi dicitur, *seu in lectulo quiescens, siue in quocunque loco consistens constanter utatur apta Religionis professioni veste*. Fere idem habetur *ca. Sanctimonialis* *dist.* 23. Quantum autem sit hoc peccatum? Quidam dicunt esse mortale. Grassis *lib.* 3. *Decis.* *cap.* 5. *num.* 75. Quod admitti posset respectu illorum, qui omnino nudi, etiam sine camisia, causa aliqua non urgente, in lecto dormirent. Alios autem, qui aliqua decete veste, aut tunica induti dormiunt sine habitu suæ Religionis solum credo peccare venialiter. Quia decreta adducta non amplius petunt. Imò etiam à veniali peccato excusarem illos, qui ob rationabilem causam solum paruo habitu suæ Religionis cum tunica interiori induti dormiunt. Quia ita videtur consuetudine introductum etiam inter magis timoratos. Suarez 4. *tomo* de *Relig.* *lib.* 1. *cap.* 5. *nu.* 18. Consulendæ in hoc sunt leges, & consuetudines particularium Religionum.

8 Illum, qui etsi non dimittat habitum suæ Religionis, illum, tamen omnino occultat, ita vt nullo modo appareat, absque rationabili causa, probabilius est, incurrere prædictam excommunicationem, *cap.* 2. *ne Clerici*. Ratio est, quia moraliter loquendo, & in ordine ad notitiam aspicientium idem est omnino occultare habitum, ac illum dimittere, sicut idem erit ludæum inter Christianos commemoratè occultare illud signum, quod portat, ac illud dimittere, atque ita eadem pœna punietur. Pariter ergo in præsentī, & quoad intentum huius legis idem erit omnino occultare habitum, ac illum relinquere. Atque ita utroque

modo

modo incurreretur hæc excommunicatio. Nauarrus in *Summa*, cap. 27. Bañez 2.2. *disput.* 1. *quest.* 12. *puncto* 1. Sicut autem relinquere habitum propter grauem necessitatem, v. g. tuendi vitam, vel vitandi graue aliquod damnum, vel scandalum, excusat ab hac excommunicatione, iuxta dicta *supra* num. 2. sic etiam omnino illum occultare excusabit ab illa in prædictis, aut similibus casibus. Ratio est eadem, quia leges humanæ non censentur obligare cum tanto dispendio, præsertim, quia occultare habitum in casibus assignatis non est temeraria occultatio, aut dimissio, sed prudens, & rationalis. Suarez 4. *tomo de Relig. tract.* 8. *lib.* 1. *cap.* 5. *num.* 13.

9 Potest dispensari cum Religioso quod omnino non habeat habitum, vel saltem quod illum deferat occultum: cum hæc obseruantia non sit de essentia status Religiosi. In hoc tamen solus Pontifex dispensare potest, quia ad illum spectat in iure communi dispensare. Suarez 4. *tomo de Relig. tract.* 8. *lib.* 1. *cap.* 5. *n.* 15. & 16. Vnde in Concil. Tridentin. *sess.* 25. *cap.* 19. præcipitur, *ne detur licentia cuiusque Regulari occultè ferendi habitum suæ Religionis.*

10 Qui habitum Regularem mutat in habitum secularem, si ferio id faciat, & ut pro illo tempore secularis appareat, etiam si tempus breue sit, probabile est peccare mortaliter, & incurrere excommunicationem adductam. Ratio est, quia talis mutatio quantumvis pro breui illo tempore facta videtur materia grauis, & habere notabilem deformitatem repugnantem statui Religioso. Nauarrus *Cons. de apostas.* num. 6. Rosella *verb. excommunicatio.* Si verò talis mutatio habitus fiat non ferio, sed ludi causa ad representandum, vel quid simile, non erit peccatum, præsertim mortale, neque propterea incurrerit sic faciens excommunicationem. Suarez 4. *tomo de Relig. tract.* 8. *lib.* 1. *cap.* 5. *n.* 9. Vide *supra* num. 5.

11 Loquendo autem de eo, qui mutat, aut occultat non totum habitum, sed partem illius, dicendum est: quod si sit talis mutatio, aut occultatio partis, quod ex reliquo cognosci non possit, an talis persona Religiosa sit, nec ne, committitur peccatum mortale sufficiens ad excommunicationem; quia est grauis transgressio legis, & quoad materiam & quoad finem ipsius, qui est, quod persona Religiosa cognoscatur, & habeatur ut talis. Si verò pars habitus, quæ remanet immutata, & apparens, sit talis, quæ sufficienter manifestet personam illam esse Religiosam, non peccabit saltem mortaliter, nec incurrerit censuram. Quia reuera non dimittit, neque occultat proprium statum. Suarez *tom.* 4.

de

Quoad habitum Religiosum portand. Cap. XIII. 171

de Relig. tract. 8. lib. 1. c. 5. n. 11. Bonac. de clausura q. 2. punct. 2. §. 8. 12. Contra illos, qui habitum Carmelitarum deferre audent, vel ita confimilem, vt propter eum Carmelitæ credi possint, absque Sedis Apostolicæ mandato speciali, possunt procedere Diocesani per censuram Ecclesiasticam. Ita concessit Sixtus IV. in Bulla *dum attenta, in specul. Ordin. fol. 89. & 90.* Eadem prohibitio, quod nullus possit habitum confimilem habitui Minimorum portare, facta est à Leon. X. Laurentius de Peirinis *tomo 1. priuileg. Minim. in Const. 2. Iulij II. §. 18. num. 53.* Consulenda etiam sunt priuilegia aliarum Religionum.

De Obligationibus Regularium, quoad Sacros Ordines suscipiendos.

C A P. X I V.

M O D O post Concilium Tridentinum nullo modo possunt Religiosi ante ætatem ab ipso præscriptam, nempe *ad Subdiaconatus Ordinem ante vigesimumsecundum, ad Diaconatus ante vigesimumtertium, ad Presbyteratus ante vigesimumquintum atatis annum* promoueri, priuilegijs quibuscunque *quoad hoc penitus exclusis.* Concil. Trid. *sess. 23. cap. 12.* Nec ad hoc iuuat priuilegium quoddam, quo Pius V. viuz vocis oraculo dicitur concessisse Regularibus, posse vti in foro Conscientiæ omnibus suis priuilegijs etiam derogatis à Concil. Tridentino. Tum quia hoc est valde incertum. Tum quia etiam si esset certum, est reuocatum à Sixto V. in Constitutione *Sanctum, & Salutare* contra male promotos edita, quia strictè præcipit obseruari Concilium Tridentinum, contrarijs quibuscunque non obstantibus. Quæ Constitutio Sixti V. non est à Clem. VIII. quoad hoc moderata in Bulla quæ incipit *Romanum Pontificem* ann. 1595. edita, & habetur 3. *tomo Bullar. nu. 40.* Quia in ea solum fuit moderata prædicta Constitutio Sixti V. quoad pœnas, & censuras in ea contentas *contra quoscunque, præterquam contra Symoniacè ordinantes, & ordinatos.* Quoad reliqua verò reducta est ad terminos sacrorum Canonum, Constitutionis Pij II. & decretorum Concilij Tridentini. Cum ergo à Concilio Tridentin. præscripta sit ætas ordinandorum, exclusis quibuscunque priuilegijs, nullo pacto ante illam possunt Religiosi Ordinari. Miranda in *Man. tomo 1. quæst. 39. ar. 1.* Omitto id, quod

quod sæpius dixi, videlicet omnia huiusmodi viuz vocis oracula annullata fuisse à Sanctiss. D. N. Urbano VIII. ac per consequens huiusmodi viuz vocis oraculum Pij V. esto quòd fuisset verum, iam nullius est momenti. Vide dicta *cap. 3. num. 21.*

2 Vnde Religiosi suscipientes Ordines ante legitimam ætatem remanent suspensi, & , *si huiusmodi suspensione durante in eisdem Ordinibus ministrare præsumperint, eo ipso irregularitatem incurrun-
t.* Ita statuit Pius II. in Bulla *Cum ex Sacrorum* ann. 1461. edita, in *tomo 1. Bullarij* inter Bullas huius Pontificis *num. 7.* Huiusmodi autem suspensio solùm est ab executione illius Ordinis, ante legitimam ætatem suscepti, vt patet in illis verbis *in eisdem Ordinibus ministrare præsumperint.* Vnde non impedit vltim, aliorum Ordinum legitimè susceptorum. Suarez de *Censuris disput. 31. sect. 1.* Quaranta in *Summa Bullar. verb. Ordo.* Permanet autem hæc suspensio non solùm vsque ad legitimam ætatem superuenientem, sed ea etiam superueniente, vsque ad dispensationem, seu absolutionem. Tolet. in *Summa lib. 1. cap. 61. Cor-
nexo to. 2. in 3. par. disput. 4. de Suspensione dub. 1.*

3 Eandem suspensionem incurrunt, *qui absque dispensatione Canonica, aut legitima licentia, siue extra tempora iure statuta, vel absque dimissorijs litteris ad aliquem ex Sacris Ordinibus se fecerint promoueri.* Ita statuit Pius II. in Bulla adducta, & Sixtus V. etiam in Bulla illa *Sanctum, & Salutare*, quæ est 91. inter Bullas huius Pontificis. Miranda in *Man. tomo 1. disput. 39. art. 6. Cor-
nexo vt supra* Vide infra *num. 18. & 19.*

4 Hanc autem suspensionem non incurrere illos, qui non ex dolo, aut malitia, sed bona fide, aut probabili ignorantia crederent, posse suscipere Ordines ante legitimam ætatem, extra tempora, vel sine litteris dimissorijs, docent aliqui. Eò quòd (inquiunt) Pius II. solùm apposuit illam contra præsumentes, & vt constat ex dictis supra *cap. 10. num. 33.* cum tale verbum in Constitutionibus Pontificijs ponitur, solùm comprehendit eos, qui ex dolo, & malitia, illas transgrediuntur. Toletus *lib. 1. cap. 55.* post Nauarrum, & alios. Miror tamen viros doctos ita dixisse, cum (vt constat ex verbis Pontificis in prædicta Bulla) non vtatur verbo *presumere* quoad incurrendam suspensionem, quia ad hoc solùm dicit, *ad aliquem ex sacris Ordinibus se fecerint promoueri,* sed quoad incurrendam irregularitatem si sic suspensi in Ordinibus ministrauerint: sic enim dicit, *& si huiusmodi suspensione durante in eisdem Ordinibus ministrare præsumperint, eo ipso irregularitatem incurrant.* Quare dicendum videtur ad incurrendum dictam suspensionem non requiri dolum, aut malitiam, sed sufficere

cere ex ignorantia culpabili suscepisse Ordines sine prædictis conditionibus iuxta dicta supra *cap. 10. num. 33. citato*.

5 Quamvis contra prædictos suscipientes Ordines sine legitima ætate, aut sine alijs conditionibus assignatis, Sixtus Quintus in Bulla *Sanctum, & Salutare* ann. 1598. edita, in 2. tomo *Bullar. inter Bullas huius Pontificis num. 91.* gravissimas pœnas statuerit, eorumque absolutiones, & dispensationes soli Summo Pontifici reservauerit, adeò, vt neque per Iubilæa, Cruciatam, aut alia priuilegia, etiam à Maiori pœnitentiario absolui, aut dispensari possent, tamen Clem. VIII. in Constitutione adducta supra *nu. 1.* moderauit, & reduxit dictas pœnas, earumque absolutionem, & dispensationem (*præterquam contra simoniacæ ordinantes, & ordinatos*) ad terminos sacrorum Canonum, Constitutionis Pij II. & decretorum S. Concilij Tridentini, iuxta dicta supra *num. 1.*

6 Prædicti quoque Ordinati sine prædictis conditionibus, aut aliqua earum, possunt beneficijs Ecclesiasticis iure priuari. Ita statuit Pius II. in prædicta Bulla per hæc verba. *Præterea, ultra alias pœnas in tales generaliter à iure inflictas, beneficijs Ecclesiasticis possunt iure priuari.*

7 Prædicti suspensi ob receptionem Ordinum sine legitima ætate, aut conditionibus assignatis fiunt irregulares, si *in eisdem Ordinibus ministrare præsumserint*. Ita idem Pius II. in prædicta Bulla. Tunc autem dicentur ministrare in eisdem Ordinibus, quādo actus proprios, ad quos tales Ordines deputati sūt, exerceuerint. Vt si Missam dicant, Euangelium cantent, aut Epistolam cum apparatu solemni. Nauarrus in *Man. cap. 27. num. 244.* Non autem erunt irregulares sedendo cum Sacerdotibus, assistendo electionibus, & alijs actibus, qui solùm conueniunt Sacris insignitis, aut Sacerdotibus secundum iura Religionis. Quia tales actus non sunt ex natura sua officia diuina, aut proprij Ordinis. Miranda in *Man. tomo 1. quæst. 39. artic. 9.* Semper tamen erit peccatum iuxta grauitatem materiz prædictis actibus se ingerere. Quia sunt actus prohibiti. Miranda in *Man. tomo 1. quæst. 39. art. 9.* Rodriguez 3. tomo *quæst. 22. art. 12.* Facere autem Officium Hebdomarij in Choro, seu dicere Collectam, aut Capitulum in Choro, & similia, cum sint actus proprij Ordinis Sacerdotalis inferent irregularitatem, in eo, qui Sacerdotium sine legitima ætate, aut aliqua ex conditionibus assignatis suscepit. Nauarrus in *Man. cap. 27. num. 244.* Peirinis *tomo 1. Priuileg. Minim. in Const. 1. Iulij II. num. 25.*

8 Suscipientes Presbyteratum sine legitima ætate, aut sine aliqua ex conditionibus assignatis, putant aliqui eodem actu in

curre-

currere suspensionem, & irregularitatem, quando ordinatur. Suspensionem quidem, propter dicta. Irregularitatem verò, quia cum Ordinatur, celebrat cum Episcopo, ac per consequens exercet actum Ordinis cum suspensione. Nauarrus in *conf. 4. de Cler. excomm. ministr.* Verumtamen opposita sententia, scilicet non, incurrere tunc irregularitatem, probabilior, & benignior est. Eò quòd praxis Cancellariæ illum non reputat irregularem. Suarez de *censur. disp. 31. sect. 1. Quaranta in Summa Bull. verb. Ordo. Cornexo disp. 4. de suspensione dub. 2.*

9 Contra illos, qui ad Ordinem Presbyteratus non sunt promoti, & Missas celebrant, ac confessiones audiunt, procedit Tribunal S. Inquisitionis. Ex Greg. XIII. in Bulla *Officij nostri* ann. 1574. & est in 2. *tomo Bull. Laertij num. 21.* Et ex Clem. VIII. in Bulla *Etsi alijs* ann. 1601. habetur tales nefarios prævia degradatione curiæ seculari tradendos esse: 3. *tomo Bull. inter Bull. huius Pontific. Bull. 81. Quaranta in Summa Bull. verb. Ordo.* Vide etiam dicta *cap. 10. num. 22.*

10 Religiosi debent ordinari sine titulo Beneficij, aut Patrimonij. Ratio est, quia licet Conc. Trident. generaliter id pro omnibus præcipiat *sess. 21. cap. 2.* huiusmodi tamen decretum non extenditur ad Regulares, quia illis, ut inquit Antoninus 3. *partu tit. 14.* pro titulo deseruit sporra. Nauarrus in *Man. capit. 27. num. 258.* Hoc etiam dicitur de scolariis Societatis Iesu, qui tria simplicia vota fecerunt. Tum quia sunt verè Religiosi, tum quia ita declarauit Greg. XIII. ut refertur in compendio eiusdè Societatis v. *Ordo.*

11 Regulares hodie post Conc. Trid. non possunt ab Episcopis ordinari, etiam in suis domibus, sine licentia Diocesanoꝝ, in quorum districtu eorum Monasteria sunt sita. Ratio est, quia licet circa hoc habuerint antiquitus priuilegia, modò tamen sunt abrogata à Conc. Trident. *sess. 6. cap. 1.* per hæc verba. *Nulli Episcopo liceat cuiusvis priuilegij prætextu Pontificalia in alterius Diocesi exercere, nisi de Ordinarij loci expressa licentia, & in personas eidem Ordinario subiectas tantum, si secus factum fuerit, Episcopus ab Exercicio Pontificalium, & sic ordinati ab executione Ordinum sint ipso iure suspensi.* Miranda in *Man. tom. 1. q. 38. art. 3.*

12 Quamuis antiquitus possent Regulares ordinari à quocumque Catholico Episcopo, propter priuilegium Clementis Quarti concessum Minoribus, & per consequens omnibus, qui eorum priuilegia participant, modò tamen seruari debent, quæ Sacra Congregatio ex mandato Clementis Octauj præcepit omnibus Superioribus Regularium, videlicet posse sua subditis Regula.

gularibus, qui præditi qualitatibus requisitis Ordines suscipere voluerint, litteras dimissorias concedere, ad Episcopum tamen Diocesenum, nempe illius Monasterij, in cuius familia ab his, ad quos pertinet, is Regularis positus fuerit. Et, si Diocesanus abfuerit, vel non esset habiturus ordinationes, vel sedes Episcopalis vacauerit: (Vt quidam adiungunt. Peirinis tomo 1. de priuileg. Minim. circa Constit. 2. Sixti IV. §. 11. cum. 33.) ad quemcumque alium Episcopum, dum tamen ab eo Episcopo, qui Ordines contulerit, examinetur quoad doctrinam, & dum ipsi Regulares non distulerint de indultis, concessionem dimissoriarum, in id tempus, quo Episcopus Diocesanus, vel absuturus, vel nullas habiturus esset Ordinationes. Additur præterea, quòd cum à Superioribus conceduntur prædictæ litteræ dimissoriæ suis subditis Regularibus, Episcopo Diocesano absente, vel Ordinationes non habente, tunc in prædictis litteris debeant exprimere huiusmodi causam absentia Diocesani Episcopi, vel Ordinationum ab eo non habendarum, sub pœnis, Officij, & dignitatis, seu administrationis, ac vocis actiua, & passiuæ priuationis, & alijs arbitrio Sanctissimi reseruatis. Quaranta in Summa Bullar. verb. Ordo. Miranda in Man. tomo 1. quæst. 38. art. 2. Si autem Regulares degant in Monasterijs sitis in locis nullius Diœcesis, debent ordinari ab Episcopo viciniore, & obseruare omnia, quæ dicta sunt in prædicta declaratione. S. Congregat. ann. 1619. Peirinis ut supra nu. 36. apud ipsum. Naldus in Summa verb. Ordo num. 26.

13. Ad idem etiam extat decretum Conc. Trid. sess. 23. cap. 10. quòd scilicet: Abbatibus, & alijs quibuscunque quantumuis exemptis non liceat in posterum intra fines alicuius Diœcesis consistentibus, etiam si nullius Diœcesis, vel exempti esse dicantur, cuiquam, qui Regularis sibi subditus non sit, tonsuram, vel minores Ordines conferre, nec litteras dimissorias aliquibus Clericis secularibus, vt ab alijs ordinentur concedant. Circa quæ Sacra Congregatio Cardinalium dixit: Possunt ipsi Abbates eosdem Ordines conferre alijs Regularibus, qui dimissorias speciales suorum Superiorum, & specialem consensum Episcopi loci habuerint. Quaranta in Summa Bullar. verb. Ordo. Vide dicenda cap. 18. n. 64. & 65. maxime circa qualitates pro istis Abbatibus requisitis.

14. Duo Sacri Ordines non eodem die, etiam Regularibus conferantur, priuilegijs, ac indultis quibusuis concessis non obstantibus quibuscunque. Ita statuitur in Concil. Trident. sess. 23. cap. 13. Vnde nullo modo licet contrarium, etiam rationabili causa subsistente, sine dispensatione Papæ, aut alterius eius auctori.

thoricitatem habentis. Miranda in *Man. tomo 1. quæst. 38. art. 5.* Quoad minores Ordines sic statuit idem Concilium *sess. 23. c. 11. Minores Ordines ijs, qui saltem latinam linguam intelligant, per temporum interstitia, nisi aliud Episcopo expedire magis videretur, conferantur.* Vnde ad arbitrium Episcopi est illos vna die conferre, vel non. Miranda in *Man. tomo 1. quæst. 38. art. 5.*

15 Ordines maiores non possunt conferri etiam Religiosis, nisi seruatis interstitijs, ita scilicet, vt Subdiaconatus non conferatur, nisi seruato interstitio vnus anni ad minus à susceptione postremi gradus Ordinum minorum; nec Diaconatus, nisi post vnum annum à Subdiaconatu; nec Presbyteratus, nisi post vnum etiam annum Diaconatus. Ita statuitur in Conc. Triden. *sess. 13. cap. 11. 13. & 14.* Quamuis autem aliqui putent vt probabile, Prælatos Religionum posse cum suis subditis dispensare in interstitijs supradictis; eò quòd licet prædicta facultas concedatur à Concilio Episcopis; nomine tamen Episcoporum intelligi possunt Prælati habentes iurisdictionem quasi Episcopalem, quales sunt Prælati Religionum, eò præsertim, quia ipsi possunt melius iudicare de necessitate dispensationis. Suarez *tomo 4. de Relig. tract. 8. lib. 2. cap. 12. à num. 21.* Certum tamen credo non posse id facere propter declarationem S. Congregationis, quæ declarauit, quòd Prælati Regulares non possunt dispensare in interstitijs, in litteris dimissorijs, quibus mittunt suos subditos ad suscipiendos Ordines. *Sed dicti Prælati cum mittunt suos subditos ad Ordines suscipiendos, & expedire indicauerint, ac necesse habuerint, vt cum eisdem in interstitijs dispensetur, in prædictis litteris Dimissorijs humiliter debent exorare Episcopos, vt id faciant.* Passarellus in *suo compend. priuileg. fol. 223.* Miranda in *Man. tomo 1. quæst. 38. art. 7.* Quando autem Abbates Regulares ordinant suos subditos in Minoribus ad illos spectat dispensare in interstitijs. Eò quòd accessorium sequitur naturam principalis. Miranda in *Man. tomo 1. quæst. 38. art. 7.* Sorbus *verb. Ordines sacri §. quando verò.*

16 Causa quare potest dari huiusmodi dispensatio in interstitijs non est eadem in omnibus Ordinibus, nam ad minores Ordines sufficit, quòd Episcopo videatur magis expediens, vt habetur *sess. 23. cap. 11. & diximus supra num. 14.* Ad Subdiaconatum requiritur *necessitas, aut Ecclesiæ utilitas iudicio Episcopi.* Ex eadem *sessione cap. 11.* Ad Diaconatum non exigitur tanta necessitas, cum Concilium nihil de hoc dicat, sed solum voluntati rationabili Episcopi id relinquat dicta *sess. 23. cap. 13.* Ad Presbyteratum vero maior causa requiritur, scilicet Ecclesiæ utilitas, ac ne-

ac necessitas iudicio Episcopi, ut constat ex eodem Concilio dicta sessione cap. 14. Miranda in *Manual. quest. 38. artic. 8.*

17 Annus interponendus ab vno ad alterum Ordinem Sacrum est Ecclesiasticus, non solaris. Hinc Sacri Congregatio, declarauit, eos, qui ad Subdiaconatus Ordinem quattuor temporibus Quadragesimæ promoti fuerint, posse anno sequenti eisdem, quattuor temporibus Quadragesimæ ad Diaconatum promoueri, licet annus naturalis integer tunc lapsus non fuerit, cum futuro anno Paschæ Festum celerius, quam præterito celebretur. Prosper August. in *addit. ad Quarantam in Summa Bullar. verb. Ordo.*

18 Litteræ dimissoriae pro Religiosis Ordinandis debent esse suorum Superiorum Regularium. Ratio est, quia quamuis Concilium Tridentinum. *sessio. 23. cap. 8.* hoc tribuat Ordinario, nomine tamen Ordinarij in presenti, quod attinet ad Regulares, intelligi eorum Prælatos, constat, tum ex praxi Ecclesiæ, tum ex ratione, quia cum illi soli habeant notitiam de moribus, & sufficientia Ordinandorum Regularium ad eos videtur necessario id spectare. Eò præsertim, quia ita dicitur declaratum esse à Sacra Congregatione. Nauarrus *lib. 2. Consilii. consil. 22. & 23.* Henriquez *lib. 7. de Indulgent. cap. 26.* Qualiter etiam, & à quibus debeant examinari, & approbari promouendi ad Sacros Ordines iuxta decreta Clement. VIII. & S. Congregat. sub SS. D. N. Urbano vide *cap. 18. num. 79.*

19 Regulares non possunt modò post Concil. Tridentinum extra tempora Ordinari. Ratio est, quia licet de hoc fuerint varia priuilegia Religionibus concessa, ut patet ex Compendio priuileg. v. *Ordines Sacri;* Concilium tamen Tridentinum *sess. 23. cap. 8.* id prohibet fieri, & consonant Constitutiones Pij Secundi, & Sixti Quinti, & Praxis Ecclesiæ: maxime quia ipsum Concilium *sessio. 25. cap. 22.* præcipit omnia, & singula in suis Decretis contenta obseruari à Regularibus, non obstantibus quibuscunque priuilegijs, &c. Miranda in *Manual. tomo 1. quest. 38. ar. 4.* Concessio autem quædam Gregorij XIII. facta Religiosis Societatis, ut possint Ordinari extra tempora non videtur communicari alijs Religiosis, quia Pontifex id expressè declarauit. Peirinis *tomo 1. priuileg. Minim. in Constitut. 2. Sixti IV. num. 38.* Vbi etiam tractat, an per posteriores concessiones factas Religiosis ut possint gaudere priuilegijs Societatis, possint uti hoc priuilegio:

20 Si Nouitij Religionum Ordinari volunt (quod fieri posse

M

sal-

saltem iure communi dicemus infra *cap. 24. num. 6.*) obseruare, debent Decretum Concilij Tridentini *sess. 21. cap. 2.* vbi præcipitur, *ne quis deinceps Clericus secularis quamuis aliàs sit idoneus moribus, scientia, & ætate, ad Sacros Ordines promoueatur, nisi prius legitimè constet, eum beneficium Ecclesiasticum, quod sibi ad victum honestè sufficiat, pacificè possidere.* Ratio est, quia ita determinauit Pius V. in Bulla, quæ incipit *Romanus Pontifex 10. 2. Bullarij inter Bullas huius Pontificis num. 75.* vbi grauissimis pœnis prohibet Religiosos, siue seculares more Religiosorum viuentes in communi, non professos, ordinari posse, non seruata forma prædicti Decreti Concilij Tridentini. Laurent. de Peirinis *tomo 1. priuileg. Minimor. in Constitut. 2. Sixti IV. §. 11. n. 37. Gauantus in Man. Episcop. verb. Ordo in genere num. 29.*

21. A suspensione, quam incurrunt Regulares suscipiendo Ordines illegitimè, & absque ætate requisita, possunt absolui in foro conscientie à suis Prælatiis, Generalibus scilicet, vel Prouincialibus respectiue, tum propter dicenda in *c. 18. de Prælatiis à nu. 36.* tum propter aliqua priuilegia, de quibus Rodriguez *tomo 1. questionum Regul. quæst. 20. artic. 14. & artic. 1.* Peirinis *tomo 1. priuileg. Minimor. in Constitution. 1. Iulij II. §. 16. à numer. 31.* Quod idem dico de Irregularitate ab istis commissa celebrando cum prædicta suspensione, propter eadem fundamenta. Peirinis *ut supra num. 34.* Si autem prædicta suspensio (& idem dico de Irregularitate) sit deducta ad forum exterius; si attendamus ad aliqua priuilegia ex re latas, cum indistinctè loquantur, & fauores sint ampliandi, vt sæpius diximus, verè dicendum esset, posse ab illa, absolvere Prælatos Regulares suos subditos. Quia tamen stylus curiæ dicitur esse in contrarium, quodd scilicet semper petatur dispensatio à Papa, vel per Datarium, vel Summum Pœnitentiarium, stylo autem Curiæ standum sit, cum faciat ius, & præualeat consuetudini, cum tamen de illo constet; ideo aliorum iudicio hoc remitto. Peirinis *ut supra num. 36.* qui tamen *num. 35.* aliquos authores pro contraria parte refert non fideliter.


22. Excommunicatio, quam solet ponere Episcopus ante Ordinationem contra eos qui ordinantur habentes aliquod impedimentum occultum, afficit omnes etiam Regulares. Quia in illo actu subduntur Episcopo. Nauarrus *capit. 25. numera 72.* Peirinis *tomo 1. Priuileg. Minimor. in Constitut. 1. Iulij II. §. 16. num. 39.* Addens, ab illa, & Irregularitate, quæ incurritur suscipiendo Ordines cum prædicta excommunicatione absolvere, posse Prælatos Religionum. Absolutiones etiam, & dispensa-
tio-

tionem, quas solent dare Episcopi Ordinantes Ordinatis ad cautelam profunt etiam Regularibus exemptis. Quia Prælati Regularium concedentes illis licentiam suscipiendi Ordines, consequenter concedunt ea sine quibus Ordines non possunt recipi rectè, ac per consequens etiam facultatem ut ab Episcopis Ordinantibus absoluantur, & dispensentur in Censuris, & Irregularitatibus, saltem dubijs, & occultis. Henrriquez lib. 10. de Sacram. Ordin. cap. 20. num. 2. Silvester verb. Irregular. quest. 9. num. 11.

23 Simoniam in Ordinis susceptione committens ab Ordinis executione suspenditur Cap. inquisitionis de accusat. cap. qui studet 1. quest. 1. Et perpetuò deponitur ab Officio cap. cum super de Confessis cap. de hoc de Simonia. Est etiam ipso iure suspensus. Extrauag. 2. de Simonia cap. tanta de Simonia. Silvester verb. suspensio numero 7. Nauarrus in Manual. cap. 23. nu. 111. Item est ipso iure excommunicatus. Extrauag. 2. de Simonia. Nauarrus ut supra. Suarez 5. tomo in 3. parte disputatio. 22. sectio. 5. numero 22. Incurrit etiam pœnas statutas à Pio V. in Constitut. cum primum, & à Sixto V. in Bulla Sanctum, & Salutare; quam retulimus supra num. 5. Quam quoad hoc punctum de Simoniacè Ordinatis, & Ordinantibus non reduxit ad terminos Iuris communis Clem. VIII. ut ibidem diximus. Alderete lib. 2. de Relig. discipl. cap. 16. nu. 44. & 45.

De Obligationibus Religiosorum, quoad electiones faciendas.

C A P. X V.

LECTIONES Prælatorum Regularium ad Regulares ipsos spectant, sicut generaliter cuiusvis Congregationis Prælatus instituere ad ipsam Congregationem. Cap. 1. de Election. & cap. 2. 3. 4. & sequent. 18. questio. 2. Silvester verb. electio. 1. quest. 1. Addens, quòd etiam si in aliquo Collegio non sint nisi duo, aut tres, electio pertinet ad eosdem. Nauarrus lib. 1. Consil. de Elect. cons. 6. Vniuscuiusque autem Prælati electio ad Congregationem proportionatam pertinet: ita ut Conuentualis Prælati ad Conuentum, Prouincialis ad Prouinciam, & Generalis ad totum Ordinem; Ut colligitur ex cap. 1. de Elect. & ex cap. cum dilectus de Consuetud. & 18. q. 2.

M 2 per

per multa capita, & ferè ex natura rei id sequitur, supposito prudenti, & suavi regimine Religionis. Vnde ita obseruari debet, nisi iure aliquo positiuo, aut consuetudine præscripta oppositum constet. Suarez 4. *tomo de Relig. tract. 8. quest. 2. cap. 6. num. 17.*

2. Eligentes Prælaturum, vel Superiorem Religionis debent esse in illa professi. Ita habetur 18. *quest. 2. & cap. ex eo §. in Ecclesijs de Elect. in 6. & in cap. indemnitatibus*. Et ratio esse potest, quia Nouitius non est actu pars, aut membrum Religionis, non ergo debet eligere caput. Sufficit tamen ad hoc professio tacita. Tum quia ita determinasse videtur Bonifacius VIII. in prædicto *cap. ex eo*. Tum quia professio tacita est vera professio, nec quoad adhuc excluditur à iure. Suarez 4. *tomo de Relig. tract. 8. lib. 2. cap. 4. Miranda in Manual. tomo 2. quest. 23. art. 5. §. 1. & 3.* Conuersi, siue Laici non habent Vocem, & Votum in electionibus Canonicis Prælatorum. *Ex cap. ex eo de Election. lib. 6. §. in Eccles. Siuester verb. Electio 1. quest. 2. dict. 2. Miranda in Manual. tomo 2. quest. 23. artic. 5.* Addens bene, hoc esse de iure communi, secus autem esse posse de consuetudine antiqua Religionis.

4. Hinc eligentes debent esse Clerici, & in Sacris constituti, Prima pars constat ex dicto *cap. ex eo §. in Eccles.* Secunda verò, sicut & primà patet ex *Clement. vi ij qui de stat. & qualis*. Vbi præcipitur, quòd nullus in Ecclesijs etiam Regularibus vocem habeat in Capitulo, etiamsi hoc sibi ab alijs concedatur, nisi saltem in Subdiaconatus Ordine sit constitutus. Quod est etiam confirmatum à Concil. Trident. *sess. 22. cap. 4.* dum dicitur: *Quicumque in Cathedrali, vel Collegiata, Seculari, vel Regulari Ecclesia Diuinis mancipatus Officijs, & Subdiaconatus Ordine saltem constitutus non sit, vocem in huiusmodi Ecclesijs in Capitulo non habeat, etiam si hoc sibi ab alijs liberè fuerit concessum.* Miranda in *Manual. to. 2. quest. 23. art. 5.* Suarez 4. *tomo de Relig. tract. 8. lib. 2. cap. 4.* Vnde, quamuis etiam aliquarum Religionum usus sit, quòd solum seniores, aut ætate profectiones habeant Votum in electione Prælatorum, congruentius tamen est, vt omnes in Sacris constituti legitimum impedimentum non habentes, dent suffragia, vt colligitur ex iuribus adductis *cap. ex eo & Clement. vi ij Nauarrus lib. 1. Confil. de consuetud. Conf. 2.* Votum autem, seu suffragium datum ab eo, qui non est in Sacris constitutus, non solum illicitum, sed inualidum est; hoc enim videtur inferri ex verbis Conc. Trid. adductis. Suarez *vt Supra num. 8.*

5. Debent præterea electores liberi esse à censura, impedimento Canonico, priuatione vocis, aut inhabilitate ad munus eligendi.

di. Alias peccabant graviter, etiam si talis inhabilitas sit occul-
ta. Suárez 4. *tom. de Relig. tract. 8. lib. 2. cap. 4.* Hinc excommunicati
excommunicatione maiori non possunt eligere *cap. cum inter in*
fine de Elect. cap. cum dilectus de consuet. Unde electio ab illis facta
irrita est, & nulla. Cornexo *to. 2. in 3. par. tract. 5. de Excommunic.*
displ. 10. §. 5. dub. 1. ubi multa ad intentum, Excommunicati autem
excommunicatione minori bene possunt eligere, *cap. ult. de clericis*
excommunic. ministr. Deinde suspensi ab officio non possunt esse
electores, aut eligere, *cap. cum dilectus de consuet.* Tertiò interdictis
per *cap. cum inter de elect.* Quartò quibus interdictum est eligere
sine licentia Superioris, per *cap. sine de elect.* Quintò qui scienter
celebraerunt in loco interdicto, nisi super hoc sint privilegiati,
cap. qui de sent. excommunic. lib. 6. Sextò omnes irregulares *cap.*
is qui de sent. excommunic. in 6. De quibus, & alijs vide Silvestrum
verb. electio 1. quest. 4. Miranda in *Man. tom. 2. quest. 23. art. 8.* &
Barbosa de *Canonic. & Dignitat. cap. 4. fere per totum.*

Si casus esset, quòd omnes electores essent inhabiles, vno ex-
cepto, ad illum solum Ius electionis devoluitur, cum in tali casu
representet totum capitulum. Non tamen posset se ipsum elige-
re. Quia id esset signum ambitionis. Rodríguez *1. tom.*
quest. 53. art. 11. Contra verò, si omnes electores, vno excepto,
habiles essent, inhabilitas illius non reddet irritam electionem,
iuxta regulam *utile per inutile* non vitiat, nisi solum quando
illum cognitum evideret, ut inhabilem ad eligendum, volunta-
riè admiserunt ad electionem, cum possent repellere. Quia
tunc censentur consentire voluntariè in defectum electionis. Suá-
rez 4. *tom. de Relig. tract. 8. lib. 2. cap. 4. num. 9.* Aliquando
Quando est dubium, quòd aliqui ex electoribus sine excom-
municati, suspensi, &c. non irritatur electio si admittantur ad
illam ab alijs cum protestatione talis dubij. Nam in dubijs fa-
uet possessio. Miranda in *Man. tom. 1. quest. 23. art. 11.* Lau-
rentius de Peirinis *tom. 1. de Subdit. questione 1. de Obedi. ca-*
pit. 31. §. 6.

Ad electiones vocandi sunt in primis omnes presentes, ad
quos de iure pertinet eligere. Deinde omnes absentes, qui com-
modè vocari possunt, ac tandem omnes, qui debent, & volunt, &
possunt commodè, & legitimè interesse. Hoc colligitur ex *cap.*
quia propter de election. & ex cap. coram. Silvester *verb. electio 1.*
quest. 5. Miranda in *Man. to. 2. quest. 23. art. 6.* Qui etiam bene ad-
dunt, quod si quis electorum legitimorum fuerit contemptus, &
ad electionem non vocatus, ad ipsius petitionem electio cassan-
da est, & cassari debet, nisi liberè consenciat, & velit eam ratam

habere. Non est tamen contra ius commune, quòd aliqui, aut etiam multi ex illis, qui habent ius ad eligendum, non interfint electioni. Quia in *cap. quia propter* adducto expressè dicitur: *Præsentibus omnibus, qui debent, & volunt, & possunt commodè interesse*. Non ergo coguntur omnes interesse. Suarez 4. *tomo de Religion. tract. 8. lib. 2. cap. 5. num. 2.* Infirmorum vota accipi debent, si commodè id fieri potest, & ipsi voluerint. Quia etiam illi censentur præsentés. Azor. *tomo 2. lib. 6. cap. 14. quæst. 7.* Assignato autem termino ad eligendum, v. g. die, Pentecostes, vel alio, si aliqui non compareant, possunt qui præsentés sunt ad electionem procedere. Quia non debent perdere suum ius propter aliorum absentiam. Miranda *tomo 2. in Manual. quæst. 23. art. 6.* Laurentius de Peirinis 10. 1. *de Subdito quæst. 1. de Obédient. cap. 31. §. 6.* Addens, hoc etiam esse verum, etsi vnus solus reperiatur in Capitulo. Hoc tamen displicet; quia vno solo præsenté, nec est Capitulum, nec fit propriè electio, quæ fit ex pluribus. Spectanda ergo est decisio authoritatis Superioris, qui in tali casu, quid faciendum sit decernat.

9. Non est contra ius commune quòd Elector, si fuerit absens, & iusto impedimento detentus, eligere, & instituere possit aliquem in procuratorem, qui habeat votum ipsius in electione facienda. Ratio est, quia ita habetur in *capit. quia propter*, quod ius non est derogatum à Concilio Tridentino *sess. 25. cap. 6.* dicente: *Vt in posterum non liceat voces, & suffragia absentium supplere*. Quia mens Concilij solùm fuit tollere consuetudinem quorundam Prælatorum, qui vt facerent electiones ad suum beneplacitum, vocem, & votum absentium dabant alijs. De quo extat declaratio Sacr. Congregationis Illustriss. DD. Cardinal. ann. 1570. Passarellus in *compend. priuileg. Minor. Rodriguez tomo 2. quæstionum Regular. quæst. 61. art. 6.* seruanda tamen in hoc sunt consuetudines Religiosorum, & ipsarum Statuta. Siluester *verb. electio 1. quæst. 3.* Vide etiam Barbosa *de Canonic. & Dignitatib. cap. 39. à num. 14.*

10. Quamuis iure antiquo requisitum fuerit ad electiones, vt maior, vel sanior pars, conuenerit in aliquem eligendum, post Concilium Trident. tamen sufficit, quòd maior pars concurrat, etiam si non sit sanior. Ratio est, quia eo ipso quod Concilium, præcipit *sess. 25. c. 6. vt eligentium nomina nunquam publicentur*, prohibet disquisitionem, quæ antiquitus fiebat ad sciendum si sanior pars elegerit, nõ enim alio modo id sciri posset, nisi publicatis nominibus eligentium. Miranda 2. *in Man. q. 23. art. 27.* Augustinus Barbosa *de Canonic. & Dignitatib. cap. 38. n. 8.* Vbi etiam

nu. 9. quòd hæc maior pars sumenda sit respectu totius, non respectu aliarum partium. Consonant etiam nostræ Constitutiones *pari. 4. cap. 6. nu. 3. & cap. 23. nu. 2.*

11 Electiones factæ per modum scrutinij; quando scilicet assumuntur tres de Collegio fide digni, qui secretè, & sigillatim vota cunctorum diligenter exquirant; & per modum compromissi; quando scilicet committitur aliquibus viris idoneis facultas eligendi nomine omnium aliorum; & per modum inspirationis, quando scilicet omnes electores, Deo inspirante, in vnum eligendum conspirant absq; vlla malitia, sunt iure communi licitæ. *Ex c. quia propter de elect.* Quod non est derogatum à Conc. Trid. *sess. 25. c. 6.* Et si enim ibi præcipiatur, quòd in electionibus Superiorum, & personarum Regularium seruetur secretum, itaut singulorum eligentium nomina nunquam publicentur, tamen ibi solum loquitur Conciliū de electionibus factis per modum scrutinij. *Rodrig. 1. to. Summ. c. 102. de elect. nu. 2.* Miranda *2. to. in Man. q. 23. art. 3.* In electionibus per scrutiniū scrutatores debent esse adminis tres de Collegio, & fide digni, quia ita habetur *in d. cap. quia propter.* Miranda *ut supra ar. 15.* Suarez *4. to. de Relig. tract. 8. l. 2. c. 5.* Similiter in electionibus per cōpromissum obseruari debet, quòd prædictum compromissum fiat ab omnibus habentibus vocem in Capitulo, nemine discrepante. Quia eo ipso, quòd est in potestate eligentium vno, vel alio modo electionum vti, nullus potest cogi ad specialem modum electionis, nisi id velit, ac proinde si electio fit per modum compromissi, si omnes non compromittant, non erit valida. *Siluest. verb. electio sectido q. 11.* Miranda *ut sup. art. 34.* In casu autem quòd omnes electores compromittant se in vno de Capitulo, valebit electio ab ipso facta, etiam si se ipsum elegerit, dummodo capax sit, nec exclusus ab Electoribus. *Rodrig. 2. to. q. 53. 12.* In electionibus per modum communis inspirationis requiritur etiam, quòd omnes simul congregati in istam viam, eligendi vltro conueniant, & in vnā personam eligendam, absq; aliquo vitio Simonie, vel contractus. Aliàs enim non crederetur talis electio facta Deo inspirante, prout requiritur in prædicto cap. *quia propter.* *Siluest. verb. electio 3. nu. 1.* Miranda *ut supra ar. 42.* His verò non obstantibus omnes Religiones obseruare debent modum electionis sibi per sua Statuta, vel laudabiles cōsuetudines præscriptum, qui regulariter est per scrutinium secretum.

12 Electores cuiuscunq; electionis tenentur eligere digniores sub reatu peccati mortalis. Id enim exigit æquitas iustitiæ. *S. Th. 2. 2. q. 63. ar. 2.* Sotus *3. de Iust. quaest. 6. art. 2. conclus. 9.* Imò id se facturos debent iurare, vt cōstabit ex Decretis Summorum Ponti-

ficum inferius adducendis. Ad hoc autem quòd in foro exteriori. conseatur valida electio, sufficit, ut eligatur dignus. Aliàs omnes electiones calumniari possent. Siluest. *verb. electio* 1. q. 16. Sot. 3. *de Iust. & Iur. q. 6. ar. 2. concl. 8.* Huiusmodi autem maior, vel minor dignitas in ordine ad electionem non solum est attendenda secundum bonitatem simpliciter personæ electæ, sed etiam secundum alias circumstantias necessarias ad officium ad quod eligitur. S. Antonin. 3. *part. Sot. 3. de Iustit. & Iure q. 6. ar. 2. & 4.* Unde inferitur quòd peccat minus dignus, etiam mortaliter, concurrendo cum manifesto digniori, etiam si id faciat non ut ei preponatur, sed ut ex concursu cum eo reportet aliquem honorem. Quia petit id quod alteri est debitum. Nauarr. *Miscellan. 40. de Orat. num. 10.* Peirina. 1. *de Subdito q. 1. de obedient. c. 31. §. 4.*

13. Ex decreto Clementis VIII. approbato, & innouato à Sacra Congrèg. Concilij iussu S. D. N. Urbani VIII. in Decretis de Apostatis, & electis, sic præcipitur omnibus cuiuscunque Ord. Regularibus. *In Superiorum, & Officialium omnium electionibus forma præscripta à S. Conc. Trid. & Ordinis constitutionibus inuiolabiliter seruetur, proutque Electores secundum veritatem cuiusque, conscientia probiores, ac magis idoneas se electuros, ac propterea priusquam ad electionem deueniant, in primis, & ante omnia prælegantur Constitutiones de qualitate, & requisitis eligendorum. Ad officia gradibus, & prælatis illi præcipue eligantur, qui possint, & consueverint Regulas Ordinis, & Constitutionis obseruare, præsertim quæ pertinent ad seruitutem Chori, ac vestitus, & velum communem.* Hæc præcipiunt Pontifices in gratiam, & intuitu vtriusque communis, quam maxime commendatam esse voluit Regularibus. Vide pro ea c. 6. in 6. 14. Scienter eligentes indignum non solum peccant mortaliter, cum in te grauius peccent contra iusticiam ad minus distributiua (S. *1. ibi, de Iust. q. 6. nu. 2. concl. 7.*) sed, & participes sunt omnium peccatorum commissorum à Prælato indigno electo. Rodrig. 10. *quæst. Regul. q. 52. art. 5.* Imò etiam incidunt in censuram suspensionis contra illos latam in *Iur. rap. Cum in cunctis §. fin. de elect.* Nauarr. in *rap. Sacerdos de Poenit. dist. 6.* & quamuis ipse dicat hanc censuram incurri etiam ab illis, qui eligunt eum, quem sola Confessione sacramentali nouerunt indignum, metico tamen in hoc reprehenditur, quia sine dubio uti scientia Confessionis, etiam in secretis electionibus, est contra sigillum Sacramenti, & in maximum ipsius detrimentum. Cum propterea retraherentur aliqui Religiosi à confessione suorum delictorum. Quare dicendum est, solum incurri hanc censuram ab illis, qui eligunt indignum, quem sciunt esse talem alia scientia, quam, quæ habetur per Confessio-

nem Sacramentalem. Rodriguez 10.2. *quæst. Regul. quæst. 53. art. 4.* In nullo quoque casu licet eligere indignum, etiam casu dato, quod omnes, qui sunt de corpore Capituli, & ex quibus fieri debet electio sint indigni; tamen enim debet eligi vnus ex extraneis. Sotus lib. 3. de *Iust. quæst. 6. art. 2.* Rodriguez 1.10. q. 3. art. 11. Neque etiã in casu, quod omnes electores vellent eligere indignum, possum ego, qui inter illos sum, & certò scio me nihil profecturum, per denegationem suffragij, alijs me conformare. Vasquez *opusc. de benefic. cap. 1. §. 3. dub. 3.* Secus verò quãdo electores omnes vellem eligere minus dignum, relicto digniori, possum enim tunc pro bono pacis conseruando me illis cõformari. Bañez 2. 2. q. 63. art. 1. dub. 3. *conclus. 3.* Insuper, qui eligit indignum, & inde aliquod malum subsequitur Religionì, tenetur illud recompenfare eo modo quò fieri possit. Hoc enim exigit æquitas iustitiæ, propter iniuriam illatam. Sotus 3. de *Iust. & Iur. q. 6. art. 2.* Nauarr. in *Man. cap. 17. num. 72. & 73. & lib. 5. Consil. de Simonia consil. 8. nu. 1. & 2. 3.* Qui eligit peccatorem publicum, & famosum, peccat omninò mortaliter, iuxta illud Pauli ad Titum, oportet Episcopum, *sint crimine esse*; præsertim quia præbet alijs causam offensionis. Nauarr. *Miscellanea. 34. de Orat. num. 4.* Azor. *tomo 2. Instit. Moral. lib. 6. cap. 1. quæst. 10.* Eligens verò peccatorem occultum aliàs cõteris digniorem in Prælatum Religiosorum, non peccat mortaliter, nisi credat eum habere animum permanentem in peccato. Quia talis occultus peccator, secluso prædicto malo animo, non est in scandalum alijs, & potest illis esse utilis. Bañez 2. 2. q. 63. art. 1. dub. 1. In casu verò ubi agitur de aliquo eligendo in Prælatum, quem ego scio fore perniciosum Communitati, quia malæ vitæ, & conscientiæ est, tenor eius delicta reuelare, etiam si occulta sint. Nam bono Communitatis consulere strictiori iuri naturalis est rigor, quàm secretum seruire. Si verò non est futurus perniciosus Communitati, sed vni, vel aliquibus particularibus, in rebus non magni momenti, tunc secretum seruare teneor, quia illius observatio est de iure naturali, quod propter bonum huiusmodi particulare aliorum non est omittendum. Rodriguez *tomo 2. quæst. Regul. quæst. 53. art. 3.* Laurentius de Peirinis *tomo 1. de Subdit. quæst. de Obedi. cap. 3. §. 3. post 3. conclus. 16.* Vota, & suffragia in electionibus debent esse absoluta, non conditionata, ita vt si sub conditione dentur, nihil valeant, debentque haberi pro non adiectis. Ratio est, quia aliis redderetur electio incerta, & dubia. Siluester *verbo. electio secundum de q. 3.* Similiter debent esse certa, & determinata non incerta, vt si aliquis diceret, Eligo illum, quem Petrus voluerit, nec inderet.

determinata, ut si aliquis diceret, eligo Petrum, vel Ioannem. Propter eandem rationem S. Antoninus 3. *part. tit. 19. cap. 2. §. 3.* Laurentius de Peirinis 10. 1. *de Subdit. q. 1. de obed. c. 3. §. 6.* Vnde, prædicta vota non debent computari inter alia, ut dicemus inferius de schedula alba, nu. 18.

17 Debet etiam electio Canonica fieri *per vota secreta, ita ut singulorum eligentium nomina numquam publicentur*. Ita decernitur in Concil. Trident. *sess. 25. c. 6.* Vnde ipsi etiam suffragatores astringuntur hoc præcepto nunquam publicandi sua vota, ita ut oppositum facientes peccent. Suarez 1. 4. *de Relig. tract. 8. l. 2. c. 5. n. 12.* Si tamen aliquis in secreto suum votum alij detegeret, licet peccaret contra præceptum à Conc. Trid. traditum, non tamen ideo redderetur nulla, aut irrita electio. Eò quòd defectus particularis vnus de Capitulo, non debet toti Capitulo nocere, & quia aliàs situm esset in potestate cuiuslibet electionem quantumvis legitimam, vitare. Nauarr. *1. c. consil. tit. de elect. cons. 9.* Rodriguez 2. 10. q. 51. *art. 9.* Si verò, vel vnus electorum publicè manifestat suum votum, permittente Capitulo, electionem irritat. Quia iam talis electio est simpliciter publica. Rodriguez *in summ. c. 102. n. 4.* Laurentius de Peirinis, *ut sup. §. 8.*

18 Non irritatur electio aliqua, eò quòd aliquis ex electoribus miserit in urnam schedulam albam, in qua nullus eligeretur. Ratio est, quia per illud factum solum elicitur sic facientem renunciasse iuri suo, nec voluisse habere vocem actiuam in tali electione, quod non potest derogare electioni aliàs licet. Nauarr. *de elect. cons. 7.* Rodriguez 10. 2. *quæst. 51. art. 13.* Vnde hoc fieri consulerem, in casu, quo aliquis crederet electionem non fieri canonicè, aut omnes eligendos esse inhábiles. In tali autem casu tale votum computandum non est cum alijs.

19 Electio canonica facienda est in loco sacro, nempe in Ecclesia, vel Capitulo, aut alio simili loco honesto. Siluest. *verb. elect. 1. q. 8.* Tenentur etiam Electores intra tres menses eligere, legitimo non obstante impedimento, alioquin deuoluitur electio ad Superiorem proximum. Ita habetur *in cap. Ne pro defectu. de elect.* Siluest. *verb. elect. 1. q. 6.* Quamuis etiam ex rigore iuris electiones canonice non possint fieri de nocte, *ex cap. Quia propter, & ex cap. Siquis dist. 79.* Nauarr. *1. consil. de elect. cons. 8. num. 2.* In casu tamen necessitatis, præsertim si consuetudine aliqua id obtentum sit, possunt de nocte fieri. Miranda *in Man. 10. 2. q. 23. art. 12.*

20 Omnes vnanimiter de Capitulo, nemine discrepante, possunt admittere extraneum ad eligendum vnà cum eis, saltem in

vi iuris communis. Ratio est, quia sicut possunt totam potestatem eligendi in compromissarios transferre, iuxta dicta sup. nu. 11. ita etiam poterunt communicare alijs, ut cum eis coeligant. Nauarr. lib. 5. consil. de simon. conf. 9. vide tamen dicta supra nu. 4. ex decreto Concilii Tridentini. Adminus tamen Notarius, Tabellio, seu Scriba, non est necesse de iure communis, quod sit de corpore Capituli, sed potest esse extraneus, & etiam laicus. Cum nullum ius de hoc extet, & solum sit hoc nudum ministerium. Laurent. de Peirinis to. 1. de subdit. q. 1. de obedi. c. 31. §. 8.

21 Debent electiones esse omnino libere, ita ut aliter factae sint ipso iure nullae, ex cap. ubi periculum. §. ceterum. de elect. in 6. Unde omnis electio per metum, etiam reuerentialem, facit electionem saltem in foro conscientiae irritam. Nauarr. cap. 17. num. 29. & c. 22. n. 5. l. 1. & lib. 1. consil. & election. conf. 5. Non est tamen contra libertatem electionis, quod electores coarctentur ad eligendum aliquod genus personarum, v.g. Magistrorum, Diffinitorum, talis nationis, &c. Id enim habet communis consuetudo, & aliquando est necessarium. Nauarr. l. 1. conf. tit. de cons. conf. 7. Quando verò coarctatio fit non ad certum genus personarum, sed ad certas aliquas, & determinatas personas, tres scilicet, vel quatuor, multi dicunt esse contra libertatem electionis, & illam irritare, ex cap. cum terra. Rodriguez 2. l. q. 51. ar. 11. Miranda in Man. to. 2. q. 23. ar. 22. Cum tamen videam apud aliquos hanc esse consuetudinem, illam reprobare non audeo, maxime si Superiores facientes talem coarctationem nominent, & designent per ipsam solum digniores. Quia cum electio solum de illis fieri debeat secundum ius, & rationem, si ipsi soli nominentur, alijs exclusis, nec istis fiet iniuria, nec electio debita libertate priuabitur. Aliorum tamen iudicio id relinquo.

22 Suffragium semel datum potest reuocari, si non sit publicatum, aut cum alijs permixtum. Colligitur a contrario ex cap. publicat. firmit. de election. Miranda in Man. to. 2. qu. 23. num. 24. Non est autem causa sufficiens huius mutationis, quod vnus electorum dicat, se de nouo sciuisse vitium, vel defectum personae electae; alijs posset quilibet ex malitia, electiones omnes inquietare, vel prolongare. Laurentius de Peirinis to. 1. de Subdito. q. 1. de obedi. c. 31. §. 6.

23 Religiosus Canonicè electus ad aliquod Officium multò melius facit assentiendo, quàm dissentiendo regulariter loquendo. Quia eò ipso, quod est Canonicè electus, debet credere electionem esse iuxta voluntatem Dei. Si tamen indignum se, & insufficientem reputet, renunciare potest electioni, non tamen

per-

25. Non possunt eligi in Prælatos Religionum nisi expressè in illa professi. Ita Siluester *v. Electio* 1. *quæst.* 13. Vide dicenda, *cap.* 18. *num.* 5. Sunt etiam incapaces ut eligantur, primò infames, seu notoriè prauis. Quia hoc est valde indecens, & repugnans tali muneri. Suarez *4. to. de Relig. tract.* 8. *lib.* 2. *cap.* 3. *num.* 28. Secundò excommunicati excommunicatione maiori. Excommunicati enim excommunicatione minori electio non est ipso facto nulla, sed potest annullari. Tertiò suspensi, vel interdicti, aut qui interdictum non seruauerunt. Quartò, qui non fuerint legitimè nati (iuxta dicenda *in hoc cap. num.* 38. & *cap.* 18. *num.* 7.) aut debite ætatis, vel sufficientis literaturæ. Quintò irregulares; cum enim irregularitas sit inhabilitas quædam ad Ordines, & munus Prælati requirat Ordines; ideo consequenter est impedimentum ad Ecclesiasticam prælationem. Suarez *ut supra num.* 24. Esse verò aliquem discendentem ex radice infecta macula Hæresis, Apostasiæ, vel Iudaismi, aut alterius sceleris damnatæ, non est impedimentum, ex vi iuris communis, ad Prælaturas. Suarez *ut supra num.* 28. Sextò, qui semel propter vitium personæ fuerunt reprobati. *Cap. sup. eo de Elect.* Laurentius de Peirinis *tomo* 1. *de subdito quæst.* 1. *de Obedient.* c. 31. Accusati verò de aliquo delicto, nec infamati, non sunt incapaces electionis. Aliàs esset in potestate vnus maleuoli meritissimos viros à dignitatibus excludere. Nauarrus *lib.* 5. *Consil. de accusat. cons.* 6. Licet oppositum videatur haberi *ex cap. Omnipotens Deus, extra de accusat.* Franciscus Aretin. *in practic. crimin. cap.* 2. *de examin. Rei.* Pro his, & alijs Siluester *v. Electio* 1. *quæst.* 14. Miranda *in Manuali Prælat. q.* 23. *art.* 11.

26. Non obstantibus Constitutionibus aliquarum Religionum, quibus cauetur ne aliquis assumatur ad aliquod Officium, nisi post determinatum tempus, v. g. triennium, vel sexennium, si pauci dies defecerint, v. g. viginti, aut viginti quinque, poterit nihilominus eligi ad tale Officium. Ratio est, quia paruum istud tempus pronullo reputatur. Nauarr. *lib.* 1. *Consil. de atat. & qual. cons.* 7. Rodriguez *2. tomo quæstionum Regul. quæst.* 52. *art.* 12.

27. Procurantes officia in Religionibus medijs fauoribus secularium, aut aliorum extra Religionem, incidunt in censuras, & pœnas assignatas à nobis *supra cap.* 10. *num.* 17. Si verò contingeret, quòd Religiosus impetrasset à seculari aliquo, vel extraneo litteras fauorabiles pro consequendis Officijs, vel dignitatibus, & c. in Religione, postea verò pœnitentia ductus, vel alio motiuo illas non dedisset, vel ipsæ interceptæ essent, ita ut ad manus Prælatorum non venissent, non incurreret prædictas pœnas,

nas, aut censuras. Cum tales litteræ effectum suum fortiter non fuissent. Nauarrus *lib. 5. Consil. de Sent. excomm. consil. 19. num. 2.* Peirinis *tomo 1. de Subdito quest. 2. de paupert. cap. 2. §. 10.*

28 Religiosi simoniam committunt in electionibus, si dant temporale aliquod munus, vel à manu, vel à lingua, vel ab obsequio pro consequendis Dignitatibus Ecclesiasticis v. g. Abbatia, Prioratu, Prouincialatu, Generalatu, Vicariatu, Disfranchiatiu, seu etiam licentia confessiones audiendi, prædicandi, Ordines recipiendi, seu à casibus reservatis absolvendi, &c. Ratio est, tum ex cap. non satis, & in cap. mandato de Simonia, & in cap. 2. §. Prioratus de Stat. Monaeb. & ex cap. quam pio 1. quest. 2. Tum etiam, quia semper dare liquid temporale pro spirituali simoniacum est. Suarez *tomo 1. de Relig. lib. 4. cap. 54. num. 3.* Laurentius de Peirinis *tomo 1. de Subdito quest. 1. de obed. cap. 31. §. 9.* Qui etiam extendunt hoc ad illos, qui dant aliquod ex prædictis muneribus pro consequendo officio Sacristæ, vel Procuratoris Ordinis. Habetur hoc expressè in cap. Saluator 1. quest. 2. Bonacina de Simonia q. 5. num. 7. Similiter dans pecuniam, seu aliquid ex assignatis pro obtinenda voce, seu suffragio alterius in electionibus committit Simoniam. Quia est datio rei temporalis pro spirituali. Peirinis *ut supra.* Similiter si pro suffragio ferendo beneficium aliquod, vel res spiritualis promittatur, electio secuta est Simoniacæ. Propter eandem rationem. Azor. *tomo 3. Inslia. Moral. lib. 12. cap. 7. quest. 1.* Præterea si alius dedit pecuniam, sciente illo cui officium procurabatur, & non contradicente, electio est Simoniacæ, propter eandem rationem, secus si contradixit, & repugnauit. Suarez *tomo 1. de Relig. lib. 4. cap. 57. à num. 28.*

29 Similiter committunt Simoniam Religiosi in electionibus, si conventionem, vel pactum faciant, quod vnus suffragetur vni in vna electione, & alter suffragabitur in alia. Vt si dicant, si dederis mihi, vel alij tuum votum, ego dabo tibi meum, vel amico tuo. Ratio est, quia huiusmodi pactiones semper continent labem simoniacam, cum sit datio rei spiritualis, pro alia re spirituali, vel onere ad illam: ut habetur ex cap. Quam pio 1. quest. 2. & cap. cum pridem, & cap. pactiones de pactis, & cap. præterea 1. de transactionibus, & cap. tua nos de Simonia, & cap. questum de rerum permutatione. Nauarrus in Summa cap. 23. num. 110. Reginaldus in Praxi lib. 23. num. 244. Vnde electionibus Regularium maxime cauendum est Religiosis, ne in simile barathrum perditionis, animas miserè illaqueando, cadere permittant.

30 Præterea in electionibus Regularium Simonia committitur,

tur, si aliquis priuatus iure eligendi det aliquod munus alteri ne accusetur. Quia simonia non solum committitur dando temporale pro spirituali, sed etiam pro omissione rei spiritualis. *Craffis 1. p. de i. f. l. 2. c. 96. num. 52.* Laurentius de Peirinis *tom. 1. de Subdito. q. 1. de Obedient. cap. 31. §. 9.* Addens bene, & propter eandem rationem, etiam esse simoniacum qui dat pecuniam alteri, ne consentiat in aliqua electione, seu ne suffragetur alicui digno, aut ne repugnet iuste alicui electioni. *Azor 10. 3. Instit. Mor. l. 12. c. 7. q. 1.* Vnde si duo essent electi in aliquod officium, non posset eorum alter dare alij pecuniam, vel promittere, aut dare illi aliquod officium, ut desistat à lite, quam iuste prosequi poterat, absque labe simoniæ; propter eandem rationem. Laurentius de Peirinis, *ut supra.*

31 Licitum tamen est, nec simoniacum, offerre pecuniam, vel aliquod munus, non solum, ut non eligatur indignus, sed etiam ut eligatur dignus in communi, in casu quo Electores essent determinati eligere indignum. *Augustin. Barbosa de offic. Paroch. c. 2. n. 107.* Ratio est, quia hoc non est dare pecuniam, vel munus temporale pro re spirituali; sed redimere vexationem, quæ fit Monasterio, vel Religioni, si illi præficiatur indignus. *Sotus 9. de Inst. quest. 6. ar. 1. ad 2. Valentia tom. 3. disp. 6. quest. 16. punct. 3. vers. 4. sequitur.* Nec etiam committitur simonia tradendo pecuniam subornanti, qui pecunia, vel importunis precibus corrumpit Electores, ne me eligant. Non enim datur pecunia, ut me eligant, sed ne mihi damnum inferatur, aut ne corrumpantur Electores. *Lessius l. 2. c. 35. dub. 18. num. 108.* Bonacina *de Simon. q. 6. punct. 3. num. 6.* Idem dicitur, si aliqui Electores iniuste electionem impedirent, ne fieret: posset enim illis pecunia offerri in redemptionem vexationis, quam patitur Ecclesia non habens pastorem. *Suarez tom. 1. de Relig. l. 4. c. 50. Lessius 2. de Inst. c. 35. dub. 19.* Similiter non est simonia dare pecuniam, vel aliquod munus, ut restituatur officium illi, qui iniuste fuit ipso priuatus, vel ut non infametur iniuste aliquis Electorum, aut illi inferatur aliqua iniuria. Quia hoc solum est redimere vexationem. Laurentius de Peirinis *tom. 1. de Subdito quest. 1. de Obedient. c. 31. §. 9.* Addens hoc esse verum solum quando cui datur pecunia non habet votum in electione, quia si illud habet, iam pecunia consequenter daretur pro voto.

32 De permutationibus, aut commutationibus Officiorum, Ordinis, dicendum est sicut de permutationibus, aut commutationibus Beneficiorum Ecclesiasticorum, quod scilicet tales permutationes, aut commutationes non sunt simoniæ stando in iure

iure diuino, bene tamen iure Ecclesiastico, nisi fiant autoritate Superioris. Ratio totius conclusionis est, quia quamuis huiusmodi officia non sint propriè Beneficia Ecclesiastica, cum non habeant adiunctam vtilitatem reddituum Ecclesiasticorum, sunt tamen quasi Beneficia, & res spirituales, importantes scilicet spirituales iurisdictionem in subditos; unde eodem modo, ac de Beneficijs, de illis philosophandum est. Ratio etiam primæ partis est, quia stando in solo iure diuino, simonia solum committitur dando temporale pro spirituali, non verò commutando spirituale pro spirituali. S. Thomas in *cap. 10. Matth. & in 4. d. 25. quæst. 3. artic. 3. ad 8.* Ratio secundæ sumitur *ex cap. quæstum cum olim, de rer. permut. c. Maioribus de præb. c. ult. de pactis.* vbi huiusmodi commutationes prohibentur. Ratio verò tertiæ partis est decisio *cap. cum vniuersorum de rer. permut.* vbi authoritas Superioris ad huiusmodi commutationes exigitur. Pro his autem à simili de Beneficiorum commutationibus, & alijs concernentibus. Vide Suarez *de Relig. t. 1. l. 4. de simon. c. 30. 31. & 32. 33.* Circa penas simoniacorum dicendum est, quod omnis electio, prouisio, nominatio, & confirmatio simoniacè facta, est ipso iure nulla ante omnem iudicis sententiam, etiam declaratoriã; nullumque ius, vel effectum confert; & qui sic electus est, tenetur in conscientia Prælaturam renunciare, nec ante renunciationem potest absolui. Ratio est, quia ita deciditur in Extrauag. *Cum detestabile, quæ est 2. de simonia.* Suarez *tom. 1. de Relig. l. 4. c. 57. Lessius 2. de Iust. c. 35. dub. 25.* Et hoc, etiam si simonia sit occulta, vt habetur ex eadem Extrauag. & *ex cap. Matthæus. de simonia.* Suarez *vt sup. n. 27.* Hoc etiam, siue simonia sit commissæ ab eodem, qui dignitatem obtinuit, siue ab alijs, ipso etiam nesciente, facta tamen in fauorem ipsius: vt habetur in *cap. nobis, & c. sicut tuis, de simonia.* Suarez, *vt sup. num. 35.* Laurentius de Peirinis *to. 1. de Subdito. q. 1. de obediens. c. 31.* Secus verò dicendum est, si pecunia sit data ab inimico in odium eligendi. Iidem Authores. Deinde, qui recipit simoniacè Ecclesiasticam dignitatem, licet non sit priuatus ipso facto alijs dignitatibus ritè acquisitis, sed expectanda sit iudicis sententia condemnatoria, cum id nullo iure habeatur, est tamen inhabilis ipso iure ad eam, & quasunque alias dignitates obtinendas, propter Bullam Pij V. *Cum primum.* *tom. 2. Bullarij. Azor tom. 3. in sit. moral. l. 12. c. 21.* Peirinis *vt sup.* Præterea per simoniam incursum in Officijs Religionum, quæ sunt Officia Ecclesiastica, & quasi Beneficia, vel illis similia, vt sunt Prioratus, Prouincialatus, Generalatus, &c. incurritur excommunicatio maior Papæ reseruata. Per Extrauagan. Pauli II. con-

confirmatam à Pio V. in Bulla adducta . Rodriguez *tom. 1. quest. Regul. q. 20. ar. 13.* Suarez *loco citato c. 57. num. 47.* Aliqui tamen hoc negant: eò quòd ista officia non veniunt nomine beneficij , propter dicta *n. 32.* Nauarrus in *Mán. c. 23, num. 111.* Azor, *Ol. supra.* Est etiam contra obtinentes dignitates per simoniam in iure posita pœna infamix . Ex *cap. sanè 15. quest. 3. & cap. si quis prebendas 1. quest. 3.* Azor *tom. 3. Institutionum Moral. lib. 12. cap. 21. quest. 7.* Laurentius de Peirinis *tom. 1. de Subdito. quest. 1. de Obed. cap. 31. §. 9.* Aduertens hanc pœnam non incurri ipso facto, sed per solam iudicis condemnationem. An verò possint Prælati Regulares absoluere suos subditos à pœnis contractis ob simoniam , constabit ex dicendis *cap. 18. nu. 39.* Vide Rodriguez *tom. 1. quest. Regul. quest. 20. art. 13.* Suarez *tom. 1. de Relig. lib. 4. cap. ult. num. 4.* Solum est aduertendum, quòd, qui fictam, & deceptoriam simoniam committunt, (v. g. si quis promittat temporale pro spiritali sine animo adimplendi promissum) cum non sint verè simoniaci, non sunt dictis pœnis obnoxij. Sotus *lib. 9. de Iust. & Iur. q. 8. ar. 1.* Aragon. *2. 2. q. 100. ar. 6. duh. 1. concl. 3.* Pro pœnis autem, quas incurrunt mediatores simoniacæ electionis, vide Azor *tom. 3. Instit. Moral. lib. 12. cap. 24. q. 1.* Nauarr. *lib. 5. consil. de Simon. cons. 98.*

34 Præsidentes electionibus Regularium debent iuxta Instituta suarum Religionum procedere . Non possunt autem priuare Religiosos Capitulares voce actiua, vel passiuâ, sine eo, quòd prius citentur, ipsisque detur copia eorum, quæ contra ipsos sunt fulminata, vt possint se defendere. Quia nemo potest condemnari inauditus, & defensiones sunt de Iure naturali. Rodriguez *tom. 2. q. Regul. q. 51. a. 11.* Miranda *tom. 2. Manualis q. 23. a. 21.* Quod adeò verum est , vt etiam si dicatur in commissione Præsidentium , vt possint priuare Religiosos Capitulares voce actiua, vel passiuâ , non possint id facere, nisi modo dicto . Quia tales commissiones semper debent intelligi seruato iuris ordine . Laurentius de Peirinis *tom. 1. de Subdito. q. 1. de obed. cap. 31. §. 10.* Vnde Patres Capitulares, Præsidentibus non procedentibus iuris ordine seruato , non tenentur obedire. Rodriguez, & Peirinus citat. Qui etiam adiungunt , quod si maior pars Capituli nolit Præsidenti obedire, propter eius iniustitiam in procedendo , potest ad electionem procedere sine ipso .

35 In quacunque electione necessaria est confirmatio Superioris: *ex c. auaritia. de elect. l. 6.* Siluester *verb. confirmatio.* Suarez *to. 4. de Relig. tract. 8. l. 2. c. 5.* Generales tamen plurium Religionum ex multis priuilegijs illis concessis, eo ipso, quòd sunt electi,

N

sunt

sunt à Sede Apostolica confirmati. Vide Sixtum IV. in Bulla *Dum attenta*. quæ est in Speculo Ordinis f. 87. Vnde in Constitutionibus Carmelitarum *par. 2. c. 1.* sic dicitur de Generali: *Cuius electio cum suo solo consensu est confirmatio eo facto, ut in privilegio Summorum Pontificum expresse continetur.* Casarrubius in *Comp. v. electio. §. 3.* Si autem electio est legitima, non potest Superior non confirmare illam, imo peccabit graviter aliter faciendo. Quia canonicè electus habet ius ut confirmetur.

36 Electio omnis confirmanda est à proximo Superiore; Quia ita habetur expresse *cap. nihil. §. ceterum. de Elect. D. Antonin. 3. par. tit. 19. cap. 4.* Ante confirmationem electio per electionem solum acquiritur ius ad Prælatiam, non autem exercitium. Nauarr. *comm. 2. de Regul. num. 65.* Ad confirmatorem pertinet examinare personas, tam eligentium, quàm electi, & formam electionis, etiã si nihil electio obijciatur. Nauarr. *lib. 1. Consil. de elect. conf. 2. num. 1.* Non licet confirmatori confirmare electum indignum. Quia cum non sit idoneus tali officio, confirmatio redundaret in graue damnum Ecclesiæ. Ledesma *2. par. summa tract. 7. c. 2.* Peirinis *tom. 1. de Subdit. q. 3. de obed. c. 31. §. 11.* Licet autem illi confirmare dignum, quem Electores elegerunt, relicto digniori. Tum quia eo ipso, quod est electus, est iudicandus dignior; tum quia confirmatio est actus exterior, ac proinde debet conformari electioni digni, quæ in foro exteriori valida est. Salon *2. 2. q. 63. a. 2. controuers. 3.* Bãñez *dub. 3. ad 7.* Electus ad aliquam dignitatem, si ante confirmationem administret, est ipso facto priuatus, iure acquisito per electionem. Ut habetur in *cap. auaritia. de elect. in 6. c. e. qualiter. eod. tit.* Grassis *tom. 2. Consil. lib. 1. de elect. conf. 2. num. 3.* Si confirmatori proponantur duo, vel tres, tenetur digniorem confirmare. Quia tunc electoris, & confirmatoris, vicem gerit. Rodriguez in *summa tom. 1. c. 106.* Salon *2. 2. q. 63. art. 2. controu. 3.* Confirmator sciens per scientiam habitam in Cõfessione Sacramentali aliquem esse indignum, si nihil aliud obstat, debet illum confirmare. Quia cum confirmatio sit actus exterior, debet in eo procedere secundum allegata, & probata. Laurentius de Peirin. *to. 1. de Subdit. q. 1. de obed. c. 31. §. 10.* Non potest electus confirmatorem iniuste confirmare renuentem pecunia emolire. Quia talis confirmatio est quid spirituale. Azor *tom. 3. Instit. Moral. lib. 1. c. 7.* Suarez *tom. 1. de Relig. lib. 4. c. 50. num. 29.* Licet aliqui de hoc dubitare videantur, Maior in *4. d. 25. q. 5. ad 2.*

37 Eligentes aliquem ad aliquod officium, seu dignitatem vnamini consensu, non possunt deinde se electioni opponere, nisi causis legitimis postea emergentibus. Habetur expresse in *cap. nulli.*

de.

de elect. in 6. Opponentibus autem, seu appellantes contra aliquem electum, vel eligendum, seu formam electionis, vel etiam contra electores, debent in litteris appellationem, seu oppositionem continentibus, exprimere singula, quæ intendunt obijcere, sub iuramento. Ita habetur expressè in *cap. ut circa. de elect. in 6.* Laurentius de Peirinis *tom. 1. de Subd. q. 1. de obed. c. 31. §. ult.*

38 Si contingat illegitimum, quantumvis occultum, eligi in Prælaturam, nullo modo potest acceptare Prælaturam, sed, vel procurare dispensationem, vel declarare suum defectum, si sine præiudicio suæ, aut alterius famæ id facere potest. Talis enim electio in persona illius facta, est ipso iure nulla, *cap. innotuit. de election. Sorb. in comp. verb. dispensatio. vers. Ideo Iulius. Rodriguez tom. 1. q. 13. a. 5.* Si autem talis cogatur acceptare Prælationem, & ipse, resistere quantum potuerit, nec possit sine sua, aut suorum infamia dispensationem petere, poterit illam acceptare: nam ius cõservandi famam est naturale, quod iuri positivo non habendi Prælaturas illegitimum præponderare debet. Rodriguez *ut supra. Laurent. de Peirin. tom. 1. priuil. Minim. in constitut. 2. Iulij 11. §. 29. num. 100.*

39 Regulares pœnitentiati à Sancto Officio Inquisitionis, etiam si pœnitentia tempus expleuerint, vel gratiam receperint, sunt inhabiles eo ipso ad omnes gradus, & officia sua Religionis, exceptis illis, quibus salutare pœnitentiæ impositæ fuerint; & illos promouentes incurrunt etiam ipso facto, in priuationem suorum officiorum, ac præterea vocis actiua, & passiva, iuxta Decretum S. D. N. N. S. Urbani VIII. ann. 1626. vbi etiam adiungitur: *tam prædictos pœnitentiatos, quàm illos promouentes, non posse rehabilitari nisi ab eodem S. D. N. vel ab eadem Sacra Congregatione* (scilicet S. Inquisitionis) *coram Sanctitate sua habenda.* Laurentius de Peirinis *tom. 2. priuileg. Minim. in constit. 9. Pauli V. num. 29.* Pœnitentiæ salutare dicuntur illæ, quæ extraiudicialiter, & priuatim infliguntur, ut sunt ieiunia, disciplinæ, orationes, &c. Laurentius de Peirinis *ibidem.* Idem credo de aliquibus reprehensionibus, admonitionibus, seu etiam correctionibus, quæ dari solent aliquibus in hoc S. Tribunali. Declaratum autem est sæpius, ut audiui, (imo vidi declarationem eiusdem S. Congregationis 22. Decemb. 1632.) pœnas prædictas in hoc Decreto non incurri ab ijs Regularibus, qui ante illud pœnitentiati sunt à Sancto Officio, sed ab ijs, qui postea.

De Obligationibus Regularium ad manendum
in Monasteriorum Clausura.

C A P. XVI.

I MNES Religiosi quicunque illi sint obligantur ad habendum aliquod genus Clausuræ in Clausuris, & Monasterijs suorum Ordinum. Id constat, tum ex omnium Religionum usu, tum ex *cap. Placuit il 2. cap. Iuxta. cap. Monachi, &c.* Huiusmodi autem Clausura in duobus præcisè consistit, scilicet in non egrediendo à Monasterio sine licentia suorum Superiorum, & in non apostatando, aut relinquendo Religionem, quam sunt professi; ideoquæ de singulis dicendum est.

2 Hinc primò, quicunque Religiosus ex suo Monasterio sine licentia Superioris egrediens graviter peccat, & sæpiùs mortaliter, nisi prauitas materiæ egressus solum inducat culpam venialem. Id constat primò ex consuetudine, & usu omnium Religionum, quæ huiusmodi egressum furtiuum, vt grauem culpam semper puniunt. Secundò ex Concil. Trid. *sess. 25. cap. 4.* vbi dicitur: *Non liceat Regularibus à suis Conuentibus recedere, etiam prætextu ad suos Superiores accedendi, nisi ab eis missi, vel vocati fuerint.* Quæ doctrina conformis etiam est antiquioribus Concilijs, specialiter Calcedonenſi *cap. 4.* & alijs apud Gratianum, 16. *quæst. 1.* Tertiò ratione, nam cum Religiosi ex vi suæ professionis subditi esse debeant Superiori, ita vt ab illo possint gubernari, manifestum est graviter obedientiam offendere, qui à Conuentu sine licentia Superiorum recedunt. Suarez 4. *tom. de Relig. tract. 8. lib. 1. cap. 6.*

3 Maximè hoc verum est loquendo de egressu nocturno à Monasterio sine licentia. Ratio est, tum quia Clemens Octauus in Decretis de reservatione casuum, inter casus reservabiles à Superiore constituit istum de egressu nocturno Religiosi à Monasterio sine licentia, constat autem casum reservabilem esse culpam mortalem. Tum etiam propter periculum infamiae, scandalii, & detrimenti Castitatis, quod ex tali egressione nocturna oriri potest. Suar. 4. *tom. de Relig. tract. 8. lib. 1. cap. 6. nu. 7.*

4 Licentia autem hæc, quæ requiritur ad egrediendum è Monasterio regulariter loquendo debet esse explicita, aliquando verò

verò sufficit implicira , & interpretatiua . Prima pars constat ex usu , vt credo, omnium Religionum . Secunda verò, quia possunt occurrere aliqui casus, in quibus sit Religiosus obligatus ex charitate exire à Monasterio, vt ad absolucendum aliquem moribundum , defendendum aliquem innocentem , succurrendum domui vicinæ, quæ comburitur , &c. In quibus tamen non semper cōmodè peti potest licentia à Superiore. Suarez 4. tom. de Relig. tract. 8. lib. 1. cap. 6. num. 11.

5 Non possunt Religiosi exire à Monasterijs sine licentia speciali ex vi alicuius licentiæ generalis , aut sine causa approbata , aut licentia singulis vicibus impetrata , aut sine socio arbitrio Superioris . Ita decreuit Clemens Octauus in Decretis pro reformatione omnium Regularium à Sacra Congreg. iussu S. D. N. Urbani Papæ Octauo approbatis , & innouatis , per hæc verba . *Nullus à Conuentu egredi audeat , nisi ex causa , & cum socio , licentiaque singulis vicibus impetrata , ac benedictione accepta à Superiore , qui non aliter eam concedat , nisi causa probata , sociumque exituro adiungat , non petentis rogatu , sed arbitrio suo ; neque eundem sepius . Licentia verò generales exeundi , nulli omnino concedantur . Contrauenientes autem pœna graui etiam carceris ad Superioris arbitrium plectantur , eandem etiam Ianitor subeat , si sciens , exeundi facultatem fecerit . Sanctissimus quoque Dominus noster Urbanus Octauus ad instantiam Catholici Monarchæ Hispaniarum , in Bulla edita anno 1626. die 30. Iulij , reuocauit , cassauit , & annullauit omnia priuilegia , prerogatiuas , & exemptiones Religiosorum in Regnis Hispaniarum existentium , per quæ iidem Religiosi ab eorum Prælatorum obedientia eximantur , & ex eorum Monasterijs ; & Regularibus domibus ad eorum libitum , & cum socijs sibi benè visis , & iam destinatis , etiam Superiorum suorum non petita licentia egrediuntur . Vide suprâ cap. 10. num. 26.*

6 Ad huiusmodi etiam Clausuram in Monasterijs magis commendandam præcipiunt Clemens Octauus , & S. D. N. Urbanus in Decretis adductis ; Quòd vt omnis scandalorum , & vagationis occasio tollatur , Conuentus clausura perpetuò , ac diligenter seruetur , ac propterea à Superiore Ianitor constituatur , qui diligentia , ac morum integritate maximè commendetur . De ipso quoque Ianitore , seu portæ communis Monasterij Custode iubent . Quòd , is ianux custodiendæ semper assistat , eamque nemini Fratrum aperiat , nisi socium , & exeundi licentiam obtinuerit . Circa redeuntes autem ad Monasteria hæc præcipiunt iidem Pontifices . *Cum autem quis in Conuentum reuertitur , Su-*

periorum iterum adibit, benedictionem recepturus, qui à socio itineris rationem, & quid rei actum sit, diligenter perquirat. Sunt etiam quoad hoc peculiaria Statuta Religionum. Vide à nobis dicta in libro de Reform. Regul. cap. 7. & 8.

7 Qui egreditur à Monasterio sine licentia cum animo redeundi, non est propriè, & rigorosè Apostata, sed fugitiuus, vel vagus. Ratio est, quia essentialis ratio apostasiz consistit in hoc, quòd quis recedat à Religione animo deserendi illam, vel nunquam ad illam reuertendi; vnde qui hunc animum non habuerit non erit propriè Apostata, sed fugitiuus. Aragon. 2. 2. quæst. 12. art. 1. Bañez *ibidem*. Vnde etiam si aliquis recedat à Conuentu sine habitu, dummodò non habeat talem intentionem non redeundi, aut deserendi Religionem, non erit propriè Apostata, sed fugitiuus. Valentia 2. 2. disp. 1 q. 12. puncto 1. Sanchez lib. 6. in Decalog. cap. 8. nu. 4. Nihilominus peccat grauiter mortaliter, tum propter dicta, tum ex natura status Religiosi, per quem tenetur subesse potestati, & imperio sui Superioris. Suarez 4. tom. de Relig. tract. 8. lib. 3. cap. 1.

8 Poterit tamen Religiosus licitè fugere ex Conuentu, si certò, & euidenter constaret illum nimium iniuste vexari à suo Superiore, & vellet ire ad Superiorem Prælatum. Ratio est, tum quia ius defensionis est naturale, tum quia in hoc casu præsumitur licentia Superioris Prælati, ad quem accedit. Suarez 4. tom. de Relig. tract. 8. lib. 3. cap. 1. nu. 6. Quomodo autem hoc non opponatur doctrinæ Concilij Tridentini dicitur à nobis inferius num. sequenti.

9 Religiosus autem, qui in pœnam alicuius delicti à suo Superiore detinetur in carcere, non potest ex illo fugere, sed est fugitiuus sic faciendo. Ratio est, quia esto secularibus id liceret (de qua aliàs) Religiosis non licet, tum quia tenentur obedire Prælatis, quoad pœnas iuste infligatas, tum quia non possunt se abstrahere à iugo, & obedientia suorum Superiorum. Ledesma 2. tom. Summ. tit. 8. cap. 24. Sairus in Clau Regia lib. 12. cap. 18. num. 9. Limita hoc primò, si certò constet pœnam illam carceris esse iniuste infligatam, aut si cibis, & necessaria ad vitam in carcere negarentur. Quia non tenetur in istis quisquam obedire Prælatis. Nauarr. Comment. 4. de Regul. num. 64. Sairus in Clau Reg. lib. 12. cap. 18. num. 10. Nec discessus à Conuentu in tali casu est contra Decretum Concilij Trident. adducti suprà nu. 2. Eò quòd non est credendum Concilium loqui de Religiosis à suo Superiore iniquè, & contra ius grauatis. Nauarr. Comment. 2. de Regul. nu. 61. & comment. 3. num. 51. Sairus in Clau Reg.

Reg. lib. 12. cap. 17. nu. 40. Limita secundò, si pœna capitis, aut abscissionis alicuius membri Religioso illi in carcere incluso immineret. Quia tunc naturale ius conseruandi vitam, & membra sui corporis præponderare deberet iurì positiuo Religionis. Bañez 2.2. *quest. 69. art. 4. Salon. ibidem controu. 2.*

10 De Religioso damnato ad carcerem perpetuum, aliqui volunt posse fugere. Bañez 2.2. *quest. 69. art. 4.* Probabilius tamen est contrarium. Eò quòd pœna carceris, etiam perpetui, est conuenientissima statui Religioso, nec tam contraria iuri naturali, vt non possit cœteri ad illam se obligasse Religiosum ex vi professionis quando crimen proportionatum perpetraverit. Rodriguez *tom. 2. Quest. Regul. quest. 22. art. 6.* Num autem Religiosus damnatus ad triremes possit à carcere fugere, vt vadat ad Superiorem, vel Pontificem, veniam petiturus? Aliqui respondent affirmatiuè. Bannez 2. 2. *quest. 69. art. 4.* Alij verò negatiuè. Sanchez *lib. 6. in Decalog. cap. 8. num. 16.* Ego autem magis inclinor in sententiam Bannez, non solum quia talis pœna est grauissima, & veluti quzdam perpetua mors, sed quia illa punire Religiosum delinquentem esse videtur contra decorem, & honestatem Religionis.

11 Propter recessum Religiosi à suo Conuentu, etiam sine causa, & occasione, non est aliqua censura, vel pœna lata iure communi. Ratio est, nam *cap. 2. ne Cleric. vel Monach. in 6.* quod adducitur ab aliquibus, solum loquitur de Religioso dimittente habitum, vel accedente ad studia sine licentia. Suarez 4. *tom. de Religione. tract. 8. lib. 3. cap. 1. num. 9.* Nauarr. *Comment. 2. de Regular.* Quare circa talem censuram, vel pœnam consulenda sunt Constitutiones Pontificum, & Religionum. Casarubius in *Compend. privilegior. verb. Apostata ab ordine.* Miranda in *Manual. tom. 1. quest. 51. art. 1.* In nostra Carmelitana Religione tales Religiosi decedentes à Conuentibus sine licentia, habentur, vt excommunicati, & vt tales puniuntur, & absoluuntur secundum consuetudinem Religionis, eò vt credo, quia *par. 3. Constit. cap. 1. §. 1. 2. & 3.* dicuntur puniendi, vt Apostataz, & vt tales censendi. Apostatas autem à Religione excommunicatos esse, dicitur infra *num. 13.* Religiosos etiam accedentes sine licentia ad portus transmarinas vbi pauci fideles reperiuntur, excommunicatos esse à iure excommunicatione Papæ reseruata diximus supra *cap. 9. num. 32.*

12 Religiosus verè, & propriè Apostata (ille scilicet, qui, vt diximus supra *num. 7.* discedit à Conuentu, vel Religione, animo deferendi illam, & nunquam reuertendi) præter alias pœnas à par-

ricularibus Religionibus assignatas; iure communi, si durante apostasia Ordinem sacrum recipiat, non potest in illo ministrare, sed manet suspensus donec à Papa dispensetur, etiam si postea redeat ad Religionem. Ita habetur in *c. fin. de Apostat.* Suarez 5. tom. in 3. p. disp. 31. sect. 6. Sanchez lib. 6. in Decalog. c. 8. n. 21. Addunt aliqui esse excommunicatum à iure per c. 2. ne clerici, vel monach. in 6. Sed ibi solum est sermo de illo, qui habitum suæ professionis temerè relinquit, quod est valde diuersum ab apostasia, cum vnũ sine alio possit reperiri. Aragon. 2. 2. q. 12. a. 1. Suarez 5. tom. in 3. p. disp. 31. sect. 6. Addunt etiam alij hos Apostatas esse irregulares. Sed ex vi iuris communis hoc est falsum, cum de hoc nullus ostendatur textus. Regulariter tamen loquendo ita est, quia vt in plurimum exercent Ordines sacros cum aliqua censura. Hoc verò non est ex vi apostasiæ præcisè. Suarez 5. tom. in 3. p. disp. 31. sect. 6. nu. 2. Sanchez lib. 6. in Decalog. c. 8. n. 25. & 26. Dici tamen potest Apostatas, dum perseuerant in Apostasia esse irregulares, quia sunt ipso iure infames, & vt tales non admittuntur vt testes. Grassi lib. 3. de casib. reseru. c. 2. n. 26. Laurentius de Peirinis tom. 1. de Subdit. q. 1. de obed. c. 26. Præterea alij volunt hos Apostatas expositos esse pœnis taxatis à Paulo IV. in Bulla ann. Domin. 1558. edita, quæ incipit, *Postquam Diuina bonitas*. Sed hæc Bulla videtur moderata, & ad formam iuris, & Sacrarum Constitutionum reducta per aliam Pij IV. ann. 1560. quæ incipit, *Sedis Apostolicæ*. Prosper August. in addit. ad Quarant. in summ. Bull. verb. *Apostata*. Addunt vltèrius alij istos Apostatas non gaudere priuilegijs Religionum, propter Decretum Concil. Trident. sess. 25. c. 19. Sed ibi non est sermo de quocunque Apostata, sed de illo, qui dimittit habitum suæ Religionis, & præten dit se per vim, metum, aut ante legitimam ætatem fuisse professum, & de hoc dicitur, *Nullo Priuilegio sua Religionis iuuetur*. Sanchez lib. 6. in Decal. c. 8. n. 34. Alij etiam volunt Apostatas non gaudere priuilegio exemptionis, quo gaudent cæteri Religiosi. Erasmi. Chokier de Iurisdiction. Ordinarij. in exempt. p. 1. q. 20.

13 Nihilominus prædicti Apostatæ Religionum incurrunt excommunicationem propter varia priuilegia Religionum, quibus Summi Pontifices prædictos Apostatas excommunicatione afficiunt, de quibus Casarubius in Compend. Priuileg. Mendican. verb. *Apostata ab Ordine*. Sanchez lib. 6. in Decalog. §. 8. n. 20.

14 Cooperantes ad fugam, vel apostasiam Religiosorum non solum peccant grauiter contra ius naturale, eò quòd cooperantur ad rem intrinsecè malam, & sacrilegam, sed etiam tenentur restituere ea lucra temporalia, quæ Religio amisit propter fugā talis.

alis Religiosi, saltem quando id fecerunt vi, vel fraude. Ratio est, quia tunc fit grave nocumentum Religioni contra eius voluntatem, ergo peccatur contra iustitiam, ac per consequens est obligatio restituendi damnum. Caietanus *in summ. verb. restituit.* c. 7. Suarez tom. 4. *de Relig. tract. 8. lib. 3. c. 3. num. 8.* Non tamen tenentur Religionem ingredi pro illis, quos apostatate faciunt, aut alios quærere, qui pro illis Religionem ingrediantur. Ingressus namque Religionis nimis voluntarius esse debet, & propter vitam perfectioris finem. Soc. 4. *de Inst. q. 6. ar. 3.* Ledesma 2. *part. quart. q. 18. ar. 2.* An autem iure Ecclesiastico sint excommunicati propter privilegia Mendicantium isti cooperatores; vide Suarez to. 4. *de Relig. tract. 8. l. 3. c. 3. num. 26.*

15 Specialiter tamen detinentes in suis domibus Fratres Apostatas, occultantes, ipsique fauorem impendentes, sunt ipso facto excommunicati. Propter multa Privilegia Religionibus concessa, de quibus Casarubius in *Compend. Privileg. verb. Apostate ab Ordine.* Peirinis tom. 1. *Priuil. Minim. in Const. Iulij 11. §. 13. num. 47.* Aduertens benè quòd Episcopi retinentes Apostatas non possunt à Prælati Ordinis excommunicari. Quia illi habent privilegium iure communi, quod excommunicari non possunt, nisi expressa mentio de illis habeatur. *c. quia periculosum. de sens. excomm. in 6.* Pius quoque II. magnam provisionem fecit contra omnes Principes, Duces, aliosq. Magnates fauentes Apostatis, & alijs fratribus inobedientibus Ord. Carmelitarum, quòd scilicet possit contra illos procedi per censuras Ecclesiasticas, usque ad inuocationem brachij secularis. Mirand. in *Man. t. 1. q. 51. ar. 2.* Detinentes etiam in suis Monasterijs Apostatas Ord. Prædicatorum sunt etiam à Papa excommunicati. D. Ant. 3. *p. 2. c. 4. c. 7.* Vin. Filiuc. t. 1. *q. mor. tra. 15. c. 8.*

16 Apostatæ, & fugitivi possunt vbique, etiam extra territorium, apprehendi à suo Superiore, incarcerari, & duci ad Monasterium, inuocato ad hoc si oporteat, adiutorio brachij secularis. Tū ex vi iuris communis, quod concedit hoc modo posse capi seruum fugientem vbicunque sit, *l. si quis. §. differenti ff. de acqu. p. cess. §. & illū qui alteri est obligatus. l. 1. §. per seruit, qui in fuga. ff. de acqu. poss.* Tum etiā ex multis privilegijs Religionibus concessis, specialiter Carmelitibus, ut habetur in nostro Mari magno. *§. Apostatas corrigi quoque Ordin.* Nauarr. *comm. 3. de Regul. n. 59.* Rodriguez tom. 1. *quæst. Regul. qu. 30. ar. 6.* Quod etiam est verum quando Fratres Apostatæ, & fugitivi detinerentur ab Episcopis, propter Constitutionem Pij V quæ incipit, *Et si Mendicantium.* Præsertim, quia, qui debent alijs perpetuam obediētiam, possunt de manibus quorumcunque capi. Peirinis to. 2. *priuil. Minim. in const. 7. Pij V. n. 20.*

Ad.

Addens hoc non solum esse verum quando Religiosus fugit sine licentia, sed etiam quando iuit cum illa per certum terminum, & ille est transactus. Adde etiam, posse Prælatum Regularem auctoritate propria hoc facere, sine inuocatione brachij secularis, siue Episcopalis. Cornexo 10. 2. in 3. p. tract. 5. de excomm. disp. 6. dub. 5. Imò etiam teneri Prælatos requirere Apostatas, & fugitivos constat ex c. fin. de Regular. vbi præcipitur, vt *Præsidentes Capitulis celebrandis, seu Patres, seu Abbates, fugitivos suos de Ordine suo requirant sollicitè annuatim. Qui si in Monasterijs suis recipi possunt secundum ordinem regularem, Abbates seu Priores eorum, monitione prauia, per censuram Ecclesiasticam compellantur ad receptionem eorum, salua Ordinis disciplina*: Id est, nisi fortè Monachus fugitiuus esset notabiliter scandalosus, & periculosus alijs fratribus, & apud non posset capi, aut detineri. Siluester verb. *Apostasias*. nu. 10. Rodriguez tom. 1. quæst. Regul. q. 30. a. 5. Statuitur præterea in dicto cap. final. de Regular. quòd in prædicto casu, quo Monachus fugitiuus, aut Apostata, non posset in Monasterio detineri, vt apud eadem Monasteria in locis competentibus, si absque graui scàdalo fieri poterit, alioquin in alijs religiosis domibus eiusdem Ordinis, ad agendum ibi pœnitentiam talibus vita necessaria ministratur. Si verò huiusmodi fugitiui inobedientes inuenerint, eos excommunicent, & tamdiu faciant ab Ecclesiarum Prælati excommunicatos publicè nunciari, donec ad mandatum ipsorum humiliter reuertantur. Quæ omnia innouata sunt à Sacra Congregatione Concilij iussu S. D. Nostri Urbani edita anno 1624. Vnde licet alias non essent in vfu, modò tamen non excusantur Prælati ab executione ipsorum. Bonacina de clausura q. 2. punct. 11. §. 2. Aliàs incurrerent pœnas in eodem Decreto assignatas. Bonacina ibidem.

17 Cura recolligendi Fratres Apostatas, & fugitiuos, incumbit Prælati ipsorum. Propter multa Priuilegia Religionibus cõcessa. Compendium Priuilegiorum verb. *Apostata*. Nauarr. com. 3. de Regul. n. 50. Vnde quando Concilium Trident. sess. 25. c. 4. hoc munus videtur remittere Ordinarijs, intelligitur in casu, quo Prælati Regulares pigri, & negligentes fuerint, aut forsan nõ fuerint in illis necessibus, vbi reperi sunt Apostatæ fugitiui. Miranda in Man. l. 1. qu. 51. ar. 3. Sacra tamen Congregatio Concilij iussu S. D. Nostri Urbani edita in Decreto de Apostatis, & Electis præcipit ad intentum, vt fugitiui, & Apostatæ, siue habitũ regularem deferant, siue non, possint, ac debeant ab Episcopo loci, vbi morà trahunt, in carceres conijci, ac Superioribus Regularibus consignari secundum regularia instituta puniendi, vtque ipsi quoque Superiores teneantur eos perquirere, ad Religionem reducere,

at.

atque efficere, ut apprehendantur. Vide Decreta 4. tom. Bul. lar. inter constitution. Urbani num. 26.

18 Apostata, & fugitivi ad Ordinem redeunt, & humiliter precantes veniam, benignè sunt recipiendi. Id enim & ratio naturalis, & clementia Ecclesiæ, & Religionis expostulat. Nauarr. lib. 3. consil. de Regul. consil. 69. num. 1.

19 Monasterium non tenetur soluere debita contracta à Religioso Apostata, vel fugitivo, nisi in casu, quo rediens ad Religionem, secum adduxerit aliqua bona, ex quibus possent solui talia debita. Ratio utriusque partis est, quia sicut ratio naturalis dicit, quòd qui sentit commodum, debeat etiam sentire onus, iuxta regul. iuris in 6. sic etiam è contra, quòd qui nullum commodum sentit, nec sentiat damnum. Nauarr. lib. 3. Consiliorum. consil. 73. num. 3. Rodriguez tom. 1. quæst. Regul. q. 30. ar. 11. Pro debitis contractis ab alijs Religiosis, vide cap. 2. num. 18.

20 Ea, quæ acquirit Religiosus Apostata, vel fugitivus, pertinent ad suam Religionem. Tū quia ita definitur in c. Abbas. 18. q. 2. Tum quia isti sunt veri Religiosi, ac per cōsequens debēt Monasterio acquirere. D. Antonin. 3. p. tit. 16. c. 5. Siluest. ver. Apostat. q. 9. n. 12. Quod intellige, etiam si acquirat contra voluntatem Religionis, aut peccando aliquo genere peccati, præter peccatum, contra iustitiam. Solum enim hoc peccatum potest priuare Monasterium suo iure. Rosella in summ. verb. Religio. 1. num. 1. Sanchez lib. 7. in Decal. c. 33. num. 6. Si autem moritur in apostasia, vel fuga, bona, quæ illi supersunt, pertinent ad Cameram Apostolicam; propter Constitutionem Gregorij XIII. quæ incipit, Officij nostri. Nauarr. lib. 3. consil. in 1. edit. tit. de Regul. consil. 80. num. vnicuique, in 2. verò tit. de stat. monach. consil. 17. Sanchez lib. 7. in Decalog. c. 33. n. 9. Vide dicenda num. sequenti.

21 Si Religiosus Apostata, vel fugitivus, in apostasia, vel fuga impetravit beneficium alicuius Ecclesiæ, ea quæ acquirit intuitu talis Ecclesiæ, cedunt Ecclesiæ, quia illi acquirit, ut pars illius. Ea verò, quæ acquirit intuitu personæ, aut sua industria, acquirit Religioni, cum persona illa, & sua industria, spectent ad Religionem. D. Antonin. 3. p. tit. 16. c. 5. §. 1. Azor tom. 1. Instit. Moral. 12. cap. 16. q. 8. Bona verò post mortem veniunt ad Cameram Apostolicam, iuxta dicta supra num. præced. Si autem in vita illa dedit Religioni, videtur non teneri ad restituendum ipsa Camera, nisi Camera petat, quia nemo tenetur ad pœnam ante condemnationem. Suarez 4. tom. de Relig. tract. 8. lib. 3. cap. 2. nu. 27. Vide dicta cap. 10. nu. 5.

22 Quæ verò prædicti Apostata, aut alij quicunque Regulares

acquirunt per illicitam negotiationem, vel aliàs contra Sacros Canones, qualiter etiam pertineant ad Cameram Apostolicam, diximus supra *cap. 10. nu. 5.* lege Nauarrum *in comm. de Spolijs. §. 7. d. num. 3.* Suarez 4. *tom. de Relig. tract. 8. lib. 3. cap. 2. d. num. 23.* Qualiter etiam bona Regularium, etiam cum licentia, extra claustra degentium, pertineant ad eandem Cameram, post ipsorum mortem, dicemus inferius *num. 31.*

23 Potest Religiosus ex legitima facultate viuere extra Monasterium, retento habitu. Ratio est, quia nec hoc est intrinsicè malum, nec derogat votis professionis, cum etiam ibi possint obseruari Obedientia, Paupertas, & Castitas. Suarez 4. *tom. de Relig. tract. 8. lib. 3. cap. 7.* Quamuis autem iure communi possent Prælati Religionum hanc licentiam concedere, quia hoc spectat ad iurisdictionem, quam habent supra subditos. Nauarr. *comm. 2. de Regular. num. 16. & 40. & comm. 4. num. 14.* Tamen iure nouo Clement. VIII. in decretis pro reformatione Regularium approbatis, & innouatis à S. Congregatione, iussu S. D. N. Urbani, sic habetur: *Ineatur ratio, qua sub iactis licentijs, ac facultatibus hactenus quibuscunque concessis, degentes extra Consuetus claustra, ad ea quamprimum reuocentur, nec de cetero, nisi ex grauissima causa à Sede Apostolica probanda, huiusmodi facultates concedi possint.* Vide *num. 25.*

24 Non potest Religiosus sola licentia sui Superioris manere extra Monasterium ad inferuendum alicui Ecclesiæ Parochiali, beneficio seculari, aut dignitati Ecclesiasticæ. Probatum tum ex Decreto Clementis VIII. & Urbani VIII. adducto, tum ex multis iuribus, & auctoritatibus apud Siluestrum *verb. Religio. 7. qu. 3.* Casu autem, quo Religiosi nostri priuilegio Sedis Apostolicæ aliquod Beneficium simplex, vel curatum obtinuerint, etiam si ea dimiserint, non possunt amplius in Capitulis Generalibus, vel Prouincialibus, absque Generalis licentia, admitti, aut sine ea aliquod officium in Religione habere, sub pena excommunicationis ipso facto. Ita enim concessit Sixtus IV. Carmelitæ. Vide Specul. Ordin. *fol. 90.* Rodriguez *tom. 2. quæst. 64. art. 3.* Dubito tamen an isto priuilegio utantur aliæ Religiones.

25 Quamuis etiam ob necessitatem Parentum posset Religiosus habitu retento, manere extra Monasterium ex vi iuris communis. D. Thom. 2. 2. *quæst. 101. art. 4.* Nauarrus *lib. 3. Consil. de Regul. consil. 54. 55. & alibi.* Tamen propter ius nonum adductum, Clementis Octauæ, & Urbani Octauæ, non potest hoc fieri, nisi de licentia Sedis Apostolicæ talem causam approbantis. Vide *num. 23.*

26 Religiosus extrâ Clausura delinquens, puniendus est iuxta modum præscriptum à Concil. Trident. *sess. 25. cap. 14.* scilicet. *Regularis non subditus Episcopo, qui intra Clausura Monasterij degit, & extrâ ea ita notoriè deliquerit, ut populo scandalo sit, Episcopo instante; à suo Superiore infra tempus ab Episcopo præfigendum seuerè puniatur, ac de punitione Episcopum certiore faciat, sin minus à suo Superiore officio priuetur, & delinquens ab Episcopo puniri possit.* Vide Alderete *lib. 1. de Relig. discipl. cap. 3. à num. 35.* Vbi etiam probat, non posse Ordinarium contra Religiosum componere processum, & si quos testes examinandos curauerit, ut de scandalo, & delicti notorietate constet, eorum depositionem tradendam esse Superiori. Nec posse Religiosum ab Ordinario capi: quod si in ipso delicto fuerit comprehensus, ad ipsum Superiorem recta viâ deferendum. Quia tamen aliqui Superiores Religionum admoniti de delictis Religiosorum eos extrâ Episcoporum Diocesim ex industria impunitos transmittant, vel ipsi ad alias Prouincias se conferebant, & ita nec Religiosus delinquens ab Episcopo puniri poterat, nec Superior officio priuari, ideò Clemens Octauus in motu proprio anno 1596. edito, qui incipit, *Suscepti maueris*, & est inter Bullas huius Pontificis 39. præcipit, Omnibus, & singulis cuiuscunque Ordinis Superioribus in virtute sanctæ obedientiæ, & sub indignationis Apostolicæ, ac priuationis dignitatum, & officiorum per eos obtentorum, eò ipso incurrendis pœnis, ut iuxta prædictum Decretum, quilibet ipsorum, Regularem non subditum Episcopo, intra Clausura degentem, & extrâ ea ita notoriè delinquentem, ut populo scandalo sit, Episcopo instante intra tempus ab Episcopo præfigendum seuerè puniat, ac de punitione Episcopum certiore faciat, & aliis Decretum ipsum, in omnibus, & per omnia exequatur. Cæterum si Superior in Regularem delinquentem non animaduertit, quinimmo si illum impunitum ad alia suorum Ordinum loca, extrâ Episcopi Diocesim, ut præfertur, transmiserit, voluit, & simili motu, atque auctoritate decreuit, ut Superior, instante Episcopo, intrâ terminum ab Episcopo præfigendum, & sub eisdem indignationis, ac priuationis dignitatum, & officiorum obtentorum, nec non & sub inhabilitatis ad illa, & alia in posterum obtinenda, ac vltius priuationis actiue, & passiuæ vocis, ad quas à nemine præterquàm à Romano Pontifice pro tempore existente restitui possit, ipso facto similiter incurrendis pœnis, ipsum Regularem delinquentem à loco ad quem transmissus fuit, reuocare, & in quo deliquit constituere, seu sistere

fistere teneatur. Quòd si hoc etiam facere prætermiserit, per præsentés similiter statuit, ut Ordinarius loci ad quem Regularis delinquens transmissus fuerit, super præmissis ab ipso Ordinario loci in quo deliquit, similiter requisitus, vel aliàs de illius delicto informatus, ut præfertur, tanquam Sedis Apostolicæ Delegatus, prædictum Concilij Decretum omninò exequi, & in Regularem delinquentem seuerè animaduertere possit, & debeat. *Quaranta in Summa Bullar. verb. Exemptio.* Vide dicta suprà cap. 11. num. 8.

27 Circa quæ aduerte primò, neque Decreto Concilij, neque Clementis, concedi Episcopo, quòd possit per se, vel per alios ad capturam Religiosi etiam notoriè delinquentis procedere, sed solum quòd debeat instare Prælato pro punitione ipsius. Laurentius de Peirinis tom. 1. Priuil. Minim. in Constitut. 2. Sixti 17. §. 11. d. nu. 62. Secundò, quòd ad hoc quòd Episcopus teneatur instare Prælato, ut puniat Religiosum, debet delictum eius esse notorium, & scandalosum populo, sic enim dicitur in Decreto Concilij: unde non sufficit, quòd tale delictum sit notum alicui, vel aliquibus paucis. Peirinis nu. 63. Aduerte tertio Constitutionem prædictam Clem. VIII. solum procedere, quando Superior Religiosi notoriè delinquentis transmittit illum in alium locum, eo fine, ut impunitus remaneat: secus, quando remittit illum in pœnam delicti commissi, vel ut decentius puniatur. Rodriguez tom. 2. quæst. Regul. quæst. 2. ar. 6. Peirinis ut suprà n. 69. Quid verò dicendum sit in casu, quo Regularis exemptus percuteret clericum secularem, extra claustra in Diœcesi Episcopi, an scilicet Episcopus posset illum denunciare excommunicatum, ex dictis suprà num. præced. & cap. 11. præsertim num. 14. & 15. decidi potest. Lege Sorbum in Compend. Priuileg. Mendicant. verbo exemptio.

28 Accedere ad Iapponium, & Regionés propinquas prohibitum est omni bus Religiosis, præterquam Patribus Iesuitis à Gregorio XIII. anno 1585. Postea tamen Clemens VIII. in Bulla edita anno 1600. quæ incipit, *Onerosa*, concedit facultatem omnibus, & singulis Mendicantium Ordinum Magistris, Ministris, seu Prioribus generalibus pro tempore existentibus, ut cum necessitas postulauerit, quilibet Ordinis sui spectata vita, & eruditionis Religiosos, quos nimirum ad prædicta officia, & ministeria idoneos, & utiles fore in Domino iudicauerint, per Lusitaniam dumtaxat, & suscepta inde nauigatione in Indias, & Ciuitatem Goam, atque ad Superiores Ordinum in illis partibus existentes transmittere, & tam ipsi sic transmittendi, quàm alij su-
pra-

prædictorum Ordinum Religiosi in eisdem Indiarum partibus existentes, & ad hoc munus obeundum à suis Magistris, Ministris, vel Prioribus Generalibus, seu alijs Superioribus, electi & approbati, tam ad Iapponias prædictas, quàm ad alias proximas, & adjacentes, etiam China, & finitimorum, & terræ firmæ Indiæ Orientalis Insulas, Regiones, & Prouincias accedere. Deinde monet Superiores Religionum, vt curent prædictas missiones. vtiles esse ad infidelium conuersionem, ipsosque Religiosos missos, qualiter sub obedientia suorum Superiorum, & Ordinariorum esse debeant. Ac tandem præcipit quibuscunque Religiosis sub excommunicationis sententia Papæ reseruata, & sub alijs pœnis. *Ne ex Insula Philippinis, siue ex qualibet alia Indiarum Occidentalium, vel quæ pro partibus Indiarum Occidentalium parte tunc habetur, parte, ad illas pertinente, in Iapponias, ac alias illis proximas, adjacentes, & finitimas Insulas, Prouincias, & Regiones prædictas transire audeant.* Et si qui aliter fecerint, redire teneantur, sub eisdem pœnis. Postea verò Paulus Quintus in Bulla, *Sedis Apostolica*, anno 1608. edita, quæ habetur in *Appendic. ad 3. tom. Bullar. f. 48.* concessit omnibus Religiosis, etiam per aliam viam, quam per Lusitaniam, ad dictas Iapponias, & alias Indiarum Orientalium Regiones accedere posse, seruata in reliquis dictarum litterarum Clem. VIII. forma.

29. Religiosi autem ad Indiarum partes ad Fidem Catholicam prædicandam, siue alia Ecclesiastica ministeria exercenda missi, non possunt in itinere immorari, vel ad loca eis non destinata declinare, sub excommunicationis pœna ipso facto incurrenda. A Paul. V. in Bulla, *Accepimus*, ann. 1609. quæ est inter Bullas huius Pontificis *nu. 56. in 3. tom. Bullar.*

30. Regulares extrâ Clausuras & obedientiam Religionum suarum viuentes, ab Episcopis non permittuntur prædicare, etiam quorumlibet priuilegiorum prætextu, donec ab ipsis Episcopis super ea re sancta Sedes Apostolica consulatur. Concil. Trident. *sess. 5. cap. 2.*

31. Bona Regularium extrâ Clausura suorum Regularium locorum, etiam de licentia suorum Superiorum, degentium, ad Cameram Apostolicam, tamquam spolia ipsius post ipsorum mortem spectant. Quia ita declarauit Gregorius XIII. in Bulla, *Officij nostri* anno 1577. edita in 2. tom. Bullarum inter Bullas huius Pontificis *num. 43.* Suarez *tom. 4. de Religion. tract. 8. lib. 3. cap. 2. nu. 30.* Vide suprà *num. 20. 21. & 22.*

32. Licite possunt Regulares mitti ad triremes propter grauiâ delicti.

delicta commissa. Ratio est, quia licet pœna hæc acerbissima sit, nihilominus consuetudine admittitur, & aliquo modo est necessaria quando delicta aliter castigari non possunt. Laurent. de Peirinis *tom. 1. de Subdit. quest. 1. de Obedient. cap. 27.* Quidam volunt ad triremes damnatos, esse prius degradandos. Francisc. Penna *in 3. par. direct. Inquisitorum comment. 46.* Quicquid de hoc sit, Ministri triremium verberantes Religiosos ad eas damnatos si modum non excedant, vel non verberent ex odio, & malignitate, aut tempus damnationis non sit completum, non incurrunt in excommunicationem Canonis. Sic enim consuetudine introductum videtur, præcipue quia idem traduntur à Religionibus, ut sic puniantur. Nauarr. *Comment. 3. de regul. nu. 52.* Mirand. *tom. 1. Manualis quest. 52. art. 8.* Non possunt à triremibus ad Religionem redeuntibus iterum admitti ad Altare sine dispensatione. Quia sunt infames infamia Iuris, & per consequens irregulares. Rodriguez *tom. 1. quest. Regul. quest. 24. art. 6.* Tolet. *in Summa lib. 1. cap. 62.* Probabile tamen mihi est Prælatos Regulares posse cum prædictis dispensare; cum iuxta dicenda *cap. 18. nu. 40.* possint dispensare in omni irregularitate, excepta bigamia, mutilatione membrorum, & homicidio. Laurent. de Peirinis *ut supra.* Cautè tamen in hoc procedendum est, si fortè sit aliquid quod obstat in contrarium, quod nescio, maxime quoad forum exterius, aut ubi fuerit scandalum.

33 Nullus Regularis absque sui Superioris licentia potest se obsequio alicuius loci, vel personæ mancipare. Ità præcipitur in Concil. Trident. *sess. 25. de Regular. cap. 4.* In hac tamen licentia concedenda cautissimè procedendū est, præsertim cum ex S. Congregat. Decreto adducto *suprà nu. 23.* concedere licentiam Religioso, ut maneat extrà Conuentum pertineat ad eandem S. Congregationem. Qualiter autem possint Prælati Religionum prædictos Fratres alicuius extrà Religionem seruitijs deputatos corrigere, & ad Ordinem reuocare: qualiter etiam nullus possit illos in socios assumere sine licentia Prælatorum, præter multa, de quibus Rodriguez *tom. 2. quest. 64. art. 1.* & Peirinis *tom. 1. Priuileg. Minim. in Const. 2. Iulij II. §. 11. nu. 43.* extat etiam magna concessio Sixti IV. pro Carmelitis in Bulla, *Dum attenta*, in Specul. Ord. *f. 89.* qua concedit, quòd generalis Magister, vel Priores Prouinciales, ac ipsorum Vicarij, illos ex Fratribus, de quibus auctoritate litterarum Sedis Apostolicæ, vel Legatorum ipsius, Archiepiscopis, & Episcopis, ac alijs quibuscunque prouisum existit, vel in posterum contigerit prouideri, corrigere, ac etiam, non obstante contradictione aliqua, possint ad suum

suum Ordinem renocare; nec per litteras eiusdem Sedis, seu Legatorum ipsius, iam obtentas, vel de cetero obtinendas, aliquos de Fratibus ipsius Ordinis; præfatis Archiepiscopis, & Episcopis, aut alijs, teneantur in socios deputare, nisi dictæ litteræ Apostolicæ obtinendæ de indulto huiusmodi, & ordine ipso expressam fecerit mentionem, & aliàs id honestati Ordinis, & illorum saluti viderint expedire. Addit insuper idem Pontifex ibidem, *Nullus autem Legatus etiam de latere nostro missus, auctoritate litterarum Sedis Apostolica specialem de hoc indulto, & ordine nostro non facientium mentionem, nullusque Præfatus, nec aliqua persona religiosa, vel secularis de Fratibus eiusdem Ordinis, ad sua, seu Ecclesiæ negotia procuranda, vel secum manendum aliquos assumere valeat, nisi quos Generalis Magister in toto Ordine, & Priores Prouinciales in suis Prouincijs ipsorum, tamquam idoneos, & discretos sibi duxerint assignandos, quos etiam subiacere volumus Ordinis discipline.*

34 Quod Religiosi etiam extra Monasteria existentes, teneantur parere suorum Superiorum præceptis, eorumque censuris ligentur, diximus *cap. 4. num. 37.* Pro illis, qui transeunt ex vna Religione ad aliam, animo non manendi in Claustris, vide dicenda *cap. 22. num. 29.*

De obligationibus Regularium si fiant Cardinales, Episcopi, Abbates, &c.

C A P. XVII.

RELIGIOSI ad Cardinalatum, Episcopatum, vel Abbatiam extra Ordinem assumpti, manent veri Religiosi. Sumitur ex Glossa *in cap. 3. 16. quæst. 1. & in cap. unico 18. quæst. 1.* & ratio est, quia dispositio ad aliquam perfectionem non tollitur ipsa adueniente. Status autem Religiosus comparatur ad huiusmodi dignitates, sicut dispositio ad perfectionem. S. Thom. 2.2. *quæst. 183. art. 8.* Suarez 4. *tom. de Relig. tract. 8. lib. 3. cap. 16.*

2 Hinc primò Religiosi ad tales Dignitates assumpti, non absoluntur à votis Obedientiæ, Paupertatis, & Castitatis in professione emissis. Tum quia, vt diximus, manent verè Religiosi, sicut antea; hæc verò vota sunt de essentia status Religiosi. *cap. cum ad Monasterium. in fin. de statu Monach.* Tum quia cum assumuntur,

O

tur,

tur, non dispensantur in prædictis votis. D. Thom. cum Expositio-
ribus 2.2. *quæst.* 88. *art.* 11. *ad* 4. & *quæst.* 185. *art.* 8. Henriquez *lib.*
10. *de Sacram. Ord. cap.* 32. *num.* 5.

3. Votum autem Obedientiæ, quod in prædictis manet, non est
respectu Prælatorum Ordinis, sed respectu Papæ, ita ut ultra ge-
neralem obedientiam debitam ab omnibus fidelibus Summo Pô-
tifici, & ultra obligationem, quam alij Cardinales, Episcopi, & Ab-
bates habent ad obediendum illi, teneantur ex vi voti obedien-
tiæ in professione emissi, illi specialiter obedire. Ratio est, quia,
ut vidimus *cap. Quarto num.* 31. Votum, quod Religiosus emittit
in professione, emittitur Papæ, qui est supremus Generalissimus
omnium Religionum, ac proinde cum à Papæ subiectione non li-
berentur assumpti à Religionibus, sed tantum ab inferioribus Præ-
latis, manebit votum Obedientiæ ipsorum respectu Papæ. Henri-
quez *lib.* 10. *de Sacram. Ord. cap.* 33. Suarez 2. *tom. de Relig. tract. de*
Voto. lib. 6. *cap.* 7. *num.* 10.

4. Votum etiam Castitatis manet in prædictis assumptis à Re-
ligione, imò magis roboratum in Episcopis, eò quòd per Episco-
palem consecrationem manet persona magis dedicata, & conse-
crata Deo, ita ut gravius peccet Episcopus violando castitatem.
Suarez 4. *tom. de Relig. tract.* 8. *lib.* 3. *cap.* 16.

5. Quoad votum etiam Paupertatis manent prædicti obligati
sicut antea. Tum propter eandem rationem. Tum quia per su-
prædictas Dignitates non datur illis dominium bonorum Eccle-
siasticorum, sed solum administratio ex voluntate Papæ, quod nõ
repugnat voto paupertatis. Lessius 2. *de Iust. cap.* 40. *dub.* 14. Hinc
ea quæ acquirit in Episcopatu Religiosus factus Episcopus, Car-
dinalis, vel Abbas, non sibi, sed Ecclesiæ cui præficitur acquirit.
Sanchez *lib.* 6. *in Decalog. cap.* 6. *num.* 8. Quod etiam de acquisitis
iure hæreditatis intelligitur. Suarez 4. *tom. de Relig. tract.* 8. *lib.* 3.
cap. 16. *nu.* 14. Etiam si fuerit Religiosus Religionis non succedē-
tis in hæreditatem, quia iam est capax succedendi ratione Eccle-
siæ, quam possidet. Suarez 4. *tom. de Relig. tract.* 8. *lib.* 3. *cap.* 16. *nu.*
15. Incipit autem Religiosus acquirere suæ Ecclesiæ, à tempore
confirmationis factæ à Pontifice. Quia ex tunc est à iurisdictione
Religionis exemptus. Rodriguez *tom.* 2. *summ. cap.* 70. *num.* 6. &
tom. 3. *quæst. Regular. quæst.* 69. *art.* 4. Sanchez *lib.* 7. *in Decal.*
cap. 32. *num.* 67. Hinc etiam nascitur quòd non possit testari sine
licentia Papæ. Eò quòd quidquid acquirit in Episcopatu, acquirit
suæ Ecclesiæ cum sola libera administratione, quæ finitur in mor-
te. D. Thom. 2.2. *q.* 185. *art.* 8. Sanchez *lib.* 6. *in Decal. cap.* 6. *num.* 10.
Hinc quoque probabilius est, quòd ea, quæ Religiosus Episcopus

pro-

prodigè, & superuacane consumit, teneatur ad restituendum, aut faciendum ea restitui, eo modo, quo possit, Ecclesiæ, cui erant acquisita. Eò quòd administratio bonorum Episcopatus, quam habet, solùm est ad bonos & honestos vsus. Valentia 2.2. *disp.* 10. *quæst.* 1. *puncto* 8. Sanchez *lib.* 6. in *Decal. cap.* 6. *num.* 13.

6 Potest tamen Religiosus factus Episcopus disponere inter viuos de sui Episcopatus redditibus, eodem modo, quo Episcopus sæcularis. Ratio est, quia quamuis Religiosus Episcopus non habeat verum dominium illorum reddituum (quidquid sit, an etiam Episcopus sæcularis illud non habeat) habet tamen liberam administrationem illorum in honestos vsus. Vnde vterque potest de illis disponere ad moderatam sui, & familiæ sustentationem, secundum decentiam status, ad pia opera, eleemosynas, &c. Lessius *lib.* 2. de *Iust. cap.* 4. *dub.* 5. *num.* 29. Molina *tom.* 2. de *Iust. disp.* 276 *vers.* *Religiosus in conuent.* Imò potest in quæuis opera, & quomodo voluerit expèdere, id, quod minus sumpserit de redditibus Episcopatus, quam in suam competentem sustentationem poterat licitè expendere. Ratio est, quia iustè præsumitur Ecclesiam illi concedere talem licentiam. Nauarrus *li.* de *Redditibus Ecclesiast.* *quæst.* 1. Sanchez *lib.* 6. in *Decalog. cap.* 6. *num.* 14.

7 Quamuis prædicti assumpti ex Religionibus ad dignitates Cardinalatus, Episcopatus, vel Abbatia, sint obligati ad obseruationem trium Votorum, vt dictum est *num.* 2, non tamen subiacent censuris, aut pœnis impositis à Religione contra transgressores, Eò quòd non manent amplius sub iurisdictione Religionis, aut Prælatorum ipsius. Sorus *ult. de Iust. quæst.* ult. *art.* ult. Angles in *florib.* 2. *part. quæst.* unic. de *vol. art.* 25.

8 Tenentur tamen prædicti assumpti ad eas obseruantias Regulares, siue Regulæ, siue Constitutionum, quæ non impediunt munus, quod gerunt, quales sunt oratio, moderata abstinentia, ieiunia, &c. Ratio est, quia quemadmodum in naturalibus per aduentum formæ perfectioris non excluduntur dispositiones conseruantes formam imperfectiorem, nisi quatenus repugnant formæ perfectiori; ita etiam in moralibus, adueniente, verbi gratia, Episcopatu, qui est forma perfectior Monachismo, non destruentur dispositiones conseruantes, scilicet obseruantia Regulares, nisi quatenus repugnant illi. S. Thom. 2.2. *quæst.* 185. *art.* 8. Siluest. *ver. Religio.* 6. *qu.* 10. Huiusmodi autem obligatio, seu debitum solùm est secundum decentiam, & honestatem; non tamen legale, aut obligans ad culpam, vel pœnam. Ratio est, quia Religiosus factus Cardinalis, Episcopus, vel Abbas extra Ordine, eximitur, & liberatur à iugo Religionis. c. unico 18. q. 1. Nauar. *lib.* 3. *conf.* in

prima Edit. tit. de Regul. conf. 15. num. 11. in 2. tit. de donat. confil. 6. num. 11. Valentia 2.2. disp. 10. q. 3. p. 8. De hoc etiam debito secundum decentiam, & honestatem, intelligo, quod aliqui Auctores volunt Religiosum factum, verbi gratia, Episcopum, teneri habere secum socium sui Ordinis. Propter eandem rationem. Sotus *ultimo de Iustit. & Iure q. ultima art. ultimo.* Valentia 2.2. *disp. 10. quest. 3. p. 8.* Hoc etiam de exemptione legali Episcopi ab observantijs Regularibus, probabile est etiam extendi ad Episcopum titulare, & ad illum qui Episcopatum renunciauit. Ratio est, quia isti omnes legitime dispensati sunt, & exempti ratione Dignitatis Episcopalis ab huiusmodi observantijs: dum ergo perseverauerit ista Dignitas perseverat dispensatio. Præsertim, quia Episcopi titulares creantur, ut adiuvent alios Episcopos oues habentes in Pontificalibus, ministrando Ordines, Confirmationem, &c. De prioribus Azor. *tomo 1. inst. moral. lib. 12. cap. 10. q. 7.* De posterioribus Aragon 2.2. *q. 88. artic. 11.* Et de vtrisque Sanchez *lib. 6. in Decalog. c. 6. à num. 26.* Addens benè nu. 30. quòd si propria culpa degradarentur, cessaret dictum priuilegium Exemptionis.

9 Prædicti etiam assumpti tenentur habitum suæ Religionis ex præcepto portare. Ratio est, quia obligatio portandi illum non est ex solo mandato Regulæ, aut Constitutionum, sed ex Iure Canonico, ut constat *ex cap. penultimo finali de vita, & honest. Cleric.* & etiam ex consuetudine rationabili, eò quòd habitus religiosus est signum obligationis ad vota Regularia. Sà in *Summ. v. Episcopus.* Henriquez *lib. 10. de Sacram. Ord. cap. 32. num. 5.* Concessum tamen est Episcopis Regularibus à Clemente Octauo in Rituali Romano reformato, ut retento colore habitus suæ Religionis, possint se conformare cum Episcopis secularibus in forma, seu figura illius. Sanchez *lib. 6. in Decal. cap. 6. num. 22.* Cardinales etiam ex Ordinibus Regularibus assumpti possunt portare biretum rubrum, ex cōcessione Gregorij Decimiquarti anno 1591. die 9. Iunii. Laetius in 2. *to. Bulla. fol. 696.* Probabilius autem est prædictos assumptos, etiam si habitum suæ Religionis dimiserint, non incidere in excommunicationem à iure latam contra Religiosos habitum suæ professionis dimittentes, de qua nos *supra cap. 13.* Eò quòd textus in *cap. 2. ne clerici vel monachi in 6.* ubi talis excomunicatio statuitur, solum videtur loqui de Religioso sub obedientia Superioris Regularis existente. Rodriguez *to. 2. q. 58. ar. 3.* Bonacina de *clausura quest. 2. punct. 2. num. 26.* Loquimur autè de Religiosis assumptis ad Episcopatum, vel Cardinalatum, non de promotis ad Parochiale munus. Quia isti simpliciter

ter sunt subiecti Religioni, & ita incident in prædictam excommunicationem. Sanchez *lib. 6. in Decalog. cap. 6. num. 36.* Bonacina *ut supra num. 25.*

10 Vota alia sollempnia, præter tria generalia, quæ solent in aliquibus Religionibus emitti, quale est Minimum de vita quadragesimali, & Patrum Societatis de obediendo specialiter Summo Pontifici circa missiones, probabile est non obligare Religiosos assumptos ad Dignitates prædictas. Ratio est, quia illa vota emittuntur, ut annexa, & accessoria Regulæ, quam profitentur Religiosi, & ad perfectionem illius. Cum ergo tales assumpti maneant liberi ab obligatione Regulæ (nisi solum secundum decentiam, ut dictum est) ideo etiam manebunt liberi ab huiusmodi Votis. Præsertim, quia credendum est solum ea emisisse religiosum pro tempore, quo est sub iugo Religionis. Sanchez *lib. 6. in Decal. cap. 6. num. 15.* Oppositum etiam est probabile, & inferatur ex doctrina Soti *ultimo de Iust. & Iur. q. ultima art. ultimo.* Suarez *4. to. de Relig. tract. 8. lib. 3. c. 17. nu. 8.*

11 Prædicti etiam assumpti ex Religionibus ad Episcopatus, vel Abbatias dignitates non tenentur soluere Officium Diuinum iuxta ritum suæ Religionis, sed suæ Ecclesiæ, cum constituentur capita illius. Sanchez *lib. 6. in Decal. cap. 6. num. 25.* Azor *lib. 12. Instit. moral. cap. 7. q. 4.* Unde occurrente festo Regulæ in festo Diocesis, hoc debet præferri. Gauantus in *Comment. in Rubric. Breuiarij to. 2. fest. 1. cap. 5. tit. 2. n. 2.* Idem credo de assumptis ad Cardinalatum, quia sunt quasi Episcopi in Ecclesijs suorum titulorum, & præcipue, quia eximuntur ab obseruantijs Religionis nisi solum secundum decentiam, ut diximus supra *nu. 8.* quarum vna est specialis modus recitandi Officium Diuinum.

12 Bona Religiosorum, qui ad prædictas dignitates Episcopatus, vel Abbatias sunt assumpti, pertinent iure communi post eorum mortem ad Ecclesias, quibus præfati erant. Tum quia ita dicitur *cap. unico 18. q. 1.* Tum quia prædictis Ecclesijs, non sibi, aut Monasterijs adquirunt, iuxta dicta supra *num. 5.* D. Thom. *2. 2. q. 188. ar. 8.* Sotus *10. de Iust. q. ult. art. ult. ad 3.* Quod etiam intelligitur de bonis, quæ iure hereditatio ad ipsos post assumptionem ad prædictas dignitates deueniunt, & de adquisitis donatione, propria industria, aut labore. Propter eadem fundamenta. Lessius *2. de iust. c. 41. dub. 11. nu. 92.* Azor *to. 1. Instit. moral. lib. 12. c. 10. q. 6.* An verò hoc etiam sit verum supposita Constitutione Gregor. XIII. circa spolia Regularium extra claustra decedentium, de qua nos *cap. præced. num. 31.* aliorum iudicio remitto. Vide Barbosam *de potest. Episcop. allegat. 114. num. 28.*

13 Episcopum autem titularem Regularem, quidam dicunt adquirere Summo Pontifici, quia illi immediate subest. Barbosa *de potest. Episcop. allegat.* 114. num. 31. Quidam adquirere Religioni, cum nullam sedem habeat cui possit adquirere. Sotus 10. *de iust. q. ult. ar. ult. Sa in summ. verb. Religio* num. 52. Quidam verò dicunt per se, & ex vi iuris adquirere illi Ecclesiæ cuius titulum habet, quia verò non possunt illi cum effectu applicari talia bona, in opera pia dispensanda esse. Suarez 4. *tom. de Relig. tract. 8. lib. 3. c. 17. num. 5.*

14 Ea autem, quæ Religiosi ante assumptionem ad prædictas Dignitates Cardinalatus, Episcopatus, vel Abbatiz adquisierunt, ad Conuentum, vel Religionem spectant. Tum quia habetur in *cap. statutum*, tum quia cum illa adquisierint quando erant membra Religionis, ipsi debebant adquirere, sicut alij Religiosi. Quod etiam concessit Clem. IV. Ordini Prædicatorum, & Alexander IV. Minoribus. D. Antonin. *in tract. de suspens. cap. 4. num. 20.* Suarez 4. *tom. de Relig. tract. 8. lib. 3. cap. 16. num. 22.* Castarub. in *Compend. privileg. Mendic. verb. Episcopus* num. 2.

15 Religiosi ad Prælaturas alterius Religionis euecti auctoritate Pontificia, tenentur non solum votis communibus Religioforum; sed quòd maneant veri Religiosi, sed etiam specialibus suæ Religionis, quæ non cōtradicunt muneri, quod gerunt. Non enim est aliqua ratio cur credantur in eis dispensari à Pontificæ cum ad prædictas Prælaturas alterius Religionis assumuntur. Regula etiam, Obseruantijs, & Constitutionibus suæ Religionis, quatenus non contradicunt muneri, quod gerunt, aut inter subditos Religiosos, quos regunt, non generant notabilem singularitatem, eodem modo tenentur sicut antea, propter eandem rationem. Quoad habitum portandum, & focium suæ Religionis habendum, attendi debet ad usum Religionis ad cuius regimen assumuntur. Quoad Officij Diuini recitationem conformari debent Religiosis, cum quibus degunt. Quia, & hoc æquitas rationis postulat, & ad bonum regimen illorum spectat. Hæc inferuntur ex dictis, authores enim parum, aut confusè de huiusmodi Religiosis loquuntur. Ea autem, quæ prædicti adquirent ratione Prælatiz, quam gerunt, aut Religionis, cuius Religiosos gubernant, pertinent ad prædictam Religionem; quæ verò simpliciter, vel alio titulo, aut respectu personæ, vel Religionis ex qua sunt assumpti, acquirunt prædictæ Religioni vnde sunt assumpti, & pro illa acquisita censerì debent. Sanchez *lib. 7. in Decalo. c. 32. num. ultimo.*

16 Religiosi facti Parochi alicuius Ecclesiæ, vel ad alia beneficia

cia inferiora prouecti extra Religionem, non solum tenentur votis Religionis generalibus, & præcepto portandi habitum, sicut diximus de Episcopis, Cardinalibus, & Abbatibus supra num. 2. & 9. sed etiam votis specialibus, Obseruantijs Regularibus, & Constitutionibus suarum Religionum, quatenus non repugnant muneris, quod gerunt. Cum nulla sit ratio quare ab illis excusentur. Siluester *verb. Religio* 7. q. 11. Azor. *lib. 12. instit. mor. cap. 19. q. 15.* Non verò tenentur soluere Officium Diuinum iuxta ritum suæ Religionis, sed Ecclesiarum, quibus seruiunt. Quia hoc exiget æquitas, & munus pastoris, quod habent in illis. Rosella *verbo Monachus* num. 5. Sanchez *lib. 6. in Decalog. cap. 6. num. 38.* Videtur tamen necessarium ex præcep. Ecclesiæ in cap. 2. de *stat. Monach.* & cap. quod Dei timorem eod. tit. habere socium sui Ordinis. Sanchez *lib. 6. in Decalog. cap. 6. num. ult.* Regulariter etiam ea, quæ acquirunt, acquirunt Ecclesiæ cui seruiunt, non Religioni. Tum à simili de Episcopo, tum quia cum iam sint capita, & pastores illarum Ecclesiarum, æquitas postulat, vt illis acquirant. Naurus *lib. 3. consil. in 1. edit. tit. de Regular. conf. 70. num. 6. in 2. tit. de stat. Monach. conf. 13. num. 6.* Rodriguez *to. 2. quæst. Regul. qu. 47. art. 7.* Nisi placeat loqui cū eadem distinctione, qua locuti sumus de Religiosis assumptis ad Prælaturas alterius Ordinis supra num. 15. Vide Sanchez *lib. 7. in Decal. c. 32. nu. 76.* Pro alijs etiam obligationibus Parochorum Regularium vide Gauantum in *Man. Episcop. verb. Parochorum munera præsertim à num. 28. & dicta à nobis cap. 11. nu. 7. & 9.*

17 Prædicti assumpti ex Religionibus ad Cardinalatum, Episcopatum, Abbatiam, vel Parochiam, qui ditiores suppellectilem, & ampliorem familiam habent, quàm decet, peccant magis, quàm alij Episcopi, Cardinales, Abbates, Parochi, &c. Ratio sumitur ex voto Paupertatis, quod prædicti Religiosi in sua professione emisserunt, & à quo non sunt absoluti per assumptionem. Suarez *4. to. de Relig. tract. 8. lib. 3. c. 16. nu. 30.*

18 Prædicti etiam assumpti gaudent gratijs, & priuilegijs suæ Religionis, quæ respiciunt commodum animæ, vel corporis ipsorum, non autem quæ redundant in damnum, aut incommodum Religionis, aut Monasterij. Ratio primæ partis est, quia verè manent Religiosi, & fauores sunt ampliandi. Ratio verò secundæ; quia huiusmodi priuilegia, & gratiæ semper conceduntur in fauorem Religionis, non in damnum, aut onus. Pro quo extat declaratio Sixti IV. in *monumentis Minorum concessio* 365. Suarez *to. 4. de Relig. tract. 8. lib. 3. c. 18.*

19 In casibus, in quibus Prælati Religionum possunt dispensare cum

cum Monachis quoad obseruantias Regulares, potest Religiosus Episcopus (idem dico de Cardinalibus, & Abbatibus) secum dispensare. Quia hoc videtur rationi naturali congruum, ne teneatur adire Superiorem Religionis. Toletus in *Summa lib. 4. cap. 4. 20* Religiosi cuiuscumque Ordinis, etiam medicantium, quamvis Sedis Apostolicæ sint Capellani, eorum Superioribus subiecti manent, ac si prædictæ Sedis Apostolicæ non essent. Ita statuit Greg. XI. ann. 1373. in Bulla *Per Romani Pontificis*. Hoc etiam intelligo de Capellanis Regum, aut Principum. Flau. Cherub. in *Compend. Bull. 10. 1.*

21 Archiepiscopi, & Episcopi cuiuscumque Ordinis professores, postquam munus consecrationis susceperint, etsi a vinculo Ecclesiæ, cui præfuerant, per Sedem Apostolicam fuerint absoluti; & facultatem reuertendi ad suam Religionem, ab ipsa habuerint, ad dignitates, officia, seu Superioritates in illa obtinendas, sunt inhabiles. Ita Paul. IV. in Bulla, quæ incipit *In Sacra* an. 1559. habetur p. t. Bullar. Laertij Cherub. p. ult. Quaranta in *Summa. Bull. verb. electio*. Laurentius de Peirinis 10. 1. priu. *Minim. in consil. 4. Sixti IV. §. 10. nn. 44.*

22 Quamuis status Episcoporum perfectior sit statu quorumcumque Religiosorum, iuxta dicta *cap. 1. num. 1.* de quo Suarez 3. *tomo de Religione*. Nihilominus non propterea licitum est, Regulariter loquendo, appetere, & multò minùs procurare Religiosum Episcopalem dignitatem. Ratio est, tum propter magna pericula animæ, & etiam corporis, quæ regulariter loquendo, sæpissimè occurrunt in recta administratione ipsius: tum quia vix sine præsumptione, aut superbia tam altus gradus dignitatis appeti potest. Sanctus Thomas *secunda. secunda questione 185. articulo 1.* Sotus 10. *de Iustitia, & Iure questione 2. articulo 1.* Dixi *regulariter loquendo*, quia in casu necessitatis Ecclesiæ, quando scilicet nullus esset, qui Episcopatum dignè administrare posset, aut vellet, propter pericula, tunc licitè posset Religiosus illum appetere. Quia bonum commune est priuato anteponendum, ac proinde priuatum periculum, tunc negligendum, diuinæ gratiæ, & auxilio diuino inittendo. Sanctus Thomas, & Sotus *ut supra*. Valentia 3. *tomo disputatione 10. questione 3. puncto 2. conclusionem 3.* Pro quorum maiori luce distinguendum est. Primò enim indignus Episcopatu, vel quia illiteratus, vel vitiosus est, Episcopatum desiderans, grauissimè peccat mortaliter, quia appetit id, quod non potest sine peccato mortali administrare. Toletus in *Summa libro 5. capite 3. §. prima est*. Deinde etiam, quæ dignus est, & appetit Episcopatum propter redditus temporales.

tam-

tamquam finem, etiam mortaliter peccat. Ratio est, non solum quia peruersè vult rem spiritualem, & superioris Ordinis, esse medium in ordine ad rem temporalem, & inferioris Ordinis, sed etiam quia sic faciens, & ex vi talis ordinationis paratus est, si necesse fuerit, Dignitatem Episcopalem negligere, si bona temporalia non obtinentur. Sotus *ut supra*. Siluester *verbo Episcopatus* §. 4. Tertio, qui appeteret Episcopatum (quamvis dignus) propter redditus, aut cōmoda temporalia, non tamquā finem ipsius Episcopatus, sed tamquam finem ipsius appetitionis, saltem secundarium, etsi non peccaret mortaliter, cum non appeteret spiritualia propter temporalia, ad minus tamen peccaret venialiter, quia tale desiderium ambitionis, avaritiæ, vel præsūptionis esset. Valentia *ut supra* §. *nihilominus tamen*. Quarto, qui etsi dignus, efficaciter appeteret Episcopatum, non propter malum aliquem, aut inordinatum finem, sed propter salutem animarum procurandam, adhuc peccaret. Eò quòd magno periculo salutis quale in administratione Episcopatus occurrit, se obijcere, præsūptuosum, & temerarium est. Sanctus Thomas *ut supra*. Valentia *ut supra* §. *nihilominus tres*. Neque obstat illud ad Timotheum 3. *qui Episcopatum desiderat, bonum opus desiderat*. Quia illud solum est verum tempore necessitatis Ecclesiæ, quale erat quando Sanctus Paulus id dixit. Præsertim quia Apostolus non dixit eum, *qui Episcopatum desiderat, bene desiderat, sed bonum opus desiderat*. Nam opus quod materialiter est bonum, si desideretur temerariè præsumptuosè, & imprudenter, absdubiè illicitè, & peccaminosè desideratur. Valentia *ut sup.* §. *casus autem*. Toleratus *ut supra* num. 4. An verò hoc sit peccatum mortale, aut solum veniale? Probabilius est sapius esse peccatum mortale. Siluester *verb. superbia* n. 7. Vnde Sotus *ut supra* dicit esse perinde atque se in fluium cum periculo, & sine necessitate conijcere. Valentia *ut sup.* §. 2. *conclusio*. Quòd si dicas. Ego me credo sobrium, pudicum, doctum, &c. cum alijs conditionibus à S. Paul. 1. *ad Tim.* 3. pro Episcopo requisitis, & Episcopatū pro salute animarum desidero, & spero de Dei gratia mihi asfuturū, quid ergo mihi deest cur illum concupiscere non possim? Dico, si circa hoc Dei reuelationem habueris, credam tibi; si non habueris, non consentio. Credam potius te humilè non esse, qui talia de te cogitas: nec Sanctū; cum veri Sancti Episcopatum laudabiliter fugerint.

23 Vide dicenda de Episcopis non admittendis ad Religionem c. 24. n. 11. & de illo, qui post votum Religionis Episcopus electus est *eod. c.* 24. n. 27. Qualiter etiam nouitius potest eligi ad Episcopatum *ibid.* num. 37.

De obligationibus Prælatorum Regularium, facultatibus, & priuilegijs ipsorum.

C A P. X V I I I.

PRO comperto est, Religiosorum familijs præfici debere Prælatos, & Superiores, qui ipsos spiritualiter, & temporaliter regant. Tum ex illo Proverb. 11. *Vbi non est Gubernator, populus corrumpet.* Tum quia id exigit Obedientiæ Votum, quod Regulares emittunt. Habent autem prædicti Prælati, & Superiores Religiosorum non solum potestatem dominatiuam, qualem habent Patresfamilias in suos, sed etiam Spiritualem Iurisdictionem; cum vtrumque sit necessarium ad rectam gubernationem, Oeconomiamque spirituales, & temporales Religiosorum. Hæc verò Spirituales Iurisdictione, saltem de iure Ecclesiastico, & à Summis Pontificibus deriuata illis conuenit. Eò enim ipso quòd Religiosos ab Episcoporum ordinaria Iurisdictione exemerunt, illam Prælati ipsorum concessisse censetur. Suarez *tom. 4. de Relig. tract. 8. lib. 2. c. 1.* Imò hanc Iurisdictione ordinariam esse, & non delegatam, eò quòd competit ipsis virtute legis, vel consuetudinis, non autem ex commissione saltem temporali, est communiter receptum. Nauarr. *comm. 2. de Regul. à nu. 63. & comm. 3. à nu. 40.*

Hinc huiusmodi Prælati, tam supremi, puta Generales, & Prouinciales, quàm infimi, videlicet Priores, Guardiani, Rectores, &c. habent in suos subditos Iurisdictionem quasi Episcopalem, vt tradunt communiter Authores in Clem. 1. *de reb. Eccles. non alien. ver. proprij.* & sumitur ex cap. *Abbat. de priuil. in 6.* Et ratio est, quia cum prædicti omnes non subdantur Episcopis, sed immediatè Papæ, loco ipsorum succedunt quoad regimen suorum subditorum, ac proinde habent quasi Episcopalem Iurisdictione, Suarez *tom. 4. de Religion. tract. 8. lib. 2. cap. 2. & 13.*

Quando in Priuilegijs Religiosum Religiosorum conceditur aliqua facultas, seu potestas Prælati, nisi aliud exprimatur, intelliguntur etiam Prælati Conuentuales, cum ipsi sint veri Prælati, & indefinita æquiualeat vniuersali. Suarez *4. tom. de Relig. tract. 8. lib. 2. cap. 22.* Si priuilegium conceditur Prælato inferiori, censetur etiam concedi Superiori, quia recta ratio dicat ita esse intelligendam mentem Pontificis. Suarez *4. tom. de Relig. tract. 8. lib. 2. cap.*

cap. 22. num. 2. Extenduntur etiam priuilegia ista ad Vicarios Conuentuum, illos scilicet, qui in Conuentibus ipsis non habent Superiorem. Quia isti etiam sunt veri Prælati. Rodriguez tom. 1. quæst. 20. art. 2. & 3. Suarez 4. tom. de Relig. tract. 8. lib. 2. cap. 22. num. 6. Secus dici debet de quibusdam Vicariis quarundam Religionum, qui non sunt verè Prælati, sed instituti, vt adiuuent Prælatos, vt sunt Vicarij Chori, &c. Rodrig. tom. 1. quæst. 17. art. 6.

4 Similiter facultates concessæ Prælati Religiosorum in priuilegijs Pontificum, nisi oppositum declaretur, possunt ab ipsis alijs delegari. Tum propter aliqua priuilegia quæ hoc concedunt. Tum quia Commissarius ex priuilegio perpetuo potest alteri suas vices committere. Cordub. in summ. Hisp. quæst. 8. Suarez 4. tom. de Relig. tract. 3. lib. 2. cap. 22. num. 8.

5 Vt aliquis eligatur in Prælatum alicuius Religionis, præter illas conditiones, quæ secundum iura particularium Religionum sunt necessariæ, & præter illas, quas adduximus supra cap. 15. num. 25. requiritur quòd habeat legitimam ætatem, quæ ad minus debet esse vigintiquinque annorum, iuxta cap. cum in cunctis. de elect. confirmatum à Conc. Trident. sess. 24. cap. 12. de reformat. Deinde debet esse Sacerdos ex cap. 1. de etat. & qualitat. Quod intellige, vel quòd sit Sacerdos quando eligitur, vel saltem postea fiat talis. Suarez 4. tom. de Relig. tract. 8. lib. 2. cap. 3. Probabile etiam est, loquendo de Generalibus, & Provincialibus Religionum, requiri ad talia officia ætatem triginta annorum. Quia in cap. cum in cunctis. de elect. & alibi requiritur ad Episcopatum illa ætas; ij verò Prælati præcipuè habent quasi Episcopalem Iurisdictionem. Miranda in Man. 10. 2. quæst. 3. art. 1. In ætate autem à Iure pro Prælati requisita, nequeunt Superiores Religionum dispensare: propter cap. cum in nobis olim. de elect. & cap. licet canon. eodem tit. in 6. Siluest. ver. Casus. cap. 22. Deinde requiritur quòd sit professus, quia ita habetur in cap. cum ad nostram. de elect. & cap. cum causa. & cap. cum in magistrum. eodem tit. Imò videtur requiri esse professum professione expressa, non tacita. Quia ita videtur haberi in cap. nullus. de elect. in 6. Requiritur etiam vt sit professus in ipsa Religione, in qua eligitur. Quia ita statuitur in Clement. 1. de elect. & in Trident. sess. 14. cap. 10. de reform. & sess. 25. cap. 21. de Regularibus.

6 Peccant mortaliter Religiosi, qui eligi, ac præfici se sinunt ad Prælaturas, & officia animarum curam habentia sine sufficienti scientia, & litterarum peritia. Colligitur ex cap. cum in cunctis. de elect. & ex Conc. Trident. sess. 22. cap. 2. S. Thomas 2. 2. q. 2. ar. 6. Nauarr. in Man. cap. 25. nu. 12. Si tamen inter eligendos vnus sit licet-

litteratissimus, sed pravis moribus implicatus, alius verò medio-
criter doctus, sed virtutibus præditus, aptior est iste reputandus,
quàm ille. Sotus 3. *de Iust. & Iur.* q. 6. a. 2.

7 Illegitimi nequeunt esse Prælati in Religionibus, nisi ex Papæ
dispensatione. Quia ita habetur in *cap. 1. de fil. Presb.* Nauarrus in
cap. statutum. num. 60. Quod intellige etiam si sint occultissimè ille-
gitimi. Siluest. *verb. Irregularitas. quest.* 20. Corduba *lib. 1. Qua-*
sitionarij. quest. 38. An autem ex privilegio dispensare possint cum
illis Religionum Prælati, dicetur infra à num. 60.

8 Non possunt eligi in Prælatos Religionum, qui homicidium
aliquando perpetrarunt, iuxta Decretum Conc. Trident. sess. 14.
cap. 7. in quo dicitur: *Cum etiam qui per industriam occiderit pro-*
ximum suum, & per insidias, ab altari auelli debeat, qui sua volun-
tate homicidium perpetraverit, etiam si crimen id, nec ordine iudi-
cario probatum, nec alia ratione publicum, sed occultum fuerit, nullo
tempore ad Sacros Ordines promoueri possit, nec illi aliqua Ecclesia-
stica beneficia, etiam si curam non habeant animarum, conferri li-
ceat, sed omni Ordine, ac beneficio, & officio Ecclesiastico perpetuò
careat; si verò homicidium non ex proposito, sed casu, vel vim vi re-
pellendo, ut quis se à morte defenderet, fuisse commissum narretur,
quam ob causam etiam ad Sacrorum Ordinum, & Altaris minist-
rium, & beneficia quæcunque, ac dignitates, iure quodammodo di-
spensatio debeat, committatur loci Ordinario, aut ex causa, Metro-
politano, seu viciniori Episcopo, qui, non nisi causa cognita, & proba-
tis processibus, ac narratis, nec aliter dispensare possit. Possunt tamè
illa officia, quæ actu habent quando committunt homicidium
retinere, cum hoc non prohibeatur in dicto Decreto Concilij.
Nauarr. in *Manual. cap. 27. num.* 249. Insuper quando tale homi-
cidium, quantumvis voluntarium, fuerit omnino occultum, idest,
hec deductum ad forum contentiosum, aut vilo modo deducibile,
probabile est apud quosdam, cum tali homicida possit dispensare
Prælatos Religionum ad officia Ordinis. Propter dicenda inferius
num. 44. Laurentius de Peirinis *tom. 1. Prius. Min. in Const. 2. Iulij*
II. num. 103.

9 Non requiritur ex vi Iuris communis aliqua antiquitas in
Ordine ad officia, & Prælaturas, sed statim post professionem fa-
ctam redditur habilis ad illa. Ratio est, quia licet pro Abbatissis
requiratur Conc. Trident. *sess. 25. cap. 7.* octo annos post professionē,
pro Abbatibus autem, seu Prælatibus Religionum, neque in ipso
Concilio, neque in aliquo loco Iuris talis conditio petitur; for-
tassis, quia sexus virilis fortior, & perfectior est. Suarez 4. *tom. de*
Relig. tract. 8. lib. 2. cap. 3. num. 16.

10 Licet quoad durationem Prælatorum in ſuis officijs attendenda ſint ſpecialia iura, & conſuetudines Religionum, & præcipuè Summorum Pontificum Ordinationes, conuenientiſſimum, tamen multis pijs, & prudentibus viſum fuit, Prælatos Religionum, præſertim ſupremos, quales ſunt Generales, debere eſſe perpetuos. Ratio eſt, propter multa incommoda, quæ ſequuntur ex limitato tempore officiorum, quinquennio ſcilicet, vel ſexennio. Primum eſt, quia tales Prælati non poſſunt tam plenam, & abſolutam poteſtatem in ſuos ſubditos exercere, quàm ſi eſſent perpetui. Secundum eſt, propter multas expenſas, quæ tempore Capitulorum, ſeu Congregationum à Religioſis fieri ſolent, multaque ipſorum diſagitationes itinerando. Tertium, propter euitandas multorum ambitiones, ſectas, rixas, odia, ſcandala, recurſus ad ſæculares, ſubornationes, imò aliquando ſimonias, & illicitas conuentiones, quæ tempore Capitulorum fieri quandoque ſolent. Quartum, quia Prælati pro tempore limitato electi, ſi ſint ambitioſi ſuam procurant relectionem, ad quod oportet diſſimulare vitia vocem habentium in Capitulis, officia, & dignitates Ordinis indignis conferre, vt ſuffragia tempore electionis præſtent, ſubornanturque quandoque Principes, & Prælati extra Religionem xenijs, muneribus, & pecunijs Ordinis, vt adiutorium præbeant. Quintum, quia tempore limitato Generalatus, verbi gratia, quinquennio, vel ſexennio, vix, aut nullo modo reformari poteſt Religio; cum ſerè vnus annus expendatur in congregando Capitulo, alius in redeundo ab eodem, alius in præparandis neceſſarijs pro tempore proximè futuri Capituli. Suar. 4. tom. de Relig. tract. 8. lib. 1. cap. 7. & lib. 10. de reg. Societ. cap. 2. Miranda in Man. tom. 2. queſt. 6. art. 5. & 6. Legatur ſpecialiter Nauarr. comm. 3. de Regul. nu. 3. & lib. 3. conſil. de Iur. patron. conſil. 4. vbi piſſimus, & doctiſſimus Doctor hæc dixit: *Licet ambitio, & dulcedo ſenſualitatis ſuaſerint multis Regularibus melius eſſe regimen triennale inuentum, à recentibus Regularibus, vt per frequentes mutationes, ambitioſi, & auari aliquando ſiant Prælati, vel Prælate, multò profectò coram Deo, & Sanctis eius melius, & ſincerius eſt regimen illud antiquiſſ. quod antiqui ijdem Sanctiſſimi Patres Baſilius, Auguſtinus, Benediſtus, Bernardus, & Eccleſia vniuerſa ſeruauit, quando longè Regulares erant meliores, quàm nunc ſunt, &c.* Curent ergo Religioſes, Apoſtolica Sede conſentiente, perpetuos ſibi Generales, ſicut antiquitus fieri ſolebat, habere.

11 Prælati Religionum, etiam Generales, tenentur obſeruare leges communes Religionis, & diſpoſitiones Capitulorum Generalium. Cum talia Capitula ſint ſupra ipſos. Imò hæc obligatio
non

non solum est quoad vim directiuam, sed aliquo modo coactiuam, iuxta dicta supra *cap. 8. num. 21*. Tenentur etiam ad obseruanda præcepta à se alijs imposita. Tum ex communi principio, quod Princeps tenetur obseruare suas leges; tum quia lege naturæ obligantur ad bonum exemplum subditis præstandum. Suarez *tom. 4. de Relig. tract. 8. lib. 2. cap. 8*. Vide dicenda infra *num. 54. 86. & 87*.

12 Generaliter loquendo ea, quæ in Conc. Trident. *sess. 6. cap. 1. & 2*. & alijs iuribus statuuntur circa residentiam Prælatorum, intelligi debent suo modo de Prælatis Religionum. Propter similem rationem. Miranda in *Man. tom. 2. quæst. 9. art. 5*. Hinc Prælati Monasteriorum tenentur assistere suis Monasterijs tempore pestis, vel hæresis, etiam cum periculo mortis. Ratio est, quia sunt quasi Parrochi illorum Monasteriorum. Parrochis autem non licet fugere in talibus euentibus. Sanchez *libr. 6. in Decalog. capit. 2. num. 55*.

13 Habent Prælati Religionum potestatem administrandi bona temporalia Monasteriorum. Tum quia ita habetur in *cap. nullam. 19. quæst. 2*. Tum quia cum priuati Religiosi propter votum Paupertatis, quod habent, non possint tali facultate uti, nec tota cõmunitas immediatè, vt de se patet, oportet, quod hoc onus incubat Prælato. Nauarr. *comm. 3. de Regul. num. 5. & 6*. Suarez *4. tom. de Relig. tract. 8. lib. 2. cap. 26*. Expendentes autem bona Monasteriorum in vsus prauos, vanos, aut superfluos, peccant contra votum Paupertatis, & sunt proprietarij. Ratio est, quia non sunt domini bonorum Monasterij, sed tantum administratores in vtilitatem ipsius; atque ita solum possunt expendere in ipsius vtilitatem, quia ad hoc solum habent facultatem à Monasterio, quod est dominus talium bonorum. Nauarr. *lib. 3. consil. in prima edit. conf. 75. in 2. conf. 3*. Azor *tom. 1. Instit. Mor. lib. 12. cap. 12. quæst. 2*. Qualiter autem alienare non possint bona Ecclesiarum, seu Monasteriorum, diximus supra *cap. 10. à num. 1*. Suarez *tom. 4. de Relig. tract. 8. lib. 2. cap. 26. 27. 28*. Imò nec posse bona vnius Monasterij (intelligo immobilia, & mobilia pretiosa) in aliud transferre, non obstantibus aliquibus Priuilegijs Religionum, videtur inferri ex Decretis ibi adductis; eò quod huiusmodi translationes bonorum sunt quædam species alienationis. Peirinis *tom. 1. Priuileg. Minim. in Conf. 2. Iulij 11. §. 26. num. 76*.

14 Prælati, qui in quantum possunt, non curant suos subditos viuere vita communi absque aliquo peculio, aut proprio, & superfluos vsus vitare, non sunt in bono statu conscientie. Ratio est, quia votum Paupertatis id requirit, Summi ique Pontifices, & Con-

Concilia id præcipiunt, iuxta dicta supra c. 6. n. 60. Siluefter *verb. Religio. 6. quæst. 7.* Sanch. *lib. 7. in Decal. cap. 19. num. 27.* Vide Conc. Trid. *sess. 25. de Regular. cap. 1.*

15 Possunt, & tenentur Prælati Regulares suos subditos corrigere, & punire; imò sanguis eorum de manibus Prælatorum requiretur. Tum ex *cap. irrefragabili. de offic. ordin.* Tum ex eo quòd sint veri Pastores, & Rectores Ecclesiarum. Grassi *1. par. Decis. lib. 3. c. 5. num. 133.* Imò omittentes corrigere suos subditos ex negligentia, aut timore, facillè peccant mortaliter. Quia tenentur illos in via perfectionis instruere. Sà *in Summ. verb. Corruptio. num. 2.* Addunt aliqui peccare etiam mortaliter Prælatos omittentes corrigere subditos in aliquibus peccatis venialibus, illis scilicet, quibus introducuntur consuetudines contrariæ Religionis, quia hoc cedit in magnum detrimentum ipsius. Bañez *2. 2. qu. 33. art. 2. dub. 2.* Thomas de Iesu. *de visitat. Regular. tract. 1. cap. 6.* Vide dicenda *cap. 27.*

16 Possunt etiam Prælati Regulares punire suos subditos pœna corporali proportionata eorum delictis. Ratio sumitur ex potestate non solum dominiatiua, sed etiam Iurisdictionis, quam super illos habent. Hinc possunt illos damnare ad triremes, casu tamen raro, & ad satisfaciendum publico scandalo ex delicto enormi. Quia ita habet consuetudo multorum prudentium. Vide dicta *cap. 16. num. 32.* Possunt etiam pœna exilij damnare Religiosos. Cum in illa nulla sit indecentia. Licet hoc magis procedat in Religionibus Monachalibus, in quibus Monachi acquirunt domicilium in Conuentu, ubi professi sunt, non sic in Mendicantibus. Alderete *lib. 2. de Relig. discipl. cap. 27. num. 18.* Tradere tamen illos immediatè brachio seculari ultimo supplicio afficiendos, nisi hoc illis per aliquod priuilegium concedatur, non videtur permissum. Quia hoc vix potest excusari ab irregularitate. Idem dico de mutilatione membrorum, propter eandem rationem. Suarez *tom. 4. de Relig. tract. 8. lib. 2. cap. 10.* Vnde etiam multò minùs possunt punire suos subditos pœna mortis. Ea enim à nullo iudice Ecclesiastico imponi potest. *cap. cum non ab homine, de iudicijs.* Suarez. *ut supra.* Ex priuilegio etiam Bonifacij VIII. concessò Prælati Dominicanorum, possunt contra suos subditos procedere, Iuris apicibus postpositis. Dicuntur autem Iuris apices actus illi, qui potius respiciunt subtilitatem, quàm facti veritatem, & merita causæ. Flavius Cherub. *in Comp. Bullarj tom. 1.* Vnde licet seruari debeat in huiusmodi iudicijs ea forma, quæ ex iure naturali, & gentium requiritur; procedi tamen potest, & debet sine streptu, & figura iudicij secularis. Tum ex prædicto priuilegio.

Tum

222 De Obligationibus Prælatorum Regularium

Tum ex congruentia, quia in Religionibus præcipue attenditur sincera, & plana cognitio criminum, potius ad salutem animæ, quam ad puniendum, & in eis credibile sit Iudices procedere cum maiori charitate, & puriori intentione, & testes esse magis fide dignos. Caiet. 2.2.q.70.ar.2. Sot. 5.de Iustit. q.7. art. 2. Vide dicenda cap.27.num.26.

17 Possunt præterea Prælati Regulares ad cognoscenda, vel punienda delicta subditorum procedere iuridicè per viam accusationis, iudicialis denunciationis, & inquisitionis. Ratio est, quia hoc pertinet ad potestatem Iurisdictionis, quam habent, & est necessarium pro bono regimine Religionis. Suarez 4.tom. de Relig.lib.10.de regim.Societ.cap.11.12. & 13. Non tamen possunt interrogare de delicto alicuius in particulari, nisi de illo præcesserit aliqua infamatio. Alias fieret illi iniuria, nec Iudex procederet iuridicè. Navar. cap.inter verba coroll.47. nu.179. Suarez 4.tom. de Relig.lib.10.cap.11. Possunt tamen subditum non plenè conuictum, & negantem delictum, cogere etiam per torturam, ut fateatur illud. Cum hoc iure naturali sit licitum, & nullo iure prohibitum Religiosis. D. Anton. 3.par. tom.9. cap.7. §. 8. Siluester v. Inquisitio 2. dictu.9. Addunt aliqui, Religiosos non debere torqueri per violentas actiones instar secularium, sed per strictiorem carcerem, humi cubationem, strictiora ieiunia, &c. Suarez 4.tom. de Relig.lib.10. de Regimine Societ. cap.12. Sed hoc intelligi regulariter: quando enim delictum fuerit enorme, & prædicta non sufficiant, non video quare non possit applicari maior tortura. Vide dicenda cap.27.num.16.

18 Quamvis propter privilegia Religionum, specialiter Clementis Septimi in bulla anno 1530. eximentis Fratres Carmelitanos ab Inquisitoribus hæreticæ prauitatis, etiam in casu hæresis, illosque sub potestate Sedis Apostolicæ constituentes, possent antiquitus Prælati Religionum, etiam in casu hæresis, de suis subditis indicare, quod limitauit Pius Quartus in alia Constitutione anno 1562. solum ad casum, in quo Prælati Religionum in talium causarum cognitione Inquisitores præuenirent. His tamen temporibus nullo pacto licet hoc facere, propter Constitutionem Pauli Quinti anno 1606. editam, vbi reuocat omnes facultates Superioribus Ordinum, quoad hoc concessas, & similes causas ad tribunal Sanctæ Inquisitionis solum pertinere decernit. Præcipitque sub magnis pœnis tam Prælati Religionum, quam Religiosis subditis, quod Religiosos de hæresi suspectos denuncient Inquisitoribus, vel Ordinarijs locorum vicinioribus. Vide Bullam tom.3. Bull.inter Bullas Paul.V.num.26. Vincentius

Fi.

Filius *tom. 1. tract. 15. cap. 8.* Omnes etiam, singuli, & quicumque Religiosi, aut Regulares Hæretici, seu de hæresi quomodolibet suspecti debent Inquisitoribus denunciari sub pœna excommunicationis latæ sententiæ, iuxta edictum S. Inquisitionis, quod refert Peirinis *tomo 2. priu. Minim. in Const. 9. Paul. V. nu. 27.* Vbi etiam *num. 28.* refert Decretum Pij V. ann. 1567. prohibentis ne à suis superioribus possint per quinquennium à die recursus molestari, vel inquietari Religiosi, qui pro tempore, ad Officium S. Inquisitionis recurrerint, vel in eo testimoniū perhibuerint veritatis, inconsultis DD. Cardinalibus S. Inquisitionis. Qualiter etiam Regulares pœnitentiati à S. Officio inhabiles sint ad Officia Religionum constat ex Decreto S. Inquisitionis *cap. 15. nu. 39.* relato.

19 Possunt Prælati Religionum referuare sibi casus suorum, subditorum, ita vt solum ab ipsis absoluantur. Cum veram habeant Iurisdictionem spirituales supra illos. Ad hoc autem requiruntur duæ conditiones; prima est, quod tales casus sint peccata mortalia; secunda, quod sint actus externi; cum Ecclesia solum huiusmodi casus referuare sit solita, saltem de lege ordinaria. Suarez 4. *tomo de Religion. tract. 8. lib. 2. cap. 18. num. 3.* Num autem potestate absoluta possit aliter fieri. Sotus *in 4. d. 18. quæst. 2. art. 5.* Probabile etiam est hanc facultatem referuandi casus extendi etiam ad Nouitios, quia verè sunt subiecti Religioni. Adducitur etiam adhuc viux vocis oraculum. Paul. V. licet iam his temporibus, vt sæpè dixi, nihil valeant viux vocis oracula, si aliquod priuilegium continent. Peirinis *tom. 2. priu. Minim. in Const. 10. Urban. VIII. num. 9.*

20 Insuper ex speciali Decreto Clem. VIII. an. 1593. decernitur. Vt nemo ex Regularium Superioribus peccatorum absolutiones sibi referuet, exceptis ijs, quæ sequuntur, aut omnibus, aut eorum aliquot, prout subditorum vtilitati expedire prudenter in Domino iudicauerint. *Veneficia, Incantationes, Sortilegia, Apostasia à Religione, siue habitu dimisso, siue retento, quando eo peruenierit, vt extra septa Monasterij, seu Conuentus fiat egressio. Noturna, ac furtiua à Monasterio, seu Conuentu egressio, etiam non animo apostatandi facta. Proprietas contra votum Paupertatis, quæ sit peccatum mortale. Iuramentum falsum in Iudicio Regulari, seu legitimo. Procuratio, auxilium, seu consilium ad abortum faciendum post animatum fœtum, etiam effectu non sequuto. Falsificatio manus, aut sigilli Officialium Monasterij, aut Conuentus. Furtum de rebus Monasterij, seu Conuentus in ea quantitate, quæ sit peccatum mortale. Lapsus carnis voluntarius opere consummatus.*

224 De obligationibus Prælatorum Regularium

Ocissio, aut vulneratio, seu grauis percussio cuiuscumque personæ. Malitiosum impedimentum, aut retardatio, aut aperitio litterarum à Superioribus ad inferiores, & ab inferioribus ad Superiores. Adiungit præterea idem Põtifex ad maiorem cautelam, quòd si quod aliud præterea peccatum graue pro Religionis conseruatione, aut pro conscientie puritate reseruandum videbitur, id non aliter fiat, quàm Generalis Capituli in toto Ordine, aut Prouincialis in Prouincia matura discussione, & consensu. Prosper August. in addit. ad Quarant in Summ. Bull. verb. casus reseruati. Suarez 4. tom. in 3. p. disp. 28. sect. 3. num. 13. & 4. tom. de Relig. tract. 8. lib. 2. cap. 18. Vide Decretum 4. to. Bull. in Constit. Urbani n. 16.

21 Vtrum autem, esto quòd non possint Prælati Regulares reseruare sibi alios casus præter istos, possint tamen censuras aliorum casuum reseruare, vt si Prælatus præcipiat sub pœna excommunicationis latæ sententiæ sibi reseruata, vt nemo, v. g. loquatur Monialibus? Suarez 4. to. in 3. p. disp. 28. sect. 3. respondet affirmatiuè. Eò quòd Pontifex solum loquitur expressè de reseruatione peccatorum, vt patet illis verbis; *peccatorum absolutioes sibi reseruet.* Alij vero viri docti tenent contrarium; & quòd ex proœmio, & ratione legis sumitur decisio ipsius: constat autem rationem huius legis in proœmio ab ipso Pontifice assignatam esse, quia si Prælati non vtantur prudenter facultate reseruandi sibi casus, *nonnullos infirmiores, qui interdum Superiori suo conscientie maculas detegere formidant, adducere posset in aeterna damnationis periculum, & spiritualis remedij desperationem.* Hac verò ratio etiam procedit in reseruatione censurarum; ac proinde videtur vtrumque prohiberi à Pontifice. Prima sententia conformior est verbis Pontificis. Secunda verò intentioni, & ita, vt puto, probabilior. Sanchez lib. 6. in Decalog. cap. 1. num. 16. Extat etiam declaratio S. Congregationis Romæ 7. Iulij 1617. vbi expressè declaratur in prædicto decreto Clem. VIII. comprehendì etiam censuras. Vide Erasmus Chokier in tract. de Iurisdic. Ordin. in Exempt. p. 4. q. 56. Vnde iam prior sententia non potest in praxi teneri. Vide dicenda cap. sequenti num. 29. & infra num. 29.

22 Possunt Prælati Religionum etiam locales, & Conuentuales, excommunicare suos subditos. Quia omnes isti habent Iurisdictionem quasi Episcopalem, vt diximus supra num. 2. Suarez tomo 4. de Relig. tract. 8. lib. 2. cap. 9. num. 6. addens, etiam posse suspendere. Quia qui potest in maius potest in minus, maius autem est excommunicare, quàm suspendere: idemque dicit de interdicto personali, licet hoc non sit in vsu. Irregularitatem ve-

rò

rò non possunt imponere. Quia neque Episcopi illam imponunt, sola enim Pontificis autoritate, & in casibus à iure expressis incurritur. *Cap. 15, qui de sent. excom. in 6. Suarez tomo 4. de Relig. tract. 8. lib. 2. cap. 9. num. 7.* Quamvis autem Prælatus peccet ponendo excommunicationem non servata iuris forma, scilicet quòd procedat trina admonitio, quòd fiat in scriptis, & non diebus feriatis, quia ita habetur in iure per multa capita; excommunicatio tamen valida erit, dummodò præcedat aliqua admonitio. Quia ita interpretatur consuetudo legem canonicam. *Sotus in 4. dist. 22. quest. 1. art. 2. Suarez 5. tomo in 3. par. disput. 3. sect. 13. à num. 1.* Prælati publicè excommunicati, vel suspensi non possunt suos subditos excommunicare, quia habent ligatam Iurisdictionem. *Cornexo tom. 2. in 3. par. tract. 5. disp. 2. dub. 4.* Quando verò talis defectus est occultus, licet peccent ferendo censuras, validæ tamen sunt. Quia Ecclesia non privat illos tunc usu Iurisdictionis propter euitanda maxima inconueniètia, quæ ex opposito sequerentur. Idem *Cornexo ut supra. Bonacina disp. 2. de censur. q. 2. punct. 5. à num. 3.*

23 Non possunt Prælati Religionum, etiam si sint Generales, eximere aliquem Religiosum ab obedientia sui Prælati immediati, puta Prouincialis, vel Prioris, &c. Ratio est, quia hoc videtur à simili reservatum Sedi Apostolicæ in *cap. Frater noster 16. quest. 1. & ulterius, est contra bonum regimen, & obseruantiam Religionum. Siluester v. Casus quest. 1. casu 5. Miranda in Man. tom. 2. quest. 7. art. 6.* Oppositum tamen videtur tenere *Suarez 4. tom. de Relig. tract. 8. lib. 2. cap. 1. num. 21.* Vide dicta *cap. 4. num. 33.*

24 Nec possunt Prælati Regulares, etiam Generales, de nouo aliquam Prouinciam fundare, & erigere, seu iam erectam, atque fundatam diuidere, sine licentia Sedis Apostolicæ. Ita colligitur ex *cap. Felix 16. quest. 1. & cap. Præsumimus ibidem, & cap. de locorum de consecrat. dist. 1. Silu. v. casus quest. 1. casu 8. 9. & 10. Miranda tomo 2. Man. quest. 7. art. 11.*

33 Prælati Religiosi habent ordinariam Iurisdictionem ad absoluedum sibi subditos à peccatis; Quia sunt Pastores Ordinarij illorum, & in eos translata est cura, quam Episcopi, vel Parochi habent circa seculares. *Suarez tomo 4. de Relig. tract. 8. lib. 2. cap. 15.* Possunt etiam hanc Iurisdictionem delegare. Quia quicumque habet potestatem Ordinariam potest illam delegare. *Suarez ut supra num. 4.* Imò regulariter loquendo debent hanc auctoritatem delegare, iuxta dicenda inferius ex decreto Clement. VIII. *Suarez ut supra.*

26 Vnde non possunt Religiosi alteri confiteri nisi suis Prælatis, aut designatis ab ipsis; propter rationem allatam. Suarez *tom. 4. de Relig. tract. 8. lib. 2. cap. 16. num. 1.* Et quamvis hoc non esset de Iure communi, habent illud à Summo Pontifice, propter multa privilegia. *Compend. priuil. Mendic. v. absolutio Ordin. quoad Frat. & verb. Confessores, & verb. confessio.* Vnde, etiam si Religiosi sint approbati ab Episcopis, non possunt audire confessiones Religiosorum, nisi à Prælatis ipsorum habuerint licentiam. Propter adductam rationem. Nauarr. *in Manu. capit. 4. num. 1.* Extenditur etiam hoc ad habentes Iurisdictionem à Papa. Non enim credendum est Pontificem concedentem alicui facultatem quantumvis generalem audiendi omnium confessiones, velle quod audiat confessiones Religiosorum, inuitis eorum Superioribus; quia hoc esset in detrimentum disciplinæ Regularis. Suarez *4. tomo de Relig. tract. 8. lib. 2. cap. 16. num. ultimo.* Excipiunt tamen aliqui Pœnitentiarios Papæ, quia Papa, qui est supremus Prælatus Religionum videtur hanc facultatem concessisse suis Pœnitentiariis. Peirinis *tomo 1. priuil. Min. in Consist. 2. Julij II. num. 62.* Et hoc videtur certum, cum prædicti Pœnitentiarii sint quasi ministri, & Vicarii Papæ, represententque ipsum in foro pœnitentiali.

27 Ad audiendas tamen Religiosorum confessiones non requiritur approbatio Episcoporum, quia hoc erat de Iure communi antiquo, & non est derogatum à Concilio Tridentino *sess. 23. capit. 15.* cum ibi solum sit sermo de confessoribus secularium. Nauarrus *in Man. cap. 4.* Religiosi quoque itinerantes possunt confiteri cuilibet Confessario siue Regulari, siue seculari, quia per licentiam itinerandi conceditur illis implicitè talis facultas. Miranda *in Man. tomo 2. quæst. 33. art. 6.* pro qua etiam videatur Casparubius *v. absolutio ordinaria quoad Frat. §. 23. & 35.* referens aliqua privilegia circa hoc. Licet privilegium Leon. X. quod ibi refert *num. 23.* nihil iam valeat, cum fuerit viuz vocis oraculum. Quod etiam est verum, etsi Confessarius, qui eligitur non sit ab aliquo Ordinario approbatus, sed simplex Sacerdos, quia vt diximus, Religiosi non sunt astricti confiteri approbatis ab Episcopis; cum ante Concilium astricti non essent, & per Concilium nihil sit immutatum. Corduba *Super Reg. S. Franc. cap. 7. qu. 3. punct. 1.* Suarez *de pœnit. disp. 28. sect. 4.* Sa *in Summa ver. Confessor num. 6.* Religiosi verò hospites in aliquo Conuentu sui Ordinis, Prælato illius Conuentus, vel alteri, qui ab ipso habeat licentiam debent confiteri, cum ille Prælatus sit veluti Ordinarius illius loci. Suarez *4. tom. de Relig. tract. 8. lib. 2. cap. 17. num. 2.*

3. Addunt bene, quod si Religiosus hospes habet facultatem à proprio Prælo conſitendi cui voluerit, poterit id facere etiam in alieno Conuentu.

28. Poſſunt Prælati Religionum iure ordinario abſolvere ſuos ſubditos ſacramentaliter, non ſolum à peccatis, & cenſuris non reſervatis, ſed etiam à ſibi reſervatis, vel per ſeipſos, vel per alios, quos ipſi delegaverint. Ratio eſt, non ſolum, quia, ut dictum eſt, habent Iuriſdictionem quaſi Episcopalem ſupra ſuos ſubditos, ſed etiam, quia hæc eſt vis reſervationis, ut qui reſervat caſum, ab illo poſſit abſolvere. Suarez tom. 4. de Relig. traſ. 8. lib. 2. cap. 19.

29. Non tamen propterea tenentur Religioſi conſiteri ſua peccata, etiam reſervata, ſuis Prælatiſ. Ratio eſt, quia ipſi Prælati tenentur in ſingulis domibus deputare duos, tres, aut plures Confeſſarios pro ſubditorum numero, maiori, vel minori, ijque ſint docti, prudentes, ac charitate præditi, qui à nō reſervatis eos abſolvant, & quibus etiam reſervatorum abſolutio committatur, quando caſus occurrerit, in quo eam debere committi ipſe in primis Confeſſarius iudicaverit. Ita Clemens Octavus in Decreto de caſ. reſervat. Qui etiam adiungit, & declarat, ut ſi huiusmodi Regularium Confeſſariis caſus aliquis reſervati facultatem petentibus, Superior dare voluerit, poſſint nihilominus Confeſſarij illa vice præſententes Regulares, etiam non obtenta à Superiore facultate, abſolvere. Si verò contingat non vna vice, ſed pluribus Religioſum cadere in caſum reſervatum, & Confeſſario petenti facultatem abſolvendi ab illo, Superior neget, Religioſus autem cogatur celebrare, vel communicare, dicendum eſt, quod ſi tunc ſolum timeret Religioſus conſiteri ſuum peccatum Prælo propter ruborem, vel recundiā, vel aliquod incommodum ſimile, tunc tenetur ipſi conſiteri antequam celebret, vel communicet. Quia huiusmodi difficultates nō ſunt ſufficientes ad deobligandum Religioſum à præcepto divino conſiſſionis, cum ſint parvi momenti. Quando verò timeret ſubditus Prælo ſuo conſiteri, quia timeret aliquod damnum multum, grave, verbi gratia, fractionem ſigilli, infamiam apud alios, vel aliud huiusmodi, tunc poſſet habito actū contritionis communicare, vel celebrare non conſitendo tale peccatum ſuo Superiori. Quia gravia iſta incommoda excuſant illum ab obligatione conſitendi. Si tamen habuerit alia peccata non reſervata, ea alteri Confeſſario idoneo tenetur conſiteri, à quo abſolvitur directè à peccatis non reſervatis, & indirectè ab eo, quod abſolvit propter iuſtam cauſam, non tenetur Superiori conſiteri, quatenus illi ſit reſervatum. Cum tamen illud conſitendi poſtea cuiunque habuerit auctoritatem.

tatē illud directē absoluendi. Quod etiā credo facere posse etiā si non habeat alia peccata non reſeruata, niſi ſolū aliās conſeſſa, ea ſcilicet de nouo conſitendo. Tolet. *lib. 3. Summ. cap. 13. num. 8.* Suarez *4. tom. de Relig. tract. 8. lib. 2. cap. 19.* Vide dicenda *cap. ſequenti num. 37.*

30 Poſſunt etiā prædicti Prælati Regulares abſoluere à cenſuris reſeruatis Papæ, quæ in Iure ſunt commiſſæ Episcopis, qualis eſt abſolutio ab excommunicatione Canonis *Si quis ſuadente, &c.* Eò quòd habeant Iuriſdictionem Episcopalem. A cenſuris autem, quæ Episcopis ſunt commiſſæ ex ſpeciali commiſſione, præſertim, vt Legatis Summi Pontificis, qualis eſt illa, quæ habetur in Concil. Trident. *ſeſſ. 24. cap. 6.* non poſſunt Iure communi abſoluere. Quia, licet prædicti Prælati habeant Iuriſdictionem Episcopalem, hæc tamen non committuntur Episcopis, vt talibus, ſed vt Legatis, Sedis Apoſtolicæ, vel ex ſpeciali commiſſione. Suarez *4. tom. de Relig. tract. 8. lib. 2. cap. 20. num. 9.* Similiter à cenſuris latis ab Episcopis (in caſibus, in quibus eas in Religioſos exemptos ferre poſſunt, iuxta dicta ſupra *cap. 11. num. 14.*) non poſſunt abſoluere. Prælati Regulares iure communi ſuos ſubditos. Ratio eſt, quia in illis actibus ſunt Episcopis Superiores. Prælatis Religionum, quia vel pro illis ſunt Sedis Apoſtolicæ delegati, vel ſaltem pro illis ablata eſt exemptio à Religioſis. Non ergo poſſunt ab illis cenſuris abſoluere. Prælati Religionum. Suarez *4. tom. de Relig. tract. 8. lib. 2. cap. 20. num. 4.* An autem ex priuilegio poſſint ab illis abſoluere, lege Suarez *ibidem num. 5.*

31 A caſibus autem, peccatis, aut criminibus Summo Pontifici reſeruatis, non poſſunt ex vi iuris communi abſoluere ſuos ſubditos Prælati Regulares. Cum nullus inferior poſſit contra voluntatem Summi Pontificis ſuam iuriſdictionem exercere. Id tamen facere poſſunt primò Prælati Ordinis Prædicatorum, & qui cum ipsis communicant in priuilegijs, ex priuilegio Pij V. eiſdem conſeſſo. Cum enim Trident. Conc. conceſſerit Episcopis, vt abſoluere poſſint in foro animæ, ſeu cōſcientiæ ab omnibus peccatis, & caſibus occultis, & diſpenſare in irregularitatib. prout ſeſſ. 24. c. 6. habetur, ne Prælati dicti Ordinis. in hac parte deterioris conditionis, quàm clerici, aut ſæculares exiſtant, ideo Pontifex iſte cōceſſit Priori Conuentuali, & Superioribus. Prælatis, vt ipsis per ſeipſos, idem omninò poſſint in Fratres, & Moniales, dicti Ordinis ſibi ſubditos, quod poſſunt Episcopi in Clericos, & laicos ſibi ſubditos, tam quoad abſoluendi, & diſpenſandi huiusmodi, quàm alias quaſcumque ſacultates. Paſſarellus in *lib. Priuileg. fol. 127.* Sorbus in *Comp. fol. 45.* Quare licet à prædictis caſibus non poſſint, Prælari ſuos ſub-

subditos absoluere ex vi Decreti Cōc. Trid. iuxta dicta supra c. 10. n. 35. ex vi tamen huius priuilegij, & cum conditione ibi assignata, scilicet, quòd id faciāt *ipfi per se ipsos*, & in casibus occultis, id efficere possunt. Suar. 4. 10. de Relig. tract. 8. li. 2. cap. 12. n. 8. & 9. 32

Secundò id facere poterant olim ex priuilegio Eugenij IV. concessio Fratribus Minoribus de Obseruantia Castellæ (quod postea Pius Secundus extendit ad totam familiam) quod refert Casarrubius in *Compend. Priuileg. Mendicantium, verb. Absolutio extraordinaria quoad Fratres, num. 3.* Sed quia hæc concessio fuit viuz vocis oraculum, vt patet ex eodem Casarrubio ibidem, & extensio, quæ dicitur esse facta à Pio Secundo non constat, an fuerit per Bullam, aut viuz vocis oraculum; ideo his temporibus, in quibus à S. D. N. Urbano omnia viuz vocis oracula abrogata sunt, non licet vti tali concessione. Possunt tamen prædicti Prælati à prædictis casibus suos subditos absoluere, propter alias concessiones, quas modò afferimus.

33 Nempe pro Religione Carmelitarum ex priuilegio Sixti IV. in Bulla, quæ est Mare Magnum Religionis, & incipit *Dum attenda*, vbi Pontifex refert priuilegium Eugenij Quarti, quo concessit Generali, vel ab eo deputatis, vt haberent circa omnes sui Ordinis Fratres, in confessionibus eorum audiendis, & pœnitentijs injungendis, alijsque dumtaxat salutem animarum concernentibus, exequendis, eandem potestatem, & facultatem, qualem in præmissis Minores Pœnitentiarij Papæ in Romana Curia præsentibus ex officio exercebant, & habebant. Et cū in huiusmodi concessione eis ab eodem Eugenio concederetur, suos dicti Ordinis Fratres ab omnibus absolueret excoisibus, censuris, & pœnis, nisi talia forent, propter quæ meritò essent ad Sedem Apostolicā destinādi, & propterea quæ sint illa, propter quæ Fratres ipsi essent ad Sedē Apost. destinādi, sæpè reuocaretur in dubium; vt absoluendum, & absoluēdorum; dispensantium, & dispensandorū pro tēpore, puritati conscientie cōsuleret, declarauit prædictus Sixtus IV. *hereticos relapsos, schismaticos, & qui litteras Apostolicas falsificassent, aut ad infideles prohibita detulissent, dumtaxat esse ad Sedem Apostolicam meritò destinandos; reliquis verò omnibus, etiam simonia præiurata qualitercumque irretitis, posse per illis, quibus inibi conceditur, absolutionis beneficium, & dispensationis gratiam, iuxta casuum exigentiam impartiri.* Insuper, quod in prædicta Eugenij prædecessoris Cōstitutione de Fratribus fit mentio, ad omnes vniuersæque sexus dicti Ordinis professores extendit Et præterea facultatem concessit Generali dicti Ordinis, pro tempore existenti, dispensandi cum dicti Ordinis professoribus, defectum natalium ex

adulterio, sacrilegio, incestu, & quouis alio nefario, & illicito coitu proueniente, patientibus, necnon cum his, qui ex quauis causa, præterquam homicidij voluntarij, bigamiz, & mutilationis membrorum irregulares forent; postquam Ordinem ipsum professi fuerint, ut defectu, & irregularitate huiusmodi non obstante, irregulares ipsi ad quoscunque etiam sacros Ordines promoueri, & in illis, etiam in altaris ministerio, ministrare, & quod tam ipsi irregulares, quam defectum natalium patientes prædicti ad quascunque administrationes, & officia dicti Ordinis eligi, recipi, & assumi, illaque gerere, & exercere liberè, & licitè valeant. Vide Bullam in libro, cui titulus est, Speculum Ordinis Carmelitarum fol. 84. Et aduerte priuilegia hæc non concedi omnibus Superioribus Religionis, ut patet ex contextu, sed tantum ibi expressis.

34 Tertiò ex priuilegio eiusdem Sixti IV. in Bulla, quæ est Mare Magnum Prædicatorum, ubi Priuilegia Greg. XI. confirmat, quibus idem Gregorius facultatem concesserat Magistro, Prioribus Prouincialibus, & Conuentualibus, & eorum Vicarijs absoluedi Fratres eiusdem Ordinis; necnon Fratribus dicti Ordinis, quos ipsi Magister, Priores Prouinciales, & Conuentuales habuerint pro tempore in Confessores, absoluedi ipsos Magistrum, Priores Prouinciales, ac Conuentuales ab excessibus, & censuris, nisi talia forent; propter quæ essent ad Sedem Apostolicam meritò destinandi, ac cum eis desuper dispensandi. Et cum similiter propterea, qui essent destinandi, persæpereuocaretur in dubium, declarauit, *Hæreticos relapsos, schismaticos, & qui litteras Apostolicas falsificassent, aut ad infideles prohibita detulissent, dumtaxat esse ad Sedem prædictam meritò destinandos. Reliquis verò omnibus, etiam simonia qualitercunque irretitis, posse per illos, quibus inibi conceditur, absolutionis beneficium, & dispensationis gratiam, iuxta casum indulgentiam, impartiri.* Præterea etiam facultatem concessit Magistro, & Prioribus Prouincialibus, & Conuentualibus, ac eorum Vicarijs, defectum natalium, ex adulterio, sacrilegio, incestu, & quouis alio nefario, & illicito coitu prouenientem, patientibus, necnon cum his, qui ex quauis causa, præterquam homicidij voluntarij, bigamiz, & mutilationis membrorum, irregulares forent, dispensandi cum dicti Ordinis prædicatorum professoribus, postquam ipsum Ordinem professi fuerint, ut defectu, & irregularitate huiusmodi non obstantibus, irregulares ipsi ad quoscunque etiam Sacros Ordines promoueri, & in illis, & in altaris ministerio ministrare: & tam ipsi irregulares, quam defectum natalium patientes prædicti, ad quascunque administrationes, & officia

cia eligi, recipi, & assumi, illaque gerere, & exercere, liberè, & licitè valent. Ioann. Baptist. Confess. in priuile. Mendic. referens Bullam Sixti IV. fol. 41. in impressione Colonienfi.

35. Quartò ex priuilegio Gregorij XIV. concessio Religioni ministrantium infirmis, vbi inter alia concedit Generali pro tempore existenti, vt per se, vel per alium, seu per alios ad id per eum pro tempore deputatum, seu deputatos, omnes, & singulos eiusdem Cõgregationis Socios, & personas sub eius obedientia, disciplina, & correctione pro tempore degentes, ab omnibus, & singulis eorũ peccatis ante, post vel ingressum in dictam Congregationem per eos commissis, nec non à quibuscunque excommunicationis, suspensionis, & interdicti, alijsque Ecclesiasticis, & secularibus sententijs, censuris, & pœnis, à iure, vel ab homine (non tamen nominatim) quomolibet latis in foro cõscientiæ absoluerè possit. Et præterea ipsi cõcessit, quatenus huiusmodi sententijs innodatos, aut in locis Ecclesiastico interdicto suppositis diuina Officia celebrâtes, & suscipiêtes, & cẽsuris huiusmodi sicligatos, & propterea, aut aliàs ex quocunque capite, vel causa (præterquam homicidij voluntarij, bigamiæ, aut membrorum mutilationis) irregularitatem incurrentes, in foro cõscientiæ tantum absoluerè, nec non cum eis, si opus fuërit, etiã cum rehabilitatione, & absterisione inhabilitatis, ac infamiæ macula dispensare possit. Vide Bullam in 2. tom. Bullar. Laertij Cherub. fol. 706.

36. Possunt præterea plures Prælati Religionum absoluerè suos subditos ab excommunicationibus, & censuris Papæ reservatis. Primò enim id possunt facere Generalis, & ab ipso deputati ex priuilegio Eugenij IV. & Sixti IV. Carmelitanis concessio, vt patet illis verbis supra num. 33. adductis. Vt habeant circa omnes sui Ordinis fratres in confessionibus eorum audiendis, & pœnitentijs iniungendis, alijsque, dumtaxat salutem animarum concernentibus, exequendis, eandem potestatem, & facultatem qualem inpræmissis Minores Pœnitentiarij Papæ in Romana Curia præsentibus exercebant, & habebant: In qua etiam concessione eis conceditur, suos dicti Ordinis Fratres ab omnibus absoluerè excessibus, censuris, & pœnis, nisi talia forent propter quæ meritò essent ad Sedem Apostolicam destinandi. Sub qua limitatione solum vult Pontifex comprehendere hæreticos relapsos, schismaticos, & qui dictas litteras Apostolicas falsificassent, aut ad infideles prohibita detulissent dumtaxat. Secundò ex priuilegio eiusdem Sixti IV. adducto supra num. 34. Vbi concedit Prælati Ordinis Prædicatorum facultatem absoluerendi ab excessibus, & censuris, nisi talia forent, propter quæ essent ad Sedem Apostolicam meritò

merito destinandi. Explicans verò casus in quibus sunt destinandi dicit: *Declaramus, hereticos relapsos, schismaticos, & qui litteras Apostolicas falsificassent, aut ad Infideles prohibita detulissent, dumtaxat esse ad Sedem prædictam merito destinandos. Reliquis verò omnibus, etiam Simonia qualitercunque irretitis, posse per illos, quibus inibi conceditur absolutionis beneficium, &c. Confectius ut supra num. 34.* Tertiò id possunt facere ex Iulio II. qui idem quod Sixt. I V. concessit Prædicatoribus in bulla num. 34. adducta, concessit ipse, & eisdem verbis Minimis S. Francisci de Paula. Habetur Bulla tom. 1. Bull. Laertij Cherub. pag. 417. Excluit autem conspirationem in Romanum Pontificem. Laurentius Peirinis tomo 1. priusleg. Minim. in Constitut. 4. Sixti I V. §. 5. Tandem Quartò, ex privilegio Gregor. XIV. concessio Religionis ministrantium infirmis, ut patet illis verbis adductis supra num. 15. *Nec non à quibuscunque excommunicationis, suspensionis, & interdicti, aliisque censuris, & pœnis à iure, vel ab homine (non tamen nominatim) quomodolibet latis.* Vide Bullam, 2. to. Bull. Laert. Cher. fol. 706. Et adverte privilegium hoc solum concedi Generali, & ab ipso deputatis, non verò alijs superioribus.

37 Probabile etiam est posse Prælatos Religionum absolvere suos subditos à censuris, etiam specialibus, & ab homine latis per sententiam specialem. Primò propter privilegium illud Eugen. IV. & Sixti IV. Carmelitæ concessum, de quo num. 33. diximus. Cum enim ibi concedatur facultas Generali, vel ab ipso deputatis, absolvendi subditos à quibuscunque censuris, illis solum exceptis casibus, quæ ibi numerantur, cum exceptio regulæ firmet illam in contrarium, dici posse videtur, Prælatos posse suos subditos absolvere, etiam à censuris specialibus, & ab homine latis. Secundò idem colligitur ex illo simili privilegio Sixti I V. pro Ordine Prædicatorum, adducto num. 34. propter eandem rationem. Tertiò ex illo Gregor. XI V. pro ministrantibus infirmis concessio, ponderando illa verba supra num. 35. *allata, censuris, & pœnis à iure, vel ab homine (non tamen nominatim) quomodolibet latis.* Quartò ex indulto Pauli I I I. in Bulla licet debitum inter Bullas huius Pontificis num. 48. ubi concedit Generali Societatis Iesu, ut per se, vel alios ad id deputatos possit suos Socios absolvere *A quibusvis excommunicationis, suspensionis, & interdicti, aliisque Ecclesiasticis, & secularibus sententijs, censuris, & pœnis à iure, vel ab homine quomodolibet latis, & promulgatis.* Expendo enim illud *quomodolibet latis, & promulgatis.* Rodriguez tomo 1. *quæst. regul. q. 20. art. 4.* Suarez 4. tom. de Relig. tract. 8. lib. 2.

lib. 2. cap. 25. Qui addit hoc etiam intelligi debere quando aliquis Religiosus nominatim denunciatus esset. Idem *ibidem num. 5.*
 38. A censuris verò, seu casibus contentis in Bulla Cœnæ Domini, non possunt Prælati Regulares absoluerè suos subditos, neque ex vi iuris communis, propter dicta supra *num. 31.* neque ex vi facultatis concessæ Episcopis à Conc. Trident. *sess. 24. cap. 6.* extensæ postea à Pio V. ad Prælatos Ordinis Prædicatorum, iuxta dicta supra etiã *n. 31.* Eò quòd talis facultas reuocatur omni anno per Bullam Cœnæ Domini. Sanchez *lib. 2. Decalog. cap. 11. num. 7.* Suarez 4. *tom. de Relig. tract. 8. lib. 2. cap. 20. num. 10.* Neque etiam ex vi priuilegiatorum Religionum, propter eandem rationem. Vade quamuis aliqui teneant posse Prælatos Religionum absoluerè Religiosos ab excommunicatione incurta per peccatum, hæresis, propter aliqua Priuilegia Religionum, quæ id concedūt, & non censetur reuocata per Bullam Cœnæ Domini, eò quòd in clausula reuocatoria priuilegiatorum dicitur, *Nisi in eis (intellige priuilegijs) etiam casus presentibus litteris expressi comprehendantur*, prout adiungebatur in Bullis Cœnæ Sixti V. & Clement. VIII. (Suarez 4. *to. de Relig. tract. 8. lib. 2. cap. 21.* Rodriguez *tom. 1. quest. Regular. quest. 20. art. 9. & 10.*) Tamen quia huiusmodi clausula, non apponitur in Bulla Cœnæ S. D. N. Urbani, sed generaliter dicitur: *A prædictis sententijs nullus per alium, quàm per Romanum Pontificem, nisi in mortis articulo constitutus, &c. absolui possit, etiã prætextu quarumvis facultatum, & indulgentiarum quibuscunque Ecclesiasticis, secularibus, & quorumvis Ordinum, etiam Mendicantium, ac Militiarum Regularibus, &c. in genere, & in specie concessorum, & innovatorum, ac concedendorum, & innovandorum.* Ideo nullo modo ab hoc, aut ab ullo casu in Bulla Cœnæ Domini contentis absolui possunt Regulares à suis Superioribus. Ioannes de la Cruce *de voto Obedientiæ. dub. 14.* Nec placet, quòd aliqui volūt in contrarium. Peirinis *to. 1. priuilegi. Minim. in Constit. 4. Sixti IV. §. 5. à num. 10.*

39. Comprehendunt autem videntur sub prædictis priuilegijs, præfertim illis, quæ adduximus. ex Sixto Quarto *num. 33. & 34.* & ex Iulio Secundo pro Minimis *num. 36.* absolutiones à censuris incurtis à Religiosis propter simoniam, quam committere possunt (quod absit) in officijs Religionis. Ratio est, quia prædicta priuilegia generalia sunt, & non excludunt istum casum simoniæ, sed potius illum includunt. Rodriguez *tom. 1. quest. 20. art. 13.* An verò prædicta priuilegia (excepto illo Gregorij XIV.) derogata sint à Pio V. in Bulla *Cum primum.* relata à nobis *cap. 15. num. 31.* ubi hic Pontifex confirmat excommunicationem Papæ reservatam

234 De Obligationibus Prælatorum Regularium

à Paulo Secundo contra simoniacos in officijs Religionum, aliorum iudicio remitto. Vnde cautè nimis procedendum est. Simoniacè autem ordinati non possunt absolui ex vi prædictorum, privilegiorum. Ratio est, nam Sixtus V. in Constitutione adversus Clericos malè promotos, reuocat omnia privilegia Religionibus concessa quantum ad absolutionem à censuris propter hanc causam incurfis, quod confirmavit quantum ad simoniacè ordinantes, & ordinatos, Clemens VIII. vt diximus *cap. 14. nu. 5.* Suarez *4. tom. de Relig. lib. 2. cap. 21. num. 9.* Peirinis *tom. 1. priuileg. Minim. in Const. 2. Iulij II. §. 29. num. 88.*

40. Quod attinet ad dispensationem in irregularitatibus possunt Prælati Regularium cum sibi subditis dispensare; primò, in omnibus illis, in quibus possunt Episcopi. cù sibi subiectis: & hoc ex iure còmuni, quia scilicet habet Iurisdictionè quasi Episcopalis, iuxta dicta supra *n. 2.* Possunt etiam iidem Prælati (saltem aliqui respectiue) dispensare in omnibus alijs irregularitatibus, etià reservatis Papæ, exceptis tribus, videlicet bigamia, homicidio voluntario, & mutilatione membrorum. Primò ex privilegio illo Eugenij IV. & Sixti IV. Carmelitarum Generali concessò, in illis verbis adductis supra *num. 33. Nec non cum ijs, qui ex quavis causa, præterquam homicidij voluntarij, bigamia, & mutilationis membrorum, irregulares fuerint, postquam Ordinem ipsum professi fuerint, vt defectu, & irregularitate huiusmodi non obstante, irregulares ipsi ad quoscunque etiam sacros Ordines promoueri, & in illis etià in altaris ministerio ministrare, & tam ipsi irregulares, quàm defectum natalium patientes prædicti, ad quoscunque administrationes, & officia dicti Ordinis eligi, recipi, & assumi, illaque gerere, & exercere liberè, & licitè valeant, motu scientiæ, & auctoritate prædictis concedimus per præsentis.* Secundò ex privilegio Sixti Quarti pro Ordine Prædicatorum, ab illis verbis. *Nec non cum his, adductis num. 34.* Tertiò ex privilegio Pij Quinti supra *num. 31.* relato, ibi enim datur facultas Superioribus Religionum, vt per se ipsos possint facere cum sui Ordinis subditis, quod possunt Episcopi cum Clericis, & Laicis, iuxta Concilij Tridentini Decretum. Cum ergo in dicto Decreto sic habeatur *sess. 24. cap. 6. Liceat Episcopis in irregularitatibus omnibus, & suspensionibus ex defecto occulto prouenientibus, excepta ea, quæ oriuntur ex homicidio voluntario, & exceptis alijs deductis ad forum contentiosum, dispensare, & in quibuscunque casibus occurrissetiam Sedi Apostolicæ reservatis.* Idem ergo facere poterunt Prælati Religionum circa suos subditos. Liceat etiam quartò alia concessio eiusdem Pij Quinti facta Clericis Regularibus Theatinis, quòd

quòd scilicet, possint absolvere venientes ad istam Religionem à quacunque irregularitate. (Intellige seclusis illis tribus). Habetur hæc Bulla 2. tom. Bullarij inter Bullas Pij Quinti loco 33: Idem etiam habetur ex priuilegio illo Gregorij Decimi Quarti pro Ministrantibus infirmis adducto supra num. 35. vbi Generali pro tempore existenti concedit facultatem absoluedi in foro conscientie ab omni irregularitate, præterquam in tribus illis assignatis. Idem habetur ex priuilegio illo Iulij Secundi Minimis concessio, de quo supra num. 36. Id tandem habetur ex priuilegio Pij Quarti concessio Generali, & alijs Abbatibus, & visitatoribus Congregationis montis Oliueti Ordinis Sapientie Benedicti. Vide priuilegium satis amplum in 2. tom. Bullarij Laertij pag. 8.

41 Ne autem Prælati errent in absolutione à casibus, & censuris reservatis, vel dispensatione in irregularitatibus, propter prædicta, aut similia priuilegia. Primò animaduertere debent ad formalia verba priuilegij, concessionis, vel inducti, quo vti volunt. Aliquando enim in illis certæ conditiones apponuntur, quibus non seruatis, absolutio, vel dispensatio nulla est. constat id ex illo Gregorij Decimi Quarti priuilegio num. 35. adducto, vbi dicitur, *ita tamen, quòd sic absoluti, & dispensati pro tempore, si è huiusmodi Congregatione quandoque egrediantur, eo ipso in pristinas sententias, & censuras relabuntur, & reincident.* Ecce conditionem pro validitate absolutionis, & dispensationis. Quæ etiam in alijs inductis apponi solet. Aliqua etiam ex prædictis priuilegijs restrictionem habent respectu Prælatorum, alia non, vt notauimus num. 33. & 37. Aliquando in illis conceditur absolutio, vel dispensatio, nisi peccata fuerint commissa in contemptum clauium, vel cum fiducia talium priuilegiorum, aliquando verò non. Quando autem non exprimuntur non debent intelligi inclusa. Suarez 4. tom. de Relig. tract. 8. lib. 2. cap. 21. à num. 10. Quædam etiam priuilegia Religionibus concessa expressè excludunt quòd alijs communicentur, vt diximus cap. 14. num. 19. Peirinis tomo 1. in Constitut. Pyrrh. num. 28. alia verò nihil de hoc. Præterea multa ex priuilegijs Religionibus concessis per non usum, seu per contrarium usum, aut etiam per renunciationem omnino sublata sunt. Pro quo vide Bonacina in tract. de legib. quest. 3. punct. 8. & dicenda infra num. 64. Secundò præcipuè animaduertere debent, an tale priuilegium, vel inductum aliquo modo, vel ab ipso Pontifice, qui illud concessit, vel à Successoribus reuocatum, vel moderatum sit. Tunc verò tale censetur quando prædictus Pontifex, vel eius Successores ali-

aliquem casum, vel censuras ex prædictis sibi reservauerint, apponendo clausulam derogatoriam privilegiorum, ut si dicant, *non obstantibus quibuscumque privilegijs, &c.* Ratio est, quia per illam clausulam annullatur privilegium antiquum. Quando verò, vel ipse Pontifex, qui tale privilegium concessit, aut eius Successores, non apponunt in Bullis, vel Decretis particulam illam derogatoriam privilegiorum antiquorum, scilicet, *non obstantibus quibuscumque privilegijs*, sed solum præcipiunt, vel prohibent aliquid, sibi absolutionem reservantes, tunc antiqua privilegia manent in sua vi, & ratione illorum possunt absolvi transgressores. Ratio est. Quia sensus illorum privilegiorum non est, per ea dari facultatem ad absolvendum solum ab illis peccatis, quæ tunc reservata sunt, quando privilegium conceditur, sed ab illis etiam, quæ reservata sunt, vel fuerint quando sit confessio, & absolutio præstanda est; ergo licet reservatio sit posterior nihil refert. Suarez 4. *tomo de Relig. tract. 8. lib. 2. cap. 21.* Peirinis *tomo 1. Privileg. Minim. in Constitut. 4. Sixti IV. §. 3. num. 24.*

42 Circa dispensationem in irregularitatibus specialiter animadvertendum est, illam sine legitima causa concedi non posse, nec licite, nec valide, etiam si talis causa in indulto concessio non exprimitur, ut necessaria ad dispensationem. Ratio sumitur ex natura Dispensationis, quæ sine causa concessa irrita est, & invalida. Nauarr. in *Man. cap. 25. num. 74.* Silvester *verb. dispensatio*. Vnde peccatum Prælati dispensantis sine rationabili causa est abusus propriæ potestatis ei datæ non ad destructionem, sed ad ædificationem. Gratius 2. *par. decis. lib. 3. cap. 19. numero 30.* Secundò animadvertendum, quòd quamvis in aliquibus privilegijs Religionum concessa videatur facultas dispensandi in omni irregularitate, semper tamen debent intelligi exceptæ illæ tres bigamiz, occisionis voluntariæ, & abscissionis membrorum. Ratio est, quia casus speciales sine specifica expressione non reputantur concessi. Ita in simili Suarez 4. *tomo de Relig. tract. 8. lib. 2. cap. 21. num. 2.* Imò etiam semper debent intelligi exclusæ ab hac generali facultate dispensandi illæ irregularitates, quæ procedunt ex aliquo enormi corporis, vel etiam animæ vitio, quod posset scandalum generare fidelibus videntibus celebrare illud habentem, ut si aliquis sit lepra infectus, vel morbum caducum patiat, aut sit convictus de peccato indicibili, &c. Ratio est iam adducta, quia cum casus isti sint specialissimi non est existimandum Pontifices voluisse illos includere in generalibus concessionibus. Miranda *tom. 2. Man. q. 8. art. 5.*

43 Nomine homicidij voluntarij, cuius dispensatio in prædictis priuilegijs excipitur, probabile est, solum intelligi homicidiū iniustū, & illicitū, non homicidiū iustū, & licitū, quod inducit irregularitatem, quæ vocatur ex defectu lenitatis, quā scilicet, incurrunt Iudices, & ministri iustitiæ, & milites in bello iusto. Ratio est, quia isti nō appellantur propriè homicidæ, iuxta doctrinam S. Augustini lib. 1. de lib. arb. cap. 4. & 5. relatam à S. Tho. 1. 2. q. 88. art. 6. & ita hoc tenent Bannez 2. 2. quæst. 40. art. 1. dub. 4. Vinald. in Candelabr. aur. 2. par. tit. de irregul. §. de dispensat. quoad frat.

44 Loquendo verò de homicidio voluntario, etiam iniusto, & illicito, occulto tamen, aliqui dicunt posse Prælatos Regulares dispensare in irregularitate propter illud contracta. Primò ex priuilegio quodam Martini V. concessio Benedicæinis Monasterij Vallisoletani, quod refert Casarrubius in comp. Priuileg. Mendic. verb. Dispensatio. nu. 24. Sed quia hoc fuit viuz vocis oraculum, vt ipse Casarrubius habet, notans hoc priuilegium litera O, ideo his temporibus nihil valet. Secundò ex simili priuilegio Iulij II. concessio Prædicatoribus, vt refert Miranda 2. tom. Man. quæst. 8. art. 10. Nescio tamen quantum valeat hoc priuilegium, & an sit solum viuz vocis oraculum. Idem dico de alio priuilegio Sixti IV. concessio Carthusiensibus, vbi conceditur Generali, & quinquaginta Prælati inferioribus ab ipso deputandis, facultas dispensandi cum suis subditis in omnibus casibus Pontificalibus. Omitto etiam quòd hæc concessio limitatur excludendo dispensationē in homicidio voluntario, citra altaris ministerium. Suarez 4. tom. de Relig. tract. 8. lib. 2. cap. 12. num. 9. Nihilominus quando homicidium, etsi voluntarium, & illicitum, est ita occultum, vt nullo modo sciri, aut probari possit; probabile est apud aliquos posse Prælatos Regulares in irregularitate propter illud contracta dispensare. Ratio est, quia etiam est apud illos probabile, posse Episcopos in prædicto casu dispensare, ac per consequens etiam Prælatos Regulares, qui quasi Episcopalem habent Iurisdictionem. Neque obstat Concilium Tridentinum sess. 24. cap. 6. vbi dispensatio in homicidio voluntario, etiam occulto, negatur Episcopis, exponunt enim Concilium de homicidio voluntario occulto, quod aliquo modo probari potest, vel de illo, quod factum est per insidias, aut proditorie, iuxta cap. 7. sess. 14. eiusdem Concilij. Auila de cens. par. 7. d. 6. sect. 5. dub. 5. Miranda, vt supra. Extat etiā priuilegium Pij V. concessum Congregationi Cassinensi, vt habetur tom. 2. Bullarij inter Bullas Pij V. num. 129. vbi conceditur Prælati illius Congregationis facultas dispensandi cum subditis in omnibus casibus, & ob quemuis excessum, & delictum, publicum,

vel

*vel occultum, casu, seu data opera, quomodolibet ab eis, & singulis, etiam si homicidium voluntarium, seu membri mutilatio, &c. intellige, in foro conscientie tantum, & dummodò tale homicidium factum non fuerit post ingressum Religionis, & semper sint in illa permansuri, donec vixerint, ut in eadem Bulla expressè declaratur. Cautissimè ergo in hisce casibus procedendum est. Addiderim etiam pro maiori cautela, quòd si hæc, quæ dixi probabilitatem habent, tantum intelligenda sunt de homicidio voluntario, quod non est per assassinium, aut proditoriè patratum; hoc enim genus homicidij adeò enorme, & malignum est, ut numquam debeat credi eius dispensatio concessa in quibuscunque privilegijs, nisi expressa mentio fiat de illo. Laurentius de Peirin. tom. 1. *privil. Minim in Constit. 2. Iulij 11. §. 29. à nu. 103.* In casu etiam, quo fieri posset huiusmodi dispensatio, attendere oportet verba privilegij, ne sit defectus in aliqua circumstantia pro illa necessaria, iuxta dicta supra num. 41.*

45 Est præterea advertendum, quòd cum in his, & similibus privilegijs, aut indultis, conceditur facultas absolutionis, vel dispensationis *in foro conscientie*, licet per particulam illam intelligant aliqui, necessarium esse, quòd talis absolutio, seu dispensatio detur in Sacramento Pœnitentiæ. Nauarr. in *Man. cap. 26. num. 31.* Suarez 5. tom. in 3. part. disp. 7. sect. 5. num. 35. Probabile tamen est per illud *in foro conscientie*, non denotari hoc, sed solum, quòd talis absolutio, vel dispensatio non suffragetur recipienti in foro exteriori, sed solum in foro interiori animæ. Enriquez lib. 3. de *Indulg. cap. 3. litt. R.* Miranda in *Man. 2. tom. quæst. 35. art. 2.* Secus dicerem quando in indultis, & privilegijs apponuntur istæ particulæ, vel similes, *in foro pœnitentiali, auditis confessionibus, eorum peccatis, &c.* quia tunc clariùs denotatur talem absolutionem debere dari in Sacramento Pœnitentiæ. Vide Peirinis tom. 1. *privil. Minim in Constit. Pyrrhi num 43.*

46 Possunt etiam Prælati Religionum dispensare cum suis subditis in foro conscientie, in pœnis omnibus contractis ex quibuslibet delictis, quales sunt inhabilitationes ad Officia, Dignitates, &c. privationes Officiorum, Dignitatum, vocis, loci, &c. Primò quidem si tales pœnæ non sint Papæ reservatæ. Nam eò ipso possunt in illis Episcopi dispensare, ac per consequens Prælati Religionum, utpotè habentes Iurisdictionem quasi Episcopalem. Casus autem, in quibus Episcopi iure communi dispensare, possunt quoad pœnas, sunt *adulterium, & delicta minora adulterio, peccata tamen pœnitentia.* Ita declaravit Alexander Tertius in cap. ac si clerici. Miranda in *Manual. to. 2. quæst. 9. ar. 3. & 9. 31.*

art. 11. Deinde quando prædictæ pœnæ sunt Papæ reservatæ, licet in illis dispensare non possint Prælati ex vi Decreti Conc. Trid. sess. 24. cap. 6. quo conceditur Episcopis facultas dispensandi in illis, eò quòd vt diximus cap. 10. num. 35. illud Decretum solum extenditur ad veros Episcopos. Nihilominus possunt in illis in foro conscientie dispensare. Primò ex priuilegio Pij V. in hoc capite num. 31. adducto. Cùm ibi dicatur, *Prælatos Religionum posse per se ipsos facere idem in suos subditos quod Episcopi in suos*. Episcopi autem ex vi prædicti Decreti Concilij possunt in huiusmodi pœnis quando occulta sunt delicta dispensare, eò quòd illæ nomine suspensionum, vel irregularitatum comprehenduntur, vt notat Sorbus in *Compend. verb. ingredi Monast. Mon. in annotation. à S. dico 4.* Vide Suarez 4. *tomo de Relig. tract. 8. lib. 2. cap. 12. num. 9.* Rodriguez *tomo 1. quest. regul. quest. 61. art. 9.* Aduertit tamen benè Sanchez cum alijs *lib. 6. in Decalogum cap. 15. nu. 78.* non posse Superiores Religionum hanc facultatem delegare. Eò quòd Pius Quintus in hoc priuilegio solum concedit Prælati, vt per se ipsos id faciant. Deinde secundò videtur aliquos Prælatos Religionum potiri hac facultate ex priuilegio Carthusiensibus concessio à Sixto Quarto anno 1481. scilicet, vt Generalis per se, vel per quinquaginta Prælatos inferiores ab ipso deputandos dispensare possit cum subditis in omnibus casibus Pontificalibus, nullo excepto, in foro conscientie tantum; sola dispensatio in homicidio voluntario conceditur cum limitatione, scilicet, citra altaris ministerium. Suarez 4. *tomo de Relig. tract. 8. lib. 2. cap. 12. num. 9.* Aduerte tamen an hoc priuilegium sit viuæ vocis oraculum, quia si tale est, vt sæpe dixi, nihil iam valet. Tertio id credo etiam posse facere Prælatos Religionum in eodem foro conscientie ex vi omnium priuilegorum, quibus illis conceditur facultas dispensandi cum suis subditis in omnibus pœnis. Cum enim huiusmodi priuationes, & inhabilitationes sint pœnæ quædam, vt docet Sanchez *lib. 6. in Decal. cap. 15. nu. 78.* sub generali nomine pœnarum comprehenduntur. Horum autem priuilegorum aliqua sunt adducta in hoc capite num. 33. & 35. Vide dicta cap. 10. num. 35. Vel si velis huiusmodi pœnas esse irregularitates, dici potest posse in illis dispensari per priuilegia concedentia facultatem in irregularitatibus dispensandi, quæ adduximus supra num. 40.

47 Possunt etiam prædicti Superiores vota suorum subditorum irritare, non solum indirectè, & ex parte materie, immutando illam, præcipiendo scilicet, vel prohibendo oppositum, sed etiam directè tollendo obligationem, etiam sine mutatione

materiæ, & etiam si votum sit de re, quæ nullum præiudicium inferat Religioni. Ratio est, quia voluntas Religiosi subiecta est voluntati Superioris, & Religiosus est quasi seruus respectu sui Prælati. Ludouic. Lopez *prima parte cap. 48.* Suarez 2. *tomo de Relig. lib. 6. de Vol. cap. 7.* Extenditur hæc potestas ad illa vota, quæ sunt circa materiam præceptorum. Quia etiam quoad illud nouum grauamen, pendet voluntas Religiosi à suo Superiore. Suarez *ut supra numero septimo.* Extenditur etiam ad illa vota, quæ facta sunt autoritate Superiorum, vel ab ipsis confirmata. Eò quòd Prælatus dando talem licentiā, vel confirmando tale votum, non se priuat suo dominio, & potestate. Maior *in quarto distinct. 38. questione 4.* Siluester *verb. Votum quarto questione secunda.* Votum tamen transcendendi ad strictiorem Religionem non potest irritari à Superiore, quia quoad hoc votum non pendet inferior à Superiore, Nauarrus *consilio quarto aliis 30. de Vol.* Nouitiorum autem vota licet directè non possint irritari à Prælato, eò quòd in illis deficit subiectio ex Voto Obedientiæ, in quo fundatur hæc directà irritatio, indirectè tamen irritari posse illa vota, quæ gubernationi, & conuenienti Ordinis regimini obuiant, probabile est. Quia quoad hoc Prælatus habet Iurisdictionem supra Nouitium. Suarez *ut supra numero 11. & 12.* Hinc sequitur non peccare Religiosum petentem à suo Prælato voti irrotationem. Quia vitur iure suo. Idem Suarez *ut supra numero 16.* Nec Prælatum irritantem sine causa vota suorum inferiorum. Propter similem rationem. Caietanus *verb. votum capite ultimo. Sotus septimo de Iustitia questione tertia articulo primo.* Nec tenetur Prælatus, qui votum irritat illud in aliud commutare. Quia eo ipso quòd irritatio voti, cadit sub ipsius potestate, non est cur ad aliud votum obliget subditum, nec est cur subditus acceptet illud. Suarez *secundo tomo de Religione lib. 6. de vot. capite primo.* Immò irritatio voti potest fieri inuito vouente. Propter autoritatem dominatiam, quam habet Prælatus. Idem Suarez *ibidem.*

48. Possunt etiam Prælati Regulares commutare vota suorum subditorum. Ratio est, quia hoc spectat ad potestatem Iurisdictionis, quam habent. Palud. *in quarto distinctione 38. q. 4 art. 3. concl. 5.* Aragon 2. 2. *quest. 88. art. 12. & q. 89. articulo 9.* Ad Commutationem voti in melius bonum, dummodò euidenter constet de excessu non requiritur autoritas Superioris, sed ipsemet Religiosus potest id facere. Nam talis commutatio est consentanea fini voti, qui est promouere homines ad meliora bona. Caietanus *secunda secunda questione 88. articulo 12.* Cordub. *in*

Sum.

Summa questione 149. Ad Commutationem autem voti in æquale requiritur autoritas Prælati, & aliqualis causa. Quia promissio debet solui in propria specie quantum est ex vi fidelitatis. Nauarrus *consilio 18. de vot.* Suarez *tomo 2. de Religione lib. 6. de vot. cap. 19.* Ad commutationem verò in minus, & Prælati autoritas, & multò maior causa requiritur. Propter eandem, & maiorem rationem. Quando autem commutatio voti facta est in melius non est in potestate vouentis ad prius votum iterum redire. Quia illa commutatio habet vim noui voti. Suarez *tomo 2. de Relig. lib. 6. de vot. cap. 20.* Quando verò facta est in minus est in potestate vouentis redire ad primum votum. Quia semper licet transire ad meliora. Idem Suarez *ut supra.* Si verò facta est in æquale, vtrumque est probabile. Idem Suarez *ut supra.*

49 Possunt etiam prædicti Prælati dispensare cum sibi subditis in omnibus votis simplicibus ab ipsis factis, in quibus possunt dispensare Episcopi. Ratio est, quia habent Iurisdictionem, quasi Episcopalem. Bonacina *ut infra numero 26.* In votis autem reseruatis Papæ, qualia sunt Religionis, Castitatis, & Peregrinationis, non possunt dispensare. Quia nec in his possunt Episcopi. Bonacina *questione 2. de voto punct. 7. §. 4. numero 11.* Tum quia impertinens, vel inutilis esset talis dispensatio respectu Religiosorum: inutilis quidem loquendo de voto Religionis, & castitatis, cum illa sint indispensabilia; impertinens verò respectu voti peregrinationis, cum istud votum non possit fieri à Religiosis, nisi in ordine ad licentiam Prælati, & ita si ipse annuit, tenet votum, si non annuit, non tenet: impertinens ergo est dispensatio. Suarez *quarto tomo de Religione tractat. 8. lib. 2. cap. 12. numero 10.* In rigore tamen loquendo dicendum est, non posse Prælatos talia vota dispensare, cum nec iure communi, nec ex aliquo priuilegio id habeant. Miranda *in Man. tomo 2. quest. 9. art. 8.*

50 In votis tamen transeundi ad arctiorem Religionem bene possunt Prælati Regulares dispensare. Ratio est, quia talia vota non sunt simpliciter vota Religionis, sed arctioris Religionis. Caietanus 2. 2. *questione 88. articulo 8.* Semper tamen requiritur causa rationalis ad talem dispensationem. Siluester *v. Votum §. 3.* Rationalis autem causa poterit esse, si quis verè, & prudenter existimet se melius posse seruire Deo in illa Religione, quàm in alia, quam vouerat. Sotus 7. *de Iustitia, & Iur. questione 4. articulo 3.*

51 Generaliter etiam loquendo ad hoc, quòd dispensatio voti
Q 2 facta

242 *De obligationibus Prælatorum Regularium*

facta à Superiore valida sit, requiritur primò, quòd non fiat inuito vouente. Quia in hoc differt dispensatio ab irritatione, præsertim, quia dispensatio est quoddam beneficium, quod non fit inuito, iuxta regulas Iuris 61. & 69. in 6. Suarez 2. tom. de Relig. lib. 6. de vot. cap. 1. Requiritur secundò, quòd non fiat sine causa legitima. Quia dispensare in votis, est aliquo modo dispensare in Iure diuino, & naturali, in quo non licet sine causa, cum nullus inferior possit sine illa in lege sui Superioris dispensare. Sotus 1. de Iust. quæst. ult. art. 2. Cum autem subest causa dispensandi, & oportet dispensari, videtur peccare Prælatus, qui non dispensat. Ita Sà in Summ. verb. *Dispensatio* num. 2. Vide Bonacina de Voto quæst. 2. punct. 7. §. 4. num. 33.

52 Vota Prælatorum dispensari possunt à Superioribus Prælati, ita vt vota Prioris, vel Guardiani à Prouinciali; vota verò Prouincialis à Generali dispensari possint. Quia isti sunt veri ipsorum Superiores. Prælatus autem Superior Religionis, verbi gratia Generalis, cum in Religione non habeat aliquem Superiorem, oportet, quòd à Papa dispensetur. Addunt aliqui posse dispensari à tota Religione, quæ illi est Superior. Suarez 2. tom. de Relig. lib. 6. de vot. cap. 11. Probabiliter etiam aliqui asserunt supremum Prælatum Religionis, qui nulli in ipsa subiectus est, posse commissionem alicui Confessario dare, vt secum dispenset. Tū quia hoc est conforme intentioni Pontificum concedentium Religionibus priuilegia, & exemptiones; tum quia cum Prælatus superior sit ex numero Religiosorum exemptorum debet comprehendi in illis, quæ Iure communi alijs conceduntur, aliàs esset peioris conditionis cæteris. Suarez 4. tom. de Relig. tract. 3. lib. 2. cap. 14.

53 Possunt etiam Prælati Regulares irritare, dispensare, & commutare iuramenta promissoria facta in honorem Dei à suis inferioribus. Quia illa sunt quasi quædam vota; vnde de illis iudicandum est sicut de votis quoad hoc. Sanchez lib. 3. in Decalog. cap. 19. & 20. Bonacina disp. 4. circ. 2. præcept. quæst. 1. p. 17. Idem dico de votis iuratis. Quia illa etiam moraliter reputantur pro votis. Suarez 2. tom. de Relig. lib. 6. de vot. cap. 14. Loquendo etiam de iuramentis, seu etiam votis iuratis factis à Religiosis in utilitatem tertij, in ijs rebus in quibus Religiosi sunt subiecti Prælati; credo etiam posse in illa cadere irritationem, dispensationem, & commutationem. Quia cum tales res fuerint sub dominio Prælatorum, non potuerunt illa promittere inferiores, ac perinde iuramenta illa promissoria poterunt tolli à Superioribus. Bonacina ut supra num. 4. Loquendo autem de illis iuramen-

tis.

tis, aut votis iuratis factis à Religiosis de illis rebus, de quibus possunt disponere, aut sunt sui iuris, non cadit in illa irritatio, dispensatio, aut commutatio Superiorum, si fuerint in commo- lum alicuius tertij, & ab illo acceptata. Ratio est, quia Superior non potest tollere ius alterius; ille autem in cuius fauorem factæ sunt hæc promissiones, acquisiuit ius per acceptationem. Suarez *tom. 2. de Relig. lib. 6. de vot. cap. 15.* Bonacina *ut supra num. 8.* De votis autem, seu iuramentis factis Sanctis, probabile est posse à Prælati irritari, commutari, & dispensari. Tum quia talia vota indirectè sunt facta Deo. Tum quia cum illa non sint pro humana utilitate Sanctorum, sed potius ad Religiosum cultum, videntur includi in alijs factis Deo. Idem Suar. *ut supra.*

34 Licet non possint Prælati Religionum dispensare cum suis subditis in substantialibus Votis status Religiosi, vt colligitur ex *cap. cum ad Monasterium. de statu Monach.* & ex Conc. Tridentino *sess. 25. de Regular. cap. 1.* neque in aliquibus Votis specialibus, quæ fiunt in quibusdam Religionibus, quale est Votum Minorum de nõ comedendis carnibus; quia etiam ista Vota sunt essentialia talibus Religionibus. Suarez *4. tom. de Relig. tract. 8. lib. 2. cap. 12. d. num. 28.* Tamen in Obseruantijs alijs Religionum, siue sint ex Regula, siue ex Constitutionibus, siue obligent ad culpam, siue non; possunt dispensare cum suis subditis, iuxta dicta *cap. 8. num. 23.* & pro casibus ibi adductis. & *cap. 7. num. 29.* Tum quia hæc dispensatio frequenter est necessaria pro bono regimine Religionum; tum quia Obseruantia ista non sunt tam essentialia sicut Vota generalia, aut particularia Religionum. Rodriguez *tom. 1. quæst. Regular. quæst. 26. art. 1.* & Suarez *tom. 4. de Relig. tract. 8. lib. 2. cap. 12. d. num. 25.* & 41. Hæc potestas iure communi conuenit omnibus Prælati, siue infimis, siue supremis; cum omnes illi habeant Iurisdictionem quasi Episcopalem. Si verò sit reserua- ta superiori Prælato, non poterit inferior illa vt; cum sit illi à superiore ablata. Suarez *4. tom. de Relig. tract. 8. lib. 2. cap. 13.* Probabile autem est Prælatum superiorem, aut supremum in Religione posse alicui confessorio dare facultatem, vt secum in prædictis dispense; propter dicta *supra num. 52.* Suarez *ut supra. c. 14.* vel ipsum Prælatum supremum secum dispensare. Corduba *in addition. ad Sorbum ver. Accedere ad Monast. Monial.*

35 Circa dispensationem in præceptis Ecclesiasticis, stando in iure communi, & secluso etiam omni privilegio, possunt Prælati, cum suis subditis ea omnia facere, quæ possunt Episcopi cum suis. Vnde quemadmodum Episcopi possunt cum sibi subditis dispensare in omnibus casibus sibi alijs non prohibitis expresse,

Q3

vel

vel ex consuetudine, iuxta *Clement. ne Romani. de elect. cum gloss. ibi, & unie. de etat & qual. proficiendum in 6.* Ita etiam, rationabili causa subsistente, possunt facere idem Prælati Regulares cum sibi inferioribus. Propter rationem sæpius assignatam, quod habeant auctoritatem quasi Episcopalem. Suarez 4. tom. de Relig. tract. 8. lib. 2. cap. 12. à num. 18. Ioannes de Cruce lib. 1. de Vot. Obedient. c. 6. dub. 21. Vnde priuilegia aliqua concedentia huiusmodi facultatem Prælati Regularibus tantum valent ad maiorem declarationem, & securitatem, vel si aliquid de nouo concedunt, id est, vt faciliiori modo detur dispensatio. Authores citati. De priuilegijs autem istis vide Rodriguez tom. 1. quæst. 42. art. 7. & quæst. 21. art. 10. & ea, quæ diximus cap. 12. à num. 28. Circa hæc verò priuilegia cauendum est, an sint reuocata, quia viuz vocis oracula sint.

§6 Possunt Prælati Regulares limitare, restringere, imò etiam, tollere suis subditis vsum quorumcumque priuilegiorum, etiam à Sede Apostolice emanantium, ita vt nequeant talibus priuilegijs vt. Tum ex concessione Leonis Decimi facta Minoribus, & Augustinianis, & Clementis IV. Cisterciensibus, & Gregorij XIII. Societati Iesu. Tum etiam ex ratione, quia nullo modo credendum est velle Summos Pontifices Regularis Obseruatiz maximopere zelatores, vt Fratres priuilegijs eorundem Ordinibus concessis vt possint contra voluntatem suorum Superiorum. Comp. Priuileg. Mendicant. verb. *Priuileg. Fratr.* §. 26. Miranda in *Man. tom. 2. q. 43. art. 4.* Imò priuilegiorum interpretatio, & declaratio doctrinalis potest, & debet fieri à Prælati Religionum, qua facta, eorū subditi, tuta conscientia, ipsorum sententia stare debent. Ratio est, quia hoc pertinet ad eorum officium, quod est esse Pastores, & Doctores suorum inferiorum. Præsertim ad hoc deseruit concessio Leonis X. facta Minoribus, qua illis indulsit, Quod in rebus dubijs, & scrupulosis conscientias Fratrum Minorum subditorum tangentibus, Generales, & Prouinciales, seu Custodes, cum consilio aliquorum Patrum (si res magnæ importantiz fuerint) possint auctoritate suæ Sanctitatis determinare in scrupulis, & rebus huiusmodi, atque eorum determinationi subditi, secuta conscientia, possint, & debeant stare. Similiter amplians prædictam Constitutionem indulsit, quod Fratres scrupulosi, possint in omnibus dubijs suam conscientiam tangentibus, secuta conscientia, stare determinationi sui Guardiani, vel cuiuscunque alterius Prælati. Caffarubius in *Compend. priuileg. verb. Declaratio.* §. 4. & 5. Miranda in *Man. tom. 2. quæst. 44. art. 2.* Quæ concessiones, quamvis viuz vocis oracula sint, valent tamen, et si non vt gratiam aliquam cō-

cec.

cernentes, vt explicatiuè tamen iuris, quod habent Prælati, vt veri Pastores, & Doctores sunt suorum subditorum, iuxta dicta.

37 Prælati aliqui Regulares possunt benedicere omnia Ecclesiastica ornamenta, seu paramenta, in quibus Chrisma non interuenit, pro suorum Fratrum vfu tantummodò. Ex priuilegio Leonis X. Casarrubius in *Compend. verb. Benedicere Ecclesiastica*. §. 14. Miranda in *Man. tom. 1. quæst. 40. art. 1.* Suarez 4. *tom. de Relig. tract. 8. lib. 2. cap. 30. præsertim à num. 10.* Aliqui etiam extendunt hoc ad simplices Sacerdotes. Propter priuilegium Sixti Quarti, quo concessit Fratribus Minoribus Sacerdotibus, vt possint benedicere paramenta Altaris, Missalia, ac indumenta, exceptis Corporalibus. Idesonus à vera Cruce in *Compend. priuileg.* Credo tamen, quòd consuetudine sit receptum, quòd solum ad Prælatos hoc expectet. Miranda *vs supra*. Præterquàm quòd, cum prædicta concessio Sixti Quarti sit viuz vocis oraculum, his temporibus nihil valet. Vide etiam Gauantum in *Tresaur. tom. 1. par. 4. tit. 19. num. 22.* Prælati autem, qui hoc possunt facere, non solum sunt supremi, videlicet Generales, & Prouinciales, sed etiam sunt Priores, Guardiani, aliique Prælati locales, ex dicto priuilegio Leonis Decimi. Rodriguez 1. *tom. quæst. 19. art. 2.* Omitto etiam alia priuilegia, quæ vulgò afferuntur, quia eorum quædam sunt viuz vocis oracula, quæ his temporibus nihil valent, vt sæpius dixi. Alia verò non solum concedunt Regularium Prælati facultatem benedicendi paramenta Ecclesiastica pro suis Fratribus, sed etiam pro alijs. Quæ etià nihil profunt, non solum propter eandem rationem, sed etià quia consuetudine non sunt recepta. Miranda in *Manual. 2. tom. quæst. 40. art. 3.* Præsertim quantum ad hoc de benedictione paramentorum pro extraneis, quòd nihil valeat, nec illam dare possint, etiam Abbates, omni consuetudine in contrarium abrogata, probat Gauantus in *Commentar. in Rubric. Missal. tom. 1. par. 4. tit. 19. num. 22.* & in *Manual. Episcop. por. verb. Abbas. à num. 29.*

38 Consecrare tamen Calices, Aras, aut Patenas pro Missis celebrandis nullatenus possunt Prælati Regulares. Ratio est, quia nec iure communi, nec speciali Priuilegio id habent. Suarez 4. *tomo de Religione tractat. 8. lib. 2. capit. vltimo à numero 2.* Vnde priuilegium quoddam Innocentij Octauj, quod refertur concessum quibusdam Abbatibus Conventualibus Cisterciensibus, quòd scilicet possint benedicere Calices, seu Patenas pro Missis celebrandis (præterquàm, quòd non mihi constat, an sit

viuæ vocis oraculum, & per consequens annullatum) vel non est in vſu receptum, vel eſto quòd apud Cistercienses ſit in vſu, apud alias tamen Religiones non eſt receptum. Miranda in *Manual. tom. 2. quaſtione 40. articulo 4.* Qui bene etiam *articulo 5. & 6.* tractat, qualiter Religioſi ſe gerere debeant cum Episcopis circa benedictionem iſtorum.

59 Circa benedictionem Eccleſiarum, & Oratoriorum, reconciliationemque iſtorum extant conſeſiones Iulij II. pro Minimis, & Leonis 10. pro Minoribus, ex quibus conſtare poterit, ad quæ ſe extendat authoritas Prælatorum Regularium quoad hæc. Lege Caſſarrub. in *Compend. priuileg. Mend. verb. benedicere Eccleſiaſtica nu. 12. 11. & 14.* Peirinis to. 1. *Priuileg. Minim. in Conſtit. 1. Iulij II. §. 21. 22. & in Conſtit. 18. Leon. X.* Circa confeſcationem autem altarium, vel Eccleſiarum, oleum Sanctum, & alia Episcopalia, vide priuilegium Sixti Quarti Carmelitis conſeſum. Caſſarrubium *ut ſupra numero 5. & 6.* & Speculum Ordin. in *Bullæ Sixti IV.*

60 Quamuis Prælati Religionum non poſſint diſpenſare cum illegitimis ad Officia, & Prælatias Ordinis obtinenda; propter priuilegia conſeſſa Religionibus ante Cõſtitutiones Sixti Quinti, quarum prima incipit, *Cum de omnibus*, altera verò, *Ad Romanum Pontificem*. Quia hæc omnia priuilegia ab ipſo Sixto Quinto in prædictis Conſtitutionibus abrogata fuerunt. Poſſunt tamen cum prædictis illegitimis ad Prælatias obtinendas diſpenſare, primò ex prædictis priuilegijs (quorum aliqua referunt Rodrig. to. 1. *quaſt. Regul. q. 13. ar. 6.* Peirinis to. 1. *priuileg. Min. in Conſtit. 2. Iulij II. §. 29. n. 93.*) ſecundùm moderatiorẽ factam à Greg. Decimo Quarto in alia Conſtitutione, quæ incipit, *Circumſpecta Romani Pontificis prouidentia*, vbi moderans prædictas Conſtitutiones Sixti V. ſtatuit. Licere Generali, aut Prouinciali ſingulorum Ordinum, ac Congregationum, aut Hoſpitalium, ad quos dicta diſpenſatio ſpeſtat, iuxta tenorem priuilegiorum, & indultorum Apoſtolicorum eis conſeſſorum, quæ dummodò vſu recepta, nec aliàs ſub vliis reuocationibus comprehenſa ſint, vt præfertur, in hac parte reuoluidant, cum illegitimis, quos aliàs dictus Generalis, aut Prouincialis cum Generali, Prouinciali, ſeu intermedio Capitulo, & non aliàs, ſuffragantibus meritis dignos iudicauerint, ad honores, gradus, & dignitates obtinendas diſpenſare, ac diſpenſationes huiusmodi ita factas, & inde ſequuta quæcumque, vt antea valere, ac tenere perinde, ac ſi dictæ Conſtitutiones non emanaffent. Miranda in *Manual. tom. 2. quaſtione ſecunda articulo 3.* Secundò poſſunt diſpenſari prædicti ille-

illegitimi ad Officia Ordinis obtinenda à suis Prælatiſ, propter priuilegium eiſdem Gregorij Decimi Quarti conceſſum Congregationi Clericorum Regularium Miniſtrantium infirmis, quo uti poſſunt tam illi, quàm qui habent priuilegijs communicatiõem cum illis, ſeruatis etiam ſeruandis, iuxta dicta ſupra n. 41. & 42. Aduertendo inſuper datũ fuiſſe anno 1591. die 21. Septembris; ac perinde tempore poſteriori fuiſſe ſupradicta Conſtitutione eiſdem Gregorij, quæ eodem anno Idibus Martij edita fuit. Verba autem priuilegij habentur in Bulla ipſius Pontificis num. 17. & in 2. tom. Bullar. Laertij Cherub. fol. 706. Sunt autem ſequentia: Ac dicto Præfecto Generali pro tempore exiſtenti, ſeu de illius licentia Præfectis inferioribus aliorum locorum, ſeu Prouincialibus dictæ Congregationis pro tempore exiſtentibus, & illorum Vicarijs, ac loca tenentibus, ut cum eiſdem Congregationis perſonis defectum natalium, etiam ex adulterio, facrilégio, inceſtu, & quouis alio nefario, & illicito, ac prohibito, & damnato coitu prouenientem patientibus, poſtquàm in dicta Congregatione vota emiſerint, ut defectu huiusmodi non obſtante, ad quoscumque ſacros, etiam Preſbyteratus Ordines promoueri, & in illis, etiam in altaris miniſterio miniſtrare, nec non ad quaſcumque adminiſtrationes, perſonatus, præmiſſas, & Officia dictæ Congregationis eligi, admitti, & aſſumi, illaque gerere, & exercere. Laurentius de Peirinis *tomo 1. priuileg. Minim. in Conſtitut. 2. Julij 11. §. 29. à numero 95.* Limitant tamen aliqui traditam doctrinam, quòd ſcilicet illegitimus Religioſus in ea Religione, in qua ipſius pater eſſet, vel fuiſſet Prælatus non poſſet admitti, ad prædicta Officia ſine Pape dispensatione. Tum à ſimili, vel maiori ratione ex Concil. Trident. *ſeſſione 25. cap. 15.* & prædicta Conſtitut. Gregor. Decimi Quarti ſuperius adducta. Miranda in *Man. tomo 2. quaſt. 2. articulo 10.* Probabile tamen puto etiam cum tali Religioſo poſſe diſpenſari ad Officia Ordinis. Tum ex verbis adductis Greg. Decimi Quarti in Priuileg. conceſſo Congregationi Clericorum Miniſtrantium infirmis, quæ eſt poſterior tempore, ut dixi, quàm illa alia, quæ adducitur in contrarium. Tum quia in Conſtitutione Gregorij, quæ adducitur, nullo pacto dicitur, quòd Religioſus illegitimus non poſſet admitti ad Prælatias in ea Religione, in qua pater eiſ eſt, vel fuit Prælatus, ſed ſolùm dicitur: *Dummodò tamen Filius illegitimus, in Religione in qua pater, ſiue ante, ſiue poſt natiuitatem dicti Filij profeſſus fuerit, ipſo patre viuente non admittatur, quod expreſſe prohibemus.* Decretum, autem Concilij, vel ſolùm intelligitur de Clericis ſecularibus,

nam

nam cum sit pœnale non est cur extendatur etiam ad Regulares; vel esto, quòd ad Regulares extendatur, solum ex eo habebitur Religiosum illegitimum non posse esse Prælatus in eodem Monasterio, in quo eius pater est, vel fuit Prælatus, non verò tolli quominus in eadem Prouincia, vel saltem Religione, eligi possit. Rodriguez *tomo primo questionum Regul. questione 13. artic. 7.* Aduerte etiam illegitimos, qui postea secuto Matrimonio legitimi sunt, non comprehendi sub priori Constitutione Sixti V. Quia ita declarauit ipsemet Pontifex in posteriori alia, quæ incipit, *Ad Romanum Pontificem.*

61 Quando Religiosus illegitimus dispensatus fuit in seculo ad quæcumque beneficia, qualiacunque sint, postea Religionem ingressus non eget noua dispensatione ad Prælaturas; illa enim dispensatio se extendebat ad ista beneficia, & fuit quædam quasi legitimatio. Miranda in *Manuali tomo secundo questione secunda articulo quinto.* Si tamen solum dispensatus fuit vt beneficium curatum obtineret, indiget postea ad Officia Ordinis noua dispensatione, quia illa prima non se extendebat ad ista, sed tantum ab beneficium seculare. Nauarrus *lib. 4. consil. tit. qui filij sint legitimi, consilio primo.* Similiter dispensatus in Religione propter priuilegia adducta ad Officia, & Dignitates, non potest extra Ordinem illa habere. Quia prædicta priuilegia solum sunt in fauorem Religionis. Rodriguez *tom. 1. quest. Regul. quest. 13. ar. 13.* Sanchez *lib. 5. in Decal. cap. 5. num. 16.* Nec dispensatus ad dignitatem inferiorem potest censeri dispensatus ad superiorem; quia permissio minoris non est permissio maioris. Secus videtur dicendum de dispensato ad maiorem dignitatem; talis enim, eo ipso censetur dispensatus ad minorem, quod solum credo esse verum quando minor dignitas continetur sub maiori, vt Prioratus sub Prouincialatu, & Prouincialatus sub Generalatu. Sorbus in *Comp. priuileg. Mendicant. verb. Dispenatio. §. & ideo Fratres.* Laurent. de Peirin. *tom. 1. priuileg. Minim. in Constit. 2. Iulij 11. §. 19. num. 99.*

62 Officia, ad quæ illegitimi Iure communi non possunt promoueri sine dispensatione sunt Dignitates, & Prælatiæ, & beneficia curam animarum habentia. Ita habetur in *cap. 1. & in cap. fin. de filijs Presbyt.* Vnde nec possunt esse Generales, nec Prouinciales, nec Priores, Guardiani, &c. Possunt tamen eodem Iure communi esse Magistri Nouitiorum, Confessores, &c. & habere alia officia manualia, præter Dignitates, Prælatias, & quæ curam animarum important. Vnde similiter possunt esse Sacristæ, Procuratores. Sanchez *lib. 5. in Decal. cap. 5. num. 16.* Laurentius de Peirinis

nis tom. 1. priuileg. Minor. in Constitution. 2. Iulij I I. §. 29. num. 91.

63 Quando Prælatus habens potestatem dispensandi cum subdito Religioso illegitimo, quem scit esse talem, confert illi aliquam Prælatiam, vel Officiū, censetur saltem in foro conscientiz cum illo dispensare, si seruentur aliæ conditiones, de quibus supra num. 41. & 42. Talis enim Officij, vel Prælatiæ collatio, est quædam virtualis dispensatio. Nauarr. in *Manual. cap. 25. num. 74.* Rodriguez tom. 1. *quæst. Regular. quæst. 13. art. 16.* Semper tamen requiritur causa iusta, & rationabilis. Quia hoc est commune omnibus dispensationibus. Nauarrus *ibidem.* Siluester *verb. Dispensatio.* ubi etiam agit de causis iustis talis dispensationis.

64 Aliqui Prælati Religionum, scilicet Abbates, solent primam Tonfuram, & minores Ordines suis subditis conferre. Propter aliqua ipsorum priuilegia, de quibus agit Suarez 4. tom. de *Relig. tract. 8. lib. 2. cap. 29.* Hæc verò priuilegia neque per viam communicationis extenduntur ad alios Prælatos. Quia nunquam fuerunt hoc modo intellecta. Suarez *ut supra num. 27.* Num autem Abbates prædicti possint conferre dictos Ordines minores Nouitijs, dubium est apud multos, Vincent. Filiuc. tom. 1. *tract. 9. cap. 5.* Affirmatiuam verò partem tenet Suarez 4. tom. de *Relig. ut supra num. 12.*

65 Abbates prædicti habentes facultatem dandi Ordines minores, aut primam Tonfuram, animaduertant, quòd circa Decretum Conc. Trident. sess. 23. cap. 10. quo habetur: *Abbatibus, & alijs quibuscumque quantumuis exemptis, non liceat in posterum, intra fines alicuius Diocesis consistentibus, etiam si nullus Diocesis, vel exempti esse dicantur, cuiquam, qui Regularis subditus sibi nō sit, Tonfuram, vel minores Ordines conferre, nec litteras dimissorias Clericis secularibus, ut ab alijs ordinentur concedant.* declarauit. S. Congreg. quòd Abbates Regulares habentes ius Baculū deferēdi & Mitrā, postquā Sacerdotalē Ordinē, & munus Benedictionis suscepserint, possint Tōsuras, & Ordines minores secularibus Episcopis iurisdictioni subditis conferre. Si modò ipsius Episcopi cōsentus accedat, & à dicto Episcopo quisq; litteras dimissorias impetrauerit: ita ut satis non sit id generatim ab Episcopo concessum esse, sed hac concessione semper opus sit singulis, &c. Possunt etiam ipsi Abbates eosdem Ordines conferre alijs Regularibus, qui dimissorias speciales Superiorum suorum, & specialem consensum Episcopi loci habuerint, ac præterea alijs secularibus, qui aliorum Episcoporum iurisdictioni subiecti sint; dummodò Superiorum suorum dimissorias attulerint, ac specialem consensum

sum Episcopi loci, in quo Ordines huiusmodi cupiunt suscipere. Quaranta in *summa Bullarj verb. Ordo.* Suarez à num. 20. Vide etiam dicta *cap. 14. num. 13.* & Gauantum in *Manual. Episc. verb. Abbas à num. 34.*

66 Pertinet etiam ad Prælatos Religionum recipere, & professare Nouitios; cum hoc sit negotium magni ponderis in Religione. An verò possint se solis sine consensu Conuentuum Nouitios recipere, & professare; attendendum est ad consuetudines, & particulares leges Religionum. Eis verò non stantibus, probabilius est hoc munus pertinere ad Prælatum, & Conuentum simul; ita vt neuter sine alio id possit facere. Ratio est, quia in receptione, & professione Nouitiorum interuenit mutuus quidam contractus inter ipsos ex vna parte, Conuentum, & Prælatum ex alia: ita vt ipsi promittant obedientiam, & subiectionem Conuentui, & Prælato; & ipsi vicissim promittant solitam subuentionem illis præstare. Ac proinde consensus omnium videtur necessarius. Nauarrus *lib. 1. de Constitut. consil. 9. & lib. 3. de Regul. conf. 36. & 62.* Miranda in *Manual. tom. 1. quest. 15. art. 2.* Vide dicta *cap. 2. num. 25.* Tenentur tamen dicti Prælati obseruare in receptione, & professione Nouitiorum non solum conditiones assignatas à Sixto V. & de quibus dicemus *cap. 24.* sed etiam, quæ Clem. VIII. & SS. D. N. Urbanus in Decreto S. Congregat. Concilij de *Regularibus Apostatis, & eiectis* decreuerunt 4. *tom. Bullar. inter Constit. Urbani num. 26.*

67 Possunt item Religionum Prælati applicare alijs bona opera suorum subditorum, illisque tribuere litteras talis communicationis. Hoc constat non solum ex priuilegijs Urbani V. quod refert Casarrubius in *Compend. verb. indulgent. exhibentibus numero 6.* sed etiam quia iure communi quilibet Prælatus cuiuscunque Congregationis potest id facere. S. Thomas in 4. *dist. 20. questione prima articulo primo, & in addit. ad 3. par. questione 26. articulo primo.* Nauarrus in *tract. miscell. de psalt. ex Rosar. B. Virg. num. 4. & de Lubileo not. 31.* Immo secundum multorum opinionem, saltem in aliquo casu, possunt huiusmodi opera benefactoribus applicari à Prælatis, etiam renitentibus subditis. Sotus in 4. *dist. 21. questione 1. articulo 4.* Cordub. in *questionibus lib. 3. de Indulg. questione 42. articulo 3.* apud quos plura de hoc. Vide etiam Sorbum in *addit. ad Compend. verb. Indulgent. quoad secular. 4.*

68 Tenentur Prælati Regulares, Generales scilicet, & Prouinciales visitare Monasteria sibi subiecta. Tum ex Concilio Tridentino *sess. 25. cap. 20.* Tum quia aliàs non possunt eorum reforma-

ma-

mationi incumbere. Suarez 4. de Relig. lib. 10. de regim. Societ. cap. 11. Hæc autem obligatio est de Iure naturali, & diuino, iuxta illud Prouerb. 27. *Diligenter agnosce vultum pecoris tui, tuosque greges considera.* Sanctus Thomas 2. 2. quæst. 83. art. 2. Caietanus *ibidem*. Monasteria autem visitantes ante oculos habeant id, quod Sac. Conc. Tridentinum sess. 13. cap. 1. illis commendat his verbis: *Se Pastores, non percussores esse meminerint: atque ita præesse subditis oportere, ut non in eis dominantur, sed illos tamquam filios, & fratres diligant; elaborentque ut ipsos hortando, & admonendo ab illicitis deterreant, ne ubi deliquerint, debitis eos poenis coercere cogantur. Quos tamen, si quid per humanam fragilitatem peccare contigerit, seruanda est ab eis illa Apostoli perceptio, ut illos arguant, obsecrent, increpent, in omni bonitate, & patientia, cum sape plus erga corrigendos agat beneuolentia, quam austeritas, plus exhortatio, quam comminatio, plus charitas, quam potestas; sin autem ob delicti grauitatem quandoque virga opus fuerit, tunc cum mansuetudine rigor, cum misericordia Iudicium, cum lenitate seueritas adhibenda est.* In visitationibus autem maximè cauere debent à munerum receptione, ex cap. Romana §. *procuraciones de censu* in 6. & ex Trident. sess. 24. de reformat. cap. 3. Peirinis tomo 1. priuileg. Minim. in Constit. 14. Leon. X. num. 7. Vide dicenda circa modum procedendi in visitationibus cap. 27. à num. 2.

69 Tenentur etiam Prælati, & sub peccato mortali, facere ut Officium Diuinum debitis horis, & statutis temporibus persoluatur in Conuentibus. Clem. 1. de celebrat. missar. Caietan. verb. ora §. 4. Medina C. de orat. quæstione de hor. canonicis dub. 1. Vide dicta cap. 12. num. 9.

70 Inter ea quoque, quæ ex Decretis Clem. VIII. & Sanctiss. D. N. Urbani sæpius adduximus, hæc Prælatis præcipiuntur, ut habetur etiam 4. tomo Bullar. inter Constitutiones SS. D. N. Urbani num. 26. *Nullus omnino prætextu cuiuscunque priuilegij, vel Superioritatis, etiam Generalatus, à seruitio Chori censeatur immunis, nisi pro tempore, quo quis in proprij Officij munere actus fuerit occupatus.* Adiungitur tamen quòd cum Lectoribus, & Prædicatoribus Superiores, ijs tantum diebus, quibus eos legere, aut prædicare contigerit, dispensare possint. Et quòd idem quoque præstare valeant cum ægrotis, & studiorum causa legitimè impeditis. Præcipitur etiam, quòd in eos, qui negligentes, aut inobedientes fuerint, saluari pœnitentia Superiores animaduertant ad præscripti Regulæ, & Cõstitutionis, alimèti etiã, si opus fuerit, subtractione. Nota tamen quòd cū occupatis etiã in operibus charitatis, siue corporalibus, ut cum Infirmarijs, siue spiritualibus, ut cum Con-

fecta-

feffarijs, iure etiam dispensari poterit, quia ista opera præponuntur alijs quibuscunque. Suarez 4. tomo de Relig. tractat. 10. lib. 1. cap. 8.

71 Item pro obseruantia Concilij Tridentini circa Paupertatem Religiosam, statuitur in eisdem Decretis. Neque Superioribus, quicunque illi sint, vlllo pacto liceat, eisdem Fratribus, aut eorum alicui, bona stabilia, etiam ad vsum fructum, vel vsum, administrationem, aut commendam, etiam depositi, aut custodiz nomine concedere. Vide dicta cap. 6. à num. 19.

72 Deinde pro communitate, seu Vita Communi seruanda, singularitateque in victu fugienda, sic ibidem decernitur. *Omnes etiam Superiores, quicunque illi sint, eodem pane, eodem vino, eodemque absonio, siue eadem (ut aiunt) pitantia, in communi mensa prima, vel secunda, nisi infirmitatis causa impediti fuerint, vescantur: neque singulare aliquid, quo priuatim quisque in cibum utatur, vlllo modo afferri possit, si quis in ea re peccauerit, nihil ea die alimenti percipiat, nisi panem, & aquam.* Pro quo nota, casus necessitatis, putà infirmitatis, vel debilitatis, semper intelligi exceptos, nec comprehendi hoc Decreto. Quia Ius naturæ hoc præscribit.

73 Præterea, circa redditus, aut præstationes, quas Generales aliqui, aut alij Superiores Religionum solent habere, præcipitur quòd *Superiores omnes, etiam Generalis, qui redditus aut præstationes pecuniarias ratione Officiorum habent, eorum accepta, & expensa in libro distincto fideliter, & diligenter adnotari curent, neque in alios usus, quàm ratione Officij sui necessarios quicquam expendant. Cum verò contigerit ipsos in aliquo Conuentu commorari, eam pecunia quantitatem in commune conserant, ex qua sibi, & ijs, qui secum erunt, victus ad præscriptum Regula, & Constitutionum supeditetur.* Obligantur etenim, & præcipuè Vitæ Communis obseruantia Prælati, de qua cap. 6. num. 60. & à num. 7.

74 Item, pro administratione bonorum Monasterij non habenda à Superioribus, sed ab alijs tribus, statuitur in eisdem Decretis, quòd nullus ex Superioribus locorum, administrationem bonorum, aut aliarum rerum, dispensationemque pecuniarum, & reddituum sui Conuentus, etiam nomine Conuentus, per seipsum habere, siue exercere possit, sed vniuersum id onus tribus fratribus eiusdem Conuētus à Generali ita demandetur, vt vnus rerū, & bonorum, reddituumq. colligendorum, ac exigendorum curam habeat, alter tamquam depositarius, pecunias, ac cætera ab illo collecta, & exacta fideliter asseruet, alius de pecunijs, & rebus à Depositario acceptis, Priori, & Fratribus, ac Conuentui vniuerso de necessarijs, mandante tamen ipso Priore, non secundum proprium

prium affectum, sed iuxta charitatis regulam, veluti bonus dispensator provideat; Officiorum huiusmodi confusione penitus interdicta. Vide dicta eodem cap. 6. à num. 7.

75 Deinde pro prædictis tribus, prout supra designatis, præcipitur, quòd illi tres, tam impensi, quàm accepti, singulis mensibus Superiori locali, adhibitis etiam duobus, vel tribus Fratribus, eiusdem Conuentus probatoribus, rerumque usus peritis, rationem reddant. Deinde ipsimet rursus præsentibus Priore, & peritis prædictis, Generali, cum aduenerit; denique ipse Generalis, in quolibet proximo Capitulo Generali, saltem coram tribus Iudicibus, ab ipso Capitulo ad hoc constitutis, illorum omnium, vniuersamque suæ administrationis tam publicæ, quàm priuatæ, rationem reddere teneatur; cuius etiam exemplum authenticum ex Actis Capituli describatur, ad hoc, vt ad omne mandatum Sedis Apostolicæ Romam transmitti possit. Vt hoc Decretum executioni mandetur in Conuentibus, qui non à Generali, sed à Prouincialibus visitantur, necesse est, vt quod in illo dicitur de Generali, intelligatur etiam respectiue de Prouincialibus.

76 Præterea pro non interpretandis Decretis Conc. Trident. & prædictis Clement. VIII. & S. D. N. Urbani, sic illis præcipitur: *Superioribus autem ne Concilij Tridentini, aut hæc nostra Decreta, declarare, interpretari, aut relaxare ullo modo possint, omninò interdicimus, & prohibemus, decernentes irritum, &c. Si quis autem contra præsumpserit attulere, is eo ipso omni gradu, Officioque priuatus, & ad ea perpetuò inhabilis existat.* Interpretatio, quæ hic prohibetur solùm est interpretatio iuridica, non doctrinalis. Laurent. de Peirinis tom. 2. *priuileg. Minimor. in Constit. 10. Urbani VIII. num. 6.*

77 Item pro Vita Communi sectanda, & superfluitate, etiam à Superioribus vitanda, illis intimatur, quòd nullus etiam Superior cellas, siue in claustro, siue alibi, separatas à communi dormitorio habeat, sed vnusque vnica cella, eadem cum cæteris aliorum Fratrum coniuncta, nudis omninò parietibus, ac lecto, & mensa humilibus, vniformique suppellectili, quemadmodum Religiosos decet, contentus sit. Possit tamen Generalis alicui ex Superioribus Conuentuum, si eorum muneris, & Officij necessitatem, id exigere cognouerit, alteram etiam cellam concedere. De superflua autem suppellectili Regularibus fugienda, vide dicta cap. 6. à num. 13.

78 Pro donationibus, seu munerum largitionibus non permitendis Regularibus à suis Prælatiis, sic illis etiam præcipitur: *Curent Superiores, vt Constitutio interdicens largitiones munerum, &*
pra-

præscribens hospitalitatis formam, ab omnibus in quolibet Conuentu inuolabiliter obseruetur. Constitutio de qua in præfenti, fuit Clementis VIII. & videtur inuouata in hoc Decreto à S. D. N. Urbano, & S. Congregatione, vide quæ circa illam dicimus *cap. 6. à num. 52.*

79 Item pro Examinatoribus designandis in Religionibus, decernitur in prædictis Decretis, quatenus eligantur in Capitulo Generali, vel Prouinciali, aliquot graues, & periti ex Fratribus cuiuslibet Prouinciæ, saltem tres, qui admittendos ad Prædicationem verbi Dei, vel ad audiendas Confessiones etiam ipsorum Fratrum, ac Lectores publicos diligenter simul examinent, priusquàm probentur, & ad huiusmodi ministeria admittantur. Horum etiam curæ sit examinare, & probare, tam quoad doctrinam, quàm quoad mores, promouendos ad quoscumque Ordines, in quos seruetur Decretum Congregationis Interpretum Sacri Concilij Tridentini. Hoc Decretum puto esse illud de quo nos egimus *cap. 14. num. 12.* circa licentias concedendas Religiosis ad suscipiendos Ordines.

80 Demum pro obseruantia Regulæ, & Constitutionum Regularium, sic admonentur in prædictis Decretis Superiores: *Illud porro Superiores omnes in Domino admonemus, ut memores sint rationis, quam in nouissimo die reddituri sunt pro grege sibi commisso, ac propterea omni studio inuigilent, ut qua in eorumdem Ordinum Regulis, & Constitutionibus de oratione mentali, silentio, ieiunijs, capitulo culparum, alijsque spiritualibus exercitijs prudenter, ac pie sancita sunt, ea omnia, & singula ad unguem obseruentur, intelligantque super his veluti fundamentis omnium Religionum adificia construenda, & amplianda esse, qua ut faciliorem exitum fortiantur, & fructus uberiores, in animis fratrum producant, valde opportunum erit, si in quolibet Conuentu, singulis hebdomadis habebatur sermo de Religiosa disciplina, Regularique obseruantia.* Vide dicta *cap. 7. & 8.* & quæ in nostro opere de Reformatione Regularium præsertim *cap. 5. 6. & 7.* diximus.

81 Possunt Prælati Religionum exemptarum sibi Confessorem eligere, sicut Episcopi, & Cardinales. Sa in *Sam. verb. confessor n. 1.* Specialiter Prælati Carmelitæ, scilicet Generalis, & Prouincialis, & vices eorû gerentes, & qui eorû priuilegia participant possunt ex concessione Sixti IV. in Bulla *Dum attenta*, quæ est Mare magni ipsorum, absolui à suis confessoribus iuxta formam confessionis super absolutione, & dispensatione fratrum eiusdem Ordinis facta, quam retulimus supra in hoc capite num. 33. Generaliter etiam loquendo quoad vsum priuilegiorum concessorum Religio-

gionibus, quibus conceditur facultas, vt absoluantur Religiosi à suis Prælatis à casibus, vel censuris, aut dispensentur in pœnis, seu irregularitatibus contractis, quamuis Prælati infimi, v. g. locales absolui, & dispensari debeant à Prouincialibus, & isti à Generali, Generalis tamen, cum non habeat Superiorem in Ordine extra Capitulum, potest sibi eligere confessorum, cui committat talem facultatem. Non enim est alius modus, quo ipse Generalis possit passim vti huiusmodi priuilegijs, quibus priuari non debet, cum sit præcipuum membrum Religionis. Suarez 4. *tomo de Religion. tract. 8. lib. 2. cap. 23. num. 8.* Vbi etiam hoc videtur extendere ad Prouinciales, & Prælatos locales. Quid verò faciendum sit in casu quo in aliquo Conuentu Religiosorum tam Prælatus, quàm Sacerdotes subditi incurrerent in censuram reservatam Pontifici, verbi gratia, si per mutuum rixam incidere in censuram Canonis, *Siquis suadente*, tractat Rodriguez *tomo 1. questionum Regul. quest. 20. art. 12.* Suarez *vt supra à numero 9.* Quando verò Prælati eligunt aliquem in sui confessorum non est necesse, quòd talis sit aliàs approbatus, nam sic eligendo eum approbare videntur, saltem pro sua persona. Laurentius de Peirinis *tomo 1. priuileg. Minim. in Consil. 4. Sixti IV. num. 28.*

82 Non possunt Prælati Regularium ad instantiam, & requisitionem quorumcunque personarum extra suos Ordines existentium alicui Religioso suæ Religionis aliquod Officium, vel Dignitatem concedere, aut pœnas remittere. Primò enim Carmelitarum Superioribus id prohibuit Clem. VIII. in Bulla *quoniam nemo* ann. 1593. edita, per hæc verba. *Atque in virtute Sanctæ Obedientia, ac sub excommunicationis lata sententia pœna omnibus dicti Ordinis Fratribus, Superioribus, & Prælati, quocumque titulo nuncupatis, etiam Generali, presentibus, & futuris præcipimus, districteque mandamus, ne quempiam, vilo tempore, precibus litteris, vel fauoribus adducti, vel aliàs ad instantiam, seu requisitionem, vel cõimplationem Principum, vel Prælatorum, aut aliorum, quorumcunque, tam secularium, quàm Ecclesiasticorum, extra dictum gremium existentium, etiam Cardinalium, Imperatoris, Regum, Ducum ad cuiusvis generis Prælaturas, gradus, honores, dignitates, administrationes, Functiones, & Officia predicti Ordinis promouere, vel pœnas aliquas remittere audeant, seu præsumant.* Secundò id prohibuit Gregorius XIII. Prælati Ordinis Prædicatorum in virtute Sanctæ Obedientia in Bulla, *Cum nihil*, quod etiam confirmauit Clem. VIII. in alia Bulla, quæ incipit, *Religiosos viros* anno 1592. edita. Idem quoque prohibuit idem Clemens Octauus Superioribus Camaldulensibus in Bulla, quæ incipit,

R pit,

pit, *Ambitiosam* ann. 1596. & Hieronyminianis in alia etiam bulla, quæ incipit etiam; *Ambitiosam* ann. 1600. & Cruciferorum Superioribus in alia Bulla ann. 1604. edita, quæ incipit, *Quoniam nemo*, & etiam Augustinianorum Prælati in alia Bulla eiusdem tituli, & anni. Paulus etiam Quintus idem prohibuit Superioribus Congregationis S. Salvatoris in alia Bulla eiusdem tituli ann. 1607. & Augustinianis in Bulla *Admonemur* ann. 1608. & Prælati Monachorum Cisterciensium Italiæ in Bulla; *aliàs per nos*, anno 1613. & Celestinatorum Superioribus in Bulla *Quoniam nemo* anno 1616. edita, & Minimorum præpositis ann. 1619. in Bulla *Admonemur*, quam explicat Laurentius de Peirinis *tomo 1. de subdito q. 2. de Paupertate cap. 2. §. 11.* animaduertens non interdici Prælati facere aliquam gratiam suis subditis ad instantiam extraneorum, sed solum quoad gradus, honores, Dignitates, Officia, &c. seu poenarum remissionem. Sed licet hoc verum sit ex Bulla Clem. VIII. pro Carmelitis, & alijs, quibus eadem sit prohibitio, tamen cū Pau. V. in prædicta Bulla pro Minimis dicat, *ullam gratiam concedere*, & hoc condistinguat Pontifex à concessione Officiorum, Dignitatum, &c. non videtur secuta prædicta interpretatio. Vide *c. 10. n. 17. & c. 15. n. 27.*

33 Gregorius XIV. in Bulla *Cum aliàs* ann. 1591. edita moderatus est privilegia concessa à suis prædecessoribus, præsertim Sixto V. & Pio V. quibuscumque Principibus secularibus, eorumque Curijs, & Magistratibus extrahendi ex Ecclesijs criminosos, & delinquentes, præscribens hunc modum Prælati Religionum, qualiter in prædictis casibus se gerere debeant: Vt Laicis ad Ecclesias, locaque Sacra, & Religiosa prædicta confugientibus, si fuerint publici latrones, viarumq. grassatores, qui itinera frequentata, vel publicas stratas obsident, ac viatores ex insidijs aggrediuntur, aut depopulatores agrorum, quivè homicidia, & mutilationes membrorum in ipsis Ecclesijs, earumve cæmeterijs committere non ventur, aut qui proditoriè proximum suum occiderint, aut assassinij, vel hæresis, aut læsæ maiestatis in personam ipsiusmet Principis rei, immunitas Ecclesiastica non suffragetur. Posteaque subiungit. *Sed uniuerfis, & singulis Venerabilibus fratribus nostris, Patriarchis, Primatibus, Archiepiscopis, & Episcopis, cæterisque Ecclesiarum, & Monasteriorum Prælati, tam secularibus, quàm cuiusvis Ordinis Regularibus, districte præcipiendo mandamus, & præcipimus, ut Laicos in casibus prædictis delinquentes ad eorum Ecclesias, Monasteria, Domos, & alia loca supradicta Sacra, seu Religiosa respectivè confugientes, & in eis se recipientes, atque morantes, qui prædicta delicta, eorumve aliquod, iudicio suo commis-*
fisse.

fiſſe videbuntur, quando à Curia ſeculari fuerint requiſiti, & quilibet eorum fuerit requiſitus, Miniſtris, & Officialibus Curia ſecularis, abſque irregularitatis nota, aut alicuius cenſura Eccleſiaſtica in curſu, tradi, & conſignari curent, & faciant, & quilibet eorum curet, & faciat. Vide Bullam 2. tom. Bull. Laertij fol. 694. Circa immunitatem verò, quam habent malefactores in locis Sacris, vide Peirinis tomo 2. priuileg. Minim. in Conſtit. 4. Clem. VIII. à num. 7. Eraſmum Chokier tract. de Iuriſdict. Ordin. in Exemp. p. 4. q. 65. & maximè Bonacinam circa prim. præcep. Decalog. q. 7. de Immunitat. Eccleſiar.

84 Tenentur Superiores Religionum Mendicantium procurare, vt ſui ſubditi reddantur idonei per ſtudia litterarum ad audien- das confeſſiones, & concionandum. Ratio eſt, quia ipſi Religioſi Mendicantes, cum ſint coadiutores Episcoporum, iuxta dicta cap. 4. nu. 19. tenentur ſaluti proximorum conſulere. Bannez 2. 2. q. 33. art. 3. dub. 3. dicens hanc obligationem eſſe ſub peccato mortali. Thom. de Teſu ſup. cap. non dicatis p. 4. cap. 1. Vide etiam Tractat. noſtr. de Reformat. Regular. cap. 11.

85 Tenentur etiam Superiores Religionum inſtituere ſtudia linguarum in ſtudijs ſuorum Monafteriorum ex Decreto Paul. V. in Bulla Apoſtolica ſeruitutis ann. 1610. in qua ſtatuit, & determinat; Vt in cuiuſcūque Ordinis, & Inſtituti Regularium, tam Mendicantium, quam non Mendicantium, etiam quomodolibet exemptorum, & Apoſtolice Sedi immediatè ſubiectorum, ſtudijs omnibus, trium linguarum huiusmodi, Hebraicæ videlicet, Græcæ, & Latinæ, in maioribus verò, ac celebrioribus etiam Arabicæ, Doctores, Regulares quidem, & eiſdem Ordinis, ſi in illo harum linguarum ſufficientem notitiam habentes ſint, ſin minus, ſeculares, aut alterius Ordinis Regulares, qui illas actu, & diligenter doceant, habeantur, ſi ſtudia in Vrbiſus, & locis exiſtunt, vbi linguarum prædictarum peritos conducendi facultas eſt. Studijs verò locorum, vbi huiusmodi Doctores deſunt, cum primùm in alijs ſtudijs, vbi linguæ huiusmodi docebuntur ſcholares tantùm profecerint, vt docendis alijs idonei ſint, de iſſdem ſcholaribus provideatur. Vnde etiam omnibus, & ſingulis Regularium Superioribus ſub indignationis Apoſtolice pœna præcipit, & mandat, & ſi ipſi negligentes fuerint, eorundem Ordinum Regularium, apud Sedem Apoſtolicam Proteſtoribus iniungit, eorum conſcientias deſuper onerando: Vt omni cura, & ſollicitudine quanto citius provideant, vt ſcholæ linguarum huiusmodi, quam primùm inſtituantur, ac Doctores prædicti deputentur, earundemque linguarum lectionibus ſcholares aſſignentur, qui illis, ſedula-

lam, & assiduam operam navent. Ut verò scholares alacrius huic studio incumbant voluit, & decrevit; *Vt in promotione ad Doctoratus gradus, & ad alios sui Ordinis honores, illi ceteris paribus præferantur, qui in cognitione trium saltem linguarum prædictarum profecerunt, ita ut ad illas docendas apti sint.* Extat etiam Decretum S. Congregat. de propaganda fide sub dat. 11. April. 1625. in quo præcipitur Generalibus, & alijs Superioribus Regularium; *Vt omnibus modis velint studia linguarum à S. Vienn. Conc. & à sel. rec. Pau. V. Constitut. præscripta, & aliarum etiam, quæ magis ex usu esse videntur, ut Illyrica, & Græcæ vulgaris, in ijs Monasterijs, & Conventibus erigere, & instituere, & erecta, ac instituta conservare, in quibus Religiosi artibus, & Theologiæ operam navant.* Vbi etiam præscribitur modus, & forma id faciendi. Eodem etiam anno sub 17. April. Constitutio Paulina, & Decreta S. Congregat. eadem S. Congregat. præcipiente, intimata sunt Generalibus, & Capitulis Generalibus, quæ tunc Romæ celebrabantur.

86 Prælati inferiores non possunt dispensare in legibus latis à suis Superioribus, nisi quando expressè, vel tacitè, aut interpretativè hoc illis conceditur. Ita habetur in *cap. inferior d. 21. n. Romani de elect.* Navarrus in *Man. prælud. 9. num. 15.* In pœnis tamen taxatis à Superioribus Prælati, si eas non sibi reservaverunt, possunt Prælati inferiores dispensare ex causa iusta. Nam cum sint Ordinarii, Religiosorum possunt circa illos facere omnia, in quibus non sunt prohibiti. Medina 1.2.q.97. ar.4. Sine urgenti tamen, & rationabili causa id non possunt facere. Ex Concil. Trid. sess. 14. c. 1. Miranda in *Man. to. 2. q. 30. ar. 11.*

87 Prælati verò Superiores non solum possunt facere circa leges, & pœnas latas, & impositas à Prælati inferioribus quidquid facere possunt ipsi inferiores circa prædictas leges, & pœnas impositas à Prælati Superioribus, ut per se patet; sed etiam possunt prædicti Prælati Superiores restringere, & coarctare iurisdictionem inferiorum. Quia Prælati inferiores pendent in suo esse à Superioribus, & sunt illorum subditi. Suarez 4. *tom. de Relig. tractat. 8. lib. 2. cap. 2. num. 22.* Talis verò restrictio, ut licitè fiat, petit iustam causam. Cum quilibet Prælatus habeat ius utendi suæ iurisdictione, ac proinde si illa privatur sine causa, aliqua iniuria illi fit. Suarez *ut supra num. 23.* Addens, etiam sine causa posse fieri validè talem restrictionem non solum in ijs, quæ ex commissiōe, aut delegatione cōveniunt Prælati inferioribus, sed etiam in ijs, quæ de iure ordinario illis competunt. Quia Prælati Superiores hoc facientes habent maiorem, & potentiorē auctoritatem. Immo dicit, propter eandem rationem, posse Prælatum

Supre-

Superiorem priuare suo Officio validè inferiorem, etiam nulla subsistente causa, licet peccet ita faciendo, Idem *ibidem* nu. 26. Quæquidem stando in iure communi probabilia sunt, secundùm tamen peculiare leges, & consuetudines Religionum, ad illas pertinet iudicare, quid fieri, vel non fieri in casibus similibus possit.

88 Prælati Regularium (qui iuxta ipsorum privilegia) possunt instituere Confraternitates suorum Ordinum, easque aggregare in quibuscunque Ecclesijs, siue proprijs, siue extraneis, seruare debent conditiones assignatas à Clemente Octauo in Bulla, quæ incipit. *Quæcumque à Sede Apostolica* anno 1604. edita, quæ est 115. inter Bullas huius Pontificis in 3. tomo Bullar. & postea etiã confirmata fuit à Paulo Quinto in alia Bulla, *Quæ salubriter* anni 1610. & est 68. inter Bullas huius Pontificis. Prima conditio est, vt in vno loco vnam tantùm Confraternitatem, & Congregationem instituere possint. Secunda, vt id fiat de consensu Ordinarij loci, & cum litteris eius testimonialibus, quibus Confraternitatis, & Congregationis erigendæ pietas, & Christianæ charitatis Officia, quæ exercere cupit apud eos commendentur. Tertia, vt huic Confraternitati, & Congregationi erigendæ, instituendæ, seu aggregandæ, ea tantùm privilegia, indulgentias, facultates, aliasque spirituales gratias, & indulta, quæ ipsi Ordini, & Religionis Instituto erigenti, instituenti, ac communicanti, seu Archiconfraternitati, & Congregationi aggreganti, nominatim, & in specie, non autem, quæ per extensionem, seu communicationem sibi quouis modo concessa sint, & illa quidem non sub generali forma verborum, vel ad instar, sed expressè, & in specie communicare valeant. Quarta est, quòd statuta harum Confraternitatum sint prius ab Episcopo Diocesano examinata, & proratione loci approbata, & eiusdem Episcopi Decretis, ac moderationi, & correctioni in omnibus semper subiecta remaneant. Quinta, vt seruetur formula instituendi Confraternitates approbata ab ipso Pontifice. Sexta, vt Ministri, & Officiales dictarum Confraternitatum non vtantur privilegijs, & facultatibus nisi præuia recognitione Ordinarij, qui adhibitis duobus de eiusdem Ecclesiæ Capitulo illa iuxta Sacri Concilij Tridentini Decretum promulganda decernat. Septima, quòd Ministri, & Officiales dictarum Confraternitatum possint excipere eleemosynas iuxta modum, & formam per Ordinarium loci perscribendam, remotis tamen mensis, peluibus, & capsis, quæ in Ecclesijs, & Oratorijs dictarum Confraternitatum, & Congregationum publicè ad hoc exponi consueuerunt. Deinde qualiter dictæ eleemosynæ expen-

dæ sint, sic præscribit. Eleemosynas autem sic collectas in reparationem, & ornatum Ecclesiarum, tam Ordinum, Religionum, Institutorum, instituentium, erigentium, & communicantium, ac Archiconfraternitarum, & Congregationum aggregantium, quàm Confraternitatum, & Congregationi erigendorum, instituendarum, & aggregandarum, & quibus communicationes fiēt, aut in alios earum pios vsus, arbitrio Vicarij in Vrbe, necnon Ordinariorum locorum respectuē fideliter exponere, atque erogare procurent: vt omnes intelligant, cœlestes Ecclesiæ Thesaurus non quæstus, aut alicuius lucri gratia, sed pietatis, & charitatis excitandæ gratia, ex Apostolicæ Sedis benignitate Christi fidelibus aperiri. Præterea, assignatis casibus à quibus possint Confratres absolui à suis Confessoribus, & à quibus non, postea omnes institutiones, & aggregationes Confraternitatum vbiuis locorum erectas, & institutas, præcipit renouandas iuxta formam ab ipso præscriptam, aliàs vult illas esse nullius roboris, & momenti, reuocatas, & annullatas. Ac tandem penas contrauenientibus sic apponit: *Quòd si Ministri aliqui, Superiores, vel Officiales quocumque nomine nuncupati, Ordinum, Religionum, Institutorum, seu Archiconfraternitatum, Congregationum, & Confraternitatum huiusmodi quauis auctoritate, vel priuilegio, & Officio fungantur, & præfulgeant, contra præmissa in aliquo venire, vel facere præsumserint, Erectiones, Institutiones, & Communicationes priuilegiorum, Indulgentiarum, facultatum, Spiritualiumq; gratiarum, & indultorum, aliorumq; præmissorum concessiones, nec non aggregationes per ipsos faciendæ, seu renouandæ nullius sint roboris, & momenti; & quilibet eorumdem Ministrorum, Superiorum, Officialium, & aliorum prædictorum priuationis Officiorum, quæ obtinet, ac inhabilitatis ad illa, & alia in posterum obtinendæ pœnam, quæ ab alio, quàm à nobis, vel à Romano Pontifice pro tempore existente remitti non possit, incurrat eo ipso.* Ne autem sit error aliquis. in Institutione Confraternitatum lege prædictam Constitutionem Clem. VIII. pro his, & alijs conditionibus ibi assignatis. Pro præcedentia verò Confraternitatum vide Quarantam in *Summa Bull. verb. præcedentia*. Vbi etiam, in quibus Episcopus, & in quibus Iudex laicus intromittere se possint circa has Confraternitates. Non posse autem compelli ab Episcopo, aut censuris astringi, vt accedant ad publicas processiones, declaratum est pluries à S. Congregatione, apud eundem Quarantam *vt supra*. Pro formula autem instituendi, seu aggregandi huiusmodi Confraternitates, quam Pontifex præcipit obseruari, vide Flauium Cherubinum in *Compend. Bullar. circa hanc Constit. 115. Clem. V. 111.* Circa

Con-

Confraternitates etiam B. Mariæ de Monte Carmelo, vide Constitutiones nostras p. 4. cap. 28. & specialiter concordiam factam inter Carmelitas nostros obseruantes, & RR. Patres Discalceatos confirmatam à Paulo V. in Bulla *Ad ea*. ann. 1617. edita, quæ habetur in lib. cui titulus est, *Priuilegia Fratrum Discalceatorum B. Mariæ Virginis de Monte Carmelo*. Vide etiam pro Confraternitatibus multa apud Gauantum in *Manual. Episc. verb. Confraternitates*.

89 Gratias autem, siue Indulgentias, quas Carmelitarum Generalis applicare potest Confratribus Confraternitatis Beatæ Mariæ Virginis de Monte Carmelo, habemus ex Paulo V. in Bulla *Cum certas*. anni 1606. die 30. Octobris. Vide Bullam in lib. cui titulus est, *Priuilegia Fratrum Discalceatorum*. num. præcedenti relato.

90 Quamuis Prælati Religionum possint se soli per præcepta, aut decreta, quæ solum durent tempore sui Officii, obligare suos subditos etiam in conscientia, ratione voti Obedientiæ, quod subditi fecerunt, & ratione Iurisdictionis Ecclesiasticæ, quæ ipsi Prælati habent. Non possunt tamen iure communi condere leges, aut statuta perpetua sine Capitulo proportionato, scilicet Generali, Prouinciali, aut locali, respectu totius Religionis, Prouinciz, aut Conuentus. Ratio est, quia, vt docet S. Tho. 1. 2. *quæst. 90. art. 1.* condere leges spectat ad Communitatem, nam cum legis impositio sit res grauissima, vt potè perpetuo durans, requirit Communitatis, cui imponitur, consensum, atque adeo sine ipso nihil fiet. Neque obstat, quòd Prælati habeant Iurisdictionem quasi Episcopalem, Episcopi autem soli, sine consensu Capituli, condere possint leges; quia non habeat in omnibus parem; aut similem potestatem sicut Episcopi, cuius signum est, quòd Episcopi immediatè habent suam potestatem à Papa, Prælati autem Religionum ab ipsa Religione respectiue. Suarez 4. *tom. de Relig. tract. 8. lib. 2. cap. 8. num. 4. 5. & 8.* Dixi verò, iure communi non posse condere leges, aut perpetua statuta, quia saltem ex consuetudine, lege, vel priuilegio id possunt habere, iuxta dicta cap. 8. num. 30. Vnde consulenda sunt iura particularia Religionum. Cum autem in nostra Religione Carmelitarum *part. 2. Constitut. cap. 1. num. 9.* committatur Priori Generali, quòd possit omnia facere, quæ Dissiniores Generales facere possunt, Absolutionibus Priorum Prouincialium liberè, sine culpa, & eorum institutionibus prohibito, ubi fieri potest electio, & apertione sigilli communis Oranis, damtaxat exceptis; videtur posse Generalem Carmelitarum per se solum condere leges, aut statuta perpetua, sicut & Capitulum

Generale cum ipso id facere potest. Exprimi tamen semper debet se uti in hac parte Iurisdictione, & potestate extraordinaria illi in prædicto loco Constitutionum concessa, ne credatur solum potestate ordinaria usum fuisse. An verò Prælati possint huiusmodi leges, aut etiam præcepta imponere solo suo arbitrio, sine consilio eorum, qui iuxta Religionis morem illis assistunt, dicendum est, quod attinet ad leges, non posse ita facere; quia, ut diximus, condere leges pertinet ad Communitatem. Loquendo verò de præceptis, attendenda sunt iura, & consuetudines particularium Religionum. Iure verò communi loquendo, in præceptis, quæ imponuntur particularibus personis, nisi valde graua, onerosa, aut extraordinaria sint, sufficit sola auctoritas, voluntas, & iudicium Prælati absque alia consultatione: quia effectus valde onerosus pro his consultationem cum alijs facere. Secus in grauioribus præceptis, quæ, vel toti Communitati, vel etiam priuato Religioso imponuntur. Quia lege naturali prudentia dicat, quod res grauis non fiat sine maturo consilio. Suarez 4. tom. de Relig. tract. 8. lib. 2. cap. 8. num. 6. Vbi etiam num. 7. quid dicendum, an quando consilium est necessarium, sit etiam de substantia, & valore præcepti, ita ut sine ipso non teneat. Sed in hoc attendendum est ad particularia iura Religionum, sicut in alio dubio, quod ibidem num. 9. tractat, an Capitulum Generale Religionis, sede vacante ante electionem Generalis possit condere leges, seu statuta perpetua. In Religione autem nostra certa videtur pars affirmatiua, cum tale Capitulum, ante electionem etiam Generalis habeat semper aliquod caput, Vicarium scilicet, vel Præsidentem, ratione cuius totam Religionem representet. Secus verò esset, si casu aliquo dato, non esset tale caput; tunc enim tale Capitulum acephalum esset, nec haberet potestatem prædictam. Audio etiam in grauiissima Augustinianorum familia, præcepta Superiorum durare etiam transacto tempore Officii, si à successoribus non reuocentur, atque ita habere quasi vim legis.

91 Possunt Prælati Religionum, videlicet Generales, & Prouinciales, transferre suos subditos de vno ad alium locum, videlicet, Generales possunt mutare Religiosos de vna ad aliam Prouinciã, Prouinciales verò de vno ad alium Conuentum, sicut Priores locales, seu Guardiani, aut alij Prælati infimi, suos subditos de vna ad aliam cameram. Ratio sumitur, tum ex Iurisdictione quasi Episcopali, quam habent prædicti Prælati in suos subditos, tum ex voto Obedientiæ, quod ipsi emiserunt in sua professione. Nauarr. comment. 4. de Regul. num. 22. & lib. 1. Consilior. consil. 9. num. 11. Id autem non debent facere sine causa, Quia hoc videtur esse

con-

contra charitatem, & bonum regimen Religionis. Addunt aliqui, quòd si Generalis absque rationabili causa subditum transferat de sua naturali Prouincia in aliam, habeat iustam causam appellandi ad Sanctissimum, vel Protectorem. Nauarr. *lib. 2. Consil. de appell. conf. 5. num. 6. lib. 1. conf. 9. num. 11.* Rodriguez *tom. 1. quæst. Regul. quæst. 23. art. 3.* Displicet tamen quòd quidam subiungunt, scilicet, quòd subditus non teneatur obedire Generali illum transferenti ex vna Prouincia in aliam. Non solum quia in dubijs potius fauendum est Prælati, quàm subdito, sed etiam, quia cum, per professionem Religiosus promiserit obedientiam Generali, non pro vna, aut alia Prouincia, sed pro tota Religione, ad quam eius Iurisdictio extenditur, erendum est stare debere voluntati ipsius illum sic transferentis.

92 Possunt, & debent Prælati Superiores, videlicet Generales, & Prouinciales, per se, vel per alios visitare suam Religionem, vel Prouinciã. Probatur ex Concilio Tridentino *sess. 25. cap. 1.* Vide dicenda *cap. 17. num. 1. 2. & 3.* Non tamen possunt mittere ad visitandum Religiosum aliquem extraneum, vel Clericum sæcularem. Ratio est, quia oportet Visitatorem instructum bene esse, in Regula, & Institutis visitandorum. Laurent. de Peirin. *tom. 1. quæst. 1. de Obed. cap. 18.* Rodriguez *tom. 3. quæst. Regul. quæst. 77. art. 9. & tom. 2. quæst. 4. art. 2. & quæst. 52. art. 7.* Id autem rectè possunt facere Summus Pontifex, & Legatus à latere. Propter ampliorem facultatem, quam ipsi habent. Rodrigu. *tom. 2. quæst. 52. art. 7. & 9. Peirin. vt supra.*

93 Absolutiones autem, & dispensationes à censuris, & irregularitatibus, quæ communiter solent dari à Prælati Regularium, tam in prædictis visitationibus, quàm in aliquibus festiuitatibus solemnioribus, profunt Religiosis in foro interno animæ, saltem pro censuris, & irregularitatibus dubijs, & obliuionis, seu ignoranter incurfis. Alias prorsus vanæ, & inutiles essent tales absolutiones, & dispensationes. Ledesma *de statu Religiosorum. in communi cap. 4.* Laurent. de Peirin. *tom. 1. priuileg. Minim. in Constit. 1. Iulij II. §. 16. num. 42.* An verò profint etiam pro censuris, & irregularitatibus certis, & manifestis, occultis tamen, & in foro conscientie? Non video aliquem de hoc puncto disputantem: sed sub aliorum censura dicerem, valere quidem ad omnia, ad quæ se extendere possunt auctoritas ordinaria, & priuilegia Prælatorum. Verba enim illa, quibus in similibus casibus vtuntur Prælati, scilicet, *absoluo vos*, vel *dispenso vobiscum*, piè sanè videntur fauorabiliter amplianda.

94 Possè etiam Prælatos Regulares commutare legata facta
ad

ad vnum vsum, in alium, tenent aliqui; propter priuilegia Minoribus concessa, Sixti IV. & Leonis X. Rodriguez *tom. 2. quæst. Regul. quæst. 125. art. 9.* Henriquez *lib. 7. de Indulgent. cap. 22.* Sed præterquàm quòd hæc priuilegia viuz vocis oracula sunt, ac per consequens his temporibus nullius momenti, vterius non fuerunt authentica, vt testatur Casarrubius in *Comp. priuileg. Mendic. verb. Commutare n. 1. & 2.* Casu tamen quòd circa hoc sit ali- quod priuilegium, quod non video, ad minus tamen legitima causa talis commutationis necessariò requiritur. Beia 4. *p. casuum cas. 22.* Peirinis *tom. 1. priuileg. Minim. in Constit. 2. Iulij 11. S. 26. num. 74. & 75.*

95 Possunt aliqui Superiores Regulares in vnaquaque Prouincia constituere vnum, vel plures Fratres sui Ordinis, probatos tamen, ac fide, & doctrina idoneos, in Notarios publicos, pro intimandis mandatis, priuilegijs, concessionibus, & indultis Apostolicis Ordini concessis, quibuscumque personis, siue Ecclesiasticis, siue secularibus, etiam Regibus, Ducibus, &c. vbi, & quoties opus fuerit. Ita enim concessit Pius V. Dominicanis ann. 1571. die 21. Martij, in Motu proprio; qui incipit *Debitum pastoralis.* in 2. Tom. Bullar. Laert. Cherub. in Pio V. *num. 124.* Vbi etiam animaduertit ipse Cherubinus idem concessisse Iulium III ann. 1554. Hoc autem priuilegio gaudent alij Mendicantes propter cõmunicationem priuilegiolorum, quam inter se habent. Rodriguez *tom. 3. quæst. Regul. quæst. 8. art. 1.* Nisi fortè per non vsum legitimum hoc priuilegium perdiderint, iuxta dicta *cap. 3. num. 17.* Aduerti autem oportet priuilegio hoc non posse vti, nisi Monasteria, *que de obseruantia sunt tantum*, & ab illis personis, *que sunt obseruantie tantum*; sic enim explicat suam mentem Pontifex in hac Bulla. Aduertunt autem alij (Peirinis *tom. 2. priuileg. Minim. in Constit. 9. Pij V.*) quòd isti Notarij possunt creari non solum à Generalibus, & Prouincialibus, sed etiam à Superioribus localibus. Similiter, quòd informationes intrantium Religionem possunt fieri ab istis Notarijs. Sed quoad primum, id est contra intentum Pontificis, solum enim concedit hanc facultatem *Magistro Generali, Vicarijs, & Prouincialibus*, vt patet ex contextu Bullæ. Quoad secundum verò, licet ex priuilegio Clement. VIII. concesso Patribus Dominicanis Conuentus S. Stephani Salmanticensis, quod referimus *cap. 24. num. 14.* possint fieri informationes admittendorum ad Ordinem *per aliquem eiusdem Conuentus Religiosum ad hoc deputatum*, ex vi tamen huius priuilegij Pij V. non potest hoc fieri; quia, vt constat ex contextu Bullæ, solum concedit hanc facultatem creandi Notarios ad notificandum, & inti-

man-

mandum priuilegia Religionis. De modo autem creandi huiusmodi Notarios, iuramento ab ipsis præstando, & forma litterarum, vide Peirinis *tom. 2. priuileg. Minim. in Constitut. 9. Pij Quinti num. 9.*

96 Quamuis aliqui Prælati Religionum possent concedere licentiam Religiosis legendi libros prohibitos, propter concessionem factam à Sixto IV. Ordini Prædicatorum, & Minorum, & Societati Iesu à Pio V. & Gregor. XIII. cum quibusdam conditionibus ibi assignatis: (Rodriguez *tomo 2. q. 82. ar. 3.* Peregrinus in *Compend. tit. lib. præbuiti*) tamen huiusmodi facultates, quatenus attinet ad hæreticorum libros *heresim continentes, vel de Religione tractantes*, reuocantur per Bullam Censuræ Domini, quæ singulis annis legi solet, siquidem in illa reuocantur omnia priuilegia, etiam Mendicantibus quomodolibet concessa. Quatenus verò attinet ad alios libros prohibitos, vel suspensos, etiam videntur reuocata huiusmodi facultates, cum Gregorius XV. in Bulla *Apostolatus* ann. 1623. edita, quæ habetur in 4. *tom. Bullar. inter Bullas huius Pontificis num. 40.* reuocauerit omnes, & quasunque licencias legendi, & habendi libros prohibitos quomodolibet, quod etiam fecit Sanctiss. D. N. Urbanus ann. 1631. in Bulla etiam *Apostolatus tom. 4. Bullar. in addit. num. 114.* reuocans prædictas licencias cõcessas quibuscumque personis tam Secularibus, quàm Regularibus, *cuiusunque gradus, status, conditionis, qualitatis, & præminentia, etiam speciali nota, & mentione dignis.* Video aliquos (Laurent. de Peirinis *tomo 2. priuileg. Minim. in Constit. 9. Pauli V. à nu. 9.*) dicere, prædicta Constitutione Gregorij (idem diceret de Constitut. Urbani) solùm reuocari licencias particulares legendi huiusmodi libros, non verò priuilegia Regularibus concessa. Sed quia in prædictis Constitutionibus reuocantur facultates concessæ, etiam *per litteras Apostolicas, & aliter quomodocunque*, quo videntur etiam priuilegia comprehendi, ideo securior est nostra sententia, & in praxi consulenda, licet opposita sit forsàn speculatiuè etiam probabilis, dummodò constet prædictas concessionem non fuisse factas viuz vocis oraculo, aliàs omnino inualidæ iam essent his temporibus, ut sæpiùs diximus, an verò talia fuerint, mihi notum non est.

97 Non potest vnus Religiosus habere duas Prælatias in Religione eadem, vel diuersis, sine autoritate Sedis Apostolicæ. Ratio est, quia ita habetur in *cap. multa de præbend. & in Concil. Trident. sess. 7. cap. 2. & 4. & sess. 34. cap. 17.* Miranda in *Man. tom. 2. q. 3. ar. 3. & q. 7. ar. 12.* Consuetudo autem aliquarum Religionum, in quibus Generalis, vel Prouincialis est simul Superior immediatus

alie

alicuius Conuentus, tolerari potest, dummodò sit legitimè præscripta, vel à Sede Apostolica approbata.

98 Possunt Generales nostri Carmelitani Ordinis instituire, Prouinciales Titulares Angliæ, Hiberniæ, Scotiæ, Dantiæ, Saxoniæ, & aliarum Prouinciarum, quæ olim in Religione verum, & reale Ius, & Dominium, Iurisdictionemq; habuere, vt constat ex Decreto Sacræ Congregationis Concilij anno 1592. Vnde in Capitulo Generali Cremonæ celebrato 6. Iunii 1593. admissi sunt tales Prouinciales titulares sub his legibus, & conditionibus. Primò, Reuerendi Prouinciales Titulares instituantur in Capitulo Generali quotiescunque habentur Comititia, extra Comititia instituantur à Reuerendissimo Patre Ordinis. Secundò, Socios cum voce sibi asciscere non valeant pro quibuscunque Capitulis. Tertiò, de triennio in triennium muteatur, vel confirmetur à Reuerendissimo Patre Ordinis. Quartò, dum Reuerendissimus Pater fuerit assumptus, vel vita functus, Generalis Vicarius Apostolicus nò possit eos arbitrato suo amouere, & alios instituire. Quintò, circa Prouincialem Terræ Sanctæ decreuerunt seruandam esse consuetudinem Religionis. Sextò, habeant locum, & vocem immediatè post Priorem Conuentus in quo degunt. Septimò, in Capitulo Generali, & coram Reuerendissimo Patre teneant locum Prouinciæ cuius titulum habent. Octauò, si contigerit plures simul commorari, post Priorem Conuentus, inter se vnusquisque teneat locum suæ professionis, vel gradus. Nonò, subint immediatè Reuerendiss Patri Ordinis, ipsi, & eorum Socij. Video tamen hoc vltimum de Socijs ipsorum non esse in vsu. Decimò, in Capitulo Generali habeant vocem actiuam, & passiuam in omnibus in quibus ceteri Reuerendi Prouinciales de Iure, vel de consuetudine habent. Vndecimò, possint habere munia, & Officia in Conuentu, & Prouincia in quibus degunt, quæ alioquin habere possent. Duodecimò, priuati non sint hoc titulo ob quodcunque Officium sibi iniunctum nisi Prouincialatum alium obtinuerint. Decimotertiò, intersint omnibus, in quibus alij Patres primarij, & discreti interesse debent in his Conuentibus in quibus habitant. Decimoquartò, si assumantur ad Prioratum, licet non teneantur renunciare titulo, tenentur tamen subesse dispositioni, & obedientiæ Reuerendi Prouincialis Prouinciæ in qua Prioratum obtinent. Declarauit insuper eadem S. Congregatio, non prohiberi prædictos titulares ferre suffragia in electionibus Superiorum Decreto Concilij Trident. sess. 25. de Regularibus cap. 6. vbi scilicet decernitur non licere, *Prouinciales, aut Abbates, Priores, aut alios quoscunque Titulares, ad effectum electionis.*

Electio facienda constituere. Quo datur intelligi mentem Concilij solum fuisse tollere prædictos Titulares, quando solum pro tempore electionis faciendæ, & ad hunc effectum sunt electi, non verò titulares perpetuos, prout colligitur ex Epistola Secretarij eiusdem Congregationis ad Vicarium Generalem Ordinis, quæ habetur in prædicto Capitulo Cremonensi.

99 Superiores Religiosorum concedentes alicui sibi subdito licentiam adeundi ad partes transmarinas, in quibus pauci fideles reperiuntur, nisi talis subditus sit scientia, prudentia, & experientia vsu præditus, incidunt in excommunicationem latæ sententiæ Papæ reservatam in Extravaganti *Ad nostrum*. Bonacina in *tract. de clausura* q. 2. *punct. 4.* Qui bene etiam addit hanc excommunicationem non incurri, si ipse Superior Ordinis, ille scilicet, qui in ipsa alium Superiorem non recognoscit, ut puta Generalis, ad prædictas partes vadat. cum textus solum loquatur de Religiosis subditis. Vide dicta *cap. 9. num. 32.*

100 Ex nouissimo etiam Decreto Sanctiss. D. N. Urbani VIII. in Generali Cōgregatione S. R. Inquisitionis habita 24. April. 1613. præcipitur omnibus Superioribus Religionum sub. pœna priuationis Officij, ac vocis actiue, & passivæ ipso facto incurrendæ, alijsque arbitrio S. suæ infligendis, *ut in perpetuum semel saltem in anno, id est feria 6. post octauam Assumptionis B. Mariæ Virginis in publica mensa, vel in Capitulo ad hoc specialiter conuocato, & in super in quocunque Generali, ac Prouinciali Capitulo, Conuentu, Dieta, vel alio quouis nomine nuncupato Capitulari Congressu, suos subditos, ac Religiosos commonere de iniuncta omnibus obseruantia, & executione litterarum Apostolicarum, Constitutionum, & Decretorum ad Sanctum Officium Inquisitionis pertinentium. Præsertim Constitut. Iulij III. quæ incipit licet à diuersis, & habetur tomo 1. Bullar. inter Constitutiones huius Pontificis num. 11. & Constitut. Pij V. quæ incipit Si de protegendis, & habetur in 2. tom. Bullar. inter Constitutiones huius Pontificis num. 82. & Constit. Pij IV. quæ incipit Cum sicut nuper 2. tom. Bullar. inter Bullas huius Pontificis num. 31. & Constitut. Gregorij XV. quæ incipit Vniuersi Dominici gregis, & est in 4. 10. Bullar. inter Bullas huius Pontificis num. 34. de qua, & nos *cap. sequenti num. 33.* Et Constitut. Gregorij XIII. quæ incipit Officij nostri partes inter Bullas huius Pontificis tom. 2. Bullarij num. 21. simul cum Constitutione Clement. VIII. quæ incipit Etsi alias, & est in 3. tom. Bullarij inter Bullas huius Pontificis num. 81. simul etiam cum Constitut. Sanctiss. D. N. Urbani VIII. quæ incipit Apostolatus Officium inter Bullas ipsius 4. tom. Bullar. num. 79. De quibus nos egimus *cap. 10. nu. 22.**

Dein.

268 *De Obligationibus Prælatorum Regularium*

Deinde etiam Constitut. Sixti V. quæ incipit *Cæli, & Terra creator*, & est inter Constitutiones ipsius num. 17. in 2. tom. Bullar. simul cum Constitutione Sanctiss. D. N. Urbani, quæ incipit *infernabilis*, & est inter Constitutiones ipsius 4. tom. Bullar. num. 113. de quibus nos egimus cap. 10. num. 27. Præterea Constitut. Clem. VIII. quæ incipit *Cum sicut in 3. to. Bull. n. 42. & Greg. XV. Constitut. 28.* quæ incipit *Romani Pontificis* 4. tom. Bullar. Item Pauli V. Constitut. 26. quæ incipit *Romanus Pontifex*, de qua nos in hoc capite num. 18. diximus. Eiusdem etiam Constitut. 97. inter Bullas ipsius, quæ incipit *Regis pacifici*, simul cum alia Gregor. XV. quæ incipit *Sanctissimus Dominus noster auditis*, & est 29. inter Constitutiones ipsius, de quibus & nos cap. 20. num. 12. dicemus. Præterea Constitut. Gregorij XV. quæ est 27. inter Constitutiones ipsius, & incipit *Romanus Pontifex in Specula*, simul cum alia Sanctissimi D. N. Urbani VIII. de eadem materia, quæ incipit *Alias sel. rec. Gregorius Papa XV. sub Dat. Romæ 20. Decembris 1631.* de quibus nos cap. 3. num. 21. Similiter eiusdem Gregorij Constitut. 40. quæ incipit *Apostolatus officium*. Et Sanctiss. D. N. Constit. 114. quæ incipit eodem modo, & de quibus nos cap. præfenti num. 96. Insuper Sanctiss. D. N. Urbani Constitut. 37. quæ incipit *Sanctissimus Dominus noster sollicitè animaduertens*, de qua & nos cap. 12. num. 39. & 40. Item eiusdem Sanctiss. D. N. Urbani Constitut. 50. quæ incipit *Sanctissimus Dominus noster pro debito sui Pastoralis officij*. Ac demum eiusdem SS. D. N. Constitut. sub Dat. Romæ die 5. Nouëb. 1631. quæ incipit *Cum sicut accepimus*. Ad adimpletionem autem huius Decreti (vt puto) necessarium non est prædictas Constitutiones integrè legi, sed solùm summam quoad substantialia in eis contenta. Præcipitur autem ab eodem SS. D. N. Urbano eisdem Superioribus, quatenus teneantur curare, & efficere, vt prædicti Decreti exempla aliquo loco apud eos publico affigantur, & affixa conseruentur, ita vt ab eisdem subditis Religiosis videri, ac legi commodè queant. Deque huiusmodi commotione publico documento statim certiorum facere Congregationem S. Inquisitionis in Vrbe.

101 Circa facultatem, quam habent Prælati Regulares, præferim Ordinum Mendicantium recipiendi Tertiarios, vide dicta cap. 3. num. 22. Circa ea, quæ possunt præcipere suis subditis, vide cap. 4. per totum. Qualiter etiam Religiosi nihil possint habere, recipere, dare, &c. sine licentia suorum Superiorum cap. 6. fere per totum. Et qualiter ipsi Prælati non possint suis subditis aliquid superfluum, aut impertinens permittere, ibidem à num. 13. De aliquibus obligationibus Prælatorum Regularium, quæ habentur in

in Iure, & Concilijs *cap. 9. specialiter num. 27. 32. 34.* & de ijs, quæ habentur ex Constitutionibus Summorum Pontificum, & Decretis S. Congregat. *cap. 10. num. 1. 2. 16. 20. 21.* De obligatione Prælatorum ad faciendum recitari Officium Diuinum in suis Ecclesijs *cap. 12. num. 9.* Circa facultatem dispensandi in illo cum suis subditis, *ibid. à num. 28.* Pro ijs, quæ facere possunt, aut tenentur circa suos subditos volentes recipere Ordines, *cap. 14.* Pro electionibus ipsorum, *cap. 15.* Pro curâ, quam habere debent circa Apostatas, & fugitivos, *cap. 16. à num. 16.* Pro obligatione, quam habent examinandi Concionatores, nec permittendi prædicare Idiotas *cap. 20. num. 1.*

De Confessoribus Regularibus, eorumque facultatibus, & obligationibus.

C A P. XIX.

REGULARES, seu Religiosos Sacerdotes de suorum Prælatorum licentia, secularium confessiones audire posse, dummodò ad id, siue ex priuilegio, siue aliter, delegatam habuerint Iurisdictionem, res est in confesso apud omnes, antiquioribus quibusdam paucis exceptis, qui rem hanc licentiosè nimis tractarunt.

2 Quamuis olim tempore Bonifacij VIII. in Extrauag. quæ incipit, *Super Cathedram*, dederit ipse facultatem Regularibus, ut solummodò à suis Prælati præsentati Episcopis secularium confessiones possent audire. Et tempore Benedicti XI. in alia sua Extrauag. quæ incipit, *Inter cunctas de priuilegijs*, etiam sine præsentatione, aut licentia Episcoporum concesserit posse Regulares audire secularium Confessiones. Et tempore Clementis V. in Concilio Viennensi in Clemen. quæ incipit, *Dudum de sepult.* reuocatum fuerit Decretum Benedicti, & renouatum illud aliud Bonifacij, iam tamen post tempora Concilij Tridentini, ad hoc quòd Religiosi possint confessiones secularium audire, requiritur præsentatio, & approbatio Episcoporum per hæc verba *sess. 23. cap. 15. Quamuis Presbyteri in sua ordinatione à peccatis absoluedi potestatem accipiant, decernit tamen Sancta Synodus nullum etiam Regularem posse confessiones secularium, etiam Sacerdotum audire, neque ad id idoneus reputari, nisi, aut Parochiale beneficium, aut ab Episcopis per examen, si illis videbitur esse necessarium, aut alias.*

270 *De obligationibus Confessariorum Regularium*

aliis idoneus iudicetur, & approbationem, quæ gratis detur, obtineat, priuilegijs, & consuetudine quacumque, etiam immemorabili, non obstantibus, &c. Nauarrus *cap. placuit. num. 5. 2.* Quia verò postea aliquibus Religiosis concessum est Indultum audiendi Confessiones secularium absque præuio examine Ordinarij, SS. D. N. Urbanus in Bulla edita an. 1628. quæ habetur *tom. 4. Bullar. inter Constitutiones huius Pontificis num. 91.* cassauit, annullauit, & reuocauit omnia, & singula priuilegia quibuscumque Religiosis, & Societatibus concessa. Vnde iam his temporibus nullum extat priuilegium aliquibus Religiosis concessum, quo possint secularium confessiones audire non præmisso examine Ordinarij. Nec sufficit approbatio à Parócho, etiã pro subditis illius Parochiæ. Quia Concilium requirit approbationem Episcopi. Bonacina *de Sacram. pœnit. disp. 5. quæst. 7. punct. 4. §. 1. num. 12.* Nec etiam requiritur consensus Parochi in cuius parochia Religiosus audire vult confessiones, si accepit facultatem audiendi confessiones independentem à Parochis. Bonacina *ut sup. n. 17.* Barbosa *de Officio Parochi cap. 19. num. 22. & 23.*

3 Aliqui dicunt non obstante prædicto Concilij Tridentini Decreto, quòd si Episcopi, (quòd absit) ex in deuotione, mala voluntate, odio, aut absque aliqua legitima, iusta, & rationabili causa Regularibus præsentatis coram ipsis, noluerint dare licentiam audiendi confessiones, posse nihilominus secularium confessiones audire. Tum quia quoad hoc non est reuocata per Concilium Clementina illa *Dudum de Sepulturis*, quæ hoc statuit; tum quia non est credibile Concilij Decretum procedere in hoc casu. Nauarrus *in Man. cap. 27. n. 264.* Miranda *in Man. to. 1. q. 45. ar. 6.*

4 Præsentatio Cōfessariorum Regularium facta in vno Episcopatu non sufficit pro alijs Episcopatibus. Colligitur ex Concilio Tridentino illis verbis. *Nisi ab Episcopis approbationem obtineat*; verbum enim illud (*Episcopis*) in plurali positum, satis insinuat, quòd non sufficit vnius, aut alterius Episcopi approbatio, sed eorum omnium, in quorum Diœcesibus Regulares audire volunt confessiones. Collector priuilegior. Mendicantium *in suo Compendio verb. absolutio quoad seculares.* Suarez 4. *tomo ad 3. partem disput. 23. sect. 7.*

5 Affertur tamen priuilegiũ, quòd Gregor. XIII. concessit Confessarijs, & Prædicatoribus Societatis Iesu in Bulla *Ad perpetuam*, quòd ab aliquo Ordinario semel approbati, & à suis Superioribus ad huiusmodi munera deputati, quandocumque, suum, siue in mari, siue in terra iter faciẽdo, possint, nõ repugnãtibus tñ Curatis Parochialiũ Ecclesiarum, Verbum Dei prædicare, & quorum-
cumque

cumque Christi fidelium confessiones audire, dummodò id non faciant in oppidis, & locis, in quibus Ordinarij existunt sine eorum licentia desuper obtenta. Suarez 4. tom. in 3. par. disp. 28. sectio. 7. Enríquez lib. 3. de Sacram. pœnit. cap. 6. num. 7. Verumtamen hoc priuilegium non solum videtur derogatum à SS. D. N. Urbano propter dicta supra num. 2. sed etiam, vt quidam volunt, reuocatum fuit iam pridem, & ante tempora Urbani, viuz vocis oraculo; vnde cautè in hoc procedendum. Laurentius de Peirinis tomo 1. de subdito q. 1. de Obedientia cap. 21. §. 2. Adminus tamen videtur posse prædictos Confessarios Regulares audire vbique terrarum Confessiones subditorum illius Diœcesis, vbi sunt approbati. Quia Curati possunt absolvere suos subditos vbicumque repositos, ac per consequens idem facere poterunt Religiosi approbati, qui sunt quasi Parochi, ex Clement. dudum de sepultur. Sotus in 4. disp. 18. q. 4. ar. 3. Ledesma tomo 1. Summ. de pœnit. c. 12. dub. vlt. Hoc verò intelligo, dummodò subditus extra territorium repositus non mutauerit domicilium. Peirinis vt supra. Affertur etiam ad præsens intentum priuilegium Sixti IV. concessum Minoribus, quod omitto, quia fuit viuz vocis oraculum, quod his temporibus nihil valet. Casarubius in Compend. priuileg. verb. absolut. quoad secular. 1. nu. 11. Vbi illud inter viuz vocis oracula non authentica signata littera O. numerat.

6 Etiam Regulares graduati in S. Theologia, vel Lectores, &c. debent Episcopis præsentari, & ab ipsis examinari, & approbari, vt possint munus Confessariorum exercere. Ratio est, quia quamuis oppositum videretur insinuari illis verbis Concilij, *Aut alijs idoneus iudicetur*, tamen Pius V. in Bulla Romani Pontificis prouidentia ann. 1571. determinauit supradictum Decretum obseruari debere ab omnibus Regularibus, etiam si sint Doctores, aut in Theologia de Superiorum suorum licentia graduati, vel promoti, vel à suis Magistris Generalibus, vel Prouincialibus profecularium confessionibus expositi. Suarez tomo 4. in 3. par. disp. 28. sect. 4. Quod Decretum reuocatum non est, aut reductum ad terminos Concilij Trident. vt testatur S. Congregat. Cardinal. de qua Quaranta in Summ. Bullar. verb. Confessor.

7 Approbatio hæc pro Confessarijs Regularibus requisita non est perpetua, sed semel approbati ab vno Episcopo, possunt à successore iterum examinari, & approbari, seu reprobari; non tamen ab eodem. Ita Pius V. in extrauag. Romani Pontificis prouidentia ann. 1571. ijs verbis. Volumus tamen eos, qui semel ab Episcopo in Ciuitate, & Diœcesibus suis, præuio examine approbati fuerint, ab eodem Episcopo iterum non examinari; à successore au-

272 *De obligationibus Confessariorum Regularium*

tem Episcopo pro maiori suæ conscientię quiete examinari de nouo poterunt. Idem etiam habet declaratio Congreg. Cardinalium per hæc verba. Congregatio Concilij censuit Regulares ad audiendum secularium confessiones in Ciuitate, & Diœcesi ab Episcopo præuio examine approbatos iterum ab eodem examinandos non esse; cæterum posse iterum à successore examinari iuxta constit. S. mem. Pij V. dat. Idibus Augusti Pontific. sui ann. 6. quæ à fel. rec. Greg. XIII. non est reuocata per reductionem priuilegiarum Regulariũ ad terminos Conc. Trid. Vivaldus in *Candel. aur.* 1. p. tit. de *Confess.* n. 28. Mirãda in *Man. to.* 1. q. 45. art. 7. Quando tamen Religiosus semel approbatus in vna Diœcesi ab illa recessit, si iterum reuertatur, non tenetur nouam querere approbationem. Quia prima fuit, vt suppono, sine temporis limitatione. Secus verò, quando est nouus Episcopus, & ille vult illum de nouo examinare. Propter dicta. Bonacina *vt sup. num.* 16.

8 Approbatio Confessariorum Regularium potest ab Ordinarijs, iuxta, & rationabili causa subsistente, restringi, & limitari ad certum tempus, locum, atq. personam. Ratio est, quia ita determinatur in Clement. *Dudum de sepulturis*, nec reuocatum fuit per Concil. Trident. Suarez *tomo 4. in 3. p. disp.* 28 *sect.* 7. *dub.* 6. Nauarr. in *Man. cap.* 4. *num.* 4. Si tamen id fiat sine iuxta, & legitima causa, probabilissimum est talem restrictionem nihil valere. Henricq. lib. 3. de *Sacram. pœn. cap.* 6. *num.* 5. & 9. Miranda in *Man. tom.* 1. *qu.* 45. art. 10. referens hanc declarationem Cardinalium die 2. Iulij anno 1587. *Regulares, qui ad audiendas Confessiones idonei generaliter ab Ordinarijs, eorumque examinadoribus reperti, & approbati fuerint, generaliter quoque, & indistinctè absque vlla limitatione temporis, certorumue locorum, aut generis personarum admittantur in propria Diœcesi. De cæteris verò, qui non adeo idonei reperiuntur, si petierint se admitti, arbitrio Ordinariorum relinquitur, ipsos cum limitata facultate, prout eisdem Ordinarijs magis expedire videbitur, probare, & admittere. Vide Gauantum in Man. Episcop. verb. Confessarius num.* 12. & sequent.

9 Præterea Confessarij Regulares semel ab Ordinarijs liberè approbati non possunt ab ipsis suspendi ab audiendis confessionibus, nisi ex noua causa, eaque ad Confessiones ipsas pertinente, aut ob non seruatum Interdictum ab ipsis Ordinarijs positum. Similiter, nec possunt simul omnes Confessarij vnius Conuentus priuari ab Ordinarijs facultate audiendi Confessiones. Ita enim determinatum est à Sac. Congregat. 20. Nouemb. 1615. cuius Decretum referunt Alphonsus Leo in *fin. 2. p. de Iubil. pag.* 114. Laurentius de Reirinis *tomo 1. de priuileg. Minim. in Constit.* 2. *Sixti IV. §.* 11. *nu.* 45.

num. 45. Gauantus in *Man. Episcop. verb. Confessar. num. 21. & 24.* Vnde si contra hoc Decretum, Confessarij Regulares suspendantur ab audiendis confessionibus, puto quòd non tenentur obedire, cum excedat in tali casu Ordinarij limites auctoritatis quam habent. Peirinis *vt supra*. Quòd maximè est verum. si cum ipso, & alijs dicamus facultatem, quam habent Confessarij Regulares ad Confessiones audiendas, dari illis immediatè à Papa, & quòd Ordinarij solùm dent approbationem personæ, declarando illam esse idoneam ad hoc ministerium. Rodriguez *tomo 1. quæst. 38. artic. 1.*

10 Approbatio Confessariorum Regularium non expirat per mortem concedentis. Ratio est tum quia ista approbatio conceditur nomine Dignitatis, quæ nunquam perit, tum quia id videtur supponi à S. Congreg. in Decreto adducto supra *nu. 7* dum dicitur *posse iterum à successore examinari*, non dicitur *debere*. Vnde si successor non reuocat, semper durat approbatio. Nauarrus in *cap. placuit de pœnit. d. 6. num. 161.* Suarez *lib. 8. de leg. cap. 32. num. 9. & tom. 4. in 3. par. disp. 26. sect. 3. num. 9.* Deinde approbatio hæc non requirit ad sui validitatem, quòd detur in scriptis. Cum Concilium non requirat hoc, nec sit necessarium ad rationem priuilegij. Bonacina *vt supra num. 32.*

11 Confessarij regulares Minores de obseruantiâ, Carmelitæ, & qui cum ipsis cõmunicant in priuilegijs existentes in Diocesibus vbi sunt approbati, possunt omnium secularium quarumcumque Diocesum Confessiones audire. Ita concessit Nicolaus Quintus Minoribus, & postea Sixtus IV. Maximè Urbanus IV. Carmelitis concessit, vt delicientia Prælatorum Ecclesiæ possint audire Confessiones omnium Christi fidelium causa deuotionis ad ipsos recurrentium, nisi talia commississent, propter quæ esset Sedes Apostolica meritò consulenda. Cui concessioni non reperitur similis in priuilegijs Mendicantium, vt inquit Calarub. in *Compend. priuileg. Mendicant. verb. absolutio quoad seculares primo num. 19.* Miranda in *Man. tom. 1. q. 45. art. 14.* Vide etiam Suarez *4. to de Relig. tract. 10. lib. 9. cap. 2. d. nu. 8.* Audire tamen Confessiones aliorum Regularium, siue suæ, siue alienæ Religionis non possunt ex vi prædictarum concessionum, nisi fortè ipsi Religiosi, qui volunt audiri in Confessione licentiam habeant suorum Prælatorum. Ratio est quia Confessores Religiosorum solùm sunt, vel Prælati ipso- rum, vel ab ipsis delegati, vnde non intelliguntur comprehensi in illa generali concessione. Præsertim, quia non est credendum Pontifices concessisse hoc priuilegium vni Religioni cum præiudicio Prælatorum alterius. Siluester *verb. Confessor. 2. nu. 6. Ar-*

milla verb. absolutio numero 23.

12 Regulares approbati ab Episcopis ad audiendas Confessiones secularium, si cōtra voluntatem suorum Superiorum audiant Confessiones, peccant; propter Votū Obedientiæ, quod sic faciēdo, transgrediuntur. Nauarrus *in cap. 1. de Pœnit. dis. 6. num. 73.* Valide tamen absolunt. Cum reuera habeant potestatem Ordinis, & Iurisdictionis, ut supponitur. Si verò in Religione sit receptum Breve Iulij III. concessum Generali Prædicatorum, (quo uti possunt Religiones habentes communicationem privilegiorum cum illis,) videtur nec valide absolvere. Eò quòd in prædicto Breui Pontifex *reuocauit licentias, & immunitates concessas Religiosis eiusdem Ordinis, quas Magister ipse Ordinis reuocandas diiudicauerit, undecunque emanatas.* Miranda *in Man. tom. 1. q. 45. art. 12.* Adminus tamen prædicti Regulares approbati ab Ordinarijs ad audiendas Confessiones secularium possunt à suis Superioribus rationabili de causa reprobari, suspendi, coarctari, &c. Nam quæcunque autoritas huiusmodi Confessarijs Regularibus concessa, semper intelligenda est quoad vsum, & exercitium pendere à voluntate Prælatorum, ratione Voti Obedientiæ. Sotus *in 4. d. 18. q. 4. ar. 3.* Grassus *to. 1. consil. lib. 5. de pœnit. & remiss. consil. 4. num. 18.* Vide dicenda infra *num. 41.*

13 Similiter prædicti Cōfessarij si excommunicati, suspensi, &c, publici sint, per sententiam, (vel per notorietatem facti in casu publicæ percussiois Clerici) nec licitè, nec valide absolunt, vt omnes admittūt, propter Extrauag. Martin. 5. *Ad euitanda.* Secus verò quando tales censuræ sunt occultæ, tunc enim licet peccent sic faciēdo, cum per illas hoc prohibeatur, valide tamen absolunt. Eò quòd pia mater Ecclesia tunc tribuit Iurisdictionem, supplendo defectum illius propter exiltimationem communem. Iuxta l. *Barbarius ff. de Officio Pratoris.* Nauarrus *in Man. cap. 9. num. 7.* Cornexo *2. tom. in 3. p. tract. 5. de excommunic. disputat. 10. dub. ultimo.*

14 Prædicti Confessarij in primis absolvere possunt ab omnibus casibus, qui Summo Pontifici, Episcopis, aut alijs Superioribus reseruati non fuerint. Quia vt habetur ex Regula Iuris *in cap. nuper de sent. excommunic. & cap. etsi Clerici de iudic.* quæ specialiter non reseruantur iure concessa censentur. Miranda *in Man. tom. 1. quæst. 46. art. 2.* Deinde etiam possunt absolvere ab omni excommunicatione minori. Cum minus hoc sit, quàm absolvere à mortalibus, quod possunt facere. Nauarrus *in Manu. cap. 27. num. 26.* Similiter absolvere possunt ab omni excommunicatione etiam maiori non reseruata. Quia eo ipso quòd non refer-

reſeruatur videtur remitti iurisdictionem habentibus. Cornexo 2. *tomo in 3. p. tract. 5. de excomm. diſp. 11. dub. 1.* loquens de cenſura iuris nemini reſeruata, & *dub. 3.* loquens etiam de cenſura hominis nulli reſeruata. Vbi etiam aſſert aliquas exceptiones. Nunquam tamen poſſunt diſpenſare in irregularitate aliqua, ſecluſo ſpeciali priuilegio (quod non video alicui Religioni conſeſſum reſpectu ſecularium). Quia irregularitas omnis de iure, communi ſolum tollitur Papæ diſpenſatione, exceptis illis, quæ Episcopis, & Prælatiſ Regularium, quoad ſibi ſubditos cōceduntur. Silueſter *verb. diſpenſatio q. 9. 10. & 11.* Suarez 5. *tomo de cenſuris diſp. 41. de irregular. ſect. 2.* Vnde nec poſſunt prædicti Confeſſarij diſpenſare in irregularitatibus propter priuilegium Pauli III. Societati Ieſu conſeſſum, vt ſcilicet poſſint abſoluere à pœnis Eccleſiaſticis. Licet enim aliquæ irregularitates ſint pœnæ Eccleſiaſticæ, vt ſunt illæ, quæ incurruntur celebrando cum cenſuris, tamen ſecundum ſtylum curiæ (qui facit legem) ſub Generali clauſula abſoluendi à pœnis non venit irregularitas, ſicut nec deſcriptio, aut degradatio. Suarez 4. *tomo de Relig. tract. 10. lib. 9. cap. 2. num. 43.* An verò virtute Bullæ Cruciatæ in aliqua irregularitate diſpenſare poſſint Confeſſarij, dicemus infra *num. 18. & 19. 15.* A caſibus etiam, ſeu cenſuris Papalibus, ſeu Papæ, aut Sedi Apoſtolicæ reſeruatis poterant olim abſoluere aliqui Confeſſarij Regulares certis anni diebus, & ſolemnitatibus, propter priuilegia Leon. X. & Pauli III. conſeſſa Minimis S. Franciſci de Paula, quæ reſert Peirinis *tomo 1. priuileg. Minim. in Conſtit. 8. Leon. X. & to. 2. in Conſtit. 2. Pauli III. & Conſectius in Summ. Priuileg. Marii Magni tit. 17. cap. 6.* & præſertim ex priuilegio eiſdem Pauli III. Ieſuitis conſeſſo, quod reſert Caſarubius in *ſine Compendij pag. mibi 545.* quo vt poſſunt omnes, qui habent communicationem priuilegiorum cum illis. Modò tamen poſt tempora Clement. VIII. extat Decretum S. Congregationis eiſdem Clem. mandato editum ann. 1601. quo ſub grauiffimis pœnis prohibetur omnibus Cōfeſſarijs tã ſecularibus, quàm Regularibus per vniuerſam Italiam extra Urbem degentibus, ne quis ſub prætextu priuilegiorum, Indultorum, aut facultatum, &c. poſſint abſoluere ab vilo ex caſibus clarè, vel dubiè in bulla die Cenæ Domini legi ſolita contentis, vel aliàs quomodocumque Sedi Apoſtolicæ reſeruatis, aut in futurum per Sanctitatem ſuam, eiſq; Succeſſores pro tempore in eadem Bulla, vel aliter reſeruandis, nec etiam à caſibus, quos Ordinarij locorum hætenus reſeruauerunt, vel in poſterum ſibi reſeruabunt, nullo caſu etiam neceſſitatis, vel impediementi, niſi in mortis articulo, ſeu cum noua, vel ſpeciali ſanctita-

tis suæ, aut suorum Successorum, vel Ordinariorum, quo ad casus ab ip[s]is tantum reſervatos reſpectivè, impetrata in ſcriptis licentia. Quod Decretum poſtea moderatum fuit à Sacra Congregatione ei[us]dem Clementis Oſtavi ſpeciali mandato ann. 1602. *Videlicet, ſub ei[us]dem prohibitione illos tantum in poſterum comprehendendi caſus, qui in Bulla die Cœnæ Domini legi conſueſta continentur. Præterea violationis immunitatis Eccleſiarum in terminis Conſtitutionis ſel. record. Gregor. XIV. quæ incipit, Cum alijs nonnulli. Violationis clauſuræ Monialium ad malum finem. Prouocantium, & pugnantium in duello iuxta Decretum S. Conſilij Tridentini, & Conſtitutionem ſel. record. Gregor. Papæ XIII. incipientem, Ad tollendam. Inſcientium violentas manus in Clericos iuxta can. Si quis ſuadente, & cap. 17. q. 4. ac Iuris diſpoſitionem. Simonie realiſ, ſcienter contractæ, atque etiam conſcientia beneficalis. Item omnes caſus, quos Ordinarij locorum ſibi reſervarunt, vel in poſterum reſervabunt. In quibus omnibus iam enumeratis caſibus duntaxat, & ſublata etiam pena inhabilitatis audiendi confeſſiones, eadem S. Congregatio vult, & mandat dictum Decretum in ſua firmitate, & priſino robore permanere. Quaranta in Summa Bullar. verb. caſ. reſervat. Miranda tom. 1. Man. q. 46. art. 2. 4. & 5. Quia verò tempore Paul. V. dubitatum fuit an per prædicta Decreta prohiberentur Regulares abſolvere à cenſuris Sedi Apoſtolicæ, & Episcopis reſervatis, eſto à caſibus abſolvere non poſſent: ideo S. Congreg. de mandato ei[us]dem Paul. V. declaravit ann. 1617. die 7. Januarij, comprehendere etiam abſolutiones à prædictis cenſuris. Laurent. de Peirinis tom. 1. privileg. Minim. in Conſtit. 1. Julij 2. §. 32. nu. 63. Eraſmus Chokier in tract. de Iuriſd. Ord. in exempt. p. 4. qu. 56. Barbosa de Offic. Parochi c. 19. n. ult.*

16 Ex quo inferretur primò ab alijs caſibus, ſeu cenſuris Papalibus, ſeu Sedi Apoſtolicæ reſervatis præter annumeratos in prædicta declaratione S. Congregationis, poſſe Confeſſores omnes, qui prædicto privilegio Paul. III. utuntur (vel alijs, ſi forſan habuerint,) abſolvere ſuos pœnitentes, ſive extra, ſive intra Italiam, ſive in Vrbe, ſive extra Urbem, cum exceptio Regulæ firmet illam in contrarium. Sequitur ſecundò, extra Italiam in Hiſpania, Gallia, vel Germania poſſe eoſdem Confeſſarios abſolvere ab omnibus caſibus Papalibus, à quibus alijs abſolvere poterant ante iſtud Decretum. Cum prohibitio Decreti prædicti ſolum ſe extendat per *Vniverſam Italiam*. Quod etiam expreſſè habetur ex nouiſſima declaratione S. Congregationis Episcoporum, & Regularium edita ann. 1628. Nouembriſ die 17. & approbata à Sanctiſ. D. N. Urbano VIII. ibi enim ſic dicitur. *Ab alijs verò caſi-*

casibus (scilicet præter casus Bullæ cœnæ , & reseruatōs Ordinarijs) & *cenſuris Sedi Apostolica reſeruatīs* , ſiquidem *Regulares habeant à Sede Apostolica abſoluendi facultatem* , illam extra Italiam minimè ſublataſſe fuiſſe iſſdem S. Congregationis Decretis hæc de re editis iuſſu San. mem. Clem. VIII. Sequitur tertio, nec intra, nec extra Italiam poſſe Confeſſarios Regulares abſoluere à caſibus in Bulla d' e Cœnæ Domini legi ſolita contentis, virtute ſuorum priuilegiorum. Non ſolùm propter annuam ipſius Bullæ publicationem, in qua reuocantur quæcumque priuilegia. Sed etiam quia ita expreſſè declaratum eſt à prædicta S. Congregatione Episcoporum, & Regularium verbis inferiùs adducendis. Sequitur quartò Confeſſarios Regulares Romæ degentes non comprehendere Decretis adductis S. Congregat. ſub Clem. VIII. expreſſè enim ibi eſt ſermo cum Confeſſarijs Regularibus per *Vniuerſam Italiam extra Urbem degentibus*. Naldus in *Summ. verb. Bullæ Cœnæ num. 62.* & Peirinis tom. 1. *priuileg. Minim. in Conſt. 1. Iulij 11. ſ. 32. num. 62.* Comprehenduntur tamen in Decreto Sac. Congregat. ſub Sanctiſ. D. N. Urbano adducendo *num. ſequenti*, tam Romæ, quàm ubilibet exiſtentes, quantum ad ea, quæ in prædicto Decreto continentur. Barboſa *ut ſupra*.

17 Similiter licet à caſibus Episcopalibus, ſeu Episcopis reſeruatīs, (de quibus Nauarrus in *Man. cap. 27. nu. 256. 258. & 259.*) poſſent olim aliqui Regulares Cōfeſſarij abſoluere ex priuilegijs maximè Sixti IV. & Urbani IV. pro Carmelitis, hiſ tamen temporibus nullatenus ab illis abſoluere poſſunt virtute ſuorum priuilegiorum. Primò propter reſponſionem S. Congregationis Concil. Trident. ad S. Cardinalem Borromæum ann. 1577. Cum enim S. hic Cardinalis à S. Congregatione quaſiuiſſet, an Regulares ex priuilegio à Sede Apostolica impetrato, præſertim autem ex eo quod nominant Mare magnum, poſſint in caſibus, quos ſibi Episcopus reſeruauerit, abſoluere contentes. Hæc de re, ubi Congregatio accuratè egiſſet, deinde ad SS. retuliſſet, Sanctitas ſua, etiam de ſententia Congregationis cenſuit, *ex facultatibus per hoc Mare magnum, aliaque priuilegia Regularibus conceſſa, factam eis non eſſe poteſtatem abſoluendi à caſibus ſibi ab Episcopo reſeruatīs*. Confeſſius in *Summa mater. ex priuileg. Mendicant.* Secundò ex Decreto Clem. VIII. & S. Congregat. adducto ſupra num. 15. Quaranta in *Summa Bullar. verb. caſ. reſeru.* Miranda tom. 1. *Man. q. 46. art. 2.* Tertio & principaliter ex Declaratione S. Congregat. Episcoporum, & Regularium ſub Sanctiſ. D. N. Urbano VIII. ſupra relata num. *precedenti*, qua declarauit ipſa Sac. Congregatio, *per confirmationes priuilegiorum, quas Regulares*

à Sede Apostolica post Sac. Conc. Tridentinum obtinuerunt, nequaquam reuixisse priuilegia prius ab eodem Concilio, ac deinde etiam ipsius Congregationis Decretis sublata, atque extincta, si qua habebant, absoluedi à casibus Ordinario loci reseruatis. Quemadmodum nec indulta absoluedi à casibus contentis in Bulla, quæ in die Cæna Domini legi consuevit, ut potè sublata per annum ipsius Bullæ publicationem, vires, aut robur acquisiuisse ex subsequentibus priuilegiarum confirmationibus. Ac proinde Regulares cuiusvis Ordinis, Congregationis, Societatis, & Instituti etiam necessariò exprimendi, nec intra, nec extra Italiam, in vim Priuilegiarum, aut confirmationum eiusmodi, quas vel hætenus obtinuerunt, vel deinceps fortè obtinebunt, posse quemquam absolueri ab eisdem casibus in Bulla Cæna, aut Ordinario loci reseruatis: ac si secus egerint, absolutiones nullas, atque irritas fuisse, ac fore. Barbosa *de Offic. Parochi cap. 19. num. ult. §. illud Regularibus.* Post mortem tamen Episcopi, qui casus sibi reseruauit, potest quilibet Confessarius ab illis absolueri. Quia tunc desinunt esse reseruati. *See in Summa verb. absolut. num. 10 Quaranta in Summa Bull. verb. confessor. in addition. & verb. cas. reseruati. in fine,* ubi hoc limitat solum pro casibus, quos Episcopi sibi reseruauerunt, non verò pro illis, qui de iure sunt reseruati prædictis Episcopis.

18 In locis autem ubi publicatur Bulla Cruciatæ possunt Confessarii virtute ipsius absolueri penitentes iuxta tenorem ipsius Bullæ ab omnibus casibus, & censuris ibidem contentis. Cum priuilegium illud non sit pro Confessariis, sed pro penitentibus, ut possint sibi eligere Confessorem, qui illos à casibus in prædicta Bulla numeratis absoluat. Tenent aliqui etiam ab irregularitatibus ex delicto occulto provenientes, v. g. illis, quæ incuruntur ob celebrationem, vel susceptionem Sacri Ordinis cum excommunicatione posse absolui penitentes virtute prædictæ Bullæ: Eò quòd in ipsa detur facultas absoluedi à quibuscumque pænis, & censuris: irregularitates autem prædictæ sunt pænæ. *Sorus in 4. d. 2. q. 3. art. 1. Medina in Summ. l. p. e. 11. §. 9.* Quia tamen in alijs Bullis eiusdem Cruciatæ, qualis est illa an. 1628. à Paul. V. concessa, & à Sanctiss. D.N. Urbano publicata non est talis particula à pænis, ideo nullatenus admitti potest sententia relata. Licet videam viros doctos prædictam irregularitatem, quæ scilicet habet solum rationem pænæ impositæ propter delictum numerare inter censuras: *Cornexo tract. 3. de censuris disp. 1. dub. 2.* cum alijs, quod non approbo.

19 In Iubilæis, seu Bullis, etiam Cruciatæ, nomine *Confessoris approbati ab Ordinario*, respectu secularium intelligendus est ille, qui

qui approbatus est ab Ordinario loci, seu Diœcesis, vbi administranda est Confessio: sic enim responsum est à Sac. Congregatione Archiepiscopo Valentino: *Approbatum ab alio quàm à Valentino Archiepiscopo in Diœcesi Valentina non censeri approbatum ab Ordinario.* Prosper Augustin. in addit. ad *Quarantam in summ. Bullar. verb. Confessor.* Bonacin. de Sacramen. Pœnit. disp. 5. quæst. 7. punct. 4. §. 1. num. 21. Quamuis multos referat pro contrariâ opinione, forsan, quia non viderunt prædictam declarationem Sac. Congreg. Respectu verò Regularium intelligi potest ille, qui est approbatus à suo Superiori Regulari. Hoc fundatur in benigna interpretatione vocis *Ordinarius*. Vincentius Filiucci *tom. 1. tract. 8. cap. 10.* Bene addens, quòd si in prædictis Iubilæis addatur *Ordinario loci, vel locorum*, tunc non possit interpretari nomine Ordinarii Prælati Regularis. Confessarium autem approbatum ab Ordinario pro viris tantum, & non pro fœminis, posse eligi à fœmina illius Diœcesis, habente priuilegium virtute Iubilæi, vel Bullæ, ad eligendum Confessorem ab Ordinario approbatum, apud aliquos probabile est. Cum verè talis Confessarius sit approbatus ab Ordinario, & fauores sint ampliandi. Henriquez *lib. 6. de Pœnit. cap. 6. num. 8. & lib. 7. cap. 12.* Bonacin. *ut supra. num. 22.* In prædictis etiam Iubilæis, aut Bullis, nonquam venit concessa dispensatio in irregularitate, nisi exprimat. Quia hic est stylus Curiz, vt numquam intelligatur concessa facultas dispensandi in irregularitate, nisi illius fiat expressa mentio. Vide dicta supra *num. 14.* Nauarr. *cap. 27. nu. 250.* Bonacin. *de Irregular. disp. 7. quæst. 1. punct. 2. num. 7.*

20 Confessarii Regulares, qui virtute priuilegiorum volunt absolvere Confratres Confraternitatum suorum Ordinum, debent esse approbati à suis Superioribus, & Ordinariis, nec possunt illos absolvere à casibus contentis in litteris, quæ die Cœnæ Domini legi consueuerunt, necnon violationis immunitatis, & libertatis Ecclesiasticæ, & clausuræ Monasteriorum Monialium, si videlicet sine necessaria, & vrgenti causa, ac sine Superiorum licentia, vel etiam si causa, & licentia concessa abutentes, prædicta Monasteria ingressi fuerint; necnon violentæ manus iniectionis in Clericum; & singularis certaminis, seu duelli, ac ab alijs etiam casibus, tam à Nobis, quàm à nostro in Vrbe Vicario, & locorum Ordinariis, respectiue reseruatis, & pro tempore reseruandis, & etiam à quauis excommunicatione ab homine lata, absolvere, nec super irregularitatibus, tam ex aliquo defectu prouenientibus, quàm occasione delicti contractis, cum aliquo dispensare, prætextu dictorum priuilegiorum. Ita Clemens Octauus

ius in Bulla *Quaecunque à Sede*. anno 1604. edita in 3. tom. Bullar. num. 115. Unde privilegium Clement. VII. Confratribus Carmelitarum concessum, quod habetur tom. 1. Bullar. inter Bullas huius Pontificis, num. 31. magna ex parte reuocatum iam est à Clemente. Octauo.

21 Confessarii audientes secularium confessiones tenentur illos absolueré, etiam à reseruatis, si ad id habeant facultatem, nisi fortè propter iustam, aut legitimam causam, eos ad suos Superiores remittere sit conuenientius. Ratio est, quia licet unusquisque possit renunciare proprio privilegio, non tamen in casu, quo id vergit in damnum, & præiudicium alterius, prout contingit in proposito. Henriquez lib. 7. de Indulg. cap. 28. num. 2. Nauar. in Manual. pral. 9. num. 12.

22 Aliqui tenent posse Confessores Regulares dispensare cum secularibus sibi confitentibus in votis reseruatis Episcopis. Primò, ex privilegio Eugen. IV. concessò Monachis S. Benedicti. Secundò, ex alio eiusdem Eugen. IV. concessò Monachis S. Benedicti Vallisoletani. Tertiò, ex Innocentio VIII. in simili privilegio Minoribus concessò (exceptis votis peregrinationis ultra duas dietas.) Ac tandem ex Martino V. Rodriguez tom. 1. q. 63. art. 3. Miranda in Man. tom. 1. quest. 48. art. 3. qui hoc limitat art. 4. ad vota solum iure communis Episcopis reseruata. Verumtamen non video solidum fundamentum in privilegijs adductis ad hoc quòd Confessores Regulares utantur prædicta facultate dispensandi cum secularibus in votis. In primis enim privilegium illud Eugen. IV. concessum Benedictinis obseruantie Italice obscure satis loquitur ad intentum, ut proinde Rodriguez ut supra dicat nihil valere ad illud, licet oppositum teneat Miranda etiam ut supra. Deinde privilegium aliud eiusdem Eugen. IV. concessum Benedictinis Vallisoletanis, præterquam quòd mihi non constat, an per Bullam, an verò viuz vocis oraculo concessum sit, habet quamdam limitationem, scilicet, quòd Confessarii possint uti prædicta concessione solum in suis Ecclesijs, & non alibi, ut aduerterunt Rodriguez ut supra, & Casarubius in Compend. privileg. Mendic. verb. absolutio quoad secular. 2. nu. 16. Habet quoque aliam limitationem, scilicet pro tribus, aut quattuor Confessarijs solum, ut videre est in eodem Casarubio. Præterea concessio illa Innoc. VIII. fuit solum viuz vocis oraculum, & non authenticum, ut refert idem Casarubius, ut supra nu. 12. De privilegio illo Martini V. non mihi constare potuit, an per Bullam, an verò viuz vocis oraculo concessum sit, & ita consulerem ab hac facultate abstinendum, prout in simili consuluit circa aliam

con-

concessionem Corduba in annotat. ad Compend. priuileg. Mendic. verb. dispensatio §. 17.

23 Possunt tamen Confessores Regulares habentes communicationem priuilegijs cum Benedictinis, & Iesuitis commutare prædicta vota. Primò, ex priuilegio illo Eugenij IV. concessio Benedictinis Obseruantiz Italiz, quod refert idem Casarubius et supr. nu. 19. Secundò, ex Paulo III. qui Patribus Iesuitis Confessarijs facultatem concessit commutandi vota venientium ad se in alia pietatis opera, (*Ultramarinis, Visitationis liminum, Apostolorum Petri, & Pauli de Vrbe, ac S. Iacobi in Compostella, necnon Religionis, & Castitatis votis dumtaxat exceptis.*) Extat hæc Bulla apud Casarubium in Compend. priuileg. Mendicant. Gregor. XIII. extendit etiam hoc priuilegium ad vota iurata, dummodò commutatio in alterius præiudicium non fiat. Omitto ad hoc intentum priuilegia aliquot, quæ adduci solent, quia sunt viuz vocis oracula, quæ his temporibus nihil valent, propter sapius dicta.

24 Vota tamen Papæ reservata, qualia sunt regulariter votum Religionis, Castitatis, Peregrinationis ad Romam, Hierosolymam, vel Compostellam, ex Extrauagant. *Et si Dominici* 2. de *Pœnit. & remis.* quando perfectæ sunt, & absoluta, nec dispensari, nec commutari possunt à Confessarijs. Cum nullum circa hoc extet, quod sciuerim, priuilegium. Dixi, quando perfectæ sunt, quia quando deficiunt à perfectione voti, vel quia animus vouentis solum fuit se obligare ad culpam venialem, aut solum ad pœnam, vel quia ex parte materiæ imperfectæ sunt, vt si sit votum Religionis non approbatæ, vel partis voti Castitatis, scilicet Castitatis coniugalis, tunc etsi dispensari non possint à Regularibus, propter dicta num. 21. videtur tamen posse commutari ab Episcopis, ac per consequens à Confessarijs Regularibus, qui habuerint communicationem priuilegijs cum Benedictinis, & Iesuitis, iuxta dicta etiam num. 23. Peirinis tom. 1. de *Subdito quest. 1. de Obidientia cap. 21. post 4. concl.* referens etiam Sanchez. Dixi etiam, quando sunt absoluta, quia quando tantum sunt conditionata, & pœnalia, possunt commutari, secundum aliquos. Eò quòd talia vota, cum non sint simpliciter voluntaria, quia non emissa ex deuotione ad ipsa, non præsumuntur reservata à Pontificibus. Cordub. in *Summ. q. 52. Aragon. 2. 2. quest. 88. art. 12.*

25 Possunt (secundum plures) Confessores aliqui Regulares cum coniugibus incestuosus post contractum Matrimonium ad petitionem debiti dispensare ex priuilegio Martini V. concessio Benedictinis, & con-

& confirmato à Iulio II. & ex viuz vocis oraculo Pij V. qui Minoribus concessit, *quòd fratres Confessarii, si sint viri docti, & iuxta formam Concilii Tridentini approbati, ex commissione Provincialis dispensare possint in foro conscientie tantum ad petendum debitum cum his, qui consanguineum, vel consanguineam sui coniugis post Matrimonium carnaliter cognouerunt.* Rodriguez to. 1. *quæst. 63. art. 1.* Miranda tom. 1. *quæst. 47. art. 1.* Est verò aduertendum, quòd cum omnia viuz vocis oracula abrogata sint hoc tempore à Sanctiss. D.N. Urbano, vt diximus *cap. 3. nu. 21.* nihil iam valet prædictum viuz vocis oraculum Pij V. Vnde ex vi illius non habent Confessores Regulares tale priuilegium dispensandi cum coniugatis incestuosus, habebunt tamen illud ex Martino V. adductis Benedictini, & qui cum illis habeant communicationem priuilegiorum, nisi fortè tales concessiones sint etiam viuz vocis oracula, quod mihi non constat. Securius tamen est huiusmodi concessionibus non uti, vt consuluit Corduba in *annotat. ad Collect. Priuileg. Mendicant. circa quandam similem concessionem Innoc. VIII. verb. dispensatio. §. 17.*

26 Similiter quamuis multi velint posse aliquos Confessores Regulares dispensare cum illis, qui voto facto de castitate, contraxerunt, ad petitionem debiti, propter viuz vocis oraculum eiusdem Pij V. (Rodriguez to. 1. *quæst. 63. art. 2.* Miranda in *Man. tom. 1. quæst. 47. art. 2.*) Quia tamen huiusmodi viuz vocis oracula his temporibus abrogata sunt, non possunt Confessarii uti prædicta concessione.

27 Confessores Regulares Ordinis Prædicatorum, & Minorum, & qui cum ipsis communicant in priuilegijs, videtur posse semel in vita absoluerè plenariè Religiosos sui Ordinis ex priuilegio Sixti IV. quod refert Casarubius in *Compend. priuileg. Mendicant. verb. absolutio extraordinaria quoad fratres nu. 6.* Sed adiunxit Pontifex hoc priuilegium esse intelligendum *in forma Confessionalis per ipsum edita*, quod Casarubius ibidem intelligit de Confessione ab ipso Pontifice facto in quadam Bulla, quæ incipit, *Et si Dominici gregis*, quam etiam refert in *verb. excommunicatio §. alterum sciendum*, ubi excipiuntur plures casus à quibus vult Pontifex non posse absolui Religiosos. Deinde id possunt facere in certis anni festiuitatibus ex alijs concessionibus Leonis X. factis Monialibus S. Claræ. Lege eundem Casarubium in *Compend. verb. absolutio extraordinaria quoad fratres §. 8. & 9.* Aduerte, tamen vsum istorum priuilegiorum debere esse dependentem à voluntate Superiorum, & non alijs, iuxta dicenda infra *num. 19.* ex Clem. VIII. Urban. VIII. & alijs. Omitto alias concessionès Six-

ti IV. Eugenij IV. & Leonis X. quas refert idem auctor, *ibidem* §. 3. 5. & 7. quia sunt viuz vocis oracula, quæ his temporibus nihil valent. Alia etiam priuilegia refert Miranda in *Manual. tom. 2. q. 33. art. ult.* quæ etiam non refero, quia mihi non constat an sint viuz vocis oracula, aut quæ conditiones in illis adiungantur. Vide Compendium Priuilegiorum Ordinis Diui Hieronymi, & Societatis Iesu *tit. dispensatio*.

28 In articulo etiam mortis possunt prædicti Confessores Regulares plenariè absoluerè Religiosos ex priuilegio Sixti IV. iam adducto, quod refert idem Casarubius *ibidem* §. 6. Affertur etiam priuilegium Benedicti XIII. concessum Benedictinis, sed illud omitto, quia fuit viuz vocis oraculum (Casarubius, *ut supra* §. 11.) Alia etiam referuntur Innocentij VIII. & Nicolai V. Miranda in *Man. tom. 2. q. 33. art. 7.* Illa tamen prætermitto, quia scire non potui an sint, vel non viuz vocis oracula. Specialitèr tamen pro Carmelitis extat concessio Eugenij IV. in Bulla *Romani Pontificis*, quæ habetur in fine Constitutionum, in qua singulis fratribus dicti Ordinis, qui Regulam Carmelitarum ab ipso moderatam obseruauerint, omnium peccatorum suorum plenam remissionem per Superiores Religionis, vel alium quemcunque idoneum Sacerdotem Ordinis concedit, cum certis tamen conditionibus *ibidem* assignatis. Peccata autem virtute prædictorum priuilegiorum in mortis articulo semel confessa, & absoluta etiam si sint reseruata, non tenetur ea iterum infirmus confiteri, si non moriatur. In quo differt hic modus absolutionis in articulo mortis per ista priuilegia ab ea, qui fieret à quocunque Sacerdote, seu alio Confessore non habente illa. *Sot. in 4. dist. 18. quæst. 4. art. 4. Suarez 4. tom. de Relig. tract. 8. lib. 2. cap. 19. nu. 15.* Circa modum, & formam prædictæ absolutionis præstandæ, vide Mirandam in *Man. tom. 2. quæst. 33. art. 8.* Suarez 4. tom. de Relig. tract. 8. lib. 2. cap. 19. nu. 8. An verò Indulgentia Plenaria, quæ in articulo mortis per hanc formam absolutionis Religiosis concedi solet, reuocata sit à Paulo V. constat ex dictis *cap. 3. num. 19.* Circa vsum etiam horum priuilegiorum, vide dicta *numero præcedenti*.

29 Non possunt Religiosi, cuiuscunque Ordinis sint, eligere sibi Confessorem aliquem præter illum, vel illos, qui à suis Prælati eorum Confessionibus audiendis destinati sunt, aut absolui à casibus prædictis Superioribus reseruatis, virtute Bullæ Cruciatæ, aut quorumcumque aliorum indultorum, aut priuilegiorum Religionibus concessorum. Non solum, quia nunquam Pontifices hæc priuilegia concedere credendum est, nisi dependen-

ter

ter à voluntate Superiorum, quoad illorum vsum, aliàs Regulari disciplinæ multum inde derogaretur. Est enim regula iuris in 6. cap. 2. de Pœnit. & remiss. sub clausula generali non comprehenduntur particularia, quæ non esset quis verisimiliter in specie concessurus. Sed etiam, quia id expressè declaratum est à Clem. VIII. in Bulla *Romani Pontificis* ann. 1599. ad instantiam Procuratoris Generalis Carmelitarum edita, & habetur 3. tom. Bullarj numero 64. vbi habetur: Talem concessionem Sanctæ Cruciatæ, & aliorum Indultorum particularium quantum ad prædictum articulum eligendi Confessorem, & absoluedi à casibus reservatis, cum Fratribus, & Sororibus Monialibus Ordinis prædicti, ac aliorum, quorumcunque Ordinum, & Congregationum cuiusvis instituti Mendicantium, & non Mendicantium, tam Provinciæ Hispaniæ, quam extra eam vbilibet, locum minimè habere, neque censi, sed suæ intentionis existere, quod iidem Fratres, & Moniales, quantum ad Sacramentum Pœnitentiæ, seu Confessionis administrationem dispositioni suorum Prælatorum subiecti sint. Eisdem tamen Prælati, vt in usu huiusmodi potestatis se cum subditis benignos, & faciles exhibeant, præcipit, & mandat. Quaranta verb. Confessor. Post quæ SS. D. N. Urbanus Papa, anno 1630. die 19. Iunij, prædictam Constitutionem Clementis Octavi innouauit pro Ordine Prædicatorum, ac alijs Religionibus (vt habetur 4. tom. Bullar. inter Bullas Urbani num. 105.) ac motu proprio ampliauit, fere per similia verba, scilicet prædictam Bullam Cruciatæ, & alia quæcunque indulta Religionibus concessa, Quantum ad prædictum articulum eligendi Confessarium, & absoluedi à prædictis casibus reservatis, etiam in Bulla Cæne Domini contentis, cū Fratribus, & Monialibus prædictis Fratrum Prædicatorum, ac aliorum quorumcunque Ordinum, Congregationū, Societatisque, & Instituti prædictorum Mendicantium, & non Mendicantium, tam Prouinciæ Hispaniæ, quam extra eam vbilibet constitutorum, locum minime habuisse, neque habere, nec illis vllō modo suffragari potuisse, neque posse, sed nostræ intentionis fuisse, & esse, quod iidem Fratres, & Moniales, quantum ad Sacramenti pœnitentiæ, seu Confessionis administrationem ordinariæ dispositioni suorum Prælatorum, & Sedi Apostolicæ, quo ad sibi reservata, subiecti sint, earundem tenore præsentium perpetuò declaramus. Extat etiā pro hac parte Decreta Pij V. Greg. XIII. & declaratio DD. Cardinalium facta ad instantiam Patriarchæ Valentini pro Monialibus Episcopo subiectis. Cordub. in annot. sup. Regul. S. Francisçi cap. 7. quæst. 8. punct. 2. Suarez tomo 4. de Relig. tract. 8. lib. 2. cap. 16. Miranda 2. tom. Man. q. 34. ar. 15.

30 Qui dubitat, an sit idoneus ad audiendas confessiones, Superiorum præcepto excusatur; non autem si sciat certò se ad id munus esse ineptum. Quia in dubijs standum est iudicio Superiorum, non in euidenter malis. Emman. Sa in *Summ. verb. Confessorum. 10.*

31 *Confessores, qui in domibus Laicorum Cõfessiones ex causa audierint, statim Parochum admonere teneantur, & fidem audita confessionis, pro medico adueniente relinquere.* Ex S. Congregat. die 2. Iulij 1587. Quaranta in *Summ. Bullar. verb. priuileg. Regul.* Vide num sequenti.

32 Extat etiam Romæ Decretum Congregationis S. Apostolicę Visitationis de mandato Sanctiss. D. N. Urbani VIII. quo præcipitur omnibus, & singulis Confessarijs, tam secularibus, quàm cuiusvis Ordinis, Congregationis, Instituti, & Societatis, etiam de necessitate exprimendę Regularibus, quocumque nomine nuncupatis, cuiusvis gradus, & dignitatis in suo Ordine, ne impostorũ tam Virorum, quàm Mulierum, cuiuslibet qualitatis, vel conditionis existant, præterquàm si graui infirmitate detenti, vel detentę sint, Sacramentales Confessiones, in illorum, seu illarum, vel etiam alienis sedibus, audiant, nisi de licentia Illustrissimi Cardinalis Urbis Vicarij, seu Reuerendissimi D. eius Vicegerentis, in scriptis concedendę (exceptis tamen Illustrissimorum, & Reuerendissimorum DD. Cardinalium, & Principum virorum secularium, videlicet Oratorum Regum, & magnorum Principum, nec non, & Ducum, ac Roman. Pontif. qui fuerunt, vel pro tempore erunt Nepotum) hoc etiam addito, vt iidem Confessarij in mulierum huiusmodi Sacramentalibus confessionibus audiendis, cubiculi ianuam apertam, ac velum leuatum semper habeant, itaut conspici, non autem audiri possint: Sacramentumq; Confessionis huiusmodi Confessarij seculares cum superpelliceo, & stola, Regulares verò cum stola ministrent in Ecclesia, nisi ex rationabili causa audire aliquos in Sacrario, seu alio decente loco, quandoq; occurrat. Contrafacientes non solum suspensionis à Confessionibus audiendis, verum etiam alias pœnas arbitrio eiusdem Sac. Congregationis eo ipso incurrant. Insuper Confessarijs huiusmodi sub eisdem pœnis iniungitur, vt si eos vigore facultatum, eis concessarum, Confessiones infirmorum huiusmodi in priuatis domibus audire contigerit, Parochum dictorum infirmorum, huiusmodi ante, vel saltem eadem die, qua Confessionem audierint, absolutionemq; infirmis impartiti fuerint, certiore reddere debeant. Vide Augustin. Barbofam de *Offic. & Potest. Parochi cap. 19. num. 23.*

286 De obligationibus Confessariorum Regularium

33 Confessores, qui (quòd absit) mulieres, dum eas in confessione audiunt, ad actus inhonestos prouocant, puniuntur à Tribunali S. Inquisitionis. Ex Bulla Pij IV. quæ incipit, *Cum scüt nuper*. Licet enim ea tantùm sit pro Regnis Hispaniarum, tamen Gregor. XV. in Constit. quæ incipit, *Vniuersi Dominici* ann. 1622. & habetur 4. tom. Bullar. inter Bullas huius Pontificis num. 34. illam extendit non solum pro quibusvis Christiani orbis partibus, sed ad multa etiam alia vitia concernentia. Primò enim quoad personas vult prædicta Constitutione comprehendi omnes, & singulos Sacerdotes, tam seculares, quàm quorumvis etiam quomodolibet exemptorum, ac Sedi Apostolica immediatè subiectorum, Ordinum, Institutum, Societatum, & Congregationum Regulares, cuiuscumque Dignitatis, & præminentia, aut quouis priuilegio muniti existant. Deinde, quoad delinquentes, voluit comprehendi supradictos, qui personas, quacumque illæ sint, ad inonestà, siue inter se, siue cum alijs quomodolibet perpetranda in actu Sacramentalis Confessionis, siue ante, vel post immediatè seu occasione, vel prætextu Confessionis huiusmodi, etiam ipsa Cõfessione non sequuta, siue extra occasionem Cõfessionis in Confessionario, aut in loco quocumque ubi Confessiones Sacramentales audiantur, seu ad Confessionem audiendam electo, simulantes ibidè Cõfessiones audire, sollicitare, vel prouocare tentauerint, aut cum eis illicitos, & inhonestos sermones, siue tractatus habuerint. De quibus etiam delinquentibus loquens, vult, quòd in officio Sanctæ Inquisitionis seuerissimè, ut infra puniantur. Postea verò grauissimis pœnis designatis, quibus tam enorme delictum puniri præcipit, probatum esse concedit, & declarat, testibus etiam singularibus, concurrentibus præsumptionibus, indicijs, & alijs adminiculis. Subiungit tandem pro Confessarijs, qui talia cognouerint. Mandantes omnibus Confessarijs, ut suos pœnitentes, quos nouerint fuisse ab alijs, ut supra sollicitatos, moneant de obligatione denunciandi sollicitantes, seu, ut præfertur, tractantes, Inquisitoribus, seu locorum Ordinarijs prædictis. Quòd si hoc officium prætermiserint, vel pœnitentes docuerint non teneri ad denunciandum Confessarijs sollicitantes, seu tractantes ut supra, ydem locorum Ordinarij, & Inquisitores illos pro modo culpæ punire non negligant.

34 In hac Constitutione non comprehenduntur mulieres sollicitantes Confessarium. Quia solum loquitur de Confessarijs sollicitantibus. Peirinis tom. 2. priuileg. Minim. in Constit. 4. Gregor. XV. num. 8. Nec etiam comprehenduntur qui ministrantes Baptismum, Eucharistiam, vel Matrimonium faciunt, ipsam sollicitarent. Quia Pontifex solum loquitur de ministro Sacramenti pœ-

ni-

nitentiæ. Sanctarellus tract. de heres. cap. 46. num. 5. Bonacina de onere denunciand. disp. 6. punct. 3. num. 14. Verumtamen comprehenduntur non solum Confessores sollicitantes feminas, sed etiam (quod absit) sollicitantes pueros ad aliquem actum inhonestum, quia id exprimitur illo verbo, *personas quacunque illa sint*. Et hoc siue sit in actu Sacramentalis Confessionis, siue ante, vel post immediatè, seu occasione, vel prætèxtu Confessionis, etiam ipsa Confessione non sequuta, ut ibi dicitur. Vnde Confessor, qui audiens in Confessione feminam esse leuem, ipsaque finita, lenonem mittit ad domum ipsius, ut eam sollicitet, comprehenditur hac Constitutione, cum hoc faciat occasione Confessionis. Graffis *tomo 1. conf. lib. 4. de cognat. spirit. conf. 1. à nu. 37. & de cas. res. lib. 2. cap. 12. num. 30.* Idem dico si Confessarius sollicitet feminam, ut consentiat alteri, aut ut tradat ei, v.g. suam filiam. Quia hoc exprimitur illis verbis Constitutionis, *siue inter se siue cum alijs*. Graffis *ut sup. num. 41. & 42.* Sanctarellus tract. de heres. cap. 44. nu. 19. Idem etiam dico si Confessarius non verbis expressis, sed solum tacitis, & occultis alliciat penitentes. Quia etiam hoc est abuti Sacramento penitentiæ. Peirinis *tom. 2. priu. Minim. in Constit. 4. Gregor. XV. num. 21.* Barbosa de Offic. Parochi cap. 19. à num. 49. Et quod magis est comprehenduntur etiam illi qui *extra occasionem Confessionis in Confessionario, aut in loco quocunque ubi Confessiones Sacramentales audiuntur, seu ad Confessiones auditas electo*, talia faciant. Limitatur tamen hoc vltimum de Confessionario, aut loco ad Confessionem electo, si hoc fiat simulando Confessionem. Quia dicitur *simulantes ibidem Confessiones audire*. Vnde videtur dicendum quod si quis in prædicto loco similia per petrauerit non simulando audire Confessiones, ut si per noctem, verbi gratia, in tali loco Confessarius faceret aliquid inhonestum cum aliquo suo penitente, non comprehenderetur ista Constitutione. Rodrig. *tom. 2. quest. 27. art. 1. & 2.* Quaranta in *Summ. Bullar. verb. Confessor, circa explicationem Bullæ Pij Quarti adductam*. Deinde non comprehenditur Confessor sollicitans ad alia peccata non carnalia, quia Constitutio solum loquitur de sollicitante *ad inhonestum*. Peirinis *tom. 2. priuilegijs. Minim. in Constit. 4. Gregor. XV. num. 7.* Nec qui consentit mulieri sollicitanti, quia iste non est sollicitator. Peirinis *num. 9. & 10.* Insuper, ut ex prædicta Constitutione habetur, tenentur Confessarii monere penitentes, quos sciuerint ab alijs sollicitatos, ut denuncient S. Officio, & illos non absoluerè si renuerint obedire. (Rodriguez *tom. 2. quest. 27. ar. 1.* Sanctarellus *ut supra cap. 46.*) Nisi fortè sollicitati credant, Confessorem sollicitantem esse fraternè corrigibilem, aut esse emen-

datum, aut confessum suum delictum coram Inquisitoribus, aut timeant ex denunciatione periculum mortis, vulneris, truncationis membri, infamiae, vel amissionis honoris. In his enim, casibus excusari poterunt penitentes à denunciatione. Cautissimè tamen procedere debent Confessarii circa penitentes ab alijs sollicitatos. Peirinis *ut supra à num. 26. & sequentibus*. Non tamen tenentur isti sollicitati manifestare suum crimen, si forte Confessariò sollicitanti consenserunt, sed denunciare sollicitationem non detegendo suum defectum. Bonacina *ut supra nu. 10.*

33 Præterea Gregor. XV. in Constitut. de exemptorum privilegijs ann. 1622. edita (4. tom. *Bullar.* inter Bullas Gregorij XV. num. 18) statuit, & declaravit. Vt deinceps tam Regulares, quam seculares quomodolibet exempti, siue animarum curam personarum secularium Monasterijs, seu domibus Regularibus, aut quibuscumque alijs Ecclesijs, vel beneficijs siue regularibus, siue secularibus incumbentem, exerceant siue alijs Ecclesiastica Sacramenta, aut vnum ex illis ministrent prævia Episcopi licentia, & approbatione; siue quoquo modo in dictæ curæ exercitio, aut in eorumdem Sacramentorum, vel alicuius ex illis administratione, de facto absque vlla auctoritate se ingerant, in his, quæ huiusmodi curam, seu administrationem concernunt, omnimodæ iurisdictioni, visitationi, & correctioni Diocesani Episcopi, tamquam Sedis Apostolicæ delegati, plenè in omnibus subijciantur. Quia tamen dura videbatur huiusmodi Constitutionis determinatio, ideo S. Congregatio Concilij censuit, *Constitutionem hanc nequaquam subijcere Regulares exemptos, quibus cura animarum personarum secularium non incumbit Episcoporum iurisdictioni in his, quæ Sacramentorum administrationem concernunt, nisi cum in Sacramentis personis secularibus administrandis ydem Regulares delinquant.* Similiter cum dubitaretur, an Episcopi possint Regularibus præscribere, ut certis tantum in locis, ac temporibus, aut certarum personarum Confessiones audiant, vel alias eorum privilegia restringere, ac moderari in Sacramentis administrandis. Respondit eadem S. Congregatio. *Hac in parte Constitutionem nihil novi iuris induxisse, nec ullam novam auctoritatem Episcopis attribuisse. Quod si aliunde Episcopis huiusmodi facultas competat, illam non fuisse ab eadem Constitutione sublatam.* Vide. 4. tom. *Bullar.* post Constitutionem 18. Gregor. XV. Nota etiam huiusmodi Constitutionem iussu SS. D. N. Urbani suspensam fuisse pro Regnis Hispaniarum, ut constat ex Breui Nuntij Apostolici tunc temporis existentis, nunc verò Eminentiss. Cardin. Sacchetti 21. April. ann. 1625.

36 Ex Decreto etiam Clementis Octauī super casuum referuatione approbato, & innouato à Sacra Congregatione Concilii Sanctissimi Domini nostri Papæ Urbani Octauī die vigesima prima Septemb. 1624. statuitur pro Cōfessarijs Religiosorū, quòd nō liceat Superioribus Regulariū Confessiones subditorum audire, nisi quando peccatum aliquod referuatum admiserint aut ipsi met subditi spontē, ac proprio motu, id ab ijs petierint. Item quòd Superiores in singulis domibus deputēt duos, tres, aut plures Confessarios pro subditorum numero, maiori, vel minori, ijsq; sint docti, prudentes, ac charitatē pradi, qui à non referuatis eos absoluant, & quibus etiam referuatorum absolutio committatur, quando casus occurrerit, in quo eam debere committi ipse in primis Confessarius iudicauerit. Præterea decernitur, quòd tam Superiores pro tempore existentes, quàm Confessarij, qui ad Superioritatis gradum fuerint promoti, caueant diligentissimē, ne ea notitia, quam de aliorum peccatis in Confessione habuerunt, ad exteriorem gubernationem vtantur. Subiungitur etiam. Licebit tamen Superioribus determinare penitentiæ graues quibuldam peccatis, etiam non referuatis, à Confessarijs imponendas, quz subditos ab huiusmodi perpetrandis cohibere possint. Atque ita per quoscumque Regularium Superiores, quicumque illi sint obseruari mandauit. Non obstantibus, &c. Sanctitas sua deinceps declarauit, quòd si huiusmodi Regulariū Confessarijs casus alicuius referuati facultatem petentibus Superior dare noluerit, possint nihilominus Confessarij illa vice penitentes Regulares, etiam non obtenta à Superiore facultate, absolvere. Vide dicta *cap. 18. num. 29.*

37 Circa quē primò animaduertendum est, quòd si subditus habens casus referuatos petat confiteri alteri, non teneri Superiorem concedere illi facultatem, vt possit confiteri cuicumque voluerit, sed posse designare aliquem, vel aliquos, cui, vel quibus solum confiteatur. Ratio est, nam referuatio casuum ad hoc fit, vt grauiora delicta grauius corripī, & melius emendari possint, ad quod requiritur, quòd Prælatus designet doctiores, & grauiores personas. Suarez *tomo 4. in 3. par. disp. 30. sect. 4. Longus de casib. referu. p. 1. sect. 1. ar. 17. num. 10.* Similiter quando Confessarius petit licentiam absoluedi aliquem à casu referuato, non tenetur Prælatus, etiam pro prima vice, talem facultatem concedere, nisi talis Confessarius putetur idoneus pro illò munere exequendo. Quia non est credibile Pontificem voluisse hanc facultatem concedi Confessario non idoneo pro absolutione talis casus. Suarez *to. 4. in 3. p. disp. 30. sect. 4. num. 1.* Laurentius de Peirinis *tom. 1. priuileg.*

Minim. in Conf. 2. Iulij II. §. 24. nu. 39. si verò pœnitens pro secunda, aut tertia vice inciderit in casum aliquem referuatum, & Prælatus Confessario petenti facultatem ad illum absoluendum, illam dare noluerit, si habeat necessitatem celebrandi, vel communicandi, quidam dicunt, habita contritione, vel probabili estimatione eius posse communicare, non præmissa confessione, tamquam is, qui non habet copiam confessoris. Hoc verò solum est admittendum quando timet, quòd Prælatus abutetur scientia Cõfessionis, & inde timeat aliquod malum, vel fractionem sigilli, non tamen, quando solum ob ruborem, & verecundiam non vult confiteri Prælato. Quia in primo casu habet sufficientem excusationem, non in secundo. Imò etiam in tali prædicto casu potest, & vt credo, debet confiteri Confessario habenti facultatem, absoluedi à non referuatis confitendo illi aliqua peccata non referuata saltem aliàs confessa, & sic celebrare, aut communicare. Quia tunc prædictus Cõfessarius absolvere illum poterit ab omnibus peccatis, à non referuatis directè, à referuatis verò indirectè. Vide Suarez 4. 10. de Relig. tract. 8. lib. 2. cap. 19. num. 22. & 23. Vide etiam dicta supra cap. 18. circa facultatem, quam habent Prælati in casibus referuandis num. 29.

38 Possunt (secundum plures) Confessarii Regulares, qui communicant in priuilegijs cum Iesuitis, approbati ab Ordinario legitime ad Confessiones audiendas, etiam non graduati, litteras, seu breuia Sacre Penitentiariæ, quæ communiter Magistris Theologiæ, vel in lure Canonico Doctoribus destinantur, auditis Confessionibus ad eos recurrentium, impositaque pœnitentia in litteris expressa, vel de lure imponenda, ac in foro conscientiæ, quascumque siue verbo, vel scripto missas absolutiones, dispensationes, & penitentiarum iniunctiones accipere, & exequi. Propter priuilegium Gregorij XIII. concessum Sacerdotibus Societatis Iesu. Sorbus in compend. verb. Confessores in fin. Sanchez lib. 8. de Matrim. disput. 34. nu. 11. Vide Bullam inter Constitutiones Gregor. XIII. nu. 75. in 2. 10. Bullar. & aduerte non esse securum potiri hoc priuilegio, etiam per viam cõmunicationis, illas Religiones, quorum Religiosi gradus Doctoratus admittunt, quia titulus ratione cuius hoc concessit Pontifex Patribus Societatis est, quia ipsi non solent ad tales gradus promoueri. Quæ ratio cessat in alijs Religiosis tales gradus admittentes.

39 Licitum est Confessarijs Regularibus eleemosynas à penitentibus datas recipere, non ratione Confessionis, nec absolutionis, sed per modum simplicis eleemosynæ. Cum in hoc nulla deformitas reperiatur, quin potius rationi consentaneum sit, vt qui in

Sa-

Sacrario operantur quæ de Sacrario sunt edant, vt inquit Apostolus primæ Corinth. 9. Laurentius de Peirinis tomo primo de Subdito quaestione 1. de Obed. cap. 21. Iniungere autem Missas pro pœnitentia, licet res indifferens appareat, nihilominus non debet fieri à Confessarijs, ne pœnitens suspiceret ex avaritia iniunctam sibi fuisse talem pœnitentiam. Conradus secunda parte respons. quaestione 358. Laurentius de Peirinis vt supra. Vide Bonacinam de Simonia quaestione 4. §. 16. numero 10.

40 Qui verò pro Sacramentorum administratione pretium aliquod recipiunt Simoniaci sunt, *ea. cum in Ecclesiæ, ea. non satis. Sanctus Thomas 2. 2. quaest. 100. art. 2. Silvester verbo Simonia num. 8. Et quamuis in Iure specialis pœna non sit illis designata, generales tamen Simoniacorum pœnas incurrunt, & ita deponuntur cap. sicut de Simonia. Alderete lib. 2. de Relig. discipl. capit. 16. num. 47. Simonia etiam committitur dando, vel accipiendo pecuniam pro leui pœnitentiâ iniungenda in Sacramento Confessionis, nam impositio pœnitentiæ est actus Clauium. Bonacina de Simonia q. 4. §. 16. num. 5.*

41 Sacerdos Regularis sine Ordinarij facultate Confessiones audiens (præterquam quòd confessio est nulla propter dicta supra num. 2. ex Concil. Tridentino) committit crimen depositione dignum *cap. placuit de pœnit. distinct. 6. Nauarrus ibidem. Rodriguez to. 2. quaest. 37. art. 1. Regularis etiam Confessarius sine sui Superioris licentia Confessiones audiens præter particulares pœnas in specialibus Statutis Religionû designatas, grauissimæ pœnæ inobedientium plectendus est. Sotus in 4. distinct. 18. quaest. 4. art. 3. Redriguez tom. 2. quaest. 37. art. 1. Qui verò non Sacerdos Confessiones audierit punitur à S. Inquisitione, iuxta dicta cap. 10. num. 22. Vide etiam supra num. 12.*

42 Confessarij, qui (quod absit) Confessionis secretum detegunt, olim perpetuò depositi omnibus diebus vitæ suæ ignominiosè peregrinare cogebantur *cap. Sacerdos de pœnit. distinct. 6. Hodie verò ex Concilio Generali sub Innocentio Tertio perpetuò deponendi sunt. Sed ne in Ordinis Sacerdotalis ignominiam peregrini vagarentur, in arctum Monasterium detrudi præcipiuntur, vt ibi pœnitentiam vsque ad mortem agant. Nauarrus in d. cap. Sacerdos num. fin. Alderete lib. 2. de Relig. discipl. cap. 19. num. 2. Barbosa de Offic. Parochi cap. 19. num. 55. Non tamen huiusmodi Sacerdotes sunt irregulares. Suarez 4. tomo in 3. par. disput. 32. sect. 8. Alderete vt supra num. 3.*

43 Confessarij absoluentes aliquem à casibus in Bulla Cenzæ Domini contentis, excommunicationis sententia innodantur in


prædicta Bulla §. 23. Deinde Religiosi præsumentes absoluerunt excommunicatos à Canone, nisi in casibus à Iure expressis, aut gratia Sedis Apostolicæ concessis, vel excommunicatos à sententijs per Statuta Prouincialia, vel synodalia, sunt ipso facto excommunicati, & absolutio reservatur Papæ. Vt habetur in Clementina de Priuilegijs cap. Religiosi. Diu. Antonin. 3. par. tit. 24. cap. 54. Caietan. in Summ. tit. excommunic. cap. 64. Religiosi verò absoluentes ab excommunicatione lata ab homine, non incurrunt in excommunicationem (intellige nisi talis excommunicatione lata etiam sit contra absoluentes) peccant tamen mortaliter, & inualidè absolunt. Sorbus in Addition. ad Compend. priuileg. Mendic. verb. confession. & confess. §. 2. notandum.

44 Tenentur Confessarij omnes ad audiendas peccatorum Confessiones quauis autoritate deputati, sicut, & Patriarchæ, Archiepiscopi, Episcopi, alijque locorum Ordinarij, & Ecclesiarum Prælati, necnon Rectores, ceterique curam animarum exercentes, ac Presbyteri seculares, & quorumuis Ordinum Regulares, habere penes se transumptum Bullæ quæ vocatur de Cæna Domini, eamque diligenter legere, & studere. Ita enim præcipitur in eadem Bulla, vt patet in ea, quæ est SS. D. N. Urbani VIII. & habetur inter Bullas ipsius 4. tom. Bullar. num. 62. Quaranta in Summ. Bullar. verb. excommunicatio in Bulla. Barbosa de Offic. Parochi cap. 19. num. 61. Tenentur etiam Curati Regulares interesse cum alijs Curatis Congregationi casuum conscientiarum. Ita enim determinatum est à S. Congregatione Episcop. & Regular. 13. Octobr. 1592. Et ita video Romæ obseruari. Gauantus in Man. Episcop. verb. Cleri Conuentus nu. 2. & verb. Parochorum munera à nu. 27. Vbi, & alia.

45 Qualiter, & à quibus examinandi, & approbandi sunt Regulares ad audiendas Confessiones nedum secularium, sed etiam Religiosorum eiusdem Ordinis, vide Decretum Clem. VIII. & S. Congregat. sub Sanctiss. D. N. Urbano, quod attulimus cap. 18. num. 79. Pro penis etiam, quas incurrunt Religiosi Confessarij, qui suis penitentibus conscientiam non faciunt de soluendis decimis, vide cap. 9. num. 26.

De Concionatoribus Regularibus, eorumque obligationibus.

C A P. X X.

1  ON possunt Regulares exercere munus Concionatorum, nisi à Superioribus de vita, moribus, & scientia examinati, & approbati fuerint, ac de eorum licentia. Ita enim habetur in Conc. Trident. sess. 5. cap. 2. Nauarrus in Man cap. 25. num. 141. & 143. Vnde Regularis prædicans absque sui Superioris licentia peccat mortaliter. Nauarrus num. 141. Incurrere etiam excommunicationem Papalem ex Leone X. in Concilio Lateranensi docent Zerola in praxi verb. Prædicat. num. 2. p. 1. Reginaldus lib. 18. num. 119. Priuantur etiam officio prædicandi ab eodem Leone X. Vide Bullam tom. 1. Bullar. inter Bullas Leonis, num. 21. Peccant etiam mortaliter Prælati, qui subditos non examinatos de vita, moribus, & scientia, aut non idoneos, permittunt prædicare. Tum ex Conc. Trident. tum ex Leone X. tum ex scandalis, quæ inde solent euenire. Peirin. de subdita quest. 1. de Obed. cap. 22. Vide circa hoc Decretum Clem. VIII. & Urbani VIII. cap. 18. num. 79.

2 Deinde quicumque Regulares, ad prædicandum in Ecclesijs, quæ suorum Ordinum non sunt, ultra licentiam suorum Superiorum, etiam Episcopi licentiam habere teneantur sine qua in ipsis Ecclesijs non suorum Ordinum nullo modo prædicari possint. Ita habetur etiam in eodem Conc. loco citato. Ad prædicandum verò in Ecclesijs suorum Ordinum non requiritur licentia Episcopi, sed solum suorum Superiorum licentia, & quòd cum ipsa personaliter se coram Episcopis præsentare, & ab eis benedictionem petere teneantur. Concil. ibidem. Ex quo habetur, ad prædicandum Regulares extra suas Ecclesias requiri non solum examen & approbationem Superiorum Religionum, de vita scilicet, moribus, & scientia, sed etiam licentiam ipsorum, & vterius Episcopi quoque licentiam; ad prædicandum verò intra suas Ecclesias minus requiri, scilicet examen, approbationem, & licentiam suorum Superiorum, & præsentare se Episcopis, ab eisque benedictionem postulare. Hoc est, ut puto, quòd Episcopus non contradicat, quòd videtur exprimi à Concilio sess. 24. cap. 4. illis verbis: Nullus autem secularis, siue Regularis, etiam in Ecclesijs suorum Ordinum

num, contradicente Episcopo, prædicare præsumat. Miranda in *Man. tom. 1. quæst. 50. ar. 2.* Peirinis *tom. 1. de subd. quæst. 1. de Obed. cap. 22.* Vide circa hoc declarationes aliquot Sac. Congreg. Episc. apud Gauant. in *Manual. Ep. verb. Concio sacra. num. 16. 51. 52. 53. & 54.*

3 Nihilominus prædictos prædicatores Regulares, qui absque licentia Episcopi prædicauerint, in Ecclesijs, quæ suorum Ordinum non sunt, tametsi Decreto Concilij contraxerint, non posse tamen puniri ab Episcopo, sed tantum à suis Superioribus Regularibus, declarauit Sac. Congregatio ann. 1602. per verba adducta. Flau. Cherub. in *Comp. Bullar. tom. 2. sup. Bull. 41. Pij V.* Postea verò Gregorius XV. in Constit. de *Exemptorum priuileg.* anno 1622. edita declarauit, quòd Episcopus tamquam Sedis Apostolicæ delegatus habeat auctoritatem coercendi, ac puniendi quoscumque exemptos tam seculares, quàm Regulares, qui in alienis Ecclesijs, aut quæ suorum Ordinum non sunt, absque Episcopi licentia, & in Ecclesijs suis, aut suorum Ordinum, non petita illius benedictione, aut ipso contradicente, prædicare præsumperint. Pro huius tamen Constitutionis moderatione Religiones supplicauerunt, & pro Regnis Hispaniarum suspensa est, vt diximus *ea. 19. num. 35.* Addunt plures Episcopum non posse hanc benedictionem negare, & quòd si neget, nihilominus posse Regulares in suis Ecclesijs prædicare Eò quòd Concilium solum dicit, quòd *teneantur petere benedictionem*, nec dicit, & illam obtinere. Præsertim, quia benedictio iure petita, si iniuste negetur, videtur iure concessa. Henriquez *lib. 6. de pœnit. cap. 13. num. 4.* dicens, hoc censuisse Sac. Congregationem ann. 1597. Laurent. de Peirin. *tom. 1. de subdito. quæst. 1. de Obed. cap. 22.* Vide Gauantum in *Man. Episc. verb. Regular. iura sub Episc. num. 35. & 36.* referentem aliquas declarationes Sacræ Congregationis Episcoporum, & Regularium circa hoc.

4 Non obstante etiam prædicta doctrina Concilij, putant alii qui posse Regularem doctum, & idoneum prædicare pro duabus, aut tribus vicibus, solum de licentia Parochi, in sua Parochia. Henriquez *lib. 7. de indulg. cap. 16.* Hoc verò solum admitteremus, si pro tali persona, aut occasione præsumeretur licentia tacita, vel interpretatiua Episcopi, & esset in oppidis, vbi non sunt Episcopi, sed tantum Parochi; essetque hoc legitima consuetudine receptum, aliàs non. Cautè enim procedendum, maximè post Constitutionem Gregor. XV. num. præcedenti adductam, vbi viget. Sed. vide Barbosam de *potestate Episcopi Allegation. 76. num. 25.*

5 Licitum est, per se loquendo, Religiosos prædicare, etiam in locis publicis, vijs, & plateis Ratio est, tum ex exemplo plurium Sanctorum, videlicet Antonij Paduani, Vincentij Ferrerij, & Petri Martyris, ad sæpe facientium, ut ex historijs ipsorum constat, tum quia hoc, nec diuina, nec humana lege est prohibitum, aut intrinsecè malum. Suarez 4. tom. de Relig. lib. 9. cap. 1. à num. 25. Vnde hoc possunt facere aliqui Religiosi, etiam sine licentia Episcoporum. Ratio est, propter multa priuilegia Religionibus concessa, præsertim Sixti IV. Carmelitis, Bonifacij IX. Prædicatoribus, Pauli III. Iesuitis, & Clementis V. Prædicatoribus, & Minoribus, quibus etiam gaudent aliæ Religiones cum ipsis communicantes. Hæc autem priuilegia abrogata non sunt à Concilio Trident. aut Constitutione Gregorij XV. adducta, cum ex illis solum habeatur non posse sine licentia, aut benedictione Episcoporum, prædicare Regulares in suis, aut alienis Ecclesijs. Compendium priuilegiorum Mendicantium verb. Prædicatores. Miranda in Man. tom. 1. quæst. 50. art. 4. Numquam tamen uti possunt hac facultate prædicandi alicubi, contradicente Episcopo. Tum ex Concilio Trident. sess. 24. cap. 4. id expresse prohibente, tum quia prædicare verbum Dei, est proprium munus Episcoporum, atque ita ad minus exigitur, ne cōtradiciant. Rodrig. tom. 3. quæst. Regul. quæst. 33. art. 7.

6 Etiam prædicante Episcopo possunt Religiosi suo munere, prædicandi uti. Ratio est, nam licet in Clement. Dudum, & in Extrauag. Inter cunctas, concedatur licentia Religiosis prædicandi, hora illa dumtaxat excepta, in qua locorum Prælati prædicare voluerint, vel coram se facere solemniter prædicari, tamen cum in alijs priuilegijs Religionum, quale est illud Pauli III. pro Patribus Iesuitis adductum, quo etiam gaudent qui cum ipsis communicant in priuilegijs, non ponatur talis limitatio, & licentia Episcoporum ad prædicandum supponatur, nec contradiciant illa hora prædicare, poterit id fieri, nisi consuetudine oppositum sit receptum, aut aliunde contlet Episcopo displicere talem concionem. Suarez 4. tom. de Relig. lib. 9. de societ. cap. 1. num. 30. Vide tamè circa hoc Sac. Congreg. Concilij, sub Sanctissimo Domino Nostro Urbano præceptum apud Barbosa de offic. Paroch. cap. 14. num. 2. & aliam declarationem eiusdem Sac. Congreg. apud Gauant. in Man. Episc. verb. Concio sacra, num. 52.

7 Prædicatores semel præsentati, & approbati ab Episcopis, nō possunt ab eisdem iterum compelli, ut præsententur, bene tamen à successoribus; iuxta dicta de Confessoribus. capit. præcedent. num. 7. Propter similem rationem. Miranda tom. 1. Man. quæst. 50.

ar.

art. 9. Sorbus in annot. ad Compend. verb. Prædicatores.

8 Habent aliqui Prædicatores Regulares, videlicet Theatini, & qui cum ipsis communicant in privilegijs, privilegium Clement. VII. circa Officium Diuinum recitandum, de quo egimus cap. 12. num. 3. 2. Habent etiam aliud Leonis X. privilegium circa ieiunia, concessum Minoribus, & per consequens alijs Religionibus, quæ communicationem priuilegiiorum habent cum illis: quod scilicet prædicatores actu prædicantes possint sine scrupulo seruato ieiunio, anticipare, & retardare horas comestionis, & serotinæ collationis, iuxta suam consolationem. Nauarrus in Man. c. 21. n. 16. & cap. 25. nu. 201. Miranda in Man. tom. 1. quæst. 50. a. 11. & 12. Quia tamen privilegium hoc fuit viuz vocis oraculo concessum, vt habet Casarrubius in Comp. priuil. Mendic. verb. Ieiunium. num. 5. ideo nihil valet, ture tamen communi, & causa rationabili subsistente potest fieri id, quod isto priuilegio concessum erat.

9 Religiosi prædicantes errores, aut scandala disseminantes in populum, etiamsi in Monasterio sui, vel alterius Ordinis prædicent, ab Episcopis interdiciuntur quoad officium Prædicandi. Quod si hæreses prædicauerint, contra eos, secundum iuris dispositionem, aut loci consuetudinem debent procedere. Concil. Trident. sess. 5. c. 1. Quaranta in summ. Bull. verb. Exemptio. Similiter Leo X. in Bulla Dudum. quæ habetur in appendice Bullar. fol. 21. præcipit in virtute S. Obedientiæ, & sub pœna excommunicationis latæ sententiæ, omnibus Religiosis cuiuscumque Religionis, ne deinceps Indulgentias, & gratias S. Mariæ de Populo de Vrbe, ad sæculares extendi prædicent, aut publicè, vel priuatè nuncièt, nisi solùm ad Fratres, Moniales, Tertiarios, & familiares. Laert. in append. Bull. vt sup.

10 Item Concilium Lateranense sub Leone X. sess. 11. prohibet Prædicatoribus, ne de cætero in sermonibus suis publicis, aliisque quæque futura ex literis Sacris constanter prædicent, nec illa à Spiritu sancto, vel diuina reuelatione se habuisse affirmare, & alienas inanes diuinationes asseuerando, aut aliquo modo quocumque tractanda assumant; sed ex diuinæ vocis præcepto Euangelium omni creaturæ, cum vitiis detestatione, & virtutum commendatione, enucleent, atque declarent. Rursusque idem Concilium. Euangelicam veritatem, & Sacram Scripturam, iuxta declarationem, interpretationem, & ampliationem Doctorum, quos Ecclesia, vel diuturnus vsus approbavit, legendosque hætenus recepit, aut in posterum recipiet, prædicent, & explanent. Neque quicquam eius proprio sensui contrarium, aut dissonum adiunciant, sed illis semper insistant, quæ ab ipsius Sacræ Scripturæ ver.

verbis, & præfatorum Doctorem interpretationibus ritè, & sanè intellectis, non discordant . Tempus quoque præfixum futurorum malorum, vel Antichristi aduentum, aut certum diem Iudicij prædicare, vel asserere nequaquam præsumant, eum Veritas dicat nõ esse Vestrum nosse tempora, vel momenta, quæ Pater posuit in sua potestate. Item ex eodem Concilio. Si quibusdam eorum Dominus futura quædam in Dei Ecclesia, inspiratione quapiam reuelauerit, &c. quoniam res magni momenti est, eò quòd non de facili credendum sit omni spiritui, sed teste Apostolo, probandi sunt spiritus, an ex Deo proueniant, Volumus, vt lege ordinaria tales assertæ inspirationes, antequam publicentur, aut populo prædicentur, ex nunc Apostolicæ Sedis examini reservatæ intelligentur . Quod si sine moræ periculo id fieri non valeret, aut vrgens necessitas aliud suaderet, tunc eodem ordine seruato, Ordinario loci notificetur, vt ille, adhibitis secum tribus, aut quatuor doctis, & grauib. viris, huiusmodi negotio cum eis diligenter examinato, quando id expedire videbitur (super quo eorum conscientias oneramus) illud propalandi licentiam concedere possint. Gauiantur in *Man. Episcop. verb. Concio Sacra à nu. 35.* Tandem contra prædicatores in suo munere delinquentes sic procedit idem Concilium . *Vltra pœnas contra tales à Iure Statutas, excommunicationis etiam sententiam, à qua non nisi à Romano Pontifice præterquam in mortis articulo constituti, absolui possint, eos incurrere, volumus . Et vt eorum exemplo alij attentare similia, minimè audeant, prædicationis etiam officium eis esse interdictum, perpetuò decernimus .* Vide Bullam inter Bullas Leonis X. *nu. 21.* Animaduertunt tamen aliqui huius Concilij censuras non fuisse receptas, Nauarrus in *Man. cap. 27. num. 111.* Suarez *tom. 5. disput. 22. sect. 6.* Quod aliorum iudiciò remitto . Vide dicenda infra *num. 17.*

11 Concilium quoque Tridentinum *sess. 5. cap. 2.* Sic monet prædicatores, *Plebes pro sua, & earum capacitate pascant salutaribus verbis, docendo ea, quæ scire omnibus necessarium est ad salutem, annunciandoq; eis cum breuitate, & facilitate sermonis, vitia, quæ eos declinare, & virtutes, quas sectari oportet, vt pœnam æternam euadere, & cœlestem gloriam consequi valeant .* Vide Compendium priuilegiorum *verb. prædicatores, & Simancas de Cathol. Institut. tit. 49.*

12 Concionatoribus de Immaculatæ Mariæ Virginis Conceptione præter id quod illis antea præceptum erat à Sixto IV. scilicet, quòd neutram opinionem, affirmatiuam scilicet, aut negatiuam condemnare præsumerent, sub excommunicationis sententia

tia Papæ referuatæ; vltcriùs illis præcipitur à Pio V. in Bulla .
 quæ incipit, *Super Speculam Domini* anno 1570. edita, quatenus
 nemo cuiuscumque Ordinis, gradus, conditionis, vel dignitatis
 existat, in popularibus concionibus, vel vbiicumque promiscua
 virorum, & mulierum multitudo conuenire solet, de huius con-
 trouersia alterutra parte disputare, rationibus, vel doctorum aucto-
 ritate, asserendo propriam sententiam, & contrariam refel-
 lendo, aut impugnando, vel de hac ipsa quæstione, cuiusvis pietatis,
 aut necessitatis prætextu, vulgari sermone scribere, vel dic-
 tare præsumat. Contra transgressores verò sic procedit. *Qui contra-*
fecerit suspensionis pœnam à Diuinis absque noua declaratione
ipso facto incurrat, si modò fuerit in Sacris constitutus, & quocumque
præterea gradu, siue dignitate, vel administratione fungatur, illis om-
nibus sit ipso iure priuatus, & ad eadem, vel similia munera obueni-
da, vel obuenda perpetuè inhabilitatis censura, ipso etiam facto sit
obnoxius, super quibus nisi à Romano Pontifice pro tempore existen-
te dispensari, siue absolui non possit. Et nihilominus alijs pœnis, si
opus fuerit, à proprio Prælate pro delicti mensura infligendis subij-
ciatur, prout subiicimus. Postea verò Paulus V. in alia Bulla anno
 1616. edita, quæ habetur in appendice 3. Bull. fol. 68. approbauit,
 & confirmauit prædictas Bullas Sixti IV. & Pij V. ac præterea ad-
 iunxit, quòd si quis quouis modo contrauerit, præter supra-
 dictarum Constitutionum pœnas respectuè ipso facto incurren-
 das, etiam concionandi, publicè legendi, seu docendi, & inter-
 pretandi facultate, ac voce actiua, & passiuà in quibuscumque
 electionibus, eo ipso, absque alia declaratione priuatus existat,
 necnon ad concionandi, & publicè legendi, docendi, & inter-
 pretandi perpetuè inhabilitatis pœnas similiter ipso facto incurrat
 abique alia declaratione, à quibus non nisi à Nobis ipsis, vel Suc-
 cessoribus nostris Roman. Pontificibus pariter absolui, seu super
 ijs dispensari possit, & nihilominus alijs pœnis, nostro, & eorum-
 dem Romanorum Põtificum Successorum nostrorum arbitrio in-
 fligendis, subijciatur, prout eum subiicimus per præsentēs, &
 contra huiusmodi transgressores etiam Regulares cuiusvis Ordinis,
 & Instituti, etiam quomodolibet exemptos, & alias quascum-
 que Ecclesiasticas, & seculares personas, cuiuscumque status gra-
 dus, Ordinis, aut dignitatis tam Ecclesiasticæ, quàm secularis, vt
 præfertur, tam Episcopi, & Prælati, Superiores, alijsque Ordinarij
 locorum, quàm hæreticæ prauitatis vbiq; locorum deputati In-
 quisitores procedant, & inquirent, atque in eos seuerè animadu-
 uertant. Nos enim ijs, & eorum cuilibet contra eosdem trans-
 gresso-

gressores procedendi, & inquirendi, ac pœnis coercēdi, & puniendi liberam facultatem, & auctoritatem, iisdem auctoritate, & renore tribuimus, & impartimur, eosque, vt præfertur procedere, inquirere, & punire præcipimus, & mandamus. Post quæ sacra Congregatio Sanctæ Inquisitionis coram eodem Paulo V. die 31. Augusti Anni 1617. Præcepit omnibus, & singulis cuiusvis Ordinis, & Instituti Regularibus, & alijs quibuscumque, tam Ecclesiasticis, quàm secularibus personis cuiusvis conditionis, status, gradus, Ordinis, aut dignitatis, tam Ecclesiasticæ, quàm secularis, etiam si specialis, specifica, & indiuidua earum esset necessarium mentio facienda, vt in posterum, donec articulus huiusmodi à S. Sede Apostolica fuerit diffinitus, vel per Sanctitatem suam, & Sedem Apostolicam fuerit aliter ordinatum, non audeant in publicis Concionibus, Lectionibus, Conclusionibus, & alijs quibuscumque actibus publicis asserere, quòd eadem Beatissima Virgo fuerit concepta cum peccato Originali. Contrafacientes autem eadem Sanctitas sua voluit, & declarauit, subiacere debere, & subiecit censuris, & pœnis contentis in supradictis Constitut. suorum Prædecessorum, & sua, ipsos facto incurrendis. Per huiusmodi tamen prouisionem Sanctitas sua non intēdit reprobare alteram opinionem, nec ei vllum prorsus præiudicium inferre, eam relinquens in eisdem statu, & terminis, in quibus de præsentī reperitur, præterquàm quoad supra disposita. Vtteriùs sub eisdem censuris, & pœnis mandans, quòd negatiuam opinionem, videlicet, quòd non fuerit concepta cum peccato originali in prædictis publicis actibus asserentes aliam opinionem non impugnent, nec de ea aliquo modo agant, seu tractent. Insuper voluit, & expressè mandauit, vt extra hos casus expressos publicorum actuum, in reliquis omnibus supradictæ Constitutiones firmæ, & illæ remaneant, & exactè obseruentur perinde, ac si præsens Decretum non emanasset. Et ita decreuit, & mandauit vbique inuiolabiliter obseruari, non obstantibus in hac parte supradictis Constitutionibus, & alijs omnibus in contrarium facientibus. Volens, & decernens pro obseruatione, & executione præsentis Decreti, & omnium in eo contentorum, quòd contra huiusmodi transgressores, etiam Regulares, cuiusvis Ordinis, & Instituti, etiam quomodolibet exemptos, & alias quascumque Ecclesiasticas, & seculares personas cuiuscumque status, conditionis, gradus, Ordinis, aut dignitatis tam Ecclesiasticæ, quàm secularis, tam Episcopi, & Prælati, Superiores, alijque Ordinarij locorum, quàm hæreticæ prauitatis vbique locorum deputati Inquisitores procedant, & in eos seuerè animaduertant, tribuens eis, & eorum

cui-

stores, qui quæstum sibi referunt. Baldus apud Barbosam *de potest. Episc. Alleg.* 109. num. 6.) Nam expresse habetur in Conc. Trident. *sess. 5. cap. 2.* quod quæstores, *nec per se, nec per alium prædicare præsumant.* & *sess. 21. cap. 9.* talium nomen, usus, & officium, omnino extinguuntur. Licet eos soleat Sedes Apostolica concedere cum certis conditionibus, de quibus Zerola *in praxi par. 1. verb. Quæstores.* & Gauantus *in Man. Episc. verb. Quæstores.* Præterea prædicantes miracula falsa, non solum peccant mortaliter, quia committunt mendacium perniciosum, cum sic facientes tollant quantum in se est veritatem miraculorum Fidei, & sint in causa, quod fides illis non adhibeatur: sed etiam videntur incurrere sententiam excommunicationis Papæ reservatam, latam à Leone X. & Conc. Lateranensi. de qua supra num. 10. Bonac. *circa 8. præceptum Decal. disp. 10. quæst. 1. punct. 2. num. 7.* Qui verò in prædicationibus falsum dicunt in citationibus, ut in numero capitum, nomine authorum, vel loco vnius Prophetæ alterum dicendo, non peccant mortaliter; cum non committant mendaciū in doctrina, sed in accidentibus, & sine præiudicio proximorum. Caietanus 2. 2. *quæst. 110. art. 4.* Azor 3. p. lib. 13. *cap. 1. dub. 6.*

18 Pro excommunicatione, quam incurrunt Religiosi, qui aliqua in suis concionibus dicunt impediētes solutionem decimarum, vide *cap. 9. num. 26.* A quibus debeant examinari Concionatores Regulares, vide Decretum Clem. VIII. & Urban. VIII. *cap. 18. num. 79.* Quando possunt dispensari in servitio Chori, *cap. 10. num. 20.* Qualiter possint prædicare in eorum Ecclesijs quando prædicatur in Ecclesia Cathedrali, vide declarationem S. Congregat. *cap. 12. num. 41.*

De obligationibus Sacerdotum Regularium,

C A P. X X I.



RELIGIOSVS Sacerdos non solum tenetur celebrare in præcipuis anni festiuitatibus sicut alij Sacerdotes, etiam nullā curam animarum habentes, eo quod hoc cōgruit iuri naturali, secundum quod quilibet tenetur gratiam sibi datam alijs cōmunicare, & iuri diuino, in illis verbis: *Hoc facite in meam commemorationem; sed etiam tenetur regulariter*

riter id facere, tum propter scandalum, quod solet sequi, si Sacerdos regulariter non celebret; tum etiam, quia regulariter Religiosi sunt obligati ad Missas dicendas, vel propter stipendia, accepta, vel propter eleemosynas, quas à fidelibus acceperunt intuitu suffragiorum, & orationum eorundem. Siluester *verb. Missa. Sot. in 4. distinct. 13. quæst. 1. art. 10.*

2 Quamuis de iure communi nulli licitam sit noctu, & ante lucem celebrare, nisi solis Episcopis, iuxta gloss. *in cap. fin. de priuileg. lib. 6.* Nauarr. *in Man. cap. 25. num. 85.* Similiter nec liceat regulariter Missam post meridiem celebrare, nisi in casu raro, & existente rationabili causa. Suarez *tom. 3. in 3. part. disp. 80. sect. 4.* Sunt tamen aliqua priuilegia circa hoc, aliquibus Regularibus concessa. Primò enim Pius Secundus concessit Minoribus, vt possint celebrare vna hora ante auroram. Insuper Leo Decimus concessit, vt de licentia suorum Superiorum, quorum conscientijs se remittit, quomodo Fratres debeant vt hac gratia, possint celebrare illico post Matutinum, & etiam post meridiem, præsertim diebus, quando est de audienda Missa præceptum, & quando Fratres debent ambulare, seu quando de via veniunt, & non possunt ante meridiem applicare ad locum, vbi commodè possint Missam audire, vel honestè celebrare. Præterea Sixtus Quartus concessit etiam Minoribus, quòd Sacerdotes necessitatis causa, possint ante, & post horam statutam ab Ecclesia, celebrare. Quæ priuilegia non videntur abrogata neque per Concilium Tridentinum, cum in eo solùm præcipiatur Ordinarijs, vt compellant Regulares ne vtantur dictis priuilegijs, neque per Constitutionē Pij V. quæ incipit *Sanctissimus in Christo Pater*, quia illa solùm, videtur esse cōtra illos, qui celebrabant noctu in vigilijs quarundam festiuitatum, vel contra eos, qui regulariter, & absque vlla causa post meridiem celebrant. Rodriguez *tom. 1. quæst. 43. art. 2. & 5.* Miranda *in Man. tom. 1. quæst. 41. art. 10. & 11.* Nihilominus quia Sac. Congregatio declarauit; *Ante diem, & horis indebitis celebrare non licet, etiam vigore priuilegiorum ante Concilium Tridentinum concessorum*, nihil iam valent prædicta priuilegia, eò præsertim, quia cum fuerint viuz vocis oracula (vt patet ex Casarrubio *in Comp. priuileg. Mendic. verb. Missa 2. quoad tempus.*) reuocata iam sunt, vt saepe diximus. Concessio autem, quæ à Gregor. XIII. facta est pro Iesuitis, parum, aut nihil continet priuilegij, vt bene Rodriguez *vt supra art. 2.* Missæ verò omnes Natiuitatis Domini (nisi aliter consuetudine introductum sit) possunt celebrari ante auroram, saltem iure communi. Vazquez *tom. 3. in 3. p. disp. 232. cap. 3. num. 32.* & sine priuilegio etiam, in

aliquo solemni festo, cum Concio non finitur nisi post meridiem, vel si ratione itineris occurrat in die festo tardius venire; poterit etiam celebrari aliquo tempore post meridiem. Vazquez num. 37. Laurent. de Peirin. de priuil. Minim. tom. 1. circa Constitut. Pyrrbi §. 7.

3 Non est peccatum mortale dicere Missam ante Matutinum, seu Laudes (quamuis multi oppositum sentiant. Gauantus tom. 1. Theol. par. 2. tit. 1.) Fò quòd nullum est præceptum tam grauius obligans. Sot. 10. de Iust. quæst. 5. art. 4. Suarez 3. tom. in 3. part. disp. 82. sect. 1. Frit tamen veniale, si sine aliqua rationabili causa id fiat; quia est aliqualis inuersio ordinis Ecclesiæ consuetudine introducti. Siluester verb. Missa 1. quæst. 1. De Prima autem non est talis obligatio. Tolet. in Summ. lib. 2. cap. 1.

4 Possunt Religiosi Sacerdotes recipere stipendia pro Missis celebrandis, illa scilicet, quæ communi lege, aut consuetudine, fuerint taxata, seu, quæ à viris timoratis peti, & dari solent. Cum hoc nullo iure naturali, Diuino, aut Ecclesiastico sit prohibitum. Suarez 3. tom. in 3. par. disp. 86. sect. 2. Excipiuntur ab hac regula Patres Societatis, (& idem dico de alijs Religiosis, quibus ex vi suarum Constitutionum est illis prohibitum accipere stipendia pro Missis, & alijs actionibus spiritualibus.) Ratio est, quia in Exam. cap. 1. §. 3. & 6. par. Constitut. Societ. cap. 2. §. 7. prohibetur illis admittere stipendium pro Missarum Sacrificijs, vel Predicationibus, vel Lectionibus, vel ullius Sacramenti administratione. Unde tales recipientes stipendia peccant contra paupertatem. Quia recipiunt aliquid contra voluntatem Superiorum, quod est actus proprietatis. Sanchez lib. 7. in Decal. cap. 28. num. 7. Poterit tamen in hoc dari paruitas materiæ, sicut in alijs votorum transgressoribus. Enriquez lib. 9. de Euchar. cap. 22. nu. 3. Sanchez vt sup. num. 8. Vide dicta cap. 6. num. 36.

5 Quamuis multi Theologi velint Sacerdotes pauperes (quod maxime procedit in Religiosis) accipere posse plura stipendia pro vna Missa, tot scilicet, quot fuerint ad suam strictam, & congruam sustentationem necessaria. Ludou. Veja in lib. Respon. ad casus conscientie Congreg. 4. cas. 3. Petr. Nauarr. lib. 2. de Restit. cap. 2. num. 433. Hæc tamen sententia in praxi iam sustineri non potest propter Decretum de celebratione Missarum Sac. Congreg. Conc. S. D. N. Urb. VIII. auctoritate editi: ubi an. 1625 quod habetur 4. to. Bull. inter Constit. Urb. n. 43. ubi id prohibetur, per hæc verba: Vbi pro pluribus Missis, etiam eiusdem qualitatis, celebrandis, plura stipendia, quantumcumque incongrua, & exigua, siue ab vna, siue à pluribus personis collata fuerunt, aut conferantur in futurum Sa-

cer-

erdotibus, Ecclesijs, Capitulis, Collegijs, Hospitalibus, Societatibus, Monasterijs, Conuentibus, Congregationibus, domibus, ac locis pijs quibuscumque, tam secularibus, quàm Regularibus; Sacra Congregatio sub obtestatione Diuini Iudicij, mandat, ac precipit, vt absolute tot Missæ celebrentur, quot ad rationem attributæ elemosynæ præscripta fuerint; ita vt alioquin ij, ad quos pertinet, sua obligationi non satisfaciant, quinimò grauitèr peccent, & ad restitutionem teneantur. Et quamuis circa hoc multa fuerint à Summis Pontificibus concessa priuilegia Regularibus, illa tamen omnia reuocata iam sunt ab eadem Sacra Congregatione, dicente, Eadem auctoritate reuocat priuilegia, & indulta omnia quibusuis personis, Ecclesijs, ac locis pijs, tam secularibus, quàm Regularibus, cuiuscumque Ordinis, Congregationis, & Instituti, quamcumque ob causam concessa, quibus indulgetur, vt certarum Missarum, vel Annuariariorum celebratione, aut aliquibus Collectis, seu Orationibus, plurium Missarum oneribus in futurum suscipiendis, satisfiat. Gavantus in *Thesaur. tom. 1. par. 3. tit. 12.* Num autem non obstante huiusmodi Sacr. Congregationis Decreto, in casu grauis necessitatis citra extremam, possit Sacerdos pauper plura stipendia pro vna Missa recipere, iuxta sui strictam, & congruam sustentationem, (inhærendo maximè affirmanti Sacrificium Missæ esse infiniti valoris, ita vt pluribus applicatum, tantum, quantum ad valorem, qui ex opere operato Missæ correspondet, valeat singulis, ac si pro ipsis solis applicaretur, vt tenet Vasquez *tom. 3. in 3. par. disp. 231.* & procurando alijs vijs. & modis, per opera scilicet satisfactoria, Orationes, & Indulgentias recompensare id, quod de fructu Missæ ex opere operantis proveniret vnicuique, si pro ipso solo applicaretur) aliorum iudicio remitto, nostram verò sententiam in speciali Tractatu de hac re, Deo duce, proferemus.

6 Quamuis etiam Abbates, & Generales Religionum possent olim in Capitulis Generalibus Missas ad minorem numerum, reducere, iuxta Decretum Conc. Triden. *sess. 25. de reformat. cap. 4.* Nullatenus iam id possunt facere, propter Decretum Sacræ Congregationis Concilij, iam adductum, quo strictè prohibet, & interdicat Sacr. Congregatio, ne Episcopi in Diocesana Synodo, aut Generales in Capitulis Generalibus, vel alijs quoquomodo reducant onera vlla Missarum celebrandarum, aut post idem Concilium imposita, aut in limine foundationis, sed pro his omnibus reducendis, aut moderandis, vel commutandis ad Apostolicam. Sedè recurratur; quæ, re diligenter perspecta, id statuet, quod magis in Domino expedire arbitrabitur, alioquin reductiones, mo-

derationes , & commutationes huiusmodi , si quas contra huius prohibitionis formam fieri contigerit , omnino nullas , atque inanes decernit. *Gauantus ut sup. tit. 12. num. 43.*

7 Quamvis etiam alij Theologi dixerint , posse Sacerdotem accipere Missam celebrandam cum certa eleemosyna , & postea alteri Sacerdoti eam Missam committere , retenta sibi parte eleemosynæ (Bonac. *de Sacram. disp. 4. quæst. vlt. punct. 8. num. 18.*) Id tamen iam non licet propter Decretum Sacræ Congregat. loco citato , quo prohibet Sacerdoti , qui Missam suscepit celebrandam cum certa eleemosyna , ne eandem Missam alteri , parte eiusdem eleemosynæ sibi retenta , celebrandam committat . Cum autem ab eadem Sacra Congregatione quæreretur , an permittendum sit Administratori Ecclesiarum , ut retineant aliquam eleemosynarum portionem pro expensis mantutionis Ecclesiæ , Altarium inservientium , paramentorum , luminum , vini , hostiæ , & similibus ? Similiter , an hoc Decretum habeat locum in beneficijs , quæ cōferuntur in titulum , id est , an Rector beneficij , qui potest per alium celebrare , teneatur Sacerdoti celebranti dare stipendium ad rationem reddituum beneficij ? Præterea , an Sacerdotes , quibus aliquando offertur eleemosyna maior solita pro celebratione Missæ , debeant dare eandem integram eleemosynam ijs , quibus Missas celebrandas committunt ; an verò satis sit , ut dent celebrantibus eleemosynam consuetam ? Ad primum respondit eadem Cōgregatio , permittendum non esse , ut Ecclesiæ , ac loca pia , seu illorum Administratores ex eleemosynis Missarum celebrandarum , ullam , utcumque minimam , portionem retineant , ratione expensarum , quas subeunt in Missarum celebratione , nisi cum Ecclesiæ , & loca ipsa alios non habent redditus , quos in usum earundem expensarum erogare licitè possent ; & tunc quam portionem retinebunt , nullatenus debere excedere valorem expensarum , quæ pro ipsomet tantum Missæ Sacrificio necessariò sunt subeundæ , & nihilominus eo etiam casu curandum esse , ut ex pecunijs , quæ supersunt , expensis , ut supra , deductis , absolutè totæ Missæ celebrentur , quot præscriptæ fuerint ab offerentibus eleemosynas . Ad secundum respondit , non habere locum , sed satis esse , ut Rector beneficij , qui potest per alium Missam celebrare , tribuat Sacerdoti celebranti eleemosynam congruam secundum morem Ciuitatis , vel Prouinciæ , nisi in fundatione beneficij aliud cautum fuerit . Ad tertium , debere absolutè integram eleemosynam tribuere Sacerdoti celebranti , nec ullam illius partem sibi retinere posse . Vide Decreta hæc 4. tom. Bull. ut sup. & apud Peirin. to. 2. priuileg. Minim. inter Const. Urb. n. 9. Gauan. in Thest. to. 1. p. 3. tit. 12. à num. 34.

Præ-

Præcipitur etiam in eodem Decreto de *Celebratione Missæ*. ut pecuniæ, ac bona mobilia Regularibus relicta cum onere perpetuo Missarum celebrandarum, sub pœna interdicti ab ingressu ecclesiæ ipso facto incurrenda, à die realis acquisitionis, statim deponi debeant penes Adem Sacram, vel personam fidei, & facultatibus idoneam, ad effectum illa quamprimum inuestiendi in bonis immobilibus fructiferis, cum expressa mentione oneris, quod illis annexum reperitur. Et, quod si eadem bona immobilia deinceps alienari contigerit, eorundem pretium sub eadem pœna, deponi, & in alijs bonis stabilibus etiam fructiferis, cum eiusdem oneris repetitione, atque annexione conuerti, debeat. Insuper præcipitur Regularibus, ne in posterum prædicta onera perpetua suscipiant Missarum sine Generalis, vel Prouincialis consensu, & licentia in scriptis, & gratis concedenda, sub pœna priuationis Officiorum, quæ tunc obtinent, ac perpetuè inhabilitatis ad alia de cætero obtinenda, vocisque actiue, ac passiue absque alia declaratione. Vide Decreta citata ut supra num. 5. & Gauantum *tomo 1. Thesaur. p. 3. tit. 12. num. 41. & 42.* Quamuis præterea multorum sententia fuerit posse Sacerdotes non habentes eleemosynas de præsentibus, pro quibus offerant Missas, illas nihilominus anticipatè dicere, ipsas applicando pro illis, qui sibi postea daturi sint eleemosynas, maximè si hoc fiat non suspendendo effectum Sacrificij, sed illum ex tunc applicando pro illis, qui eleemosynas daturi sint (*Aragon de Iustitia q. 85. art. 3. dub. 1.*) Nihilominus, quidquid sit de veritate huius sententiæ speculatiue loquendo, in praxi tamen non est approbanda, tum propter aliqua, de quibus Bonacina *disp. 4. de Eucharistia q. ult. punct. 7. §. 5. num. 3.* tum præcipuè, quia huiusmodi anticipata celebratio pro incerto eleemosynam oblaturus est prohibita à Paulo V. & S. Congregat. Concil. 15. Nouemb. 1605. Vide Gauantum in *Man. Episcop. verb. Missa num. 33.* Anticipata autem celebratio eius Missæ, quæ die sequenti dicenda erat, non est prohibita, cum potius Sacerdos sic faciens, ad instar boni debitoris, anticipatè soluat. Barbosa de *Potest. Episcop. Allegat. 24. num. 14.* Nisi fortè contrarium expressè declaretur à cōcedente eleemosynam, ut probat Bonacina *ut supra num. 4.*

8 Quamuis iure communi prohibitum sit Religiosis administrare secularibus Sacramentum Eucharistiæ absque licentia Parochi sub pœna excommunicationis ipso facto in *Clement. Religios. & de priuileg. & excess. Pralat.* tamen ex priuilegijs Nicolai V. & Sixti IV. id possunt facere Religiosi Minores Confessores, & ex priuilegio Iulij II. Minimi, & ex Pio V. omnes Medicantes, & eorū priuilegia cōmunicantes, præterquàm in die Pascha-

tis, tempore scilicet, quo ex præcepto Ecclesiæ tenentur seculares communicare. Rodriguez *l. 1. q. 56. art. 3.* Miranda *in Manu. to. 1. q. 42. ar. 1. & 2.* Qui autem communicauit aliquo die ex prædicto tempore in sua Parochia potest (secundum aliquos) etiam alio die eiusdem Paschæ communicare apud Regulares. Cum iam adimpleuerit præceptum Ecclesiæ; nec aliud intendatur in prædicta exceptione. Vincentius Filiucius *tom. 1. trac. 4. cap. 9.* Barbosa *de Offic. Parochi cap. 20. num. 10.* Laurentius de Peirinis *tom. 1. Priuileg. Minim. in Constitut. 1. Iulij II. §. 37. num. 86.* Qui etiam *num. 90.* tenet etiam in die Paschæ posse Religiosos ministrare Eucharistiam peregrinis. Quod tamen negare videtur Barbosa *ut supra num. 23.* Immo dicitur declaratum à S. Congreg. Concil. non posse in die Pasch. sumere in Ecclesia Regular. Eucharistiam, eum, qui satisfecit in Paschate in Parochia. Gauius *in Man. Episc. ver. Euchar. num. 23.* Vnde cautè procedendum. Presbyteri quoque seculares dicentes Missas in domibus Religiosorum Mendicantium possunt ex eorum licentia seculares communicare. Non solum, quia ita praxi obseruatur, sed etiam ob priuilegium Iulij II. Minimis concessum, quo participant etiam Mendicantes Religiosi. Licet illud non ita clarè contineat hanc concessionem. Calarub. *in Compend. verb. communicare num. 13.* Medina *in Instrucl. Confess. lib. 1. cap. 11. §. 3.* Enríquez *tom. 2. de Euchar. lib. 7. num. 1.* Similiter in casibus necessitatis, scilicet articuli mortis, absente Parocho, possunt Religiosi Sacramētum Eucharistiæ tamquam Viaticum fidelibus ministrare. Quia tunc præsupponitur Parochorum licentia. Suarez *tom. 3. in 3. p. disp. 72. sect. 2.* Rodriguez *ut supra art. 5.*

9 Possunt etiam prædicti Sacerdotes Regulares ex licentia Parochi Sacramēto Matrimonij assistere. Quia hoc videtur supponi in *Clem. Religiosi de priuileg.* Id tamen facientes sine licentia prædicta sunt excommunicati excommunicatione Papali in prædicta *Clement.* Miranda *to. 1. Man. q. 48. per totam.* Vide dicta *cap. 9. num. 3.*

10 Quamuis etiam non possint Sacerdotes Regulares ministrare Sacramentum extremæ Vnctionis sine licentia Parochi sub pœna excommunicationis latæ sententiæ in prædicta *Clement. 1. de priuileg.* In casu tamen necessitatis, & absentia Parochi, quando scilicet præsumitur licentia interpretatiua ipsius, possunt id facere, neque incurrunt in prædictam excommunicationem. Siluest. *ver. vnctio q. 4. Sot. in 4. d. 23. q. 2. ar. 1.* Similiter ex priuilegijs Sedis Apostolicæ in eadem *Clem.* possunt plures Regulares familiaribus suis, aut pauperibus in hospitalibus suis degentibus hoc Sacramentum ministrare. Miranda *in Manual. tom. 1. quest. 49.*

art. 1.

art. 1. referens varia priuilegia. Specialiter Alexand. IV. concessit Carmelitibus posse ministrare Sacramenta, & dare sepulturam suis familiaribus. *Speculum Ordinis fol. 62.* Et Sixtus IV. in Bulla *Dum attenta*, quæ est Mare magnum Carmelitarum concessit eisdem, quòd in casu, quo Rectores Parochialium Ecclesiarum difficiles se reddant in exhibitione Eucharistiæ, & Extremæ Vnctionis erga illos, qui dictis Fratribus confessi sunt, illis sine causa rationabili denegando, vel differendo dictorum Sacramentorum administrationem, illa petentibus possint exhibere. *Speculum Ordinis fol. 87.* Vide etiam alia ad hoc intentum in Peirinis supra relato, *præsertim à num. 93.* Sed prædictos familiares Religiosorum ad Parochiam in Paschate pro Communionem mittendos esse declarauit S. Congreg. apud Gauantum in *Man. Episcop. v. Eucharist. nu. 24.*

11 Audientes Missas in Ecclesijs Fratrum Medicantium in Dominicis, & Festis diebus satisfaciunt præcepto Ecclesiæ de Missa audienda. Ex priuilegio Leon. X. Quod non est derogatum per Concilium Tridentinum *sess. 22.* quatenus habet quòd Episcopi moneant populum, vt frequenter ad suas Parochias, saltem diebus festis, & Dominicis accedant. Quia Concilium id non præcipit, & quia ita declarauit S. Congregat. vsuque obtinetur. *Rodriguez tom. 1. quæst. 43. art. 7.* Flau. Cherub. in *Compens. Bull. fol. 100.* Animaduerte tamen prædictum Leon. X. voluisse id fieri *non contempto proprio Parocho.*

12 Sacerdotes Regulares (sicut & non Regulares) etiam si ab Ordinarijs, aut suis Prælatus licentiam non obtineant, possunt in casu necessitatis extremæ, seu articulo mortis omnium quorumcumque secularium Confessiones audire, & ab omnibus casibus, & censuris quantumuis reseruatis absoluerè. Quia in tali casu omnes Sacerdotes habent auctoritatem ab Ecclesiâ, *cap. quod de his de sent. excomm. & cap. pastoral.* Nauarrus in *cap. 1. de pœnit. d. 6. num. 73.* Possunt etiam semper absoluerè à peccatis venialibus, seu etiam mortalibus aliàs confessis, cum ad hoc sufficiat iurisdicção vniuersalis, quæ est communis omnibus simplicibus Sacerdotibus. Suarez 4. *tom. de Relig. tract. 8. lib. 2. cap. 16. nu. 1.* Peccabunt tamen, si sine licentia Superiorum id faciant, quia non sunt sui iuris, sed alterius, scilicet Prælati, ratione voti Obedientiæ. Nauarrus in *Summa cap. 4. num. 6.* Grassi 1. *par. decis. lib. 1. cap. 13. nu. 87.* Vide dicta *cap. 19. nu. 12.*

13 Quamuis probabiliter aliqui asserant simplices Sacerdotes posse absoluerè ab excommunicatione minori, sicut à peccatis venialibus, propter similem rationem. Nauarrus in *Man. c. 27.*

num. 25. Probabilius tamen est oppositum; eò quòd talis absolutio sit actus alicuius Iurisdictionis, quam non habent simplices Sacerdotes extra casum extremæ necessitatis. Caietanus in *Summa verb. excommunic.* Vincentius Filiucius *tomo 1. tract. 13. cap. 7.*

14 Quamuis olim propter priuilegia Religionum, specialiter pro Carmelitis Urbani V. & Sixti IV. ut habetur in *Speculo Ordinis* f. 69. & 89. pro Prædicatoribus, & Minoribus *cap. in his de priuileg.* & pro Minimis Iulij II. possent Regulares celebrare Missas in quocumque loco honesto cum altari portatili, & viatico; hæc tamen antiquata iam sunt per Concilium Trident. *sess. 22. in Decret. de obseru. & vitand. in celebrat. Miss.* per illa verba, *Neue patiatur in priuatis domibus, atque omninò extra Ecclesiam, & ad diuinum tantum cultum dedicata Oratoria ab eisdem Ordinarijs designanda, & visitanda, Sanctum hoc Sacrificium peragi, &c.* & in fine additur, *Non obstantibus priuilegijs, exemptionibus, &c.* Nauarrus in *Manual. cap. 25. num. 82.* Azor *tomo 1. Institut. moral. lib. 10. cap. 26. quæst. 7.* Sed Gregorius XIII. in Bulla *Vsum Altaris* 3 tom. Bullar. inter Bullas Gregorij *num. 57.* concessit Presbyteris Societatis Iesu, ut in missionibus, quas faciunt, uti possent altari viatico, & super illud vbique gentium, modò loca, tuta sint, & honesta, Iudicio Generalis, aut Prouincialis, Missæ sacrificiū celebrare. An verò aliæ Religiones cū Societate cōmunicātes fruantur d. priuilegio? Suar. id negat *t. 3. in 3. p. disp. 81. sect. 3.* Alij verò affirmāt, quibus assentior, dummodò hoc sit cum conditionibus à Pontifice assignatis, & inter missiones. Peirinis *tomo 1. priuileg. Minim. in Consist. Pyrrbi num. 28.* In Oratorijs etiam, quæ solent esse in Religiosorum Monasterijs, Claustris, Infirmarys, &c. videtur posse Religiosos celebrare Sacrificium Missæ. Propter priuilegia adducta, quæ quoad hoc non videntur reuocata per Concilium Tridentinum *loco adducto*, cum ibi solūm videatur prohiberi, ne in *priuatis domibus omninò extra Ecclesiam* erigantur Oratoria, in quibus Missæ celebrentur, sine Ordinariorum licentia, prædicta autem loca nec sunt priuatæ domus, nec omninò extra Ecclesiam, cum nomine Ecclesiæ veniant etiam Religiosorum Claustra, ut colligitur *ex cap. Abbati* *S. bas autem* d. 54. & *cap. Alma mater de sent. excomm. in 6. ubi Glossa verb. Monaster.* Rodriguez *tom. 2. quæst. 75. art. 1. & 2.* Peirinis *tomo 1. priuileg. Minim. in Consist. Pyrrbi num. 31.* Refertur etiam ad hoc priuilegium Gregorij XIII. concessum Societati Iesu in Bulla, *Decet Romanum Pontificem* ann. 1575. scilicet quòd in Oratorijs, & Capellis, quæ ipsius Societatis Prouinciales per se in domibus,

Colle-

*Collegijs, & alijs locis, ubi aliqui Societatis residebunt, approbaue-
rint, & ad diuinum dumtaxat cultum deputauerint, Misse, & alia
Diuina Officia celebrari possint. Quo etiam ut possunt alia Reli-
giones, quæ communicant in priuilegijs cum Societate. Reginal-
dus in praxi lib. 29. num. 178. Peirinis ut supra num. 29. Afferens
etiam priuilegium aliud concessum Benedictinis Vallisoletanis,
de quo dubito an sit, vel non, viua vocis oraculum. Vide Gauan-
tum in Thesaur. tom. 1. p. 1 tit. 20. §. Addam.*

15 In grâijs quoque Monasteriorû, seu in prædijs ipsorû, uti-
litis, & recreationis causa acquisitis, posse fieri Oratoria, in-
quibus Diuina Officia celebrentur sine licentia Ordinarij, nõ ob-
stante Conc. Trident. sess. illa 22. iam citata, eò quòd Concilium,
solum loquatur de priuatis domibus, hæc autem prædia, seu gran-
giæ non sint tales, docent aliqui Authores, propter aliqua priui-
legia Religionibus concessa. Rodriguez tomo 2. quæstionum Re-
gul. quæst. 75. art. 1. & 2. & Laurentius de Peirinis iam citatus. Ca-
uendum tamen similiter est, ne huiusmodi concessionibus sint viua
vocis oracula, quia si tales sunt, nullum robur, & firmitatem hoc
tempore habent, ut diximus cap. 3. num. 21.

16 Propter necessitatem quoque iure communi permissum est
celebrare absque Episcopi licentia sub dio, & extra Ecclesiam, ac
Oratorium designatum, ut si Rex, aut Dux sit in exercitu, vel clas-
sis Christianorum appellat ad terram, vel si in itinere Ecclesia
desit, vel cum magna multitudo hominum in aliquo die festo ad
paruam aliquam Ecclesiam concurrit, modò tamen semper adsit
altare viaticum, seu portatile ab Episcopo consecratum. Proba-
tur ex canone primo, & can. concedimus de Consecrat. distinction. 1.
Suarez to. 3. in 3. p. disp. 81. sect. 3. Vasquez ibid. disput. 233. cap. 1.
Numquam tamen licet propter quacumque necessitatem cele-
brare supra mare, seu flumen in nauis; propter periculum effusio-
nis sanguinis ex motu nauis. Vasquez loco citat.

17 Possunt etiam Regulares dicere Missas in diebus festiuis, &
Dominicis quacumque hora debita, etiam antequam Rector Pa-
rochialis Ecclesiæ celebrauerit. Quia ita declarauit S. Congreg.
Concilij, prout retuli supra cap. 12. nu. 41. & Pius V. in Constitut.
Etsi Mendicantium. Peirinis tomo 1. priuileg. Minim. in Constit.
Pyrrhi nu. 26.

18 Feria quinta maioris Hebdomadæ, saltem iure communi li-
citur omnibus Sacerdotibus celebrare secluso scandalo, & in
secreto, cum id nullo iure prohibeatur. Sotus in 4. distinct. 13. q. 2.
art. 2. ad secundum. Suarez tom. 3. in 3. par. disput. 80. sect. 2. In die
autem Parasceue peccatum mortale est, siue in publico, siue in
secreto.

secreto celebrare. Habetur in *cap. Sabbatho de Consecrat. dist. 3.* Etiam si illo die occurrat festum Annunciat. B.V. Gauantus in *Tbesaur. S. Rit. tit. 1. p. 4. tit. 9. num. 24.* In die Sabbathi Sancti aliqui putant posse celebrari priuatim, & occultè, saltèm ab ea hora, in qua incipit solemne Paschale Officium, ob rationabilem causam, Vide Barbosam de *Offic. Parochi cap. 11. à num. 49.* Gauantum in *Tbesaur. ut sup. p. 4. tit. 10. à nu. 43.*

19 Non obstante decreto Concilij Trident. *sess. 25. cap. 12.* videlicet *Censuræ, & Interdicta nedum à Sede Apostolica emanata, sed etiam ab Ordinarijs promulgata, mandante Episcopo, à Regularibus, in eorum Ecclesijs publicentur, atque seruentur*, possunt Regulares tempore Interdicti generalis singulis diebus in Ecclesijs, & Monasterijs Missas celebrare, & dicere Officia Diuina sicut prius, submissa tamen voce, ianuæ clausis, excommunicatis, & interdictis exclusis, & campanis non pulsatis. Ita enim habetur iure communi ex Bonifac. VIII. in *cap. Alma mater de sentent. excommunicat.* Sorbus in *Addit. ad Compend. verb. interdictum §. 3. tempore.* Peirinis to. 1. *priuileg. Minim. in Constitut. 2. Sixti IV. num. 55.* Gauantus in *Man. Episcop. verb. Interdictum à numero 10.* Possunt etiam eodem tempore Interdicti solemniter celebrare Diuina, ianuæ apertis, & pulsatis campanis, excommunicatis expulsi, sed interdictis admissis, sic tamen quòd illi, qui fuerunt causa Interdicti altari nullatenus apòpropinquent, in festiuitatibus Natalis Domini, Paschæ, ac Pentecostes, & Assumptionis Virg. Mariæ. Ita enim habetur etiam iure communi in *eodem cap. Alma mater.* Sorbus *ut supra §. 12. secundum*, etiam hoc extendens ad festum SS. Sacramenti, & per totam octauam illius per vnâ Extrauag. Martini V. Extenditur etiam probabiliter, quoad aliquos Regulares, & alios, qui cum ipsis habent communicationem priuilegiorum, ad festa Conceptionis, Visitationis, & Natiuitatis B. Mariæ, & Natiuitatis Sanct. Ioannis Baptistæ, & ad festa Sanctorum respectiue suarum Religionum, nec non aliorum Sanctorum, & Sanctarum sub quorum inuocationibus Ecclesiæ Regularium dedicatæ, & constructæ sunt, seu quorum corpora in ipsis Ecclesijs recondita respectiue existunt, nec non hebdomadarum Sanctæ, & Resurrectionis Dominicæ festiuitatibus, & per octauas earundem omnium festiuitatum, necnon quoties Religiosi professionem emisierint, vel primam Missam celebrauerint, seu in suis Ecclesijs humana cadauera Ecclesiasticæ sepulturæ tradi contigerit, dummodò Interdicto causam non dederint, nec id eis contigerit specialiter interdicti, nominatim, interdictis, & excommunicatis exclusis. Ita enim concessit Leo X.

Mo-

Monachis S. Benedicti, & seruatoribus Monasteriorum, vt refert Casarrubius in *Compend. priuileg. Mendicant. verb. Interdictum* 2. num. 10. Etsi enim Concilium Trident. *eadem sess. cap. 22.* reuocet omnia priuilegia concessa quibuscumque Regularibus, quæ Pius V. postea reualidauit in Constit. *Etsi Mendicantium*, & tandem Greg. XII. reuocauit, & annullauit quatenus cōtraria erant prædicto Conc. nihilominus priuilegium hoc Leonis X. probabile est non esse contrarium Concilio, cum eius mens solum videatur esse, reuocare illa priuilegia, quæ à quibusdā Religiosis dicebātur haberi de nullatenus seruādo Interdicto quocūque, vt erāt fratres milites S. Io: Hyerosolym. virtute cōcessionis Anast. IV. Alex. III. & IV. Vrba. III. Clem. III. & IV. & fratres Mini. ex priuilegio Leo. X. Rodrig. in *expositione Bullæ Cruciat. §. 5. n. 16.* Sorb. in *additionibus ad Compend. priuileg. Mendic. verb. Interdict. 3. §. sed alij DD.* Idem dico de alio priuilegio Iulij II. quo concessit Fratribus Minoribus, quòd tempore Interdicti, auctoritate ordinaria positi, possint sepelire in Ecclesijs suis corpora Fratrum eiusdem Ordinis decedentium, etiam cum cæremonijs solitis, ac pulsatis campanis, & cum Missis, & alijs Diuinis Officijs in similibus celebrari consuetis. Sorbus *ut sup. §. sextodecimò Interdictum* Pro alijs priuilegijs circa tempus Interdicti, etiam pro sæcularibus familiaribus, vel seruatoribus Regularium, vide Casarrubium *ut sup. verb. Interdictum. 1. 2. & 3.* Animaduerte tamen aliqua illorum concessa iam esse iure communi in *cap. Alma mater*. Alia esse solum viuz vocis oracula, vt illud Nicolai Franci Sedis Apostolicæ Legati, de admittendis quindecim personis tempore Interdicti, quæ proinde his temporibus nihil valent. Alia verò, etsi forsan in rigore valida sint, quia tamen vel non sunt in vsu apud Regulares, vel sequitur scandalum apud sæculares ex eorum vsu, ideo consultius est illis non vti. Vide Nauarrum in *Man. c. 27. num. 190.* Pro his quoque, & alijs, quæ facere possunt, & debent Regulares tempore Interdicti, siue in locis, vbi publicatur Bulla Cruciatæ, siue vbi non publicatur, vide Sorbum *ut sup.*

20 Tempore etiam cessationis à Diuinis possunt, probabiliter etiam, vti Regulares, de quibus num. præcedenti, priuilegio Leon. X. adducto, quia etiam loquitur de tempore talis cessationis. Peirinis *tom. 1. priu. Minim. in Const. 2. Sixti IV. nu. 52.* Et alio etiam priuilegio Nicol. V. de eligendis sex personis, quæ tali tempore, assistant Missis, & Diuinis Officijs, recipiantque Sacramenta, & si mori contigerit, Ecclesiastica sepultura sepeliantur, positis tamē quibusdam conditionibus. Casarrubius in *Comp. priu. Mend. verb. Interdictum. 1. §. 23.* Sorbus in *addit. ad prædict. Comp. verb.*

In.

Interdictum 3. §. 7. *Nicolaus V.* Attendendum tamen maximè est, an quando ponitur Cessatio à Diuinis, vel etiam Interdictum auctoritate Apostolica, reuocentur priuilegia Regularium, quia, tunc non licebit frui illis, sicut neque quando scandalum aliquod inde emerferit, propter singularitatem, nec si talia priuilegia non sint in usu.

21 Ex Decreto Sac. Congregat. Rituum, & mandato S. D. N. Urbani VIII. die 8. Aprilis 1628. iuxta dicta *cap. 12. num. 33.* prohibetur celebrari per totam Ciuitatem, vel Diœcesim, etiam de cuiuscumque Ordinarij auctoritate, Missam, vel Festum cum Officio de Sancto, eò quòd in loco adsit Ecclesia Parochialis, vel Regularis, aut aliqua Reliquia, sed tantum in ipsius Sancti Ecclesie Titulari, seu ubi asseruatur insignis Reliquia, & non alibi. Insignes autem Reliquias declarauit esse Corpus, Caput, Brachium, Crus, aut illam partem Corporis, in qua passus est Martyr, modò sit integra, & non parua, & legitimè ab Ordinario approbata. Missas item, quæ circumferuntur, à Sacra Congregat. non approbatas, S. Gregorij pro uiuis, & defunctis, XV. Auxiliatorum, & de Patre æterno, & quascumque alias, exceptis iis, quæ sunt permixtæ Regularibus tantum, veluti Rosarij, Sanctæ Mariæ de Carmelo, (vide dicenda infra num. 32.) & alias, sicut etiam Officia ab eadem non approbata, prohibuit, reiecit omnino, & damnauit respectiue, & pro prohibitis, reiectis, & damnatis haberi voluit. Quæ omnia decreuit, statuit, & mandauit sub pœnis contentis in Indice librorum prohibitorum ex Decreto Sancti Concilij Tridentini edito. Barbosa *de Off. Parochi* c. 11. num. 29. Vide dicta *cap. 12. numer. 33.*

22 Non tamen putes prohibitas esse Missas triginta S. Gregorij ab ipso pro Defunctis institutas 4. *Dial. cap. 55.* Dici autem debent (ex eodem S. Gregorio) per triginta dies continuos, ab vno, siue pluribus successiue Sacerdotibus: recitata Missa, quæ occurrit, vel de *Requiem*, iuxta Rubricas Missalis, cum applicatione Sacrificij pro anima illa, pro qua dicuntur. Si intra hos triginta dies occurrat Parasceue, Sabbatum Sanctum, aut etiam feria V. in Cœna Domini discontinuantur prædictæ Missæ, cum Ecclesia prohibeat celebrare duobus primis, & in feria quinta Cœnæ iubeat communionem Sacerdotum in Missa solemni, in die quoque Parasceue propriè non dicitur Missa. Bartholomæus Gauantus *tom. 1. Thesaur. Sacror. Rit. par. 1. tit 5.* Bonacina *de Sacram. disp. 4. quæst. ult. punct. 7. §. 3. num. 7.* Barbosa *de Offic. Paroch. cap. 11. num. 29.*

23 Cum in Ecclesijs, & Religionibus Hispaniæ vigeat consuetudo,

do, quòd diebus Paschalibus, & festiuitatibus maioribus celebret Missam conuentualem Antistes, vel alia persona principalis; & Regula Missalis ordinet, quòd omnibus diebus Dominicis infra annum Sacerdos qui celebrauerit Missam Conuentualem exeat ante celebrationem Missæ cum Pluuiali, vel Cappa, & cum Ministris ad incipiendum in Altari maiori Antiphonam Asperges, & ad aspergendum Aquam benedictam populo, concedimus, quòd Antistes, seu alia persona principalis celebrans Missam Conuentualem, præmissa facere non teneatur; sed illa facere possit quilibet alius simplex Sacerdos, eius loco, & quòd talis Sacerdos non deferat Pluuiale, sed Albam, & stolam, vel superpelliceum, & stolā, nec procedat associatus cum Ministris, sed solum cum Acolythis. Ita Gregor. XIII. in Bulla *Pastoralis officij*. ann. 1573. Quaranta in *Summ. Bullar. verb. Diutnum officium*.

24 Qui Missas nouas celebrant, non possunt circuire Ecclesiam ad oblationem, ex Decreto S. Conc. Tridentin. *sess. 22. Gauant. in comment. in Rubr. tom. 1. part. 2. tit. 7.*

25 Missæ votiue non possunt dici die Dominica, aut in festo Duplici; ac per consequens, neque diebus, quibus prohibetur Festum duplex celebrari; scilicet infra Octau. Epiphan. Paschæ, & Pentecostes, & in Vigilijs Natiuitat. & Pentecost. ac in Feria quarta Cinerum, & Maiori hebdomada, Gauant. in *Tbesau. tom. 1. par. 1. tit. 4. §. non est duplex*. Vnde obligatus his diebus ad Missas votiuas, si in proximos dies non impeditos transferri nequeant, satisfacere videtur obediendo Rubricis.

26 Quando Missa votiua exigitur; v.g. de Assumptione B. Virg. Natiuitate, & huiusmodi; potest dici Missa votiua de B. Virgine, prout in Missis votiuis, cum intentione ad honorem Assumptionis, Natiuitatis B. Mariæ, &c. Gauant. in *Tbesau. tom. 1. part. 4. tit. 17. num. 8*. Similiter si dicatur aliqua Missa votiua de aliquo Sancto, mutatur in Collecta verbum *Natalitia*, seu *Festum*, in verbum *Commemorationem*. Gauantus in *Rubr. tom. 1. par. 4. tit. 17*. Cum Missa Rosarij solum dici possit à Patribus Dominicanis, & Missa B. V. de Monte Carmelo solum etiam à Carmelitis, iuxta dicta supra num. 21. si quis alius habeat onus celebrandi tales Missas, satisfaciet dicendo Missam de B. Virgine votiuam, vt in Missali. Probat Caian. vt sup. num. 9.

27 *Gloria in excelsis* numquam dicitur in Missis Votiuis, nisi in Missis Angelorum, & in Missis Beatæ Virginis, quocunque Sabbatho, etiam Aduentus. Extra Sabbathum autem non dicitur, etiam si sit tempus Paschale, vel infra Octauam, vel in Ecclesia, aut Altari Beatæ Virginis, nisi adsit speciale priuilegium, prout Aedi

Aedi Lauretanæ dicitur concessum. Gauantus *Comment. in Rubr. Miss. 10. 1. p. 1. tit. 8.* Quod etiam habetur ex usu antiquo nostræ Religionis *par. 1. Const. cap. 3. §. 4.* esto, quod oppositum statutum sit in Cæremon. Ord. *lib. 2. Rubr. 58. §. 2.* Similiter etiam in Missis Votivis solemnibus, quæ pro re graui, vel publica Ecclesiæ causa cantari possunt (etiam in Dominicis) dicitur *Gloria, & Credo.* Cæremon. Ordin. vt sup. *Rubr. 58. §. 2. & 5.* Res autem grauis est, pro qua conuenit Episcopus cum Clero. Publica autem causa dicitur etiam ob quam Oratio sit solemnis Quadraginta horarum per gyrum, & quando fiunt Comitia Generalia, seu Prouincialia Regularium. Ioannes Petrus Casanoua in *Collectan. ex Gauant.* It consonat Cæremon. Ord. *lib. 2. Rubr. 57. §. 2. & 5.* Si verò adhibentur paramenta Violacea in Missa non dicitur *Gloria*, neque *Credo.* Gauantus in *Thesaur. tom. 1. par. 1. tit. 8.*

28 Missa de *Requiem* priuata, quocunque die dici possunt, præterquam in Dominicis, & Festis duplicibus. Vnde nec possunt dici in diebus, in quibus prohibetur fieri festum duplex, relatis supra *nu. 25.* Si Festum duplex cadat in diem assignatum pro Altari privilegiato, & illud Festum sit de præcepto, non potest in eo Altari dici Missa de *Requiem.* Gauantus in *Thes. S. Rit. tom. 1. par. 1. tit. 5.* In Festo autem duplici non de præcepto, celebrari possunt Missæ de *Requiem*, non quidem semper, & in omni casu, aut ad arbitrium Sacerdotum, vel petentium tales Missas, sed vt impleantur voluntates defunctorum. Idem Gauantus vt sup. Missa quoque solemnis de *Requiem* potest celebrari in Dominicis, & Festis etiam de præcepto, quando corpus defuncti præsens est, & insepultum. Gauantus *ibidem.* In die autem Paschæ, & diebus primæ Classis, non conuenit hoc fieri. Ex Rituali Romano. Quando autem Missæ defunctorum certo die dicendæ, in eo dici non possunt, in sequentem transferuntur. Barbosa de *Off. Parochi cap. 1. à nu. 24.* Pro quo nota, quod quamuis Missa de Sancto, quoad valorem ex opere operato valeat defuncto quantum Missa de *Requiem*; sed non quoad valorem ex opere operantis, quia hic sumitur ex Orationibus Ecclesiæ, quæ in Missa de *Requiem* sunt specialiter pro defunctis assignatæ. Hic tamen excessus suppleri potest deuotione Sacerdotis, & intercessione Sancti, de quo dicitur Missa. Laurentius de Peirin. *tom. 1. priu. Minim. in Constit. 5. Leon. X.* Gauantus in *Thes. tom. 1. par. 3. tit. 12. à num. 19.* Barbosa vt supra *num. 23.*

29 Neque pro Missa votiuâ, seu pro defunctis potest omitti Missa Conventionalis de die, nec consuetudo in hoc admitti debet. vt probat Gauantus vt sup. *10. 1. p. 1. tit. 4.* vbi etiâ alia ad intentû.

30 In Canone Missę nomine Antistitis nō sunt nominandi Superiores Regularium, sed tantum Episcopi loci, in quo celebratur. Nec inferiores Episcopo. Gauantus *ut sup. p. 2. to. 1. tit. 8.*

31 In Altari priuati Oratorii, cui cōceditur ex priuilegio Apostolico celebratio Missę (exceptis solemnioribus festis) nō potest celebrari in Natali Domini, Epiphania, Paschate, Pentecoste, Annuntiatione, Assumptione B. V. Festo SS. Apostol. Petri, & Pauli, & Omnium Sanctorum. Gauantus *in Comment. in Rubric. Missal. to. 1. p. 1. tit. 10.*

32 Missę certis Regularibus concessę, quales sunt B. V. de Monte Carmelo Carmelitis, & Rosarii Dominicanis, imò & Sanctorum Ordinis, non possunt ab alijs dici, etiam in ipsorum Regularium Ecclesijs. Cum solum prædictis Regularibus, & non alijs concessę sint. Gauantus *in Comment. in Rubric. Miss. tom. 1. p. 3. tit. 10. §. intellige, quæ dicimus.* Vbi etiam quid dicendum de Capellanis secularibus Monialium non utentium Breuiar. Romano, quantum ad Officiū, & Missam. Vide dicenda *cap. 25. num. 43.* & Barbosam *de Offic. Parochi c. 11. n. 34.* Vide dicta *nu. 26.*


33 Quando dicitur *Confiteor* in principio Missę non debet addi nomen Patroni loci, vel alterius. Cum Pius V. hoc expressè concesserit Ecclesijs Hispaniæ. Ergo sine licentia Papę non licet talis additio. Gauantus, *ut supra p. 2. tit. 3. §. Confiteor Deo.*

34 Pro Ecclesiarum reuerentia maximè à Sacerdotib. curanda præcipitur à S. Congregatione Episcop. & Regular. Primò, ne in Ecclesijs appendantur arma, & sagittę. Secundò, ne intra Presbyterium derur locus Magistratibus, aut Officialibus Laicis. Tertiò, ne Turcę, aut mancipia permittantur ibidem tempore Diuinorum Officiorum. Quartò, ne conuocetur in Ecclesia ad consultanda Laicorum negotia. Quintò, ne Disputationes litterarię Regularium, extra Comitia generalia, fiant in Ecclesia. Hoc autem vltimum video Romę non obseruari in aliquibus Ecclesijs Regularium, forsan, quia commodiorem locum ad prædictas Disputationes litterarias faciendas, non habent. Pro dictis autem lege Gauantum *in Man. Episcopor. verb. Ecclesia num. 48. & verb. Ecclesiar. reuerentia num. 16. 23. & 29. & verb. Regular. Iura sub Episcop. nu. 47.* Vide dicta à Nobis *c. 12. nu. 41.*

35 Vide pro illis, qui Missas celebrare audent non constituti in gradu Sacerdotali, dicta *c. 10. n. 22.* Circa obligationem quā habent Sacerdotes recitandi Officiū Diuinum *cap. 12.* & pro his, quę possunt facere in proprijs Ecclesijs *ibid. num. 41.* Pro susceptione Sacrorum Ordinum *cap. 14.*

De Regularibus transeuntibus ex vna Religione
ad aliam .

C A P. X X I I.

I  **ERTA** res est, quòd magna causa non subsistente, nec licitus sit, nec consulendus transitus ex vna Religione ad aliam. Primò ex illo 1. Corinth. 7. *Quisquis in vocatione qua vocatus est permaneat.* Secundò ex mente quoque antiquorum Monachorum, Cassiani *Collat.* 14. cap. 5. D. Basil. in *Consil. Monast.* cap. 34. & D. Bernar. in *Epist.* 1. ad Robertum. Tertio, quia ex hoc transitu plerumque inquietudo, scandalum, murmuratio, & infamia Religiosorum oriri solet. S. Thom. 2. 2. *quæst.* 189. art. 8. Suarez 4. tom. de *Relig. lib.* 3. cap. 9.

2 Legitima tamen causa subsistente licitum est transire ex vna Religione ad aliam cum conditionibus inferiùs assignandis. Tum ex iure naturali, quo licitum est, votum proprium commutare in melius. Tum ex iure positivo Canonico, cap. *Statuimus*, & Cap. *Mandamus* 19. q. 3. cap. *Non est*, cap. *Sane* cap. *Significatum*, & cap. *licet*, vbi hoc supponitur. Suarez *ut supra* cap. 8. Sanchez *lib.* 6. in *Decalog.* cap. 7. num. 2. & 3. Neque contraria est Constitutio Pij Quinti anno 1569. quæ incipit *Quæcumque Sacrarum*, vbi statuit, non posse recipi, nec retineri ab vlla Religione Fratres alterius, sed remitti debere ad proprios Ordines. Intentum enim Pontificis solùm videtur esse, vt constet ex verbis ipsius, quòd ex vi facultatum, aut Priuilegiorum aliquibus Religionibus concessorum non liceat talis transitus. Nauarrus *lib.* 3. *Consil. tit. de Regularibus consil.* 88. Suarez *tom.* 4. de *Relig. lib.* 3. cap. 12.

3 Vt iste transitus ex vna Religione ad aliam licitus sit, requiritur primò, quòd non fiat temeritate, leuitate, odio, ira, contemptu, vel alia qualibet animi perturbatione, sed studio vitæ perfectioris, & sine iactura, & detrimento Religionis, à qua receditur. Ita enim deciditur ab Ecclesia in cap. *licet de Regularibus*, & est rationi naturali conforme, vt de se patet. Vt verò animus transeuntis ex vna Religione ad aliam, vel damnum, quod Religioni derelictæ inde cedit cognoscatur, circumstantiæ omnes prudenter examinari debent. D. Antonin. 3. p. to. 1. cap. 4. Siluest. *verb. Religio* 4. q. 1.

4. Secundò requiritur petitio licentiæ à Superiore. Quia ita deciditur in dicto cap. licet versu quocirca, ne bonum obedientiæ contemni videatur. Abulensis cap. 30. Num. quæst 73. Nauarrus lib. 3. consil. de Regul. conf. 52. vel 59. sufficit autem licentia petita, etsi non obtenta, quando iniuste illam negat Superior; sic enim deciditur in dicto cap. licet. Rodriguez 3. tom. quæstionum Regul. quæst. 52. art. 3. In dubio autem, si iuste, vel iniuste negatur ista licentia, standum est iudicio Superioris. Caietanus 2. 2. quæst. 189. art. 8. Sanchez lib. 6. in Decalog. cap. 7. num. 16. Potest tamen tunc appellare ad alium Superiorem, à quo res decernatur. Siluester verbo Religio 4. quæst. 1. Azor tom. 1. Institut. moral. lib. 12. capit. 14. quæst. 5. Hoc verò intellige de iure communi, nam nostri Patres Carmelitæ discalceati habent priuilegium à Paulo V. concessum anno 1610. die 3. Aprilis, vt non possint transire ad Carthusiam, nisi petita licentia, & obtenta à Superioribus, sub excommunicatione ipso facto.

5. Tertiò requiritur ad hoc vt transitus ab vna ad aliam Religionem sit validus, quòd Religio, ad quam fit transitus, sit perfectior. Ita enim habetur Capitibus supra aductis, præsertim cap. licet de Regul. Estque rationi naturali conforme, vt sicut semper datur locus, & via ad maiorem perfectionem, sic etiam ijs, qui ab ea recedunt, via præcludatur; transitus autem ad perfectionem Religionem arguit desiderium maioris perfectionis, sicut recessus ab illa, indicat non velle maiorem perfectionem. Quid verò intelligatur nomine perfectioris Religionis, aut quæ sit censenda perfectior, dissentiant Authores. Primò enim quidam, & satis probabiliter dicunt, eam esse putandam perfectiorem Religionem, quæ fuerit arctior, durior, & asperior, ita Sanchez cum multis alijs lib. 6. in Decalog. cap. 7. num. 21. Alij verò, etiam probabiliter dicunt, eam Religionem esse censendam perfectiorem quoad intentum, nõ quæ fuerit magis arcta, aspera, & seuera quoad obseruantias exteriores, sed quæ habuerit perfectiorem finem, & media ad illum proportionata. Eò quòd tota ratio, quare transitus iste licitus est ex natura rei, & iure Ecclesiastico, est propter maiorem gloriam Dei, & maiorem perfectionem Religiosorum, quod maxime reperitur in Religione, quæ habet perfectiorem finem, & media proportionata. Vnde transire à perfectiori Religione ad arctiorem, non erit ascendere, sed descendere, sicut propter eandem causam non est licitum commutare votum de actu perfectioris virtutis in actum strictioris. D. Thomas 2. 2. quæst. 189. art. 8. Nauarrus Commentario 4. de Regular. num. 2. & 3. Suarez 4. tomo de Religione lib. 3. cap. 9. num. 10. Ad iudicandum verò quæ

Religio fit perfectior, non tam attendenda eſt prima inſtitutio Religionis, & Regular, quàm præſens obſervantia, & modus, quo in illa Religione vivitur. Sic enim melius conſequitur finem intentum, qui ad perfectiorem vitam anhelat. *Azor lib. 12. Inſtit. moral. cap. 14. quæſt. 3. & 8. Leſſius de Inſtit. lib. 2. cap. 41. dub. 13.*

6 Quartò requiritur, vt Religioſus poſſit ex vna Religione ad aliam tranſire, quòd illi non ſit à Sede Apoſtolica talis tranſitus interdictus. Eſti enim iure communi liceat omnibus Religioſis tranſitus ad aliam Religionem, ſervatis tribus conditionibus aſſignatis, ſunt tamen ſpecialia iura, aut priuilegia interdientia aliquibus talem tranſitum. Primò enim in Extravaganti *viam de Regularibus* interdicitur ſub pœna excommunicationis latæ ſententiæ Papæ reſervatæ, nè ex Religionibus Mendicantis tranſitus fiat ad quæcumque aliam, niſi ad Carthuſiam. *Suarez tom. 2. de Religione Tractatu de voto lib. 3. cap. 6. num. 24. & quinto tomo in 3. par. diſput. 22. ſect. 5. num. 17.* Deinde Benedictus duodecimus in Bulla edita anno 1335. quæ incipit *Regularem vitam*; prohibet Fratres Mendicantes tranſire ad Monachos nigros, & Ciſtertiennes. Similiter Eugenius Quartus anno 1439. in Bulla, quæ incipit *Regularem vitam*, indixit Monachis Ciſtertiensibus, nè ad alium Ordinem, præter Carthuſianum tranſirent. Compendium Bullar. 1. tomo fol. 59. Deinde Pius Quartus, & Pius Quintus ſuis litteris Apoſtolicis conceſſere Societati Ieſu, ne ab ea tranſire poſſit aliquis, niſi ſolùm ad Carthuſiam. Ita habetur in priuilegijs Societatis verbo *Apoſtata* §. 4. *Suarez tom. 5. in 3. par. diſp. 22. ſect. 5. num. 19.* Patres quoque noſtri Diſcalciati Carmelitæ habent priuilegium, de quo ſupra num. 4. in quo illis interdicitur tranſitus ad quæcumque aliam Religionem, quocumque titulo, niſi ad Carthuſiam, & hoc petita, & obtenta licentia à Superioribus. Clerici autem Regulares Miniſtrantes infirmis etiam ad Carthuſianos tranſire nõ poſſunt ſine licentia Sedis Apoſtolice. Ita præcepit Paulus V. anno 1606. in Bulla *Romanum decet* 3. tomo *Bullary inter Bullas Pauli V. num. 20.* Pro his omnibus vide Sanchez lib. 6. in *Decalog. cap. 7. à num. 28.* Conſuli etiam debent varia Religionum priuilegia. Miranda in *Manuali tomo primo q. 31. art. 7.* Bonacina de *Claſſur. q. 2. punct. 9. §. 5. diſp. 2.*

7 Ex conditionibus aſſignatis, primæ, aut ſecundæ defectus non irritat tranſitum ex vna Religione ad aliam, nec reddit profeſſionem factam irritam, aut nullam, ſed ſolùm illicitam, ſaltem ſtando in iure communi. Nullum enim eſt fundamentum in Decretis ad ductis irritationis, cum in illis nõ apponantur dictæ conditiones tamquam forma ſeruanda in iſto contractu, ſed vt modus ex præcepto

cepto Ecclesiæ requisitus , cū ergo aliās ex iurē naturæ non sit irrita talis professio, quia est de meliori bono, scilicet de imperfectiori Religione ad perfectiorē (vt supponimus) non erit irrita professio . Suarez 4. *tomo de Religione lib. 3. cap. 10. num. 22.* Defectus tamen tertix conditionis reddit nullum transitum, & irritat professionem factam in Religione , ad quam fit . Ratio est , quia transitus ad Religionem nō perfectiorem nullo iure est permissus, & aliās est ex natura sua contra primam professionem per quam Religiosus est obligatus Religioni, in qua est professus. Sánchez *lib. 6. in Decalogum cap. 7. num. 93.* Defectus verò quartæ conditionis aliquando irritat transitum , & professionem factam de nouo in altera Religione; aliquando verò solum reddit illam illicitam . Ratio est, quia in illis priuilegijs aliquando apponuntur verba irritantia transitum , vt in Extrauaganti *viā de Regularibus*, aliquando verò solum prohibentia . Consulantur verba priuilegiorum . Sanchez *vt sup. num. 88.*

8 Transire Religiosum ad Religionem æquē strictam, & perfectam, quando nō est aliqua causa talis transitus, solum spectat ad Pontificem . Est enim Summus Pontifex Prælatus Supremus omnium Religionum , & ita mutare Religiosum ex vna Religione ad aliam solum spectabit ad ipsum , sicut ad Generalem mutare de Prouincia in Prouinciam , & ad Prouincialem de Conuentu in Conuentum, Azor *lib. 12. Instit. moral. cap. 14. quæst. 9.* Siluester *verb. Religio 4. quæst. 2.* Si verò Pontifex sine causa aliqua hanc facultatem concederet, illicitè faceret . Tum quia hoc esset contra ius Religionis , à qua fit transitus . Tum quia huiusmodi mutationes sunt ex suo genere odiosæ, & parum vtilēs . Suarez 4. *tomo de Relig. lib. 3. cap. 11. nu. 8.*

9 Quādo verò subest causa legitima, pōt Prælatus Pōtifice inferior dispēfare in trāsitu Religiosi ad Religionē equalē. Ratio est, quia Prælatus Religionis habet potestatē disponēdi de rebus suæ Religionis, causa rationabili subsistente, sine lēione voti emissi, & nisi illi sit ab Ecclesia prohibitum. Sed in casu transitus Religiosi ad Religionem æqualem est causa rationabilis , vt supponimus, rursus per talem transitum nihil derogatur priori professioni, quia commutatur in æquale, neque ab Ecclesia hoc est prohibitum, quia iura adducta solum loquuntur quando non est causa rationabilis dispensandi, ergo . Rodriguez *tomo. 3. quæstionum Regular. quæst. 52. art. 9.* Suarez 4. *tomo de Relig. lib. 3. cap. 11. nu. 2.* Prælatus, qui potest in hoc dispensare est Episcopus quando Religiosus transire volens est subiectus Episcopo . Quia tunc Episcopus est verus Superior illius . Angelus *verb. Religiosus num. 34.*

Siluefter *verb. Religio 4. quæst. 9.* Quando verò Religiosus non est subditus Episcopo, sed Prælatis Religionum, poterunt concedere istam licentiam Prælato Superiores Religionû, scilicet Generales, non tamen alij. Ratio est, quia dare istam licentiam est alienare illum Religiosum à tota Religione, quod solum ad Superiorem Prælatum spectare potest, cum alij solum habeant Iurisdictionem in vna Prouincia, vel in vno Monasterio. Rodriguez *2. tomo Summa cap. 6. numero 8.* Sanchez *lib. 6. in Decalogum cap. 7. numero 63.*

10 Hoc tamen non obstante probabile mihi est, quòd ad transitum Religiosi ad Religionem magis strictam sufficiat licentia Prælati immediati. Eò quòd *in cap. licet* solum exigatur petitio licentiæ à Prælato, Prælatus autem immediatus verè Prælatus est, & aliunde hoc est permissum iure naturali, & diuino, vnde non est, cur alterius Prælati licentia requiratur. Nauarrus *Comm. 4. de Regular. num. 10.* Rodr. *tom. 3. q. 52. ar. 3.*

11 Transire autem ad laxiorem, aut minus strictam Religionem non solum est prohibitum Religiosis, vt constat ex Iuribus adductis, sed sine causa urgente, nec à Summo Pontifice id condi potest, saltem quoad forum interius conscientiæ. Ratio est, quia ille transitus est commutatio Voti de meliori bono in minus bonum, quod cum sit contra ius Diuinum, & Naturale inualidè fit etiam à Summo Pontifice, si causa vrgens, ratione cuius in tali casu dispensare possit, non subsistat. Nauarrus *lib. 3. Constit. de Reg. conf. 56. vel 88. & Comment. 4. de Regu. num. 10.* Lessius *lib. 2. de Iust. cap. 43. dub. 13.* Causa tamen legitima subsistente, non solum Papa, sed, vt probabile est apud multos, etiam Prælati ipso inferiores talem dispensationem dare possunt. Ratio est quoad Papam, quia ipsi potest ius naturale, aut Diuinum interpretare, & cum causa rationabili in Votis quibuscumque dispensare. Quoad alios verò Prælatos, quia ex nullo iure constat hanc dispensationem esse Papæ referuatam. Concilium enim Tridentinum cum *sess. 25. de Reg. cap. 19.* decernit, quòd nemo Regularis cuiuscumque facultatis vigore transferatur ad laxiorem Religionem, loquitur de facultate obtenta sine causa legitima, vt docet Nauarrus *lib. 5. confil. de Regul. conf. 56. num. 3.* Lessius *2. de Iust. cap. 41. dub. 13.* Similiter Extrauagans *viam amissionis de Regular.* prohibens ne Mendicantes transeant ad aliam Religionem præter Carthusiam, intelligitur etiam de transeuntibus absque dispensatione, & causa legitima, vt docent Lessius *citatus*, & Sanchez *lib. 6. in Decalog. cap. 7. num. 68.* Cum ergo ex alio capite authoritas concedendi talem facultatem sit fere necessaria.

ria ad bonum regimen Religionis, & perfectam subiectionem, inferiorum ad Superiores, credendum est posse Prælatos inferiores Papa illam concedere. Rodriguez *tom. 3. questionum Regul. quest. 52. art. 9.* Lessius *ut supra.* Probabileque hoc putat Suarez *4. tomo de Relig. tract. 8. lib. 3. cap. 11. nu. 20.* Prælati verò, ad quos spectat concedere hanc licentiam sunt respectu nō exemptorum Episcopi; respectu verò exemptorum Prælati superiores Religionum, videlicet Generales, aut Prouinciales, non autem immediati, propter rationem adductam *sup. num. 9.* Sanchez *lib. 6. in Decalog. cap. 7. num. 70.* Suarez *ut supra num. 16.* approbans quoad hoc sententiam Siluestri *verb. Religio 4. q. 2.*

12 Causæ autem legitimæ transitus ex vna Religione ad aliam; arbitrio prudentis dispensantis relinquuntur; cum nihil circa hoc aliquo iure præscriptum sit. Magis autem generales causæ solent esse, infirma, aut incommoda valetudo, aut fragilis corporis natura, quæ Religionis strictioris austeritates ferre nequeat. Azor *tomo 1. Instit. moral. lib. 12. cap. 14.* Esse utilem in vna Religione, & in alia onerosum. Suarez *4. tomo de Relig. tract. 8. lib. 3. cap. 11. num. 21.* Magna necessitas parentum, quibus in vna Religione subueniri potest, & non in alia. Rodriguez *tomo 3. questionum Regul. quest. 52. art. 9.* Si Religiosus indignè, & iniuste odio haberetur, & malè tractaretur à Religiosis vnus Religionis. Azor, & Rodriguez *citati.* De his verò, & alijs causis Suarez, & Sanchez *ubi supra.*

13 Prælati, qui absque iusta, & legitima causa negaret subdito facultatem transeundi ad arctiorem Religionem, peccaret mortaliter. Ita deducitur *ex cap. licet quibusdam de Regul.* vbi dicitur, *Prælati subdito sine difficultate, & prauitate qualibet debet transeundi licentiam indulgere, ne videatur propositum impedire diuinitus inspiratum.* Siluester *v. Religio 4. q. 1. not. 5.* Miranda *in Man. 1. tom. 3. 1. ar. 6.*

14 Quando aliqua Religio, etiam si in se perfectior sit, aut strictior, deformata est, & relaxata, licitum est ex illa transire ad aliam magis reformatam etiam minùs perfectam, aut strictam, seruatis tamen seruandis, ut supra. Ratio est, quia finis propter quem omni iure licitus est transitus ex vna Religione ad aliam, est, ut quis ducat perfectiorem vitam, quod contingit in proposito casu. Sanctus Thomas *2. 2. quest. 189. artic. 8.* Miranda *in Manu. tomo 1. q. 31. art. 4.*

15 Nouo etiam iure, seu Decreto Sacræ Congregationis Concilij de Regularibus Apostatis, & Eieclis iussu Sanctissimi Domini Nostri Urbani Octauo anno 1624. edito sic habetur. *Deinde, ut*

apoſtalandi opportunitas Regularibus præcipiatur ſtatuit, ut de cætero nullus permittatur ad ætiorẽ Religionem tranſire, niſi prius Superiõri legitime conſiſterit, eam Religionem paratam eſſe illum recipere, qui licentiam petit, tumque regularis recta via ſe transferat ad ætiorẽ. Quod, ut re ipſa adimpleatur, idem Superior omni ſtudio, ac diligentia inuigilet. Hæc Sacra Congregatio. Quæ abſdubiè etiam obligant in caſu, quo Religioſus tranſiret ad aliam Religionem æquè ſtriẽtam, vel laxiorẽ propter eandẽ, vel maiorem rationem.

16 Translatus de vna Religione ad aliam debet de nouo in ea eſſe Nouitiuſ, & in probatione per vnũ anni ſpatium, & de nouo profiteri. Ratio eſt, quia Concilium Tridentinum ſeſſ. 25. de Regul. cap. 15. dum hoc generaliter præcipit fieri in quacumque Religione, etiam pro illis, qui in alia fuerunt Religioſi intelligi debet. Nauarrus lib. 3. Conſil. de Regul. conſil. 3. num. 1. & conſ. 49. num. 2. Miranda in Manual. tomo 1. quæſt. 31. art. 21. & 22. qui etiam hoc extendunt ad caſum, quo aliquis transferretur ad alium Ordinem, ut eſſet ibi Prælatus. Alij verò hoc negant. Vide Eraſmum Chokier in tract. de Iuriſdict. Ordin. in exempt. p. 5. quæſt. 14. Eſt autem neceſſaria iſta noua profeſſio cum nouo Nouitiatu, etiam quando eſt tranſitus ab vna familia in aliam eiũdem Ordinis, ut ſi à Diſcalceatis Carmelitarum ad obſeruantes eiũdem Ordinis, vel à Cõuentualibus ad Obſeruantes, vel Cappucinos in Ordine Minorum, vel è contra fiat tranſitus. Ratio, quia licet iſtæ Religiones cenſeantur vnæ ratione Regulæ, & Fudatoris, tñ impliciter ſunt diuerſe, & habent diuerſas aſſeritates, vel adminiſtrationis diuerſum modũ vinẽdi, atq; ita neceſſarius eſt nouus Nouitiatus, tum ad illa experiẽda, tñ ad hoc quòd Religio ipſa experiatur etiã mores, & conditiones admittendorũ ad illã.

17 Similiter translatus de vno Ordine in alium debet habere locum profeſſionis factæ in Ordine, ad quem transfertur, non quem in priori habebat. Ratio eſt, quia ſolũ à tempore profeſſionis factæ in Religione, ad quam transfertur, eſt Religioſus iſtius, & numeratur inter membra ipſius. Rodriguez tomo 3. quæſt. Regul. quæſt. 52. artic. 29. Sanchez lib. 6. in Decalog. cap. 7. num. 86. Secus eſt, ſi tranſeat aliquis ad aliquam Religionem, ut ſit Prælatus ipſius: hic enim ſine dubio debet habere primum locum in Conuentu; cum incongruum ſit Prælatus eſſe loco inferiore, ſuis ſubditis. Imò etiam volunt aliqui, quòd finito Officio debeat habere locum immediatè poſt Prælatus, & non locum prioris profeſſionis factæ in priori Religione, aut poſterioris in poſteriori Religione emiſſæ. Hoc verò intelligo ſolũ ſecundũ quãdam

dam decentiam. In rigore enim consuetudo, & Leges Religionis obseruandæ sunt. Nauarr. *lib. 3. Consil. tit. de Regular. in 1. edit. consil. 61.* Rodriguez *tom. 3. quæst. Regul. quæst. 52. art. 26.* Quid verò dicendum in casu, quo Monachus exemptus transferatur ad Prælatiam Monasterij non exempti, an maneat exemptus, vel non? Vide Erasmum Chokier in *Tra. de Iurisd. Ord. in Exempt. p. 5. q. 14. 18* Religiosus, qui legitimè ad aliam Religionem transiuit, si ante professionem velit redire ad priorem Religionem est in illa admittendus. Cum adhuc maneat cum vinculo professionis factæ in Religione à qua discessit, sitque membrum illius. Siluest. *verb. Religio. 4. quæst. 5.* Azor *tom. 1. Instit. Moral. lib. 12. cap. 14. quæst. 11.* Idem dico, etiam si iniuste, aut illegitimè ad aliam Religionem transiuit. Propter eandem, imò maiorem rationem. Sanchez *lib. 6. in Decal. cap. 7. num. 105.*

19 Religiosus ad aliam Religionem modo legitimo translatus non solum non tenetur ad Obseruantias prioris Religionis, vt de se patet, cum iam sit ab illius iugo exemptus, sed neque tenetur ad alia Vota specialia in professione prioris Religionis emissã, v. g. si erat ex Ord. Minimorum ad vitam Quadragesimalẽ. Ratio est, quia illa Vota annexa sunt professioni prioris Relig. cessante autem principali, cessant etiam accessoria. Suarez *tom. 2. de Relig. Traç. de Voto. lib. 6. cap. 3. num. 7.* Sanchez *lib. 6. in Decal. cap. 7. num. 87.* Vnde similiter si Religiosus Choro destinatus, nec in Sacris constitutus transeat ex Religione, in qua est consuetudo, quòd tales dicant Officium Diuinum, ad Religionem, vbi non est talis consuetudo, non tenetur illud recitare. Quia cessat ratio obligationis, nèpe consuetudo. Bonac. *de bor. Cano. disp. 1 q. 2. pun. 2. m. 2.* 20 Transeuntes ex vna Religione in aliam, etsi Canonici Regulares sint, sunt omnino incapaces quorumcumque Beneficiorum secularium, etiam Curatorum. Ita habetur in Conc. Trident. *sess. 14. cap. 11.* Ratio huius decisionis videtur esse, ne aliquis transeat ex vna Religione in aliam, sub spe obtinendi aliquod Beneficiumulare. Lessius *2. de Iust. cap. 41. dub. 13. num. 105.* Suarez *4. tom. de Relig. Traç. 8. lib. 3. cap. 15.* Et intelligitur quamuis ad strictiorem sit transitus. Quia generaliter loquitur Concilium. Sanchez vt sup. *num. 108.*

21 Deinde Mendicantes, qui, auctoritate etiam Apostolica, ad non Mendicantes transeunt, ex *Clement. 1. de Regular.* primò priuantur voce in Capitulo, etiam si hoc illis ab alijs concedatur. Voce inquam actiua, & passiuã, quia textus generaliter loquitur. Bonacina *de Clausur. quæst. 2. punct. 9. §. 5. num. 2.* Deinde priuantur etiam loco in eodem Capitulo. Sanchez *lib. 6. c. 7. num. 123.*

Præterea non possunt assumi ad Prioratus, Administrationes, aut quæcumque alia Officia, etiam tamquam Vicarij, seu Ministri; vel locum aliorum tenentes, nec animarum curâ, aut regimen possint pro se, vel pro alijs exercere: & quidquid in contrariû gestû fuerit, irritum est, & nullû. Itadecernitur in *præd. Clem. 1. de Reg. Et ratio decisionis esse potest, vt Mendicantes quietiûs in sua vocatione persistât. Azor lib. 12. Instit. Mor. c. 14. q. 12. Sanchez lib. 6. in Decal. cap. 7. à num. 109. Extat autem quædam declaratio Cardinalium, limita ns hanc decisionem pro transeuntibus ad Carthusianos per hæc verba: Omnes cuiuscumque Religionis legitime translati ad Carthusianos, possunt in eadem Carthusiensi Religione in Claustro Priores, & extra claustrum Procuratores esse. Suarez tom. 4. de Relig. tract. 8. lib. 3. cap. 15. num. 6. Vide alia in Bonacina vt sup. à num. 4. Suarez, & Sanchez citati.*

22 Transeuntes ex vna Religione ad aliam illegitimè, scilicet sine causa, aut sine licentia, aut contra prohibitionem Iuris, non sunt veri Apostatæ, sed fugitiui. Ratio primæ partis est, quia licet illicitè, & inualidè ab vna Religione recedant, transeunt tamen ad aliam, & ideo non dicuntur simpliciter recedere ab statu Religioso, quod requiritur ad veram Apostasiam. Ratio verò secundæ partis est, quia indebitè, & inualidè fugiunt ab obedientia, suorum Superiorum. Lessius 2. de Iust. cap. 41. dub. 13. Azor lib. 12. Instit. Mor. cap. 17. quæst. 7.

23 Omnia bona Religiosi transeuntis, etiam cum licentia suorum Superiorum, ex vna Religione ad aliam, ante professionem in secunda Religione factam acquisita, vel quomodolibet ad illum pertinentia, pertinent ad primam Religionem. Ratio est, quia ante professionem in secunda factam, semper remanet membrum primæ Religionis, & illi acquirit quidquid acquirit. Nauarrus Comment. 4. num. 24. vers. 11. & lib. 3. Conf. conf. 55. num. 9. Azor tom. 1. Instit. Mor. lib. 12. cap. 15. quæst. 3. & cap. 16. quæst. 8. multò magis hoc verum est de bonis Religiosi transeuntis illegitimè ex vna Religione ad aliam, non solum enim bona, quæ acquirit ante professionem, sed etiam quæ post professionem acquirit, pertinet ad primam Religionem, à qua discessit. Quia cum transitus ille sit illegitimus, & inualidus, nullum ius ex eo prouenire debet posteriori Religioni. Azor tom. 1. Instit. Mor. lib. 12. cap. 15. quæst. 3. Molina tom. 1. de Iust. disp. 144. Vnde Religiosus, vel Religiosa, quæ transfertur ad aliam Religionem, non potest secum deferre ex bonis, quæ ad vsum habebat, nisi ea solum, quæ sibi gratiosè à Superioribus fuerint concessa. Nauarrus in c. Non dicatis. n. 30. & 31. & in c. statutus n. 24. & alibi.

24 Religiosi cuiuscumque Ordinis, & Religionis extiterint, exceptis Carthusianis, admittentes, siue recipientes Fratres alterius Ordinis, præter ordinem Iuris, mortaliter peccant. Quia in re grauissima delinquant. Est etiam excommunicatio lata contra recipientes Fratres aliquarum Religionum, propter priuilegia ipsi ab Ecclesia concessa, specialiter Martini V. pro Mendicantibus transuentibus ad Monachales excepto Carthusiensium Ordine. Vide Casarrubium in *Comp. priu. verb. Apostata ab Ordine*. Miranda in *Man. tom. 1. quæst. 51. art. 2.* Religiosi quoque Ordinis Beatæ Mariæ de Mercede, etiam quarti Voti prætextu, non possunt recipere Minores de Observantia, aut alterius Ordinis strictioris professores. Ita Clemens Octauus in Bulla *Nuper ad nos.* anno 1596. edita, ubi declarat Regulam strictiorem iudicandam, esse alia ratione, quam respectu quarti Voti. Deinde recipientes fratres Minimos sunt excommunicati à Iulio II. in Bulla *Sacer Ordo.* anno 1508. Peirinis *tom. 1. de Subdito. quæst. 1. de Obed. cap. 24.* Item ex priuilegio Alexand. IV. nulli Religiosi professores Ordinis parisi arctitudinis, vel minoris, aliquem de Fratribus Ordinis Carmelitarum, ad eorum Ordinem admittere possunt, sine consensu Generalis eiusdem Ordinis, & si forsan aliquem aliter receperint, illum tenentur restituere. Insuper ex priuilegio Ioann. XXII. Fratres Prædicatores, vel Minores, vel Augustiniani, non possunt ad eorum Ordines Fratres Carmelitanos recipere, vel retinere, sine eiusdem Generalis licentia, sub pœna priuationis Officij, vel Administrationis, & inhabilitatis ad alia ipso facto. *Speculum Ord. f. 71.* Vide alia in Bonac. *de Clausur. q. 2. pun. 9. §. 5.*

25 Religiosus Clericus ad Chorum deputatus, iussu, & auctoritate Superiorum potest transire ad Ordinem Laicorum, siue Conuersorum in eadem Religione. Sicut enim Superiores possunt suis subditis maiores pœnas infligere, videlicet carceris, eiec-tionis, eremium, &c. ita etiam poterunt istam pœnam imponere. Azor *tom. 1. Instit. Mor. lib. 10. cap. 6. quæst. 7.* Ledesma 2. *par. Summ. tract. 9. cap. 4.* Hoc verò intelligo de Clerico ad chorum destinato, qui nondum est in Sacris constitutus. Nam si est in Sacris, non potest ad inferiorem Ordinem deijci, etiam si à suis Ordinibus suspendatur. Sotus 10. *de Iust. quæst. 9. art. 3.* Laurentius de Peirinis *tom. 1. de Subdito. quæst. 1. de Obed. cap. 24.* Causæ autem propter quas Clericus non ordinatus, choro tamen destinatus, possit ad Conuersos deijci, regulariter sunt tres; nimirum punitio delicti, ineptitudo ad litteras addiscendas, & maximus ardor vitæ humilioris. Sanchez *lib. 6. in Deca. cap. 7. num. 81.* Prædictus autem Religiosus Clericus non ordinatus ad Conuersos trans-

tus

tus, non tenetur dicere Officium Canonicum Clericorum. Cum totum fundamentum talis obligationis in alijs Religiosis Clericis Choro destinatis, nec in Sacris constitutis, sit dicta destinatio ad Chorum, & consuetudo, iuxta dicta supra *capit. 12. numer. 3.*

26 Qui ingreditur in aliquam Religionem animo tamen transeundi ad aliam post professionem, vel postquam studiorum curriculum perfecit, aut ad Presbyteratum promotus fuerit, peccat graviter sic faciendo; transitus tamen ad aliam Religionem, si fiat legitimo modo, validus est. Ratio primæ partis, quia decipit Religionem in re gravi. Ratio verò secundæ, quia vititur iure suo. Bonacina in *Tract. de Clausur. quest. 2. punct. 9. §. 1. num. 2.* Imò videtur teneri ad restitutionem expensarum, quas Monasterium fecit in ipso alendo, deductis ijs, quæ ipse proprio labore, & ministerio in utilitatem Monasterij fecit. Quia fecit damnum Religioni prædicto animo in ipsam ingrediendo, & ita debet illud refarcire. Sanchez *lib. 6. in Decalog. cap. 10. num. 2.* Bonacina *ut supra.*

27 Totus etiam Conventus potest ad arctiorem Religionem transire, servatis servandis. Tum quia eadem est ratio de transitu Conventus, ac de transitu Religiosi. Tum quia id supponitur in *cap. recolentes. ver. ceterum. de stat. Monach.* Rodriguez *tom. 3. quest. 52. ar. 6.* Bonacina in *Tract. de Clausur. quest. 2. punct. 9. §. 2. num. 5.*

28 Episcopus etiam Regularis potest ad strictiorem Religionem transire, cum licentiâ tamen Papæ. Ratio primæ partis, quia licitum est cuique maiorem perfectionem querere; Religio autem strictior semper præsupponitur maioris perfectionis, quam laxior. Ratio secundæ sumitur ex *cap. licet. de Regul.* Vbi generaliter vetitum est Episcopis ad Religionem transire absque facultate Papæ. Bonacina *ut supra num. 7.* Quod idem dicendum est de Episcopis Regularibus, qui iam Episcopatum ex licentiâ Papæ renunciarunt. Propter eamdem rationem. Si autem isti redeant ad suam Religionem sub obedientia Prælatorum ipsius, satis erit ad transitum faciendum licentiam petere à Superioribus Religionis, sicut & alij. Sanchez *lib. 6. in Decal. cap. 7. num. 8.*

29 Ex Concilio Tridentino *sess. 14. de reform. cap. 11.* sic habetur: Quia verò Regulares de uno ad alium Ordinem translati, facili à suo Superiori licentiam standi extra Monasterium obtinere solent, ex quo vagandi, & apostatandi occasio tribuitur: nemo cuiuscumque Ordinis Prælati, vel Superior, vigore cuiusvis facultatis aliquem ad habitum, & professionem admittere possit, nisi, ut in Ordine ipso, ad quem

quem transfertur, sub sui Superioris obedientia, in Claustris perpetuò maneat. Ex quo Decreto in primis habetur tam transeuntem ex vna Religione ad aliam, quàm recipientem, animo non manèdi intra Claustra perpetuò, grauiter peccare contra illud. Suarez 4. tom. de Relig. tract. 8. lib. 3. cap. 15. num. 8. Addens etiam num. 9. talem receptionem irritam non esse ex vi illius prohibitionis, cum Concilium non apponat clausulam irritantem. Poterit nihilominus, non obstante prædicto Decreto, Superior Religionis dare prædicto sic translato eas licentias exeundi extra Monasteriũ, & standi extra claustra, quæ alijs licitè, & de iure concedi possent Religiosis illius Ordinis. Quia Concilium solum videtur intendere, quòd prædictis sic translatis non concedantur illæ licentia existendi extra Claustra, quibus vagandi, & apostatandi occasio tribuitur. Sanchez lib. 6. in Decal. cap. 7. num. 83.

De obligationibus Religiosorum ab Ordine eiectorum.

C A P. X X I I I.

- C**ERTVM est posse Prælatos Religionum Religiosos incorrigibiles ab Ordine eiecere. Quia id supponitur in cap. fin. de Regu. & cap. cum ad Monasterium. de stat. Monach. Constatque ex multis priuilegijs Religionum, de quibus Cordub. in Reg. Diui Francisci cap. 2. quæst. 21. punct. 1. & habentur in prinil. Mendicantium verb. Ejicere. Ratioque id suadet, quia refecandæ sunt carnes putridæ, ne sarnas corrumpant, & scabiosa ouis à caulis repellenda, ne cæteras inficiat, vt docet Sanctus Hieronymus in epist. ad Galatas cap. 5. Anteponeque debet bonum commune Monasterij bono priuato Religiosi. Azor tom. 1. Instit. Mor. lib. 12. cap. 16. quæst. 2. Lessius 2. de Iust. cap. 41. dub. 14.
- 2 Ad hoc, vt Religiosus sit, & dicatur incorrigibilis, tria hæc requiruntur iure communi, scilicet, quòd crimina graua sæpius commiserit, quòd monitus sæpè non destiterit, & quòd poenitentiam pro illis non acceptauerit. Ratio est, quia ille solum dicitur incorrigibilis, cuius emenda non speratur, at verò vt alicuius emenda non speretur, tria illa requiruntur. Sairus de censur. lib. 5. cap. 21. num. 37. Sanchez lib. 6. in Decal. cap. 9. num. 4.
- 3 Quæuis autem de iure communi loquendo, solum tria prædi-

dicta sufficerent ad hoc, quòd Religiosus incorrigibilis diceretur, iure tamen nouo, & Decreto Sacre Congreg. Conc. S. D. N. Papæ Urbani VIII. iussu edito die 21. Septembr. anno 1624. aliæ conditiones requiruntur, vt Religiosus eijci possit, & censeatur incorrigibilis, videlicet, Vt in posterum è Religionibus nullus legitime professus eijci possit, nisi sit verè incorrigibilis; verè autè incorrigibilis minimè censeatur, nisi non solum concurrant ea omnia, quæ ad hoc ex iuris communis dispositione requiruntur, sublati hac in parte Statuti, & Constitutionibus cuiusque Religionis, & Ordinis, etiam à Sede Apostolica approbati, & confirmati, verum etiam vnus anni spatium in ieiunio, & pœnitentia probetur in carceribus, proindeque vnaquæque Religio priuatis habeat carceres in qualibet saltem Prouincia. Elapso autem anno, si nihilominus non respuerit, sed animo indurato in sua peruicacia perseuerauerit, ne contagione pestifera plurimos perdat, tamquam pecus morbida, ac membrum putre, eijci tandem possit, sed ab ipsomet Generali tantum de consilio, & assensu sex Patrum ex grauioribus Religionis eligendis in singulis Capitulis, vel Congregationibus Generalibus, tumque non nisi instructo secundum eorum styllum, & Constitutiones processu, & plenè probatis causis expulsionis ad Sacrorum Canonum præscriptum. Interea tamen vsque ad primum Generale Capitulum, seu Congregationem proximè celebrandam, si quempiam ex iustis, & necessarijs causis expellere oportebit, eiectio fieri possit à Generali cum consilio, & assensu sex Patrum, vt supra, quos idemmet Generalis, eligere debeat infra quattuor menses à præsentis Decreti publicatione, seruata tamen in reliquis forma superius præscripta. Vide 4. tomo *Bullar. inter Constitutiones Sanctissimi Domini nostri Urbani num. 26.* Et Bonacina de *clausur. q. 2. puncti. 12. §. 1.*

4 Ex quibus non solum habetur nullum Religiosum in posterum expelli posse nisi seruatis prædictis conditionibus, sed etiam nullum expelli posse nisi titulo incorrigibilitatis, vt constat ex illis verbis, *In posterum è Religionibus nullus legitime professus eijci possit nisi sit verè incorrigibilis.* Neque obstant multa priuilegia Religionibus concessa, ob quæ propter alia delicta, præsertim illa, quibus in sæculo respondet pœna mortis, eijci poterant, vt bene Azor *tomo 1. Institut. mor. lib. 12. cap. 16. quest. 3.* Ius enim nouum Sacre Congregationis adductum, omnia priuilegia in contrarium tollit, vultque solum propter incorrigibilitatem Religiosum eijci posse. Estque hoc conforme Iuri antiquo communi,

muni, in quo solum propter incorrigibilitatem permittitur talis: eiection. D. Thom. *quodlibet* 12. art. ult. D. Bonavent. in *Regul. D. Francisci* q. 14.

5. Circa sex illos Patres eligendos, de quorum solum consilio, & assensu ejici possunt incorrigibiles, ex vi huius Decreti, cum difficile sit Generalem quocumque ierit, illos secum deferre, dicitur supplicatum fuisse S. Congregationi, ipsamque respondisse, posse Generalem in qualibet Prouincia, in qua id opus fuerit, assumere sex ex diffinitoribus illius pro hac causa. Laurentius Peirinis *to. 2. priuileg. Minim. in Constit. 10. Urban. VIII.* Consonat etiam Decretum Capituli Generalis nostri Ordinis ann. 1625. Romæ celebratum, ubi facultas Generali committitur eligendi sex Patres sibi bene viſos ad hunc effectum, vt habetur p. 4. *Constitut. cap. 21. §. 14.*

6. Hinc, si Religiosus iniuste, aut illegitime, modo prædicto non seruato, eiceretur ab Ordine, non solum ejiciens peccaret contra iustitiam, sed & expulsus posset compellere Monasterium vt ipsum admitteret, & alimenta præberet. Eò quòd iniuste priuatus esset iure sibi debito: sicut enim Religiosus per professionem se obligauit in Religione mansurum; sic etiam & Religio ad illum retinendum, & alendum. Molina *tomo 1. de Iust. disp. 140. §. quando Religiosus.* Sanchez *lib. 6. in Decalogum cap. 8. numero 7. & 8.*

7. Religiosos à Religione eiectiones tenentur Prælati illius, scilicet Præſidentes in Capitulis celebrandis, Patres Abbates, seu Priores; quætere illos annuatim, & reducere ad Religionem, quando salua Ordinis disciplina admitti possunt. Ita enim præcipitur in *cap. fin. de Regularib.* quod quidem, licet in vsu non fuerit (vt aliqui volunt: Sanchez *lib. 6. in Decalog. cap. 9. num. 18.*) & alij dicant solum extendi ad eos, qui iniuste sunt eiectiones. (Azor *lib. 17. Instit. mor. cap. 16. quest. 2. & cap. 17. quest. 2.*) illud tamen nouissime innouauit S. Congreg. Cardinalium supra adducta *num. 3.* & extendit ad illos etiam, qui iuste, & legitime sunt expulsi, dummodò in illis subsit spes euidentis emendationis, per hæc verba. *Ac postremò censuit esse innouandam, & sua Beatitudinis auctoritate innouat Constitutionem felicitis recordationis Gregorij IX. relatum in cap. fin. extr. de Regularib. Ac præterea declarat eam Constitutionem in ijs quoque vendicare sibi locum, seruandamque esse, qui iuste, diffinitiuèque, ac Iuris Ordine seruato, expulsi fuerint, dummodò tamen in expulsi huiusmodi subsit spes euidentis emendationis ex litteris testimonialibus Ordinarij; &c.* Additur præterea in eodem *cap. fin.* quòd si tales eiectiones non possint admitti salua Ordinis:

dinis disciplina, ut apud eadem Monasteria in locis competentibus, si absque graui scandalo fieri poterit, alioquin in alijs Religiosis domibus eiusdem Ordinis ad agendum ibi pœnitentiam talibus vite necessaria ministrantur. Et quod si illos inuenerint inobedientes, eos excommunicent, & tandiu faciant ab Ecclesiarum Prælatiſ excommunicatos pronuntiari publicè, donec ad mandatum ipsorum humiliter reuertantur. Quæ omnia licet forſan per non vſum abrogata iam eſſent, quia tamen de nouo innouata ſunt à S. Congregatione, ut ſupra, executioni mandari debent à Superioribus Religionum.

8 Ex Decreto etiam eiſdem S. Cōgregationis, ſic Eiecti quamdiu non redierint ad Religionem, in habitu clericali incedant, atque Ordinarij loci Iuriſdictioni, & obediētia ſubſint, proindeque Generalis illico expulſionis ſententiam eidem Ordinario notificare teneatur. Inſuper ſtatuit, ut ydem Superiores nemini ex Religioſis expulſis, litteras teſtimoniales concedant, illos ad Sedem Apoſtolicam reiſciantes, vel iubentes aliam ingredi Religionem. Item declaratur, & præcipitur in eodem Decreto S. Congregationis. *Vt Eiecti extra Religionem degentes ſint perpetuò ſuſpenſi ab exercitio Ordinum, ſubſtata Ordinarijs locorum facultate dictam ſuſpenſionem relaxandi, aut moderandi.* Ex illis autem verbis, extra Religionem degentes, inferri videtur ſolū habere locum hoc Decretum quantum ad hanc partem in illis Eiectis, qui non intrant in aliquam aliam Religionem. Bonacina *de Claſur. q. 2. punſt. 12. §. 6.*

9 Quando conſtiterit huiusmodi Eiectos plenè correctos eſſe, poſſunt ipſi cogere Religionem, ex qua eiecti ſunt, vt eos admittat. Probatur ex deciſione *cap. fin. de Regular. adiuncta declaratione S. Congregationis adducta ſupra num. 7.* ibi enim præcipitur Prælatiſ, vt eos quærant, multò ergo magis obligantur eos recipere, ſi iam correcti redeant. Nauarrus *lib. 3. conſtit. de Regular. conſ. 18. vel 51.* Molina *tomo 1. de Juſt. diſp. 140. §. quoad votum.* Neque in hoc admitti debet excuſatio aliqua poſt dictam declarationem S. Congregat. nam per eam innouatur dictum, *cap. fin. de Regular.* quidquid dicant aliqui authores, qui ipſam videre non potuerunt. Cordub. in *Regul. D. Francisſi cap. 2. q. 71. punſt. 2.* Leſſius *2. de Juſt. cap. 41. dub. 15. num. 112.* & Sanchez *li. 6. in Deca. cap. 9. num. 32.* Redeuntēs tamen ad Religionem non teneantur nouam profeſſionem facere. Quia prior profeſſio non eſt extincta, ſed ſolū ſuſpenſa pro aliquo tempore. Rodriguez *tomo 1. quæſt. Regul. q. 30. art. 28.* Sanchez *lib. 6. in Deca. cap. 9. n. 33.* contra Nauarrum. An verò ſic redeuntēs admitti debeant in eodem gradu antiquitatis, quem habebant ante eiectionem, &

cumi

cum eisdem prerogatiuis, pendet ex varijs legibus Religionum; regulariter tamen, & seclusis particularibus circumstantijs, dicendum est, quòd cum meruerint eijs, digni quoque sunt, vt eiusmodi prerogatiuis priuentur. Suarez 4. tom. de Relig. tractat. 8. lib. 3. cap. 5. num. 17.

10 Tempore quo manent isti Eiecti extra Religionem non possunt ad aliam, siue æqualem, siue laxiorem transire sine licentia Superiorum suæ Religionis, & alijs conditionibus assignatis cap. precedenti. Ratio est, quia vt dicemus, isti Eiecti, etiam tempore eiectionis perseverant Religiosi illius Ordinis à quo sunt eiecti, & illi subiecti; non ergo possunt sine licentia Superiorum eiusdem Ordinis hunc transitum facere. Cordub. in Reg. D. Francif. cap. 2. quæst. 21. punct. 3. Suarez tom. 5. in 3. par. dis. 22. sect. 5. n. 20. Hoc verò intellige de iure communi, si enim permanet in sua vi priuilegium quoddam Innoc. IV. concessum Minoribus, possunt isti Eiecti de Ordine Minorum, & aliorum ipsius priuilegia participantium, transire ad Ordines approbatos, præterquam ad certas quædam Religiones, & cum certis quibusdam conditionibus in eo expressis. Rodriguez tomo 1. quæst. Regu. q. 30. art. 22. Sanchez lib. 6. in Dec. c. 9. §. 39. Crediderim tamen non esse in usu huiusmodi priuilegium. Nec scio an illud fuerit viuz vocis oraculum, quia si tale est his temporibus nihil valet.

11 Eiecti manent verè Religiosi & cum onere trium Votorum essentialium sicut antea. Colligitur hoc ex cap. fin. de Regu. & ratio suadet: cum per eiectionem non sint dispensati, aut absoluti à professione, quam fecerant, aliàs ex suo delicto commodum reportarent contra ea, quæ traduntur c. 1. de postu. Pralat. & cap. sedes Apost. & rescript. essentque melioris conditionis, quàm Religiosi facti Episcopi, aut Cardinales, quos manere veros Religiosos diximus cap. 17. num. 1. Nauarrus Comm. 2. de Reg. d. nu. 34. & Comm. 3. num. 46. Azor tom. 1. Instit. mor. lib. 12. cap. 16. quæst. 4. 7. & 11.

12 Vnde manent cum eodem Voto Castitatis sicut antea; cum in eo nullo modo sint dispensati. manent etiam cum eodem Voto obedientiæ, quantum ad hoc quod teneantur obedire Superioribus, si eos vellent ad Religionem reuocare. Siquidem habet ius illos reuocandi, cuius signum est quod in prædicto cap. fin. de Reg. innouato à Sacra Congregatione, vt supra nu. 7. præcipitur vt censuris cogantur ad Reli. reuerti, Quod non esset, nisi ipsi essent ad hoc obligati ex vi Voti Obedientiæ. Siluester verbo Apostasia, q. 6. n. 10. & Verbo Religio 6. q. 12. nu. 12. Nauarrus lib. 3. cons. in 2. editione tit. de Reg. cons. 77. Manet etiã cum eodẽ Voto obedientiæ.

tiz,quātūm ad hoc quòd est teneri morigeratè viuere, & reddere se aptos ad viuendum in Religione, & vt ad illam admittantur. Cum ad hoc etiā sint obligati ex vi suæ Professionis, in qua non est dispensatum. Sotus 7. *de Iustitia, & Iure* q. 2. ar. 3. ad 3. Sanchez *lib. 6. in Dec. c. 9. à nu.* 25. Tenentur etiā ex vi Voti Obedientiz esse parati ad obediendum Prælatis Religionis, quando ad ipsam fuerint reuocati. Propter eandem rationem, Molina *to. 1. de Iustitia disp.* 140. §. *quo ad Votum.* Rodrig. *to. 1. quæst. Regu. quæst.* 30. art. 19.

13 Non tamen tenentur ex vi Voti Obedientiz, quod emiserunt, subijci Episcopis specialiori modo, quam alij Clerici. Quamuis oppositum doceat cum Nauarro Suarez 4. *tom. de Reli. tract.* 8. *lib. 3. cap. 6.* & aliqui etiā velint amisisse per expulsionem priuilegium exemptionis. Erasmus Chokier *de Iurisdic. Ordinari. in Exempt. part. 1. quæst.* 20. Ratio est, quia Votum Obedientiz, quod emiserunt, solum erat obediendi Prælatis Religionum, non alijs. Molina *tom. 1. de Iust. disp.* 140. Lessius 2. *de Iust. cap. 41. dub.* 15. *nu.* 114. Nec etiā tenentur ex vi eiusdem Voti transire ad aliam Religionem. Siquidem nullo modo illam vouerunt, sicut neque Religionem in genere, sed solum illam determinatè, à qua expulsi sunt. Sotus 7. *de Iust. quæst.* 2. ar. 1. Nauarr. *Comm. 2. de Reg. nu.* 36. Hoc etiā videtur supponi à Sacra Congregatione in Decretis adductis supra *num.* 8. dùm præcipit Superioribus Religionum, ne huiusmodi expulsis *litteras testimoniales concedant, iubentes ingredi aliam Religionem.* Vnde non tenentur obedire Superioribus iubentibus, vt transeant ad aliam Religionem. Propter rationem adductam: Lessius 2. *de Iust. cap. 41. dub.* 15. Rodriguez *tom. 1. quæst. Regul. quæst.* 30. art. 22.

14 Quoad Votum Paupertatis, tenentur ad illud huiusmodi Eieclis, eo modo, quo status illorum patitur. Quia hoc est de essentia Religionis, quam sunt professi, & à qua non sunt dispensati. Sanchez *lib. 6. in Deca. cap. 9. num.* 27. & 45. Nauarrus *Comm. 2. de Regular. num.* 35. Vnde Eieclis nec habent, neque habere possunt dominium cuiusvis rei. Quia hoc est directè contra Votum. Nec vsum irreuocabilem, aut vsum Iuris; propter eandem rationem. Sed solum vsum facti, & incertum rerum sibi ad victum, vestitum, habitationem, & vitam necessariarum. Quia hoc non est contra Votum Paupertatis, nec professi sunt carere his rebus. Quare si illæ à Religione non concedantur, eo ipso datur licentia quærendi, & habendi illas. Lessius 2. *de Iust. cap. 41. dub.* 15. *num.* 112. Nec possunt testari, si in illo statu moriantur. Quia potestas testandi pugnat cum Voto Paupertatis, & supponit dominium rei, non me

merum vsum, quem solum habent Eiecti. Lessius *et supra num. 113. Sairus in Clau. Reg. lib. 6. cap. 9. num. 28.* Hinc etiam non possunt facere expensas magnas, superfluas, nec donationes illicitas, aut rerum magni ponderis; & accipientes ab illis, tenentur ad restitutionem. Cum prædicti Eiecti non sunt domini eorum, quæ possident, sed solum administratores nomine Religionis in ordine ad vsus necessarios. Poterunt tamen res minoris momenti expendere, & donare, absque eo quod accipientes teneantur ad restitutionem. Quia quoad ista censentur habere licentiam à Prælati Religionis, à qua sunt expulsi. Lessius *de Iust. cap. 41. dub. 15. num. 113. Molina tom. 2. de Iust. disp. 276. & 520.*

15 Acquirunt isti Religiosi Eiecti Monasterio, vel Religioni, unde sunt expulsi. Cum Monasterium, siue Religio, ex vi professionis ab ipsis facta, habeant ius ad omnia bona ab ipsis in posterum acquirenda. Præsertim cum huiusmodi Eiecti non sint omnino à Religione derelicti, sed solum separati à communione, & commercio ipsius; cuius signum est, quod tenetur querere illos, & si correcti resipiscant, admittere, vt diximus supra. Lessius *2. de Iust. cap. 41. dub. 1. num. 112. Molina tom. 1. de Iust. disput. 140.* Vnde etiam si iniuste sint eiecti, aut detenti extra Religionem, acquirunt ipsi. Quia mala voluntas Prælatorum iniquè eijscentium Religiosos, aut extra Ordinem detinentium, non debet in damnum Religionis vergere. Sanctus Antoninus *3. par. tit. 16. cap. 5. §. 4. Angelus in Summ. verb. Monasterium num. 6.*

16 Huiusmodi autem Eiectorum bona, post illorum mortem, si extra Religionem mori contigerit, applicari debent ad Cameram Apostolicam. Propter Constitutionem Gregorij XIII tom. secundæ Bullar. inter Bullas huius Pont. num. 43. vbi statuit, quod spolia Regularium extra Claustra degentium, pertineant ad prædictam Cameram. Sanchez *lib. 7. in Deca. cap. 33. num. 21. & 31. Bonnac. de Clausur. qu. 2. punct. 12. §. 7.*

17 Quamuis aliqui probabiliter dicant huiusmodi Eiectos teneri ad obseruantias omnes Regulares sui Ordinis, quoad eas scilicet, quas possunt in sæculo obseruare, & ad alia Vota suprà tria essentialia, quæ in professione suæ Religionis emiserunt, quale est illud Minimorum de vita Quadragesimali, & Mercenariorum de redimendis captiuis; quia aliàs non paruum commodum ex sua iniquitate reportarent. Probabile tamen etiam est ad ista non teneri. Ratio est, tum quia ista solum videtur Religiosos vouisse, pro tempore, quo in Religione manerent, & vt accessoria, & annexa perseverantiæ in tali Religione. Tum quia, generaliter loquendo, votum desinet obligare, quando est ita notabilis mutatio ma-

terix facta, vt reddatur notabiliter difficilior, & qua à principio præuisa non fieret votum, quod contingit in proposito. Sotus 7. de Iust. & Iur. quæst. 2. art. 1. Nauarr. Comm. 3. de Regu. num. 46. & lib. 3. Constit. de Regu. conf. 51. vel 78. num. 2. Habitum verò Religionis non tenentur portare prædicti Eiecti, cum illo iuridicè sint privati in pœnam suorum defectuum. Azor 1. tom. Instit. Mor. lib. 17. cap. 18 quæst. 13. Lessius 2. de Iust. cap. 41. dub. 15. num. 112. Imò illum portare non sunt permittendi, quia hoc cederet in dedecus Religionis. Suarez 4. tom. de Reli. tract. 8. lib. 3. cap. 6. num. 14. Quoad Officium Diuinum recitandum, vt diximus cap. 12. num. 7. tenentur isti expulsi, si sint in Sacris constituti; secus verò si solum sint professi, etiam Choro destinati. Suarez 4. tom. de Reli. tract. 8. lib. 3. cap. 6. num. 12.

18 Sic eiekti, quamdiu in sæculo steterint, non possunt confessiones audire, nec prædicare, nec docere. Propter priuilegium Innocent. IV. quod refert Casarrub. verb. *Eijcere* num. 1. quo vti possunt tam Fratres Minores, quàm qui eorum priuilegia participant. Rodriguez tom. 1. quæst. Regu. quæst. 30. art. 21. Miranda tom. 1. Man. quæst. 5. 1. art. 5. Vnde inferunt aliqui sic Eiectos quâdiu in sæculo vixerint, esse infames, intelligo infamia facti. Rodriguez vt supra. Laurentius de Peirin. tom. 1. de Subdito quæst. 1. de Obedient. cap. 25. §. 1. Ex hoc etiam inferri potest esse irregulares, cum infames omnes irregulares etiam sint. Ad minus tamen manent *suspensi perpetuò ab exercitio Ordinum, sublata Ordinarijs locorum facultate dictam suspensionem relaxandi, aut moderandi.* vt vidimus sup. num. 8. ex Decr. S. Congreg.

19 Nec illis tenetur Religio de alimentis providere. Quia illa solum debent præstari his, qui sub Regulari disciplina sunt constituti. Azor lib. 12. Instit. Mor. cap. 16. Alderete lib. 2. de Relig. discip. cap. 26. num. 27.

20 Dandæ autem sunt illis litteræ dimissoriæ, quæ eiectionis sententiam contineant, qua etiam id locorum Ordinarijs denuncietur. Alderete lib. 2. de discip. Relig. cap. 26. num. 23. Addens monendos esse, nullo modo à Votis esse solutos, neq; in illis dispensatos. Quod quidem conueniens reputo, sed non necessarium. Quia illud ipsi scire tenentur, nisi forsan idiotæ sint, aut ignorantes, vt puta Conuersi. Non tamen sunt illis concedendæ litteræ testimoniales, quibus ad Sedem Apostolicam reijciantur, aut ad aliam Religionem mittantur. Ex Decreto S. Congreg. adducto sup. num. 8.

De Nouitijs, eorumque obligationibus,
& priuilegijs.

C A P. X X I V.

N O V I T I I in Religionibus appellantur illi, qui nondum professionem tacitam, vel expressam, emis-
erunt, sed sunt in Religione per aliquod tempus, quod vocatur Approbationis, vt experimen-
to cognoscant aulteritatem Regulæ, & Religionis, quam volunt profiteri, & videant si velint, an non, professionem emittere. Ad quos tamen perti-
neat illos ad Religionem admittere, diximus supra cap. 18. nu-
mer. 66.

1 Non tenentur Nouitij tempore Nouitiatus præceptis com-
munibus Regulæ Constitutionum, & Superiorum Religionis. Quia pro illo tempore non sunt partes Communitatis Religiosæ, neque in Religiosorum Sodalitium admissi, sed tantum versantur in probatione ad experiendum, an velint, vel non, professionem emittere. Cordub. lib. 1. quæst. 3. in 5. probat prima opinionis. Hen-
riquez lib. 7. de Ind. cap. 22. num. 7. & lib. 6. de pœnitent. cap. 16. num. 3. Ex graui tamen decentia ad prædicta omnia obligantur, eo quod etiam pro tempore Nouitiatus sunt aliquo modo subiecti Reli-
gioni, & participant de bonis spiritualibus ipsius. Quidam apud Azor lib. 12. Instit. Mor. cap. 2. quæst. 10. Insuper quantum ad eas, quæ specialiter spectant ad bonum regimen, & finem probatio-
nis ipsorum Nouitiorum, tenentur in conscientia obedire Superi-
oribus Religionum. Ratio est, quia quoad ista habent prædicti Superiores potestatem, & Iurisdictionem supra Nouitios, licet non sit tanta quanta supra Professos, Sanchez lib. 6. in Deca. cap. 10. num. 22. Addens etiam num. 17. posse prædictos Superiores præ-
cipere aliquid Nouitijs etiam sub pœna excommunicationis. Quod tamen non nisi raro admitterem, aut consulerem.

3 Possunt Nouitij, si volunt, ab instituto Regulari incepto re-
trocedere, & ad sæculum redire. Quia ad hunc finem institutum est tempus Nouitiatus. Quo casu non tenentur soluere expensas, quas in suis alimentis Monasteria fecerunt, etiam si ministeria ipsorum Nouitiorum in Religione æquivalentia non sint prædictis expensis. Tum quia alias non esset libera professio, saltem in multis, qui sæpius detinerentur ab egressu, ne soluerent tales ex-
pen-

penſas. Tum etiam, quia Religio liberè etiam, & ſpontaneè facit illas, vt ſupponimus. Rodriguez *tom. 3. quaſt. Regular. quaſt. 15. ar. vlt.* Azor *lib. 12. Inſt. Mor. cap. 3. quaſt. 6.* Si tamen quis praua intentione, & animo decipiendi Religionem in illam intraret, & poſtea recederet, crederem teneri ad expenſas dictas. Eò quòd æquum non eſt, vt aliquis reportet commodum ex fraude, & malitia ſua. Indicat hoc Sanchez *lib. 6. in Decal. cap. 10. num. 3.* Addès etiam *num. 5.* quòd quando pactum eſt factum inter Conuentum, & Nouitios, quòd Nouitij ſoluant prædictas expenſas, tunc ſiue perfeuerent, ſiue non, debent illas ſoluere.

4 Gaudent Nouitij priuilegio fori, ita vt conueniri non poſſint pro vllò delicto coram iudice ſæculari. Quia ſunt aliquo modo ſub poteſtate, & Iuriſdictione Eccleſiaſtica Religionis; gaudentque Canonis priuilegio; ita vt illos percutiens innodetur excommunicatione ac ſi percuſſerit Clericum, iuxta *cap. Religioſus. de ſent. excomm. in 6.* Ludouicus Lopez *1. par. Inſtruct. conſcien. cap. 47.* Azor *lib. 12. Inſtit. Moral. cap. 2. quaſt. 11.* Vnde Nouitij in Religione delinquentes, à Superiiori puniri debent, quia ſunt ſub illius poteſtate. Nauarrus *conf. 5. de for. compet.* Alderete *lib. 1. de Relig. diſcipl. cap. 7. num. 33.* Nec poſſunt conueniri coram Iudice Eccleſiaſtico, aut ab eo puniri, ſed ſolùm à Prælatis ſuæ Religionis. Propter eandem rationem. Molina *tom. 1. de Juſt. diſp. 139. & tom. 3. diſp. 671. num. 2.* Sanchez *lib. 6. in Decal. cap. 10. nu. 11.* Inſuper, propter eandem rationem, eximuntur ex vi Nouitiatus à ſolutione Gabellarum. Molina *vt ſupra.* Sanchez *vt ſupra num. 16.*

5 Cum Nouitijs poſſunt diſpenſare Prælati Religionum exemptarum pro tempore Nouitiatus, non ſolùm circa Obſeruantias Regulares earundem Religionum, ſed etiam, circa obſeruantiam Præceptorum Eccleſiæ, v.g. ieiunij, auditionis Miſſæ, &c. Ratio eſt, quia etiam pro illo tempore Nouitiatus gaudent priuilegio exemptionis, & quoad ſpiritualia ſunt ſub cura Prælatorum Religionis, ſicut eſſent ſub Episcopis, ſi manerent in ſæculo. Suarez *4. tom. de Relig. Traſt. 8. lib. 2. c. 14. n. 8.*

6 Poſſunt etiam Nouitij, quantum eſt ex vi iuris communis ad Ordines Sacros promoueri, etiam durante Nouitiatu. Quia nullus eſt Textus hoc prohibens, neque *cap. Monafterijs 19. quaſt. 3.* quod aliqui afferunt, probat aliquid in contrarium: ſolum enim ibi prohibetur Nouitijs portare habitum, & tonſuram Profefſorum. Suarez *tom. 5. in 3. par. diſp. 50. ſec. 5. num. 13.* Sanchez *lib. 6. in Deca. cap. 10. num. 19.* Ordinandi autem ſunt Nouitij ab Episcopis Diœceſis ipſorum Nouitiorum. Henriquez *lib. 10. de Sacram.*

Or-

Ordinis, & 14. de Irrigu. Suarez tom. 2. de Relig. tract. de Voto cap. 11. num. 9. Probabile etiam est posse etiam ordinari ab Episcopo in cuius Diœcesi est Nouitiatus, quando Nouitij habent firmum propositum permanendi in Religione. Quia isti tales iam quasi mutarunt domicilium, & volunt esse in domicilio Religionis, vel Nouitiatus. Sanchez *lib. 6. in Deca. cap. 10. num. 21. & 22.* Naldus *verb. Ordo. num. 10.* Vide dicta *cap. 14. præsertim num. 10. 12. & 13.*

7 Nouitij possunt vti priuilegio Bullæ Cruciatæ, eligendo scilicet sibi Confessorem, qui eos absoluat à casibus reservatis, non obstante quòd Professi non possint vti hoc, vel similibus priuilegijs, & indultis, iuxta dicta *supra cap. 19 num. 29* Ratio est, quia verba Bullæ cum sint generalia etiam comprehendunt Nouitios, nec specialis ratio, propter quam Professi excluduntur, procedit in illis, cum non sint simpliciter veri Religiosi, nec simpliciter subiecti Religioni. Suarez *tom. 4. de Reli. tract. 8. lib. 2. cap. 6 num. 10.* Nihilominus probabilius est non posse confiteri inuito Prælato Religionis alicui Confessori habenti tantum approbationem ab Episcopo. Quia per Nouitiatum censentur mutasse territorium, & domicilium, & esse sub iurisdictione Religionis. Cordub. *lib. 1. quest. 30.* Suarez *4. tomo de Relig. tract. 8. lib. 2. cap. 17. à num. 14.* Licet alij probabiliter oppositum teneant. Miranda *in Man. tom. 2. quest. 34. ar. 16.*

8 Possunt etiam Nouitij absolui à Prælati sue Religionis à censuris excommunicationis, suspensionis, & interdicti, à iure, vel ab homine, saltem generaliter promulgatis. Propter multa priuilegia aliquibus Religionibus concessa, quibus frui possunt tam ipsæ, quam aliæ, quæ cum ipsis communicant in priuilegijs. specialiter Clem. IV. pro Minoribus, vt refert Casarrub. *in Comp. ver. Absolut. Ord. quoad Fratres. num. 4.* Referens etiam ibidem idem ad litteram haberi in Mari magno Prædicatorum. Sed pro hoc intento vide Suarez *4. tomo de Relig. tract. 8. lib. 2. cap. 14. à num. 1.* Vbi priuilegia circa hoc adducit, & Laurentium de Peirinis *tom. 1. priuileg. Minim. in Constitut. 2. Iulij II. §. 9.* explicantem priuilegium eiusdem Iulij 2. quoad hoc. Alia etiam afferri solent, sed ea omitto, quia sunt viux vocis oracula, quæ nihil iam valent. Extat tamen priuilegium Sixti IV. in Bulla *Dum attenta*, Carmelitæ concessum, in quo conceditur Generali, & Prouincialibus pro Nouitijs volentibus aggregari Religioni, qui suspensionis, aut interdicti, vel excommunicationis sententijs à iure, vel à iudice promulgatis generaliter sint ligati, vt absolutionis beneficium, obseruata forma Canonica, possint impartiri. Adiungit

etiam. Ipsosque in Fratres recipere, ac eos, qui post assumptum Habitum, & Professionem emissam recoluerint se talibus in sæculo fuisse sententijs innodatos, secundum formam ipsam, vos Generalis Magister, & Prouinciales; Priores, ac vices vestras gerentes valeatis absolvere, & cum irregularibus dispensare: si forsã talibus innodati sententijs, vel in locis interdicto suppositis Diuina præsumpserint Officia celebrare, vel Ordines receperint. Ita tamen, quod si aliqui, ex eisdem sententijs, propter debitum sunt adstricti, satisfaciant, vt tenentur. Volumus autem nihilominus quod postquam fuerint absoluti huiusmodi volentes aggregari prædictæ Religioni, nisi mox Ordinem vestrum intrauerint, quacunque etiam eiusdem Ordinis Prælatorum licentia non obstante, eo ipso in pristinas sententias, à quibus eos totaliter absoluti contingerint, relabantur, Specul. Ordin. fol. 86. Ibidem etiam in verbis. antecedentibus conceditur ab eodem Pontifice Generali, & Prouincialibus, vt suis Fratribus. *Vndecumque absolutione, & dispensatione indigentibus: siue priusquam intrauerint in Ordinē, siue post, in casibus exceßerint, pro quibus excommunicationis, vel interdicti, aut suspensionis incurrant sententias à iure, vel iudice generaliter promulgatas, & huiusmodi sententijs innodati, aut in locis suppositis Ecclesiastico interdicto Diuina Officia celebrantes, vel suscipientes Ordines sic ligati, notam irregularitatis incurrant, absolutionis, & dispensationis beneficium valeant impartiri: nisi in casibus in præsentibus litteris exceptis.* Casus autem isti excepti sunt, quos refert idem Pontifex inferius verbis adductis à nobis in c. 18. de Prælat. num. 33.

9 Attendenda verò sunt verba Priuilegiorum, propter quæ Nouitij absoluantur, vel dispensantur. Alia enim volunt, quod si Nouitij post absolutionem datam non ingrediantur Religionem, vel in ea non profiteantur, reincident in priores censuras, alia verò absolute loquuntur. Aliqua loquuntur de Nouitijs, qui iam habitum susceperunt; aliqua verò de illis, qui illum volunt recipere. Suarez tom. 4. de Relig. lib. 2. c. 24. à n. 5. Peirinis tom. 1. priu. Minim. in Const. 2. Iulij II.

10 Ab irregularitatibus etiam à Nouitijs contractis. in sæculo possunt dispensari à Prælati dictarum Religionum, propter aliqua ex prædictis priuilegijs, præsertim propter illud Clemen. IV. pro Fratribus Minoribus, Iulij II. pro Minimis, & Sixti IV. pro Carmelitis, illis verbis iam adductis: *& cum irregularibus dispensare: si forsã talibus innodati sententijs, vel in locis Interdicto suppositis, Diuina præsumpserint Officia celebrare, vel Ordines receperint.* Speculum Ordinis fo. 86. Item ibidem in verbis etiam adductis.

ductis. Et huiusmodi ſententijs innodati, aut in locis ſuppoſitis Eccleſiaſtico interdicto Diuina Officia celebrantes, &c. notam irregulartatis incurrant. Vide etiam Bullam Iulij Secundi adductam in Peirinis.

11 Non poſſunt admitti ad Religionem Epifcopi, aut in Epifcopali dignitate conſtituti abſque expreſſa licentia Papæ. Tum quia ita expreſſe definiuit Innocen. Tertius in cap. *Niſi cum priorem, de renunciatione*. Tum quia ſtatus Epifcoporum altior eſt ſtatu Religioſorum, & ita ab illo ad iſtum non eſt tranſitus ſine diſpenſatione Summi Pontificis. Nauarr. lib. 1. Conf. conf. 1. & 4. de renunciatione. Miranda in Man. tom. 1. quaſt. 17. art. 3. Barboſa de poteſt. Epifc. alleg. 53. num. 23. Prælati autem Epifcopo inferiores ad Religionem poſſunt admitti propter oppoſitam rationem. Sanctus Thomas 2. 2. quaſt. ult. art. 7. Silueſter verb. Religio. 2. quaſt. 8.

12 Maximè autem ſciendum eſt, iuuenes, aut viros adultos maiores ſexdecim annis, non aliter in aliquam Religionem recipi poſſe, nec debere, niſi priùs de eorum Parentibus, Patria, deque anteaſta vita, & moribus, diligenter inquiratur, & ex accurata informatione, & fidedigna relatione, compertum, & exploratum ſit eos, nec aliquorum criminum, qualia ſunt homicidia, furta, latrocinia, vel alia ſimilia, aut grauiora, reos, vel ſuſpectos exiſtere, vt propterea damnati ſint, aut ne damnentur formident, neque ingenti are alieno ſupra vires facultatum ſuarum grauatos, vel reddendis ratiocinijs ita obnoxios, vt ex huiusmodi cauſa lis, vel moeſtia, eis iam illata, vel timendum ſit, quòd inferatur, niſi denique conſtet ipſos non humana aliqua ratione, ſed tantùm deuotionis, & pietatis feruore vitam religioſam ſpontè, & ex animo elegiſſe. Ita Sixtus V. in Conſtitut. incipiente *Cum de omnibus Eccleſiaſticis Ordinibus*, ſub datis an. 1587. ſexto Calen. Decembr. Pontificatus ſui anno 3. Voluit autem idem Pontifex, vt iſtorum receptio, & admiſſio ſolùm fieret in Generali, vel Prouinciali Capitulo, indubitata fide facta, tam ſuperioris Generalis, ſeu Prouincialis, quàm Definitorum conſenſu, de prædictis omnibus. Poſtea verò idem Sixtus Quintus in alia Conſtitutione, *Ad Romanum Pontificem*. Romæ duodecimo Calendas Nouembris 1588. moderans prædicta, ſubiungit. *Cum verò in quibusdam Religionibus Capitula Prouincialia, aut numquam, aut non quot annis, ſed variùs celebrentur, quoddam etià Monaſteria, aut domus huiusmodi remotiſſimis regionibus hereticorum, aut infidelium tyrannidi finitimiſi ſita ſint, ne ij, quos extra Capitula ad habitum, vel profeſſionè Regulares admitti prohibuimus, tẽpus celebrandis Capi-*

tulis præfixum nimis diu expectare, aut ad ea cū maximo incommodo accedere cogantur, concedimus, & indulgemus; ut in qualibet Prouincia, saltem dua, vel si commodè fieri poterit tria, aut plura Monasteria, seu domus Regulares deputentur, quarum, seu quorum Superiores infra annum saltem ad inquisitionem super Nouitijs faciendam, & ad ipsos Religiosos, iuxta formam præfate Constitutionis recipiendos, & ad alia, quæ in ipsa Constitutione continentur peragenda in simul congregentur. Quod si paucitas, aut nimia distantia Monasteriorum, ne id quidem patiatur, saltem tribus ex antiquioribus Patribus, unius Monasterij, aut domus eius Prouincia, huiusmodi facultas, & auctoritas per Capitulum, & Generale scilicet; Monachorum, vel Prouinciale Mendicantium, & reliquorum Regularium eiusdē Ordinis, demandetur. Pro exteris autem, qui in locis à sua Patria longissimè remotis degunt, vel quorum Patria ab hæreticis, vel infidelibus detinetur, si velint Religionem intrare, concessit idem Pontifex, exteros huiusmodi aduenas, quamuis non liquidò constet de ipsis omnibus, quæ in Constitutione nostra requiruntur, tamē si diligentia adhibita, nihil appareat, quod eos impediatur, habiles reputandos esse. Vide Bullam apud Quarantam in Summ. Bullar. verb. Monasteria, & Conuentus, &c.

13 Postea verò Gregorius XIV. in Bulla *Circumspecta Romani*. ann. 1590: apud eundem Quarantam ubi supra, aliam moderationem adhibuit: prædictis Constitutionibus Sixti V. pro illis Monasterijs, in quibus perpetua filiatio Religiosorum reperitur, videlicet, quod Superiores illorum Monasteriorum de consensu sui Capituli, præhabita simul cum his, de quibus in vnaquaque Religione, aut Monasterio iuxta eius Constitutiones recipiendus; interrogari solet, aliqua informatione, super his, quæ in dictis Constitutionibus continentur, ad receptionem huiusmodi procedere, valeant, dum tamen antequam ad professionem admittantur, plenaria, & eo modo, prout in dictis Constitutionibus habetur, inquisitio fiat, quæ postea ab his, à quibus in prædictis Monasterijs examinari solent, diligenter examinetur, & approbetur, & demum omnia in dicto Capitulo coram Superiore referantur. Volentes, quod Superiores prædicti cum eorum Capitulo, aut ubi consuetudo non fuerit celebrandi Capitula, cum tribus, aut quatuor ad id in Generali Congregatione per vota secreta deputatis, seruatis eorum Regularibus Institutis, ac supradictis omnibus, eandem in recipiendis Nouitijs habeant auctoritatem, quæ per dictas Constitutiones Prouincialibus Capitulis est attributa.

14 Post quæ aliqua privilegia concessa sunt aliquibus Religionibus,

bus, (quibus tam ipsa, quam quæ ipsorum priuilegia fruuntur, vti possunt) circa formam signatam à Sixto V. in prædictis Constitutionibus ad recipiendum Nouitios ad Habitum, & Professionem. Primò enim Clemens Octauus, per suam Constitutionem, quæ incipit *In his quæ*, anno 1597. concessit Dominicanis Conuentus S. Stephani Salmaticensis, vt quoscumque iuuenes, etiam decimulæximum ætatis suæ annum excedentes, ad Habitum in eodem Conuentu admitti petentes, recepto ab eis iuramento, quòd criminosis, rationibus, vt præfertur obligati, furto, latrocinio, aut homicidio notati, aut alijs impedimentis in dicta Bulla Sixti V. còtents, detenti non sint, recipere, ac postea per aliquem eiusdem Conuentus Religiosum ad hoc deputatum ad inueltigationem, antea quæ illorum vitæ, ac morum, & reliquorum præmissorum, absque strepitu iudiciario, sed per scrutinium secretum procedi facere, qui ad hoc deputatus processum, & informationem ceptâ, dictis Priori, seu Præsidenti, ac Suppriori, & Magistro Nouitiorum, & Studentium, à quibus approbari, & reprobari possit, referre fideliter debeat, liberè, & licitè possint, valeant. Secundò idem Clemens Octauus per suam Constitutionem *Affidua*, serè simile priuilegium concessit Clericis Ministrantibus Infirmis ann. 1594. Tertio etiam Paulus V. anno 1612. concessit Fratribus Seruitis domus Montis Senarij, quòd tres ex antiquioribus à Capitulo Conuentuali eiusdem domus deputari possint, qui eandem habeant facultatem in admittendis Nouitijs, quam habent Capitula Generalia, & Prouincialia. 3. tom. Bullar. inter Bullas Pauli V. num. 76. Miranda tom. 1. quæst. 21. art. 1. Laurentius de Peirinis tomo 2. *Priuilegiorum Minimorum in Constitutione 2. Sixti Quinti*. Cautè tamen procede, & attende vim, & verba priuilegiorum.

15. Est etiam aduertendum, quòd licet Sixtus Quintus in prædicta sua Constitutione, illos, qui non seruatis dictis conditionibus, ad habitum recepti fuerint, inhabiles ad Professionem faciendam, ipsamque Professionem irritam, & nullam declarauerit, postea verò Clemens Octauus anno 1602. Constitutionem illam ad terminos iuris communis reduxit, quoad prædictam nullitatem Professionis, saluis semper pœnis contra transgressores inflatis. Quas sic intimauit Sixtus Quintus. *Insuper quoscumque Religiosos, eorumque Superiores, qui aliquas personas, vt dictum est, inhabiles, post hanc Constitutionem publicatam receperint, vœe actiua, & passiva, necnon Officij, gradibus, honoribus, & dignitatibus quibuscumque per eos obtentis, eo ipso in perpetuum priuamus, & tam illis priuatos, quàm ad illa, & alia quacumque in posterum obtinenda.*

da perpetuò inhabiles, eorumque incapaces decernimus, & declaramus. Quaranta verb. Monasteria, & Conuentus. Miranda in Man. Prelat. tom. 1. quæst. 17. art. 3. & 8. Suarez 3. tom. de Relig. lib. 5. cap. 7.

17 Obligatos, seu grauatos debitis, & ratiocinijs, non posse, licet saltem, Religionem intrare, aut in ipsa profiteri, non solum propter Constitutionem Sixti V. adductam, & moderationem Clement. VIII. allatam, sed etiam ratione naturali constat, in casu, quo in sæculo manentes faciliè possent suis creditoribus satisfacere. Nam per talem ingressum, aut professionem iniuria fit illis, quibus sunt obligati. Siluester verb. Ratiocinium. Nauarrus conf. 2. de Regular. num. 7. Quando autem debita sunt incerti domini, aut debitor neque in toto, neque in parte potest satisfacere, nec speratur posse, manendo in sæculo, tunc credo posse etiam licet intrare Religionem, & in ea profiteri. Quia tunc nulla fit iniuria alicui per talem ingressum, aut professionem. Miranda in Man. tom. 1. quæst. 17. art. 7. Vide plura ad hoc in Sanchez lib. 4. in Decalo. cap. 19. Vbi latè an istorum professio iure communi, aut naturali sit valida. Vide etiam Suarez tomo 3. de Religion. lib. 5. cap. 7.

18 Furiosi, aut mentecapti non possunt admitti ad Religionem, aut in illa validè profiteri. Cum non habeant sufficientem libertatem, aut discursum ad vouendum. Siluester verb. Religio. 5. quæst. 2. Vnde si aliquis sui compos Religionem ingressus est, & postea incidit in dementia, aut furorem, nec profiteri potest, propter adductam rationem; nec tale tempus connumerari potest pro Nouitiatu; cum in illo non potuerit experiri rigorem Religionis, quod est finis Nouitiatus. Siluester vt supra. Phrænesis autem tempore morbi superueniens, etiam si per aliquos dies duret, non impedit cursum Nouitiatus. Hæc enim est praxis Religionum. Sanchez lib. 5. in Decal. cap. 4. num. 55. Vide dicta cap. 2. num. 24.

19 Coniugati post matrimonium consummatum, non possunt admitti ad Religionem, nisi alter coniux etiam Religionem ingressus fuerit, vel licentiam dederit ingrediendi. Propter indissolubilitatem matrimonij consummati. Miranda in Manua. quæstion. 17. artic. 1. Sed quando vnus coniux potest facere perpetuum diuortium, potest propria auctoritate Religionem ingredi, & in ea profiteri, iuxta dicta c. 2. n. 31.

20 Serui etiam, & qui non sunt sui iuris, nisi de licentia dominorum ad Religionem non possunt admitti. Quia seruus non est sui, sed sui domini, atque ita non potest dare se Religio.

gioni, prout fit in professione. Siluefter *verb. Religio. 2. quæst. 3.* Vnde si seruus Religionem aliquam ingressus reperatur à domino suo, erit illi restituendus cum omnibus, quæ attulit secum,; propter eandem rationem. Siluefter *ibidem*. Si verò contingat seruum professum esse in Religione fraudulenter, vt puta, probando per falsos testes se esse liberum, licet domino suo sit reddendus, propter traditam rationem: verè tamen manebit Religiosus, & Religioni obnoxius, quantum est ex parte sua: quia ipse se ad hoc astrinxit prout potuit. Siluester *ibid.* Miranda in *Manua. quæst. 17. artic. 2.* Quando autem ex malicia, vel negligentia Religionis professus est, Monasterium satisfacere debet domino secundum boni viri æstimationem. Mirand. *ut sup.* Vide dicta *cap. 2. n. 21.*

22. Quamuis nullus Nouitius admitti possit ad professionem, qui minori tempore, quàm per annum post susceptum habitum in probatione steterit, iuxta doctrinam Concilij Tridentini *sess. 25. cap. 15.* nihilominus aliqui volunt, iuxta dicta à nobis *cap. 2. num. 11.* posse Nouitium extra Monasterium agere partem sui Nouitiatus. Hoc verò solum intelligi posse videtur ex vi iuris communis, & extra Italiam, & Insulas adjacentes, propter Decretum Clementis Octauì modò adiungendum, vbi præcipit, quòd Nouitij ad Habitum Regularem, & Professionem non admittantur in Italia, & Insularum adiacentium finibus, nisi in Conuentibus designandis, quo videtur excludi sententia prædicta affirmantium aliquam saltem partem Nouitiatus posse haberi extra Monasterium. Illa enim pars Nouitiatus non haberetur in Conuentu designato. Res tamen aliquid dubia est, præsertim si expendantur verba Decreti afferendi, quibus solum videtur prohiberi *ne ad Habitum Regularem admittantur* (intellige Superiores) *nisi in Conuentibus assignandis*, non verò prohiberi, quòd post admissionem, aliqua causa rationabili urgente, possit pars Nouitiatus extra prædictos Conuentus haberi.

23. Ex Decreto Clementis Octauì dat. Róm. die 12. Mart. 1596. quod postea etiam confirmauit Sacra Congregatio Concilij in Decreto de Regularibus Apostatis, & Eiectis, iussu Sanctissimi Domini Nostri Urbani, quod habetur 4. tom. *Bull.* inter Constitutiones Urbani n. 26. sic præcipitur omnibus Generalibus, Prouincialibus, Cómmissarijs, Ministris, ceterisq. Superioribus Conuentuùm intra Italia, & Insularum adiacentium fines existentium, quibuscumque, & quorumcumque Ordinum Mendicantiũ, vt de Regula neminem sub quouis prætextu, aut colore ad Habitum Regularem

rem admittant, nisi in Conuentibus auctoritate Apostolica pro-
 pædiem in vnaquaque Prouincia designandis. Insuper præcipitur,
 vt quoad eiusmodi Conuentus, vt præfertur, deputati non fuerint;
 omnes præfatorum Ordinum Superiores à receptione quorum-
 cumque Nouitiorum, siue ad Habitum, siue ad Professionem omni-
 nino abstineant. Pœnas verò contra transgressores sic decreuit
 idem Pontifex. Superior, qui huius Decreti transgressor extite-
 rit, ipso facto pœnam priuationis omnium Officiorum, quæ tunc
 obtinebit, vocisquæ actiuz, & perpetuæ inhabilitatis ad alia in-
 posterum obtinenda, se nouerit, incurrisse, ac alijs etiam pœnis
 arbitrio nostro subiaceat. Receptiones verò, & Professiones qual-
 libet eorum, qui contra huiusmodi Decretum nostrum admissi
 fuerint, nullas, & irritas esse ex nunc decernimus, & declaramus.
 Priuilegijs, statutis, & consuetudinibus quibuscumque in contra-
 rium minimè obstantibus. Deinde die 10. Mensis Iunij 1599. re-
 nouauit, & ampliavit idem Decretum idemmet Pontifex Clemēs
 Octauus, præcipiendo eisdem Superioribus ista: Ne sub cuiusuis
 licentiæ, & facultatis impetratæ, vel impetrandæ obæntu, nisi
 per litteras in forma Breuis dumtaxat, & non aliàs, quemquam
 ad Habitum Regularem suscipiendum, nec etiam Conuersos, nisi
 in Conuentibus, Monasterijs, & Domibus, auctoritate eiusdem
 Sanctissimi propædiem in vnaquaque Prouincia designandis, reci-
 pere, aut receptos ad Professionem admittere, vllò modo audeât.
 Quinimò contra primam prohibitionem Sanctitatis suæ rece-
 ptos, etiam si imperfectum habitum, aut sine capputio gerant,
 post præsentis Decreti in Romana Curia publicationem, omninò
 eiicere debeant. Superiorem autem, qui huius Decreti transgres-
 sor extiterit, ipso facto pœnam priuationis omnium Officiorum,
 quæ tunc obtinebit, vocis actiuz, & passiuæ, & perpetuæ inhabi-
 litatis ad in posterum obtinenda, eo ipso incurrere voluit, ac de-
 creuit, & alijs etiam pœnis, arbitrio Sanctitatis suæ imponendis,
 subiacere. Receptiones verò, & Professiones quaslibet eorum, qui
 contra huiusmodi Decretum admissi fuerint, nullas, & irritas esse
 ad quemcumque effectum ex nunc decernit, & declarat. Post quæ
 idem Pontifex die 19. Maij 1602. Volens, vt ea, quæ pro Nouitio-
 rum receptione, & institutione, de mandato Sanctitatis suæ præ-
 scripta fuerunt, in posterum accuratiùs, & exactiùs obseruentur,
 vltra formam traditam in Constitutionibus fel. record. Sixti Pa-
 pæ V. & etiam Sanctitatis suæ super receptione Nouitiorum, de-
 creuit, ac mandauit, ne in Conuentibus, seu Monasterijs ad Noui-
 tios recipiendos, de Sanctitatis suæ, seu dictæ Congregationis
 Reformationis licentia, hæcenus designatis, & approbatis, seu

in

in posterum designandis , & approbandis Nouitij ad Habitum recipi vllatenus possint, vel admitti, nisi prius ab ipsa Congregatione , vel à proprijs locorum Ordinarijs , aut ab illis , in quorū Diœcesi Nouitiatus existunt , in quibus Nouitij recipiendi fuerint, expressè , & nominatim Nouitij ipsi recipiendi approbati fuerint, & vt recipi, & admitti possint, licentiam in scriptis (gratis tamen in omnibus, etiam quoad scripturam concedendam) obtinuerint. Postea verò Sacra Congregatio Concilij ex Decreto Sanctiss. D. N. Urbani VIII. prout habetur in Decretis *de Regularibus Apostatis, & Bisthis*. anno 1624. abstulit prædictam obligationem impositam à Clemente Octauo in Decreto adducto, quòd scilicet Nouitij recipiendi ad Habitum approbati prius essent expressè, & nominatim à Congregatione Reformationis Apostolicæ, vel à proprijs locorum Ordinarijs ; innouando tamen quoad reliqua prædicta Decreta Clementis Octauī, districtèque præcipiendo Prælatīs Religionum , *vt illa exactè obseruent, atque vt obseruentur efficiant, sub pœnis statutis in ijsdem Constitutionibus.*

24 Quia verò, illis non obstantibus, compertum postea est, multos in multis Religionibus admissos esse ad Professionem, non habito Nouitiatu in locis, & Conuentibus approbatis, contra prædicta Clementis Octauī Decreta, ac perinde talium professionem nullam, & irritam fuisse; ideo Sanctissimus Dominus Noster Urbanus Octauus huic malo providere cupiens, Motu proprio, & certa scientia, die xj. April. 1631. commisit, & mandauit Maiori Pœnitentiario, vel Patriarchis, Archiepiscopis, & Episcopis, cæterisque Ordinarijs locorum, in quibus prædictorum Religiosorum Monasteria consistunt, siue ipsorum Religiosorum Præfectis, vel Superioribus Generalibus, quatenus omnes, & singulos Religiosos prædictos, qui ad habitum Regularem aliàs canonicè recepti, annum probationis in Monasterijs, seu domibus Regularibus ad id designatis minimè fecerunt, subindeque Professionem nihilominus emisserunt, ad Professionem denuò, seruatis aliàs seruandis emittendam, quæ sic emissā, illis, & eorum cuilibet, tam in foro interiori, quàm exteriori suffragari debeat, absque nouo probationis anno, ex speciali Sanctæ Sedis benignitate, auctoritate, Apostolica recipiant, & admittant, eosdemque, postquàm professionem denuò, vt præfertur, emisserint, ad omnes gradus, honores, dignitates, præminentias, & habilitates, quas si ab initio validè professi essent, legitimè obtinerent, eadem auctoritate restituat, ac restitutos eo ipso esse, & censeri declarent. Ita vt habeant eundem locum, sessionem, & votum, prout haberent, si professiones prius-

priores validæ fuissent, & nondum promoti ad omnes etiam Sacros, & Presbyteratus Ordines, servatis alijs servandis, promoveri, & tam ipsi, quàm alij ad eosdem Ordines, iam ritè promoti, in susceptis Ordinibus huiusmodi, etiam in Altaris ministerio, ministrare liberè, & licitè valeant; necnò omnes actus, siue còtractus, quos contraxerunt, & legitimè còtraxissent, vel cum laicis, vel cù alijs Monasterijs, seu alterius Religionis viris, si nullum aliud paterentur vitium, vel defectum, nisi ex eo solùm, quia initi, & contracti sunt inualidè, ab ijs, qui contra dictam Constitutionem, in Domibus non designatis, siue ab eadem Sede non approbatis, professi sunt, auctoritate prædicta confirmet, & approbent, ac validos omnino declarent, super quibus omnibus, & singulis plenam, & amplam facultatem dicta auctoritate concessit. Deinde Summus Pontifex præcipit Ordinum, Congregationum, & Institutorum huiusmodi Superioribus Generalibus, quocumque nomine censeantur, ac Procuratoribus etiam Generalibus, quatenus visis præsentibus, loca, Monasteria, vel Conventus, in quibus Novitij probationis annum agant, & alia, quæ dictus Clemens prædecessor, super hac re observari iussit, observentur, designari, siue confirmari, omnino curent, & faciant. Ex vi cuius Decreti multi Religiosi novam fecerunt Professionem, alij verò habitum dimiserunt.

16 Criminosi non debent, aut possunt admitti ad Religiones iuxta dicta ex Sixto V. *supra num. 12.* Quod intellige iuxta moderationem ipsius Sixti in secunda Constitutione *ibidem* relata, cum constiterit actis publicis Iudices, & curiam secularem ante suspensionem habitus de ipso crimine adversus eos accusationem suscepisse, vel inquisitionem instituisse. Et quamvis illos inhabiles ad professionem esse voluerit idem Pontifex; postea verò Clem. VIII. ut etiam vidimus *num. 13.* habiles ipsos fecit, salvis tamen pœnis contra recipientes ipsos à Sixto designatis, & ab eodem Clemente confirmatis. Si autem constiterit post professionem emissam illos in sæculo gravissimis, & scandalosis criminibus notatos, & diffamatos fuisse, illaque interrogatos tacuisse, possunt expelli à Religione, iuxta privilegium Leonis X. per suam Constit. quæ incipit, *Cum sicut nobis*, in qua concessit Generalibus, & Provincialibus Ordinis Fratrum Minorum, & per consequens alijs, qui communicant in privilegijs cum ipsis, *ut fratres eiusdem Ordinis, etiam professos, qui gravissimis, & scandalosis delictis notati, & diffamati fuerint, quæ fraudulenter, ac dolose in eorum receptione, ac professionis emissionem (monitione super his per prædictos Prælatos præmissa) tacerunt, non obstante quòd iam recepti sint,*

& pro

& professionem emiserint, ne morbida, & infecta pecus ouile Domini corrumpat, & ut alijs cedat in exemplum, à domibus, & Conuentibus dicti Ordinis, expellere, & remouere, liberè, & licitè possint, & valeant, &c. Laurentius de Peirinis *tom. 1. de subdito q. 1. de Obedientia cap. 25. §. 3.* Imò ad hoc vt præfati criminosi possint à Religione expelli non est necesse, quòd eorum delicta sint deducta per accusationem in iudicium, vt volebat Sixtus, sed sufficit quòd de illis fuerint diffamati, & notati. Rodriguez *tom. 3. quæst. Regul. quæst. 17. art. 9.* Peirinis *vt supra*, aliqua etiam notatu digna circa hoc animaduertens. Vide dicenda *nu. 25. & 26.*

21 Illegitimi non sunt incapaces Habitûs, & Professionis Regularis his temporibus, & quantum est ex vi iuris communis, & Decretorum Pontificum, si non obstant peculiare Constitutiones Religionum. Ratio est, quia licet Sixtus V. in prædicta Constitutione, *Cum de omnibus &c.* prohibuerit prædictos illegitimos ad habitum, & professionem admitti, nisi certis quibuldam conditionibus positis, eorumque professionem inuolidam, irritam, & cassam declarauerit; postea tamen Greg. XIV. ann. 1591. Pontificat. sui ann. 1. supradictam Constitutionem Sixti V. & aliam eiusdem etiam Sixti ad hoc intentum, moderari volens, statuit, eos, qui quouis modo illegitimè procreati fuerint, ad habitum, & professionem Regularem admitti posse, quemadmodum admitti poterant, si supradictæ Constitutiones editæ non fuissent: ita tamen, vt cum de recipiendis quomodocumque illegitimè natis ad habitum, & professionem Ordinum quorumcunque ageretur, ij ad quos spectat huiusmodi receptio, præter alia, de quibus ex dictarum Constitutionum præcepto circa quosunque etiam legitimos perquirere debent, diligenter vitam eorum, & mores inquirant, & ita demum eos recipiant, si tamen bonam indolem, & virtutis specimen præferant, & tot eis merita suffragentur, vt natalium suppleant defectum, eorumque receptio Religionis conimodo, & vtilitati profutura videatur, & super hoc ipso ij, ad quos, vt dictum est, pertinet huiusmodi receptio matura deliberatione ita censuerint, & iudicauerint, dummodo tamen filius illegitimus in Religione, in qua Pater siuè ante, siuè post natiuitatem dicti filij professus fuerit, ipso Patre viuente, non admittatur. Ex quibus verbis inferitur, quosunque illegitimos ad habitum, & professionem admitti validè posse, seruatis tamen istis conditionibus à Gregorio Decimoquarto designatis. Rodriguez *tom. 3. quæst. 8. art. 4. & 5.* An autem etiam licitè possint admitti tales illegitimi stando in vi istorum Decretorum Pontificum? videtur, quòd non, quia Clemens Octauus in Bulla *in suprema Ecclesia,*

clesia, anno 1602. edita, non est moderatus pœnas taxatas à Sixto V. contra Prælatos admittentes tales illegitimos ad habitum, & professionem, per quod declarasse videtur, illicitam esse talem admissionem. Licet possit dici hoc fecisse Clementem Octauum, moderando Constitutiones Sixti Quinti, non verò istam Gregorij Decimiquarti. Præterquàm dici potest, hoc intelligi, si non seruentur conditiones à Gregorio determinatæ. Hoc tamen aliorum iudicio remitto.

25 Descendentes ex genere infecto Hebræorum, vel Sarracenorum, & c. possunt de iure communi admitti in Religionibus (quid quid sit de Statutis particularibus Religionum.) *Ex cap. eam te de rescript. & ex Constit. Greger. XIII. quæ incipit, Muneri nostri* ann. 1583. Nauarrus *lib. 3. conf. de Regul. conf. 26. nu. 4.* Rodrig. *tom. 3. quæst. Regul. quæst. 11. art. 2.* Vnde nullus professus potest (stando in iure communi) à Religione eijs præcisè, eò quod descendat ex maculato genere Iudæorum, aut Mahumetanorum, quamuis de hoc interrogatus in professione celauerit, nisi forsan præcesserit protestatio, de qua *num. sequenti*, propter ibi dicenda. Statuta verò particularium Religionum attendi debent quoad hoc. Sanchez *7. de Matrim. disp. 37. quæst. 4. nu. 30. & lib. 5. Decal. cap. 4. nu. 73.* Laurentius de Peirinis *tom. 1. de Subdito quæst. 1. de Obedientia cap. 25.*

26 Cum Nouitij antè Professionem interrogantur an habeant aliquem defectum, v.g. infirmitatem incurabilem, cum protestatione, quòd si postea inuenti fuerint illum habere, professio erit nulla, talis professio inualida est, si prædictum defectum celauerint. Ratio est, quia deficit illi professioni consensus ex parte Religionis requisitus. Rodriguez *tom. 3. quæst. 17. art. 9.* Sanchez *lib. 5. in Decalog. cap. 4. nu. 57.* Vide dicta *cap. 2. nu. 23.*

27 Licitum est, & meritorium Voto, aut etiam Iuramento, ad Religionis ingressum, seu professionem quempiam se obligare. Iuxta illud Plal. 75. *Vouite & reddite Domino Deo vestro.* Siluest. *verb. Religio 2. quæst. 14.* Hinc, qui tale Votum, vel iuramentum fecit tenetur illud adimplere, iuxta illud Eccles. 5. *Si quid vouisti Deo ne moreris reddere.* S. Thom. 2. 2. *quæst. 189. art. 3.* Caiet. & Expositores *ibidem*. Hinc etiam, qui promisit absolutè in Religionem intrare, si in vna, aut alterà nolunt ipsum admittere, tenetur alias requirere, vt recipiatur. Tenetur enim facere totum id quod potest, vt votum impleat. S. Thom. 2. 2. *quæst. 189. art. 3. & 4.* Siluest. *verb. Religio 2. quæst. 16. & 17.* Qui verò promisit ingressum in determinatam Religionem, si in aliquibus Conuentibus ipsius non admittitur, non tenetur aliam intrare. Cum intentio

tentio ipsius solum fuerit pro illa Religione determinatè. Siluest. *vi sup. Nauar. lib. 3. Conf. de Voto à conf. 21.* Qui etiam Voto, vel iuramento, se obstrinxit intrare aliquam Religionem, si in laxiori profiteatur, professio tenet, iuxta caput *Qui post Votum de Regulis lib. 6.* Peccauit tamen, quia fuit transgressor voti simplicis. S. Thom. 2. 2. *quest. 189. art. 9.* Siluest. *vi sup. quest. 18.* Qui verò post Votum Religionis in Episcopum fuit electus, tenetur, vel dispensationem Voti à Papa impetrare, vel Religionem prius ingredi, cum status Religiosus non sit impossibilis cum Episcopatu, Religiosus enim factus Episcopus, verè manet Religiosus. Caiet. 2. 2. *quest. 189. art. 3.* Siluest. *verb. Religio 2. quest. 20.* Suarez 3. *tom. de Relig. lib. 1. c. 19.* Vide dicta *nu. 11.* & dicenda *nu. 37.*

28 Qui impedit vi, vel fraude, quòd aliquis Nouitius non profiteatur, vel quòd secularis non assumat habitum Religionis, tenetur adminus ad tollendam vim, vel fraudem. Aliàs contra iustitiam faciet. Num autem ad restitutionem damni illati Religioni teneatur? Multi respondent affirmatiuè cum Scoto *in 4. dist. 15.* Siluest. *verb. Restitutio 3. quest. 1.* Alij verò negatiuè cum Soto, Ledesma, & alijs, quos sequitur Suarez *tom. 4. de Religione tract. 8. lib. 3. cap. 3.* Vtrumque est probabile, sed prius securius. Semper tamen erit graue peccatum retrahere aliquem ab ingressu, vel professione in aliquam Religionem, nisi id fiat bono animo, & intentione, vt putà si propter aliquas causas talis status illi conueniens non censeatur. Gerson. *in Regulis moral. Alphabeto 24. & 67. conf. 2.* Vel quia Religio illa sit notabiliter deformata, & relaxata. Cordub. *super Reg. D. Francisci cap. 2. q. 2.* Hinc grauiter peccat Religiosus, qui Nouitio aliàs idoneo denegat votum, vel suffragium ad professionem. Impedit enim illum à consequatione boni spiritualis, quod est contra charitatem. Cordub. *in Regula D. Francisci cap. 2. quest. 1. & 11.* Imò Nouitius expulsus sine iusta causa ius habet agendi contra Religionem. Tum quia sic expellens impediuit opus bonum ipsius. Tum quia inde resultat vt in plurimum aliqua nota Nouitio, quod est contra iustitiam. Caiet. 2. 2. *quest. vlt. art. 4. dub. 3.* Passarell. *in Priuileg. Minimor. cap. 43.*

29 Inducere aliquem ad Religionem modo debito, sanctum, & laudabile est. Quia hoc est illum promouere ad bonum spirituale animæ suæ. S. Thom. 2. 2. *quest. 189. art. 9.* Et expositores *ibidem.* Qui verò vi, vel metu cogunt aliquem ad Religionem non solum grauissimè peccant, quia ingressus Religionis debet esse liber, sed etiam sic coactus, vel compulsus, admitti non debet in Religionem. Propter eandem rationem. Siluest. *verb. Votum 2. q. 12.*

Navar. in cap. Statuimus à n. 71. usque ad 74. & lib. 3. conf. de Regul. conf. 5. Imò professio illius non est valida. Potest etiã in huiusmodi inductione committi simonia, scilicet si donis, & muneribus ex pacto datis, seu acceptis, inducatur aliquis ad Religionem. Reginal. in praxi lib. 18. n. 374. Azor to. 1. lib. 12. c. 1. q. 2. Secus autem quando non intercedit pactum, sed ex charitate dantur prædicta dona. Lessius lib. 2. de lust. cap. 35. dub. 12. num. 66. Cogentes etiam, sceminam aliquam, siue virginem, siue viduam, ad Religionem aliquam suscipiendam sunt excommunicati à Concilio Trident. sess. 25. cap. 18. Hanc tamen excommunicationem non incurrunt cogentes viros, seu pueros ad Religionem suscipiendam. Cum Concilium solum loquatur de sceminis. Miranda in Man. q. 17. art. 4. Addunt aliqui, probabiliter sanè, esse peccatum suadere alicui ingredi Religionem totaliter deformatam. Quia in ea est magnum periculum salutis. Lancill. in Gnom. vit. Relig. lib. 1. art. 2. 30 Recipere aliquem in Religiosum vendendo illi Religiosum statum, simoniacum est. Quia est vendere rem spiritualem pro temporali. Recipere tamen aliquid ad sustentanda onera temporalia, quæ Religio suscipit cum aliqua persona, non est ex natura rei simoniacum. Quia tunc non accipitur temporale pro spirituali, sed pro temporali, vt patet in dote, quæ datur in Matrimonio. Suarez 1. tom. de Relig. lib. 4. de Simon. cap. 17. Vide etiam dicenda cap. sequenti nu. 5.

31 Recipientes aliquem Nouitium simoniacè, iuxta dicta supra num. 29. & 30. & ipse Nouitius sic receptus, debent à Monasterio expelli sine restitutionis spe, & in locum arctioris Regulæ ad agendum pœnitentiam retrudi. Ex cap. quoniam ca. de Regularibus de simonia. S. Thomas 2. 2. quæst. 100. art. 6. ad 5. Et ipso iure sunt excommunicati. Ex Extravagant. 1. de Simon. inter commun. Nauarrus in Man. cap. 27. num. 106. Toletus in Instrucl. Sacerd. lib. 1. cap. 36. vers. 8. Et licet non essent excommunicati, interim dum pœnitentiam agunt sunt ab Ordinis executione suspendendi. cap. dilectus filius, de Simon. Alderete lib. 2. de Relig. discipl. cap. 16. nu. 46.

32 Ex Concilio Tridentino sess. 25. de Regul. cap. 16. circa donationes Nouitiorum prohibetur, ne ante professionem, excepto victu, & vestitu Nouitij, vel Nouitiæ illius temporis, quo in probatione est, quocumque prætextu, à parentibus, vel propinquis, aut curatoribus eius, Monasterio, aliquid ex bonis eiusdem tribuatur, ne hac occasione discedere nequeat, quòd totam, vel maiorem partem substantiæ suæ Monasterium possideat, nec facile, si discesserit, id recuperare possit, quin potius præcipit San-
cta

Et a Synodus sub anathematis pœna dantibus , & recipientibus , ne hoc vlllo modo fiat, & vt abeuntibus ante professionem omnia restituantur , quæ sua erant . Circa quod Decretum notandum , primò, hanc excommunicationem non incurri ipso facto , sed esse incurrendam , vt colligitur ex illis verbis , *sub anathematis pœna* . Secundò, non prohiberi in hoc Decreto aliquid dare , vel accipere ex bonis proprijs parentum , vel tutorum Nouitij , sed solum ex bonis eiusdem Nouitij . Laurent. de Peirinis *tom. 1. de Subdit. quæst. 1. de Obedient. cap. 29. Vide dicta cap. 11. nu. 12.*

33 Vndè similiter Nouitij non possunt validè disponere de bonis ad illos pertinentibus, nisi cum licentia Episcopi, vel eius Vicarij, & intra duos menses proximos ante professionem . Nec talis dispositio valida erit , aut alicuius valoris, etiam si cum iuramento facta sit, nisi sequuta professione . Ita decernitur in Conc. Trident. *sess. 25. de Regul. cap. 16.* Ratio huius decisionis, seu intentum Concilij est consulere libertati Nouitij, ne scilicet impediatur ab egressu à Religione , quam inchoauerat , sed cogatur in ipsa proferri , eò quòd suis bonis se expolauerit . Nauar. *lib. 3. Consil. in prima edit. tit. de donat. cons. 7. & 8. & in 2. edit. tit. de Regul. cons. 81. & 82. Rodriguez tom. 2. Quæst. Regul. quæst. 47. ab art. 8.*

34 In hac verò decisione comprehenduntur soli actû Nouitij , non verò illi, qui Nouitij esse volunt , & intuitu Religionis bonis suis renunciant . Ratio est , quia illa decisio solum est de Regularibus, vt constat ex titulo rotius illius sessionis 25. Secundò, quia ita declarauit Sacra Congregatio Cardinal. Passarellus in *privileg. Minorum cap. 37. Sanchez lib. 7. in Decal. cap. 5. num. 4.* Licet oppositum sit etiam valdè probabile, si non obstaret declaratio S. Congregationis. Eò quòd isti, qui fieri volunt Religiosi, aliquo modo iam numerari possunt inter personas Regulares . Nauarrus *ut supra.* Molina *tomo 1. de Iustitia disput. 149. & 139. & tomo 3. disput. 604. num. 2.* Intelligitur tamen prædicta decisio Concilij de omnibus Nouitijs, siuè maioribus, siuè etiam minoribus sexdecim annis . Cum generaliter sit sermo de omnibus , & pro omnibus procedat ratio adducta . Sanchez *ut supra num. 7. & 8.* Licentia quoque, quæ desideratur ad validitatem dispositionis bonorum Nouitij, debet esse data ab Episcopo, vel eius Vicario, quia ita dicitur clarè in ipso Concilio, nisi fortè in aliquibus Religionibus per consuetudinem legitimè præscriptam oppositum fuerit introductum . Cum hæc decisio solum sit lex positua, quæ per consuetudinem abrogari potest , maxime quoad aliquas circumstantias ipsius . Rodriguez *2. tom. Sum. cap. 7. num. 1. Ve-*

ga 2. *tomo Summa capit. 30. casu 3.*

35 Possunt tamen Nouitij, non obstante hoc decreto Concil. Tridentin. & sine conditionibus ab ipso præscriptis, facere testamentum, codicillum, & quamcumque aliam voluntatem ultimam ex causa mortis, seu quemcumque alium contractum reuocabilem. Ratio est, quia cum intentum Concil. solum sit, ne ratione dispositionis bonorum factæ à Nouitio cogatur profiteri, aut non recedere à Religione, censendum est solum velle comprehendere suo Decreto dispositiones, seu contractus irreuocabiles, non verò reuocabiles, quales sunt isti, de quibus loquimur, cum possit illos reuocare Nouitius, quando voluerit, & ita liberè profiteri, seu recedere à Religione. Nauarrus *Comment. 2. num. 51. de Regul. & lib. 3. consil. in 2. edit. tit. de Regul. consil. 83.* Azor *tom. 1. Inst. moral. lib. 13. cap. 9. q. 2.* Possunt etiam eodem modo facere aliquas donationes, & eleemosynas parui momenti, attentis facultatibus ipsorum. Ratio est, quia intentum Concil. solum est, ut patet ex ipsius verbis, ne discedere nequeat, quòd totam, vel maiorem partem suæ substantiæ Monasteriū possideat. Azor *to. 1. Instit. moral. lib. 13. cap. 9. q. 2.* Sanchez *lib. 7. in Decalog. cap. 5. n. 21.* Idem dico de illis, quæ Nouitij dare solent pro sua sustentatione tempore Nouitatus, vel Moniales in introitu Monasterij. Quia hæc sunt quasi iura & stipendia debita. Suarez *5. tomo in 3. partem disput. 22. sect. 5. num. 15.* Sanchez *ut supra.* Idem etiam dico de illis contractibus, in quibus Nouitij nihil perdunt de suo, ut sunt emptio, venditio, permutatio, locatio, & similes. Nam per illos non destituuntur patrimonio, nec coguntur profiteri. Peirinis *tomo 1. priuileg. Minim. in constit. 2. Sixti IV. §. 11. num. 75.* Quid verò dicendum de renunciatione Beneficij Ecclesiastici, & officiorum publicorum, vide Sanchez *lib. 7. in Decalog. cap. 5. à num. 36.* An autem possint ipsi Nouitij, aut illorum parentes, vel tutores dare mutuo aliquid Monasterio? Quidam negant. Credo tamen id fieri posse, quando datum fuit firma cautione, aut fideiussione quòd possit recuperari. Hoc enim non videtur esse contra intentum Concilij. Ita aliqui Doctores Salmaticenses, quos refert Rodriguez *2. tom. Sum. cap. 7. num. ult.*

36 Donationes autem, seu renunciationes factæ à Nouitijs cum solemnitate petita à Concilio non sortiuntur suum effectum, nisi realiter secuta professione. Vnde si post donationem, vel renunciationem moriatur Nouitius ante professionem, talis donatio, vel renunciatio est nulla. Quia ita clarè deciditur in ipso Concilio, dum dicitur tales donationes, vel renunciationes non habere effectum, nisi secuta professione. Nauarrus *lib. 3. consil. in 1. edit.*

1. edit. tit. de Regular, conf. 1. in 2. verò tit. de success. ab intest. conf. ult. Molina tomo 1. de Iust. disput. 140. col. 1. Imò requiritur quòd talis professio sit valida. Quia Concilium petit sequi professionem; & verba sunt intelligenda cum effectu, ac proinde cum vera professione. Rodriguez 2. tomo Summ. cap. 7. num. 6. Sanchez lib. 7. in Decalog. cap. 5. num. 55.

37 Nouitius non potest eligi in Prælatum; nec ad id munus sufficit professio tacita, sed requiritur expressa. Iuxta dicta *cap. 18. num. 5.* Potest autem eligi ad dignitatem Episcopalem. Ex *capit. nullus de elect. in 6. & cap. indemnitatibus in princip. de elect. in 6.* Selua de Benefic. 3. par. q. 51. Probabilius etiam est, posse illi conferri Beneficium sæculare. Cum sit capax habendi illud, & nullibi reperiatur prohibita talis collatio. Azor tomo 1. *Institut. moral. lib. 12. cap. 3. q. 1.* Sanchez lib. 7. in *Decalog. cap. 4. num. 22.* Hinc Beneficium, quod habet Nouitius, non debet prouideri ante transactum tempus Nouitiatus, sed debet curari vt per alium seruiatur. Cum adhuc sit capax retinendi illud. Grassi 1. *part. decis. lib. 3. cap. 5.* Beneficium quoque Regulare suscipere potest, dummodo professionem emitrat. Concilium Tridentinum *session. 14. de Reformat. capit. 10.* Sanchez lib. 7. in *Decalog. capit. 4. num. 24.* Vide dicta *cap. 2. num. 17.*

38 Tenentur Monasteria ad debita contracta à Nouitijs ante professionem, quando in ipsorum bona succedunt. Quia commune est omnibus, qui in bona alterius succedunt, quòd astringantur debitis ipsius. Couarrubias in 4. *Decret. 2. par. cap. 28. §. 6. num. 14.* Hoc tamen intelligo iuxta quantitatem bonorum, quæ ex Nouitijs Monasterium acquisiuit, ita vt non se extendat ad plura. Quia cum hanc obligationem subeat Monasterium præcisè propter bona, quæ ex Nouitio habuit, ratio dicat, quòd non se extendat ultra bona acquisita. Rosella in *Summ. verb. Abbas.* Molina *tom. 1. de Iust. disp. 140.*

39 Pro bonis Nouitiorum, personis incertis debitis, exrat priuilegiu Sixti IV. Carmelitis cõcessu in Bulla dum attēta, vbi dicitur. *Quia verò nonnulli vestra Religionis habitum sumentes diuersis personis, quæ sciri, & inueniri non possunt, interdum aliqua bona restituere tenentur, vobis, Magister Generalis, & Priores Prouinciales, ac Prioribus localibus concedimus, vt singuli vestrum in locis sibi commissis, bona ipsa in pios vsus conuertere valeant, prout secundum Deum viderint expedire.* Specul. Ordin. f. 90. Vide Rodriguez. *tom. 3. q. 57. art. 4.* & Peirinis *tom. 1. priuileg. Minim. in Constit. 2. Iulij 11.* vbi refert simile priuilegium eiusdem Iulij II. pro Minimis, & Clem. IV. pro Minoribus.

40 Non licet filijs absque reatu peccati mortalis relinquere parentes in extrema, aut graui necessitate, & ingredi Religionem. Quia ingredi Religionem consilium est, succurrere autem parentibus sic indigentibus, præceptum naturale. Diu. Thomas *quodlib.* 3. *art.* 16. & *quodlib.* 10. *art.* 9. Siluester *verb. Relig.* 2. q. 7. Suarez 3. *tom. de Relig. lib.* 3. *cap.* 3. Limitant hoc aliqui, si absque periculo peccati mortalis non possit filius in sæculo permanere. Quia salus propria spiritualis anteponi debet vitæ temporali etiam parentum. Sanchez *lib.* 4. *in Decalog. capit.* 20. *numer.* 11. Laurentius de Peirinis *tom.* 1. *quest.* 1. *de Obedient. cap.* 9. Extenditur tamen doctrina tradita ad Religiosos iam professos, tenentur enim succurrere parentibus extremè indigentibus, dummodo certa sit talis extrema necessitas, etiam egrediendo Religionem contra voluntatem suorum Superiorum, si non supersit alius modus illis subueniendi. Ratio est, quia nulla obligatio Voti potest præminere obligationi ex iustitia, quæ currit in prædicto casu. Caietanus 2. 2. *quest.* 101. *art.* 4. Nauarrus *Comm.* 3. *de Regular. num.* 48. & *in Summ. cap.* 14. *num.* 14. De casu autem grauis necessitatis parentum, si Religiosus in Religione manens non possit illis succurrere, nec Prælati velint providere, aliqui dicunt posse etiam è Religione exire, etiam sine licentia. Valentia *tom.* 3. *disput.* 7. *quest.* 1. *punct.* 2. Corduba *in Regul. D. Francis. cap.* 2. *quest.* 6. *art.* 2. Hoc verò non consulerem, quia cum Religiosus sit mortuus mundo, & regulariter viuendo in sæculo periculum subeat propriæ vitæ spiritualis, non debet propter grauem parentum necessitatem, Votum professionis efringere. Ad minus tamen certum est, quòd ad succurrendam necessitatem, grauem fratrum, vel sororum, etiam pudicitia periclitantium, non potest Religiosus Religionem relinquere, licet propter hoc habeat sufficientem causam, vt cum illo dispensetur. Sanchez *lib.* 4. *in Decalog. cap.* 20. *num.* 33. Corduba *in Summ. quest.* 141. *artic.* 2. Vide dicta *cap.* 2. *num.* 13.

41 Non obstante quòd in Concilio Tridentino *sess.* 25. *cap.* 16. sic habeatur: *Finito tempore Nouitatus Superiores, Nouitios, quos habiles inuenerint ad profitendum admittant, aut è Monasterio eos eijciant:* Nihilominus Superior Prælati potest ex causa Professionem differre in illis, qui habiles non sunt inuenti, vt sunt illi, qui non benè adhuc didicerunt. Ita enim refertur respondisse Sacram Congregationem Concilij sub Pio V. ita declarante. Nauarrus *tom.* 1. *Conf. lib.* 3. *de Reg. conf.* 30. *num.* 1. Sorbus *in Compend. priuileg. Nouitius. §. sexto notandum.* Si inhabilitas ex infirmitate proueniat, poterit prorogari tempus, donec duret spes

recuperandæ sanitatis, & vniuersaliter tempus ad emittendam Professionem, posse arbitrio Superioris prorogari, dicitur censuisse Sacram Congregationem Concilij 31. Maij 1597. Laurent. de Peirinis *tom. 1. priui. Minim. in Const. 2. Sixti Quarti. §. 11. num. 81. & 82.* Vide Suarez. 3. *tom. de Reli. lib. 5. cap. 13.*

42 Nouitij in articulo mortis existentes possunt profiteri ante annum probationis expletum, dummodo tamen in ætate legitima constituti sint; sicque lucrari Indulgentias, & gratias alijs Professis concessas. Quia ita concessit Pius Quintus Monialibus S. Dominici anno 1570. Vnde isto priuilegio potiri possunt omnes Religiosi habentes communicationem cum Dominicanis, quales sumus nos Carmelitæ, ex Bulla Leonis X. adducta supra *cap. 3. num. 17.* Passarellus in *Compend. verb. Nouitius.* Miranda in *Man. tom. 1. quæst. 2. art. 10.* Vide dicenda *cap. sequenti num. 39.* Nouitij autem morientes sepeliendi sunt in Monasterijs, vbi sunt Nouitij Quia ita habetur consuetudine. Siluester *verb. Sepultura quæst. 8. dict. 7.*

43 Pro Institutione Nouitiorum extant Decreta Clemen VIII. quæ habentur *tom. 3. Bullar. post Bullam 83. huius Pontificis; & postea approbata, & innouata sunt à Sacra Congregatione Concilij in Decretis de Regularibus Apostatis, & Electis, iussu Sanctiss. D. N. Urban. VIII. die 21. Septembr. 1624.* Adiuncta quoque sunt in fine Constitutionum Carmelitarum Romæ impressarum anno Dom. 1626. Pænæ autem transgressoribus illorum designantur sic à Clemente Octauo. *Si illi, qui inter Religiosos, gradu, & ordine Superiores sunt, & alij, ad quos spectat, in prædictis omnibus, vel eorum aliquo, deliquerint, seu quouis modo contraxerint, officiorum omnium, quæ tunc obtinebunt, priuationem, grauioremque pro modo culpæ admisse pænas, se subituros certò sciant.* Vnde circa obligationem horum Decretorum philosophandum est eo modo, quo diximus de obligatione Regulæ, & Constitutionum *cap. 7. & 8.* Cum tamen hæc Decreta pro institutione Nouitiorum multa sint, multitudoque præceptorum ad culpam, mortalem præcipuè, obligantium, coqueniens non putetur Religiosorum conscientijs, aut benignitati Summorum Pontificum, ideo non crederem prædicta Decreta obligare ad mortale, nisi quando aliquod, vel aliqua illorum fuerint de materia graui, grauiusque attinenti ad finem reformationis, quem Summi Pontifices intendunt. In quo aliorum iudicium expecto, doctiorumque sententiæ me remitto.

44 Extat etiam Decretum Sacræ Congregat. de propaganda Fide, die 15. Decemb. an. 1624. in quo admonentur Generales omnes,

nes, annuente Sanctissimo Dom. Nostro Urbano, vt præter studia Linguarum aliàs à Sacra Congregatione Regularibus indi& , speciali sub Decreto præcipere velint, vt in Nouitiorû receptio- nibus in posterum faciendis, aliqui semper ex varijs nationibus, & linguis, pro modulo tamen suarum Religionum, vnâ cum alijs, qui hætenus recipi consueuerunt, ad habitum assumantur, qui pe- racto studiorum cursu, & in simplici Sacerdotio constituti, & Epi- scopali dignitate ornati, ad eorum Prouincias propagandæ Fi- dei gratia mitti possint. Nam sic facientes certò sciant, se Christo Domino obsequium gratissimum, & acceptissimum præstituros, & Fidei Catholicæ, & suarum Religionum generi, & amplificatio- ni summopere esse consulturos. Laur. de Peirin. tom. 2. priu. Mi- nim. in Confit. 2. Sixti V. num. vlt.

De Monialibus, earumque obligationibus, & Priuilegijs.

C A P. X X V.

MONIALES omnes cuiuscumq; Ordinis sint, siue subditæ Prælato Regulari, siue Dominis Episcopis, tenentur ad obseruantiam Voto- rum, quæ promiserunt, Regulæ, & Constitutio- num suæ Religionis, eodem modo, quo alij Re- ligiosi, exceptis ijs, quæ ipsorum sexui, & fragi- litati repugnant. Ratio est, quia sunt veræ Personæ Religiosæ, eisdemque priuilegijs, ac Religiosi viri gaudentes. Vnde tenentur suis Prælatis obedire, siue sint Episcopi, quando illis sint subiectæ, siue Prouinciales, aut Generales Religionis, si illis subijciantur, eo modo, quo ceteri alij Religiosi. Ratio est, quia verè emittunt Votum Obedientiæ prædictis Prælatis, ac proindè tenentur ad eadem, quæ Religiosi tenentur, respectiue ad sexum. Suarez 4. tom. de Relig. lib. 1. de Variet. Relig. cap. 12.

1 Non tamen tenentur obedire Vicarijs, quos solent habere, si- cut Prælatis. Non enim sunt ipsarû Prælati, cum nullâ super illas iurisdictionem habeant, sed vel superintendentiam, vel quid hu- iusmodi. Miranda in Man. tom. 2. q. 21. ar. 2.

3 Tenentur verò Moniales obedire suis Priorissis, vel Abbatis- sis in ijs, quæ pertinent ad gubernationem domesticam, & ciuilem. Ratio est, tum quia hæc obligatio necessaria est ad bonum regi- men, & ordinem Monasterij. Tum quia quamuis Priorissæ, vel Abba-

Abbatissæ non habeant; nec possint habere Iurisdictionem spirituales supra Moniales, iuxta dicenda *cap. seq.* habent tamen supra illas potestatem dominativam, domesticam, & civilem, similem illi, quam habent pater in filios, & mater familias in domesticos. Sanctus Thomas in 4. dist. 19. *quæst.* 1. *art.* 1. *quæstiunc.* 3. ad 4. Sorus in 4. dist. 20. q. 1. *ar.* 4.

4 Hinc huiusmodi obligatio obediendi Moniales suis Priorissis, vel Abbatissis est sub mortali (intellige si materia, quæ præcipitur sit grauis). Ratio est quia tenentur obedire illis, sicut filij parentibus, & ciues suis Magistratibus, eò quòd habeant similem potestatem, hi autem peccant mortaliter, quando transgrediuntur præcepta in materia graui sibi imposita. Victoria *relect.* de potest. Eccles. *quæst.* 2. num. 4. Sanchez *lib.* 6. in *Dealog. capit.* 1. num. 18.

5 Pro ingressu Monialium in Monasterium non licet aliquid accipere, tamquam prætium, benè tamen pro victu, ac vestitu, seu congrua sustentatione tam in anno approbationis, quàm post professionem. Ratio primæ partis est, quia oppositum esset simoniacum. Ratio verò secundæ, quia hoc admittit consuetudo, & æquitas rationis naturalis, cum alijs Moniales non possent à Monasterio sustentari. Sanctus Thomas 2. 2. *quæst.* 100. *art.* 3. ad 4. Nauarrus in *Man. cap.* 27. num. 106. An verò hoc etiam intelligatur, quando Monasterium est locuples? Sorus negat *lib.* 9. de *Iust. & iur. quæst.* 6. *art.* 2. Affirmat verò Suarez *tomo* 1. de *Religione lib.* 4. de *Simon. cap.* 17. Adminus tamen sæpius erit peccatum auaritiæ. Quotiescumque autem licitum est accipere aliquid pro ingressu Religionis, licitum etiam est facere pactum de illo. Quia hoc nullo iure prohibetur, & multorum consuetudine approbatur. Suarez *ut supra.* Bonacina de *Simonia q.* 7. §. 4. Vide dicenda infra num. 39.

6 Non possunt recipi plures Moniales in Monasterio, quàm quæ ex redditibus, vel ex consuetis eleemosynis commodè possint sustentari. Ita habetur in *cap. unico §. sanè de stat. Regul. in* 6. & in Concil. Trident. *sess.* 25. de *Regul. cap.* 3. ac in Constitut. Pij Quinti anno 1566. quæ incipit *Circa Pastoralis Officij, &c.* Quod intelligunt aliqui nisi Monialis secum afferat dotem, ex qua possit commodè sustentari. Quia per hoc sufficienter prouidetur intentioni Ecclesiæ. Nauarrus *lib. de reddit. Eccles. quæst.* 1. *monit.* 62. Suarez 4. *tomo de Relig. tract.* 9. *lib.* 1. *cap.* 11. Dicitur tamen Sacram Congregationem declarasse 6. die Septembris anno 1604. quòd si quæ supra statutum numerum reciperentur, duplicem eleemosynam afferre, & supra numerarium locum tenere deberent

rent . Deindè , quòd Moniales , quæ supra numerum in quolibet Monasterio constitutum recipiuntur , in locum Monialium decedentium nequaquam subrogari , neque impedimento esse , quin aliæ in locum earundem ex numero demortuarum recipi eo modo valeant , quo in singulis Monasterijs Moniales intra numerum possunt admitti , quinimmo easdem sic supra numerum receptas , supranumerarias semper quoad hoc remanere , etiam si in cæteris ab alijs nihil differant , sed illis in omnibus pares , &c. Insuper quòd duplicis eleemosynæ nomine intelligi semper debeat duplicata summa eius , quæ in receptione cuiusque Monialis intra numerum in quolibet Monasterio constitutum , erogari pro tempore consueuerit . Ita tamen , ut ubi summa , quæ confertur minor est scutis ducentis , ibi saltèm ratione duplicatæ eleemosynæ soluenda sint scuta quadringenta . Quaranta in *Summa Bullar. v. Monasteria Monialium* . Vbi etiam affert aliam declarationem , circa puellas admittendas in locum Monialium pro tempore vacaturum , neque promittendum talem locum , nisi sequuta reali vacatione , & cum quibusdam alijs conditionibus , sub grauibz pœnis ibi impositis . Vide etiam Peirinis *tomo 2. priuileg. Minor. in Constitut. 6. Pij V. num. 9.* Sed nota ex declaratione Sac. Congregat. Episcop. & Regul. ann. 1613. quòd supernumeraria non potest admitti sine licentia S. Congregationis . Gauantus in *Man. Episcoporum. verb. Monialium receptio num. 11.*

7 Modus paupertatis magis accomodatus Monialibus est , Monasteria habere communes redditus , quibus possit omnibus illis subuenire . Ratio est , quia per mendicitatem , aut alio modo simili non possunt ita commodè , & honestè sustentari . Quod idem de Monialibus Capuccinis intelligi debet , propter eandem rationem . Præsertim cum in Decreto Concil. Trident. *sess. 25. cap. 2.* comprehendantur . Suarez 4. *tomo de Relig. tract. 9. lib. 1. cap. 12.* Habere tamen singulas , aut aliquas Moniales redditus aliquos , vel annuos census tolerari non debet , nisi in casu , quo vita communis obseruari minimè possit , & cum conditionibus assignatis *cap. 6. de Voto Paupertatis à num. 21.* Suarez 4. *tomo de Religion. tract. 9. lib. 1. cap. 12.*

8 Moniales omninò plena , & spontanea voluntate debent profiteri , ac proinde ante professionem ex bonis Nouitiæ nihil tribui debet Monasterio , præter victum , & vestitum pro anno Nouitiatus . Vnde à S. Congregatione Cardinalium declaratum est , etiam dotem non esse Monasterio tribuendam ante professionem . Causa tamen legitima subsistente , & cum licentia Episcopi , & data cautione , & securitate de ipsa restituenda , poterit

rit etiam dari ante professionem . Suarez *infra citandus num. 4.* Deinde Episcopus ante professionem, virginis voluntatem exploret, vt pia, & spontanea sit . Censura insuper innodantur illi, qui fœminas ad statum Religiosum assumendum cogunt . *cap. Puella 20. quæst. 1. & Conc. Trident. sess. 25. cap. 16. 17. & 18. Suar. 4. tom. de Relig. tract. 9. lib. 1. cap. 11.* Vide dicta *cap. 24. num. 29. & Gauantum in Man. Episc. verb. Monialium receptio à num. 1. vsque ad 6.*

9 Non solum virgines, sed etiam viduæ admitti possunt, saltem iure communi, in Moniales . Ratio est, tum ex vsu antiquissimo Ecclesiæ, tum ex *cap. Vidua 20. quæst. 1. & cap. Viduas 1. & 3. & cap. Vidua cum sequentibus 27. quæst. 1.* Sed viduam non convenire admitti ad habitum Monachalem virginum, declarauit Sac. Congreg. Episcop. apud Gauantum in *Man. Episcop. verb. Monialium receptio num. 7.* Fœminas autem illicitè corruptas, maxime si lapsus est publicus, decens non est admitti, propter scandalum cæterarum, nisi in specialibus Monasterijs mulierum pœnitentiæ ad illas designatis, & nisi fortè sint aliquæ circumstantiæ, quæ tale scandalum minuant, aut tollant . Suarez 4. *tom. de Reli. tract. 9. lib. 1. cap. 11. num. 2.*

10 Quamuis velum Professionis concedi posset non solum Virginibus, sed etiam viduis; quia, vt dictum est supra, etiam viduæ admitti possunt in Moniales: nihilominus Velum Consecrationis solum potest dari iure communi virginibus. *cap. de Voto 20. quæst. 1. & Conc. Tiburiense cap. 25. & Rothomagense cap. 9.* apud Yuonem *part. 7. Decreti cap. 52. Sotus in 4. dist. 38. quæst. 1. art. 1. Siluester verb. Consecratio virginum.* Video tamen Sac. Congregationem Episcop. & Regular. decreuisse tollendam esse consecrationem . Insuper concedendam non esse Monialibus Mendicantiũ, Gauantus in *Man. Episcop. verb. Monialium consecratio.* Casu autem quòd detur, fœminæ extra matrimonium corruptæ, etiam si per violentiam, & sine culpa ipsarum id factum sit, capaces non sunt talis veli . Leo Papa in *Epist. ad Episcopos Mauritania capit. secundo, & quinto.* & refertur 32. *quæst. quinta.* Num autem fœmina occultè corrupta, & cum publica fama virginitatis possit illud recipere? Multi negant, alij verò probabiliter affirmant. Quia non tenetur se prodere, sed potest in exteriori foro ita se gerere, sicut in cõmuni opinione habetur . Suarez 4. *tom. de Reli. tract. 9. lib. 1. cap. 11.* Congruum tamen videtur talẽ Monialem, etsi non se debeat prodere, debere tamen excusare se. Miranda in *tract. de Sac. Monial. quæst. 7. art. 6. & 8.* Vbi addit in tali casu posse Episcopum vti aliqua cautela, mutando scilicet no-

men

men Virginitatis, in nomen Castitatis. Nauarr. in *Man. cap. 16. num. 3. & lib. 3. Conf. conf. 4. num. 4.* Pollutæ autem etiam voluntaria pollutione possunt consecrari. Quia re vera adhuc virgines sunt, cum retineant integrum claustrum. Caietan. in *Summ. verb. Virginum consecratio.* Sa in *Summ. verb. Consecratio. num. 6.* Velum autem hoc solum datur ab Episcopis, & temporibus à iure statutis, d. *cap. de Vot. & cap. Virgines. 20.* Circa ætatem autem, cum iura antiqua sint contraria, consuetudo attendenda est. Suarez 4 *tom. de Reli. tract. 9. lib. 1. cap. 11.* Sa in *Summ. ver. Consecratio. num. 5.* Quia tamen Sacra Congregatio Episc. & Regular. decreuit consecrandas agere debere ætatis 25. annum completum, ideo sic faciendum. Gauantus, *vt supra.*

11 Puellæ minores duodecim annorum recipi possunt (secundum aliquos) ad habitum monialem, vt Nouitiæ. Tum ex consuetudine Religionum; tum quia hoc non derogatur (vt aliqui volunt) à Concilio Tridentino *sess. 25. cap. 17.* Ita etiam declaratum dicitur à Sacra Congregatione Cardinalium. Medina de *Sacrorum hominum continentia lib. 4. controu. 9. cap. 4.* Miranda in *tract. de Sac. Monial. quæst. 8. art. 2.* Quia tamen oppositum declaratum dicitur à Sacra Congregat. Episcoporum, & Regular. ideo cautè procedendum. Gauantus in *Man. Episcop. verb. Monialium receptio num. 19. & 20.* Nullatenus autem debent admitti ad Professionem ante decimum sextum suæ ætatis annum expletum. Concilium Tridentinum *sess. 25. capit. 15.* Vide dicenda infra *num. 39.*

12 Debent Moniales examinari ab Episcopo, vel eius Vicario, Episcopo absente, vel impedito, antequam profiteantur, an coactæ, & seductæ sint, sciant quid agant, &c. Conc. Tridentin. *sess. 25. cap. 17.* Vide Barbosa de *Potest. Episcop. Alleg. 100. num. 4.* & Gauantum in *Man. Episc. verb. Monialium receptio à num. 21.* Imò aliqui dicunt bis examinandas esse, scilicet ante susceptionem Habitûs, & ante Professionem, propter declarationem Sacræ Congregat. Cardinalium. Thom. Zerol. in *prax. Episcop. verb. Monialis.* Consuetudine tamen videtur receptum, quod solum semel ante Professionem examinentur. Miranda in *tract. de Sacris Monialib. quæst. 8. art. 4.* Quicquid tamen de hoc sit, defectus huius examinationis non irritat Professionem Monialis, cum Concilium nihil dicat de inualiditate talis Professionis, vt solet, quando vult esse inualidam, atque ita solum erit illicita, & peccaminosa, & ita supponitur à Sacra Congregat. in quadam Declaratione, quam refert Zerola *vt supra.* Sanchez *lib. 6. in Decalogum cap. 4. num. 84.* Barbosa de *potest. Episc. Alleg. 100. n. 9.* Vide dicenda c. *seq. n. 17.*

13 Tenentur etiam Moniales omnes dicere Officium Diuinum in Choro, sicut alij Regulares, *ex Clem. 1. de celebr. Missarum*, vbi præcipitur, quòd in omnibus Ecclesijs Cathedralibus, & Regularibus, atque etiam Collegiatis, Horæ Canonice deuorè psallantur, conuenienterque celebretur Diuinum Officium, diurnum, pariter, atque nocturnum. Angelus *verb. Hora Canonica §. 25. & 26. Siluest. ibid. n. 10.* Tenentur etiã Moniales Choro destinatę ad Officium Diuinum priuatè, & extra Chorum recitandum, iuxta dicta *cap. 12. numer. 8. Sotus 10. de Iustit. & Iur. quæst. 5. artic. 3. Nauarrus in Manual. cap. 25. num. 96. Vide infra num. 43.*

14 Iure communi non est aliquod præceptum obligans, saltem sub mortali, ad hoc vt Moniales confiteantur singulis mensibus sua peccata. Ratio est, quia si aliquod ius esset in hac parte, maxime Clement. *ne in agro*, illa autem non obligat ad peccatum, saltem mortale, vt indicat Conc. Tridentinum *sess. 25. c. 10.* vbi refertur in margine prædictã Clementinam sic loquitur circa Confessionem, & Communionem Monialium. *Attendant diligenter Episcopi, & ceteri Superiores Monasteriorum Sanctimonialium, vt in Constitutionibus earum admoneantur Sanctimoniales, vt saltem singulis mensibus Confessionem peccatorum faciant, & Sacrosanctam Eucharistiam suscipiant, vt eo se saluari præsidio muniant ad omnes oppugnationes Dæmonis fortiter superandas. Præter ordinarium autem Confessorem, alius extraordinarius ab Episcopo, & alijs Superioribus bis, aut ter in anno offeratur, qui omnium confessiones audire debeat. Quòd verò Sanctissimum Christi corpus intra Chorum, vel septa Monasterij, & non in publica Ecclesia conseruetur, prohibet S. Synodus, non obstante quocumque indulto, aut priuilegio.* Viualdus in *Candelabro aureo de Confess. num. 51.* Zecrola in *Praxi Episc. verb. Moniales ad septimum dubium.* Vide dicenda infra num. 40.

15 Qui scienter contrahunt cum Monialibus, & ipsæ Moniales contrahentes sunt excommunicati in Clement. 1. *de Consanguinit. & affinit.* Toletus in *Summ. lib. 1. cap. 40.* Imò si quis Monialem in uxorem acciperet, prohibetur cum alia contrahere, in sui peccati pœnam. *27. quæst. 1. can. Hi verò.* Idem Tolet. *lib. 7. cap. 15.*

16 Specialiter tenentur Moniales omnes ad seruandam, rigorosam Clausuram, idest numquam exeundum de Monasterijs, propter specialissimum Ecclesiasticum præceptum illis impositum. Primò, ex Bonifacio Octauo *cap. Periculoso in princ. de stat. Regul. in 6.* præcipientem, vniuersas, & singulas Moniales, præsentem, atque futuras, cuiuscumque Religionis sint, vel Ordinis, in qui-

buis

huilibet Orbis partibus existentes, sub perpetua in suis Monasterijs debere de cætero permanere Clausura, ita quòd nulli earum, tacite, vel expresse professæ sint, vel esse valeant, quasumque ratione, vel causa (nisi fortè tanto, & tali morbo euidenter eam laborare constaret, quòd non posset cum alijs absque graui periculo, seu scandalo commorari) Monasteria ipsa deinceps egrediendi facultas concedatur. Secundò, ex Concilio Tridentino sess. 25. de Regu. cap. 5. vbi rigidissimis verbis eam inuiolabiliter seruari præcepit. Tertio, ex Pio Quinto, qui ad idem intentum duas Constitutiones edidit, alteram anno 1566. alteram anno 1569. in prima explicans magis Decreta Bonifacij, & Concil. Trident. in secunda verò rigidius eandem Clausuram præcipiens, iustas causas concedendæ licentiæ declarans, varijsque pœnis transgressores afficiens. Tandem quartò, ex Gregorio Decimotertio, qui anno 1572. eandem Clausuram confirmauit, explicans, quæ loca sub illa claudantur. Sanchez lib. 6. in Decal. cap. 15. Gauantus in Man. Episcop. verb. Monialium clausura à principio.

17 Non solum Moniales Ordinum Mendicantium, & Monachalium; sed etiam Ordinum Militarum obligantur hoc præcepto Clausuræ. Tum ex Concil. Trident. sess. 25. cap. 22. vbi ea, quæ in Superioribus Decretis præceperat, quorum vnum erat de Clausura Monialium dicit, debere obseruari in omnibus Cœnobijs, ac Monasterijs, quarumcumque Sanctimonialium, etiam si illæ sub gubernio militarum etiam Hierosolymitanæ viuant. Tum ex Pio Quinto in dicta Constitutione anno 1566. Nauarrus com. 4. num. 44. vers. 5. Rodrig. tomo 1. quæst. Regul. quæst. 44. artic. 2. & 3. Tenentur etiam isto præcepto Moniales Conuersæ cuiuscumque Ordinis sint. Quia ita habetur expresse in dicta Constitutione Pij Quinti. Nauarrus ut supra num. 45. Rodriguez ut supra artic. 4. Non tamen tenentur isto præcepto Nouitiæ. Quia non sunt verè Moniales, nec prædictis Decretis comprehensæ. Nauarrus ut supra numero 47. Vide infra numero 23. Bene tamen, tacite professæ. Quia ita decernit Pius Quintus in dicta Constitutione sequens Bonifacium Octauum. Oblatæ autem si non sint Religiosæ non tenentur. Cum nulla lex illas obliget. Grassi prima parte Decis. lib. 4. cap. 23. Rodriguez tomo 1. quæstionum Regul. quæst. 44. art. ultimo. Mulieres verò in aliqua domo, vel Congregatione, simul viuentes, & aliquem modum vitæ Religiosæ vouentes, hortandæ sunt, vt solemniter profiteantur, & ex tunc tenebuntur ad Clausuram, vt cæteræ Religiosæ, si verò hoc noluerint facere, non licet eis aliquam in posterum in suam Congregat. admittere, quòd si aliquas receperint, professiones, & receptiones illa-

illarum sunt omnino irritæ, & nullæ . Ratio est, quia ita deciditur in prædicta Constitutione Pij Quinti . Rodriguez *ut supra art. 3.* Sanchez *lib. 6. in Decalog. cap. 15. num. 14.* Vtrum autem quædam Moniales, quæ faciebant professionem ea conditione , vt non adstringerentur Clausuræ verè essent professæ? Probabilius est, quòd non, quia Pius Quintus videtur irritasse , & annullasse dictas professiones . Miranda *in tract. de Sacris Monialibus quæst. 1. art. 4.*

Circa Conuersas autem nota, quòd licet illæ teneantur , vt dictum est , lege Clausuræ , ita vt neque possint exire ad ornandum Altare in Ecclesia exteriori, prout declarauit S. Congregatio Episcop. & Regularium 27. Octobr. 1592. Nihilominus vbi fuerit consuetudo prædictas Conuersas egrediendi è Monasterijs pro quæstu, tolerari potest, habitis tamen necessarijs licentijs, & dummodo tales Conuersæ sint ætatis saltem 40. annorum, nec pulchræ , nec foris pernoctent , neque plures quàm octo destinentur ad quæstum , & quòd si deinde non egeant , cessent à quæstu . Hoc declarauit eadem S. Congregatio , prout refert Gauantus *in Manual. Episcop. verb. Monialium clausura à num. 18.* Vbi etiam *num. 20.* de Monialibus conuertitis si egeant, quid sentiendum.

Hinc collige, neque posse expelli Moniales à Religione, etiam propter incorrigibilitatem; non solum , quia Iura , & Decreta Summorum Pontificum , quæ de eiusmodi expulsione loquuntur, & de quibus nos egimus c. 23. de viris solum intelligi, praxis Ecclesiæ hucusque recepit , non de sæminis : sed etiam quia S. Congregatio Episcop. & Regular. die 27. Maij 1603. declarauit: *Incorrigibiles eijs non possunt, neque transferri, inconsulta Sede Apostolica.* Quare, etsi, stando in iure communi naturali Religionum, eijs possent è Religionibus prædictæ incorrigibiles; attempta tamen Ecclesiæ consuetudine, & prædicta Declaratione, id fieri non potest sine Sedis Apostolicæ consensu . Sanchez *lib. 6. in Decalog. cap. 9. num. 6.* Gauantus *in Manual. Episcop. verb. Monialium clausur. n. 23.*

18 Locus clausuræ , ex quo prohibitum est Monialibus egredi ; est totus ille ambitus Monasterij, qui ianua interiori clausa continetur . Vndè si ultra interiorem ianuam exeant ad Ecclesiam , vel ad alia loca, vbi sæculares intrant, Clausuram violant . Ratio est , quia ita habetur in Bulla Greg. XIII. superius adducta . Nauarrus *com. 4. num. 44. not. 4. de Regul. & lib. 3. Consil. in 1. edit. tit. de Regul. consil. 66.* Rodriguez *tomo 1. quæst. Regu. quæst. 44. artic. 3.* Vndè si Monialis ascendat supra tecti tegulas supra eam partem, quæ Monasterium respicit, aut egrediatur ex aliqua Domo priuata, in qua, siuè iustè, siuè iniustè, è Monasterio egres-

sa commoratur, non frangit Clausuram. Eò quòd hoc non est egredi è Monasterij ambitu. Nauarrus *ibidem*, & Sanchez *lib. 6. in Decalog. cap. 15. num. 7. & 9.* Ingredi tamen domos Monasterio contiguas, etiam si in illis solùm sint aliquaæ scemina seruitio Monasterij deputata, est Clausuram violare. Propter contrariam rationem, scilicet, quia hoc est egredi è Monasterij ambitu. Nauarrus *de Regul. comm. 4. num. 56.* Bonacina *de Clausur. quæst. 1. punct. 1.* Idem dico, propter eandem causam, de ingressu in Ecclesiam exteriorem, ad quam scilicet sæcularibus patet accessus. Bonacina *ibidem*. Gauantus *in Man. Episcop. verb. Monialium clausura num. 10. 11. 12.*

19 Moniales egredientes è Clausura Monasterij, aut eis fauentes, vel licentiam aliquo alio modo (quàm dicitur) concedentes, comitantes, aut recipientes, excommunicationem latæ sententiæ Papæ reservatam incurrunt, & priuationem omnium dignitatum, administrationum, & officiorum tunc obtentorum, & inhabilitatem ad alia. Quia ita habetur in dicta illa Constitutione Pij V. ann. 1569. Incurrunt etiam istas penas omnes cooperantes iniustæ egressioni Monialium. Quia omnes isti comprehenduntur ibi. Rodriguez *to. 1. quæst. 49. art. ultimo* An verò huiusmodi pœnæ incurrantur in foro conscientie ante omnem iudicis sententiam, vel illa expectetur? Constat ex dictis supra *cap. 10. à num. 29.* Bonacina *de Clausur. q. 1. punct. 4. & 5.*

20 Licentia egrediendi Moniales è Monasterio, concedi non potest, nisi grauissima causa perurgente. Ita habetur tam in *cap. periculoso citato*, quàm in Concilio Tridentino *sess. 25. cap. 5.* Maxime in dicta Constitutione Pij V. ann. 1569. Vbi tres causæ assignantur, scilicet *magni incendij, vel infirmitatis lepræ, aut epidemia.* Nauarrus *comment. 4. num. 40. & 48.* Imò quando huiusmodi magno incendio occurri potest sine egressu Monialis à suo Monasterio, aut curari à lepra, aut epidemia, sine periculo aliarum, tunc non erunt sufficientes causæ egressionis. Quia tunc cessat necessitas exeundi, quæ est finis huius concessionis. Rodriguez *tom. 3. quæst. Regul. quæst. 31. artic. 1.* Collector *Priuiliegiorum Mendicant. verb. clausura Monialium cas. 1.* Nomine Epidemiæ non solùm intelligitur pestis, sed & morbus etiam alius contagiosus, qui solet alijs de familia periculum mortis afferre. Quia intentum Pij V. in illa exceptione est consulere indemnitati Communitatis Religiosæ, ne scilicet patiat periculum mortis propter retentionem Monialis infirmæ, quod non solùm procedit in infirmitate pestis, sed in alia etiam contagiosa, quæ solet esse periculosa toti familiæ, vel maiori parti ipsius. Rodriguez *to. 1. quæst. 49. art. 4.*

San-

Sanchez *lib. 6. in Decalogum cap. 15. num. 35.* Vide & Gauantum in *Man. Episcop. verb. Monialium Clausura num. 7.* Probabile etiam est tres istas exceptiones Epidemiarum, leprarum, & magni incendij, contentas in prædicta Constitutione extendendas esse ad alios casus similes, vel urgentiores, quale est tempore belli periculum, quod imminet Monialibus, ne patiantur aliquod damnum à militibus, maxime infidelibus. Quia dictio taxatiua in Decretis non excludit casus similes, vel urgentiores. Nauarrus *comm. 4. num. 48.* Azor *tomo 1. Instit. moral. lib. 13. cap. 8. qu. 1.* Non est autem casus similis cum vita vnus Monialis periclitaretur non egrediendi è Monasterio. Tum quia Pontifex in illa exceptione solum consulit vitæ, & incolumitati totius Communitatis, aut maioris partis ipsius, non vnus, aut alterius Monialis. Tum etiam quia magis præponderat bonum commune Religionis, aut Conuentus, quod positum est in exacta obseruantia Clausuræ, quàm bonum particulare vitæ vnus Monialis. Rodriguez *tomo 1. quæst. 49. art. 4. 3. & 5.* Sanchez *lib. 6. in Decalog. cap. 15. num. 39.* Oppositum verò etiam credo probabile. Quia sæpius hoc nullum præiudicium, faciet bono communi Religionis, & lex naturalis conseruandæ vitæ superior est quocumque præcepto Ecclesiastico. Suarez *4. to. de Relig. tract. 8. lib. 1. cap. 9. num. 9.* Quando Monialis alicuius Monasterij eligitur in Abbatissam alterius tunc etiam potest exire ex Monasterio, & est causa sufficiens concedendi illi talem licentiam. Ratio est, quia in Conc. Trident. *sess. 25. c. 7.* id videtur permissum, non obstante quòd in *cap. 5.* multum commendauerat Monialium Clausuram. Nauarrus, & Rodriguez *ut supra.* & Collect. *præiudic. Mendicant. verb. Clausura Monialium cas. 3.* Qui etiam hoc extendunt ad casum quo Monialis deberet fundare aliud Monasterium. Video tamen S. Congregat. Episcop. declarasse, transferri non posse Moniales pro instructione noui Monasterij, inconsulta Sede Apostolica. Barbosa *de Poteft. Episc. Allegat. 102. num. 25.* Gauantum in *Man. Episcop. verb. Monialium Clausura num. 14.* Quando causa egrediendi legitima non est, sed fraude, vel fauore obtemperata non excusat Monialem in conscientia, cum talis licentia nulla sit. Suarez *4. tom. de Relig. tract. 8. lib. 1. cap. 9. num. 14.* Vide pro alijs casibus Bonacinam *de Clausur. q. 1. punct. 9.*

21 Causa autem aliqua legitima ex prædictis subsistente, possunt Prælati Religionum facultatem concedere exeundi è Monasterio Monialibus sibi subiectis, accedente tamen consensu Episcopi approbantis causam egressus. Ratio est, quia ita habetur in Trident. *sess. 25. cap. 5.* & in supradicta Constitutione Pij V. Laurentius Peirinis *tom. 2. præiudic. Minim. in Constit. 6. Pij V. num. 22.* Extat

A a

quoque

quoque S. Congregat. declaratio, qua dicitur : Moniales subiectæ iurisdictioni Regularium exemptorum, si sine licentia Ordinarij egressæ fuerint è Monasterijs, debent ipsæ, & earum Superiores, de quorum licentia de Monasterijs egressæ fuerint, per censuras Ecclesiasticas, & alia iuris remedia ab eorum Ordinario puniri, non obstantibus quibuscumque privilegijs, &c. Zerola 1. *p. prax. verb. Monialis*. Addunt aliqui consuetudine receptum esse in Hispania, ut non requiratur talis licentia Episcopi, vel Ordinarij. Rodriguez *tomo 1. quæst. 49. art. 6.* Sanchez *lib. 6. in Decalog. c. 15. num. 28.* Diligenter tamen intuendum est an hoc sit vera consuetudo, eò quod lex Ecclesiastica non amittit suam vim nisi post longam præscriptionem. Suarez *tom. 4. de Relig. tractat. 8. lib. 1. cap. 9. num. 14.* Immo quando necessitas egressus vrgeret, & ratione longæ distantiae Superioris nõ posset ad ipsum adiri absque graui periculo, posset Monialis, Superiore inconsulto, è Monasterio egredi, quia necessitas caret lege. & per Epicheiam censeripotest hunc casum non comprehendi in Decretis Concilij, & Pontificum. Siluester *verb. Religio 7. quæst. 16.* Rodriguez *to. 1. q. 49. art. 2.* Bonacina *de Clausur. q. 1. punct. 8.* Vide dicenda *cap. sequenti num. 20.*

22 Moniales tamen quomodolibet egressæ è Monasterijs, vel propter morbos permisos, vel propter aliam causam, ea cessante, tenentur statim redire. Ratio est, quia licentia non durat nisi durante causa egressionis. Rodriguez *tomo 1. quæst. 47. artic. 11.* Sanchez *lib. 6. in Decalog. cap. 15. num. 60. & 61.* Qui etiam bene addunt, breuem moram non esse contra hoc præceptum redeundi.

23 Nouitiæ, ut dictum est supra *num. 17.* non tenentur hac lege de non exeundo à Monasterio nisi cum circumstantijs adductis, ac proinde si exeant non incidunt in pœnas adductas supra *num. 19.* An autem exeuntes à Monasterio interrumpant Nouitiatum, & definant esse Moniales? Dicendum est, quod si ex causa rationali, v.g. morbo graui curando, & ex licentia Superiorum, ac cum habitu exeant, non censentur interrumpere suum Nouitiatum; secus autem si sine causa, licentia, aut habitu exeant. Ratio primæ partis est, quia talis egressus cum illis circumstantijs arguit vnionem, & permanentiam in Religione, affectumque perseuerandi. Ratio verò secundæ est ex opposito, quia talis egressus potius arguit retrocessionem ab obedientia, Religione, vel habitu. Suarez *4. tom. de Relig. tract. 8. lib. 1. cap. 8. num. 16.* referens pro hoc quamdam declarationem Cardinalium. Addens etiam, quod si egressus Nouitiæ sit de licentia Abbatissæ malè tamen concessa, adhuc tamen per talem exitum non interrumpi Nouitiam.

tatum quantum est ex vi iuris communis. Vide Barbosam de *Potest. Episcopi Allegat.* 101. num. 23. & 28. Non posse tamen No-
uitijs dari licentiam exeundi ad visendos parentes, declarauit S.
Congregat. Episcop. Gauantus in *Man. Episcop. verb. Monialium*
Clausur. num. 13.

24 Moniales non possunt admittere intra Clausuram sui Mo-
nasterij quamcumque personam cuiuscumque generis, conditio-
nis, aut sexus. Ita habetur in *cap. periculofo in principio de stat. Re-*
gul. in 6. & in Concil. Trid. *sess. 25. cap. 5.* & in Bullis Pij V. & Gre-
gorij XIII. Suarez 4. *tom. de Relig. tract. 8. lib. 1. cap. 10.* Sanchez *lib.*
6. in Decal. cap. 16. per totum. Num autem Reges, Reginz, Impera-
tores, seu Imperatrices hoc præcepto cõprehendantur, problema
videtur. Bonacina de *Clausur. q. 4. punct. 1.* Non extenditur au-
tem hæc prohibitio ad infantes pueros, seu puellas nondum ha-
bentes vsum rationis. Quia etsi Concilium Tridentinum videatur
includere omnes cuiuscumque ætatis, intentum tamen illius so-
lùm extenditur ad illos, qui Moniales inducere possunt ad pec-
candum: Nauarrus in *Summa cap. 28.* Corduba in *Summa q. 60.*
Oppositum tamen videtur haberi ex declarat. S. Congregat. Re-
gular. apud Gauantum in *Man. Episc. verb. Monial. clausura n. 31.*
Amentes verò adulti sub hac prohibitionem comprehenduntur,
propter rationem contrariam. Nauarrus *Comment. 4. num. 55.*
Rodrig. *tom. 1. quæst. Regul. q. 46. art. 1.*

25 Licentiam verò ingrediendi dictam Clausuram, concedere,
possunt Episcopi, vel Superiores, in casibus necessarijs, & respecti-
uè ad Monasteria sibi subiecta. Bonacina *ut supra punct. 2. ex*
Conc. Trident. ut supra. Nisi aliud in particularibus Religionibus
sit lege, vel consuetudine receptum. Quod dixerim præcipuè
propter Monasteria S. Claræ, & Conceptionis. Sanchez *lib. 6. c. 16.*
num. 20. Puellas verò educationis gratia Monasteria Monialium
intranscentes ingredi non posse sine licentia Papæ, aut S. Congrega-
tionis tradit Bonacina de *legib. disput. 1. quæst. 1. punct. 3. num. 20.*
& de *Clausura q. 4. punct. 4. num. 16.* Sed non video fundamentum
in hoc autore, aut in alijs ad hoc, nisi Decretum S. Congregat.
Episcop. quod affert Gauantus in *Man. Episcop. verb. Monial. edu-*
catio num. 8. quod forsân solùm intelligitur de illis Monasterijs,
in quibus non est consuetudo tales puellas recipiendi, iuxta di-
cenda *num. 29.* Ipsi etiam Superiores ingredi possunt, si id faciant
in casibus necessarijs, & à paucis, ijsque senioribus, ac Religiosis
personis comitati. Gregor. XIII. in Bulla edita anno 1581. quæ
incipit *Dubijs, qua emergunt.* Abbatissa verò non potest dare
hanc licentiam. Quia Concilium postquàm dixit Episcopum,

vel Superiorem licentiam hanc debere dare, subiunxit, neque alius *ullo modo id possit*. Quo excluduntur prædictæ Abbatisæ. Nomen enim masculini generis etiam fœminas comprehendere est regula communis. Nauarrus *Com. 4. de Regul. num. 59. Suarez 4. tom. de Relig. tract. 8. lib. 1. cap. 10. num. 14.* Addens, neque ex commissione Prælati posse hanc licentiam Abbatissam, aut quemlibet alium concedere. Quia Concilium reuocat omnes facultates etiam in posterum concedendas. Extat verò declaratio Sacræ Congregationis circa hoc, per hæc verba. *Vbi post Concilium fuerit cõsuetudo introducta, vt Ordinarius dei hanc licentiã in Monasterijs Regularibus subiectis, obseruandam esse. Vbi fuerit consuetudo introducta, vt Episcopus habeat superintendentiam aliquam, super concessione talium licentiarum, v.g. quòd debeant apud ipsum registrarì, obseruandum esse, quamuis Episcopus non possit tunc licentiam improbare.* Suar. 4. tomo de Relig. tract. 8. lib. 1. cap. 10. num. 15. Qualis etiam debeat esse hæc licentia, vide Bonacinam de Clausur. q. 4. punct. 3.

26 Causæ legitimæ ingrediendi Monasteria Monialium sunt primò, necessitatum communium Monasteriorum Monialium, quæ per ipsas suppleri non possunt, verbi gratia fabricatorum, portatorum lignorum, &c. Sanchez lib. 6. in Decalogum cap. 16. num. 43. Secundò, necessitatum spiritualium, v.g. Confessariorum, seu Sacerdotis ministrantis Sacramenta infirmis. Sanchez *ibid.* num. 44. Vide infra num. 40. Idem dico tertio quoad necessitates corporales, v. g. pro medicis, chirurgis, sanguinis minutoribus &c. Miranda in *Tract. de Sacris Monial. q. 2. art. 4.* & generaliter loquendo satis est, quòd hæc necessitas sit moralis. Rodriguez to. 1. q. 46. art. 4.

27 Pœnæ verò cõtra ingredientes Monasteria Monialium ultra casum necessitatis, & sine Superioris licentia, sunt excommunicatio ipso facto. Concil. Trid. *sess. 25. cap. 5.* Illamq. Summo Pontifici reservauit Gregorius Decimus Tertius in Bulla illa anno 1575. quæ incipit *Vbi gratia*. Bonacina de Clausur. *quaest. 4. punct. 5.* Contra Prælatos verò, vel Moniales talem ingressum permittentes, ultra prædictam excommunicationem, est inflicta pœna priuationis dignitatum, & beneficiorum suorum, ac inhabilitatis ad illa, & alia in posterum obtinenda. Gregorius Decimus tertius in prædicta Bulla *Vbi gratia*. Prælatos etiam Monasteria Monialium sine prædictis conditionibus intrantes, si Pontificalis dignitatis fuerint, pro prima vice Ecclesiæ ingressu interdictos, pro secunda, à munere Pontificali, & à Dininis suspensos, ac deinceps ipso facto absque alia declaratione excommunicatos existere,

re: Regulares verò omni officio, ac ministerio priuatos, excommunicationi similiter subiaccere, statuit Gregorius XIII. in prædicta Constitutione *Dubijs, qua emergūt.* Sanchez *lib. 6. in Decalog. cap. 16. à num. 71.* Gauantus in *Man. Episc. verb. Monial. Claus. à num. 46.*

28 Prædictis tamen non obstantibus, volunt quidam, scēmas aliquas etiam viduas, seu maritatas, posse admitti intra Monasteria Monialium, ob grauem causam; v. g. cum vxor timens scēuitiam viri, vult ab ipso separari, &c. Sed quia de hoc non video cōstantem aliquam Declarationem Cardinalium, sed potiùs varias, non audeam id consulere, nisi vbi legitima consuetudine id esset præscriptum. Rodrigu. *tomo 1. quest. Regul. quest. 46. artic. 10.* Sanchez *lib. 6. in Decalog. cap. 16. num. 64.* Barbosa de *Potest. Episcopor. Alleg. 102. num. 67.* Vbi hoc decisum refertur.

29 Possunt tamen in Monasterijs Monialium admitti puellæ scēculares, vt ibi honestè educantur, vel seruantur, de licentia tamen Superiorum, & dummodò de Monasterio non exeant iterum reuersuræ, ac concurrentibus alijs conditionibus à Sacra Congregatione Cardinalium præscriptis, prout infra. Ratio est, quia hoc nec est intrinsecè malum, & aliquo modo est necessarium pro Monasterijs Monialium, cum multæ ex prædictis puellis habitum suscipiant in Monasterijs, vbi sunt educatæ, ac per consequens videatur permissum à Concil. Tridentin. quatenus permittit ingressum in Monasteria Monialium de licentia Episcopi, vel Superioris in *casibus necessarijs. sess. 25. cap. 5.* Vnde à Sacra Congregatione anno 1575. declaratum dicitur, nullo Concilij Decreto prohiberi, quo minùs puellæ in Monasterijs Monialium educantur, si tamen eadem Monasteria ante Concilium consueuerint huiusmodi puellas recipere, siquæ à Superioribus Monasteriorum scriptam licentiam impetrauerint, atque Abbatissæ, & reliquarū Monialium consensus accesserit. Tum verò ipsæ puellæ eo vestitu in Monasteria intromittantur, qui virginali pudore, modestiæ conueniat, nullamque secum famulam adducant, nec manere in eis possint nisi vsque ad ætatis suæ annum vigesimum quintum; atque in eis dum erunt, eandem seruent clauræ legem, quam Moniales ipsæ, & si semel exierint, nullam habeant ad ea reuertendi facultatem. Nauartus *Comment. 4. num. 67.* Laurentius de Peirin. *tom. 2. priuileg. Minim. in Cōnst. 6. Pj V. num. 10.* Vide etiam alias Declarationes circa hoc in Thoma Zerola in *Praxi Episcop. verb. Moniales.* Videlicet, quòd prædictæ puellæ non sint supra numerum præfixum, & pro eis quolibet semestri anticipata alimenta soluantur, & quòd sint separatæ à loco destinato Monialibus,

& Nouitijs ad dormiendum, ac operibus manuum vacandum. Sanchez lib. 6. in Decal. cap. 16. à num. 61. Bonacina de Clausur. quæst. 4. punct. 4. à nu. 15. Vide dicta num. 25. & Gauantum in Man. Episc. verb. Monial. educatio. vbi nouas alias S. Congr. Episc. Declarationes affert.

30 Fœminam tamen aliquam nobilem, & generosam, v. g. Marchionissam, vel Ducissam, ad Monasterium admittere propter aliquam commoditatem ipsius, licet quidem affirmant, probabilius tamen alij negant Ratio est, quia in hoc nulla est necessitas, & ex alia parte declaratum fuit à Sacra Congregatione, hoc fieri non posse, vt refert Miranda Tract. de Sac. Monial. quæst. 2. art. 7. Barbosa de Potest. Episc. Alleg. 102. num. 67.

31 Similiter non potest dari licentia matri, sororibus, vel consanguineis Monialis infirmæ, etiam morti proximæ, ingrediendi in Monasterium ad illam visitandam. Quia hic non est casus necessitatis, & consuetudo ita declarauit, maximè cum Sacra Congregatio id expresse per hæc verba: *Non licet Episcopo licentiam dare matri, sororibus, & consanguineis Monasterium ingrediendi causa visitandi filias, vel sorores, etiam si sint in mortis periculo.* Miranda in Tractat. de Sacris Monialibus quæstione 2. artic. 8.

32 Possunt tamen Moniales pro totius Monasterij obsequio formulas sæculares habere, quando non sunt Conuersæ, quæ istud ministerium exercere possint, dummodo foras non exeant, & admittantur de licentia Superiorum. Ratio est, quia habere illas conueniens est, & necessarium Monialibus Choro deputatis, vt melius possint vacare Diuinis. Ergo subsistente licentia Superiorum, & necessitate illas habendi, admitti poterunt. Nau. Comm. 4. num. 66. & 67. Sanchez lib. 6. in Decal. cap. 16 num. 66. Quod etiam concessum video à Gregor. XIII. quibusdam Monialibus. Peirinis tom. 2. prius. Minim. in Const. 6. Pij V. num. 31. Imò etiam pro priuato ministerio alicuius Monialis nobilissimæ ægræ valetudinis, aut nimis senectutis, si eius necessitati per Conuersas Monasterij subueniri commodè non possit, tenent idem quidam Authores, & Rodriguez to. 1. quæst. 46. ar. 9. propter eandem rationem, & antiquam consuetudinem. Oppositum tamen tenet Miranda in Tract. de Sacris Monialibus. qu. 2. ar. 9. Vnde cautè in hoc procedendum. Maximè, quia à Sacra Congregatione Episcoporum, & Regularium declaratum video, non posse introduci tales ancillas in seruicium infirmarum, seu decrepitarum, seu licentia Sedis Apostolicæ. Gauantum in Man. Episc. verb. Monial. receptio. num. 24. Vide & num. 15. & 16. in eodem Gauanto.

33 Licentias concessas mulieribus quibuscumque ingrediendi Monasteria Monialium limitauit Paulus V. in Bulla *Facultatum* anno 1608. edita. Postea tamen in Bulla *Monialium* anno 1612. omnino reuocauit omnes tales licentias, præcipiens quibuscumque mulieribus sub pœna excommunicationis latæ sententiæ, Papæ reseruata, ne prædicta Monasteria ingrediantur, & Monasteriorum Abbatissis, seu Priorissis, & Superioribus, sub eadem, & alijs pœnis, ne talem ingressum permittant. Vide Bullam 3. tom. Bullar. Laertij nu. 74. Peirinis tom. 2. priuileg. *Minim. in Const. 6. Pij V. num. 3.* Post quæ Sanctiss. D. N. Urbanus in Bulla *Sacrosanctum*, ann. 1624. edita, ut habetur 4. tom. Bullar. inter Bullas Urbani nu. 29. declarauit consensum Monialium, qui requiritur ad hoc quòd fœminæ sæculares ipsarum Monasteria ingrediantur, *per easdem Moniales capitulariter, & per secreta suffragia præstandum esse, aliàs licentia huiusmodi mulieribus, quibus concessa fuerunt, nullatenus suffragentur.* Bonacina de *Clausur. quæst. 4. punct. 5.* Loquitur autem Pontifex in casu, quo fœminæ intrare velint ex vi licentiarum à Sede Apost. impetratarum.

34 Loqui cum Monialibus furtiue, idest, sine licentia Abbatissæ, vel eius, ad quem spectat illam dare, regulariter est peccatum mortale, quia est contra ius Abbatissæ, vel Superioris Monialiū, sicut inter sæculares loqui furtiue cum virgine existente sub cura parentum. Suarez 4. tom. de *Relig. tractat. 8. lib. 1. cap. 10. num. 27.*

35 Insuper ex mandato Sacræ Congregationis die 4. Aprilis 1587. Regulares aduentes Monasteria Monialium sine licentia Episcopi, incidunt in pœnam excommunicationis, quam Episcopus suo Edicto proposuit, nisi Regulares illi haberent ex priuilegio, quòd non possint excommunicari, & tunc deberent puniri à suis Superioribus alia pœna; Qui Regulares sic excommunicati non possunt absolui à suis Superioribus, sed ab Episcopo qui sibi hanc absolutionem reseruauit. Suarez tom. 4. de *Relig. cap. 10. nu. 27.* Rodriguez tom. 1. *quæst. 45. art. 2. in fine.* Extat etiam Sacræ Congregat. declaratio, quòd licentia adeundi ad colloquium cum Monialibus Regularibus subiectis spectat ad ipsos Superiores Regulares, nisi ex consuetudine ad Episcopos pertineat. Quaranta *verb. Monast. Monial. Gauantus in Man. Episc. verb. Monial. collocutio num. 2. & 3.* Hoc verò intelligi non potest de Regularibus, qui ut Moniales alloquantur, indigent licentia Sacræ Congregationis, vel Ordinariorum, iuxta dicenda num. sequenti, solum ergo intelligi hoc debet de sæcularibus. Peirin. tom. 2. priuileg. *Minim. in Const. 6. Pij V. num. 38.*

36 Visitare, vel inuifere Moniales, nisi rationabilis, & manifesta causa existat, ac de illius, ad quem pertinet licentia, est peccatū. Quia prohibitum eisdem verbis *in cap. Periculoso in princ. de stat. Regul. in 6.* Quod Decretum innouatum est à Pio Quinto in Bulla, quæ incipit *Circa Pastoralis officij.* Nauarrus *Comment. 4. num. 61. Rodriguez tom. 1. quæst. 45. art. 4.* Hoc verò peccatum ex se, & seclusis circumstantijs alijs extrinsecis, solum videtur veniale. Quia materia solum putatur leuis, & communiter, saltem in Hispaniæ partibus, ita habetur. Rodriguez *ibidem.* Sanchez *lib. 6. in Decal. cap. 16. num. 120.* Frequentare verò huiusmodi accessum, seu, quod idem est, sæpius alloqui aliquam, vel aliquas Moniales, in Clericis, etiā sæcularibus, vix excusari potest à mortali. Ratio est, quia est illis prohibitum. *in cap. Monasteria de vita, & honestate Clericorum.* Llamas *in Metodo curationis in appendice §. 4.* Alij verò dicunt esse solum veniale, eò quòd licet illæ pœnæ sint graues, non tamen statuuntur, nisi præmissa admonitione Episcoporum. Nauarrus *in Summ. cap. 25. num. 10.* Sanchez *ut supra.* Si tamen adsit scandalum, praua intentio, occasio peccandi, vel mala suspicio de fama Monasterij, vt ferè semper ex frequenti ista alloquutione Monialium confurgit, sine dubio est peccatum mortale, propter grauitatem materiæ. Suarez *4. tom. de Religion. tract. 8. lib. 1. cap. 10. numer. 27.* Religiosis autem prohibitum, est accedere ad Monialium Cœnobia, vel ipsas personas intra Clausuram existentes alloqui, absque licentia expressa Sacre Congregationis, sub pœna priuationis officiorum, & vocis actiui, & passiuæ ipso facto incurrendæ. Ita habetur in Decreto Sacre Congregationis anno 1590. edito. Sanchez *lib. 6. in Decalog. capit. 16. num. 115.*

Quod Decretum, licet innouatum sit à Sacra Congregatione, sub Sanctissimo Domino Nostro Urbano Octauo, anno 1623. moderatum tamen fuit quoad hoc, scilicet, facultatem tribuendo Ordinarijs, vt, *quatenus sibi visum fuerit in Domino expedire, licentiam possint concedere per quatuor vices ad summum quolibet anno, cuiusque Regulari, vt Moniales sibi in primo, & secundo tantum consanguinitatis gradu coniunctas conuenire, & alloqui possit.* Seruatis tamen quibusdam conditionibus in prædicto Decreto contentis. Laurentius de Peirinis *tom. 1. priui. Minim. in Const. 6. Pij V. num. 7.* Vide etiam infra num. 40. Insuper præter prædictas pœnas peccare mortaliter Regulares accedentes ad Monasteria Monialium contra formam præscriptam, declaratum est à Sacra Congregatione anno 1606. Idem Peirinis *ut supra numer. 36.* Præterea Regularem absque legitima licentia acceden-

tem

rem ad Monasteria Monialium Regularibus subiectarum, ibique cum Moniali colloquentem, posse à Diocesano Episcopo tamquam Sedis Apostolicæ delegato, coerceri, & puniri, declarauit S. Congregatio, approbante SS.D.N. Urbano. Vide *tom. 4. Bullar. post Bullam 18. Gregorij XV. & Bonacinam in tractat. de Clausur. quæst. 3. punct. 4.*

Præcipitur etiam à Sac. Congregat. Episcop. & Regul. ne permittatur accessus ad Moniales sub prætextu docendi sonum cymbalorum, aut alterius instrumenti, aut musicam, cantumue, ad crates. Permissum tamen, quòd matres, patres, immò, & filij Monialium possint eas alloqui sine licentia, non tamen in diebus prohibitis. Gauantur in *Manual. Episcop. verb. Monial. colloctio num. 4. 7. & 8.*

37 Scribere autem Epistolas ad Moniales non est ex se peccatum, quia nulla lex est communis hoc prohibens. Vnde cessante scandalo, aut mala aliqua circumstantia talium Epistolarum, non erit peccatum illas scribere. Suarez *tom. 4. de Relig. tract. 8. lib. 1. cap. 10. num. ultimo.* Romæ autem hoc est interdictum, licet non videatur extra Romam obligare, quia non est lex Pontificia. Nauarrus *Comment. 3. num. 61.* Quibusdam tamen Religiosis præceptum est à Gregorio XIII. ne huiusmodi litteras scribant, quod illos obligat, non alios. Nauarrus *conf. 19. de sent. excommunic.*

38 Moniales Conuersæ non essent admittendæ in Religionibus ex vi Constitutionis Pij V. Eò quòd id manifestè prohibeat. Nauarrus *comment. 4. num. 56.* Licet alij teneant contrarium. Suarez *tom. 4. de Relig. tract. 8. lib. 1. cap. 8. à num. 19.* Quicquid de hoc sit, consuetudine receptum est in multis locis prædictas Moniales conuersas in Monasterijs admitti. Rodriguez *tom. 1. q. 44. art. 4. Sanchez lib. 6. in Decal. c. 15. n. 58.*

39 Moniales Nouitiæ in articulo mortis constitutæ professionem emittere possunt, etiam ante annum probationis expletum, dummodò sint legitimæ ætatis, iuxta dicta *cap. precedenti nu. 42.* Quia ita concessit Pius V. Monialibus Dominicanis in Bulla, quæ incipit *Summi Sacerdotij cura* anno 1570. edita. Et habetur in 2. tom. Bullarij *num. 109.* Quod Priuilegium non est reuocatum à Gregorio XIII. (Rodrig. *to. 3. quæst. Regul. q. 15. art. 6.*) Quia etsi demus ipsum reduxisse omnia priuilegia à Pio V. Regularibus concessa ad terminos Concilij Tridentini, hoc tamen solum intelligi debet in casibus communibus, non in casu aliquo particulari concernente bonum spirituale animæ. Peirinis *tom. 2. priuileg. Minim. in Conf. 8. Pij V. §. 2.* Probabile etiam est talem Monialem sic professam in articulo mortis, si casu non decedat è vita, verè

verè professam manere, nec noua indigere professione. Cum talis professio valida fuerit, & solùm illi defuerit complementum. Nouitiatus, in quo Papa dispensat. Idem Peirinis vt *supra*. Quia tamen oppositum dicitur decisum à S. Congregatione. Cardinali idè cautè procedendum. Gauantus in *Man. Episc. verb. Monialium professio num. 4. & 5.* Probabile etiam est Monasterium succedere in bona sic profitentium, propter eandem rationem. Sanchez *lib. 5. in Decal. cap. 4. nu. 16.* Nisi obstat prædicta declaratio S. Congregat.

Pro eisdem autem Monialibus Nouitijs nota, obseruanda esse ea, quæ diximus de Nouitijs viris *cap. 24. num. 32. & sequentibus*. Vnde præter victum, & vestitum Nouitiæ, nihil tribui potest Monasterio, sub pœna Anathematis dantibus, & recipientibus; ex Concil. Trident. *sess. 25. cap. 16.* Vide dicta *cap. 24. num. 32.* Similiter nec possunt prædictæ Nouitiæ validè disponere de bonis ad illas pertinentibus, nisi cum conditionibus assignatis ab eodem Concilio *ibidem*, scilicet, nisi fiat talis dispositio, aut renuntiatio cum licentia Episcopi, seu Vicarij, & intra duos menses proximos ante professionem. Vide dicta prædicto *cap. 24. d. num. 33. vsque ad 36.* Præterea, iuxta dicta *supra num. 5.* licitum est accipere pro sustentatione Monialis recipiendæ non solùm id, quod est necessarium pro sustentatione illius tempore Nouitiatus, prout supponitur à Concilio Tridentin. *loco citato*; sed etiam id, quod fuerit necessarium pro alimentis ipsius per totam vitam. Ratio est, quia hoc nõ est accipere temporale pro spirituali, quod est simoniacum, sed temporale pro temporali, scilicet pecuniam pro sustentatione, quod iure naturali concessum est. Bonacina *de Simonia q. 7. §. 4.* Hoc autem, quod datur pro tali sustentatione, quod solet appellari nomine dotis, debet primò, anno probationis durante, deponi penes idoneam personam; non affines, neque consanguineos Monialium; & post professionem, in bonis stabilibus, seu censibus implicari. Debet secundò, solui in ære; non in bonis stabilibus. Præterea tertio, nulla fiat dotium differentia inter indigenas, & aduenas. Quarto, expendi potest dos in vsus communes Monasterio necessarios: si verò sit supernumerariorum in emptionem bonorum stabilium conuertatur. Quorum declarationes à Sacra Congregatione Episcoporum, & Regularium factas refert Gauantus in *Manuali Episcoporum verbo Monialium Nouitiarum alimenta per totum*. Si verò discedat Nouitia, omnia, quæ secum attulit restituenda sunt. Concilium Tridentinum *ibid.* Idem fiat si moriatur ante professionem; excepto habitu Religioso, qui non est restituendus, sed tantùm pretium

tium eius. Barbosa *de Poteſtat. Episcop. Allegat.* 101. nu. 39. & 40. Circa Prædicatores, Capellanos, & Confeſſores Monialium, extat Decretum S. Congregationis, ann. 1590. quo præcipitur, quòd ſi aliquando, mandato ſui Superioris, aliquos Religioſos ad prædicandum Verbum Dei, vel ad celebrandas Miſſas in ipſarum Monialium, ſeu ſororum Eccleſijs, ſive Oratorijs exterioribus, ſive extra clauſtra exiſtentibus, mitti contigerit, nullo quæſito colore, Moniales, ſorores, aut quamlibet aliam perſonam intra Clauſuram degentes alloqui poſſint. Confeſſarijs autem ſimiliter interdixerunt, ne in ædibus Monasterij, ſeu Domus, vel Monasterio, ſeu Domui Monialium, aut Sororum contigujs, pernoſcent, aut alios pernoſtare faciant, vel aliàs ſecum retineant; neque extra tempora generalium confeſſionum, quibus ſoli tantum Confeſſario refectionem diurnam accipere vix permittitur, & tunc demum videlicet, cum ſua habitatio, aut virorum Domus, vel Monasterium in quo degit, à Monialium, ſeu ſororum Monasterio, vel Domo nimium diſtat (niſi tamen, & eo caſu contrarium ſpecialiter conſtitutum ſit) ibi nullo modo comedant, reſiciantur, aut cibum ſumant. Quæ omnia, & ſingula ſub poenis priuationis officiorum, ac vocis actiuz, & paſſiuz ipſo facto incurrendis, alijsque eiufdem Congregationis arbitrio præceptum, eſt inuiolabiliter obſervari. Quaranta in *Summa Bullar. verb. Monasteria Monialium*, addens, Decretum hoc extenſum fuiſſe, ad Regulares Sancti Ioannis Hieroſolymitani, vt eadem Sacra Congregatio ſcripſit Vicario Neapolitano. Vide dicta num. 14.

Circa eoſdem Confeſſarios Monialium animaduerte, illos non poſſe ingredi in earum Monasteria ad aſpergendum domum in Sabbato Sancto, aut alio die. Neque vt comitentur medicos, aut alios operarios. Neque vt audiant Confeſſionem illius infirmæ, quæ poteſt accedere ad ſedem confeſſionalem. Neque item prætextu ſepeliendæ Monialis, aut Officium funerale peragendi. Adminiſtrata etiam extranea vñctione, non poteſt ibi remanere Confeſſarius. Nec etiam poteſt diuagare ad aliam partem Monasterij, etiam occasione viſitandi alias infirmas. Quæ omnia conſtant ex declarationibus S. Congregat. Episcop. & Regul. apud Gau. in *Man. Episcop. verb. Monial. Clauſ. à n. 37.* Qui etiã addit n. 42. quòd in caſibus, in quibus Confeſſarius eget ſocio, non eſt neceſſaria licentia pro eo expreſſa. Sanchez *lib. 6. in Decal. cap. 16. nu. 47.* Confeſſarios autem Ordinarios, etiam eos, qui Confeſſiones Monialium Regularibus ſubiectarum audiunt, tantum per triennium durare debere, nec ad id munus eligi poſſe habentes curam animarum, nec extraordinarios designandos eſſe pro particulari Mo-

Moniali, sed in communi, declarauit S. Congregat. Episcop. & Regular. apud eundem Gauantum *ut sup. verb. Monialium cura spiritualis*. vbi multa de huiusmodi Confessarijs.

41 Licitum est Monialibus transire de vna Religione ad aliam, seruatis tamen conditionibus, de quibus diximus *cap. 22. à num. 3*. Ratio est, quia iure antiquo id licebat. *ca. 1. 20. quæst. 4.* vt docet ibi Gloss. *verb. Virgines, & cap. 1. in princip. verb. Perpetua. de stat. Regul. in 6.* & hoc non est hodie abrogatum, nec per Concil. Trident. nec per Constitutiones Pij V. Quia solum loquuntur de egressu à Monasterio, non detransitu ad aliam Religionem propter causas iustas. Rodriguez *tom. 3. quæst. Regul. quæst. 5. art. 6.* Sanch. *lib. 6. in Decal. cap. 7. num. 6.* Religiosa autem transiens de vna Religione ad aliam, non potest secum deferre, nisi quod à Religione, quam relinquit, sibi fuerit permixtum. Ratio est, quia iam illi sunt omnia acquisita. Nauarrus *in cap. Non dicatis. num. 30. & 31. & in cap. Statuimus. num. 24.* Idem dicunt aliqui de Moniali, quæ ex vno Monasterio ad aliud transit ex licentia sui Superioris, scilicet, non teneri deferre ad illud dotem, quam primo Monasterio dedit. Propter eandem rationem. Nauarrus *Commun. 4. num. 24. vers. 11. & lib. 3. Conf. conf. 55. num. 9.* Rodriguez *tom. 2. quæst. Regul. quæst. 79. art. 2.* Oppositum verò videtur dicendum, quando Monialis transit de vna Religione ad aliam; videtur enim necessarium secum portare suam dotem, cum illam dederit Religioni propter sui sustentationem; vnde si Religio illi concedit facultatem transeundi ad aliam, videtur obligari ad præbendum illi, vnde possit in alia sustentari.

42 Circa absolutionem Monialium à casibus reseruatis, præter dicta in superioribus in *cap. de Prælati à n. 31.* & in *cap. de Confessoribus à n. 27.* extant etiam peculiaria priuilegia, de quibus Casarrubius *verb. Absolutio extraordin. quoad frat.* Miranda *in Tractatu de Sacra. Monial. quæst. 10. art. 4.* Aduerte tamen aliquot illorum esse viux vocis oracula, quæ iam his temporibus nihil valent, quia reuocata sunt.

43 Quoad Cappellanos Monialium aduertendum est, illos debere dicere Missam de Sancto, de quo Officium fit à Monialibus; sed cum Missali Romano. Vide dicta *cap. 21. num. 32.* Nota etiam, Moniales in Confiteor, nihil mutare posse, neque dicere *tibi Mater, vobis sorores, &c.* sed *tibi Pater, vobis fratres*, sicut viros. Gauantus *2. tom. Thesau. sect. 5. cap. 17. num. 12.*

44 Circa erectionem Monasteriorum Monialium, determinatum est à Sacra Congregatione Eminentiss. Cardinalium super Episcopos, & Regulares. Primò, ne erigantur noua Monasteria, quibus
ad

ad minus 300. scutorum redditus annuus non assignetur, pro duodecim sustentandis. Secundò, ne erigantur sine consensu Ordinarij. Tertiò, ne sine speciali Sedis Apostolicæ indulto. Quartò, ne erigantur nisi in locis muro cinctis, & ubi copia Confessariorum adest, aut facultates conducendi Confessarium aliunde. Quintò, ne erigantur in ijs locis, in quibus Monasteria priùs erecta, laborant inopia. Sextò, quòd prope Monasteria tollantur omnes arbores altæ. Septimò, quòd in colloquutorio nullo modo sit porta, per quam aditus sit in Monasteria. Similiter pro Ecclesijs earumdem Monialium præcipitur ab eadem Sacra Congregatione. Primò, quòd clavis fenestellæ pro Communione Monialium, perpetuò sit apud Confessarium. Secundò, ne permittatur in earum Ecclesijs cantus simplex, vel figuratus à personis sæcularibus. Tertiò, quòd in sepultura Monialium, quæ intra Clausuram est, ne sepeliantur extranei. Quartò, quòd si viget consuetudo sepeliendi Moniales in Ecclesia exteriori, permittatur. Quintò, ne instituantur ibi Confraternitates laicorum. Pro quibus omnibus vide Cavantium in *Man. Episc. verb. Monialium Monasteria, & ver. Monialium Ecclesiæ.*

44 Circa regimen Monialium ita statuit Conc. Tridentinum, sess. 25. cap. 9. *Monasteria sanctimonialium, Sanctæ Sedi Apostolicæ immediatè subiecta, etiam sub nomine S. Petri, vel S. Ioannis, vel alijs quomodocumque nuncupentur, ab Episcopis, tamquam dictæ Sedis delegatis gubernentur, non obstantibus quibuscumque. Quæ verò à deputatis in Capitulis Generalibus, vel ab alijs Regularibus reguntur, sub eorum cura, & custodia relinquuntur, &c.*

45 Deinde circa administrationem bonorum Monasteriorum Monialium, etiam Regularibus subiectarum, earumque Confessores, prouidit Gregor. XV. in Constitut. *de Exempt. Priuilegijs* anno 1622. quam pro Regnis Hispaniarum suspensam esse diximus cap. 19. num. 35. Primò, omnes, & quoscumque tam Regulares, quàm sæculares huiusmodi, nullis priuilegijs, aut exemptionibus tueri se posse, quominus, si deliquerint circa personas intra septa degentes, aut circa Clausuram, vel circa bonorum administrationem Monasteriorum Monialium, etiam Regularibus subiectarum, ab Episcopo loci, similiter tamquam ad hoc Sedis Apostolicæ delegato, quoties, & quando opus fuerit, puniri, & corrigi valeant. Deinde specialiter circa Monialium Confessores, decreuit, quòd Confessores, siue Regulares, siue sæculares, quomodocumque exempti, tam ordinarij, quàm extraordinarij ad confessiones Monialium, etiam Regularibus subiectarum, audien-

das

das, nullatenus deputari valeant, nisi prius ab Episcopo Diœcesano idonei iudicentur, & approbationem, quæ gratis concedatur, obtineant. Specialiter etiam circa administrantes bona Monasteriorum Monialium statuit, quod siue Regulares extiterint, siue sæculares quomodolibet exempti, Episcopo loci, adhibitis etiam Superioribus Regularibus, singulis annis rationes administrationis, gratis tamen exigendas, reddere teneantur, ad idque iuris remedijs cogi, & compelli queant. Subiungitque, quod liceat Episcopo ex rationabili causa Superiores Regulares admonere, ut eiusmodi Confessores, atque Administratores amoveant: ijsque Superioribus id facere detrectantibus, aut negligentibus, habeat Episcopus facultatem, prædictos Confessores, & Administratores amovendi, quoties, & quando opus esse iudicauerint. Ac tandem circa electiones Præpositarum Monialium ordinavit, quod similiter possit Episcopus una cum Superioribus Regularibus, quarumcumque Abbatissarum, Priorissarum, Præfectarum, vel Præpositarum eorumdem Monasteriorum, quocumque nomine appellentur, electionibus, per se, vel per alium interesse, ac præsidere, absque vlla tamen ipsorum Monasteriorum impensa.

46 Circa quæ interrogatum est à Sacra Congregatione Concilij. Primò, an per eandem Constitutionem in illis verbis, *possit Episcopus una cum Superioribus Regularibus quarumcumque Abbatissarum, &c. electionibus per se, vel per alium interesse, ac præsidere*, ius Abbatissas confirmandi Episcopis attributum censeatur? Secundò, an Confessores Monialium ante editam Constitutionem deputati, debeant ab Episcopo examinari, & approbati? Tertiò, an Superiores Regulares similiter ante ipsius Constitutionis publicationem electi, seu deputati, alia indigeant Episcopi approbatione pro Confessionibus Sæcimonialium sibi subiectarum audiendis. Quartò, an Confessiones, quas audiunt Superiores Regulares electi, seu deputati, vel confirmati post publicationem, & scientiam tenoris dictæ Bullæ, non obtenta Episcopi approbatione, sint nullæ atque irritæ, nec ne? Quintò, an Regulares generaliter ab Episcopo approbati ad Confessiones personarum sæcularium audiendas censeantur etiam approbati ad audiendas Confessiones Monialium sibi subiectarum? Sextò, an Regularis ad audiendas Confessiones Monialium vnus Monasterij ab Episcopo approbatus Confessiones Monialium alterius Monasterij audire possit. Septimò, an Confessores Regulares extraordinarij semel ab Episcopo deputati, & approbati ad audiendas Monialium Confessiones pro vna vice infra annum ad præscriptum Sacri Concilij Tridentini, possint virtute dictæ appro-

probationis pluriès tamquàm Confessores extraordinarij earumdem Confessiones audire absque noua Episcopi licentia? Oportet, cum in eadem Constitutione statutum sit, vt liceat Episcopo ex rationabili causa Superiores Regulares admonere, vt amoueant Confessores Monialium, atque Administratores bonorum ad earumdem Monialium Monasteria pertinentium, ijsque Superioribus id facere detrectantibus, habeat Episcopus facultatem prædictos Confessores, & Administratores amouendi, quoties, & quando opus esse iudicauerit: an eiusmodi causam Episcopus Superioribus Regularibus significare teneatur? Nonò, an eadem Constitutio, qua parte supponit Episcopi iurisdictioni subijci Regulares delinquentes circa personas degentes intra septa Monasteriorum Monialium, aut circa Clausuram, vel bonorum administrationem eorumdem Monasteriorum, habeat locum in omnibus delictis, an verò solum in notorijs, & cum scandalo potuli? Item decidò, an liceat Episcopo in vim prædictæ Constitutionis punire Regulares, qui ad Abbatissæ electionem procedunt ante tempus ipsi Episcopo significatum, aut die electionis eidem nullatenus prænunciata. Ad quæ sic respondit eadem Sacra Congregatio. Ad Primum, *Ius confirmandi Abbatissas minimè fuisse Episcopis per Constitutionem attributum.* Vide circa hoc de Confirmatore electionum dicta cap. 15. num. 35. & 36. Ad Secundum, *Confessores quidem extraordinarios Monialium nullatenus posse post Constitutionem, illarum Confessiones audire, nisi priùs ab Episcopo Diocesano idonei iudicentur, & approbentur. Ordinarios verò Confessores ante Constitutionis publicationem deputatos posse, durante triennio ab eorum deputatione incipiendo, pergere in Confessionibus Sanctimonialium audiendis absque alio examine, & approbatione Episcopi. Quòd si contingat, vt illorum facultas à Sede Apostolica ultra triennium prorogetur, tunc debere eos ab Episcopo examinari, & approbari.* Vide circa hoc dicta cap. 19. nu. 27. 28. 29. & 35. Ad Tertium, *Superiores Regulares electos, seu deputatos ante ipsius Constitutionis publicationem, quibus alioquin facultas competat audiendi Confessiones Monialium sibi subiectarum, posse, durante eorum Officio, pergere, sine alia Episcopi approbatione, in Confessionibus audiendis illarum tantum, qua spontè ac proprio motu id ab eis petierint. At verò eos, qui post Constitutionem eligentur, aut quoquo modo deputabuntur, vel qui in eorum Officijs, seu Dignitatibus, expleto iam tempore à Constitutionibus cuiuscumque Ordinis, vel alijs legitime præfinito, ad aliud tempus confirmabuntur, nequaquam posse, Sanctimonialium Confessiones audire, nisi priùs à Diocesano Episcopo idoneo indicati, at-*
que

que approbati fuerint. Vide etiam dicta cap. 19. num. 36. & 37. & cap. 18. num. 29. Ad Quartum, *Confessiones huiusmodi nullas atque irritas esse.* Ad Quintum, *Regulares generaliter ab Episcopo approbatos ad Confessiones personarum secularium audiendas, nequaquam censeri approbatos ad audiendas Confessiones Monialium sibi subiectarum, sed egere, quoad hoc speciali Episcopi approbatione.* Ad Sextum, *Regularem ad audiendas Confessiones Monialium unius Monasterij ab Episcopo approbatum, minime posse audire Confessiones Monialium alterius Monasterij.* Circa restrictionem Confessariorum vide dicta capite 19. numero septimo, & sequentibus, animaduertendo etiam multa ex ibi dictis de Confessariis secularium non procedere in Confessariis Monialium, propter huiusmodi Constitutionem Gregorij, & Declarationes circa illam. Ad Septimum, *Confessores extraordinarios semel deputatos, atque approbatos ab Episcopo ad Monialium Confessiones pro una vice audiendas, haud posse pluries in vim approbationis eiusmodi illarum Confessiones audire, sed ab Episcopo toties esse approbandos, quoties casus deputationis contigerit.* Ad Octauum, *Non teneri eiusmodi causam significare Superioribus Regularibus, sed hoc relinqui arbitrio, & prudentie Episcoporum, quorum conscientiam Sacra Congregatio serio oneravit, ne facultate sibi hac in parte attributa quoquo modo abutantur, eius rei in districto Dei iudicio rationem reddituri.* Ad Nonum, *Constitutionem habere locum in omnibus delictis, non autem in notorijs tantum, & cum populi scandalo.* Ad Decimum, *Regulares ex eadem Constitutione ita demum teneri Episcopo significare diem electionis Abbatissæ, eumque usque ad præfinitum tempus expectare, si antea ipse expressè declarauerit se uti velle facultate sibi in hac parte attributa, Abbatissarumque electionibus per se, vel per alium interesse, ac præsidere.* Post eam verò declarationem licere Episcopo animaduertere in Regulares, qui ante tempus significatum, aut die electionis eidem non prænuntiata, ad Abbatissæ electionem procedunt. Vide 4. tom. Bullar. inter Bullas Gregor. XV. num. 18. & circa curam Monialium in temporalibus Gauantum in *Manual. Episcop. verb. Monial. cura in temporalib.* ubi etiam S. Congregationis Episcop. & Regul. Decreta circa hoc refert.

47 Impedientes Visitatores Monialium quarumcumque in ijs, quæ pertinent ad Officium visitationis earundem, sunt excommunicati ipso facto. Clement. *Attendentes S. final. de stat. Monac. Tolet. in Summa lib. 1. cap. 40. à num. 9.* Vide etiam Gauantum in *Man. Episcop. verb. Monialium Clausura à num. 64.*

48 Circa bona Monialium derelicta ex Monasterijs ipsarum de-

destructis extat priuilegium Sixti Quarti in Bulla *Dum attenta meditatione*, quo Carmelitis hæc concedit : *Et, cum aliquando contingat Monasteria Monialium dicti Ordinis Monialibus destitui adeo, ut de eorum reformatione spes nulla superfit, conuenientiusque sit, quod illorum sic destitutorum bona ad ipsos Fratres deueniant, quorum erant cura commissa, quam ad alios, illa, quæ sic destituta existant, & destitui contigerit in futurum, cum eorum bonis omnibus, perpetuis vsibus Fratrum Domus dicti Ordinis, eisdem destitutis Monasterijs propinrioribus, applicamus. Ita ut Fratres ipsi possint de illis, & de eorundem Monasteriorum structuris, & ædificijs, pro eorum voluntate disponere. Prouiso, quod illorum Ecclesia, & Oratoria, ad prophanos vsus non redigantur, sed in illis quandoque Diuina Officia celebrentur. Vide Bullam in Speculo Ordinis fo. 87.*

49 Pertinet ad Dominos Episcopos procurare in Monasterijs Monialium sibi subiectis, ipsarum Clausuram, & inobedientes, atque contradiçtores per Censuras Ecclesiasticas, & alias pœnas compescere. Concil. Tridentinum *sess. 25. cap. 5. Quaranta in Summ. Bull. verb. Exemptio*. Vnde pro hac Clausura conseruanda, possunt ab ipsis Monialibus disquirere ea, quæ ipsam concernunt, in collocutorio, aut ad crates, vel fenestram. Chokier *de iurisd. Ordin. in exemptos. par. 4. quæst. 53*. Insuper Magistratus sæculares non præbentes auxilium Episcopis circa prædictam Clausuram, excommunicationem incurrunt. Ex Conc. Trident. *ut supra. Bonacina de Clausur. quæst. 1. punct. 7*. Vide etiam Declarationes Sacræ Congregat. Regular. circa hoc apud Gauantum *in Manua. Episcoporum verb. Monia. Clausur. num. 29. & 30. & maxime d. num. 56*.

50 Comam nutrire prohibitum esse Monialibus quidam volūt. Consuetudini tamen standum est. Nullatenus verò permittendū, uti tortis, seu comatis capillis, aut non coopertis comis. Suarez *4. tom. de Relig. tractat. 9. lib. 1. cap. 12. n. 4. & 5*.

51 Pro Monialibus Monasteriorum Ciuitatis Neapolis, & Salerni, extant Ordinationes quædam factæ, reformatæ, & modificatæ à Sacra Congreg. Regular. & à prædictis Monialium perpetuò obseruandæ. Quaranta *in Summ. verb. Monasteria Monialiū*. Vide & alias Ordinationes pro Monialibus apud Gauantum *in Manual. Episcop. verb. Monial. communes leges*.

52 Conditiones assignatæ à Sixto V. pro receptione, & professione Nouitiorum, de quibus nos *cap. precedenti num. 12*. non extenduntur ad Moniales. Ita enim declarauit ipsemet Sixtus Quintus in secunda Constitutione *Ad Romanum spectat*. citata

à nobis ibidem. Idem dico de Decretis Clement. VIII. & Sanctissimi Dom. Nostri Urbani circa receptionem, & institutionem Nouitiorum, adductis etiam *eodem cap. num. 43.* Nullum enim verbum ibi reperiō, per quod insinuetur ad Moniales extendenda. Nec video aliquid circa hoc iure communi determinatum. Standum ergo est peculiaribus institutis, & consuetudinibus Religionum, seu Monasteriorum. Præsertim, quia in iure *in cap. gener. de elect. in 6.* in materia odiosa scēminæ non comprehenduntur.

53 Qualiter Moniales admitti possint vt testes in eorum Monasterijs dicemus *cap. 27. num. 15.*

De Abbatissis, seu Priorissis Monialium.

C A P. XXVI.

D V O genera Priorissarum, seu Abbatissarum distinguuntur. Aliæ enim sunt Abbatissæ, quæ benedici possunt, & debent, quales sunt Abbatissæ perpetuæ, & si quæ aliæ forsā sunt, de quibus *c. indemnitatibus §. verum de elect. lib. 6. & Clem. Attendentes §. statuimus de statu Monachorum.* Aliæ verò sunt, quæ non benedicuntur, quales sunt, quæ regulariter reperiuntur in Monasterijs non perpetuò, sed temporales, ad triennium scilicet, vel quadriennium electæ, istæ enim benedicendæ non sunt de iure communi, nisi à Sede Apostolica aliud ipsis concedatur. Nauarrus *lib. 3. consil. de stat. Monach. consil. 1.* Quaranta in *Summa Bull. v. Abbatissa.* Vide etiam Gauantum in *Man. Episcop. v. Abbatissa.*

2 Huiusmodi Abbatissarum, seu Priorissarum electio pertinet de iure communi ad Monasterium. *Ex capite Indemnitatibus citato de elect. lib. 6.* Siluest. *v. Electio 3. q. 6. n. 7.* Suffragium, seu vocem actiuam in prædicta electione solum habent Moniales professæ, quæ adminus duodecim annorum ætatis habeant. *Ex eodem cap. Indemnitatibus.* Miranda in *Traclatu de Sacris Monial. qu. 7. art. 2.* Conuersæ autem professæ, licet de iure communi possint habere suffragium in hac electione, cum nullus textus id prohibeat; ex consuetudine tamen, & specialibus legibus Religionum non admittuntur. Suarez *4. tom. de Relig. tracl. 8. lib. 2. cap. 6. num. 18.* Is verò, qui electioni præest Episcopus, siue alius Superior claustra Monialium non ingrediatur, sed ante cancellorum fenestrellam vota
fin-

singularum audiat, vel accipiat. In reliquis autem seruentur singularum Ordinum, vel Monasteriorum Constitutiones. Ita habet Concil. Trid. *sess. 25. c. 7.* Vide dicta in *cap. de electionibus* maxime q; quæ diximus capite præcedenti à *num. 45.* in Constitut. Gregorij Decimi Quinti, & responsis Sacræ Congreg. ad dubia circa illam.

3 Ut aliqua eligatur in Abbatissam, seu Priorissam alicuius Monasterij Monialium requiritur ætas quadraginta annorum, & octo post expressam professionem. *Quòd si his qualitatibus non reperiatur in eodem Monasterio, ex alio eiusdem Ordinis eligi potest.* Si autem hoc incommodum Superiori videatur, *ex ijs, quæ in eodem Monasterio annum trigessimum exceßerint,* & quinque saltem annos professionis habuerint, *Episcopo, vel alio Superiore consentiente, eligatur.* Ita habetur in Concil. Trid. *sess. 25. cap. 7.* Suarez *to. 4. de Relig. tract. 8. lib. 2. cap. 6. à num. 7.* Addens etiam, defectum harum conditionum non reddere electionem nullam, aut irritam, sed ad summum irritandam. Cum Concilium non apposuerit clausulam irritatiuam, sed solum prohibitiuam. Vide etiam ibidem duas Declarationes S. Congreg. circa electionem Abbatissarum, & locum Concilij adductum.

4 Abbatissæ, & aliæ Præfectæ Monasteriorum Monialium in Italia ad triennium tantummodo eligendæ sunt, quòd si secus actum fuerit, irrita, & nulla voluit esse omnia Greg. Decimus tertius in *Bull. Exposcit debitum* anno 1583. edita 2. tom. *Bull. num. 80.* Item abstinere debent per triennium à die finitæ administrationis sui officij. Ita habetur in eadem Bulla. Quaranta in *Summ. Bull. v. Abbatissa.* Vide alia apud Gauantum in *Man. Episcop. verbo Monial. Officiales à num. 19.*

5 Multorum sententia est, Monialem corruptam, seu non virginem, aut viduam eligi non posse in Abbatissam sine dispensatione: propter *cap. iuuenctulas 20. q. 1. & cap. si quis omnem s. nouimus peccatricem 1. quæst. 7.* & etiam, quia indecens est non virginem præesse virginibus, cum illis vix possit persuadere virginitatem; ac proinde dato casu, quòd Monialis corrupta occultè eligeretur in Abbatissam, teneri se excusare prout melius potuerit, ne suum defectum prodatur. Rodriguez *to. 2. q. 54. art. 1.* Miranda in *Tract. de Sac. Mon. quæst. 7. art. 6.* Maxime quia declaratum video à S. Congregat. Episcoporum & Regular. Viduam sine licentia Sedis Apostolicæ non posse fieri Abbatissam. Gauantus in *Man. Episcop. verb. Monialium Officiales num. 6.* Vnde speculatiuè solum, & non practicè videtur probabilis sententia affirmans non esse necessariam prædictam conditionem virginis ad munus Abbatissæ, nisi solum in casu, quo Monialis illa esset benedicenda, seu con-

secranda benedictione speciali virginum, de qua *cap. precedenti num. 10.* Sanchez *lib. 5. de præcept. Decalog. cap. 5. num. 22.* post D. Antoninum, & Paludanum. Adminus tamen consuetudini videtur standum, si illa derogata non sit per prædictum Decretum S. Congreg. Episcop. Suarez *4. to. de Relig. tract. 8. lib. 2. cap. 6. nu. 16.* 6 Illegitima absque dispensatione non potest eligi (secundum plures) in Abbatissam, aut Priorissam. Ratio est, quia in *capite primo de Fil. Presbyt.* statuitur, illegitimum inhabilem esse ad Ecclesiasticas dignitates, inter quas computatur munus Abbatissæ. Nauarr. *Comm. 2. de Regul. n. 60.* Sanchez *lib. 6. in Decal. c. 5. n. 19.* Oppositum tamen satis probabile censeo. Quia ita video declaratum à S. Congregatione Episcop. & Regular. apud Gauantum in *Man. Episcop. verb. Monial. Official. num. 7.* & quod in iure *Cap. Generali de Elect. lib. 6.* in materia odiosa fœminæ non comprehenduntur, cuius signum est quod Sixtus Quintus in sua Constitutione contra illegitimos nullam mentionem de Monialibus fecit. Mirada in *Tract. de Sacris Monial. quest. 6. ar. 3.* benè etiam addens, quod casu, quo prima opinio sustinenda esset, possent Moniales illegitimè habilitari ad Officia eodem modo, quo Religiosi, de quo diximus *cap. 18. num. 60.*

7 Non posse eligi in Abbatissam Monialè bigamam asserunt aliqui, eò quod sit eadem ratio de illis, ac de viris bigamis quantum ad hoc. Viuald. in *Candel. Sacram. in 2. edit. p. 3. cap. 5. num. 8.* Sanchez *lib. 5. de præceptis Decalogi cap. 5. num. 23.* Atq. ob eandem rationem, infamis nequit esse Abbatissa, sicut nec vir infamis potest esse Abbas. Viuald. *ibidem num. 11.* Sanchez *ibidem numero 24.*

8 Possunt Abbatissæ, seu Priorissæ Monialium imponere illis præcepta obligantia ad culpam, iuxta gravitatem, vel leuitatem materię, mortalem scilicet, si materia fuerit gravis, venialem verò si levis. Ratio est, quia, etsi prædictæ Abbatissæ non habeant veram, aut propriam potestatem, siue Iurisdictionem spiritualem, cum fœmina non sit capax illius, habent tamen veram potestatem Dominatiuam, hoc est administrandi, & regendi Monasterium, personas, & bona illius, ac per cõsequens Moniales tenentur illis obedire, sicut alijs Prælati. Victoria *relect. de potest. Eccles. quest. 2. num. 4.* Sanchez *lib. 6. in Decal. cap. 1. num. 18.*

9 Hæc verò præcepta, quæ possunt imponere solum sunt circa ea, quæ spectant ad bonum commune politicum Monasterij, vt scilicet pacificè absque scandalis, & perturbationibus gubernentur. Ratio est, quia cum non habeant potestatem spiritualem, seu Iurisdictionem supra Moniales, ac perinde non possint illis impone-

re

re præcepta spiritalia, scilicet spectantia ad finem spiritualem, videlicet perfectionem, & profectum spiritualem animæ, ad minus poterunt alia præcepta ad prædictum finem boni regiminis Conuentus imponere. Rodriguez *tom. 1. quæst. Regul. quæst. 15. art. 1.* Victoria *in Summa Sarram. de Clauibus num. 325.*

10 Verum autem possint etiam præcipere Monialibus aliquid in virtute Sanctæ obedientiæ, vel in virtute Spiritus sancti, &c. Multi negant, eo quod solum habentes Iurisdictionem, seu potestatem spiritualem vti possunt isto modo præcipiendi. Alij verò affirmant, eo quod Moniales verè emittunt votum obedientiæ suis Superiorissis. Quæstio hæc de modo loquendi apparet, & in ea standum est consuetudini approbatæ Monasteriorum. In rigore tamen Iuris loquendo probabilior est secunda sententia, cum modus ille loquendi non importet necessariò Iurisdictionem spiritualem, & ex alia parte possit habere bonum sensum, scilicet in virtute Sanctæ obedientiæ mihi prælitæ, vel in virtute Spiritus sancti, qui me præfecit huic Monasterio. Azor *tomo 1. Institut. Moral. lib. 3. cap. 10. quæst. 7.* Cornexo *tomo 2. in 3. par. tractat. 5. de excommunicat. disputat. 2. dub. 5.*

11 Non possunt autem præcipere aliquid Monialibus sub pœna excommunicationis, vel alterius censuræ. Quia hoc ex vsu Ecclesiæ importat actum Iurisdictionis, cuius sæminæ non sunt capaces. Sotus *in 4. dist. 20. quæst. 1. art. 4.* Henriquez *lib. 6. de pœnit. cap. 2. num. 4.* An verò ex commissione Pontificis id possint facere, tractatur in materia de censuris. Vide Cornexo *ut supra.*

12 Quando huiusmodi Abbatissæ, vel Priorissæ exercere videntur aliquos actus pertinentes ad Iurisdictionem, v.g. dare Beneficia, vel similia, tunc non exercent verum actum Iurisdictionis, sed solum designat personam, vel materiam, cui Pontifex dat beneficium. Suarez *4. tomo de Relig. tract. 8. lib. 2. cap. 9. num. 13.*

13 Possunt tamen, & debent prædictæ Abbatissæ, seu Priorissæ cogere Moniales sibi subditas ab obseruantiam Regulæ, & Constitutionum, punire illas propter transgressionem, inquirere de delictis illarum, &c. Ratio est, quia vel hoc pertinet ad potestatem dominatiuam, vel ad id habent auctoritatem à confirmante Regulam, seu Prælatis Religionis. Vasquez *1. 2. disputat. 166. capit. 4.*

14 Possunt etiam dare suis Monialibus eam facultatem dandi, vel recipiendi, quam habent alij Prælati Regulares, nisi ex consuetudine, aut præcepto Superioris Prælati sit eis denegata talis facultas. Ratio est, quia licet non sint verè Prælata, habent ta-

men liberam administrationem bonorum sui Monasterij. Sanchez *lib. 7. in Decal. cap. 19. Bonacina de largit. mun. disputat. 3. punct. 6. numero 7.*

15 Non tamen possunt dispensare in votis Monialium, seu illa commutare. Quia hoc pertinet ad Iurisdictionem spirituales, quam non habent. Possunt tamen prædicta vota irritare, propter potestatem dominatiam, quam supra Moniales habent. Sotus *7. de iust. & iur. quæst. 5. art. 1. Nauarrus in man. cap. 12. à nu. 63.* Quare dispensare, & commutare vota Monialium pertinet ad Superiores Religionum, iuxta dicta *cap. 18. num. 48.*

16 Abbatissam posse ex commissione Prælati dispensare cum Monialibus in ieiunijs, & quibusdam legibus Ecclesiasticis aliqui volunt. Henriquez *lib. 6. de pœnit. cap. 2. num. 8.* Alij verò negant, eò quòd dispensare in prædictis legibus sit actus Iurisdictionis, quam non possunt habere. Sanchez *lib. 6. in Decalog. capit. 1. num. 24.*

17 Non possunt Abbatissæ, seu Priorissæ recipere Nouitias, etiam consentientibus Monialibus, sine suorum Prælatorum licentia. Quia hoc est actus Iurisdictionis solum spectans ad veros Prælatos. Casarubius in *Compen. priuileg. verb. Abbatissa num. 8.* referens ad hoc Nicolai V. indultum. Miranda in *tract. de Sac. Monial. quæst. 8. art. 1.* Qui etiam Superiores debent taxare dotes Monialium recipiendarum. Eò quòd ipsi habeant potestatem, & Iurisdictionem supra ipsos Conuentus Monialium. Miranda *ut supra art. 8.* Dotes autem non debent recipi ante professionem. Conc. Trid. *sess. 25. cap. 16.* Tenetur autem Præposita Monasterij per mensem ante professionem alicuius Monialis certiore facere Episcopum, aliàs ab Officio est suspensa tamdiu quamdiu Episcopo videbitur. Conc. Trid. *sess. 25. cap. 17.* Tolet. in *Summa lib. 1. cap. 50.* Vide dicta *cap. præcedenti num. 8.* Barbosa in *Allegat. 100. & Gauantum in Man. Episcop. verb. Monial. professio à num. 9.* ubi plura ad intentum.

18 Quamuis admittere professionem Monialium pertineat ad quos iura, & Constitutiones Religionum decreuerint, non tamen est contra ius commune, quòd Abbatissa in suo Monasterio professiones Monialium admittat. Nam hæc acceptatio non est actus Iurisdictionis, sed cuiusdam Superioritatis. Azor *lib. 12. Institut. Moral. cap. 5. quæst. 6.* Sanchez *lib. 5. de præcep. Decal. cap. 4. num. 76.* Consulantur ergo leges, & consuetudines Religionum.

19 Ex Conc. Trident. *sess. 25. cap. 7. Dubus Monasterijs nulla* (intellige Abbatissa) *præficiatur. Et, si qua duo, vel plura quocumq; modo obtinet, cogatur, uno excepto, intra sex menses cetera resignare.*

re. Post id verò tempus, nisi resignauerit, omnia ipso iure vacent. Is verò, qui electioni præest, Episcopus, siue alius Superior, claustra Monasterij non ingrediatur, sed ante cancellorum fenestram vota singularum audiat, vel accipiat. In reliquis seruentur singulorum Ordinum, vel Monasteriorum Constitutiones.

20 Abbatissæ non possunt concedere Monialibus licentiam vlllo modo egrediendi è Clausura Monasteriorum. Quia talem licentiam concedere Concilium Tridentin. & Pius V. limitarunt ad Episcopum, & Superiorem Religionis, iuxta dicta *cap. 21. nu. 21.* Sanchez *lib. 6. in Decalog. cap. 15. num. 28.* Nec etiam possunt ipsæ Abbatissæ exire, siquidem eadem obligatione Clausuræ, ac cæteræ Moniales tenentur. Vnde nec possunt è Clausura exire ad visitandum ædificium Ecclesiæ, quod fabricatur & ad videndum num sibi placeat, aut dicendum cæmentarijs qua forma construendum sit. Sanchez *ut supra num. 52.* Nec etiam ad visitanda Monasteria sibi subiecta. Quia ita definitum est à Pio V. in Bulla quæ incipit *Decori, & honestati.* Nauarrus *Comm. 4. num. 47. notab. 2. & 3. de Regul.* Possunt tamen è Clausura exire prædictæ Abbatissæ, quando propter feudum tenentur præstare iuramentum fidelitatis alicui sæculari Principi, si illud per procuratorem præstare nequeunt. Tum quia in hoc casu de communi Monasterij bono agitur. Tum quia ita conceditur à Bonifacio VIII. in *cap. periculo s. verum quando de Stat. Regul. in 6.* neque hoc reuocatum est à Pio V. aut alio Summo Pontifice. Sanchez *ut supra num. 51.* Bonacina *de Clausur. quæst. 1. punct. 9. num. 9.* Qui bene aduertunt cum Siluestro in *Summ. verb. Religio 7. quæst. 16. dub. 2.* adhuc in hoc casu esse licentiam Superioris petendam, quòd si illam neget, posse Abbatissam vt iure suo. Intellige tamen, dum certò constet iniuste denegare licentiam. Qualiter autem non possint prædictæ Abbatissæ licentiam ingrediendi Monasteria concedere, diximus *c. 25. n. 25.*

De Iudice Regulari, seu modo procedendi iudicialiter
in causis Regularibus.

C A P. XXVII.

SUPPOSITO ex dictis c. 18. num. 15. posse, & debere Prelatos Regulares delicta suorum subditorum corrigere, & punire, quod maximè est verum pro tempore visitationis illorum, quam tenentur iure communi, & Diuino facere, iuxta illud Luc. 12. & tu aliquando conuersus confirma fratres tuos, & iure humano ex c. Romana §. 1. de censibus in 6. & can. relat. 11. quæst. 1. & expressius ex Conc. Trident. sess. 25. c. 1. & 8. (Rodrig. to. 2. q. 4. art. 4.) triplici via potest Iudex Regularis ad hoc procedere, scilicet accusationis, denunciationis, inquisitionis, vt habetur c. qualiter, & quando 2. de accusatione. Primo modo procedit quando aliquis defert crimen alicuius ad vindictam iustam de eo capeffendam. Secundo modo, quando aliquis defert crimen alterius, non ad vindictam capeffendam, sed ad ipsius emendationem, correctionem, seu pœnitentiam. Tertio modo, quando Iudex ipse Regularis ex officio, & non ad instantiam alicuius procedit inquirendo de delicto commisso. Vnde iste tertius modus procedendi solet vocari ex officio, & duo priores ad instantiam partis. Alderete de Relig. discipl. lib. 1. c. 4. 5. & 7. Suarez tom. 4. de Relig. lib. 10. de Regim. Societ. c. 11. & 12. Deinde modus procedendi per inquisitionem duplex est, scilicet Inquisitionis generalis, & particularis, seu specialis. Inquisitio generalis est quæ in genere inquiritur an subditi seruent leges, aut statuta Religionis, an committantur crimina, obseruetur Regula, &c. specialis verò est, cum de certa persona, aut certo crimine instituitur inuestigatio. Ad quam adiungunt aliqui tertiam inquisitionem mixtam, quando scilicet, de sola persona instituitur inuestigatio, cum tamen de delicto habeatur certa notitia. Franciscus Aretinus in Practic. criminal. c. 10. Alderete vt sup. c. 7. Rursus denuntiatio, quamuis variè diuidatur, melius tamen dicitur quòd est duplex, scilicet Euangelica, & iudicialis. Prior est, quæ fit Prelato non vt Iudici, sed vt Patri, non ad processum formandum, sed ad correctionem, vel emendationem. Posterior verò est, quæ fit Prelato vt Iudici ad formandum processum, & puniendum delinquentem. Suarez vt sup. c. 8. Thomas de Iesu in tract. 1. de visitat.

stat. Regul. c. 4. De quibus omnibus sigillatim dicendum est.
 2. Et primò, loquendo de inquisitione generali, seu de modo procedendi per illam, dicendum est, illa uti debere Prælatos Regulares in visitationibus Prouinciarum, vel Monasteriorum. Finis enim talium visitationum est inquirere in generali de vitijs, & virtutibus Religiosorum. Suarez *ut sup. c. 11.* Vnde ad hanc inquisitionem generalem non requiritur, quòd præcedat aliqua infamia, aut clamorosa insinuatio de aliquo crimine, aut denuncia- tio, seu accusatio aliqua. Quia in hac inquisitione generali pro- cedit Prælati ex officio, ob bonum commune Religionis, nec sic procedendo alicui infert iniuriam. Alderete *ut sup. c. 7. n. 3.* Thomas de Iesu *etiam ut sup. tract. 1. c. 1.* Nec etiam requiritur petitio iuramenti à Religiosis, saltem de iure communi (quidquid sit de statutis particularibus Religionum) nam hæc generalis inquisi- tionem non est perfectum iudicium, sed præparatoria ad inquisitionem specialem, quæ perfectum iudicium est. Grassi *2. p. Decis. lib. 3. c. 28. num. 5.* Alderete *ut sup. num. 4.* Ex nostris autem Constitu- tionibus *p. 2. c. 7.* imponitur præceptum obedientiæ à Visitatore, quod, ut ibidem dicitur, habet vim iuramenti. Deinde in huiusmo- di inquisitione generali crimina occulta interroganda, aut pate- facienda, non sunt, nisi de illis præcedat aliqua infamia, aut suspi- cio probabilis. Ratio est, quia si talis infamia, aut suspicio non præcedat, Iudex non interrogat iuridicè, cum non habeat plenam, aut semiplenam probationem, ac per consequens nec ipse potest interrogare, nec subditus occultum peccatorem manifestare. Quod intellige, etiam si sub iuramento interrogetur. Suarez *4. to. de Relig. lib. 10. de Regim. Societ. c. 11. num. 7.* Nisi solùm velit ma- nifestare tale peccatum Prælati, ut patri, & secretò ad emendatio- nem fratris, quia ut sic potest id facere, etiam si non præcedat suspicio, aut infamia. Suarez *ut sup. num. 8.* Semper tamen præ- mittenda est, si sit spes emendæ, & opportunitas, correctio frater- na, quia illa est de iure diuino, Mach. 18. Rodriguez *tom. 2. q. 8. art. 1.* Peirinis *tomo 1. de subdito q. 1. de Obedientia c. 16. post 3. concl.* Volunt etiam aliqui Prælatos reperi in huiusmodi visitationibus, seu inquisitionibus generalibus monere subditos ne reuelent pec- cata omnino occulta, de quibus non est suspicio, aut infamia. Na- uarrus *Corollar. 47. num. 179. inter verba.* Hæc tamen cautio so- lùm videtur necessaria quando subditi sunt in docti, aut non pos- sunt doctiores consulere. Docti enim sciunt præcepta Superio- rum nihil contra ius naturale, aut diuinum præcipere posse. Sua- rez *ut sup. nu. 7.* Thomas de Iesu *de Visitat. Regul. tract. 1. c. 1. nu. 5.* Similiter in huiusmodi Inquisitionibus generalibus non tenentur

Religiosi denunciare etiam ad præceptum Superioris, ea peccata, quæ constat iam esse emendata. Quia iam cessat finis denunciationis, quæ est emendatio fratris. Nauarrus in *Summ. c. 25, num. 46.* Rodriguez *tom. 2. quæst. Reg. q. 6. art. 2.* Secus est de Prælati, quibus incumbit, ne delicta etiam correctâ immunita maneant. Rodriguez *ut sup.* Peirinis *etiam ut sup.* Similiter si aliquid mali timet quis sibi obuenturum ex denunciatione, nisi quando delicta essent in grave damnum Communitatis, denunciare non tenetur. Quia hoc postulat ordo charitatis. Rodriguez *tom. 2. quæst. Reg. q. 6. art. 3.* Neque etiam tenetur aliquis denunciare quæ audiuit à persona non fide digna, aut appassionate, quia talibus non est credendum. Secus est, si audiuit à persona fide digna, & Prælati præcipiat, ut dicat quæ audiuit, & ipse credit id esse verum. Rodriguez *tom. 2. quæst. Reg. q. 6. art. 7.* Peirinis *ut sup. 4. conc. 3.* Tenentur tamen subditi in huiusmodi inquisitione generali denunciare paternè Prælato, correctione fraterna, si fieri debeat, præmissa, iuxta dicta *n. 2.* omnes defectus Religiosorum. Quia salutem spiritualem proximi omnes procurare tenemur omni meliori modo quo possumus. S. Thomas *2. 2. q. 33. art. 8.* Grassi *1. p. Decis. lib. 2. c. 69. n. 15.* Imò si fraterna correctio, vel paterna denunciatione Religiosus nõ est correctus, nec speratur corrigi, tenentur alij ipsum iuridicè ad Prælatum ut Iudicem denunciare, si per testes idoneos probari potest delictum. Ratio primæ partis est adducta, videlicet, quod omnes tenemur procurare salutem, proximi omni meliori modo, quo possumus. Ratio verò secundæ, quia nemo tenetur denunciare iuridicè quod probare non potest *ex c. plerumq. 2. q. 7.* Navar. *c. inter verba conc. 6.* Grassi *1. p. Decis. l. 1. c. 69. n. 15.* Ad quod addunt aliqui, id esse verum etiam si Prælati oppositum præciperet. Quia hoc præceptum contineret intolerabilem errorem. Nauarrus *ut sup.* Angelus *verb. excommunicatio 3.* Vide dicenda inferius *n. 15. & 20.* Si testes leues sint, idonei non censentur, & ita, qui hos tantum habet, non tenetur denunciare iuridicè; quia non habet testes idoneos ad probandum delictum fratris. Peirinis *tom. 1. de Subdito quæst. 1. de Obedientia. c. 16. ante 4. conclus.* Demum pro huiusmodi inquisitionibus generalibus, seu visitationibus, nota, quod Prælati in illis admonitis solum, tamquam Pater, seu denunciatione paterna, non potest reum punire, sed tantum monere, seu minis terrere, ut cautius se habeat. Angles in *Floribus p. 2. quæst. de Correct. frat. ar. 1. diff. 7.* Pro forma verò in huiusmodi inquisitionibus generalibus, seu Visitacionibus seruanda, legantur particularia Statuta Religionum, & pro nostra *p. 2. Consilii. c. 5. & 6.*

4 Ad inquisitionem specialem alicuius delicti procedere potest, & debet, Prælatus Regularis, primò, quando ex visitatione, seu inquisitione generali constat illi aliquod crimen à subdito aliquo fuisse commissum: tunc enim contra ipsum specialis fieri debet inquisitio, & prævio iuramento testes interrogandi. Cum enim iam delictum sit Iudici notorium, non potest prætermittere iuridicè contra delinquentem sic infamatum procedere. Nauarrus *de Iudicijs* num. 87. Alderete *lib. 1. de Relig. discip. cap. 7. num. 6.* Quod intelligo etiam in casu, quo iniuste tale delictum Prælato sit patefactum. Nam eo ipso, quòd crimen deductum est in Iudicis notitiam, siue benè, siue malè, eo ipso tenetur contra illud procedere. Lessius *2. de Iust. c. 29. dub. 15. num. 125.* Thomas à Iesu *de Visitat. Reg. tract. 2. c. 4. num. 7.* Non tamen potest Prælatus ad hanc inquisitionem specialem procedere ex sola notitia habita, per epistolas, vel libellos sine auctore, etiam si in ipsis litteris notificarentur testes, qui delictum testificari possent. Quia huiusmodi litteræ, aut libelli nullam inducunt infamiam, & habetur *ex cap. Inquisitionis, extra de accus.* Lessius *ut sup. num. 136.* Thomas à Iesu *etiam ut sup. c. 3. num. 9.* Poterit tamen generalis inquisitio fieri ex huiusmodi litteris sine nomine, quia ad huiusmodi inquisitionem non requiritur infamia. Alderete *de Discip. Regu. lib. 1. c. 7. num. 31.*

5 Secundò etiam potest Iudex Regularis ad inquisitionem specialem procedere, quando delictum est notorium, etiam si malefactor sit occultus, nec vlla infamia laboret. Ratio sumitur ex communi vsu Reipublicæ Christianæ, & Iudicum timoratae conscientia, qui ob bonum publicum, quando constat de delicto, querunt speciali inquisitione de delinquenti. Nauarrus *c. inter verba conc. 6. num. 124.* Salon *de Iust. & Iur. controu. 7. circa quest. 79. ar. 2. & alij.* Qui benè aduertunt in hoc casu Iudicem non debere facere inquisitionem de singulari aliqua persona, v. g. an Petrus fecerit hoc furtum, quia cum nulla de illo præcedat infamia, iniquè infamaretur; sed in communi solum. Thom. de Iesu *de Visit. Regu. tract. 2. c. 5. à num. 6.*

6 Regulariter etiam loquendo non potest Iudex Regularis iuridicè contra aliquem per specialem inquisitionem procedere, nisi infamia, siue clamorosa insinuatio, vel indicia manifesta, aut semiplena probatio præcedant. Quia sine aliquo istorum delicta reputantur occulta iudicio humano. Sanctus Thomas *2. 2. quest. 69. art. 2. & 3.* Thomas à Iesu *de Visit. Regu. tract. 2. c. 2. & habetur ex c. qualiter, & quando. & c. Inquisitionis de Accus. & c. licet Heli de Simon.* Infamia est quidam rumor ortus non à maleuolis, sed

sed à probis, & honestis hominibus sparsus inter multos. Clamorosa verò insinuatio, vel est idem quòd infamia, vel est vox totius populi, vel publicus rumor inter multos subortus. Indicia autem sunt illæ circumstantiæ, ex quibus potest aliquo modo colligi quis sit auctor criminis. Tandem semiplena probatio est vnus testis oculati, & iurati, omnique exceptione maioris testimoniū. Thomas de Iesu *ut supr.* Ergo, vt diximus, si aliquod istorum non præcedat, non potest Iudex ad inquisitionem specialem procedere. Quod præter dicta, ex eo confirmatur primò, quia, vt docet Sanctus Thomas 1. 2. *quest. 67. art. 3.* contra nullum potest Iudex via inquisitionis (intellige specialis) procedere, quando nullus est accusator formalis, vel virtualis. Cum ergo in via inquisitionis, de qua loquimur, nullus sit accusator, vel denunciator formalis, quia in hoc distinguitur hæc via à via denunciationis, & accusationis, debet necessariò esse aliquis virtualis denunciator, vel accusator, cuius munus solùm prædicta habere possunt. Sequendò, & ad idem, quia iudicium ex tribus personis constat, scilicet accusatore, reo, & Iudice; cum ergo inquisitio hæc specialis, iudicium quoddam sit ex eisdem tribus constare debet, & cum accusator in illo non adsit, aliqua quæ ipsum suppleant, adesse debent. Franc. Aret. in *Pract. crimin. cap. 14.*

7 Imò ad hoc quòd indicia sufficiant ad procedendum via specialis inquisitionis, non debent esse leuia, sed graua. Quia cum in iure expressè caueatur, infamiam prærequiri ad inquisitionem specialem *c. cum oportet. c. inquisitionis. c. qualiter, & quando, de accus.* indicia autem leuia non æquiualeant infamiæ, absdubie requirentur indicia graua. Quo in sensu accipiendus est Nauarr. *i. inter verba concl. 6. num. 116.* Imò etiam indicia graua, & expressa æquiualentia infamiæ, ad hoc, vt sufficiant pro inquisitione speciali, debent esse publica multis, & in delicto publico, tunc enim æquivalent infamiæ, & ex illis Iudex potest procedere ad inquisitionem specialem delinquentis. Suarez 4. *tom. de Relig. lib. 10. cap. 12. n. 12.* Addunt aliqui, quòd etiam si delictum non sit publicum, sed occultum, si tamen est contra bonum commune, vel ex eo imminet damnum tertiæ personæ, posse Iudicem ex solis prædictis indicijs ad specialem inquisitionem auctoris criminis procedere. Thomas de Iesu *Tractat. de Visitatione Regularium cap. 7. num. 2.*

8 Similiter ad hoc, quòd Iudex procedere possit ex semiplena probatione ad inquisitionem specialem, requiritur, quòd crimen sit notorium, & malefactor occultus: nam si delictum notorium non sit, tunc semiplena probatio non erit æquiualens infamiæ, atque

que ita insufficiens ad procedendum inquisitione speciali, sicut diximus supra de indicijis expressis. Nauarr. in *Summ. c. 25. num. 3.* Lessius *lib. 2. de Iust. c. 29. dub. 16. num. 146.* Addunt etiam alij quòd in delictis, quæ sunt contra bonum commune, & quando imminet proximo damnum graue ex peccato alterius, etiam occulto, posse ad inquisitionem specialem ipsius procedere Iudicem ex sola semiplena probatione. Thom. de Iesu *tract. 2. de Visitatione Regu. c. 9. num. 6.*

9 Excipi tamen solent aliqui casus particulares, in quibus Iudex ex se solo, & sine alio motiuo possit procedere ad inquisitionem specialem. Primus est, si delictum vergat in commune damnum Reipublicæ, vel Communitatis, v. g. crimen hæresis, vel apostasiæ à fide, crimen læsæ Maiestatis, conspiratio in Principem, falsificatio monetæ, furta, homicidia, &c. Secundus est, quando delicta sunt nimis grauiæ, & atrociæ, v. g. sodomix, &c. Tercius est, quando crimen est commissum, vel detectum in iudicio, vt si aliquis coram Iudice, & Notario falsum testimonium dixerit, aut confessus fuerit aliquod crimen. Sotus *de detegendo secreto, memb. 2. quæst. 6.* Thomas de Iesu *de Visitatione Regu. tract. 2. c. 4.* Cæterum quòd attinet ad crimen hæresis, constat ex dictis *c. 18. num. 18.* illud non posse iudicari à Prælati Regularibus. De falsificatione monetæ constat etiam ex dictis *c. 10. num. 23.* ad quos pertineat Iudices, saltem in Italia. Sed dato quòd hæc delicta ad Iudices Regulares ex priuilegio aliquo, vel alio modo spectent, (& idem est de alijs criminibus in primo casu relatis) dicendum est primò, quòd quando illa sunt omnino occulta, vel quia illa in se talia sint, vel quia esto, quòd nota sint, ignoratur tamen author, ita, vt nec de illo sit infamia, semiplena probatio, aut indicia saltem leuia, tunc nullo modo licet Iudici ad inquisitionem specialem procedere. Ratio est, quia, vt diximus supra *num. 6.* ad huiusmodi specialem inquisitionem, cum sit quoddam iudicium, petitur necessariò aliquid, quod habeat vim accusatoris, & moueat Prælatum ad illam, ac perinde, si aliquod ex prædictis non adsit, procedere nequibit ad specialem inquisitionem. Suarez *4. tom. de Relig. l. 10. c. 12. num. 4.* Dico tamen secundò, sufficere, quòd præcedant aliqua indicia, saltem leuia, posita notorietate talium delictorum, & qualitate illorum, ad hoc, quòd Iudex procedere possit ad inquisitionem specialem authoris. Ratio est, quia positis talibus circumstantijs, hic & nunc reperit Iudex sufficiens motiuum ad inquisitionem specialem, tunc enim ratio boni communis obligat, vt eius cura, & prouidentia habeatur, delictum publicum prouocat suffi-

cienter ad aliquam inquisitionem, & indicia, saltem leuia, delinquentis, ad inquisitionem specialem. Suarez *ut sup. num. 13.* In alijs verò delictis, quæ non sunt contra bonum commune, indicia debent esse non leuia, sed graua, vt diximus supra *num. 7.* Loquendo verò de delictis in secundo casu relatis, quæ sunt nimis graua, & atrocia, dicendum est, non sufficere talia esse, ad procedendum per specialem inquisitionem, nisi præcedat infamia, semiplena probatio, aut sufficientia indicia, iuxta dicta *num. 6.* Quia aliàs iniuria fieret proximo ipsum infamando. Suarez etiam *ut sup. num. 6.* In delictis verò in tertio casu relatis, cum iam illa supponantur manifesta, nihil istorum requiretur, nec fiet iniuria delinquenti, contra illum specialiter procedendo. Francisc. Aretinus. in *Pract. crimin. cap. 14.* Alderete *lib. 1. de Discip. Regu. cap. 7. num. 14. & 15.*

10 Præterea quando inquisitio fit non ad punitionem inquisiti, sed ad alios iustos fines, ad quos est necessaria cognitio personæ, & qualitas eius, vt cum Prælatus querit de habilitate, aut inhabilitate subditi ad aliquod officium, gradum, vel dignitatem, vel ad aliquod suffragium ferendum, vel habendum, potest ipse ad inquisitionem specialem de delictis alicuius personæ determinatæ procedere, etiam non præmissa infamia, semiplena probatione, aut indicijs aliquot, sicut inter sæculares solet fieri ad contrahenda matrimonia. Quia non potest aliter Prælatus satisfacere muneri suo, & bono communi Religionis, nec in hoc modo procedendi ex motiuo boni communis procurandi, alicui facit iniuriam. Franciscus Aret. in *Pract. crimin. cap. 14.* Suarez *ut sup. num. 17.* Benè autem aduertit Aretinus debere in tali casu aperiri crimina Superioribus secretò, & cum minima, qua fieri potest, famæ læsione.

11 Praxis autem Inquisitionis specialis, supposita infamia personæ, vel delicti, iuxta dicta in superioribus, hæc est. Primò enim constituendus est Notarius, seu Secretarius à Prælato, qui omnes actus inquisitionis fideliter conscribat, eisque cum ipso Prælato subscribat. Suarez *4. tom. de Relig. lib. 10. de Regim. Societ. cap. 12. num. 29.* Deinde formatis articulis, & capitulis pro interrogatorio testium, secundùm illos interrogandi sunt testes, clarè, & distinctè. Suarez *ibidem.* Qui etiam benè aduertit, quòd quamuis cū præcedit infamia delinquentis (idem dico cum præcedit semiplena probatio, aut graua indicia, iuxta dicta supra *num. 6 & 7.*) non sit necessarium de illa inquirere in interrogatorio; bonum tamen est hoc facere ad magis conuincendum Reum. Interrogandi autè sunt testes sub iuramento, saltem iure communi loquendo, iuxta *cap.*

cap. cum delicti de accusat. nisi legitima consuetudo Religionis oppositum teneat, scilicet, solum sub præcepto Obedientiæ, vel excommunicationis. Suarez *ibidem*. Interrogari etiam debent de nomine, & cognomine eorum. *cap. olim de accus.* Thom. de Iesu *de Visitatione Regularium tractat. 3. c. 7.* Testes autem interrogati sic tenentur sub mortali veritatē fateri. Quia astringuntur iusto Prælati præcepto. Nauar. *cap. inter verba conc. 6. Less. 2. de Iust. cap. 30. dub. 6. nu. 4. 3.* Quod intellige, vt supponitur, quādo iuridicē interrogātur (prout sēper debet credi quādo Iudex est probus, nisi certō cōstet contrariū) idest ab habente potestatem, & præcedente infamia, semiplena probatione, seu noticia delicti, iuxta dicta *n. 6. & 7.* Quia nō tenentur testificari cū legitimē, & iuridicē non interrogātur. Silvester *verb. Testis quæst. 8. d. primo. Lessius 2. de Iust. cap. 30. dub. 6. num. 47.* Sed nec tunc debent mentiri, cum mendacium numquam sit licitum, sed dicere se nescire, aut non vidisse &c. tale delictum, mente intelligendo, ad manifestandum, vel propalandum in tali iudicio. Nauarrus *in Man. cap. 18. num. 61. & cap. 12. num. 9.* Ea verō, quæ per Sacramentalem Confessionem nouerunt, nullatenus debent, aut possunt reuelare. Quia obligatio sigilli Sacramentalis multō maior est, quā cuiuscumque præcepti. Sotus *de rat. legend. secret. memb. 3. quæst. ult. conc. 4.* Idem dico si noticia quam habent testes de delicto fuit sub sigillo secreti, consilij, vel auxilij petendi gratia. Quia obligatio seruandi secretum est maior, quā obediendi Prælato. Nauarr. *in Summ. cap. 25. num. 46.* Secus verō est, quando id quod acceptum est sub secreto cedit in damnum corporale, vel spirituale Communitatis, vel graue alicuius personæ particularis. Quia tunc obligatio seruandi secretū, cedit obligationi tuendi bonum commune, vel graue priuatum, alicuius particularis. Valentia *tom. 3. disp. 5. q. 14 p. p.* Nec etiam tenentur testes testificari ea, quæ ab aliquo non fide digno, aut appassionato audierunt; secus verō si à persona fide digna illa acceperunt, & Prælatus præcipiat, vt referantur ea, quæ sciunt ex auditu, iuxta dicta supra *num. 2.* Nec etiam tenentur testificari cum suo notabili damno spirituali, vel temporali, quod prudēter timent euenturum ex testificatione, iuxta dicta etiam *ibidem*. Peirinis *tom. 1. de Subdito quæst. 1. de Obedientia cap. 16. §. 3. conc. 7.* Testes non sunt vilo modo cogendi à Iudice, vt dicant quod nesciunt, sed liberrimē sinendi dicere veritatem; imō si ignorantes sunt, monendi sunt ab illo de modo testificandi, vel dandum illis tempus ad consilium accipiendum à doctis. Thomas de Iesu *de Visitatione Regularium tractat. 3. cap. 6.* Debent etiam cum ferunt sua testimonia interrogari de causa scientiæ, seu quomodo sciant.



sciant, quod dicunt. *cap. causam de testib.* Thomas de Iesu. *ibid. cap. 7.* Apud quem alia ad intentum.

12 Post formationem processus, seu informationis, si nullus sit testis, qui Reum condemnet de delicto, posset absolui si non præcessissent prædictam informationem, vel processum infamia, semiplena probatio, aut indicia sufficientia respectiue ad delictum, quia nulla esset tunc causa, quare ulterius contra illum procedi posset. Imò numquam citandus est aliquis, vt tamquam Reus interrogetur, nisi delictum sit saltem semiplenè probatum, vel ex testibus, vel ex indiis, vel ex probata infamia. Franciscus Aretinus in *Pract. crimin. de 3. substant. iudicij cap. 1.* Aliquo tamen ex prædictis præmisso, & multò magis si per testes, vel vnum solum, omni exceptione maiorem constet de Reo criminoso, ante omnia citandus est; nam si Iudex Reum condemnaret non vocatum, prius, non solum condemnatio esset nulla, sed etiam peccaret mortaliter. Nauarrus in *Man. cap. 25. num. 13.* Non est tamen detrudendus in carcerem, nisi fuga timeatur, vel grauitas delicti hoc postulet. Secus enim grauitè Iudex peccaret. Nauarrus de *Iudic. nu. 51. ver. ex quo inferitur.* Franc. Aret. vt *supra.* Incarcerato ergo, siue extra carcerem Reo, debet Iudex omnia testimonia, & probationes simul cum delicto, quod contra illum obijcitur, patefecere, tacitis nominibus testium, cum aliquo spatio temporis, etiam sub iuramento, vt respondeat. Suarez 4. *tom. de Relig. lib. 10. cap. 12.* Thomas de Iesu de *Visitat. Regu. tract. 3. cap. 9.* Reus autem iuridicè interrogatus tenetur veritatem confiteri, sub mortali, manifestando delicta, de quibus inquiritur. Tenetur enim obedire Prælato iusta præcipienti. S. Tho. 2. 2. q. 69. a. 1. & 2. Nauarrus de *Pœnitent. dist. 1. §. non dico tibi. num. 19.* & in *Summ. cap. 18. num. 57.* Etiam si illi immineat periculum vitæ. Propter eandem rationem. Sotus de *regendo secret. memb. 2. & 5. de Iust. quest. 6. art. 2.* Corduba lib. 5. *quest. 43. dub. 3.* Et propterea absolutio à Confessore est illi deneganda. Thom. de Iesu de *Visit. Regu. tract. 3. cap. 10. num. 8.* Secus si non iuridicè interrogaretur, scilicet, quia Iudex competens non esset, aut non esset infamia, semiplena probatio, aut indicia sufficientia. Quia tunc iniuste præciperet reuelari sibi crimen. Thomas de Iesu de *Visitat. Regu. tract. 3. cap. 8.* Addens bene etiam in hoc casu non esse licitum Reo dicere mendacium, quia hoc est intrinsecè malum, ac propterea numquam licitum; posse tamen celare veritatem verbis æquiuocis, aut amphibologicis, dicendo scilicet, nihil scio, nihil feci, mente intelligendo, vt illud debeam manifestare, iuxta dicta de testibus *supra num. præcedenti.* Vnde numquam Reus tenetur deli-

delictum purè occultum, quod non est manifestum aliquo modo ex prædictis, manifestare. Quia de purè occultis numquam legitime interrogatur. Nauarrus *d. 1. de pœnit. §. non dico tibi*. Rodrig. *to. 2. quæst. Regul. q. 5. art. 4.* Imò aliqui volunt peccare mortaliter sic faciendo Quia iniuste se infamat. Nauarrus *in Man. c. 18. n. 57.* Thomas de Iesu *de visitat. Regul. tract. 3. c. 10. n. 7.* Iudex etiam non potest Reum de vno crimine conuictum, de alijs criminibus, aut etiam de socijs interrogare, nisi de ijs quoque præcedat aliqua infamia, semiplena probatio, vel indicia iuxta dicta. Propter eandem rationem. Thomas de Iesu *ut sup. c. 8. n. 5. & 6.*

13 Sumpta igitur cōfessione à Reo, si fatetur delictum, posset in rigore contra illum proferri sententia, licet mitius cum illo procedi debeat, terminum ei concedendo, vt si quam habet excusationem de delicto, quæ saltem illud minuat, eam afferat. Suarez *4. to. de Relig. lib. 10. c. 12. n. 31.* Si verò interrogatus neget delictum procedi vltius debet ad conuincendum illum. Primò ratificatione testium, licet hoc non sit necessarium, maximè inter Regulares, quando de fide testium moraliter constat. Secundò alios de nouo accipiendo si necessarium hoc videbitur ad moralem certitudinem veritatis. Suarez *ut supra.*

14 Si verò Reus defendere se voluerit poterit aliquem Religiosum designare Procuratorem, qui suo nomine, maximè si incarceratus fuerit, suam defensionem suscipiat. *Clement. Religiosus de procurat.* Alderete *de Discipl. lib. 1. c. 11. n. 15.* Et, si voluerit producere testes aliquos in sui defensionem, terminus ad hoc necessarius est illi concedendus, & prædicti testes ab ipso oblati iuxta ordinem præscriptum examinandi sunt. Thomas de Iesu *de visitat. Regul. tract. 3. c. 9. n. 6.* Similiter si Reus propriæ defensionis causa petierit copiam probationum contra ipsum, debet etiam dari; immò si nomina testificantium contra illum postulauerit, licet regulariter loquendo id negari debeat, iuxta dicta supra *n. 12.* in causa tamen grauissimæ culpæ, ex qua grauissimum damnū ipsi imminet, poterit hoc ipsi cōcedi. Rodriguez *to. 2. quæst. Regul. q. 16. ar. 1.* Thomas de Iesu *ut supra.* Si verò timet Iudex, quod Rei amici, vel partiales graue damnum testi, vel testibus reuelatis illaturi sint, poterit illos occultare. Alderete *de Relig. discipl. lib. 1. c. 14. n. 10.*

15 His peractis, probationibusque finitis, Iudicis partes sunt diligenter examinare, an Reus verè se defenderit, & testes per ipsum adducti certò probent illum non commississe crimen sibi impositum, ita vt credere possit illum esse innocentem, & tunc illum debet absoluerè. Alderete *lib. 1. de Discipl. c. 16. num. 2.* Si autem è contra videat crimen plene probatū esse, & defensiones pro Reo

adductas, parum, aut nihil iuuare, eum condemnare debet pro criminis qualitate. Alderete *ibid. n. 3* Tunc autem nec est necessaria, nec iuste adhiberi debet tortura. Quia in tali casu cessat finis torture, qui est supplere defectum plenæ probationis. Nauarrus *c. 18. n. 59. Suarez 4. to. de Relig. lib. 10. c. 12. nu. 33*. Tunc verò intelligitur delictum p'ene probatum quando ad minimum per duos testes oculares, & testes, & omni exceptione maiores testificatum est, iuxta illud Christi *In ore duorum, vel trium fiet omne verbum*. Suarez *ibid.* Testes oculares, sunt, qui oculis (idem est de auditu, quando delictum auditu percipitur, vt blasphemia) delictum perceperunt. Franciscus Aretinus *in Pract. crim. c. 2. de nu. test.* Testes testes, qui de eodem facto, loco, tempore, personis, alijsque circumstantijs ad facti substantiam attrinentibus, & necessarijs deponunt. Thomas de Iesu *Tract. 3. visit. Regul. c. 7. n. 11*. Testes verò omni exceptione maiores sunt, quibus nulla exceptio opponi potest, per quam eorum fides minuatur. Alderete *lib. 2. de Discipl. cap. 3. nu. 6*. Vnde testes de auditu, qui scilicet deponunt se audiuisse, vel fama percepisse, nisi illi, à quibus audiuisse dicunt, idem deponant, non faciunt plenam probationem. Thomas de Iesu *ut supra n. 16*. Similiter nec testes singulares, illi scilicet, qui de diuersis numero factis, aut de distinctis temporibus, aut locis deponunt, non faciunt plenam probationem. Suarez *4 to de Relig. lib. 10. c. 12. n. 33*. Thomas de Iesu *de visitat. Regul. Tract. 3. c. 7. n. 5*. Licet quando de eadem de Iesu specie deponunt, in circumstantijs loci, vel temporis variando, plusquam semiplenam probationem faciunt. S. Thomas *2. 2. q. 70. ar. 2. ad 2. Sotus 5. de Iust. q. 7. ar. 2*. Testes autem non omni exceptione maiores, & quibus exceptio opponi potest, (ac per consequens, qui non faciunt plenam fidem) sunt primò, inimici inimicitia capitali, non leui inimicitia. Secundò, minores natu viginti annis. Tertiò, viles personæ, & infames, & qui grauia delicta commiserunt, nisi fuerint emendati. Quartò, dementes, & furiosi Quintò, conspiratores, qui scilicet ex pacto conuenerunt, vt vnus accuset, seu denunciaret, & alij sint testes. Sextò, qui sunt varij, & inconstantes in suo testimonio. Septimò, mulieres, sed inter Religiosos admittendæ sunt Moniales, maxime pro delictis, quæ in earum Monasterijs committuntur. Pro quibus, & alijs ad intentum vide Franciscum Aretinum *in Pract. crim. c. 1. de secundo subsistent. indic.* Alderete *de Discipl. lib. 2. c. 3*. Thom. de Iesu *de visitat. Regul. tract. 3. c. 11*.

16 Si verò delictum non sit, pensatis pensandis, plenè probatū, & Reus illud non confiteatur, distinguendum puto, aut enim tale delictum non est ex atrocibus, & capitalibus, quæ pœna corporali mor-

mortis, mutilationis, aut triremium puniri debent; aut est ex illis. Si primum, tunc puniendus est Reus pœna minori, quàm si tale delictum plenè probatum esset, & condemnandus ad illam. Hoc enim æquitas iustitiæ, & rigor obseruantia Regularis expostulat, ne sub spe infirmæ probationis reddantur faciles Religiosi ad crimina perpetranda. Suarez 4. tom. de Relig. lib. 10. de Regim. Societ. cap. 12. num. 33. Qui etiam benè addit, in hoc processu per inquisitionem mitiùs adhuc agendum esse in imponenda pœna, quàm si per accusationem criminalem processum esset. Si verò delictum sit ex atrocioribus, & grauissimis, quibus in sæculo pœna mortis, mutilationis, vel triremium applicatur, & sint magna indicia, quæ Iudici suadeant Reum commisisse crimen, quod negat, ita vt semiplenè probatum sit, potest illum torquere, iuxta dicta cap. 18. num. 17. Alderete lib. 1. de Discip. Relig. cap. 17. Vbi etiam de modo quo tortura applicanda est Religiosis.

17 Si Reus in tormentis adhuc non confiteatur delictum, absoluentus est. Dicitur enim tunc indicia purgasse, & quasi obliterasse. Suarez 4. tom. de Relig. lib. 10. cap. 12. num. 32. Alderete lib. 2. de Relig. discip. cap. 12. num. 6. Si verò confiteatur delictum, adhuc oportet, vt ratificet illud, cum confessio facta in tormentis fragilis sit, & incerta. Franciscus Aretinus in Pract. crimin. cap. 12. de confess. per torturam. Vbi etiam de tempore, quo faciendæ est hæc ratificatio, & quoties repetenda tortura, si noluerit ratificare, quod in illa confessus est.

18 Post quæ sententia definitiua à Iudice ferenda est contra Reum, & imponenda illi pœna, tum iure communi, tum iure particulari designata. Poterit autem Superior sententiam ferre vel in scriptis, vel viva voce, dum tamen ad illam audiendam, citetur Reus. Alderete lib. 1. cap. 17. num. 3. & 4. Ad quam etiam præcedere debet probationum legitima examinatio, an scilicet, plenè conuictus sit Reus, ita vt certò constet delictum ab ipso commissum; indicia an sint leuia, aut graua; delictum an sit contra bonum commune, an verò solum in damnum tertie personæ, aut solius delinquentis; persona delinquens an sit Prælati, contra Prælatos enim maior sæpè desideratur probatio, quàm contra alios, quia hi multorum calumnijs expositi sunt. Qualitates etiam testium, defensiones Rei, excusationes, exceptiones, & alia huiusmodi sedulè examinare debet Iudex, & ante omnia Deum exorare, vt mentem ipsius illuminet ad benè, iustè quæ iudicandum. De quibus Alderete lib. 1. de Religios. discipl. c. 18. & lib. 2. cap. 1. Thomas de Iesu de visitat. Regul. Tract. 3. cap. 14.

19 Loquendo autem de alio modo procedendi Iudicis Regula-

ris, scilicet per iuridicam denunciationem, sic est in illa procedendum. Primò enim denunciator culpam desert ad Superiorem. Est namq; denunciatio iuridica delatio alicuius criminis apud Iudicem competentem ad pœnam, vel correctionem inferendam delinquenti. Nauarrus *cap. nouit. de Iudic. notab. 5. num. 2.* Thomas Iesu de *Visitat. Regul. tract. 3. cap. 2. §. 3.* Debet autem prius denunciator fraternaliter correxisse, vel monuisse delinquentem, iuxta modum præscriptum à Christo Dom. Math. 18. qui conformis est legi Charitatis, ne scilicet fama proximi lædatur, eius delictum, prius publicando, quàm ipse sit monitus corrigi. Alderete *lib. 1. de Relig. discipl. cap. 5. §. 4.* Suarez *4. to. de Relig. lib. 10. cap. 12. nu. 36.* Si tamen sit spes emendationis, iuxta dicta supra *num. 2.* imò si post fraternam correctionem emendatio fratris secuta est, non debet denunciari. Quia iam cessat finis denunciationis. Suarez *ut supra num. 37.* Quando verò delictum est notòrium, non est necesse vt prius delinquens fraternè moneatur. Iuxta illud Apostoli 1. Timoth. 5. *Peccantes corâ omnibus argue.* S. Thomas 2. 2. q. 33. *art. 7.* Nauarrus de *Resitut. lib. 2. cap. 4. num. 64.* Nec tunc, aut vnquam, peccatum deferendum est ad Superiorem vt Iudicem, si vt Pater speratur remedium adhibere posse. Omnia enim cum charitate tentanda sunt, vt minori cum detrimento fratri subueniatur. S. Thomas 2. 2. q. 33. *art. 7.* & Thomistæ *ibidem*. Similiter vt aliquis denunciât alium iudicialiter, necessarium non est vt præcedat infamia. *Cap. Inquisitionis, & cap. qualiter, & quando.* Quia in via inquisitionis ideo requiritur infamia, vt suppleat vicem accusatoris, denunciator verò sustinet vicem accusatoris. Suarez *ut sup. nu. 35.* Si tamen præcedit infamia multò magis debent denunciari delicta. Thomas de Iesu de *visitat. Regul. tract. 1. c. 15.* vbi multa ad intentum. Vide etiam dicta supra *nu. 3.*

20 Denunciator, etsi non teneatur denunciare delictum, quod probare non potest, & per testes fide dignos iuxta dicta supra *n. 3.* tamen si vult, potest denunciare, nec tenetur probare delictum, quod denunciât. Quod rationi consentaneum est, tum ne plura crimina grauiâ in Religiosis maneant impunita, ex eò quòd nullus ea audeat denunciare, quia probare non possunt; tum quia in hoc differunt accusator, & denunciator, quòd ille tenetur probare delictum, non iste. Sorus *5. de Iust. & iure q. 4. ar. 3. & q. 5. art. 4.* Bannez 2. 2. *qu. 33. art. 8. dub. 3.* Vnde si non probet, non ideo multandus. Non enim suscipit supra se onus probandi, sed tantum præparat viam Iudici, vt ipse inquireat, & probet, quod secus est in accusatore. Thomas Iesu de *visitat. Regul. tract. 1. c. 16. n. 13.* Similiter denunciator potest esse testis, si aliunde non habeat aliud im-

impedimentum. Eò quòd non procurat vindictam delinquentis, sed correctionem. Nauarrus in *Man.c.25.n.33*. Sotus 5. de *Iust. q.6.ar.2.con.4*. Secus est de accusatore, neque enim ipse, aut eius cognati, & domestici possunt esse testes *c.1.2.4.q.4.l.3.testes*. Alderete *lib.2.de Discipl.c.3.n.19*.

21 Facta denunciatione, munus prudentis Iudicis erit diligenter expendere, tam personam denunciantis, quam denunciati, & an delictum sit prius fraternaliter correctum, an non, an publicum, an verò occultum. Si enim denunciator effect aliàs malignus, & pacis perturbator, aut denunciatus vir eximius, & probatæ per plures annos vitæ, non est admittenda denuntiatio. Ne malignis occasio calumniandi viros probos faciliè concedatur. Tho. de Iesu *de visit. Regul. tract. 1.c.17.n.1*. Nisi fortè tunc denūciās munus accusatoris, & sub pœna tallionis vellet subire. Rodrig. *10.2.q.6.ar.8*. Similiter si videat denunciatum non fuisse fraternaliter monitū, aut esto ita sit, faciliè per correctionem paternalem emendandum, illum corrigit, secretam aliquam poenitentiam illi imponendo. Quia regulariter denuntiatio iuridica inter Regulares admitti non debet, si per aliquod aliud emenda fratris speratur. Thom. de Iesu *ut sup.n.5. & 6*. Similiter quando delictum non est publicum, nec delinquens laborat infamia, non est iuridicè contra eum procedendum, sed vel occultè puniendus, si emendationem promittat, vel dimittendus si culpam non fateatur. Sotus *Relect. de legend. secret. memb.2.q.4.con.8*. Suarez *4.to.de Relig.lib.10.c.12.n.37. & 38*. Quàdo verò delictum est publicum, vel Reus laborat infamia, aut contra eum est semiplena probatio, vel indicia sufficientia, iuxta dicta supra à *nu.6*, admittenda est denuntiatio, & iuridicè contra Reum procedendum, eodem modo, quo diximus de inquisitione, speciali supra à *nu.4*.

22 Loquendo verò de tertio modo procedendi Iudicis Regularis, scilicet per accusationem, licet ille relegandus sit à Regularibus, ut pote, quòd Religiosorum paci, & tranquillitati videatur repugnare, ut proinde etiam in aliquibus Regnis non permittatur, eò vel maximè, quòd per denunciationem iuridicam suppleri possit (Thomas de Iesu *de visitat. Regul. tract. 1.c.4.nu.6*.) nihilominus casu, quo admittatur, (quia fieri potest sine iniustitia, ut si qui iniuriam passus est contra iniurantem agat ad iustam vindictam, & sine peccato contra charitatem, ut si non ex odio, sed vel ex affectu Religionis ne similes iniuriæ in ea introducantur, vel ex affectu resarciendi iustum honorem, vel nomen bonum fiat. Suarez *4.tom.de Relig.lib.10.c.12.nu.45*.) istæ còditiones ad illam requiruntur. Primò ut fiat in scriptis. Secundò, ut exprimatur dies

& annus, quo intentatur. Tertiò, nomen accusatoris, & accusati. Quartò, species delicti. Quintò, locus & etiam tempus, nempe annus, & mensis, quo delictum commissum est. Sextò, inscriptio accusantis. Colliguntur hæc ex *lege libellorum ff. de accusat.* Franciscus Aretinus in *Practica criminali de accusat. cap. 6.* Alderete *lib. 1. de Religiosa disciplina cap. 4.* Non tenetur tamen accusator exprimere in libello diem commissi delicti, ut expressè habetur in prædicta *leg. libellorum.* Quia alioquin potestas accusandi, & probandi nimis restringeretur, facile enim fieri potest, ut quis diei, vel etiã hebdomadæ sit oblitus. Quia non ita cadit sub sensum. Franciscus Aretinus *ubi supra.*

23 Accusator pòt crimen etiam occultũ deferre, neque tenetur ex iustitia secretũ præmittere correctionẽ, sed sufficit quòd possit probare delictum. Hoc enim interest inter accusationem & denunciationem, ut habetur in *ca. qualiter & quando de accusat.* Nauarrus in *Manual. cap. 18. nu. 30.* Lessius 2. *de Iustitia & iure c. 30. nu. 10.* Aliquando tamen esset contra charitatem nulla præmissa monitione accusare. Lessius *ut sup.* Alderete *lib. 1. de Religiosa disciplina cap. 4. nu. 6.*

24 Tenetur accusator probare delictum quod defert ad Iudicem. Ideo enim debet accusatio fieri in scriptis, ut constet, quid illi probandum. Franciscus Aretinus in *Pract. crimin. de accusat. cap. 5.* Thomas de Iesu *de visitat. Regul. tract. 1. cap. 4.* Nec potest esse testis in causa, in qua est accusator, in quo differt à denunciatore. *Cap. in omni negotio de testib.* Sotus *de secret. memb. 2. q. 4. & 5. de Iust. q. 6. ar. 2. concl. 4.* Nauarrus in *Rubric. de iudicijs num. 19.* Iurat de calumnia, scilicet, quòd non calumniandi animo delictum opponat. Alderete *lib. 1. de Relig. discipl. c. 4. nu. 13.* Vnde si repertus fuerit calumniator, idest, quòd falsa crimina obiecerit, punitur eadem pœna, qua puniendus esset accusatus, quæ vocatur pœna talionis. S. Thom. 2. 2. q. 68. ar. 4. Sotus *lib. 5. de Iust. q. 5. ar. 4.* Ut autem dicatur delictum probasse, & calumniatorem non esse, sufficit prædictum delictũ probauerit semiplenè, scilicet per famam, vel per vnum testem integrum, vel per alia indicia illis æquipolentia. Quia tunc iam tenetur Reus interrogatus à Iudice, si talis semiplena probatio illi intimata est, delictum confiteri, & puniri. Nauarr. in *Man. c. 25. tit. de pecc. Rei accusat. & inquis. n. 35. & seq.* Franciscus Aretinus in *Pract. crimin. de accusatione c. 5.* Sed nec etiam quando nec semiplenè probat delictum quod obiecit, punitur accusator, secundum consuetudinem, pari pœna talionis, sed solum minori pro arbitrio Iudicis, ne homines ab hoc actu accusandi omnino deterreantur. Aretinus *ut sup.* Alderete *lib. 2. de Relig.*

lig. discipl. cap. 23. nu. 5. Imò etiam ab hac pœna minori excusatur accusans, si probat, obiecisse crimen, eò quòd haberet iustam aliquam causam per quam crederet illud esse commissum, vel non ex malitia fecisse accusationem. Nam calumniator verus solum est, qui falsa crimina scienter intendit. Alderete *ut sup. nu. 9.* Aretinus etiam *ut sup. cap. 7.* Vbi etiam in additionibus, de aliquibus casibus in quibus accusator deficiens à probatione excusatur.

25 Repelluntur à munere accusatoris scœminæ, pupilli, & serui, & infames, ac inimici capitales, nisi quando agitur de proprio interesse, si arbitrio Iudicis taliter iudicabitur *l. quia accusare ff. de accusationib. cap. prohibentur, & Glossa in c. 1. de accusat.* Nauarr. lib. 5. *consil. tit. de accusatio. cons. 3. nu. 2.* Alderete lib. 1. *de Relig. discipl. c. 4. n. 7.* Item laici Clericum accusare non possunt, nisi suam, suorumque iniuriam prosequantur. Alderete *ibid.* qui etiam *nu. 9.* qualiter Iudex Regularis se gerere debeat cum externus aliquem Religiosum accusare voluerit. Et *nu. 13.* refert excommunicationem latæ sententiæ à Leone X. in favorem Ordinis Prædicatorum prolatam contra Religiosos, qui alios eiusdem Ordinis ex quavis causa conveniant coram Iudice externo, & etiam contra Iudicem, si talem conventionem admittat. Vide etiam Confessum in *Compend. Bullar. Leo. X. & tit. 6. cap. 1.*

26 Facta acufatione, & à Iudice Regulari acceptata, si acceptari debet, procedendum est in causa eodem fere modo quo diximus de denunciatione, & speciali inquisitione usque ad sententiam definitivam. Suarez 4. tom. *de Relig. lib. 10. cap. 12. num. 43.* Solum est advertendum, quod etiam diximus *cap. 18. nu. 16.* Prælatos Religionum ex privilegio Bonifacii VIII. non teneri in causis Religiosorum procedere, apicibus, & rimulis iuris servatis, sed secundum consuetudines approbatas, & generalia facta, & facienda Ordinis instituta. Quod ipse Pontifex exponit dicens: *Quòd licet Prælati omnes ad apices iuris ex supradicta Constitutione non teneantur, ut sunt citationum intervalla, dilationes interlocutorie, & cetera huiusmodi, quæ non sunt de essentia iuris, non tamen possunt in actis iudicialibus pro eorum arbitrio procedere, sed iure divino, ac naturali ad substantialem iuris ordinem tenentur.* Thomas de Iesu de *visitat. Regular. tract. 3. cap. 1.* Quo etiam sensu aliqui Pontifices in suis Decretis apposuerunt has particulas, *simpliciter, summarie, de plano, & sola veritate facti inspecta.* Quæ fere idem significât. Nam *simpliciter* denotat procedendum excludendo calumniatorias, & dolosas dilationes, inaneque exceptiones. *Summarie*, ut solum ea, quæ ad iudicis vim, & essentiam pertinent, adhibeantur. *De plano*, ut omissa solemnitate sedendi, vel etiam feriatis diebus, post-

positis vanis exceptionibus, tergiuersionibus, & appellationibus. *Sola veritate facti inspecta* denotat, vt solemnitates accidentales iuris reijciantur, seruatis solùm, quæ de iure naturali, diuino, & iure gentium, qualia sunt statuta Religionum, seruanda sunt. Alderete *lib. 1. de discipl. Relig. cap. 8.* Thomas de Iesu *de visitat. Regular. vt supra.*

27 Circa formulam, qua formanda sunt acta processuum Regularium vide Franciscum Aretinum in *Prætic. crimin. part. 3.* Alderete *de Relig. discipl. lib. 3.* Thom. de Iesu *de visit. Regul. tract. 3. à cap. 2.* Circa modum etiam, quo facienda est purgatio canonica, (licet iam his temporibus parum sit in vsu,) vide eundem Aretinum *vt supra & cap. 13. de purgation. Canonic.* & pro nostris Carmelitis *par. 3. Constitut. cap. 9.* Pro pœnis etiam triremium, exilij, &c. vide dicta *cap. 18. num. 16.* Pro pœna etiam carceris vide *c. 16. num. 9. 10.* Pro pœnis incontinentium, seu qui lapsi sunt in peccatum carnis vide *cap. 5. num. 16.* Sodomitarum, ibidem *à num. 11.* Eorum, qui fœminas sollicitant in Sacramento pœnitentiæ *c. 19. num. 33.* Qualiter etiam liceat, vel non liceat appellatio Regularibus *cap. 9. num. 4.*

Laus Deo Beatæq; Virg. Mariæ Carmelitarum
Patronæ.

INDEX RERVM

MAGIS NOTABILIVM.

Quæ in hoc opere continentur .

A



Abbatēs non possunt Ordinare sibi non subditos. c. 14. n. 13. Nisi dimissorias suorum Superiorum, & Specialem consensum Episcopi loci habuerint. Ibid.

Abbatēs aliqui Regulares primam tonsuram, & minores Ordines suis subditis conferunt. c. 18. n. 64. Cum certis conditionibus. ibid. n. 65.

Abbatissarum duplex genus. c. 26. n. 1. Illarum electio pertinet iure communi ad Monasterium. ibid. n. 2. In illa solum habent vocem Moniales professe. ibid. Non Conuersa. ibid. Quis in talium electione præsideat, & qualiter. ibid. & c. 25. à n. 45. Requiritur pro illis ætas 40. annor. & octo post professionē. c. 26. n. 3. Quid si in vno Monasterio non reperiatur talis. ibid. In Italia solum durant per triennium. ibid. n. 4. Vacare debent per triennium. ibid. An vidua, vel corrupta eligi possit. ibid. n. 5. An illegitima. n. 6. An bigama. ibid. n. 7. Possunt imponere Monialibus præcepta obligantia ad culpam. ibid. n. 8. Ea scilicet, quæ spectant ad bonum commune polytici Monasterij. ibid. n. 9. Etiam in virtute S. Obediēt. vel Spirit. sancti. ibid. n. 10. Nō tamen sub pœna ex-

communicationis, & c. ibidem n. 11. Possunt, & debent cogere Moniales ad obseruantiam Regulæ, & Constitutionum. ibid. n. 13. Concedere illis facultatem dandi, & accipiendi, sicut Prælati. ibid. n. 14. Nisi hoc sit illis specialiter prohibitum. ibid. An possint dispensare in aliquibus legibus Ecclesiasticis. ibid. num. 16. Nulla præfici potest duobus Monasterijs. ibid. nu. 19. Non possunt concedere Monialibus licentiā egrediendi à Monasterijs, nec ipsa exire. ibid. n. 20. An in aliquo casu exire possint. ibid. Vide verb. Moniales.

Absentes vocandi ad electiones c. 15. n. 8. Possunt de iure communi eligere per procuratorem. ibid. n. 9.

Absolvere possunt Prælati Regulares suos subditos à peccatis. c. 18. n. 25. Etiam à sibi reseruatis. ibid. nu. 28. Hæc tamen facultas regulariter debet delegari. Ibid. nu. 29. Possunt etiam illos absolvere à censuris Papæ reseruatis, quæ in iure sunt commissæ Episcopis. ibid. n. 30. Non ab illis, quæ sunt commissæ Episcopis, ut Legatis Sedis Apostol. saltem iure communi. ibid. Ac si sibi Papa reseruatis non possunt absolvere Prælati Regulares suos subditos, iure cōmuni. ibid. n. 31. Bene tamen ali-

I N D E X.

- a'liqui ipsorum ex priuilegijs . ibid. & n. 33. 34. & 35. Idem de censuris . ibid. n. 36. Probabiliter etiam de censuris ab homine latis . ibid. n. 37. Non à casibus , seu censuris Bulla Cane Domin. ibid. n. 38. Vide verb. Prælati.*
- Absoluentes à casibus in Bulla Cane Dom. contentis sunt excommunicati. c. 19. n. 43. Et excommunicatos à Canone, nisi in casibus iure expressis , vel excommunicatos per Statuta Prouincialia, aut Synodalia. Ibid. Absoluentes , vel Sacramenta ministrantes pro pretio, vel aliquid dantes, aut accipientes, pro leui pœnitentia iniungenda sunt symoniaci . ibid. n. 40. Vide verb. Confessarij Regulares , & verb. Confessarij pro Religiosis .*
- Accusatione quando procedit Iudex Regularis. c. 27. n. 22. Conditiones pro illa necessaria. ibid. Releganda à Religiosis. ibid. Vide verb. Iudex Regularis .*
- Accusator potest crimen etiam occultum deferre. c. 27. n. 23. An teneatur præmittere correctionem . ibid. Tenetur probare delictum . ibid. n. 24. Non potest esse testis in illa causa . ibid. Iurat de calumnia. ibid. Quid requiratur, ut dici possit probare delictum. ibid. Quomodo puniendus si non probet. ibid. Qui repellantur à munere Accusatoris . ibid. nu. 25. Vide verb. Denunciator.*
- Administratio bonorum Monasterij iure communi pertinet ad Prælatos. c. 18. n. 13. Expendentes autem in vanos, aut superfluos vsus sunt proprietarij. ibid. Tribus debet committi hac administratio, ex Decre-*
- tis Summ. Pontific. ibid. nu. 74. Hi tres tam impensi, quàm accepti singulis mensibus reddant rationem . ibid. n. 75.*
- Administratores bonorum Monialium cui debeant reddere rationem. c. 25. n. 45. Vide verb. Moniales.*
- Aduocati manus nequeunt exercere Religiosis, nisi, & c. c. 9. n. 12.*
- Aetas 16. annr. ad professionem requiritur. c. 2. nu. 10. Pro Nouitiatu necessaria includit diem superadditum in anno Bisextili. ibid. Pro professione, computanda à die natiuitatis extra vterum. ibid. Si professio est inualida ratione defectus atatis legitima non obligat adhuc ut votum simplex. ibid. n. 28. Aetas pro Prælati requisita. c. 18. nu. 5. Pro Abbatis, seu Prioris, c. 26. n. 3. Aetas pro Ordinibus suscipiendis. c. 14. n. 1.*
- Alienare bona Monasteriorum prohibitum est Regularibus sub excommunicatione , & alijs pœnis. c. 10. n. 1. Priuilegijs abrogatis. ibid. n. 2. Contractuum irritatio. ibid. Accipere pecunias ad cambium etiam prohibitum. ibid. n. 3. Qua sint bona alienari prohibita. ibid. n. 4. Casus, in quibus licita est alienatio. ibid.*
- Ambientes , seu procurantes pro se, vel pro alijs Officia in Religionibus, graues pœnas incurrunt. c. 15. n. 24. Possunt tamen Religiosi procurare quòd officia dentur dignis . ibid. Contra procurantes Officia, Gradus, &c. medijs fauoribus extraneorum. ibid. n. 27.*
- Annunciationis festo, si veniat triduo ante Pascha, aut dicenda Missa . c. 21. n. 18.*

An.

I N D E X.

Antistes nominandus in Can. Miffa quis fit. c. 21. n. 30.

Appellare à correctione Superiorum maximè prohibitum Religiofis. c. 9. n. 4. & 5. Nō folū ad Iudices Laicos, & non competentes, fed etiam ad alios. ibid. n. 6. In cafu tamen notabilis, & evidētis iniuria licita eſt appellatio ad Iudices competentes. ibid. n. 7. Suspenditur executio. ibid. Oportet in appellatione cauſā grauaminis exprimere. ibid.

Apoſtata eſt, qui diſcedit à Conuentu, vel Religione anima nunquam reuertendi. c. 16. n. 12. Varias pœnas incurrit. ibid. & n. 13. Cooperantes ad Apoſtaſiam non ſolū grauiter peccant, fed etiam tenentur ad damna inde ſequuta. ibid. n. 14. Apoſtatas detinētēs, occultātēs, & c. ſunt excommunicati. ibid. n. 15. Aprebēdi poſſiūt, et debēt Apoſtatas à Superioribus. ibid. n. 16. & 17. Imò ab Ordinarīis. ibid. Redcuntes benignè ſunt recipiēdi. ibid. n. 18. Quæ acquirunt in Apoſtaſia pertinent ad Religionem, niſi, & c. ibid. nu. 20. Ipſorum bona poſt mortem veniunt ad Cameram Apoſtolicam. ibid. n. 21. Vide verb. Fugere, & Eugiciuus.

Approbatio Confeſſariorum Regularium in vno Episcopatu non ſufficit pro alijs. c. 19. n. 4. Non eſt perpetua. num. 7. Poſeſt ex rationabili cauſa reſtringi, et limitari. ibid. n. 8. Non expirat per mortē cōcedentis. ibid. n. 10. Nec requirit quōdā detur in ſcriptis. Confeſſarij approbati ab ordinario nomine qui veniant. ibi. n. 19. Qui conſtitetur non approbatus qua pœna puniendus. ibid. n. 41. Vide verb. Confeſſarij Regulares,

& ver. Confeſſarij pro Religioſis. Arma tenentes Monachi intra ſeptā Monafterij ſine licentia Abbatum ſunt excommunicati. c. 9. n. 27. Secus habentes illa extra Monafteria. ibi. Aut venientes ad Monafteria cum illis. ibid. In ſtatu etiam Mediolanenſi illa habere ſub grauiffimis pœnis eſt prohibitum. ibid.

Aſſumpti ex Religionibus ad Cardinalatum, Episcopatum, vel Abbatiam, manent veri Religioſi. c. 17. n. 1. Nec ſoluuntur à Votis Obedientie, Paupertatis, & Caſtitatis. n. 2. Votum Obedientie ipſorum eſt ad Papam. n. 3. Quæ acquirūt poſt aſſumptionē, Eccleſiis, quibus præficiuntur acquirunt. n. 5. Poſſunt diſponere inter viuos de ſui Episcopatus redditibus, ſicut Episcopi ſaculares. n. 6. Non ſubiacent pœnis, aut cenſuris impoſitis in Religionibus. n. 7. Tenentur ſaltem ſecundū decentiam, & honeſtatem ad Obſeruātias Regulares, quæ nō impediunt munus, quod gerunt, & ad habendum ſocium ſui Ordinis. n. 8. Habitum verò Religionis tenentur ex præcepto portare. n. 9. Conformem tamen in forma, ſeu figura habitui aliorum Episcoporum. ibid. Probabile eſt non teneri Votis alijs ſolemnibus præter tria eſſentialia. n. 10. Nec tenentur ſoluere Officium Diuinum iuxta ritum ſue Religionis, ſed ſue Eccleſiæ. n. 11. Acquirunt ſuis Eccleſiis. n. 12. Quid verò dicendum ſit de Episcopis Titularibus. n. 13. Habentes ditiores ſupelleſtilem peccant magis, quàm Episcopi non Regulares. n. 17. Gaudēt aliquibus.

- bus Priuilegijs sua Religionis. nu. 18. Dispensant secum in aliquibus casibus. n. 19. Reuertentes ad suam Religionem inhabiles sunt ad Officia. n. 21. Possunt transire ad strictiorem Religionem. c. 22. n. 28. Sed cum licentia Papae. ibid.*
- Assumpti ad Pralaturā alterius Religionis tenentur Votis solemnibus sui Ordinis. c. 17. n. 15. Regula, & Obseruantijs ipsius, quatenus non contradicunt muneri, quod gerunt. ibid. Vbi etiam de alijs ipsorum obligationibus.*
- Assylogorum, seu Diuinatorum pena. c. 10. n. 27.*
- Attentio, seu Deuotio est necessaria ex praecepto recitantibus Officium Diuinum. c. 12. n. 11. Vide verb. Officium Diuinum.*
- B
- B** *Alnea ingredi prohibitum est Religiosis. c. 9. n. 24. Ex necessitate tamen id licet. ibid.*
- Banniti, decoctores, seu falliti non recipiendi à Regularibus. c. 10. n. 21.*
- Baptizare non licet Religiosis nisi in casu necessitatis, & de licentia Patroci. c. 9. n. 31.*
- Beguinas fontes Religiosi sunt excommunicati. c. 9. n. 30.*
- Benedicere Ecclesiastica ornamenta, qua possint Regularium Pralati. c. 18. n. 57. An Ecclesias, seu Oratoria benedicere possint. ibid. n. 59.*
- Benedicere Mensam non est praeceptum Religiosis iure communi. c. 9. n. 28. Id tamen omittere, peccatum est veniale. ibid.*
- Benedictio petēda est à superiore ante,*
- et post egressū à Monasterio. c. 16. n. 6.*
- Beneficia vacant per Professionem Religiosi. c. 2. n. 17. Non tamen propter illam redditur incapax Beneficiorum. ibid. De facto tamen ad id requiritur Papa licentia. ibid. & c. 16. n. 24. Reuertentes tamen ad Religionem Carmelite non possunt in Capitulis Generalibus, aut Prouincialibus admitti, aut habere aliquod Officium sine licentia Generalis. ibid. Beneficium, quod habet Nouitius non debet prouideri ante transactum Nouitiatum. c. 24. n. 37.*
- Bigama an eligi possit in Abbatissam. c. 26. n. 7.*
- Bona Religiosi, qui propter fraudem, dolum, & cupiditatē Pralati emisit Professionem, non pertinent ad Monasterium, sed ad haeredes. c. 2. n. 19. Bona acquisita à Religiosis particularibus, non ab ipsis, sed ab Officialibus Monasteriorum debēt recipi, possideri, & expēdi. c. 6. n. 25. Bona acquisita à Religiosis ex illicita negatione, aut contra Sacros Canones post eorum mortem pertinent ad Cameram Apostolicam. c. 10. n. 5. Qua sint talia bona. ibid. Bona Regularium extra clausura degentium post ipsorum mortem pertinent etiam ad Cameram Apostolicam. c. 16. n. 31. Bona Religiosorum assumptorum ex Religionibus pertinet iure communi ad Ecclesias post ipsorum mortem. c. 17. n. 12. Qua acquisierunt ante assumptionem pertinent ad Religionem. ibid. n. 14. Bona stabilia prohibita Regularibus etiam de licentia Superiorum. c. 6. n. 19. & c. 18. n. 71.*

Bona incerta Nouitiorum . c. 24. n. 39. Bona Monialium derelicta . c. 25. n. 48.
Breuia Sacra Pœnitentiaria aperire an possint Confessarij non graduati. c. 19. n. 38.
Bulla Cena Domini apud Confessarios retinenda. c. 19. n. 44.

C

C *Ampanam pulsare non possunt Regulares Sabbatho Sancto ante Cathedralē, vel Matricem Ecclesiam. c. 9. n. 45. Secus alijs diebus. ibid.*
Canonica portio Parochialis non soluitur à Religiosis . c. 3. n. 12. Nec hoc priuilegium abrogatur à Concil. Trid. nisi quoad ea Monasteria, quæ ante annos 40. soluebant. ibid. Et solum de illis, quæ afferuntur cum corpore defuncti. ibid.
Cappellani Religiosi etiam Sedis Apostolicæ manent subiecti eorum Superioribus . c. 17. n. 20. Cappellani Monialium. c. 25. n. 40. De quo debeant dicere Missam. ibid. n. 43.
Carcerem habere debent Monasteria Regularium. c. 9. n. 41. & tota Provincia. c. 23. n. 3.
Cardinales Religiosi. Vide verbo Assumpti ex Religionibus.
Carnes comedere feria 6. & Sabbatho, casu quæ Natalis Domini his diebus incidit. prohibitum Regularibus. c. 7. n. 27. An verò oppositum facientes peccent contra ius commune, an solum contra Regulam. ibid. Carmelita autem carnes comedentes feria 4. aut Sabbatho, in quibus Natalis Domini occur-

rerit, non ideo perdunt priuilegium Bullæ Sabbathina. ibid.

Cartusiani laudabiliter à carnibus abstinent, etiam cum periculo vitæ. c. 8. num. 19. In casu tamen quo sit alius cibus quo uti possint. ibi. Non tamen tenentur tunc ab illis abstinere. ibid. Vide verbo Transitus Religiosi.

Castitas Religiosa irritat Matrimonium sequens, etsi consummetur. c. 5. n. 1. Qui post illam contrahit est irregularis. ibid. n. 2. Per eam tenetur Religiosus abstinere ab omni actu venereo, siue interno, siue externo. ibid. n. 3. & 6.

Ceremonialis, seu Ritualis obseruantia. c. 8. nu. 32. Quale peccatum sit transgressio illius. ibid. Specialiter de Ceremoniali Carmelitarum. ibid.

Cella unica Religioso assignanda, & quali suppellectili. c. 18. n. 77. Etiam Superioribus. ibid.

Chirurgia artem cum incisione, vel adustione non possunt exercere Religiosi. c. 9. n. 15. Etiam pietatis causa. ibidem. Id facientes secuta morte sunt in regulares. ibid. Exercere etiam prædictam artem sine incisione, & adustione probabilius est non posse. ibid.

Choro assistere debent omnes. cap. 10. n. 20. In ipso psallere horas Canonicas tenentur Regulares. c. 12. n. 9. Ad Chorum deputatus potest transire ad Ordinem Laicorum. cap. 22. n. 25. Omnes, etiam Superiores, & Graduati tenentur Choro interesse. c. 18. n. 70. Cum quibus dispensari potest. ibid.

Clausura aliqua tenentur omnes Reli-

- ligiosi. c. 16 n. 1. Confistit in duobus, in non egrediendo de Monasterio sine licentia, & in non apostatando. ibid. Potest Religiosus ex legitima licentia viuere extra claustra, retento habitu. ibid. n. 23. Conceditur tamen solum a Sede Apostolica. ibidem. Etiā propter necessitatem paritū. ibid. n. 25. Et propter obsequiū alicuius loci, vel personę ibid. n. 33. Qualiter predictos possint corrigere & reuocare Prælatus Religionū, & quod sine ipsorum licentia non possint id munus habere. ibid.*
- Glamorosa insinuatio quid sit. c. 27. num. 6.*
- Comam nutrire an permissum Monialibus. c. 25. n. 50.*
- Comadys, & similibus spectaculis assistere nō licet Religiosis, nisi quando sunt de rebus honestis, & seclusis alijs prauis circūstantijs. c. 10. n. 7.*
- Comparere in Iudicio nequeant Religiosi sine licentia Superiorum. c. 9. n. 11. Etiam pro iniuria sibi illata in persona, bonore, &c. ibid. Secus quando Superior multum distat, aut si agant contra Religionem in casibus licitis. ibid.*
- Confessurij Regulares. c. 19. Requiritur pro illis presentatio, & approbatio Episcoporum ad audiendas Confessiones secularium. ibid. n. 2. Nec sufficit ad hoc consensus Parochi. ibid. Nec requiritur, si facultas concessa est independenter ab ipso. ibid. In locis alienis possunt subditos Diœcesis, ubi sūt approbati, audire, nisi illi mutauerint domicilium. ibid. n. 6. Approbati ab uno Episcopo possunt a Successore iterum examinari, & approbari, non tamen ab eodem. ibid. n. 7. Non possunt suspendi ab audiendis Confessionibus nisi ex noua causa, eaque ad Confessiones pertinente, aut ob non seruatum interdictum. ibidem n. 9. Nec possunt simul omnes Cōfessarij unius Conuentus priuari. ibid. Aliqui etiam Cōfessarij Regulares possunt in Diœcesi ubi sunt approbati audire Confessiones omnium secularium quarumcumque Diœcesum. ibid. n. 11. Audire tamen Confessiones aliorum Regularium non possunt nisi cum licentia. ibid. Si audiant Confessiones contra voluntatem suorum Superiorum peccant, licet validè absoluant. ibidem n. 12. Publicè excommunicati, vel suspensi neque licitè, neque validè absolunt; occulti tamen validè. ibidem n. 13. Absolunt ab omnibus non reseruatis. ibid. n. 14. Et omni excommunicatione minori. ibid. Et omni etiam maiori non reseruata. ibid. Numquam tamen dispensant in irregularitate aliqua, nisi ad id habeant speciale priuilegium. ibid. A casibus, seu censuris Papę, aut Sedi Apostolicę reseruatis poterant olim aliqui Confessores Regulares, propter specialia priuilegia, absolvere. ibid. 15. Nunc autem non ita, nisi extra Italiam, & in Vrbe. ibid. & n. 16. In Italia verò extra Vrbem limitata sunt talia priuilegia. ibid. A casibus autem in Bulla Cana Dom. cōtētis, nec intra, nec extra Italiam absolvere possunt. ibid. & n. 17. Idem de casibus Episcopalis. ibid. Virtute Bullę Cruciatę, ubi viget, absolvere possunt iuxta tenorem ipsius. ibi. n. 18.*

I N D E X.

- n. 18. Sed non ab aliqua irregula-
ritate, licet aliqui oppositū sentiāt.
Ibid. Delēt etiam absoluerē Peni-
tentes à casibus referuatis si id pos-
sunt, nisi fortē, &c. ibid. n. 21. An
possint absoluerē Plenariē Religio-
sos sui Ordinis semel in vita. ibid.
n. 27. An in articulo mortis. ibidem
num. 28. Dubitans an sit idoneus
ad audiendum Confessiones, Supe-
rioris praecepto excusatur, nisi certū
sciat se indignum. ibid. n. 30. Qui in
Domibus laicorum Confessiones
audiunt, Parochum admonere ten-
entur, & relinquere fidem pro
medico. ibid. n. 31. & 32. Non pos-
sunt audire Confessiones in aedibus
alienis, nisi, &c. ibid. n. 32. Quali-
ter id faciendum. ibid. Confessarij
delinquentes in Confessione quali-
ter, & à quibus puniendi. ibid. n. 33,
34. & 35. Confessarij secretum de-
tegentes qua pena puniendi. c. 19.
num. 42.
- Confessarij pro Religiosis à Pralatis
designandi. c. 18. n. 29. & c. 19. n. 36.
Quo numero designandi. ibid. Quid
de Casibus referuatis. ibid. & n. 37.
Non requiritur pro illis approba-
tio Episcoporum. c. 18. n. 27.
- Confessarij Monialium. cap. 25. n. 40.
An absoluant à referuatis. nu. 42.
A quo approbandi, & quomodo, &
etiam amouendi. ibid. n. 45. & 46.
- Confessione in principio Missae nihil
addendum. c. 21. n. 33.
- Confirmator Electionum. Vide verb.
Electiones.
- Confiteri semel in Mense creditur es-
se obligationem Monachorum. c. 9.
num. 22.
- Concionatores Regulares nequeunt
pradicare sine licentia suorum Su-
periorum. c. 20. n. 1. Ad pradicand-
um in Ecclesijs, quae suorum Or-
dinum sunt, requiritur etiam be-
nedictio Ordinarij; ad pradicand-
um verò extra suas Ecclesias ul-
terius exigitur illius licentia. ibid.
n. 2. An si in hoc deficiant, punien-
di sint ab Episcopis. nu. 3. An ali-
quando sufficiat licentia Parochi.
n. 4. Licitum est etiam pradicare
in plateis, & locis publicis. ibi. n. 5.
Etiam sine licentia Episcopi, dum-
modo non contradicat. ibid. Etiam
pradicante Episcopo, & non con-
tradiciente. ibid. n. 6. An semel pra-
sentati, & approbati possint iterum
ad id compelli. ibid. nu. 7. Pradicantes
errores, aut scandala quomodo
puniendi. ibid. n. 9. A quibus abstinere
debeant in Concionibus. ibid.
n. 10. Quomodo concionandum. ibi-
dem. n. 11. Qualiter de Conceptione
B.V. ibid. n. 12. Qualiter de Princi-
legio Scapularis B.V.M. de Monte
Carmelo. ibid. n. 13. Concionantes
in peccato qualiter peccent. c. 20.
n. 15. Qualiter possint, aut non
commendare pauperes, pradicare
Indulgentias, miracula, & de
quibus Euangelij pradicandum.
num. 17.
- Concionatores Monialium. cap. 25.
num. 40.
- Conseruatores Iudices eligere possunt
Religiosi, cum certis tamen condi-
tionibus. c. 3. n. 11.
- Consecrare Calices, aut Patenas non
possunt Pralati Regulares. cap. 18.
n. 58. An Altaria, vel Ecclesias. ibi.
num. 59.
- Constitutiones Religionum comparatur

I N D E X.

tur cum Regula, sicut in naturalibus forma accidentales cum substantiali. cap. 8. num. 1. Differunt à Regula, & in quo differant. ibidem nu. 2. Possunt obligare ad culpam. ibid. n. 3. Constitutiones Generales regulariter solum à Generali cum Capitulo Generali fieri possunt. ibid. Vt obligent in conscientia debent esse de rebus concernentibus explicitè, vel implicitè Regulam. ibid. nu. 4. 5. & 7. Obligatio observandi illas aliquando est sub mortali, aliquando sub veniali, aliquando sub nulla culpa, sed solum sub pœna. ibid. nu. 8. Quando sunt de rebus aliis iure Divino, vel naturali præceptis, aut prohibitis, transgressio illarum erit, qualis fuerit transgressio talium præceptorum. ibid. n. 9. Quando fuerint de rebus directè spectantibus ad Vota essentialia Religionis illarum transgressio erit mortalis, nisi parvas materias solum inducat veniale. ibid. Etiam quando obligant solum ad pœnam possunt dici obligare indirectè ad culpam. ibid. n. 10. Quando ponuntur in virtute Sanctæ Obedientie, sub pœna Excommunicationis, vel simili modo obligant ad mortale. ibid. num. 11. 13. 14. & 15. Nisi res qua præcipitur, aut prohibetur sit evidenter levis. ibid. nu. 12. & 13. Similiter quando ponuntur sub pœna mortis, mutilationis membri, trivium, carceris perpetui, & similia, credendum est transgressionem esse mortalem. ibid. num. 16. Consuetudo transgrediendi illas, quæ non obligant ad mortale ex se

non est peccatum mortale. ibidem n. 18. Per accidens tamen potest esse mortale. ibid. Constitutiones non obligant, quando sunt impeditivæ caritatis. ibid. num. 19. Nec cum metu, aut probabili periculo mortis. ibid. Nec quando observantia earum repugnat bono communi. ibid. num. 20. Constitutiones auctoritate Papæ confirmatæ nequeunt mutari à Religionibus, nisi quando. &c. ibid. num. 22. Ad hoc quod obligent, requiritur ipsarum promulgatio. ibid. num. 27. Obligantur etiam supremi Superiores Religionum ad illas. cap. 18. num. 11. Etiam quoad vim coactivam. ibid. Consuetudo legitime præscripta, & cum debitis circumstantiis habet vim legis, & potest abrogare contrariam. c. 8. n. 24. Confraternitates Religionum quomodo, & quibus conditionibus instituendæ cap. 18. num. 88. Gratia, seu Indulgentia ipsis concessa. ibidem num. 89. Cōfratres qualiter absolvendi à Confessarijs cap. 19. num. 20. Contemptus quid sit. cap. 8. num. 17. Non consistit in malitia, indignatione, prava consuetudine, &c. ibid. Sed in eo quod quis violet legem, aut præceptum quia non vult subjici ipsi, aut Superiori. ibid. Transgredi quamcumque legem, aut præceptum ex contemptu est peccatum mortale. ibid. Corrigere subditos pertinet ad Praelatos. c. 18. num. 15. Id omittentes facile peccant mortaliter. ibid. Quandoque etiam si peccata subditorum solum sint venialia. ibid. Hæc correctio

*rectio maximè facienda tempore
uifitationis. c. 27. n. 1.*

*Credo quando dicendum in Miffis
votiuus. c. 21. n. 27.*

*Criminofi ad Ecclefias Regularium
confugientes, qui tradendi, vel non,
Curie feculari. c. 18. n. 83.*

*Curati Regulares tenentur interefle
cum alijs Curatis Congregationi
cafuum conscientia. c. 19. n. 44.*

*Curias Principum adire prohibitum
Monachis, aut Canonicis Regula-
ribus abfque licentia fuorum Supe-
riorum. c. 9. n. 33. Imò, fi ut infe-
rant damnum fuis Pralatis excõ-
municationem incurrunt. ibid. Se-
cus fi animo nocendi priuato Reli-
giofo, aut alijs alterius Ordinis. ibid.*

D

D *Amnati ad trirèmes. c. 16. n. 32.
Dantes, fiue accipientes ex pa-
cto pecunias, epulas, &c. pro in-
greflu Monafterij funt excommu-
nicati. c. 9. nu. 37. Vide verbo Si-
monia.*

*Debita contracta à Nouitijs ante pro-
feffionem an foluenda à Monafte-
rio. c. 24. n. 38. Debita perfonis in-
certis quibus foluenda. ibid. n. 39.
Debita contracta à Profeflo ex li-
centia Superiorum debent folui à
Monafterio. c. 2. n. 18. Idem dico fi
fuerunt ipfi utilia. ibid. Orta verò
ex delicto Religiofi non debent folui
à Monafterio, nifi in illud confen-
ferit, vel inde aliquod emolumentum
habuerit. ibid.*

*Decimarum folutio. c. 3. n. 15. Religio-
fi illas ufurpantes funt excommu-
nicati. c. 9. n. 33. Et, fi ab illis fol-*

*uendis alios retrabant. ibid. n. 26.
Et, fi fcienter confitentibus confei-
tiam non faciunt de ipsis foluendis,
fufpenduntur. ibid.*

*Decreta de Celebr. Miffar. & de Apo-
ftatis, & Eieclis debent legi à Regu-
laribus falte bis in anno. c. 10. n. 25.*

*Defunctorum corpora quomodo effe-
renda, aut leuanda à Regularibus.
c. 10. n. 18.*

*Delegare poffunt Pralati Regulares
aliquas facultates fibi conceffas in
priuilegijs Pontificum, nifi oppofi-
tum in illis, aut qlibi declaretur.
c. 18. n. 4.*

*Delinquens extra Clauflra Religio-
fus, Epifcopo inftante, à fuo Supe-
riore punitur. c. 16. n. 26. Qualiter
hoc faciendum ex Decreto Clem.
VIII. ibid. Quid circa hoc permit-
tatur Epifcopo. ibid. n. 27.*

*Dementia, qua omnino mentem pri-
uati profpeffionem irritat. c. 2. n. 24.*

*Denunciatione quando procedit iudex
Regularis. c. 27. n. 1. Eft duplex,
alia Euangelica, alia iuridica. ibid.
Quid fit utraque. ibid. Quomodo in
illa procedendum. ibid. n. 19. Ad il-
lam non praequiritur infamia.
ibid. Non femper admittenda. ibid.
n. 21. Quid in illa faciendũ. ibi. n. 26.*

*Denunciator culpam deferre debet ad
Superiorem. c. 27. n. 19. Pramiffa
correclione fraterna. ibid. Et prius
ad ipfum ut Patrem, quam ut Iu-
dicem, fi fperatur remedium. ibid.
An teneatur probare delictum. ibid.
Differentia inter ipfum, & Accu-
fatore. ibid. Vide verb. Accufator.
Depofita habere an liceat Religiofis.
c. 6. n. 23.*

*Defcendentes ex genere infecto Hebræo-
rum,*

D d rum,

I N D E X.

- rum, Sarracenorum, &c. possunt de iure communi admitti in Religionibus. c. 24. n. 25.*
- Dies festi ab Episcopo designati seruati à Regularibus. c. 9. n. 46. Qualiter id faciendum. ibid.*
- Dispensare possunt Prælati in Regule Obseruantijs. c. 7. nu. 29. & c. 18. n. 54. Ad hoc requiritur iusta causa. c. 7. n. 29. Etiam in Constitutionibus quoad aliquos casus. c. 8. n. 23. & c. 18. n. 54. Aliqui etiam Prælati dispensare possunt in irregularitatibus quibusdam. c. 18. n. 40. Quæ in hoc consideranda. ibid. n. 41. & 42. Et in aliquibus pœnis priuationis, inhabilitatis, &c. ibid. 46. Quid de præceptis Ecclesiasticis. ibid. n. 55. An cum illegitimis. ibid. à n. 60. Vide verbo Prælati.*
- Dispensare an possint Cōfessarij Regulares in votis secularium. c. 19. nu. 22. & 24. Aut cum coniugibus incestuosus ad petitionem debiti. n. 25. & 26. Vide verb. Confessarij Regulares.*
- Dominium quid sit. c. 6. n. 2. Eo priuatur Religiosus per paupertatē. ibid. Non bonorum spiritualium, sed temporalium ibid. n. 4. Neque iuriū spiritualium, aut quarumdam rerū pretio non estimabilium. ibid. Neque bonorum temporalium in communi. ibid. n. 5.*
- Donare an possint Religiosi. c. 6. à nu. 46. Quales, & quomodo, donationes possunt facere Nouitij. c. 24. à n. 32.*
- possint ab Episcopis. c. 11. n. 7. Quid in illis possint Regulares ipsi. c. 12. n. 41. Quæ in illis non permittenda. c. 21. n. 34.*
- Egrediens Religiosus è Monasterio sine licentia Superioris grauer peccat. c. 16. nu. 2. Sapius mortaliter. ibid. Maxime egressu nocturno. ibid. n. 3. Non sufficit licentia generalis. ibid. n. 5. Requiritur regulariter explicita, licet in aliquibus casibus sufficiat implicita. ibid. n. 4. Propter talem recessum non est iure communi imposita censura. ibid. n. 11. Vide verb. Apostata, & verb. Fugitiuus.*
- Eijci, seu expelli possunt ob incorrigibilitatem ab Ordine. c. 23. n. 1. Qui censeantur incorrigibiles. ibid. n. 2. & 3. A quo eijciendi. ibid. n. 3. & 5. Solum propter incorrigibilitatem. ibid. n. 4. Aliter eieciti compelli possunt Monasterium ad receptionem. ibid. n. 6. A Prælati quarendi. ibid. n. 7. Subsunt Ordinarijs. ibid. n. 8. Sūt perpetuò suspensi. ibid. Plenè correcti cogere possunt Religionem ad sui receptionem. ibid. nu. 9. Non tenentur redeuntes facere nouam Professionem. ibid. Tempore, quo manent eieciti non possunt ad aequalē seu laxiorem Religionem transire sine licentia Superiorum. ibid. n. 10. Manent verè Religiosi, & cum onere trium votorum. ibid. n. 11. 12. & 14. Non tenentur transire ad aliā Religionem. ibid. n. 13. Nec possunt testari. n. 14. Nec facere superfluas expensas, aut magnas donationes. ibid. Acquirūt Religioni unde sunt eieciti. ibid. n. 15. Bonā ipsorum post mortem ad quos pertinent.*

E

E Brioforum pœna. c. 9. n. 38.
Ecclesia Regularis, quæ visitari

I N D E X.

neant. *ibid.* n. 16. An teneantur ad obseruantias Regulares, & alia vota vltra essentialia. *ibid.* n. 17. Quid de Habitu, & Officio Diuino recitando. *ibid.* Non possunt Confessiones audire, predicare, aut docere. *ibid.* n. 18. An sint infames, & irregulares. *ibid.* Non tenetur Religio providere illis de necessarijs. *ibid.* n. 19. Litera dimissoria quomodo illis concedenda. *ibid.* n. 20. Moniales expelli an possint. c. 25. n. 17.

Electores. Vide verbo Electiones.

Electiones Prælatorum Regularium ad Regulares ipsos spectant respectu. c. 15. nu. 1. Eligentes Prælatum debent esse Professi. *ibid.* nu. 2. Sufficit Professio tacita. *ibid.* Conuersi, siue Laici de iure communi non habent vocem in electionibus. *ibid.* n. 3. Nec qui non sunt constituti in Sacris Ordinibus. *ibid.* n. 4. Debent electores liberi esse à censura, priuatione, seu impedimento Canonico. *ibid.* n. 5. Quando est dubium, quòd aliqui ex electoribus habeant impedimentum, possunt admitti cū protestatione talis dubij. *ibid.* nu. 7. Vocandi sunt ad electiones præsentēs, & absentes, qui possunt, debent, & volunt interesse. *ibid.* n. 8. Absens de iure communi potest creare procuratorem ad eligendum. *ibid.* n. 9. Sufficit maior pars ad electionem. *ibid.* n. 10. Hæc verò maior pars sumenda est respectu totius corporis Capituli. *ibid.* Electiones factæ per modum scrutinij, compromissi, & inspirationis sunt iure cōmuni valide. *ibid.* n. 11. Debet eligi dignior sub reatu peccati mortalis. *ibid.* nu. 12. In foro tamen exteriori sufficit

electio digni. *ibid.* Debent Electores iurare se electuros digniorem. *ibid.* n. 13. Eligentes indignum, non solum peccant mortaliter, sed incidunt in censuram suspensionis. *ibid.* n. 14. Intelligitur de indigno, qui alia scientia, quam per Sacramentalem Confessionem cognoscitur talis. *ibid.* In nullo casu licet eligere indignum. *ibid.* Nec peccatorem publicum. *ibid.* n. 15. Benè tamen peccatorem occultum. *ibid.* Electio Canonica facienda in loco sacro. *ibid.* n. 19. Et de die, nisi consuetudinis, seu necessitatis ratione. *ibid.* Omnes capitulares nemine discrepante possunt admittere ad eligendum vñd cum eis aliquem extraneum. *ibid.* n. 20. In quacunque electione necessaria est confirmatio Superioris. *ibid.* n. 35. Confirmanda est à proximo Superiori. *ibid.* n. 36. Qualiter se debeat gerere tam electus, quam Confirmator. *ibid.* Eligentes aliquem unanimi consensu ad aliquod Officium non possunt se postea electioni opponere. *ibid.* n. 37. *Vide verbo Prælati, & verbo Simonia.*

Electionibus Præpositarum Monialium quis assistere, aut præsidere debeat. c. 25. n. 45. & 46. *Vide verbo Moniales.*

Eleemosinas à Pœnitentibus liberaliter datas Confessarijs licet accipere. c. 19. nu. 39. Insurgere autem eleemosinas pro Pœnitentia, non ita. *ibid.*

Elias, & Eliseus Monasticam amplectati. c. 1. n. 2.

Episcopi sunt Prælati Religiosorum, & Monialium non exemptorum,

D d 2

& ita

I N D E X.

Et ita illis tenentur obedire. c. 11.
 n. 1. Secus de Religiosis exemptis.
 ibid. n. 2. Nō obstante tamen exemptione tenentur Religiosi reuereri,
 & honorare Episcopos. ibid. nu. 3.
 Non possunt particulares Religiosi renuntiare huic Priuilegio. ibi. n. 3.
 Possunt ab illis absolui, & dispensari quoad censuras, & irregularitates Episcopis reseruatas. ibid. nu. 6.
 Possunt etiam Episcopi visitare Ecclesias Parochiales Regularium. ibid. n. 7. Punire Regularem extra Monasterium degentem. ibid. nu. 8.
 Et iudicare illum in ciuilibus causis mercedum, & miserabilium personarum. ibid. n. 10. Cogere Abbates ad habendum lectionem S. Scripturæ, ubi commodè haberi potest. ibid. n. 11. Procedere per censuras contra Religiosos dantes, vel accipientes aliquid pro ingressu Nouitiorum. ibid. n. 12. Non tamen possunt per censuras procedere contra Regulares, nisi in casibus, in quibus hoc illis conceditur. ibid. n. 14. Neque declarare excommunicatum, Religiosum, nisi hoc illis sit specialiter cōcessum. ibid. n. 15. Neque cogere ut assistant Synodis Diocesanis, nisi Regulares curam animarum habentes. ibid. n. 20. Possunt tamen coniugem inualidè professum de Monasterio extrahere. ibid. n. 22. Absoluunt Regulares quando illos ordinant à censuris. c. 14. n. 22. Non possunt admitti ad Religionem sine licentia Papæ. c. 24. n. 11. Vide verbo Assumpti ex Religionibus.
 Episcopatus est status perfectior Monachismo. c. 1. n. 1. & c. 17. n. 22. Sed non propterea licitè desideratur

(regulariter loquendo) à Religioso. ibid. Episcopatu indignus illum appetens grauissimè peccat. ibid. Qui propter finem bonum, & spiritualem, etiā peccat, & sæpè mortaliter. ibid. In casu tamen necessitatis Ecclesia licitè desideratur Episcopatus à dignis. ibid.
 Eucharistia Sacramentū ministrare sine Parochi licentia prohibitū est Religiosis sub excommunicationis pœna. c. 9. n. 31. Benè tamen ex Priuilegio, excepto die Paschatis. c. 21. n. 8. Quaaliter hoc intelligendum. ibid.
 Euntes Religiosi extrā mare sine licentia Superiorum ad partes, in quibus pauci fideles reperiuntur, sunt excommunicati. c. 9. n. 32.
 Examinatores pro Prædicatoribus, Confessoribus, & Lectoribus quādo eligendi. c. 10. n. 20. & c. 18. n. 79.
 Extremam unctionem ministrare sine Parochi licentia prohibitum est Religiosis sub pœna excommunicationis. c. 9. n. 31. & c. 21. n. 10.

F

Fabulas, facetias, aut simile prædicantes regulariter peccant saltem venialiter. c. 20. n. 16.
 Familiares Regularium. c. 21. n. 10.
 Feria quinta, & sexta Maioris Hebdomada an celebrari possit. c. 21. n. 18.
 Fideiussores nequeūt esse Religiosi, nisi de licentia Prælati, & maioris partis Capituli. c. 9. n. 18. Et cū utilitate Monasterij. ibid. Vnde fideiussio Religiosi illicita, & nulla est. ibid.
 Filij an possint ingredi Religionē Parentibus in extrema, aut graui necessitate existētib. c. 24. n. 40. Quid possint facere iam Profess. ibid.

Fa.

Fœmine non possunt permitti ingredi Monasteria virorum sub multis pœnis c. 10. n. 9. & 13. Puella tamen paruula permitti possunt. ibid. n. 10. Imperatrices etiam, & Regina. ibid. Secus de Fundatricibus Monasteriorum dici debet. Ibid. Causa etiam infirmitatis solum per fœminam curanda potest admitti. ibid. Nomine Monasterij, in quod fœminis ingressus interdicitur, intelliguntur ea, quæ sunt intra septa Monasterij. c. 10. n. 11. Nō prædia, domus, borti, aut alia separata à Monasterijs. ibid. Secus verò borti, & viridaria, quæ sunt in ipso Monasterio. ibid. Licitus etiam est ingressus illarum in claustra quorundam Religiosorum, quando in eis celebrantur Missæ, & alia Officia diuina. ibid. n. 12.

Formula, qua formandi sunt processus Regularium. c. 27. n. 27.

Fornicantium poena. c. 5. n. 16.

Foro conscientie, quid intelligatur in Priuilegijs. c. 18. n. 45.

Fugere licitè potest Religiosus ex Conuentu, si certò constet illum iniuste vexari à Superiore. c. 16. n. 8. Secus si in poenam alicuius delicti detinetur in carcere. ibid. n. 9. Etiam perpetuo. ibid. n. 10. Nisi quando constaret poenam illam esse iniustam. ibid. n. 9. Aut si poena capitis, aut abscissionis membri illi immineret. ibid. Damnatus etiam ad triremes potest fugere ad Superiorem veniam petiturus. ibid. n. 10.

Fugitiuus dicitur ille Religiosus, qui egreditur à Monasterio sine licentia cum animo reuertendi. c. 16. n. 7. Etiam si hoc faciat sine habitu. ibid.

Fur Religiosus perpetuò deponitur. c. 9. n. 43. Non tamen propterea eijcitur his temporibus à Religione. ibid. Furiosi nō admittendi ad Religionem. c. 24. n. 18. Qui tales sint cœdendi. ibi. Futurorum enunciatio prohibita Cœnatoribus. c. 20. n. 10. Maxime de aduētu Antiebristi, & die iudicij. ibi.

G

G Abellæ, aut similes contributiones non soluunt Mendicantes. c. 3. n. 14.

Generales Religionum tenentur ex vi Obedientie obsequere Papæ. c. 4. n. 33. Eo ipso quo sunt electi, sunt confirmati, saltem in aliquibus Religionibus. c. 15. n. 35. An possint eximere aliquem Religiosum ab Obedientia Superioris immediati. c. 18. nu. 23. Non possunt fundare, erigere, seu diuidere Prouincias. ibid. n. 24. Vide verb. Prælati.

Gloria in excelsis quando dicenda, vel non in Missis votiujs. c. 21. n. 27.

Gradus Doctoratus maxime cōcedendi studentibus linguarū. c. 18. n. 84.

Graduati etiam in Theologia, vel Lectores debent ab Episcopis approbationem obtinere ad audiendas Confessiones. c. 19. n. 6. Tenentur squi Ghorum. c. 18. n. 70. Graduati an debeant esse Confessores, ut aperiant Breuia S. Penitentiaria. c. 19. n. 13.

Grangie Monasteriorum an possint habere Oratoria, ubi Missæ celebrentur. c. 21. n. 15.

Gratie, & Indulgentia S. Mariæ de Populo de Vrbe quomodo prædicanda. c. 20. n. 9.

Gratuati debitis, & ratiocinijs nō possunt recipi ad Religionem. c. 24. n. 17.

H

Habitum proprium temerè dimittētes Religiosi sunt excommunicati. c.9. n.1. & c.13. n.2. Cōprehēdit hac excommunicatio etiam modernos Religiosos. c.13. n.2. Non comprehendit illos, qui iusta, & honesta causa illum dimittunt. ibid. Nec qui ex ignorantia id facerent. ibid. Incurritur tamen etiam si fiat animo non apostatandi. ibid. nu. 3. Et etiam si fiat solum per aliquod tempus non multum breue. ibid. nu. 4. Etiam intra Monasterium. ibid. n. 5. Incurritur quoque ab illo qui Habitum suae Religionis dimittit, & alterius Ordinis induit, nisi ex causa rationabili. ibid. n. 6. Etiam in lecto tenetur Religiosus Habitum suae Religionis portare. ibid. n. 7. Quātum verò peccatum sit oppositum. ibid. Occultans etiam Habitum, ita ut nullo modo appareat, absque rationabili causa incurrit etiam excommunicationem, ut probabilius. ibid. nu. 8. Potest tamen à Papa dispensari Religiosus in Habitibus dimissione. ibid. nu. 9. Mutare Habitum Religiosum in secularem ferriò prohibitum etiam est Regularibus. ibid. n. 10. Ludi causa id facere non erit peccatum, praesertim mortale. ibid. Quid de mutatione, aut occultatione non totius Habitibus, sed partis ipsius sit dicendum. ibid. n. 11. Contra eos, qui Habitum Carmelitarum, vel similem portant possunt procedere Diocesani. ibid. num. 12.

Haeredes possunt institui Religiosi.

c.6. n.45. **Prater Minores de obseruantia, & Cappuccinos. ibid.**

Haereticasum antiquitus iudicabant Carmelitarum Praelati. c.18. n.18. Modò post Paul. V. nonita. ibid. De Haereticis suspecti denunciantur Inquisitoribus. ibid. Denunciātes nō possunt à Superioribus molestari. ibidem.

Hermaphroditi professio, si in eo praeualeat viri sexus, in Monasterio virorum, si femineus, in Monasterio Monialium, valida est. cap. 2. num. 20. Si uterque sexus aequalis sit, nullibi valide proficitur. ibid.

Homicida Religiosi poena. c.9. n.44. Homicidij dispensatio. c.18. num. 43. & 44.

Hora Canonica. Vide verb. Officium Diuinum.

Hospites Religiosi an obligentur legibus, seu praeceptis Monasteriorum ubi sunt. c.4. nu. 22. Quibus debeant confiteri. c.18. n.27.

-I

Initor in Monasterijs constitutus. c.16. n.6. Quod eius munus. ibid.

Iaponium, & Regiones propinquas accedere prohibitum suis Religiosis, exceptis Iesuitis. c.16. n.28. Modò concessum à Clem. VIII. ibid. Qualiter in hoc se gerere debeant. ibid.

Ieiunia Regula, & Constitutionum Ordinum obligant etiam iuuenes ante 21. ann. c.7. n.26.

Illegitimi an possint esse Praelati. c.15. n.25. & 38. & c.18. nu. 7. & 8. An cum eis dispensent Superiores Religionum. c.18. n.60. 61. 62. & 63.

Quan-

- Quando consentur dispensati. ibid. n. 61. & 63. Officia, ad qua illegitimi non sunt capaces sine dispensatione. ibid. n. 62. An illegitima eligi possit in Abbatissam, seu Priorissam. c. 26. n. 6.*
- Immunitates concessæ Religiosis possunt à Prælati coarctari. c. 8. n. 28.*
- Impedientes vi, vel fraude quòd aliquis non fiat Religiosus, aut quòd Novitius non profiteatur, ad quid teneatur. c. 24. n. 28.*
- Imprimi prohibitum in materia de Auxilijs. c. 10. n. 24.*
- Indiarum ad partes missi Religiosi nõ possunt itinere commorari, vel ad loca eis non destinata declinare. c. 16. n. 29.*
- Indicia quæ sint, aut quæ sufficiant ad inquisitionem faciendam contra Religiosum. c. 27. à n. 6.*
- Inducere aliquem ad Religionem, quando licitum, & quando illicitum. c. 24. n. 29.*
- Indulgentia Regularium limitata sunt à Paul. V. c. 3. nu. 19. Non tamen videntur reuocata, quæ erant concessæ pro defunctis. ibid. Indulgentias concessas ab Episcopis lucrari possunt Religiosi. c. 11. nu. 23. Qualiter illas prædicare possint, aut debeant Concionatores. cap. 21. num. 17.*
- Infamia quid sit. c. 27. nu. 6. Infamia præcedere debet de delicto, ut Prælatus possit de illo interrogare. c. 18. n. 17. & c. 27. à n. 6.*
- Infames infamia iuris, vel facti non possunt admitti ad munus concionandi. c. 20. n. 14.*
- Inferiores à suis Prælati grauati possunt licite ad Superiores recurrere. c. 4. n. 34. Possunt etiam, & aliquando debent suos Superiores corrigenere. ibid. n. 36. Liganur præceptis Superiorum etiam absentes à locis ubi sunt. ibid. n. 37.*
- Ingressus in Monasteria Monialium. Vide verb. Moniales.*
- Ingredi in Monasteria Fratrum. Vide verb. Fœminæ.*
- Inquisitione quando procedit Iudex Regularis. c. 27. n. 1. Inquisitio duplex, generalis, & specialis. ibid. Quid utraque inquisitio. ibid.*
- Inquisitionis generalis modus procedendi. c. 27. n. 1. Ea proceditur in visitationibus Regularium. ibid. n. 2. Non requiritur ad illam, quòd præcedat infamia de delicto aliquo. ibid. Nec in illa, iure communi, petitur iuramentum. ibid. In illa non sunt interroganda, aut manifestanda delicta occulta. ibid. Nisi Prælato ut Patri. ibid. Semper præmittenda correctio fraterna, si sit spes emende, & opportunitas. ibid. In illa non debent denunciari peccata iam emendata. ibid. Neque quæ aliquis audiuit à persona non fide digna. ibid. Denunciari tamen debent deffectus Religiosorum, saltem denunciatione paternæ. ibid. num. 3. Et etiam Iuridica, si prior iudicatur inutilis, ac suppetunt testes idonei, quibus probentur. ibid. Qualiter Prælatus in ea se gerere debeat. ibid.*
- Inquisitione speciali procedit Iudex Regularis. Primò, quando ex inquisitione generali, seu visitatione constat illi crimen aliquod ab aliquo Religioso esse commissum. c. 27. n. 4. Secundò, quando delictum est*

- notorium, malefactor autem occultus. *ibid.* n. 5. Requiritur etiam regulariter ad inquisitionem specialem, precedat infamia, clamorosa insinuatio, indicia graua, aut semiplena probatio. n. 6. 7. & 8. Qualiter hoc etiam intelligi debeat in criminibus atrocioribus. n. 9. Nō verò est hoc necessarium in inquisitione, quæ non est ad punitionem, sed ob alios fines. *ibid.* n. 10. Praxis inquisitionis specialis. *ibid.* n. 11.
- Interdicti tempore sepelire cadauera defunctorū extra casus iure permisos, aut publicos excommunicatos, aut nominatim interdictos, aut manifestos usurarios, prohibitum est Religiosis, sub poena excommunicationis.* c. 9. n. 29. Tenentur Religiosi quæcūque interdicta seruare. *ibid.* Etia si valida non sint, quando ea obseruat Matrix Ecclesia. *ibid.* Qualiter verò tēpore interdicti, aut cessationis à diuinis possint, aut nō. Officia, & Missas celebrare. c. 21. n. 19. & 20.
- Interpretari Decreta Conc. Trid. & Summ. Pontif. circa paupertatem Religiosorum ad quos pertineat.* c. 18. n. 76.
- Irregularitates an dispensentur à Prælati Regularium.* c. 18. à n. 40.
- Itinerantes Religiosi cui possint conferri.* c. 18. n. 27.
- Iubilæa quid intelligant nomine Confessary approbati ab Ordinario.* c. 19. n. 19. An possit virtute Iubilæi approbatus pro viris eligi à femina. *ibid.* Dispensatio in irregularitatibus non conceditur in Iubilæis, nisi exprimat. *ibid.*
- Iudices, etiam arbitri, nequeunt esse Religiosi, nisi cum licentia Superiorum, & utilitate Monasterij.* c. 9. n. 14. Possunt tamen esse Assessores. *ibid.* Episcoporum etiam Vicarij, saltem de iure communi. *ibid.*
- Iudex Regularis, quomodo procedere debeat.* c. 27. per totum. Triplici via, scilicet accusationis, denūciationis, & inquisitionis procedere potest. *ibid.* n. 1. Inquisitione generali quomodo procedendum. *ibid.* n. 1. 2. & 3. Inquisitione speciali quomodo. à n. 4. vsque ad 11. Denūciatione quomodo. à n. 19. vsque ad 21. Accusatione. à n. 22. Non potest cogere testes, vt dicant quod nesciunt. *ibid.* n. 11. Imò monendi ab ipso de modo dicendi veritatem. *ibid.* Non potest reum de vno crimine conuictum de alio interrogare. *ibid.* n. 12. Sumpta confessione à reo quid facere debeat. *ibid.* n. 15. Si delictum non est penè probatum, nec reus illum confitetur, quid facere debeat. *ibid.* n. 16. An possit torquere reum. *ibid.* Quādo, & quibus præmissis proferre sententiam. *ibid.* n. 18. Quid agere facta denūciatione. *ibid.* n. 21. Non tenetur apices, & rimulas iuris seruare. c. 18. n. 16. & c. 27. n. 26.
- Iuramenta Regularium, an tolli possint à Prælati ipsorum.* c. 18. n. 53.
- Iuris apicibus postpositis procedere possunt Prælati Regulares contra suos subditos.* c. 18. nu. 16. Qui sint huiusmodi apices Iuris. *ibid.*
- Iurisdictionis Ecclesiasticæ non sunt capaces foemina.* c. 26. à n. 8. Nec etiam Prepositæ, aut Præfæctæ Monialium. *ibid.* Vnde quando exercent aliquos actus Iurisdictionis sapientes solum designant materiā, vel aliqua huiusmodi. *ibid.* n. 12.

L

Laborare, quod precipitur in Regulis, nisi explicetur de labore manuum, sufficienter impletur laborando alijs exercitijs. c. 7. nu. 23. Laborare manibus non est iure naturali, aut diuino præceptum Religiosis. *ibid.* Laborare autem aliquo genere laboris respectu ad personas adeo necessarium est Religiosis, ut quidam dicant peccare mortaliter id omittentes. *ibid.* n. 23. Quaaliter hoc sit intelligendum. *ibid.*

Leſio Sacra Scriptura, vel de Casibus Conscientia his in hebdomada habenda à Regularibus. c. 10. n. 20. Vide verb. S. Scriptur.

Legatum Monachis relictum quomodo accipiendum, ut non derogetur Voto Paupertatis. c. 6. n. 34. Legata commutare an liceat. c. 18. n. 94.

Leges condere in Religione iure communi solum spectat ad Generale Capitulum. c. 18. n. 90. An autem ex consuetudine, vel Priuilegio id cõpetat Generalibus, maxime Carmelitarum. *ibid.* Casu quo id faciant debet esse cum consilio illis assistentium. *ibid.* In Legibus latis à Superioribus non possunt dispensare Prælati inferiores, nisi quando expresse, vel interpretatiuè hoc illis conceditur. *ibid.* n. 86. Secus tamen in pœnis nõ reſeruatis. *ibid.* Prælati autẽ Superiores circa leges, & pœnas positas ab inferioribus ulterius possunt illis restringere, & coarctare. *ibid.* n. 87. Sed non sine causa. *ibid.* Vide verb. Constitutiones.

Libros prohibitos legendi facultas an

concedi possit ab aliquibus Prælatis Regularibus. c. 18. n. 96.

Licentia, qua regulariter requiritur, ut possit Religiosus tenere, dare, vel accipere aliquid, est tacita. c. 6. n. 55. Nisi quando declaratum fuit requiri expressam. *ibid.* Ad quid etiã deferuiat consuetudo legitima. *ibid.* n. 86. Licentia ista debet esse voluntaria, & non coacta. *ibid.* n. 56. Et legitima. *ibid.* Licentia in scriptis requiritur pro Religioso eunte de vna Prouincia ad aliam, vel de vno Conuentu ad altum. c. 10. n. 14.

Lineis uti prohibitum Religiosis. c. 9. n. 21. Licet hoc sit solum veniale. *ibid.* Nisi forsan in Fratribus Minoribus Sancti Francisci. *ibid.*

Linguarum studia in Monasterijs Regularium habenda. c. 18. n. 85.

Litanie, & preces in die Sancti Marci, & tribus diebus ante Ascensionem Domini ab omnibus dicenda. c. 12. n. 23.

Literas accipientes, aut dantes sine licentia Superiorum regulariter non peccant contra Votum Paupertatis. c. 6. n. 49. Literæ missæ à Superioribus ad inferiores, vel ab inferioribus ad Superiores non detinenda, vel aperienda. c. 8. nu. 30. Oppositum facere est casus reſeruabilis à Superioribus. *ibid.* Literas aperire cum damno notabili aliorum, peccatum est mortale. *ibidem.* Secus si aperiuntur illæ, ex quibus aliquis timet sibi malum iniuste instigendum. *ibid.* Literas scribere sine nomine continentes delicta aliorum, graue peccatũ est, nisi id fiat ex motu charitatis. *ibid.* n. 31. Ex illis tamen nõ potest Prælati ad in-

qui.

I N D E X.

- quisitionem delictorum procedere. ibid. & cap. 27. num. 4. An verò ex prædictis literis possint saltem ad Inquisitionem generalem procedere. c. 27. n. 4.*
- Literarum studia. Vide verb. Studia literarum.*
- Loca noua acquirere, vel antiqua mutare prohibitum est Mendicantibus sine licentia Papa, sub pœna excommunicationis. c. 9. n. 34. Erūt pro hoc aliqua Priuilegia Religionibus concessa. ibid. Sed iam reuocata. ibid. Vnde sine certis conditionibus noua Monasteria acquiri non possunt. ibid. & num. 35. Loca etiam, seu Monasteria semel accepta deferere sine licentia Summi Pontificis fieri nō potest. ibid. n. 36. Nec locus Deo dicatus fieri potest habitaculum seculare. ibid.*
- Ludentes Religiosi pro pecunia, vel re pretio æstimabili peccant contra Paupertatem. c. 6. nu. 50. Ludere verò honeste recreationis gratia, et de licetia Prelati rem parua quantitatis non ita. ibid. Nisi hoc sit Regula, vel Constitutionibus prohibitum. ibid. Hinc ludens cum Religioso ultra eam quantitatem, quam ille potest de licentia sui Superioris ludere, tenetur ad restitutionem eius, quod lucratur. ibid. n. 51. Ludus alearum, seu taxillorum, immò et tali ludo assistere prohibitum est Religiosis. c. 9. n. 40.*
- cap. 25. num. 49. Magistrorum, seu Doctorem in Religionibus institutio licita est dummodo tales sint idonei. c. 8. n. 25. Nisi actus legant, aut prædicent non gaudet sui gradus Priuilegio. ibid. Non eximuntur à seruitio Chori, seu assistentia ad Chorum. cap. 10. num. 20.*
- Matrimonia sollemnizare sine Parochi licentia prohibitum est Religiosis sub pœna excommunicationis. c. 9. n. 31. & c. 21. n. 9.*
- Matutinum an semper dicendum ante Missæ celebrationem. cap. 21. num. 3.*
- Mendicantes specialiter tenentur præcepto Charitatis de subueniendo saluti proximorum, Confessionibus, Prædicationibus, &c. c. 1. num. 17. Sunt Coadiutores Episcoporum. ibid. Quamuis habeant bona etiam stabilia in cōmuni possunt dici Mendicantes. c. 6. n. 5. Non possunt transire ad Monachos, seu Monachorū Religionem, nisi ad Carthusianos solum. c. 22. n. 6.*
- Mendicare possunt Religiosi, nec hoc illis prohibitum. c. 6. n. 43. Per accidens tamen potest hoc esse malum, & prohibitum. ibid.*
- Mercatura, seu negotiatio prohibita est Religiosis sub grauibz pœnis. c. 9. n. 39. Vbi etiam an Monasterijs liceat habere aliquam apothecam pro ipsorum necessitate, aut utilitate.*

M

- M**agistratus non præbentes auxilium Episcopis pro clausura Monialium, excommunicantur.
- Minores de Observantia, nec in particulari, nec in communi habent dominium honorū temporalium. c. 6. num. 5.*
- Miracula, quæ, & à quibus prædicantur.*

canda. cap. 21. num. 17.
Missæ de iure communi est celebranda ab Aurora, usque ad Meridiem. c. 21. n. 2. Potest sine peccato mortali dici ante Matutinum, seu Laudes, sed non sine veniali, nisi rationabilis causa intercedat. ibid. n. 3. Missarum reductio non potest amplius fieri sine S. Congreg. licentia. ibid. n. 6. Missarum onera perpetua quomodo accipienda. ibid. n. 7. Anticipata Missarum celebratio pro ipsis, qui postea daturi sint elemosynas, prohibita. ibid. Missas audientes in Ecclesijs Regularium satisfaciunt precepto Ecclesiastico. ibid. n. 11. Missa de Sancto ratione Tituli Ecclesia, vel Reliquia quando celebranda. ibid. n. 21. Missæ non approbata quæ. ibid. Missæ certis Regularibus concessæ non ab alijs dicenda. ibid. n. 32. Missa de Rosario, & B. Maria de Monte Carmelo solum à Dominicanis, & Carmelitanis dicenda. ibid. n. 21. Vnde qui ad illas dicendas obligatus est, satisfaciet dicendo Missam Votiuâ B. V. n. 26. Missæ S. Gregorij triginta ab ipso pro Defunctis instituta non prohibita. ibid. n. 22. Qualiter dicenda. ibid. Missæ autem Sancti Gregorij pro viuis, & defunctis, quindecim auxiliorum, & de Patre aeterno, prohibita. ibid. num. 21. Missa sollemnis in Ecclesijs Hispaniarum qualiter celebranda. ibid. num. 23. Missas nouas celebrantes. ibid. n. 24. Missæ votivæ quando, & quomodo dicenda. n. 25. & 26. Missæ de Requiem quando, vel non dicenda. ibid. n. 28. Missa Conuentualis numquam omittenda. ibid. n. 29.

Missæ in altari priuati Oratorij quando omittenda. ibid. 31. Extra Ecclesiam quando celebrari possit. ibid. 16. Cum altari portatili an, & quando. ibid. 14. Possunt Regulares dicere Missas diebus festis, & Dominicis quacunque hora debita antiquam Rector Parochialis Ecclesiæ celebrauerit. ibid. 17. Missam celebrans contra preceptum Superioris peccat: Missa tamen illa prodest illi, pro quo applicatur à celebrante. c. 4. n. 35. Missas celebrantes, aut Confessiones audientes in Sacerdotij gradu non constituti, puniuntur varijs pœnis, & à Tribunali S. Inquisit. c. 10. n. 22. & c. 14. n. 8. Vide verb. Sacerdos.
Monachus. Vide verbo Religiosus.
Monasteria. Vide verbo Loca noua, & verbo Clausura, & verbo Fœminæ, & verbo Monialium Clausura.
Monasteria Monialium ingredi. Vide infra verbo Moniales.
Monetarij quomodo puniendi. c. 10. num. 23.
Moniales quacunque tenentur ab Obseruantiam Votorum Regula, & Constitutionum. c. 25. n. 1. Tenentur etiam obedire Priorissis, vel Abbatissis, in ijs, quæ spectant ad gubernationem domesticam. ibid. n. 3. Sepè etiâ sub peccato mortali. ibid. n. 4. Sedi Apostolica subiectæ gubernantur ab Episcopis. ibid. n. 44. Modus Paupertatis illis magis accommodatus. ibid. n. 7. Consecrationis velum, an, & quibus conferendū. ibid. n. 10. Tenentur ad Officiū Diuinum. ibid. n. 13. Non obligantur iure communi saltem sub mortali
ad

I N D E X.

ad confitendum singulis mensibus. *ibid.* n. 14. Scilicet contrabentes sūt excommunicata. *ibid.* n. 15. Non possunt admittē intra Monasterium personam aliquam. *ibid.* n. 24. Licentiam quis ad hoc cōcedit. *ibid.* nu. 25. Causa legitima concedendi quæ sint. *ibid.* n. 26. Pœna contra ingredientēs, vel ingressum permit- tentes. *ibid.* n. 27. Non permittuntur ingredi fœmina viduæ, aut mari- tatæ, generosæ, & nobiles. *ibid.* n. 28. & 30. Nec Mater, Sorores, aut Consanguineæ in casu infirmi- tatis mortalis. *ibid.* 31. Bene tamen puella educationis gratia, seruatis conditionibus à S. Congregat. præ- scriptis. *ibid.* n. 29. Et famula secu- lares pro toto Conuentu. *ibid.* n. 32. Licentia concessa fœminis ad ingre- diendum Monialium Monasteria, limitata iam sunt, vel sublata. *ibid.* n. 33. Moniales alloqui, visitare, in- uisere, quibus prohibiti. *ibid.* n. 34. 35. & 36. Etiam pretextu docendi Musicam, aut Cantum, &c. *ibid.* Quid de patribus, matribus, aut filiis ipsarum. *ibid.* Scribere autem epistolas ad ipsas non est ex se pec- catum. *ibid.* n. 37. Monialium Con- uersa an admittendæ. *ibid.* n. 38. Ip- sarum Concionatores, Confessores, & Capellani. *ibid.* n. 40. Moniales transire possunt de vna Religione ad aliam. *ibid.* n. 41. In Confiteor Deo nihil mutare possunt. *ibid.* nu. 43. In administratione bonorum ipsarum delinquentes, à quo puni- di. *ibid.* n. 45. Earum electionibus quis assistit, aut præsideat. *ibid.* & n. 46. Comam nutrire an illis pro- hibitum. *ibid.* n. 50. Ordinationes pro

ipsarum regimine. *ibidem.* num. 51. & 52.

Monialium clausura. c. 25. n. 16. Om- nes Moniales tenētur hoc præcepto. *ibid.* n. 17. Non verò Nouitiæ, aut Oblatæ non Religiosæ. *ibid.* Quid de mulieribus in Congregationibus cō- morantibus. *ibid.* Quid de Conuer- sis. *ibid.* Locus clausuræ est totus ambitus Monasterij, qui ianua in- teriori continetur. *ibid.* n. 18. Pene transgressorum. *ibid.* n. 19. Cause concedendi licentiam egressus. *ibid.* n. 20. Quis illam concedit. *ibid.* n. 21. Ea finita, tenentur regredi ad Monasteria. *ibid.* n. 22. Pertinet ad Episcopos curare de ea clausura. *ibid.* n. 49.

N

Necessitas, & necessariorum ta- xatio quomodo faciendā pro Religiosis. c. 6. n. 10.

Notariorum institutio an fieri possit à Prælati Regularium. c. 18. nu. 95. Casu quo fiet, ad quod munus. *ibid.* Notariorum etiam munus exerce- re possunt Religiosi, in quibuscum- que causis Sanctæ Fidei, & Inqui- sitionis. c. 9. n. 13. Vide verbo Ta- bellionis munus.

Nouitiatus non continuatus, seu per notabile tempus interpolatus non sufficit ad Professionem. c. 2. n. 11. Si fiat per aliquod tempus extra Monasterium cum habitu, & li- centia, & rationabili causa, non discontinuatur. *ibid.* Licet hoc sit dubium quando Nouitiatus agitur solum in Conuentibus designatis à Sede Apostolica. c. 24. n. 22. Haben- dus

duſ in Conuentibus deſignandis à Sede Apoſtolica. c. 24. n. 23.
Novitiæ Monialium quot recipiendæ. c. 25. n. 6. Quid accipiendum pro earum ingreſſu. ibid. n. 4. Quid de ſupernumerarijs. ibid. nu. 6. Omnino plena voluntate debent proſiteri Novitiæ. ibid. n. 8. Etiam viduæ admitti poſſunt. ibid. n. 9. Quæ ætate recipiendæ. ibid. n. 11. Debēt examinari ante profeſſionem ab Epifcopo. ibi. n. 12. Nō tenētur præcepto clauſuræ. ibid. n. 23. An exeltes interrūpant Novitiatum. ibid. In articulo Mortis profeſſionē emittere poſſunt etiā ante annū Novitiatus expletū. ibid. n. 39. Præter viſitū, & veſtitū nihil tribui poteſt Monafterio de bonis ipſarum. ibid. Nec ipſæ poſſūt facere donationes. ibid. Pro dote ipſarū aliquid accipi poteſt. ibid. Quomodo ſerō id, quod datur pro dote accipiendum. ibid. An conditiones assignate à Sixto V. pro receptione, & profeſſione Novitiarum illas cōprehendant. ibid. n. 52. Recipiendæ ſunt à Superioribus, nō à Prioriſſis, vel Abbatiffis. c. 26. n. 17. Illæ tamen debent monere Epifcopum ante Profeſſionem ipſarum. ibid. An verò poſſint admittere Moniales ad Profeſſionem. ibid. n. 18.
Novitiū Regularium qui ſint. c. 24. n. 1. A quibus admittendi. c. 18. nu. 66. Non tenentur tempore Novitiatus præceptis Regulæ, Conſtitutionum, aut Superiorum Ordinis, niſi ex graui quadam decentia. c. 24. n. 2. Quantum ad ea, quæ ſpectant ad bonum regimen probationis tenentur in conſcientia Novitiij. ibid. Poſſunt ad ſaculum redire. ibid. nu. 3.

An teneantur tunc ſoluere expenſas. ibid. Gaudent Priuilegio fori, & Canonis. ibid. n. 4. Diſpenſant cum illis Prælati. ibid. n. 5. Poſſunt ex vi iuris cōmunis ad Ordines promoueri. ibid. n. 6. Cum quibus conditionibus. ibid. & c. 14. n. 12. 13. & 20. Vti Priuilegio Bullæ Cruciatæ. c. 24. n. 7. Cui debeant conſiteri. ibid. Quarundā Religionum Novitiij abſolui poſſunt à Cenſuris. ibid. n. 8. Et diſpenſari in aliquibus irregularitatibus. ibid. & n. 10. Cum quibuſdam conditionibus. ibid. n. 9. Informatio quæ, & de quibus propiſis faciendæ. ibid. n. 12. Quando, & ubi recipiendi. ibid. & n. 13. 14. & 15. Non poſſunt recipi criminofis, obligati, ſeu grauati debitis, & ratiocinijs. ibid. n. 16. & 17. Aduerte tamen, quòd per errorem numerus hic 16. poſt. poſitus eſt poſt 24. Nec coniugati poſt cōſumatum Matrimonium, niſi, & c. n. 19. Nec ſerui, niſi, & c. n. 20. Nō poſſunt admitti ad Profeſſionē, niſi poſt unum annum Novitiatus. ibid. n. 21. Nec qui non habuerunt Novitiatū in locis deſignatis à Sede Apoſtolica pro certis Prouincijs. ibid. n. 23. Qualiter ſupplendus hic defectus. ibid. n. 24. Illegitimi ex vi iuris communis admitti valide poſſunt. ibid. n. 21. (Qui etiam per errorem poſtpoſitus eſt.) An licet etiam id fieri poſſit. ibid. Novitiij nō poſſunt eligi in Prælatos. ibid. 37. Nec poſſunt facere donationes, niſi concurrentibus quibuſdam conditionibus. ibid. n. 32. & ſequentibus. Bene tamen teſtamentum, ſeu Codicillum. ibid. n. 35. Poſſunt proſiteri in articulo mortis ante annum pro-

probationis expletum . ibid. 42. *Ip-
forum Instructio.* ibid. n. 43. *No-
uitij ex varijs nationibus recipien-
di.* ibid. n. 44.

*Numerus Religioforum determinan-
dus pro quolibet Conuentu.* cap. 6.
num. 16.

O

O *Bedientia Votum essentialis est
Religioni, & praeipuum.* c. 4.
n. 1. *Solum extenditur ad res lici-
tas, & honestas.* ibid. n. 2. *Etiā ad
dubia.* ibid. n. 24. *& sequentibus.* Et
ad ea, quae explicitè, vel implicitè
continentur in Regula. nu. 4. & 9.
Et ad praecepta quomodocumque
intimata. ibid. nu. 9. *Etiā si sint
praecepta communia Christianorū,
aut Ecclesiasticorum.* ibid. nu. 11.
*Non ad res vanas, & impertinen-
tes.* ibid. n. 4. *Nec ad ea, quae solum
concernunt utilitatem temporalem
Pralati praeipientis, aut cōsanguin-
eorū ipsius.* ibid. n. 3. *Nec ad actus
merè internos nisi quando sunt ne-
cessarij pro externis.* ibid. n. 5. *Nec
ad Obedientiam formalem.* ibid. n. 6.
*Nec ad ea, quae Superior vult, nisi
illa manifestet.* ibid. n. 7. *Neque ad
ea, quae Pralatus proponit solum
sub consilio.* ibid. n. 8. *Nec ad ea,
quae sunt supra Regulam.* ibid. n. 13.
*Nisi quando hoc praescribitur in
Regula ipsa.* ibid. *Nec ad manife-
standum reum omnino occultum,
qui nulla laborat infamia.* ibid. n.
23. *Nec ad obediendum Pralato
publicè excommunicato.* ibid. n. 38.
*Obedire tenetur Religiosus Pralato
praeipienti, ut vadat ad commorā-
dum in aliquo loco, ubi est aeris in-*

temperies. c. 4. n. 16. *Et ut accipiat
munus Pralati in Religione.* ibid.
n. 17. *Secus extra Religionem.* ibid.
n. 18. *Et ut tempore pestis ministret
infirmis Religiosis, & etiā extra-
neis, deficientibus Parochis.* ibid.
n. 19. *Et etiā tempore haresis, ut
assistant ad defensionem Ecclesiae.*
ibid. n. 20.

*Obedire etiā tenentur Regulares Cō-
stitutionibus Synodalibus concer-
nentibus actiones communes totius
Populi.* c. 11. n. 13. *Et Legibus Ci-
uilibus, quae sunt ad bonam Reipu-
blica administrationem.* ibid. n. 16.
Sed solum quoad vim directiuam.
ibid. *Subduntur etiā Legibus Ci-
uilibus irritantibus contractus, &
taxantibus pretia rerum.* ibidem.
num. 17.

*Occultare non licet Religioso ea, quae
habet suo Superiori.* c. 6. n. 17. *Et id
facere est peccatum Proprietatis.*
ibid.

Officium Diuinum quid sit. c. 12. n. 1.
*Facere quod debitis horis soluatur
in Conuentibus pertinet ad Pra-
tos sub mortali.* c. 18. n. 69. *Ad illud
soluendum tenentur primò Religio-
si in Sacris constituti.* c. 12. n. 2. *Et
Professi Choro destinati, etiā si
non sint in Sacris.* ibid. n. 3. *Non
Laici, seu Conuersi, qui ad solas
quasdam Orationes obligantur.* ibid.
n. 4. *Nec Nouitij.* ibid. n. 5. *Qui verò
ad Officium Diuinū tenentur etiā
si sint excommunicati, suspensi, de-
gradati, &c. ad illud obligantur.*
ibid. n. 6. *Excommunicatus autem
dicere non potest Dominus Vobiscum.* ibid. *Religiosi expulsi, si sint
in Sacris, etiā tenentur ad Offi-
cium*

- cium Diuinum, secus verò si in Sacris non fuerint. *ibid.* n. 7. Idem de damnatis ad triremes, licet aliqui illos excusent. *ibid.* Dicere Officium deglutiendo, aut syncopando verba, &c. est peccatum, & quandoque mortale. *ibid.* n. 12. Vel exercendo aliquam actionem impeditiuam attentionis debita. *ibid.* n. 14. Debet dici Statutis temporibus. *ibid.* nu. 15. Priuatim inuertere hunc ordinem sine causa erit peccatum veniale. *ibid.* & 17. Aliquam horam Canonicam interrompere sine causa erit peccatum, quandoque veniale, quandoque mortale. *ibid.* nu. 16. Debet dici iuxta proprium vniuscuiusque Breuiariam. *ibid.* nu. 18. Mutare qualitatem Officij recitando: V. G. de Sancto, quando debet recitari de Feria regulariter est peccatum mortale, nisi magna necessitas id cogat facere. *ibid.* n. 20. Idem de mutatione ritus. *ibid.* Qui excusantur ab Officio Diuino. *ibid.* n. 25. 26. & 27. De Priuilegijs Regularium circa hoc. n. 28. 30. 31. & 32. Quando res est dubia pro Regularibus quid faciendum. *ibid.* n. 29. De abusibus in Officio Diuino vitandis. *ibid.* n. 33. Officium B. V. qui tentantur dicere. c. 12. n. 21. Officium Defunctorum à quibus dicendum. c. 12. n. 22. Ad Anniversarium Defunctorum die 2. Nouembris omnes tenentur. *ibid.* num. 23. Quando recitandum. *ibid.* Terna-ria Defunctorum. *ibid.* n. 24. Defunctorum Officium quando cadauera portantur ad Ecclesias Regularium à quibus faciendum. *ibid.* n. 38.
- Officia non addenda Calendarijs, nisi approbata. c. 12. n. 33. Sancti, cui est Ecclesia dicata Parochialis, vel Regularis nō faciendum Officium, nisi in ipsa Ecclesia. *ibid.* Vel ubi asseruatur insignis Reliquia. *ibid.* Priuilegia pro Ecclesijs Hispanie. *ibid.* n. 34. & 35.
- Officiorum, dignitatum, &c. nomine in Religionibus quid intelligatur? c. 10. n. 32.
- Oleum pro Extrema Vnctione debet dari Carmelitis à Dominis Episcopis. c. 3. n. 20.
- Oracula Viua Vocis reuocantur à Greg. XV. & Urb. VIII. c. 3. n. 21. Non illa, qua sunt merè explicatiua, aut declaratiua. *ibid.* Quid de illis quatenus respiciunt effectum futurum. *ibid.*
- Oratio mentalis valde necessaria Religiosis. c. 7. n. 24.
- Oratoria. Vide Crangix.
- Ordines Sacros suscipere ante legitimam aetatem non possunt Religiosi post Cons. Trident. non obstantibus quibuscunque Priuilegijs. c. 14. nu. 1. Oppositum facientes sunt suspensi, & si celebrant Regulares. *ibid.* n. 2. Idem si absque licentia extra tempora Ordines susceperint. *ibid.* n. 3. Incurritur etiam hæc suspensio sine dolo, aut malitia, sed solum per ignoratiam culpabilem. *ibid.* n. 4. Simoniaci ordinantes, & ordinati incurrunt grauissimas penas. *ibid.* n. 5. & 23. Possunt predicti ordinati sine conditionibus requisitis Beneficij priuari. *ibid.* n. 6. Dicuntur ministrare in Ordinibus susceptis quando actus proprios ad tales Ordines deputatos exercent. *ibid.*

I N D E X.

ibid. n. 7. *Qui suscipit Ordinem Presbyteratus non incurrit irregularitatem celebrando cum Episcopo ordinante in illa Missa, in qua ordinatur.* *ibid.* n. 8. *Religiosi debent ordinari sine titulo Beneficij, aut Patrimony.* *ibid.* n. 10. *Non possunt in suis domibus.* *ibid.* n. 11. *Nec à quocunque Episcopo, sed à Diocesano.* *ibid.* n. 12. *Duo Sacri Ordines eadem die Regularibus non conceduntur.* *ibid.* n. 14. *Ordines Maiores nequeunt conferri, nisi servatis interstitijs.* *ibid.* n. 15. *In illis non dispensant Praelati Regulares, sed debent exorare in literis dimissorijs Episcopos, ut id faciant.* *ibid.* *Cause huius dispensationis.* *ibid.* n. 16. *Annus interponendus inter unum, & alterum Ordinem Sacrum est Ecclesiasticus, non solaris.* *ibid.* n. 17. *Littere dimissoriae debent dari à Superioribus Regularium.* *ibid.* n. 18. *Non possunt modo post Conc. Trident. ordinari extra tempora.* *ibid.* n. 19. *Novitij iure communi possunt Ordines Sacros suscipere.* *ibid.* n. 20. & c. 24. n. 6. *Ad titulum tamen Beneficij.* *Dispo.* c. 14. n. 20. *A suspensione, quam incurrunt Regulares suscipiendo Ordines illegitimè absolviuntur in foro conscientiae à Praelatis.* *ibid.* n. 21. *Excommunicatio, quam ponunt Episcopi ante Ordinationes contra eos, qui habent aliquod impedimentum occultum, afficit etiam Regulares.* *ibid.* n. 22. *Opera supererogationis facere non est contra Regulam, nec peccatum.* c. 7. n. 22. *Opera bona subditorum applicari possunt alijs à suis Praelatis.* c. 18. n. 67.

Otiositas Religiosis maxime fugienda. c. 7. n. 23.

P

P *Apa potest dispensare in Votis solemnibus.* c. 2. n. 6. *Cum causa tamē urgenti.* *ibid.* *Ills tenentur obedire Religio, ex vi Voti Obedientiae.* c. 4. n. 31. *Potest eximere Religiosam ab Obedientia inferiorum Pralatorum.* *ibid.* n. 33. *Quaeritur concedere possit licentiam ad transitum ad aliam Religionem.* c. 22. a. num. 8.

Parochi Regulares ex Religiosis: apostoli tenentur Votis generalibus, & specialibus Religionis, Obedientijs Regularibus, & Cōsiliatibus ipsius, quatenus nō repugnant moneri, quod gerunt: ac portare habitum sua Religionis. c. 17. n. 16. *Solum Cōficiū iuxta ritum sua Ecclesiae.* *ibid.*

Particula simpliciter, summarie, & plano, quid significant. c. 27. n. 26.

Patrini esse non possunt Religiosi, aut levare aliquem de fonte. c. 9. n. 31.

Paupertas Religiosa. c. 6. *per totum.* *Eius excellentia.* *ibid.* n. 1. *Quomodo definitur.* *ibid.* n. 2. *Contra eam peccat Religiosus si Superiori cōtendenti ea qua illi concessa sunt auferre, resistit, aut non est paratus reddere.* *ibid.* n. 27. & 28. *Aut si recipit à quocunque aliquid contra voluntatem sui Superioris.* *ibid.* n. 30. 36. 37. & 38. *Secus si Superior non daret simpliciter necessaria ad vitam.* *ibid.* n. 31. *Ex vi Voti Paupertatis carere debet Religiosus rebus aliquo modo necessarijs.* *ibid.* *Peccat peccato Proprietatis contra*

Pau-

Paupertatem si assumat aliquid alterius usui à Superiore destinatum. ibid. n. 35. Quid dicendum si illud erat superfluum habenti, & ipse eo indigeret. ibid. Qui aliquid expendunt sine licentia contra Paupertatem peccant. ibid. n. 46. Idem si permulent, mutuent, accommodent, &c. ibid. Idem si dent, aut donent. ibid. nu. 52. Etiam ipsis Religiosis. ibid. n. 54. Vide dicenda infra verbo Peculium, & verbo Proprium, & verbo Proprietas, & verbo Præfationes res.

Pauperes mendicantes per Ecclesiam tempore Missarum, & Officiorum Dinivorum ejcendi à Regularibus. c. 10. n. 6.

Peccata Religiosi absolute loquendo grauiora sunt peccatis secularium, licet per accidens possint esse leuiora. c. 1. n. 15. Peccatum contra Castitatem est sacrilegium. c. 5. nu. 4. Quod est in seculari solum veniale, potest esse in Religioso mortale. ibid. n. 5. An peccatum contra Castitatem Religiosi in Sacris constituti habeat duas malitias contra illam. ibid. n. 8. De Religioso, qui ultra Votum solemne Castitatis fecit etiam Votum simplex. ibid. nu. 9. Peccatum contra Castitatem est reseruabile à Prælati. ibid. n. 10. Varijs pœnis punitur. ibid. n. 16.

Peculium habere dependenter à voluntate Superioris licet non sit prohibitum Religiosis iure communi, aut ex natura Voti Paupertatis, est tamen prohibitum ab Ecclesia. c. 6. à n. 18. An in aliquibus Conuentibus, & quibusdam pusitis conditionibus illud habere liceat. ibi. à n. 21.

Perfectio Christiana in quo consistat.

c. 1. n. 7. Qualiter ad illam procurandam teneatur Religiosus. c. 1. per totum. Vide verbo Religiosus. Consistit principaliter in actibus Charitatis, & minus principaliter in actibus aliarum virtutum. c. 1. n. 7. Est finis Religiosi. ibid. Tunc censetur illam contemnere quando transgreditur leges animo non se subiiciendi illis, aut Superioribus. ibid. n. 12. Non sic quando transgreditur illas, ex usu in rebus leuissimæ materia. ibid. n. 13.

Pœna delictorum à Regularibus commissorum. c. 27. n. 27. Pœna priuationum, inhabilitationum, &c. qua apponuntur in Constitutionibus Religionum, etiam si dicatur ipso facto, aut ipso iure infligenda, non incurritur ante declarationem. c. 8. n. 33. Quando verò adduntur illa particula, absque aliqua declaratione, absque vlla sententia, vel similes, tunc incurruntur in foro conscientie, ante declarationem. ibid. Licet oppositum non sit improbable. ibid. Idem de similibus pœnis in Bullis, & Decretis Pontificum positis. cap. 10. n. 30. & 31. Censura autem ipso facto imposita ligant etiam ante Iudicis sententiam. c. 10. n. 29. Quis dispensat in pœnis priuationum, inhabilitationum, &c. c. 10. n. 35. & c. 18. n. 46. Vide infra verb. Prælati. Prælati non possunt eligi in Religionibus, nisi expresse Professi in illis. c. 15. n. 25. Sunt incapaces, ut eligantur ad Prælaturas infames, excommunicati, suspensi, vel interdicti, homicidæ, illegitimi, et irregulares. ibid. & c. 18. n. 7. & 8. Descendentes

E e

ex

I. N D E X.

ex genere infecto hæresis, Iudaismi, &c. aut accusati, & non infamati de aliquo delicto non sunt incapaces. dicto c. 15. nu. 25. Si illegitimus ad Prælatias eligatur quid facere debeat. c. 15. nu. 38. Pœnitentiati à Sancto Offitio. Inquisit. inhabiles sunt ad Officia Ordinis. ibid. n. 39. Nisi fuerint Pœnitentiati solium. Pœnitentijs salutaribus. ibid. Prælati canonice electi melius faciunt assentiendo quam dissentiendo. ibid. n. 23. Etas requisita ut eligantur. c. 18. n. 5. Debent esse Sacerdotes. ibid. Peccant mortaliter, qui se eligi permittunt sine sufficienti litteratura. ibid. n. 6. Tenentur Legibus, Constitutionibus Ordinis. c. 8. n. 21. Saltem quoad vim directivam, & aliquo modo, quoad coactivam. ibid. Habent in suos subditos iurisdictionem quasi Episcopalem. c. 18. n. 2. In Privilegijs Prælati concessis, nisi aliud exprimat, intelliguntur etiam Conventuales. ibid. n. 3. Prælatias duas nullus Regularis habere potest sine auctoritate Sedis Apostolica. ibid. n. 97. Possunt punire suos subditos pœna proportionata delictis ipsorum. ibid. n. 16. Pena triremium, & exilij. ibid. Nō tamen tradendo illos brachio seculari, nec pena mortis. ibid. Possunt etiam procedere via accusationis, iudicialis denunciationis, & inquisitionis. ibid. n. 17. Possunt eligere sibi Confessorem, sicut Episcopi, & Cardinales. ibid. n. 81. Nec est necesse talem esse alijs approbatum. ibid. Non possunt ad instantiam, aut requisitionem quorumcumque extra Ordines alicui Religioso ali-

quam dignitatem, vel officium concedere, aut penas remittere. ibid. n. 82. Mittentes aliquem Religiosum ad partes transmarinas, nisi sit scientia prudentia, & experientia usu præditus, incidunt in excommunicationem lata sententia. ibid. n. 99. Tenentur sub magnis pœnis semel in annos in quocumque Capitulo legi facere litteras Apostolicas pertinentes ad Offitium Sanctæ Inquisitionis. ibid. n. 100. Et efficere quod Decretum circa hoc affixum conseruetur. ibid. Possunt sibi reservare casus. d. n. 19. Sed non omnes, sed certos quosdam, & cum certis conditionibus. ibid. n. 19. et 20. Idem de Censuris. ibid. n. 21. Excommunicare, et suspendere suos subditos. ibid. n. 22. Non verò irregularitatem imponere. ibid. Peccant graviter permittentes predicare non idoneis. c. 20. n. 2. Non concedentes licentiam transendi ad alteram Religionem, peccant. c. 22. n. 15. Possunt eijcere Religiosum, etiam transacto quinquennio. c. 2. n. 7. Eijcere etiam incorrigibiles. c. 23. n. 3. et 5. Qualiter Prælati obediendū. Vide verbo Obedientia, et verbo Obedire. Duobus Prælati contraria præcipientibus, majori est obediendum. c. 4. n. 21. Prælati præcipienti aliquid contra Regulam obediendum est si possit in illa dispensare. c. 7. n. 30. Vide verbo Dispensare. Præsidentes in electionibus qualiter se gerere debeant. c. 15. n. 34. Non possunt privare Capitulares voce. ibid. Vide verbo Electionibus. Præsumptionis verbum in Bullis, & Decretis quid denotet. c. 10. n. 33.

Pra-

Præfatos res non possunt habere Religiosi, propter paupertatem. cap. 6. num. 15.

Priorissa. Vide verbo Abbatissa.

Privilegia Religionum. c. 3. per totum.

Non tolluntur per non usum, nisi.

&c. ibid. n. 17. Ammitti si non vi-

uant regulariter Religiosi. ibid. Ip-

sorum communicatio. ibid. Ipsi

etiam uti possunt Donati, & Con-

uersi, qui Professionem trium Vo-

torum emittunt. ibid. n. 18. Tolli, li-

mitari, & restringi possunt à Supe-

rioribus. c. 18. n. 56. Vide verbo Fo-

ro conscientia, & verbo Oracula.

Processionibus assistere debent Regu-

lares. c. 9. n. 47. Qualiter vocandi.

ibid. Quibus Processionibus. ibid.

Quomodo in illis Sanctissima Eu-

charistia, & Crux deferri. cap. 10.

num. 19.

Procuratoris munus requieunt exer-

cere Religiosi, nisi in utilitatem

Monasterij, & iubente Prelato.

c. 9 n. 12.

Professio tam expressa, quàm tacita cō-

stituit utri Religiosum. c. 2. n. 3. Quid

sit utraque Professio. ibid. Professio

nulla est si fiat ante decimum sextum

annum, aut non expleto anno ap-

probationis. ibid. nu. 10. Non com-

prehendit hoc Ordines Militares.

ibid. Bene tamen Religiosos Societa-

tis post biennium. ibid. Professio fa-

cta ante legitimam etatem, nec per

modum Voti simplicis valet. ibid.

Professio reddit in eapacem Profes-

sam ad Matrimonium. ibid. n. 12.

Etiā Professum Societatis Iesu post

biennium ibid. Excommunicatur si

nubat. ibid. Professionem faciens pa-

rentibus in extrema, aut multum

gravi necessitate constitutis, peccat

mortaliter. ibid. n. 13. Item de Patre

respectu filiorum. ibid. Non tamen

propterea possunt reclamare. ibid.

n. 14. Professio facta ob malum finē

non contra substantiam Professionis

valida est. ibid. n. 15. Etiam facta ab

excommunicato. ibid. Etiam simo-

niacē. ibid. Professio mentientis se-

rum valida nō est. ibid. n. 20. Idem

de Professione serus sine licetia Do-

mini sui. ibid. n. 21. Si verò seruo in-

grediente Religionem à Domino suo

id sciēte non repetatur intra trien-

nitū, postea repeti non potest, & pro-

fessio illius valida erit. ibid. Profes-

sio illius, qui prae morbo, aut sene-

ctute impotens est ad Regulam ser-

uandam valida est. ibid. n. 22. Idem

de Professione illius, qui occultauit

morbum seu defectū non repugnantē

substantia Religionis dummodo illi

protestatum nō fuerit, quod si talem

defectum haberet Professio nulla es-

set. ibid. n. 23. & c. 24. n. 26. Professio

debet fieri in manus habentis pote-

statem ad recipiendum Religiosos.

c. 2. n. 25. Facta in manus Episcopi

respectu Religionis exemptæ, inua-

lida est. ibid. Professio facta sub cō-

ditione de futuro valida, adueniente

conditione valet; facta verò sub cō-

ditione repugnante substantia Reli-

gionis, inualida est. ibid. n. 26. Facta

scilicet, id est, sine intentione profitendi,

quoad Deum inualida est, scilicet

quoad Ecclesiam. ibid. n. 27. Facta

animo promittendi, sed non se obli-

gandi, aut non adimplendi promif-

sium, valida est. ibid. Facta per pro-

curatorem, aut etiam nutibus, seu

scripto, valida est. ibid. n. 29. Et il-

lius qui fecit *Votum ingrediendi Religionem strictiorem, & postea ingressus est laxiorem.* *ibid.* n. 30. *Facta à coniugatis cum consensu utriusque, imò sine illo, quando possunt facere diuortii.* *ibid.* n. 31. *Professio ex causa differri potest.* c. 24. n. 41. *Per Professionem condonantur omnia peccata commissa quoad pœnam temporalem illis debitam in Purgatorio.* c. 1. n. 1. *Tollitur irregularitas ex defectu natalium ad Ordines suscipiendos, licet nō quoad dignitates, seu Prælaturas.* *ibid.* n. 2. *Dissoluantur sponsalia, & Matrimonium ratum non consummatū.* *ibid.* n. 3. *Expiatur macula quoad actus temporales.* *ibid.* n. 4. *Tollitur crimen ingratitude filij profitentis erga Patrem.* *ibid.* n. 5. *Filius famulus liberatur à Patria potestate.* *ibid.* n. 6. *Omnia Vcta simplicia in illam commutantur.* *ibid.* n. 7. *Per illam Professio gaudet priuilegio fori.* *ibid.* n. 8. *Nec possunt illos Laici accusare; nisi, &c.* *ibid.* n. 9. *Qui illis inferunt iniuriam in certis casibus sunt excommunicati.* *ibid.* n. 10. *Et illos percutientes.* *ibid.* n. 16. *Habent cōmunicationem in Priuilegijs cum multis alijs Religionibus.* *ibid.* n. 17. *Proprium non possunt habere Religiosi, ratione Voti Paupertatis.* c. 6. n. 6. *Et etiam ex vi præcepti Ecclesiastici.* *ibid.* *Hinc quidquid acquirit Monachus Monasterio acquirit.* *ibid.* n. 40. *Etiā quando est extrā Monasterium de cuiuscumque licetia.* *ibid.* n. 41. *Etiā habens pensionem Ecclesiasticam.* *ibid.* n. 42. *Proprietas quid sit.* c. 6. n. 2. *Peccatum Proprietatis quando committitur.*

ibid. n. 11. *In ea datur materia leuis.* *ibid.* n. 57. *Regulariter erit illa quæ, & in furto.* *ibid.* *Successiue minima retinentes, accipientes, seu expedientes, &c. sine licentia, peccant mortaliter quando perueniunt ad grauem quantitatem.* *ibid.* n. 58. *Pœna proprietatis, & proprietariorū.* *ibid.* n. 59. *An illas, incurrant non obseruantes vitam communem.* *ibid.* n. 60.

Provinciales Titulares instituuntur à Generali Carmelitarum. c. 18. n. 98. *Cum quibus cōditionibus.* *ibid.* *Habent vocem in Capitulis.* *ibid.*

Psalmos Pœnitentiales, vel Graduales qui, & quando teneantur dicere. c. 12. n. 22.

Purgatio Canonica. c. 27. n. 27.



Quantitas, quæ sufficit ad Peccatum mortale in materia Proprietatis quæ sit. c. 6. n. 57. & 58.

Quarta funeralis non soluitur à Conuentibus à quadraginta annis adificatis. c. 3. n. 13.

Quæstorū, seu quæstiorū munus nequeunt Religiosi exercere. c. 20. n. 17.

Quinquennij tēpus determinatum est Religiosis, ut possint reclamare cōtra suā Professionem. c. 2. n. 7. *Nisi allegauerint legitimas causas quare id facere non potuerint.* *ibid.* *Intelligit quoad forū exterius, non quoad interius.* *ibid.* *Tenantur ad ratificandā Professionē transacto quinquennio quando sua culpa inualide professi sunt.* *ibid.* *Ad quam ratificationē licet requiratur nouus consensus ex parte professi, probabile tamen est non requiri ex parte*

Cen-

Conuentus. ibid. Ut reclamatio audiatur requiritur, quod fiat cum habitu, saltem quoad foris exteriis. ibid. n. 8.

R

Ratificatio Professionis quādo faciēda. c. 2. n. 7. Cum aliquis fecit Professionem inualidam ob defectum aetatis, anni approbationis, vel aliam causam, quando censetur ratificare illam. ibid. n. 9. Vide verbo Quinquennij tempus.

Recipientes aliquid a Religioso non habente facultatem ad donandum tenentur ad restitutionem. c. 6. n. 33. Maxime propter Constitut. Clem. VIII. ibid.

Reclamatio Professi intra quinquennium. c. 2. n. 7. Debet fieri cum habitu. ibid. n. 8.

Rekursus Religiosorum ad personas extra Ordinem pro consequendis Officijs, gradibus, dignitatibus, &c. omnino prohibitus sub magnis poenis. c. 10. n. 17.

Refusare Pralatos Regulares non licet, nisi in casu quo euidenter constaret illos inique se gerere contra famam Religiosi in graui materia. c. 9. n. 8.

Redditus, seu praestationes aliquibus Generalibus concessa, quomodo expendenda. c. 18. n. 73.

Redditus annuos habere dependenter a voluntate Superiorum licet non sit prohibitum Religiosis ex vi iuris communis, aut Voti Paupertatis, est tamen hoc illis prohibitum ab Ecclesia. Summis Pont. & Concilijs. c. 6. d. n. 18. Nihilominus in aliquibus Conuentibus, & cum

quibusdam conditionibus permitti potest. ibid. d. n. 21.

Redeuntēs Religiosi ad Monasterium quid facere debeant. c. 16. n. 6.

Regularis. Vide verbo Religiosus.

Regula Religionis quid sit. c. 7. nu. 1.

Vnde dicta. ibid. Ad illam obseruandam tenentur omnes Religiosi.

ibid. n. 2. Praeter quattuor communes est alia specialis Dni Alberti pro Carmelitis sapius ab Ecclesia approbata. Ad illam tenentur Carmelita

Observantes solum prout mitigatam ab Eug. IV. ibid. nu. 5.

Conditiones ab hoc Pontifice assignatae in mitigatione Regulae quomodo accipiendae. ibid. Non omnia,

qua in Regalis continentur obligant ad mortale, sed aliqua ad mortale, aliqua ad veniale, aliqua ad nullum

peccatum. ibid. n. 6. Quae spectant ad Observantiam Votorum essentialium obligant ad mortale. ibid. n. 7.

Quae proponuntur ut consilia, & opera supererogationis non obligare neque ad veniale. ibid. n. 8.

Observantia verò aliae, quae in Regulis proponuntur, si Regulae Institutor declarauit nolle obligare ad culpam, non obligant ad illam.

ibid. n. 10. Si id non declarauit, attendendum est ad communem acceptionem Religionis. ibid. n. 11.

Si hoc non extat, res, & materia leuis non potest obligare ad mortale. ibid. n. 12.

Attendenda etiam sunt verba, quibus Regula datur. ibid. n. 13.

Regula Carmelitarum quoad istas Observantias solum obligat ad veniale. ibid. n. 14. Licet graue intra limites venialis. ibid. nu. 15.

Proficientes Regulam relaxatam

I N D E X.

- quoad *Vota Substantialia* Religionis, tenentur illam observare non prout sic relaxatam. *ibid.* num. 16. Proficientes verò Regulam relaxatam quoad Observantias Regulares, si talis relaxatio legitima consuetudine introducta est, non peccant observando illam prout sic relaxatam. *ibid.* 17. Idem de presentibus Regulam relaxatam per legitimam consuetudinem quoad modos, vel circumstantias Votorum essentialium. *ibid.* n. 18. Si tamen Pontifex, vel etiam alij Pralati Religionum vellet illam reformare, tenentur Religiosi non resistere, sed reformationem amplecti. *ibid.* n. 19.
- Religio perfectior, qua censeatur. c. 22. num. 5. Religiones gaudent communicatione Privilegiorum. c. 3. nu. 17. Etiam concedendorum. *ibid.* Quoad ius utendi illis. *ibid.*
- Religiosus omnis tenetur ex vi sua Professionis tendere, & niti ad perfectionem Christianam. c. 1. nu. 3. Non tamen tenetur esse perfectus in facto esse. *ibid.* n. 4. Nec tendere ad perfectionem per omnia opera consiliorum, aut supererogationis, sed per illa, quae sunt secundum Regulam, & Constitut. Ordinis. *ibid.* n. 5. Nec sibi persuadere se facere perfectum in perfectione. *ibid.* num. 6. Perfectio haec in quo consistat. *ibid.* nu. 7. Vide verbo Perfectio Christiana. Haec obligatio procurandi perfectionem in Religiosis est sub mortali. *ibid.* n. 8. Probabiliter est esse eandem cum obligatione servandi Vota, & Observantias Regulares. *ibid.* n. 9. Contra eam peccat Religiosus quando contemnit
- ea, quibus venit ad perfectionem. *ibid.* n. 10. Et quando transgreditur Regulam, aut Constitutiones eo fine, ut illam impediatur. *ibid.* Et quando statuit apud se nihil curare de illa. *ibid.* Et quando in animum inducit non progredi. *ibid.* Et quando alios inducit ad depravatam vitam suo malo exemplo. *ibid.* Non tenetur ex vi huius obligationis habere dominitas omnes suas passiones, sed sufficit ad hoc conari. *ibid.* n. 14.
- Religiosi nequeunt alteri confiteri, nisi suis Pralatis, aut designatis ab ipsis. c. 18. n. 26. Nec etiam approbati ab Episcopis. *ibid.* Aut etiam habentibus iurisdictionem à Papa. *ibid.* Bene tamen Pœnitentiarijs Papa. *ibid.* Nec possunt eligere sibi Confessorem aliquem prater assignatos à suo Superiore, aut absolvi à casibus Superiori suo reservatis virtute Cruciate, aut alterius Bullae, seu Privilegij. c. 19. n. 29. Prohibitum illis est accedere ad Monasteria Monialium, vel illas, aut alias personas intrare clausuram existentes alloqui. c. 25. n. 36.
- Reliquia insignis, ut ratione illius possit fieri Officium de Sancto cuius est, quae sit. c. 12. n. 33. & 35.
- Residentia Pralatorum etiam obligat Pralatos Regulares. c. 18. n. 12.
- Reus Regularis quomodo citandus. c. 27. nu. 12. Quando in carcerem mittendus. *ibid.* Testimonia, & probationes an illi patefieri debeant. *ibid.* Iuridice interrogatus debet veritatem confiteri sub mortali. *ibid.* Etiam si illi imminet periculum Mortis. *ibid.* Secus si non iuridice interrogaretur. *ibid.* Sed nec tunc

tunc licet mentiri, sed uti amphibologia. *ibid.* Sumpta confessione si fatetur delictum potest condemnari, mitius tamen cum illo procedi debet. *ibid.* n. 13. Si neget quid faciendum. *ibid.* & n. 14. An possit torqueri. *ibid.* nu. 16. Si in tormentis non confiteatur delictum absolvendus. *ibid.* n. 17. Si verò confiteatur quid faciendum. *ibid.*

Romam venientes Religiosi sine licentia puniendi sunt. c. 10. n. 15. & 16.

S

S Abbata Sancto an celebrari possit Missa. c. 21. n. 18.

Sacerdos Regularis debet regulariter celebrare. c. 21. n. 1. Potest recipere stipendia pro Missis, nisi de hoc sit specialis prohibitio in Religione. *ibid.* n. 4. Non tamen plura stipendia pro una Missa. *ibid.* n. 5. Nec accipere Missam cum certa elemosyna, & illam alteri Sacerdoti committere, parte elemosyna sibi retenta. *ibid.* n. 7. Nec Missas anticipatè dicere pro incerto elemosynas daturò. *ibid.* Absolvit in casu extremae necessitatis, seu articuli mortis ab omnibus casibus, & censuris. *ibid.* n. 12. Et semper à peccatis venialibus, & mortalibus iam confessis. *ibid.* Cum licentia Superiorum. *ibid.* Sed non ab excommunicatione Minoris. *ibid.* n. 13. Vide verbo Missa.

Sacra Scriptura lectio habenda in Monasterijs. c. 9. n. 48. & c. 10. n. 20. Sancti addendi, vel non addendi Calendarijs qui sint. c. 12. n. 33. De quibus faciendum officium ratione

Ecclesiae Titularis. *ibid.* & n. 34. De quibus ratione Reliquia. *ibid.* & n. 33. & 35. De illis, quorum Reliquia insignis habetur faciendum Officium. *ibid.* n. 37. Quorum Reliquia insignis non habetur si concedatur Officium erit semiduplex. *ibid.* De Sanctis Canonizatis non potest fieri Officium extrà propriam Ecclesiam, sine nova licentia. *ibid.* De Patronis, & Titularibus, quomodo, & à quibus faciendum Officium. *ibid.* n. 34. & 37. Sancti non Canonizati, aut non Beatificati quomodo non colendi. *ibid.* nu. 39. Privatum possunt coli. *ibid.* nu. 40. Qualiter, aut quomodo. *ibid.*

Semiplena probatio quid sit. c. 27. n. 6. Sententia definitiva quando à Iudice Regulari proferenda. c. 27. n. 18. In scriptis, aut viva voce. *ibid.* Quae debeant illam precedere. *ibid.* Sepulturam eligere non possunt Religiosi, nisi nimium absentes à Monasterio. c. 9. n. 10. Prelatis verò id aliqui cōcedunt. *ibid.* Inducentes ad sepulturas capiendas in eorum Ecclesijs sunt excommunicati. *ibidem.* num. 25.

Sermo de Religiosa disciplina singulis hebdomadis habendus. c. 18. n. 80.

Silentium Regulare necessarium Religiosis. c. 7. n. 25.

Simonia committitur vendendo Novitio Religiosum statum. c. 24. n. 30. Huius criminis poena. *ibid.* nu. 31. In electionibus committitur si datur temporale aliquod munus, vel à manu, vel à lingua, vel ab obsequio pro Officijs, dignitatibus, &c. c. 15. n. 28. Vel pro voce, vel suffragio. *ibid.* Si fiat conventio, aut pactum.

Etum. ibid. n. 29. Vel ne aliquis accusetur. ibid. n. 30. Non est tamen simoniacum offerre aliquid, ut non eligatur indignus, & ut eligatur dignus in communi. ibid. n. 31. Nec dando aliquid subornanti, ne subornet, aut electoribus ne iniuste electionem impediunt. ibid. In commutationibus autem Officiorum simonia committitur. ibid. nu. 32. Simoniacorum pœna. ibid. n. 33. Simoniaci à quo absolendi. cap. 18. num. 39.

Singularitas in victu, cibo, & potu etiam Prælati interdicitur. cap. 18. num. 72.

Sodomita peccat contra Castitatem. c. 5. n. 11. Grauiſſimis pœnis puniatur. ibid. & c. 10. n. 8. Quid requiratur ad illas incurrendas. ibid. & n. 12. & 13. prædicti cap. 5.

Sollicitantes in Confessione ad inhonestam qualiter puniendi. c. 19. n. 33. & 34. Qui tales sint censendi. ibid.

Status in Ecclesia triplex. c. 1. num. 1. Coniugatorum, Religioſorum, & Prælatorum. ibid. Regulares omnes sunt in ſecundo ſtatu. ibid. Quomodo definiatur. ibid. Adumbratus in Lege Moyſi, & natura. ibid. nu. 2. Perfectus, & consummatus tempore Chriſti, & Apoſtolorum. ibid. Amplexatus ab Elia, & Eliſeo, & filijs Prophetarum. ibid.

Status Religioſus requirit proſpici tria Vota in aliqua Religione approbata, & conſtitui ſub iuriſdictione Superiorum illius. c. 2. n. 1.

Statuta Religionum. Vide verb. Conſtitutiones.

Studia literarum conuenientia ſunt Religioſis. c. 8. n. 29. Studentes ta-

men Regulares ad ſtudia deputati ſi notabiliter negligentes ſint ſapè peccant mortaliter. ibid. Accedentes Religioſi ad ſtudia extrà clauſtra Religionis ſine licentia ſunt excommunicati. c. 9. n. 2. Etiam ſi vadant cum habitu. ibid. Et etiam ſi ſtudia ſint licita. ibid. Similiter exeuntes de Clauſtris ad audiendam Medicinam, vel Leges, niſi intra duorum menſum ſpatium redierint, ſunt excommunicati. c. 9. n. 3. Non comprehendit hæc excommunicatio Religioſos intra Clauſtra audientes iſtas ſcientias. ibid. Extenditur tamen ad Doctores, qui Religioſos habitu dimiſſo ſcienter docuerint, aut retinuerint in ſebolis. ibid. Qualiter Superiores Religionum teneantur curare ſtudia. c. 18. n. 84.

Suffragia in electionibus debent eſſe abſoluta. c. 15. n. 16. Certa, & determinata. ibid. Secreta. ibid. nu. 17. Per ſchedulam albam non irritatur electio, ſed denotatur illam miſtentem noluiſſe habere vocem in illa electione. ibi. n. 18. Libera etiam à metu reuerentiali. ibid. n. 21. Po-teſt tamen fieri coarctatio ad certum genus perſonarum. ibid. Suffragium ſemel datum poteſt reuocari ſi non ſit publicatum, aut permixtum cum alijs. ibid. n. 22. Vide verb. Electiones.

Superfluum habere non licet Religioſis. c. 6. n. 13. Eſt peccatum Proprietatis, etiam ſi fiat cum licentia Superiorum. ibid.

Superiores Regularium. Vide verbo Prælati.

T

TAbellionis munus nequeunt exercere Religiosi. c.9. n.13. Qui tamen in seculo habebant hoc Officiū possunt in Religione signare instrumēta. ibid. In causis etiam Fidei possunt id munus exercere. ibid. Vide verbo Notariorum institutio.

Tabernas ingredi prohibitum. cap.9. num.38.

Taciturnitas Superioris videntis Religiosum aliquid possidere, accipere expendere, &c. sine licentia, & non contradicentis non excusat Religiosum. c.6. n.36. Nisi quando ex alijs signis constat illam esse virtualem approbationem. ibid.

Taurorum agitationibus, aliarumque bestiarum aliquid possidere prohibitum est Religiosis. c.10. nu.7. Sub mortali peccato, & excommunicatione ferenda. ibid.

Tertiarij Ordinum Mendicantium. c.3. n.22. Recipiunt habitum ab illis. ibid. Non sunt veri Religiosi, nisi promittant tria Vota sub regimine Prælatorum. ibid. Possunt vocari tertiij Ordinis. ibid.

Testari, aut testamentum facere non possunt Religiosi. c.9. n.19. Possunt tamen facere aliquam schedulam, qua rogent Prælatum, ut det aliqua alicui. ibid. Ex licentia etiam Papa testari possunt. ibid. Novitij autem possunt facere testamentum. c.24. n.35.

Testamenti executor non potest esse Religiosus absque licentia sui Superioris. c.9. n.9. Sufficit tacita licen-

tia. ibid. Minoribus de Observantia id non licet. ibid. Testamentarii executores Religiosi tenentur reddere rationem Episcopo. ibid.

Testes esse non est prohibitum in iure Religiosis. c.9. n.10. Etiam in testamento, in quo aliquid relinquatur Monasterio. ibid. Testis falsus perpetuò deponitur. ibid. n.42.

Testes Regulares in ipsorū Regulariū causis quomodo interrogandi. c.27. n.11. Iuridicè interrogati tenentur veritatē dicere. ibid. Nūquam possunt mentiri. ibid. Nec dicere ea, quæ sciunt per Sacramentalem Cōfessionem. ibid. Nec ea quæ sciunt sub secreto. ibid. Nisi quando id cedit in damnum aliorum. ibid. Nec tenentur dicere ea, quæ à non fide digno, aut appassionato audierunt. ibid. Nec testificari cum suo notabili damno. ibid. Testes oculares qui sint. ibid. n.15. Testes contestes qui. ibid. Testes omni exceptione maiores, qui. ibid. Testes singulares, & testes non omni exceptione maiores, qui sint. ibid.

Testimonium ferre Regulares in causis civilibus non possunt ad id cogi, nisi quando veritas aliter haberi non potest. c.11. n.24. In causa etiā sanguinis, nisi pro defensione, non possunt cogi. ibid. Si tamen velint transire aliquid per duanam tenentur iurare, & ad mentem emptorum gabellarum. ibid. n.25.

Tortura dari potest Religiosis. c.18. n.17. Quæ tortura. ibid.

Transferre Religiosum de una Provincia ad aliam pertinet ad Generalem, sicut de uno Conventu ad alium ad Prouincialem. c.18. n.91.

Id

Id tamen sine causa fieri non debet. ibid.

Transitus Religiosus ex una Religione ad aliam non licet sine magna causa. c. 22. nu. 1. Causa tamen legitima posita, & cum aliquibus conditionibus licet. ibid. n. 2. Prima, quod non fiat temerè, ex leuitate, aut cū iactura Religionis, à qua receditur. ibid. n. 3. Secunda, petitio licentie à Superiore. ibid. n. 4. Tertia, quod transitus sit ad perfectiorem Religionem. ibid. num. 5. Quarta, quod hoc non sit illi prohibitum. ibid. n. 6. Prima, & secunda conditionis defectus non irritat transitum. ibid. n. 7. Defectus tertia irritat illum. ibid. Defectus verò quarta aliquando irritat, aliquando non. ibid. Transire ad Religionem aequè perfectam qualiter. Speciat ad Papam. ibid. n. 8. Et ex causa Prælati ipso inferioribus. ibid. n. 9. Ad transitum ad strictiorem Prælati concedunt licentiam. ibid. n. 10. Probabiliter etiam ad laxiorem, causa legitima. ibid. n. 11. Ut concedatur transitus, certus debet esse Prælatus, quod alia Religio vult acceptare Religiosum. ibid. n. 15. Admittentes fratres alterius Ordinis præter ordinem iuris, grauiter peccant. ibid. n. 24. Totus etiam Conuentus potest transire ad arctiorem Religionem. ibid. n. 27.

Translatus de una Religione in aliam debet esse Nouitius in ea. c. 22. n. 16. Et de nouo profiteri. ibid. Quem locum debet habere. ibid. n. 17. Si reuertatur vnde exiuit acceptandus est. ibid. n. 18. Translatus modo legitimo non tenetur ad obseruantias

prioris Religionis, neque ad Vota specialia ipsius. ibid. n. 19. Nec est capax Beneficij secularis. ibid. n. 20. Et, si est ex Mendicantibus priuatur voce, & loco, & non potest assumi ad Officia. ibid. n. 21. Translatus illegitimè non est verè apostata, sed fugitiuus. ibid. n. 22. Bona translatorum ad quæ pertineant. ibid. n. 23. Translatus de una Religione in aliam semper debet manere in claustris. ibid. n. 29.

Treremium pena licitè infligitur Religiosis. c. 16. nu. 32. Ministri illos verberantes si modum non excedant non incidunt in excommunicationem. ibid. Ex treremibus redeuntes non admittuntur ad Altare sine dispensatione. ibid. A quo talis dispensatio concedenda. ibid. Tutelam alicuius persona prohibitum est Religiosis suscipere. c. 9. nu. 17. Tutelam tamen legitimam, quæ lege deseruitur consanguineis non videtur prohiberi Religiosis. ibid.

V

V *Aletudinarium in singulis Conuentibus instituendum. c. 10. num. 20.*

Venari, aut interesse venationibus prohibitum est Religiosis. cap. 9. n. 20. Quando autem non fuerit scandalum, aut alia praua circumstantia non videtur mortale. ibid.

Venia alia confiteri possunt obligari ex Regula Religiosi. c. 7. n. 21.

Vicarij Conuentuum, qui in ipsis non habent Superiorem sunt veri Prælati. c. 18. nu. 3. Secus verò de alijs Vicarijs, seu alio nomine vocatis,

tis, qui in Conuentibus Superiorem supra se habent. ibid. Vicarij Monialium non sunt Prælati ipsarum. c. 25. n. 2.

Vicarij Episcopalis munus an possit exercere Religiosus. c. 9. n. 14.

Virgines, seu non virgo an eligi possit in Abbatissam. c. 26. n. 5.

Vinum cum aqua temperatum debent bibere Religiosi. c. 9. n. 38. Nec alios in conuiuijs ad bibendum mutare. ibid. Nec ingredi tabernas. ibidem. Ebriorum pœna ibid.

Visitare debent Generales, et Provinciales, Prouincias, & Conuentus. c. 18. n. 68. & 92. c. 17. n. 1. Non possunt delegare hanc facultatem alicui extraneo extra Ordinem. c. 18. n. 92. Absolutiones, & dispensationes quibuslibet concedit quantum valent. ibid. Qualitas in Visitationibus præteriri debent Prælati Religiosi. c. 27. n. 1.

Visitandi continentiam obseruantes. c. 25. n. 47.

Vita communis maximè necessaria Religiosis. c. 6. n. 7. Maximè etiam illis commendata ab Ecclesia in Concilijs, & Decretis SS. PP. ibid. n. 7. & sequentibus. An illam non obseruantes sint Proprietarij, & Proprietariorum pœnis plectendi. ibid. n. 60. Prælati, qui non curant illam obseruare sunt in malo statu. c. 13. n. 14. Etiam in cibo potu, & alijs rebus obseruanda est à Prælati. ibid. n. 72.

Votum Castitatis. Vide verbo Castitas.

Votum Obedientie, Vide verb. Obedientia, & verbo Obedire.

Votum Paupertatis. Vide verbo Pau-

peras, verbo Peculium, & verbo Proprium, & Proprietas.

Vota ad minus tria requiruntur ad essentiam status Religiosi. c. 2. n. 1. Ex vi illorum non est tam suauis, quàm Religionis Religiosus. ibid. Etiam vota, quæ emittunt Milites Sancti Iacobi, Sancti Ioannis, &c. illos constituunt Religiosos. ibidem. n. 2. Vota etiã simplicia, quæ emittunt Patres Societ. Iesu post dispensationem. ibid. v. 3. Votum ingrediendi Religionem licitum est, & bonè stit. c. 14. n. 27. Quid debeat facere, qui tale votum fecit. ibid.

Vota, & Promissiones factæ à Populo, seu Communitatibus tenentur obseruare Regulares ibi existentes. c. 11. n. 13.

Vota Monialium non dissensunt, nec committuntur à Prælatissis, seu Priorissis, &c. ibid. n. 5. Non possunt ab illis c. 26. n. 1.

Vota Regularium irritantur à Superioribus. c. 18. n. 47. Non solum indirectè, sed etiam directè. ibid. Etiam illa, quæ sunt circa materiam preceptorum. ibid. Etiam facta cum licentia eorundem Superiorum. ibid. Excepto Voto transgredi ad arctiorem Religionem. ibid. Etiam Vota Nouitiorum. ibid. Committuntur etiam eadem Vota à Superioribus. ibid. n. 48. Et dispensantur ea, quæ possunt dispensare Episcopi. ibid. n. 49. Secus in Votis reseruat. ibid. Bene tamen Vota transgredi ad strictiorem Religionem. ibid. n. 50. Requiritur semper causa. ibid. n. 51. Vota Prælatorum à quo dissensunt. ibid. n. 52. Vota essentialia Religionis nullatenus dispens-

I N D E X.

- Spensantur à Superioribus . ibid. Vsus irrevocabilis alicuius rei non*
num. 54. potest concedi Religiosis. c. 6. n. 26.
Vota secularium Episcopo reservata,
an dispensari possint à Confessarijs
Regularibus. c. 19. n. 22. Ad minus
possunt commutari ab aliquibus ip-
sorum. ibid. n. 23. Vota autem Papa
reservata quando perfecta sunt nec
dispensari, nec commutari possunt
à Regularibus Confessarijs. ibidem.
n. 24. Quando vero talia non fue-
runt, possunt commutari. ibid.
- Vsus facti quid sit. c. 6. n. 2. Vsus Iu-*
ris quid sit. ibid. Vsus facti quid sit.
ibid. Vsufructu, & usu Iuris pri-
uatur Religiosus per Paupertatem.
ibid. Non tamen priuatur usu fa-
cti, nec iste opponitur Paupertati
Religiosa. ibid.

F I N I S.





